

古文辭類纂

冊 下

世 界 書 行 印



廣
注
古

文



纂
下
冊

姚
宋
章
品

鼎
如
榮
注
釋
纂



世
界
書
局
印
行



秦始皇初并天下議帝號令

秦初并天下。令丞相御史曰。異日韓王納地效璽。請為藩臣。已而倍約。與趙魏合從畔秦。故與兵誅之。虜其王。寡人以為善。庶幾息兵革。趙王使其相李牧來約盟。故歸其質子。已而倍盟。反我太原。故與兵誅之。得其王。趙公子嘉乃自立為代王。故舉兵擊滅之。魏王始約服入秦。已而與韓趙謀襲秦。秦兵吏誅。遂破之。荆王獻青陽以西。已而畔約。擊我南郡。故發兵誅。得其王。遂定荆地。燕王昏亂。其太子丹乃陰令荆軻為賊。兵吏誅滅其國。齊王用后勝計。絕秦使。欲為亂。兵吏誅虜其王。平齊地。寡人以眇眇之身。與兵誅暴亂。賴宗廟之靈。六王咸伏其辜。天下大定。今名號不更。無以稱成功。傳後世。其議帝號。

【註音】(璽)音徙(倍)同背(質)音致(眇)音藐

【釋義】
 ①秦。嬴姓。始皇名政。莊襄之子。在位三十七年。
 ②猶言前時。
 ③名安。桓惠王之子。六年。使韓非納地效璽於秦。請為藩臣。九年。秦虜韓王。盡入其地。為潁川郡。
 ④趙王名偃。孝成王之子。是為悼襄王。
 ⑤趙北邊良將。常居代雁門。備匈奴。匈奴十餘年。不取犯趙邊。又大破秦軍。以功封武安君。秦患之。多與嬖臣郭開金。使言牧欲反。趙王遂斬牧。
 ⑥質子。所以取信。
 ⑦悼襄王卒。子幽繆王遷立。八年。秦滅趙。虜王遷。
 ⑧悼襄王子。遷既被虜。邯鄲入秦。趙之亡大夫。因共立嘉為代王。六年。秦兵破嘉。遂滅趙。
 ⑨名假。景湣王之子。三年。秦灌大梁。虜王假。魏遂滅。
 ⑩楚王也。名負芻。哀王之庶兄。殺其弟哀王而自立。
 ⑪今安徽青陽縣地。
 ⑫秦置。與楚相接。五年。秦滅楚。虜王負芻。置楚郡。
 ⑬名喜。孝王子。二十七年。太子丹使荆軻獻督亢地圖於秦。因襲刺秦王。秦王覺。殺軻。使王翦擊燕。二

十九年。秦攻拔薊。燕王亡徙居遼東。斬丹以獻秦。二十二年。秦拔遼東。虜燕王喜。燕遂滅。名建。襄王子。四十四年。秦兵擊齊。齊王聽相后勝計。不議。以兵降秦。秦虜王建。遷之共。遂滅齊。小也。

漢高帝入關告諭

父老苦秦苛法久矣。誹謗者族。二偶語者棄市。三吾與諸侯約。四先入關者王之。吾當王關中。與諸父老約法三章耳。殺人者死。傷人及盜抵罪。餘悉除去。秦法吏民皆案堵如故。五凡吾所以來。為父老除害。非有所侵暴。毋恐。且吾所以軍霸上。六待諸侯至而定約束耳。

【註音】（誹）音非（堵）音賭

【釋義】一高帝姓劉。名邦。字季。沛人。以亭長起兵。滅秦平項。而定大業。國號漢。在位十二年。二史記始皇本紀。（以古非今者族。）族者。罪及父母妻子也。三史記始皇本紀。（有敢偶語詩書棄市。）棄市。為死刑也。古者刑人於市。棄其屍。以示與眾共棄之意。四史記（高帝本紀。）秦二世三年。楚懷王令沛公西略地。入關。與諸侯約。先入定關中者王之。五言秩序安定如牆堵也。六即白鹿原。在陝西長安縣東。
【諸家集評】真西山曰告諭之語財百餘言而暴秦之弊為之一洗所謂若時雨降民大悅者也。

漢高帝二年發使者告諸侯伐楚

天下共立義帝。北面事之。今項羽放殺義帝於江南。大逆無道。寡人親為發喪。諸侯皆編素。悉發關中兵。收三河土。南浮江漢以下。願從諸侯王擊楚之殺義帝者。

【釋義】一楚懷王之孫。名心。高祖起兵。與項梁共尊為楚懷王。秦既破。項羽入關。尊為義帝。已而擊殺之於江中。二喪服。三關中。即秦地。其地東有函谷關。西有散關。南有武關。北有蕭關。在四關之中。故稱關中。四謂河內。

河南。河東。二郡也。⑤長江。漢水。

漢高帝五年赦天下令

兵不得休八年。萬民與苦甚。今天下事畢。其赦天下殊死以下。

〔釋義〕①斬刑也。

〔諸家集評〕真西山曰。令才數語而事理曲盡。足見漢詔簡嚴之體。

漢高帝令吏善遇高爵詔

七大夫。公乘^二以上。皆高爵也。諸侯子^三及從軍歸者。甚多高爵。吾數詔吏先與田宅。及所當求於吏者。亟與^四。爵或人君^五。上所尊禮^六。久立吏前。曾不為決。甚亡^{*}謂也。異日秦民爵公大夫以上。令丞與亢禮^七。今吾於爵非輕也。吏獨安取此。且法以有功勞。行田宅^八。今小吏未嘗從軍者多滿^九。而有功者顧不得。背公立私。守尉長吏。教訓甚不善。其令諸吏善遇高爵。稱吾意。且廉問。有不如吾詔者。以重論^二之。

〔註音〕(亟)音棘(七)同無

〔釋義〕①爵次第七。②爵次第八。③諸侯國人。④急也。⑤指爵高有國邑者。⑥指天子。⑦行敵體禮也。⑧付與田宅也。⑨謂多田宅。⑩守。郡守尉。郡尉。長吏。縣之令長。⑪重論其罪。

漢高帝六年上太公尊號詔

人之至親。莫親於父子。故父有天下。傳歸於子。子有天下。尊歸於父。此人



道之極也。前日天下大亂。兵革並起。萬民苦殃。朕親披堅執銳。自帥士卒。犯危難。平暴亂。立諸侯。偃兵息民。天下大安。此皆太公之教訓也。諸王通侯將軍卿大夫。已尊朕為皇帝。而太公未有號。今上尊太公曰太上皇。

〔釋義〕 ①太公。高帝父。②甲冑。③利兵。④息兵不用也。⑤太上。極尊之稱也。皇。君也。天子之父。故號曰皇。不預治國。故不言帝也。

漢高帝十一年求賢詔

蓋聞王者莫高於周文。伯者莫高於齊桓。皆待賢人而成名。今天下賢者智能。豈特古之人乎。患在人主不交故也。士奚由進。今吾以天之靈。賢士大夫。定有天下。以為一家。欲其長久。世世奉宗廟。亡絕也。賢人已與我共平之矣。而不與我共安利之。可乎。賢士大夫。有肯從吾游者。吾能尊顯之。布告天下。使明知朕意。御史大夫昌。下相國。相國鄼侯。下諸侯王。御史中執法。下郡守。其有意稱明德者。必身勸。為之駕。遣詣相國府。署行義年。有而弗言。覺免。年老癯病。勿遣。

〔註音〕 (伯)讀曰霸(鄼)音贊(署)常恕切(癯)音隆
 〔釋義〕 ①周昌也。沛人。從漢王入關破秦。後封汾陰侯。②即蕭何。③中丞。④題字。⑤行狀。⑥讀如儀。儀容也。
 ⑦疲病。

漢文帝元年議振貸詔

方春和時。草木羣生之物。皆有以自樂。而吾百姓鰥寡。孤獨窮困之人。或

陸於死亡而莫之省憂。爲民父母。將何如其議所以振貸之。

〔註音〕（陸）音店

〔釋義〕
①文帝名恆。高帝中子。初封代王。周勃平諸呂之亂。迎而立之。帝務以德化民。敦樸爲天下先。在位二十三年。
②無妻曰鰥。
③無夫曰寡。
④幼而無父曰孤。
⑤老而無子曰獨。
⑥顛危之意。
⑦救濟也。
⑧借也。

漢文帝元年賜南粵王趙佗書

皇帝謹問南粵王。甚苦心勞思。朕高皇帝側室之子。棄外奉北。藩於代。道里遼遠。壅蔽樸愚。未嘗致書。高皇帝棄羣臣。孝惠皇帝卽世。高后自臨事。不幸有疾。日進不衰。以故諄暴乎治。諸呂爲變。故亂法。不能獨制。乃取他姓子。爲孝惠皇帝嗣。賴宗廟之靈。功臣之力。誅之已畢。朕以王侯吏不釋之故。不得不立。今卽位。乃者聞王遺將軍隆慮侯書。求親昆弟。請罷長沙兩將軍。朕以王書罷將軍博陽侯。親昆弟在真定者。已遣人存問。修治先人塚。前日聞王發兵於邊。爲寇災不止。當其時。長沙苦之。南郡尤甚。雖王之國。庸獨利乎。必多殺士卒。傷良將吏。寡人之妻。孤人之子。獨人父母。得一亡十。朕不忍爲也。朕欲定地。犬牙相入者。以問吏。吏曰。高皇帝所以介長沙土也。朕不得擅變焉。吏曰。得王之地。不足以爲大。得王之財。不足以爲富。服領以南。王自治之。雖然。王之號爲帝。兩帝並立。亡一乘之使。以通其道。是爭也。爭而不讓。仁者不爲也。願與王分棄前患。終今以來。通使如

故。故使賈^{一四}馳諭告王朕意。王亦受之。毋為寇災矣。上^{一五*}褚五十衣。中褚二十衣。下褚二十衣。遺王。願王聽樂娛憂。存問鄰國。

【註音】（詩）音勃（褚）張呂切

【釋義】①真定人趙佗。秦時為南海龍川令。秦滅。自立為南越武王。高帝定天下。遣陸賈立佗為南粵王。②文帝。薄姬所生。③文帝於高帝十一年封於代為代王。④名盈。高帝子。后呂所生。在位七年歿。⑤即呂雉。惠帝母。⑥指呂產。呂祿輩。⑦孝惠在位無嗣。呂后取後宮美人子為太子。孝惠歿。立為帝。是為少帝。呂後族廢之。更立後宮子弘為帝。實皆呂氏子也。⑧周竈。高后所遣擊佗者。⑨漢置國。其地包今湖南省。⑩周聚也。⑪地形如犬牙。交相入也。⑫謂南服。⑬即大庾嶺。⑭陸姓。時為大中大夫。⑮以綿裝衣曰褚。

漢文帝元年議犯法相坐詔

法者。治之正。所以禁暴而衛善人也。今犯法者已論。而使無罪之父母妻子同產坐之。及收。朕甚弗取其議。朕聞之。法正則民^{二*}慤。罪當則民從。且夫牧民而道之以善者吏也。既不能道。又以不正之法罪之。是法反害於民。為暴者也。朕未見其便。宜孰^{*}計之。

【註音】（慤）克角切（孰）同熟
【釋義】①相坐。言一人有罪。室家連坐也。②慤。誠也。言民誠慤則不于法。

漢文帝二年除誹謗法詔

古之治天下。朝有進善之旌。誹謗之木^二。所以通治道而來諫者也。今法有誹謗^{*}詆言之罪。是使衆臣不敢盡情。而上無由聞過失也。將何以來遠方之賢良。其除之。民或祝^{*}詛^{三*}上。以相約結而後相^{四*}謾。吏以為大逆。其有他言。

而吏又以為誹謗。此細民之愚。無知抵死。朕甚不取。自今以來。有犯此者。勿聽治。

【註音】(詆)同應(祝)音晝(詛)阻去聲(以)同已(謾)音瞞

【釋義】(旌)幡也。堯設旌五達之道。令民進善者立於旌下言之。(堯)立木為表。使民書政治之愆失。以自儆者。(以)言告神曰祝。請神加殃曰詛。(欺)欺也。

漢文帝二年日食詔

朕聞之。天生民。為之置君。以養治之。人主不德。布政不均。則天示之災。以戒不治。迺十一月晦。日有食之。適見於天。災孰大焉。朕獲保宗廟。以微眇之身。託於士民君王之上。天下治亂。在予一人。惟二三執政。猶吾股肱也。朕下不能治育羣生。上以累三光之明。其不德大矣。令至。其悉思朕之過失。及知見之所不及。句以啓告朕。及舉賢良方正。能直言極諫者。以匡朕之不逮。因各敕以職任。務省繇費。以便民。朕既不能遠德。故憫然念外人^五之有非。是以設備未息。今縱不能罷邊屯戍。又飭兵厚衛。其罷衛將軍軍。太僕見馬遺財足。餘皆以給傳置^七。

【註音】(適)讀謫(句)音益(繇)同徭(憫)閑上聲

【釋義】(責)責也。(日月星)日月星也。(乞)乞也。(不安貌)不安貌。(姦非也)姦非也。(宋昌所領之軍也)宋昌所領之軍也。文帝元年以宋昌為衛將軍。
⑦傳。傳舍置驛也。

漢文帝前六年遺匈奴書

皇帝敬問匈奴大單于無恙。使郎中係^{*}虐^二淺^二遺朕書云。願寢兵休士。除前事。復故約。以安邊民。世世平樂。朕甚嘉之。此古聖王之志也。漢與匈奴約為兄弟。所以遺單于甚厚。背約離兄弟之親者。常在匈奴。然右賢王事^三已在赦前。勿深誅。單于若稱書意。明告諸吏。使無負約有信。敬如單于書。使者言單于自將并國^四有功。甚苦兵事。服繡^{*}袷^{*}綺衣^五長襦^{*}錦袍各一。比^{*}疎^六一。黃金飭具帶^七一。黃金犀毗^八一。繡十匹。錦二十匹。赤綈^九綠^{一〇}繒各四十匹。使中大夫意。謁者令肩遺單于。

【註音】(虐)同乎(袷)音夾(襦)音儒(比)音避(毗)頻脂切(綈)音弟(繒)慈陵切

【釋義】①匈奴君長之稱。②匈奴使者之名。③文帝二年夏。右賢王入寇河南。④言西破月氏也。⑤衣之無絮者曰袷。繡袷綺衣。以繡為表。綺為裏。⑥即今之篋梳。⑦腰中大帶。⑧胡帶之鉤。犀骨為之。⑨厚繒之滑澤者。⑩帛也。

【諸家集評】真西山曰此書先責匈奴違約次諭以事在赦前勿深誅又曰單于若能明告諸吏使無負約然後可和使單于所言誠耶固不逆其善意使所言偽耶亦不墮其詐謀抑揚開闔皆有法焉至遺之以物又以其自將苦兵為辭非畏而賂之也即此一書可見文帝御夷狄之道矣

漢文帝十三年除肉刑詔

蓋聞有虞氏之時。畫衣冠異章服。以為戮。而民弗犯。何治之至也。今法有肉刑^三。而姦不止。其咎安在。毋乃朕德之薄。而教不明與。吾甚自愧。故夫訓道不純。而愚民陷焉。詩曰。愷悌君子。民之父母。今人有過。教未施而刑已加焉。或欲改行為善。而道亡^{*}繇^{*}至。朕甚憐之。夫刑至斷支體。刻肌膚。終

身不息。何其刑之痛而不德也。豈稱爲民父母之意哉。其除肉刑。有以易之。

〔註音〕（絲）同由

〔釋義〕①齊太倉令淳于公有罪當刑。逮繫長安。其少女緹縈上書。願沒入爲官婢。贖父刑罪。書奏。文帝感悟。乃下詔除肉刑。②〔晉書刑法志〕三皇設言而民不違。五帝畫衣冠而民知禁。犯黥者卑其中。犯劓者丹其服。犯贖者墨其體。犯宮者雜其屨。大辟之罪。殊刑之極。布其衣裾而無領緣。投之於市。與衆棄之。③黥劓刑也。

漢文帝十四年增祀無祈詔

朕獲執犧牲珪幣^一以祀上帝宗廟。十四年於今。歷日彌長。以不敏不明。而久撫臨天下。朕甚自愧。其廣增諸祀壇場珪幣^二。昔先王遠施不求其報。望祀不祈其福。右賢左戚。先民後己。至明之極也。今吾聞祀官祝釐^四皆歸福於朕躬。不爲百姓。朕甚媿之。夫以朕之不德。而專鄉^五獨美其福。百姓不與焉。是重吾不德也。其令祀官致敬。無有所祈。

〔註音〕（珪）音圭（釐）音禧（鄉）同向

〔釋義〕①牛羊之屬。②珪。玉也。幣。帛也。皆祭神時用之。③築土爲壇。除地爲場。爲祀神之所。④福也。⑤享受也。

〔諸家集評〕真西山曰十三年夏詔謂百官之非皆由朕躬今祈祝之官移過於下以彰吾之不德朕甚不取其除之文帝過則自歸福則衆共帝王之用心也

漢文帝後元年求言詔

間者數年比不登。又有水旱疾疫之災。朕甚憂之。愚而不明。未達其咎。意

者朕之政有所失。而行有過與。乃天道有不順。地利或不得。人事多失和。鬼神廢不享與。何以致此。將百官之奉養或費。無用之事。或多與。何其民食之寡乏也。夫度田非益寡。而計民未加益。以口量地。其於古猶有餘。而食之甚不足者。其咎安在。無乃百姓之從事於末。以害農者蕃。爲酒醪。以靡穀者多。六畜之食焉者衆與。細大之義。吾未能得其中。其與丞相列侯吏二千石博士議之。有可以佐百姓者。率意遠思。無有所隱。

【註音】（與）讀歟（醪）音勞

【釋義】①猶頻也。②古以農業爲本。工商爲末。③酒之有滓者。

漢文帝後二年遺匈奴書

皇帝敬問匈奴大單于無恙。使當戶且渠雕渠難。郎中韓遼。遺朕馬二匹。已至。敬受。先帝制。長城以北。引弓之國。受令單于。長城以內。冠帶之室。朕亦制之。使萬民耕織射獵衣食。父子毋離。臣主相安。俱無暴虐。今聞喋惡民。貪降其趨。背義絕約。忘萬民之命。離兩主之驩。然其事已在前矣。書云。二國已和親。兩主驩說。寢兵休卒。養馬。世世昌樂。翕然更始。朕甚嘉之。聖者日新。改作更始。使老者得息。幼者得長。各保其首領。而終其天年。朕與單于。俱繇此道。順天恤民。世世相傳。施之無窮。天下莫不咸嘉使。漢與匈奴鄰敵之國。匈奴處北地寒。殺氣早降。故詔吏遺單于氍毹。金帛綿絮。它

物。歲有數。今天下大安。萬民熙熙。獨朕與單于爲之父母。朕追念前事。薄物細故。謀臣計失。皆不足以離昆弟之驩。朕聞天不頗覆。地不偏載。朕與單于。皆捐細故。俱蹈大道也。墮壞前惡。以圖長久。使兩國之民。若一家子。元元萬民。下及魚鼈。上及飛鳥。跂行喙息蠕動之類。莫不就安利。避危殆。故來者不止。天之道也。俱去前事。朕釋逃虜民。單于毋言章尼等。朕聞古之帝王。約分明而不食言。單于留志。天下大安。和親之後。漢過不先。單于其察之。

〔註音〕(濞)音泄(驩)同歡(說)讀悅(翕)音吸(絲)同由(秣)音術(藥)音孽(它)同他(頗)音坡(跂)音歧(喙)虎穢切(蠕)音需

〔釋義〕●當戶且渠一人爲二官。雕渠難。其姓名也。●邪惡不正之民。●謂下趨於利也。●時初弼單于稽立。文帝復遣宗人女翁主爲單于閼氏。●合也。●秣。稷之黏者。可釀酒。麩也。所以釀酒者。●和也。●偏也。●善也。元元萬民。猶言善愛萬民。●有足而行者。指獸類。●以口出氣者。指鳥類。●蠕。動貌。指蟲類。●漢人逃入匈奴者。●單于之歸降漢者也。●不踐其言也。

〔諸家集評〕真西山曰大哉王者之言非後世所及也

漢景帝後二年令二千石修職詔

雕文刻鏤。傷農事者也。錦繡纂組。害女紅者也。農事傷。則饑之本也。女紅害。則寒之原也。夫饑寒並至。而能亡爲非者寡矣。朕親耕。后親桑。以奉宗廟。粢盛祭服。爲天下先。不受獻。減太官省徭賦。欲天下務農蠶。素有蓄積。以備災害。彊毋攘弱。衆毋暴寡。老者以壽終。幼孤得遂。長今歲或不登。民

食頗寡。其咎安在。或詐僞為吏。吏以貨賂為市。漁奪百姓。侵牟萬民。縣丞。長吏也。奸法與盜盜甚無謂也。其令二千石各修其職。不事官職耗亂者。丞相以聞。請其罪。布告天下。使明知朕意。

【註音】（鏤）音漏（紅）讀工（桑）音咨（威）音成（徭）音遙（暴）同暴（耗）同耗讀帽

【釋義】①景帝。名啓。文帝之子。節儉愛民。有文帝之風。在位十六年。文景之世。漢代最盛之時也。②織物似組而赤者。③綬屬也。④黍稷曰粢。在器曰盛。⑤掌御飲食。⑥役也。⑦取也。⑧六十日者。⑨成也。⑩牟。食苗根之蟲。猶言吏之食民也。⑪因法作奸也。⑫共盜為盜。⑬不明也。



漢武帝元朔元年議不舉孝廉者罪詔

公卿大夫。所使總方略。壹統類。廣教化。美風俗也。夫本仁祖義。褒德錄賢。勸善刑暴。五帝三王所繇昌也。朕夙興夜寐。嘉與宇內之士。臻於斯路。故旅者老。復孝敬。選豪俊。講文學。稽參政事。祈進民心。深詔執事。與廉舉孝。庶幾成風。紹休聖緒。夫十室之邑。必有忠信。三人並行。厥有我師。今或至闔郡而不薦一人。是化不下究。而積行之君子。壅於上聞也。二千石官長。紀綱人倫。將何以佐朕燭幽隱。勸元元。勵蒸庶。崇鄉黨之訓哉。且進賢受上賞。蔽賢蒙顯戮。古之道也。其與中二千石。禮官博士。議不舉孝廉者罪。
【釋義】 ①武帝名徹。景帝中子。表章六籍。拓土開疆。為漢代英主。在位五十四年。 ②至也。 ③敬之如賓。 ④免其徭役也。 ⑤《論語》子曰。十室之邑。必有忠信如丘者焉。 ⑥《論語》子曰。三人行。必有我師焉。擇其善者而從之。其不善者而改之。 ⑦郡之守尉。縣之令長。 ⑧猶衆庶。謂民也。

漢武帝元狩二年報李廣詔

將軍者。國之爪牙也。司馬法曰。登車不式。遭喪不服。振旅撫師。以征不服。率三軍之心。同戰士之力。故怒形則千里竦威。振則萬物伏。是以名聲暴於夷貉。威稜愴乎鄰國。夫報忿除害。捐殘去殺。朕之所圖於將軍也。若迺

免冠徒跣^一稽顙^二請罪。豈朕之指哉。將軍其率師東轅。彌節^八白檀^九以臨右北平。盛秋^二。

【註音】（竦）音聳（絡）音陌（稜）音倫（愴）音淡（跣）蘇典切（顙）桑上聲

【釋義】①李廣免官。居藍田南山中。一日夜獵。被霸陵尉醉呵。止宿亭下。及廣拜右北平太守。請霸陵尉與俱。斬之上書謝罪。上故以是報之。②「詩小雅」祈父。予王之爪牙。爪牙以為捍衛。故以為將士之喻。③兵書名。秦司馬穰苴所著。④驚也。⑤北狄。⑥稜。芒角也。⑦動也。⑧彌。少息也。言少駐而後進。⑨今熱河承德縣。⑩今河北盧龍等縣地。⑪盛秋馬肥。恐虜為寇。故令戒嚴。即後世所謂秋防者是。

漢武帝元狩六年封齊王策

惟元狩六年。四月乙巳。皇帝使御史大夫湯。廟立子闕為齊王。曰。嗚呼小子。闕。受茲青社^二。朕承天序。惟稽古建爾國家。封於東土。世為漢藩輔。嗚呼。念哉。共朕之詔。惟命不于常人之好德。克明顯光。義之不圖。俾君子怠^四。悉爾心。允執其中。天祿永終。厥有愆不臧。迺凶於乃國。而害於爾躬。嗚呼。保國又民。可不敬與。王其戒之。

【註音】（共）讀恭（與）讀歟

【釋義】①齊王名闕。武帝之子。王夫人所生。②王者以五色土為大社。封四方諸侯。各以其方色土與之。苴以白茅。歸以立社。青。東方色。齊在東方。故曰受茲青社。③言天命無常。惟德是輔。④言不圖於義。則君子懈怠。而不歸附也。⑤言能盡爾心也。⑥中。即中和之德。⑦言能永保天祿。⑧乃。汝也。⑨又。治也。

漢武帝元狩六年封燕王策

嗚呼小子。曰。受茲玄社^二。建爾國家。封於北土。世為漢藩輔。嗚呼。薰鬻^三氏虐

老獸心。以姦巧邊^{四*}。眈朕命將率^五。徂征厥罪。萬夫長。千夫長。三十有二帥^六。降旗奔師。薰鬻徙域^八。北州以綏^九。悉爾心。毋作怨。毋作^十。德。毋廢^{十一}。迺備。非教士不得從^{十二}。徵王其戒之。

【註音】(眈)音萌(率)同帥(斐)古匪字

【釋義】①燕王。名旦。武帝子。李姬所生。②玄。北方色。燕在北方。故曰玄社。③古匈奴號。④民也。⑤往也。⑥時獲三十二帥。⑦指昆邪王之降。⑧匈奴徙於漠北。⑨安也。⑩言非教習有素之軍士。不得徵發。

漢武帝元狩六年封廣陵王策

嗚呼小子胥。受茲赤社^二。建爾國家。封於南土。世為漢藩輔。古人有言曰。大江之南。五湖之間。其人輕心。揚州保疆。三代要服^三。不及以正^{四*}。嗚呼。悉爾心。祗祗^五。兢兢^六。迺順。毋^七。桐好逸。毋^八。爾宵人。惟法惟則。書云。臣不作福。不作威。靡有後羞。王其戒之。

【註音】(正)同政(桐)音通

【釋義】①廣陵王。名胥。武帝子。李姬所生。②赤。南方色。廣陵在南方。故曰赤社。③離王畿一千五百里之地。域。謂之要服。④言不及以改正之。⑤敬也。⑥謹慎也。⑦輕脫之貌。

漢武帝元鼎六年敕責楊僕書

將軍之功。獨有先破石門^一。尋陘^{二*}。非有斬將^三。騫旗之實也。烏足以驕人哉。前破番禺^{四*}。捕降者以為虜。掘死人以為獲。是一過也。建德^五。呂嘉^六。逆罪不容於天下。將軍擁精兵不窮追。超然以東。越為援。是一二過也。士卒暴露連歲。為

朝會不置酒。將軍不念其勤勞。而造佞巧。請乘傳行塞。因用歸家。懷銀黃九垂三組一〇。夸鄉里。是三過也。失期內顧。以道惡為解。失尊尊之序。是四過也。欲請蜀刀一二。問君價幾何。對曰。率數百。武庫日出兵。而陽不知。挾偽于君。是五過也。受詔不至。蘭池宮一四。明日又不對。假令將軍之吏。問之不對。令之不從。其罪何如。推此心以在外。江海之間。可得信乎。今東越深入。將軍能率眾以掩過否。

【註音】(陘)同陝(騫)同攀(番)音潘(禺)音虞

【釋義】①楊僕。宜陽人。南越反。拜為樓船將軍。有功封將梁侯。東越反。武帝欲復使將。為其伐前勞。以書敕責之。②南越之險地名。③拔取也。④今廣東番禺縣。⑤南越王名。尉佗玄孫。⑥為南越與相。⑦謂僕不窮追。令建德得以東越為援也。⑧銀印。⑨金印。⑩組。印綬也。僕為主爵都尉。又為樓船將軍。并將梁侯三印。⑪因內顧妻子。致失會師之期。而以道路險惡為解說。⑫僕嘗為將。請官蜀刀。見「漢書注」。⑬犯也。⑭漢宮名。在渭城。今陝西咸陽縣東。

【諸家集評】真西山曰。武帝之所以警飭臣工。駕御將帥者。略見於救楊僕。賜嚴助等書。史稱其雄才大略。信矣夫。

漢武帝賜嚴助書

制詔會稽太守二。君厭承明之廬三。勞侍從之事。懷故土。出為郡吏。會稽東接於海。南近諸越。北枕大江。聞者闕焉。久不聞問。具以春秋對。毋以蘇秦縱橫。

【釋義】①嚴助。會稽吳人。郡舉賢良對策。武帝擢為中大夫。建元中。拜會稽太守。數年。不聞問。武賜以書。②會稽郡。治吳。今江蘇吳縣。太守。秩二千石。③侍從之臣所居之處。在石渠閣外。

漢武帝元封五年求賢詔

蓋有非常之功。必待非常之人。故馬或奔踈^一而致千里。士或有負俗之累。而立功名。夫要^{*}駕之馬^三。駢弛之士^四。亦在御之而已。其令州郡察吏民舉茂才異等。可為將相及使絕國者^五。

【註音】（踈）音第（要）方勇切（駢）音拓

【釋義】①言馬之不受羈勒者。②謂被世譏論也。③要。覆也。言馬有逸氣而不循軌轍也。④不自檢束之意。⑤謂極遠之國。

漢昭帝賜燕王璽書

昔高皇帝王天下。建立子弟。以藩屏社稷。先日。諸呂陰謀大逆。劉氏不絕。若髮。賴絳侯^二等誅討賊亂。尊立孝文。以安宗廟。非以中外有人。表裏相應。故耶。樊^三鄴^四曹灌^五攜劍推鋒。從高皇帝墾^{*}菑除害。耘耜海內。當此之時。頭如蓬葆^七。勤苦至矣。然其賞不過封侯。今宗室子孫。會無暴衣露冠之勞。裂地而王之。分財而賜之。父死子繼。兄終弟及。今王骨肉至親。敵吾一體。乃與他姓異族。謀害社稷。親其所疏。疏其所親。有逆悖之心。無忠愛之義。如使古人有知。當何面目復奉齊耐^{*八}。見高祖之廟乎。

【註音】（耐）音歷（菑）古災字（耐）音曹

【釋義】①昭帝。武帝少子。名弗陵。燕王。名旦。昭帝異母兄也。元鳳元年。旦與蓋邑長公主上官桀等謀反。帝以書責之。旋蓋主燕王皆自殺。②周勃也。③樊噲也。④酈商也。⑤曹參也。⑥灌嬰也。⑦言頭久不理。髮亂如蓬草。

封葆也。①重釀之酒。

漢宣帝地節四年子首匿父母等勿坐詔

父子之親。夫婦之道。天性也。雖有患禍。猶蒙死而存之。誠愛結於心。仁厚之至也。豈能違之哉。自今子首匿父母。妻匿夫。孫匿大父母。皆勿坐。其父母匿子。夫匿妻。大父母匿孫。罪殊死。皆上請廷尉以聞。

【釋義】①宣帝。名詢。武帝之曾孫。昭帝無後。霍光以其賢。迎立之。在位二十五年。②冒也。③言為謀首而藏匿罪人。④祖父母也。⑤連上而言。其罪在殊死者。殊。絕也。⑥廷尉。掌刑獄之官。猶之大理院。

漢宣帝元康二年令二千石察官屬詔

獄者。萬民之命。所以禁暴止邪。養育羣生也。能使生者不怨。死者不恨。則可謂文吏矣。今則不然。用法或持巧心。析律貳端。深淺不平。增辭飾非。以成其罪。奏不如實。上亦無由知。此朕之不明。吏之不稱。四方黎民。將何仰哉。二千石各察官屬。勿用此人。吏務平法。或擅興繇役。飾廚傳稱過使客。越職踰法。以取名譽。譬猶踐薄冰以待白日。豈不殆哉。今天下頗被疾疫之災。朕甚愍之。其令郡國被災甚者。毋出今年租賦。

【註音】(稱)去聲(繇)同徭(傳)去聲(愍)音閔

【釋義】①言分破律條。安生端緒。以出入人罪。②獄書任意添減。以增飾人非。③廚。謂飲食。傳。謂傳舍。飾之使豐厚也。④使人及賓客來者。稱其意而遺之。令過去而要名譽也。

漢宣帝神爵二年益小吏祿詔

吏不廉平。則治道衰。今小吏皆勤事。而奉^{*}祿薄。欲其毋侵漁百姓難矣。其益吏百石以下奉十五。

【註音】（奉）讀俸

【釋義】●言如食一斛。則益五斗。

漢元帝議律令詔

夫法令者。所以抑暴扶弱。欲其難犯而易避也。今律令煩多而不約。自典文者不能分明。而欲羅元元^二之不逮。斯豈刑中之意哉。其議律令可蠲^{*}除輕減者條奏。惟在便安萬姓而已。

【註音】（蠲）古玄字

【釋義】●元帝名奭。宣帝之子。在位十六年。●元元。民也。●言刑得其中。

【諸家集評】真西山曰考史所言元成雖有此詔徒文具而無施行之實

漢元帝建昭四年議封甘延壽陳湯詔

匈奴^{*}郅支^二單于。背畔禮義。留殺^三漢使者吏士。甚逆道理。朕豈忘之哉。所以優游而不征者。重動師衆。勞將卒。故隱忍而未有云也。今延壽湯睹便宜。乘時利。結城郭諸國。擅興師矯制而征之。賴天地宗廟之靈。誅討郅支單于。斬獲其首。及闕^{*}氏^四貴人名王以下千數。雖踰義干法。內不煩一夫之役。

不開府庫之藏。因敵之糧。以贍^{*}軍用。立功萬里之外。威震百蠻。名顯四海。為國除殘。兵革之原息。邊竟^{*}得以安。然猶不免死亡之患。罪當在於奉憲。朕甚閔之。其赦延壽湯罪勿治。詔公卿議封焉。

【註音】(郅)音質(闕)音煙(氏)音支(贍)時豔切(竟)同境

【釋義】●建昭二年冬。西域副校尉陳湯。矯制發兵。與都護甘延壽。襲擊匈奴郅支單于。于康居。斬之。帝赦其矯制之罪。封甘延壽為義成侯。長水校尉。賜陳湯爵關內侯。射聲校尉。●匈奴單于之名號。五單于之亂。郅支自立。會康居王怨烏孫。與郅支併力攻烏孫。為陳湯甘延壽等所襲殺。●宣帝時。郅支單于困辱漢使者江迺始等。元帝時。又殺漢使者谷吉。●匈奴皇后之號。

漢光武帝賜竇融璽書

制詔行河西五郡^三大將軍事。屬國都尉。勞鎮守邊五郡。兵馬精彊。倉庫有蓄。民庶殷富。外則折挫羌胡。內則百姓蒙福。威德流聞。虛心相望。道路隔塞。邑邑^四何已。長史^五所奉書獻馬。悉至。深知厚意。今益州^六有公孫子陽^七。天水有隗將軍^九。方蜀漢相攻。權在將軍。舉足左右。便有輕重。以此言之。欲相厚豈有量哉。諸事具長史所見。將軍所知。王者迭興。千載一會。欲遂立桓文^{一〇}。輔微國。當勉卒功業。欲三分鼎足。連衡合從。亦宜以時定。天下未并。吾與爾絕域。非相吞之國。今之議者。必有任囂^二效尉佗^三制七郡^三之計。王者有分土。無分民。自適已事而已。今以黃金二百斤。賜將軍。便宜輒言。

【註音】(隗)五賄切

【釋義】①光武帝。察陽人。名秀。字文叔。高祖九世孫。王莽篡立十四年。帝起兵誅莽。興復漢室。在位二十三年。②竇融。平陵人。字周公。時據有西河五郡。③即武威。張掖。酒泉。敦煌。金城是也。在匈奴南境。今陝西甘肅北境。④同悒悒。鬱悶也。⑤五年夏。融遣長史劉鈞奉書獻馬。⑥漢十二州之一。今四川省地。⑦名述。茂陵人。時據蜀。⑧漢郡名。治平襄。故城在今甘肅通渭縣西南。⑨名囂。字季孟。天水成紀人。時據隴。⑩齊桓公。晉文公也。周室衰微。桓文輔之。以霸天下。⑪謂與隗囂公孫述等連合以抗漢也。⑫秦時南海尉任囂。病且死。謂龍川令趙佗。南海數千里。可以立國。使行南海尉事。⑬蒼梧。鬱林。合浦。交趾。九真。南海。日南。

漢光武帝報臧宮馬武詔

黃石公記曰。柔能制剛。弱能制彊。柔者德也。剛者賊也。弱者仁之助也。彊者怨之歸也。故曰。有德之君。以所樂樂人。無德之君。以所樂樂身。樂人者。其樂長。樂身者。不久而亡。舍近謀遠者。勞而無功。舍遠謀近者。逸而有終。逸政多忠臣。勞政多亂人。故曰。務廣地者荒。務廣德者彊。有其有者安。貪人有者殘。殘滅之政。雖成必敗。今國無善政。災變不息。百姓驚惶。人不自保。而復欲遠事邊外乎。孔子曰。吾恐季孫之憂。不在顓臾。且北狄尙彊。而屯田警備。傳聞之事。恆多失實。誠能舉天下之半。以滅大寇。豈非至願。苟非其時。不如息人。

【註音】（顓）音專

【釋義】①宮。潁川邾人。字君翁。封朗陵侯。武。南陽湖陽人。字子張。封揚虛侯。二十七年。宮與武上書。乘匈奴災荒。出兵伐之。帝報以此詔。②即張良於下邳圯上。受黃石公一編書。故名黃石公記。③春秋時魯大夫。④國名。附庸於魯。

卷二十六 詔令類三

司馬長卿諭巴蜀檄

告巴蜀太守。蠻夷自擅不討之日久矣。時侵犯邊境。勞士大夫。陛下卽位。存撫天下。集安中國。然後興師出兵。北征匈奴。單于怖駭。交臂受事。屈膝請和。康居西越。重譯納貢。稽首來享。移師東指。閩越相誅。右弔番禺。太子入朝。南夷之君。西僊之長。常效貢職。不敢惰怠。延頸舉踵。喁喁然。皆鄉風慕義。欲爲臣妾。道里遼遠。山川阻深。不能自致。夫不順者已誅。而爲善者未賞。故遣中郎將往賓之。發巴蜀之士各五百人。以奉幣。衛使者不然。靡有兵革之事。戰鬪之患。今聞其乃發軍興制。驚懼子弟。憂患長老。郡又擅爲轉粟運輸。皆非陛下之意也。當行者或亡逃自賊殺。亦非人臣之節也。夫邊郡之士。聞烽舉燧燔。皆攝弓而馳。荷戈而走。流汗相屬。惟恐居後。觸白刃。冒流矢。議不反顧。計不旋踵。人懷怒心。如報私讐。彼豈樂死惡生。非編列之民。而與巴蜀異主哉。計深慮遠。急國家之難。而樂盡人臣之道也。故有剖符之封。析圭而爵。位爲通侯。居列東第。終則遺顯號於後世。傳土地於子孫。事行甚忠敬。居位甚安佚。名聲施於無窮。功烈著而不滅。是以賢人君子。肝腦塗中原。膏液潤野草。而不辭也。今奉幣役至南夷。卽自賊

殺。或亡逃抵誅。身死無名。諡爲至愚。恥及父母。爲天下笑。人之度量相越。豈不遠哉。然此非獨行者之罪也。父兄之教不先。子弟之率不謹。寡廉鮮恥。而俗不長厚也。其被刑戮。不亦宜乎。陛下患使者有司之若彼。悼不肖愚民之如此。故遣信使。曉諭百姓。以發卒之事。因數之以不忠死亡之罪。讓三老。孝弟以不教誨之過。方今田時。重煩百姓。已親見近縣。恐遠所谿谷山澤之民。不徧聞。檄到。亟下縣道。咸諭陛下意。毋忽。

【註音】(番)音潘(楚)蒲北切(噶)魚容切(鄉)同嚮(燔)音煩(弟)同悌

【釋義】①指南夷西楚。②西域國名。與大月氏同族。有今新疆北境及俄領中央亞細亞地。③語言之輾轉翻譯也。④獻也。獻其國珍。⑤番禺。南海郡縣治。今廣東番禺縣。東伐越。後至番禺。故言右弔。至也。⑥時南越爲東越所侵。漢武帝發兵救之。故南越遣太子嬰齊入朝。⑦夜郎等國。⑧西南夷之一種。今在雲南四川境者。或稱擺夷。⑨口向上貌。喻衆人向慕之意。⑩撫以寶禮。⑪猶言不測也。⑫以發軍之法。爲與衆之制。⑬烽如覆米箕。懸於桔槔。有寇則舉之。燧積薪也。有寇則燔之。烽主晝。燧主夜。所以爲警告也。⑭引持也。⑮負也。⑯符。符節也。剖符之半。所以爲信者也。⑰析。中分也。圭玉有青白二色。白藏天子。青在諸侯。⑱秦制爵級二十。最尊者曰徹侯。因武帝名徹。故改徹侯爲通侯。⑲甲宅也。居於帝城之東。⑳三老。孝悌。皆鄉官。㉑漢制萬戶以上曰縣。縣有蠻夷曰道。

韓退之祭鱷魚文

維年月日。潮州刺史韓愈。使軍事衙推秦濟。以羊一豬一。投惡谿之潭水。以與鱷魚食。而告之曰。昔先王既有天下。烈山澤。罔繩獨刃。以除蟲蛇惡物。爲民害者。驅而出之。四海之外。及後王德薄。不能遠有。則江漢之間。尙

皆棄之。以與蠻夷楚越。況潮嶺海之間。去京師萬里哉。鱷魚之涵淹^八。卵育於此。亦固其所。今天子嗣唐位。神聖慈武。四海之外。六合之內。皆撫而有之。況禹跡所揜^九。揚州之近地。刺史縣令之所治。出貢賦以供天地宗廟百神之祀之壤者哉。鱷魚其不可與刺史雜處此土也。刺史受天子命。守此土。治此民。而鱷魚睥然^{一〇}不安谿潭。據處食民畜。熊豕鹿麋^{一一}。以肥其身。以種其子孫。與刺史亢拒。爭為長雄。刺史雖駑弱。亦安肯為鱷魚低首下心。似^{一二}似^{一三}。眈眈為民吏羞。以偷活於此邪。且承天子命而來為吏。固其勢不得不與鱷魚辨。鱷魚有知其聽刺史言。潮之州。大海在其南。鯨鵬^{一四}之大。蝦蟹之細。無不容歸。以生以食。鱷魚朝發而夕至也。今與鱷魚約。盡三日。其率醜類南徙於海。以避天子之命吏。三日不能。至五日。五日不能。至七日。七日不能。是終不肯徙也。是不有刺史聽從其言也。不然。則是鱷魚冥頑不靈。刺史雖有言。不聞不知也。夫傲天子之命吏。不聽其言。不徙以避之。與冥頑不靈。而為民物害者。皆可殺。刺史則選材技吏民。操強弓毒矢。以與鱷魚從事。必盡殺乃止。其無悔。

【註音】（鱷）音譌（罔）同網（擗）音觸（睥）音早（麋）音章（似）音心（上聲）（眈）音顯

【釋義】●唐潮州潮陽郡。屬嶺南東道。今廣東潮安縣。●軍府之屬官。唐制。節度使。觀察使。團練使。皆有衙推。刺史領使。亦置衙推。●在廣東潮安縣城東北。又名鱷谿。即韓江也。●爬蟲中之體大而猛惡者。長者至丈餘。口鉅齒銳。皮韌。背有鱗甲。甚堅硬。四足。趾有蹼。產于熱帶之河中。常潛伏水邊。攫食動物。●焚也。●刺取鼈蜃也。

①即庚嶺南海。②潛伏也。③言夏禹治水。足跡之所至也。④今江蘇安徽浙江福建等地。⑤張目貌。⑥似鹿而小。無角。毛褐色。⑦恐懼貌。⑧小視貌。⑨海獸名。種類甚多。居海洋中。大者長六七十丈。頭扁平闊大。外形如魚。實獸類也。雄者曰鯨。雌者曰鯢。⑩鳥類之最大者。

〔諸家集評〕方展卿曰莊雅得體

會稽生曰文氣似踰巴蜀機彼以雄深此則矯健



卷二十七 傳狀類一

韓退之贈太傅董公行狀

公諱晉。字混成。河中虞鄉萬歲里人。少以明經上第。宣皇帝_二居原州_三。公在原州。宰相以公善爲文。任翰林之選。聞召見。拜祕書省校書郎。入翰林爲學士。三年。出入左右。天子以爲謹愿。賜緋魚袋。累陞爲衛尉寺丞。出翰林。以疾辭。拜汾州_四司馬。崔圓_五爲揚州。詔以公爲圓節度判官。攝殿中侍御史。以軍事如京師朝。天子識之。拜殿中侍御史內供奉。由殿中爲侍御史。入尙書省。爲主客員外郎。由主客爲祠部郎中。先皇帝_六時。兵部侍郎李涵如回紇立可敦_{*七}。詔公兼侍御史。賜紫金魚袋。爲涵判官。回紇之人來曰。唐之復土疆。取回紇力焉。約我爲市。馬旣入。而歸我賄不足。我於使人乎取之。涵懼不敢對。視公。公與之言曰。我之復土疆。爾信有力焉。吾非無馬。而與爾爲市。爲賜不旣多乎。爾之馬歲至。吾數皮而歸資。邊吏請致詰也。天子念爾有勞。故下詔禁侵犯。諸戎畏我大國之爾與也。莫敢校焉。爾之父子寧而畜馬蕃者。非我誰使之。於是其衆皆環公拜。旣又相率南面序拜。皆兩舉手曰。不敢復有意大國。自回紇歸。拜司勳郎中。未嘗言回紇之事。遷祕書少監。歷太府太常二寺亞卿。爲左金吾衛將軍。今上_八卽位。以大行_九皇

帝山陵出財賦。拜太府卿。由太府爲左散騎常侍。兼御史中丞。知臺事。三
司使。選擇才俊。有威風。始公爲金吾。未盡一月。拜太府。九日。又爲中丞。朝
夕入議事。於是宰相請以公爲華州刺史。拜華州刺史。潼關防禦鎮國軍
使。朱泚之亂。加御史大夫。詔至於上所。又拜國子祭酒。兼御史大夫。宣慰
恒州。於是朱滔自范陽以回紇之師助亂。人大恐。公既至恒州。恒州卽日
奉詔出兵。與滔戰。大破走之。還至河中。李懷光反。上如梁州。懷光所率皆
朔方兵。公知其謀與朱泚合也。患之。造懷光言曰。公之功。天下無與敵。公
之過。未有聞於人。某至上所。言公之情。上寬明。將無不赦宥焉。乃能爲朱
泚臣乎。彼爲臣而背其君。苟得志。於公何有。且公既爲太尉矣。彼雖寵公。
何以加此。彼不能事君。能以臣事公平乎。公能事彼。而有不能事君乎。彼知
天下之怒。朝夕戮死者也。故求其同罪。而與之比。公何所利焉。公之敵。彼
有餘力。不如明告之絕。而起兵襲取之。清宮而迎天子。庶人服而請罪。有
司。雖有大過。猶將捨焉。如公則誰敢議。語已。懷光拜曰。天賜公活懷光之
命。喜且泣。公亦泣。則又語其將卒。如語懷光者。將卒呼曰。天賜公活吾三
軍之命。拜且泣。公亦泣。故懷光卒不與朱泚。當是時。懷光幾不反。公氣仁。
語若不能出口。及當事。乃更疎亮捷給。其詞忠。其容貌溫然。故有言於人。
無不信。明年。上復京師。拜左金吾衛大將軍。由大金吾爲尙書左丞。又爲

太常卿。由太常拜門下侍郎平章事。在宰相位凡五年。所奏於上前者。皆
二帝三王之道。由秦漢以降。未嘗言。退歸。未嘗言所言於上者。於人子弟
有私問者。公曰。宰相所職係天下。天下安危。宰相之能與否可見。欲知宰
相之能與否。如此視之。其可。凡所謀議於上前者。不足道也。故其事卒不
聞。以疾病辭於上前者不記。退以表辭者八。方許之。拜禮部尚書。制曰。事
上盡大臣之節。又曰。一心奉公。於是天下知公之有言於上也。初公爲宰
相時。五月朔。會朝。天子在位。公卿百執事在廷。侍中贊。百寮賀。中書侍郎
平章事實參攝中書令。當傳詔。疾作不能事。凡將大朝會。當事者既受命。
皆先日習儀。於時未有詔。公卿相顧。公逡巡進。北面言曰。攝中書令臣某。
病不能事。臣請代某事。於是南面宣致詔詞。事已復位。進退甚詳。爲禮部
四年。拜兵部尚書。入謝。上語問日晏。復有入謝者。上喜曰。董某疾且損矣。
出語人曰。董公且復相。既二日。拜東都留守。判東都尚書省事。充東都畿
汝州都防禦使。兼御史大夫。仍爲兵部尚書。由留守未盡五月。拜檢校尚
書左僕射同中書門下平章事。汴州刺史宣武軍節度副大使。知節度事。
管內支度營田汴宋毫潁等州觀察處置等使。汴州自大曆來。多兵事。劉
玄佐益其師至十萬。玄佐死。子士寧代之。畋遊無度。其將李萬榮乘其畋
也逐之。萬榮爲節度一年。其將韓惟清張彥林作亂。求殺萬榮不克。三年。

萬榮病風昏不知事。其子迺復欲爲士寧之故。監軍使俱文珍與其將鄧
惟恭^{二七}執之歸京師。而萬榮死。詔未至。惟恭權軍事。公既受命。遂行。劉宗經
韋弘景韓愈實從。不以兵衛。及鄭州^{二八}逆者不至。鄭州人爲公懼。或勸公止
以待。有自汴州出者。言於公曰。不可入。公不對。遂行。宿圃田^{三〇}。明日。食中牟^{三一}。
逆者至。宿八角^{三二}。明日。惟恭及諸將至。遂逆以入。及郟^{三三}。三軍緣道謹聲。庶人
壯者呼。老者泣。婦人啼。遂入以居。初玄佐死。吳縉^{三四}代之。及鞏^{三五}聞亂歸。士寧
萬榮皆自爲而後命。軍士將以爲常。故惟恭亦有志。以公之速也。不及謀。
遂出逆。既而私其人。觀公之所爲以告。曰。公無爲。惟恭喜。知公之無害已
也。委心焉。進見公者。退皆曰。公仁人也。聞公言者。皆曰。公仁人也。環以相
告。故大和初。玄佐遇軍士厚。士寧懼。復加厚焉。至萬榮。如士寧志。及韓張
亂。又加厚以懷之。至於惟恭。每加厚焉。故士卒驕不能禦。則置腹心之士。
幕於公庭廡下。挾弓執劍以須。日出而入。前者去。日入而出。後者至。寒暑
時至。則加勞賜酒肉。公至之明日。皆罷之。貞元十二年七月也。八月。上命
汝州刺史陸長源^{三六}爲御史大夫。行軍司馬楊凝^{三七}自左司郎中爲檢校吏部
郎中觀察判官。杜倫自前殿中侍御史爲檢校工部員外郎節度判官。孟
叔度自殿中侍御史爲檢校金部員外郎支度營田判官。職事修。人俗化。
嘉禾生。白鵲集。蒼烏來巢。嘉瓜同蒂^{*}。聯實。四方至者。歸以告其帥。小大威

懷有所疑。輒使來問。有交惡者。公與平之。累請朝。不許。及有疾。又請之。且曰。人心易動。軍旅多虞。及臣之生。計不先定。至於他日。事或難期。猶不許。十五年二月三日。薨於位。上三日罷朝。贈太傅。使吏部員外郎楊於陵三八來祭。弔其子。贈布帛米有加。公之將薨也。命其子三日斂。既斂而行。於行之四日。汴州亂。故君子以公為知人。公之薨也。汴州人歌之曰。濁流洋洋。有闕其郭。闐道*三九謹呼。公來之初。今公之歸。公在喪車。又歌曰。公既來止。東人以完。今公歿矣。人誰與安。始公為華州。亦有惠愛。人思之。公居處恭。無妾媵。不飲酒。不諂笑。好惡無所偏。與人交。泊如也。未嘗言兵。有問者曰。吾志於教化。享年七十六。階累陞為金紫光祿大夫。勳累陞為上柱國。爵累陞為隴西郡開國公。娶南陽張氏夫人。後娶京兆韋氏夫人。皆先公終。四子。全道。溪。全素。解。全道。全素。皆上所賜名。全道為秘書省著作郎。溪為秘書省秘書郎。全素為大理評事。解為太常寺太祝。皆善士。有學行。謹具歷官行事狀。伏請牒考功。并牒太常。議所諡。牒史官。請垂編錄。謹狀。

【註音】(可)音克(泚)此禮切(比)音避(鄂)音孚(蒂)音帝(闕)音田(解)音蟹

【釋義】●河中府虞鄉縣。唐屬河東道。即今山西河東虞鄉縣。●即肅宗。名亨。至德元年十月。肅宗自靈武

幸彭原。董公上書行在。●原州即彭原。在今甘肅甯縣。●在今山西汾陽縣。●字有裕。武城人。時為淮南節度使。奏晉以本官攝御史充判官。●謂代宗。●大曆中。李涵持節送德宗養女崇徽公主於回紇。回紇稱其君曰可汗。君之妻曰可敦。●謂德宗。●皇帝喪曰大行。●華州唐屬關內道。領縣四。治鄭。今陝西華縣。●在今陝西潼關縣。

後漢建安中。建西薄華山。南臨商嶺。北距黃河。東接桃林。歷代皆爲要地。○泚。幽州昌平人。代宗時爲盧龍部將。殺節度使朱希彩。代領其衆。尋以弟滔留鎮。而自請入朝。建中四年冬十月。涇原節度使姚令言督兵過京。軍亂。時泚爲太尉。在長安。亂兵舉之爲主。稱帝。國號大秦。圍德宗於奉天。尋更號漢。改元天皇。興元元年六月。李晟復京師。泚亡走。爲其部將韓旻所殺。○恒州常山郡。屬河北道。治真定。卽今河北正定縣。○朱泚之弟。建中三年夏。朱滔反。興元元年五月。王武俊大破之於貝州。貞元元年六月。滔死。○幽州范陽郡。屬河北道。治薊。今河北大興縣。○渤海靺鞨人。本姓茹。父常徙幽州。爲朔方部將。賜姓李。在軍積勞。至開府儀同三司。爲都虞候。後徙朔方節度使。以破朱泚。功進副元帥。興元元年三月反。帝奔梁州。貞元元年八月。懷光爲部將所殺。○梁州興元府漢中郡。屬山南西道。治南鄭。今陝西南鄭縣。○字時中。岐州平陸人。爲人矜言悻直。以蔭累遷御史中丞。德宗數召見。語天下事器之。然由是率情制事。人惡其專。俄以中書侍郎同平章事。參無學術。惟樹黨多所調察。帝左右爭短之。後賜死於邕州。○行不進貌。○汝州臨汝郡。屬河南道。治梁。今河南臨汝縣。○汴州陳留郡。屬河南道。治浚儀。今河南開封縣。○治汴州。管汴宋毫潁四州。○代宗年號。○匡城人。大曆中。襲破宋州。後又進取汴州。召加汴宋節度使。後爲假子樂士朝所死。○匡城人。爲劉玄佐部將。○貞元末宦官。後從義父姓。曰劉貞亮。○亦匡城人。○鄭州滎陽郡。屬河南道。治管城。今河南鄭縣。○迎也。○澤名。在今河南中牟縣西。○唐屬鄭州。故城在今河南中牟縣東。○在今開封縣西南三十里。○郭也。○濮州濮陽人。劉玄佐卒。以湊檢校兵部尚書汴州刺史御史大夫。宣武軍節度使。○縣名。屬河南。○字泳之。吳人。天寶中官汝州刺史。徙宣武軍司馬。尋總留後事。遇軍亂被害。○字懋功。魏州弘農人。○字達夫。弘農人。○陸長源在汴州。欲以峻法繩驕兵。爲晉所持。不果行。而晉判官楊凝孟叔度。亦縱恣淫酒。衆情共怒。晉卒。長源總留後事。大言曰。將士久慢。我且以法治之。軍中怨怒作亂。殺長源及叔度等。食其肉。放兵大掠。及宋州刺史劉逸淮引兵入汴州。衆乃定。遂以逸爲節度使。

〔諸家集評〕方望溪曰。此韓文之最詳者。然所詳不過三事。其餘官階宦迹。皆列數其爲人。則於序事中夾帶一二語。北宋以後。此種義法。不講矣。

大姚曰。此等何足以跨歷北宋人。望溪沾沾於詳略講義法。非篤論。

會條生曰。著意在論回紇。論李懷光及入汴州三事。餘皆不甚措意。惟有所略。故詳者震聳異常。

張廉卿曰。退之諸碑誌聚事。並簡嚴奇奧。此文則一以左馬史法行之。金石之文。與史傳體裁自別也。

韓退之圻者王承福傳

巧之爲技。賤且勞者也。有業之。其色若自得者。聽其言。約而盡。問之。王其姓。承福其名。世爲京兆長安農夫。天寶之亂。發人爲兵。持弓矢十三年。有官勳。棄之來歸。喪其土田。手鋤衣食。餘三十年。舍於市之主人。而歸其屋食之當焉。視時屋食之貴賤。而上下其巧之備以償之。有餘。則以與道路之廢疾餓者焉。又曰。粟稼而生者也。若布與帛。必蠶績而後成者也。其他所以養生之具。皆待人力而後完也。吾皆賴之。然人不可徧爲。宜乎各致其能以相生也。故君者。理我所以生者也。而百官者。承君之化者也。任有大小。惟其所能。若器皿焉。食焉而怠其事。必有天殃。故吾不敢一日捨鋤以嬉。夫鋤易能。可力焉。又誠有功。取其直。雖勞無愧。吾心安焉。夫力易強而有功也。心難強而有智也。用力者使於人。用心者使人。亦其宜也。吾特擇其易爲而無愧者取焉。嘻。吾操鋤以入富貴之家。有年矣。有一至者焉。又往過之。則爲墟矣。有再至者焉。而往過之。則爲墟矣。問之其鄰。或曰。噫。刑戮也。或曰。身旣死。而其子孫不能有也。或曰。死而歸之官也。吾以是觀之。非所謂食焉而怠其事。而得天殃者邪。非強心以智而不足。不擇其才之稱否而冒之者邪。非多行可愧。知其不可而強爲之者邪。將富貴難守。薄功而厚饗之者邪。抑豐悴有時。一去一來。而不可常者邪。吾之心憫焉。是故擇其力之可能者行焉。樂富貴而悲貧賤。我豈異於人哉。又曰。

功大者。其所以自奉也博。妻與子。皆養於我者也。吾能薄而功小。不有之可也。又吾所謂勞力者。若立吾家而力不足。則心又勞也。一身而二任焉。雖聖者不可能也。愈始聞而惑之。又從而思之。蓋賢者也。蓋所謂獨善其身者也。然吾有譏焉。謂其自爲也過多。其爲人也過少。其學楊朱之道者耶。揚之道。不肯拔我一毛而利天下。而夫人以有家爲勞心。不肯一動其心以畜其妻子。其肯勞其心以爲人乎哉。雖然。其賢於世之患不得之而患失之。以濟其生之欲。貪邪而亡道以喪其身者。其亦遠矣。又其言有可。以警余者。故余爲之傳而自鑒焉。

【註音】(圻)音汚(鐔)音漫

【釋義】●今之泥水匠。●今陝西長安縣。●天寶十四年。安祿山反。陷洛陽。明年陷長安。玄宗奔蜀。祿山死。後。其子慶緒。及其將史思明繼之。先後十餘年始平。●圻具也。

柳子厚種樹郭橐駝傳

郭橐駝。不知始何名。病僂^{二*}。隆然伏行。有類橐駝者。故鄉人號之駝。駝聞之。曰。甚善。名我固當。因捨其名。亦自謂橐駝云。其鄉曰豐樂鄉。在長安西。駝業種樹。凡長安豪富人爲觀游。及賣果者。皆爭迎取養視。駝所種樹。或移徙。無不活。且碩茂。蚤實以蕃。他植者。雖窺伺倣慕。莫能如也。有問之。對曰。橐駝非能使木壽且孳也^{三*}。能順木之天。以致其性焉爾。凡植木之性。其本

欲舒。其培欲平。其土欲故。其築欲密。既然已。勿動勿慮。去不復顧。其時也四*。若子。其置也。若棄。則其天者全。而其性得矣。故吾不害其長而已。非有能碩茂之也。不抑耗其實而已。非有能蚤而蕃之也。他植者則不然。根拳而土易。其培之也。若不過焉。則不及焉。苟有能反是者。則又愛之太恩。憂之太勤。旦視而暮撫。已去而復顧。甚者。爪其膚以驗其生枯。搖其本以觀其疎密。而木之性日以離矣。雖曰愛之。其實害之。雖曰憂之。其實讐之。故不我若也。吾又何能為哉。問者曰。以子之道。移之官理。可乎。駝曰。我知種樹而已。理非吾業也。然吾居鄉。見長人者五。好煩其令。若甚憐焉。而卒以禍。旦暮吏來而呼曰。官命促爾耕。勗爾植六*。督爾穫。蚤繰而緒七。蚤織而縷八。字而幼孩。遂而雞豚。鳴鼓而聚之。擊木而召之。吾小人輟飡饗一〇*。以勞吏者。且不得暇。又何以蕃吾生而安吾性耶。故病且怠。若是。則與吾業者。其亦有類乎。問者嘻曰。不亦善夫。吾問養樹。得養人術。傳其事。以為官戒也。

【註音】(僂)音婁(孽)音咨(時)音時(勗)音蓄(繰)音騷(殮)音孫(饗)音雍

【釋義】①即駝背也。②俯也。③滋盛也。④種植也。⑤官也。⑥抽繭為絲。⑦絲端也。⑧綫也。⑨乳也。⑩朝食。

蘇子瞻方山子傳

方山子。光黃間隱人也。少時慕朱家郭解為人。閭里之俠皆宗之。稍壯。折

節讀書。欲以此馳騁當世。然終不遇。晚乃遯於光黃間。曰岐亭。菴居蔬食。不與世相聞。棄車馬。毀冠服。徒步往來山中。人莫識也。見其所著帽。方聳而高。曰。此豈古方山冠之遺像乎。因謂之方山子。余謫居於黃。過岐亭。適見焉。曰。嗚呼。此吾故人陳慥季常也。何爲而在此。方山子亦矍然。問余所以至此者。余告之故。俛而不答。仰而笑。呼余宿其家。環堵蕭然。而妻子奴婢皆有自得之意。余既聳然異之。獨念方山子少時。使酒好劍。用財如糞土。前十有九年。余在岐山。見方山子從兩騎。挾二矢。游西山。鵲起於前。使騎逐而射之。不獲。方山子怒馬獨出。一發得之。因與余馬上論用兵。及古今成敗。自謂一世豪士。今幾日耳。精悍之色。猶見於眉間。而豈山中之人哉。然方山子世有勳閥。當得官。使從事於其間。今已顯聞。而其家在洛陽。園宅壯麗。與公侯等。河北有田。歲得帛千匹。亦足以富樂。皆棄不取。獨來窮山中。此豈無得而然哉。余聞光黃間多異人。往往佯狂垢污。不可得而見。方山子儻見之與。

〔註音〕(著)直略切(矍)九縛切(堵)音賭(闕)音伐

〔釋義〕①二州名。光治今河南光山縣。黃治今湖北黃岡縣。②皆漢時大俠。朱家。魯人。解。河內軹人。③頓改舊行也。④鎮名。在湖北麻城縣西北。⑤漢制似進賢冠。四時祀宗廟。樂人舞佾用之。⑥神宗時。軾與安石議論不合。貶汝州團練副使。安置黃州。⑦名慥。字季常。眉州青神人。太常少卿希亮子。少時。使酒好劍。嘗與蘇軾論兵及古今成敗。矍壯。折節讀書。晚年遯於光黃間。不與世相聞。其所著帽方聳而高。曰。此古方山冠遺像。人因謂之方山子。⑧驚也。⑨牆也。⑩四川岐山縣有岐山。⑪人臣功有五品。明其等曰闕。積日曰闕。

【諸家集評】茅鹿門曰烟波生色
劉海峯曰鹿門烟波生色四字足盡此文之妙

王介甫兵部員外郎知制誥謝公行狀

公諱絳。字希深。其先陳郡陽夏人。以試秘書省校書郎起家。中進士甲科。守太常寺奉禮郎。七遷。至尙書兵部員外郎以卒。嘗知汝之潁陰縣。校理秘書。直集賢院。通判常州河南府。爲開封府三司度支判官。與修真宗史。知制誥。判吏部流內銓。最後以請知鄧州。遂葬於鄧。年四十六。其卒以寶元二年。公以文章貴朝廷。藏於家凡八十卷。其制誥。世所謂常楊元白不足多也。而又有政事材。遇事尤劇。尤若簡而有餘。所至輒大興學舍。莊懿明肅太后起二陵於河南。不取一物於民而足。皆公力也。後河南聞公喪。有出涕者。諸生至今祠公像於學。鄧州有僧誘民男女數百人。以昏夜聚爲妖。積六七年不發。公至。立殺其首。弛其餘。不問。又欲破美陽堰。廢職田。復召信臣。故渠。以水與民而罷其歲役。以卒。故不就。於吏部所施。置爲後法。其在朝。大事或諫。小事或以其職言。郭皇后失位。稱詩白華以諷。爭者貶。公又救之。嘗上書論四民失業。獻大寶箴。議武昭皇帝不宜配上帝。請罷內作諸奇巧。因災異。推天所以譴告之意。言時政。又論方士不宜入宮。請追所賜詔。又以爲詔令不宜偏出數易。請由中書密院然後下。其所嘗

言甚衆。不可悉數。及知制誥。自以其近臣。上一有所不聞。其責今豫我。愈
慷慨。欲以論諫爲己事。故其葬也。廬陵歐陽公銘其墓。尤歎其不壽。用不
極其材云。卒之日。歐陽公入哭其堂。廬陵一四*無新衣。出視其家。庫無餘財。蓋食
者數十人。三從孤弟姪*皆在。而治衣櫛纔二婢。平居寬然。貌不自持。至其
敢言自守。矯然壯者也。謝氏本姓任。自受氏至漢魏。無顯者。而盛於晉宋
之間。至公再世一五有名爵於朝。而四人皆以才稱於世。先人一六與公。皆祥符一七
年進士。而公子景初等。以歷官行事來日。願有述也。將獻之太史。謹撰次
如右。謹狀。

【註音】(堰)於扇切(櫛)音移(姪)同姪

【釋義】①今河南太康縣。②今河南許昌縣。③名恆。太宗之子。宋第三主。④今河南南陽縣。⑤仁宗年號。⑥
常袞。楊炎。元楨。白居易也。袞長於除書。炎善爲德音。元之制策。白之奏議。並極文章之美。⑦宋仁宗母。⑧距鄧州
百二十里。⑨西漢九江壽春人。爲南陽太守。盡力水利。開通溝瀆。起水門提閘。凡數十處。⑩宋仁宗皇后。明道二
年。廢黜。封淨妃。玉京冲妙仙師。居長樂宮。尋詔出居瑤華宮。⑪詩小雅篇名。周幽王取申女以爲后。又得褒姒而
黜申后。周人作是詩。以風之。⑫名弘殷。太祖父也。仁宗卽位。絳爲太常博士。議宣祖非受命祖。不宜配享感生帝。
請以眞宗配之。⑬參與也。⑭衣架。⑮絳祖懿文。官杭州鹽官縣令。父濤。累官至太子賓客。⑯安石父。名益。官至都
官員外郎。⑰眞宗年號。

卷三十八

傳狀類二

歸熙甫通議大夫都察院左副都御史李公行狀

公諱憲卿。字廉甫。世居蘇州崑山之羅巷村。以耕農爲業。通議始入居縣城。獨生公一子。令從博士學。山陰蕭御史鳴鳳奇其姿貌。曰：是子他日必貴。吾無事閱其卷矣。先輩吳中英有知人鑑。每稱之以爲瑚璉之器。公雅自修飭。好交名俊。視庸輩不屑也。舉應天鄉試。試禮部不第。丁通議憂。服闋再試中式。賜進士出身。明年選南京吏部驗封司主事。歷遷郎中。吏在司者莫不懷其恩。居九年。家宰鄞聞公奉新宋公。皆當世名卿。咸賞識之。陞江西布政司左參議。江右田土不相懸。而稅入多寡殊絕。如南昌新建。二縣僅百里。多山湖。稅糧十六萬。廣信縣六。贛州縣十。糧皆六萬。南安四縣糧一萬。三郡二十縣之糧不及兩縣。巡撫傅都御史議均之。公在糧儲道。爲法均派折衷。最爲簡易。蓋國初以次削平僭僞。田賦往往因其舊貫。論者以爲蘇州田不及淮安半。而吳賦十倍淮陰。松江二縣糧與畿內八府百十七縣埒。其不均如此。吳郡異時嘗均田。而均止於一郡。且破壞兩稅。陰有增羨。民病之。不若江右之善。而惜不及行也。陞山東按察司副使。兵備臨清。先是虜薄京城。又數聲言從井陘口入掠臨清。臨清縮漕道。商

賈所羨。人情恒懼。公處之宴然。或爲公地。欲移任。公曰。詎至於此。境上屯兵數萬。調度有方。虜亦竟不至。師尙詔反河南。至五河兵敗散。獨與數騎走莘縣。擒獲之。在鎮三年。商民稱其簡靜。甌寧李尙書自吏部罷還。所過頗懈慢。公勞送。禮有加。李公甚喜。歎曰。李君非世人情。吾因以是識其人。會召還。卽日薦陞湖廣布政司右參政。景王封在漢東。未之國。詔命德安造王府。公董其役。又以承天修稜恩殿。陞河南按察司按察使。受命四月。尋擢巡撫湖廣。右僉都御史。奏水災。乞蠲貸。親行鄂渚雲夢間拊循之。東南用兵禦日本。軍府檄至。調保靖容美桑植麻寮鎮溪大刺士兵三萬二千。所過牢廩無缺。公因奏。土司各有分守。兵不可多調。且無益。徒糜糧廩。其後士兵還。輒掠內地人口。公檄所至搜閱。悉送歸鄉里。顯陵大水。衝壞一二紅門黃河便橋。而故邸龍飛慶雲宮殿。多隳撓。奏加修理。建立元祐宮碑亭。是時奉天殿災。敕命大臣開府江陵。總督湖廣川貴。採辦大木。工部劉侍郎方受命。以憂去。上特旨陞公左副都御史。代其任。先是天子稽古制。建九廟。而西苑穆清之居。歲有興造。頗寫蜀荆之材。公至。則近水無復峻榦。乃行巴庸道。轉荆岳。至東南川。往來督責。鈎之荒裔中。於是萬山之木稍出。然帝室紫宮。舊制瓌瑰。於永樂金柱。圍長終不能合。公奏言。臣督率郎中張國珍李佑。副使張正和盧孝達。各該守巡。參政游震得。副使周

鎬。僉事于錦。先後深入永順^{四四}卯峒梭梭江。參政徐霈。僉事崔都。入容美。副

使黃宗器。入施州金峒^{四五}參政靳學顏。入永甯^{四六}迤東蘭州^{四七}儒溪。副使劉斯潔。

入黎州^{四八}天全^{四九}建昌^{五〇}董策入烏蒙^{五一}參政繆文龍。入播州^{五二}真州^{五三}西陽^{五四}僉事吳仲

禮。入永甯^{五五}迤西落洪班鳩井鎮^{五六}雄程嗣功入龍州^{五七}參政張定。入銅仁^{五八}省溪^{五九}。

參議王重光。入赤水^{六〇}猴峒。僉事顧炳。入思南^{六一}潮底。汪集入永甯^{六二}順崖。而湖

廣巡撫右僉都御史趙炳然。巡按御史吳百朋。各先後親歷荆岳辰常^{六三}四

川巡撫右副都御史黃光昇。歷敘馬重夔^{六四}巡按御史郭民敬。歷邛雅貴州^{六五}

巡撫右副都御史高珪^{六六}歷思石鎮黎^{六七}巡按御史朱賢。歷永甯^{六八}赤水。臣自趨

涪州^{六九}六月。上瀘敘^{七〇}而巨材所生。必於深林窮壑。崇岡絕^{七一}筍人跡不到之地。

經數百年而後至合抱。又鮮不空灌。昔尙書宋禮。及近時尙書樊繼祖。侍

郎潘鑑。探得逾尋丈者數株而已。今三省見探丈圍以上楠杉二千餘。丈

四五以上亦一百一十七。視前亦已超絕矣。第所派長巨非常。故圍圓難

合。臣奉命初。恐搜索未徧。今則深入窮搜。知不可得。而先年營建。亦必別

有所處。伏望皇上。敕下該部計議。量材取用。庶臣等專心採辦。而大工早

集矣。上允其奏。命求其次者。其後木亦益出。自江淮至於京師。簿^{六八}筏^{六九}相接。

而天子猶以皇祖時殿災。後十年始成。今未六七載。欲待得巨材。故建殿

未有期。而西工驟興。漕下之木。多取以爲用。三省吏民。暴露三年。無有休

息期。大臣以爲言。天下亦自憐之。將作大匠六七。又能規創膠附。極般爾之巧六八。而見材度已足用。公懇乞興工罷採。以休荆蜀民。使者相望於道。詞旨甚哀。而工部大臣力任其事。天子從之。考卜興工有日矣。其後漕數。比先所下。多有奇羨。凡得木一萬一千二百八十九章。公上最。推功於三巡撫。下至小官。莫不錄其勞。今不載。獨載其所奏。兩司涉歷採取之地。曰四川守巡。督儒溪之木。播州之木。建昌天全之木。鎮雄烏蒙之木。龍州蘭州之木。湖廣督容美之木。施州之木。永順卯峒之木。靖州之木。及督行湖南購木於九嶷六九。荆南購木於陝西階州七〇。武昌漢陽黃州購木於施州永順。貴州則於赤水猴峒思南潮底永甯順崖七一。其南出雲南金沙江七二云。大抵荆楚雖廣。山木少。採伐險遠。必俟雨水而出。而施州石坡亂灘。迂迴千里。貴陽窮險。山嶺深峭。由川辰大河以達城陵磯蜀山懸隔千里。排巖批谷。灘急漩險。經時歷月。始達會河。而吏民冒犯瘴毒。林木蒙籠。與虺蛇虎豹錯行。萬人七四邪許。摧軋崩萃七五。鳥獸哀鳴。震天岷地七六。蓋出入百蠻之中。窮南紀之地。其艱如此。故附著之。俾後有考焉。昔稱雍州南山檀柘。而天水隴西多材木。故七六叢臺阿房建章朝陽之作。皆因其所有。金源氏營汴新宮。採青峯山巨木。猶以爲漢唐之所不能致。公乃獲之。山童木遁之時。發天地之藏。助成國家億萬年之不圖。其勤至矣。是歲冬。徵還內臺。明年。考察天下官。已而病

作。請告。病益侵。乞還鄉。天子許之。行至東平安山驛而薨。嘉靖四十一年四月乙亥也。年五十有七。公仕宦二十餘年。未嘗一日居家。山東獲賊。湖廣營建。東南平倭。累有白金文綺之賜。而提督採運之擢。旨從中下。蓋上所自簡也。祖考妣。皆受誥贈。母杜氏。封太淑人。所之官。必迎養。世以爲榮。公事太淑人。孝謹。每巡行。日遣人問安。還。輒拜堂下。太淑人茹素。公跪以請者數。太淑人不得已。爲之進羞膳。平生未嘗言人過。其所敬愛。與之甚親。至其所。不屑然。亦無所假借。在江陵。有所使吏遲至。公問其故。言方食市肆中。又無馬騎。故事。臺所使吏。廩食與馬。爲荊州奪之。公曰。彼少年欲立名耳。竟不復問。周太僕七八還自滇南。公不出候。蓋不知也。周公鄉里前輩。以體相責誚。公置酒。仲宣樓深自遜謝而已。爲人美姿容。自少衣服鮮好。及貴。益稱其志。至京師。大學士嚴公八迎謂之曰。公不獨才望逾人。丰采亦足羽儀朝廷矣。所居官。廉潔不苛。採辦銀。無慮數百萬。先時堆積堂中。公絕不使入臺門。第貯荊州府。募召商胡。賞購過當。人皆懷之。故總督三年。地窮邊裔。而民虜不驚。以是爲難。是歲奉天殿文武樓告成。上製名曰皇極殿。門曰皇極門。而西宮亦不日而就。天子方加恩臣下。敘任事者之勞。而公不逮矣。娶顧氏。封淑人。子男五。延植。國子生。延節。延芳。延英。延實。縣學生。女四。適孟紹顏。管夢周。王世訓。其一尙幼。孫男七。世彥。官生。世良。世

顯世達。餘未名。孫女六。余與公少相知。諸子來請撰述。因就其家得所遺文字。參以所見聞。稍加論次。上之史館。謹狀。

〔註音〕(鄂)音銀(埒)音劣(稜)音陵(錫)古玄切(耕)音冲(倍)音浮(箒)音鏘(鐸)音排(萃)慈卹切(吸)鄂合切(委)烏禾切

〔釋義〕①崑山。今江蘇崑山縣。清屬蘇州府。②憲卿父。名玉。卒贈通議大夫都察院左副都御史。③字子黈。王守仁弟子。督南畿學政。廉正無私。④宗廟盛黍稷器。夏曰瑚。商曰琏。⑤府名。今江蘇江甯縣。⑥科舉之制。三年各省集士子於省城。試以四書文。五經文。策問。謂之鄉試。中式者曰舉人。⑦服闋盡也。喪服既盡曰服闋。⑧名淵。字靜中。⑨名景。字以賢。⑩縣名。屬江西省。⑪上饒。玉山。弋陽。貴溪。鉛山。興安。(今改橫峯)⑫贛。零都。信豐。興國。會昌。安遠。甯都。瑞金。龍南。石城。⑬大庾。南康。上猶。崇義。⑭華亭。上海。華亭。今改松江。⑮天子所都之地曰畿。⑯春秋兩稅。⑰明為州。今改縣。屬山東東臨道城頻運河東岸。⑱諳達犯京師。⑲在河北井陘縣井陘山上。⑳怯也。㉑拓城盜。㉒安徽縣。㉓屬山東。㉔今縣。明為福建建甯府治。今改縣。㉕名默。字時言。㉖明世宗第四子。封藩德安。㉗明為府。今湖北安陸縣。㉘湖廣府名。今湖北鍾祥縣。㉙在今湖北武昌西江中。㉚譯名。今煙。在今湖北安陸縣南。㉛今湖南保靖縣。㉜今湖北鶴峯縣。㉝今湖南桑植縣。㉞廳。在今湖南臨澧縣西北。㉟在今湖南乾縣東北。㊱鎮名。近保靖縣。㊲世宗父興獻王陵。㊳峻幹大木也。㊴今四川巴縣。㊵今湖北竹山縣東南。㊶今四川宜賓縣。㊷邊遠之地。㊸明成祖年號。㊹今湖南永順縣。㊺施州。治今湖北恩施縣。明為衛。有金峒安撫司。㊻今四川敘永縣。㊼唐置宋廢。即今四川古蔺縣。㊽明治。今四川清溪縣。㊾今四川天全縣。㊿今西昌縣。①今雲南昭通縣。②今貴州遵義正安兩縣。③今四川西陽縣。④今雲南縣。⑤明治。今四川平武縣。⑥明銅仁府省溪長官司。在今貴州銅仁縣西。⑦明赤水衛。在今貴州畢節縣北。⑧明府。今貴州思南縣。⑨荊州。岳州。辰州。常德四府。⑩敘州。馬湖。重慶。夔州。四府。按馬湖即金沙江。在今四川屏山縣。⑪邛州。雅州。今四川邛崃雅安二縣。⑫四州名。⑬今四川倍陵縣。⑭瀘州及敘州府。⑮細竹。⑯編排竹木行於水上。⑰官名。掌營造宮室。⑱公輸般。王爾。古巧人。⑲山名。在湖南甯遠縣。⑳今甘肅武都縣。㉑永甯。在今貴州關嶺縣北十里。明清皆屬貴州安順府。現改為關嶺縣。㉒源出青海巴顏哈喇山。由四川西徼之巴塘。南流入雲南西北邊。經麗江縣北。曰麗江。俗呼金沙江。㉓在湖北監利縣東南。㉔衆人共力之聲。㉕動貌。㉖楚靈王作。在河南商水縣北。㉗漢武帝宮。㉘名廣。字充之。㉙湖北當陽縣之城樓。魏王仲宣。燔會登此樓作賦。㉚名嵩。字惟中。明分宜人。弘治進士。世宗時官至太子太師。

【諸家集評】姚氏曰所序事繁重而氣能包舉亦集中傑構但首尾瑣細語尙宜翦裁

歸熙甫歸氏二孝子傳

歸氏二孝子。余既列之家乘矣。以其行之卓而身微賤。獨其宗親鄰里知之。於是思以廣其傳焉。孝子諱鉞。字汝威。早喪母。父更娶後妻。生子。孝子由是失愛。父提孝子。輒索大杖與之。曰。毋徒手。傷乃力也。家貧。食不足以贍。炊將熟。卽譏譏罪過孝子。父大怒。逐之。於是母子得以飽食。孝子數困。匍匐道中。比歸。父母相與言曰。有子不居家。在外作賊耳。又復杖之。屢瀕於死。方孝子依依戶外。欲入不敢。俯首竊淚下。鄰里莫不憐也。父卒。母獨與其子居。孝子擯不見。因販鹽市中。時私其弟。問母飲食。致甘鮮焉。正德庚午。大饑。母不能自活。孝子往。涕泣奉迎。母內自慚。終感孝子誠懇。從之。孝子得食。先母弟而已。有饑色。弟尋死。終身怡然。孝子少饑餓。面黃而體瘠小。族人呼爲菜大人。嘉靖壬辰。孝子鉞無疾而卒。孝子既老且死。終不言其後母事也。繡字華伯。孝子之族子。亦販鹽以養母。已又坐市舍中賣麻。與弟紋緯友愛無間。緯以事坐繫。華伯力爲營救。緯又不自檢。犯者數四。華伯所轉賣者。計常終歲無他故。才給蔬食。一經吏卒過門。輒耗。終始無愠容。華伯妻朱氏。每製衣必三襲。令兄弟均平。曰。二叔無室。豈可使君獨被完潔耶。叔某亡。妻有遺子。撫愛之如已出。然華伯。人見之以爲市人。

也。

贊曰。一孝子出沒市販之間。生平不識詩書。而能以純懿之行。自飭於無
入之地。遭罹^四屯變。無恆產以自潤而不困折。斯亦難矣。華伯夫婦如鼓瑟^五。
汝威卒變頑嚚^六。考其終。皆有以自達。由是言之。士之獨行而憂寡和者。視
此可愧也。

〔註音〕（鉞）音月（匍匐）音蒲伏（譏）音箋

〔釋義〕^一家乘即家譜也。〔鶴林玉露〕山谷晚年作日錄。題曰家乘。取孟子晉之乘之義。^二巧譎貌。^三明
武宗年號。^四遭罹。遭遇也。^五喻同心也。^六舜父頑母嚚。舜卒有以感化之。嚚。愚也。

歸熙甫筠溪翁傳

余居安亭。一日有來告云。北五六里溪上。草舍三四楹。有筠溪翁居其間。
日吟哦。數童子侍側。足未嘗出戶外。余往省之。見翁頽然^二。延余坐。淪^{*}
茗以進。舉架上書。悉以相贈。殆數百卷。余謝而還。久之。遂不相聞。然余逢
人輒問筠溪翁所在。有見之者。皆云翁無恙。每展所與書。未嘗不思翁也。
今年春。張西卿從江上來。言翁居南澗浦。年已七十。神氣益清。編摩殆不
去手。侍婢生子。方呱呱。西卿狀翁貌。如余十年前所見加少。亦異矣哉。噫。
余見翁時歲暮。天風撩慄^四。野草枯黃。日將晡^{五*}。余循去徑還。家嫗兒子以遠
客至。具酒。見余挾書還。則皆喜。一二年。妻兒皆亡。而翁與余別。每勞人問

死生。余雖不見翁。而獨念翁常在宇宙間。視吾家之溘然而盡者。翁殆如千歲人。昔東坡先生為方山子傳。其事多奇。余以為古之得道者。常遊行人間。不必有異。而人自不之見。若筠溪翁。固在吳淞烟水間。豈方山子之謂哉。或曰。筠溪翁非神仙家者流。抑巖處之高士也與。

【註音】（筠）音均（頤）音祈（瀾）音藥（解）音蟹（溘）克盍切

【釋義】鎮名。在江蘇崑山縣東南。①長大貌。②煎茶也。③寒冷戰慄狀。④日過午後為晡。⑤奄忽也。⑥江名。自太湖東北流。經吳江。吳縣。崑山。青浦。松江。上海。嘉定。合黃浦江入海。【諸家集評】姚氏曰傳筠溪翁而意思所屬又不在翁故為微妙

歸熙甫陶節婦傳

陶節婦方氏。崑山人。陶子舸之妻。歸陶氏期年。而子舸死。婦悲哀欲自經。或責以姑在。因俛默久之。遂不復言死。而事姑日謹。姑亦寡居。同處一室。夜則同衾而寢。姑婦相憐甚。然欲死其夫。不能一日忘也。為子舸卜葬地。名清水灣。術者言其不利。婦曰。清水名美。何為不可以葬。時夫弟之西山。買石。議獨為子舸穴。婦即自買磚穴其旁。已而姑病痢六十餘日。晝夜不去側。時尚秋暑。穢不可聞。常取中裙廁臉。自浣灑之。家人有顧而吐。婦曰。果臭耶。吾日在側。誠不自覺。然聞病人溺臭。可得生。因自喜。及姑病日殆。度不可起。先悲哭不食者五日。姑死。含殮畢。先是子舸兄弟三人。仲弟子舫亦前死。尚有少弟。於是諸婦在喪次。子舫妻言。姑亡後。不知所以為身

計。婦曰。吾與若。易處耳。獨小嬸共叔主祭。持陶氏門戶。歲月遙遙不可知。此可念也。因相向悲泣。頃之入室。屑金和水服之。不死。欲投井。井口隘。不能下。夜二鼓。呼小婢隨行。至舍西。給婢還。自投水。水淺。乍沈乍浮。月明中。婢從草間望見之。既死。家人得其屍。以面沒水。色如生。兩手持菱根。固甚。不可解也。婦年十八嫁子舸。十九喪夫。事姑九年。而與其姑同日死。卒葬之清水灣。在縣南千墩浦上。

贊曰。婦以從夫爲義。假令節婦遂從子舸死。而世猶將賢之。獨孀忍以俟其母之終。其誠孝概之於古人。何愧哉。初。婦父王岡爲蘄水令。將之官。時子舸已病。卜嫁之。大吉。遂歸焉。人特以婦爲不幸。卒其所成。爲門戶之光。豈非所謂吉祥者耶。

【註音】(舸)古我切(俛)同俯(臉)音豆(給)音殆(孀)音儒(蘄)音其
【釋義】●在太湖中。●中裙。若今言中衣也。●廁臉。近身小衫。●誑也。●含忍也。●湖北省。縣名。

歸熙甫王烈婦傳

王烈婦陸氏。其夫王士。家崑山之西。盆瀆村。崑故有薛烈婦。彭節婦。嘗居其地。舍旁今有薛冢焉。百六十年間。三烈婦相望也。自烈婦入王士門。其墓園枯竹更青。三年三生芝。皆雙莖。比四年。芝已不生。而烈婦死。世謂芝爲瑞草。芝之應恆於貴富壽考康寧。而於烈婦以死。是可以觀天道也已。

時王士病且死。自憐貧無子。難為其婦計。烈婦指心以誓。士目瞑。為絕水漿。家人作糜強進之。烈婦不得已一舉。輒響蹙曰。視吾如此。能食否。俯視地。喀喀吐出。每涕泣呼天。欲與俱去。家人頗目屬私語。然謂新死悲甚。不深疑。更入日。其舅他出家無人。諸婦女在竈下。烈婦焚楮作禮。俯首竊淚下。閤然向夫語。見漆工塗棺。曰善為之。徐步入房。聞闔戶聲。縊死矣。麻葛重襲。面土尸也。

歸子曰。王士之祖父。舊為吾家比鄰。世通游好。予髫年從師。士亦來。長與案等耳。不謂其後乃有賢婦。異哉。一女子感慨自決。精通於鬼神。其舅云。新婦故淑婉仁孝人也。嗟乎。是固然無疑。然余不暇論。論其大者。

【註音】(喀)音客(髻)音迮

【釋義】①無病而健也。②粥也。③眉蹙也。④嘔吐聲。⑤閤然默也。⑥閉門也。⑦兒時也。

歸熙甫韋節婦傳

韋節婦。九江德化人。姓許氏。為同縣韋起妻。節婦歸韋氏八年。夫死。生子甫。八月。父母憐之。意欲令改適。然見其悲哀。終不敢言也。夫亡後。有所遺貲。復失之。貧甚。幾無以自存。而節操愈厲。尤善哭其夫。哭必極哀。蓋二十餘年。其哭如初喪之日。以故年四十而衰。髮盡白。口中無齒。如七十餘歲人。初所生八月兒。多病。死者數矣。節婦謂其姑曰。兒病如此。奈何。吾所以

不死。乃以此兒。今如是。悔不從死。因仰天呼曰。天乎。不能爲韋氏延此一息乎。兒不食。卽節婦亦不食。歲歲如是。至六七歲。猶病。後乃得無恙。既長。教之學。名曰必榮。已而爲郡學弟子員。始有廩米之養。自未入郡學。無廩米之養。非紡績不給食也。議者以爲節婦之所處。視他婦人守節者。艱難蓋百倍之。至於終身而毀。其誠蓋出於天性。尤所難者。節婦既沒。必榮以貢廷試。選爲蘇州嘉定學官。

贊曰。予嘗從韋先生遊。問洞庭^五彭蠡^六江水所匯處。及廬山白鹿洞^七。想見昔賢之遺迹。而後乃聞韋夫人之節。然先生恂恂^八儒者。其夫人之教耶。

【註音】(恂)須倫切音荀

【釋義】①德化縣。舊屬九江府。今劃江西九江縣。②財也。③明制。生員補廩後。有廩米可領。④嘉定。今江蘇嘉定縣。歸屬蘇州府。⑤洞庭湖。在湖南境。⑥彭蠡湖名。又名鄱陽。在江西境。⑦廬山。在江西九江縣南。其五老峯下有白鹿洞。唐李渤與兄涉讀書廬山。常畜一白鹿。因以名洞。⑧恂恂信實之貌。〔論語〕孔子於鄉黨恂恂如也。

歸熙甫先妣事略

先妣周孺人。弘治元年二月十一日生。年十六來歸。踰年生女淑靜。淑靜者。大姊也。期而生有光。又期而生女子。殤一人。期而不育者一人。又踰年生有尙。妊十二月。踰年生淑順。一歲又生有功。有功之生也。孺人比乳他子加健。然數顰蹙。蹙顧諸婢曰。吾爲多子苦。老嫗以杯水盛二螺進曰。飲此。

後妊不數矣。孺人舉之盡。暗^{二*}不能言。正德八年五月二十三日。孺人卒。諸兒見家人泣。則隨之泣。然猶以爲母寢也。傷哉。於是家人延畫工畫。出二子命之曰。鼻以上畫有光。鼻以下畫大姊。以二子肖母也。孺人諱桂。外會祖諱明。外祖諱行。太學生。母何氏。世居吳家橋。去縣城東南三十里。由千墩浦而南直橋。並小港以東。居人環聚。盡周氏也。外祖與其三兄。皆以貴雄。敦尙簡實。與人^三姁姁說村中語。見子弟甥姪無不愛。孺人之吳家橋則治木綿。入城則緝繡^四。燈火熒熒。每至夜分。外祖不二日使人問遺。孺人不憂米鹽。乃勞苦若不謀夕。冬月爐火炭屑。使婢子爲團。累累暴階下。室靡棄物。家無閒人。兒女大者攀衣。小者乳抱。手中^五紉綴不輟。戶內灑然。遇僮僕有恩。雖至^六箠楚^五皆不忍有後言。吳家橋歲致魚蟹餅餌。率人人得食。家中人聞吳家橋人至。皆喜。有光七歲。與從兄有嘉入學。每陰風細雨。從兄輒留。有光意戀戀不得留也。孺人中夜覺寢。促有光暗誦孝經。卽熟讀無一字齟齬。乃喜。孺人卒。母何孺人亦卒。周氏家有羊狗之^{六*}病^{六*}。舅母卒。四姨歸顧氏又卒。死三十人而定。惟外祖與一舅存。孺人死十一年。大姊歸王三接。孺人所許聘者也。十二年。有光補學官弟子。十六年而有婦。孺人所聘者也。期而抱女。撫愛之。益念孺人。中夜與其婦泣。追惟一二。彷彿如昨。餘則茫然矣。世乃有無母之人。天平。痛哉。

【註音】（暗）於金切音因（媿）音劬（紉）音人（籬）追上聲（病）音阿
【釋義】①孝宗年號。②失聲不能言也。③和好貌。④接麻使成縷也。⑤籬楚杖刑也。⑥當是時疫。羊狗多死也。

【諸家集評】大姚曰此篇文便直接韓歐以形貌不似而相同在骨法也

方靈臯白雲先生傳

張怡字瑤星初名鹿徵上元人也父可大^二。明季總兵登萊會毛文龍將卒反誘執巡撫孫元化^三可大死之事聞怡以諸生授錦衣衛千戶甲申流賊^四陷京師遇賊將不屈械繫將肆掠其黨或義而逸之久之始歸故里其妻已前死獨身寄攝^五山僧舍不入城市鄉人稱白雲先生當是時三楚吳越耆舊多立名義以文術相高惟吳中徐昭法^六宣城沈眉生^七躬耕窮鄉雖賢士大夫不得一見其面然尙有楮墨流傳人間先生則躬樵汲口不言詩書學士詞人無所求取四方冠蓋往來日至茲山而不知山中有是人也先君子與余處士公佩歲時問起居入其室架上書數十百卷皆所著經說及論述史事請貳之^八弗許曰吾以盡吾年耳已市二甕下棺則并藏焉卒年八十有八平生親故夙市良材爲具棺槨疾將亟聞而泣曰昔先將軍致命危城無親屬視含殮雖改葬親身之棨^九弗能易也吾忍乎顧視從孫某趣易棺定附身衾衣乃卒時先君子適歸皖桐反則已渴葬矣^{一〇}或曰書已入壙^{一一}或曰經說有貳尙存其家乾隆三年詔修三禮^{一二}求遺書其從孫

某以書詣郡。太守命學官集諸生繕寫。久之未就。先生之書。余心嚮之。而懼其無傳也久矣。幸其家人自出之。而終不得一寓目焉。故并著於篇。俾鄉之後進有所感發。守藏而傳布之。毋使遂沈沒也。

【註音】（擗）音闕（趣）音促

【釋義】①今江蘇江甯縣。②字觀甫。世襲南京羽林衛指揮。總兵登萊。城陷。殺其妾陳氏。自縊於署。③元化。字初陽。嘉定人。④指李自成等。⑤即南京之棲霞山。⑥名枋。長洲人。崇禎舉人。痛父殫殉難。隱居靈巖山。閉戶著書。隱居四十餘年卒。⑦名壽民。宣城人。隱居講學以終。⑧謂人重抄一本也。⑨棺也。⑩安徽桐城。⑪不及時月而葬。⑫墓穴也。⑬儀禮。周禮。禮記。

方靈皋二貞婦傳

康熙乙亥。余客涿州。館於滕氏。見僮某。獨自異於羣奴。怪之。主人曰。其母方氏。歎人也。美姿容。自入吾家。即涕泣請於主婦曰。某良家子。不幸夫無藉。凡役之賤且勞者。不敢避也。但使與男子雜居同役。則不能一日以生。會孺子疾。使存視。兼旬。睫不交。所養孺子凡六人。忠勤如始至。自其夫自鬻。即誓不與同寢處。而夫死。疏食終其身。家人重其義。故於其子亦禮貌焉。戊戌秋。天津朱乾御言。里中節婦任氏。年十七。歸符鍾奇。踰歲而鍾奇死。姑楊氏。故孀也。閱六月又死。時任氏僅遺腹一女子。而鍾奇弟妹四人。皆孩提。任氏保抱攜持。為之母。為之師。又以其間修業而息之。凡二十年。各授室有家。而節婦死。族姻皆曰。亡者而有知也。楊氏可無懟於其死。鍾

奇可無憾於其親矣。夫嫠之苦身以勤家。多爲其子也。自有任氏而承夫之義始備焉。婦人委身於夫。而方氏非生絕其夫。不能守其身以芘其子。是皆遭事之變。而曲得其時義。雖聖賢處此。其道亦無以加焉者也。凡士之安常履順。而自檢其身。與所以施於家者。其事未若二婦人之難難也。而乃苟於自恕。非所謂失其本心者歟。

【註音】（歎）音撮（睫）音接（醫）音育（懟）音墜（芘）同庇（鬱）同艱

【釋義】①今河北涿縣。②今安徽歙縣。③目旁毛。睫不交謂不閉眼也。④怨也。⑤寡婦也。

劉才甫樵髻傳

樵髻翁。姓程氏。名駿。世居桐城縣之西鄙。性疏放。無文飾。而多髭鬚。因自號曰樵髻云。少讀書。聰穎拔出凡輩。於藝術匠巧嬉遊之事。靡不涉獵。然皆不肯窮竟其學。曰。吾以自娛而已。尤嗜弈棋。常與里人弈。翁不任苦思。里人或注局凝神。翁輒顰蹙曰。我等豈真知弈者。聊用爲戲耳。乃復效小兒輩強爲解事。時時爲人治病。亦不用以爲意。諸富家嘗與往來者。病作。欲得翁診視。使僮奴候之。翁方據棋局曉曉然。竟不往也。翁季父官建寧。翁隨至建寧官廨。得以恣情山水。其言武夷九曲幽絕可愛。令人遺棄世事。欲往遊焉。

劉子曰。余寓居張氏勺園中。翁亦以醫至。余久與翁處。識其性情。翁見余

為文。亟求余書其名氏。以傳於無窮。余悲之。而作樵髯傳。

【註音】（髯）冉平聲（髭）音資（曉）許么切（廡）音解（勺）音酌

【釋義】①口上曰髭。口下曰鬚。②邊陲也。③不專精也。④爭辨貌。⑤舊福建省府名。今建甌縣。⑥武夷山。在

建甌縣境。綿亘百二十里。有二十六峯。二十七岩。溪流繚繞。分爲九曲。

【諸家集評】姚氏曰寫出村野之態如在目前而文之高情遠韻自見於筆墨蹊徑之外

劉才甫胡孝子傳

孝子胡其愛者。桐城人也。生不識詩書。時時爲人力傭。而以其傭之直奉母。母中歲邁。罷癘^一之疾。長臥牀褥。而孝子常左右之無違。自臥起以至飲食^二。便皆孝子躬自扶抱。一身而百役。靡不爲也。孝子家無升斗之儲。每晨起。爲母盥沐。烹飪進朝饌。乃敢出傭。其傭地稍遠不及炊。則出勺米付鄰媪^三。而叩首以祈其代爨。媪辭叩。則行數里外。遙致其拜焉。至夜必歸。歸則取母中裙穢污。自浣滌之。孝子衣履皆敝垢。而時致鮮肥供母。其在與傭者之家。遇肉食卽不食。而請歸以遺其母。同列見其然。而分以餉之。輒不受。平生無所取於人。有與之者必報。母又喜出觀遊。村鄰有伶優之劇。孝子每負母以趨。爲藉草安坐。候至夜分人散。乃復負而還。時其和霽。母欲往宗親里黨之家。亦如之。孝子以生業之微。遂不娶。惟單獨一人。竭力以養終其身。母陳氏。以雍正八年病。至乾隆二十七年。乃以天年終。蓋前後三十餘年。而孝子奉之如一日也。母既沒。負土成墳。卽墳傍掛片席而

居。悽傷成疾。逾年癸未。孝子胡其愛卒。贊曰。今之士大夫。遊宦數千里外。父母沒於家。而不知其時日。豈意鄉里傭雇之間。懷篤行深愛之德。有不忍一夕離其親宿於外。如胡君者哉。胡君字汝彩。父曰志賢。又同里有潘元生者。入自外。而其家方火。其母閉在火中。元生奮身入火。取其母以出。頭面皆灼爛。此亦人之至情無足異。然愚夫或怯懦不進。則抱終身之痛無及矣。勇如元生。蓋亦有足多者。余故爲附著之。

【註音】(癯)音隆(洩)音搜(盥)音貫(爨)音竄

【釋義】①體廢不能動作也。②小便也。③老婦人。④傭雇奴僕下役也。

【諸家集評】姚氏曰摹寫極真質而不俚直逼史記

劉才甫章大家行略

先大父側室。姓章氏。明崇禎丙子十一月二十七日生。年十八來歸。踰年生女子一人。不育。又十餘年。而大父卒。先大母錢氏。大母早歲無子。大父因娶章大家*。三年。大母生吾父。而章大家卒無出。大家生寒族。年少。又無出。及大父卒。家人趣*之使行。大家則慷慨號慟不食。時吾父纔八歲。童然在側。大家挽吾父跪大母前。泣曰。妾卽去。如此小弱何。大母曰。若能志夫子之志。亦吾所荷也。於是與大母同處四十餘年。年八十一而卒。大家事

大母盡禮。大母亦善遇之。終身無間言。櫬櫬幼時。猶及事大母。值清夜。大母倚簾帷坐。櫬侍在側。大母念往事。忽淚落。櫬見大母垂淚。問何故。大母歎曰。予不幸。汝祖中道棄予。汝祖沒時。汝父纔八歲。回首見章大家在室。因指謂櫬曰。汝父幼孤。以養以誨。俾至成人。以得有今日。章大家之力為多。汝年及長。則必無忘章大家。櫬時雖穉穉。見言之哀。亦知從旁泣。大家自大父卒。遂喪明。日雖無見。而操作不輟。櫬七歲。與伯兄仲兄。從塾師在外庭讀書。每隆冬。陰風積雪。或夜分始歸。僮奴皆睡去。獨大家煨爐火以待。聞叩門。即應聲策杖扶壁行。啓門。且執手問曰。若書熟否。先生曾扑責否。即應以書熟。未會扑責。乃喜。大家垂白垂白。吾家益貧。衣食不足以養。而大家之晚節更苦。嗚呼。其可痛也夫。

【註音】(家)同姑(趣)同促(櫬)音魁

【釋義】①猶感也。②穉昧。謂年幼無知也。③目不能見也。④櫻楚也。其形長方。持之以擊人者。〔書〕扑作教刑。⑤髮將白也。

【諸家集評】姚氏曰真氣淋漓史記之文又曰其才似高於望溪而敘處較望溪有俗氣

韓退之毛穎傳

毛穎。中山人也。其先明眎眎。佐禹治東方土。養萬物有功。因封於卯地卯地。死為十二神十二神。嘗曰。吾子孫神明之後。不可與物同。當吐而生吐而生。已而果然。明眎入世孫世孫。世傳當殷時。居中山。得神仙之術。能匿光使物。竊姮娥姮娥。騎蟾蜍蟾蜍入

月^六。其後代遂隱不仕云。居東郭者曰魏^七。狡而善走。與韓盧爭能。盧不及。盧怒。與宋鵠^九謀而殺之。醢^{一〇}其家。秦始皇時。蒙將軍恬^二南伐楚。次中山。將大獵。以懼楚。召左右庶長與軍尉。以連山^三筮之。得天與人文之兆。筮者賀曰。今日之獲。不角不牙。衣褐之徒。缺口而長鬚。入竅而跌^{一三}居。獨取其髦^{一四}。簡牘是資。天下其同書。秦其遂兼諸侯乎。遂獵。圍毛氏之族。拔其豪。載穎而歸。獻俘於章臺宮。聚其族而加束縛焉。秦皇帝使恬賜之湯沐。而封諸管城。號曰管城子。日見親寵。任事。穎爲人強記而便敏。自結繩^{一五}之代。以及秦事。無不纂錄。陰陽卜筮占相。醫方族氏。山經地志。字書圖畫。九流百家。天人之書。及至浮圖老子外國之說。皆所詳悉。又通於當代之務。官府簿書。市井貨錢注記。惟上所使。自秦皇帝及太子扶蘇。胡亥丞相斯。中車府令高。下及國人。無不愛重。又善隨人意。正直邪曲。巧拙。一隨其人。雖見廢棄。終默不洩。惟不喜武士。然見請亦時往。累拜中書令。與上益狎。上嘗呼爲中書君。上親決事。以衡石自程^{一六}。雖宮人不得立左右。獨穎與執燭者常侍。上休乃罷。穎與絳人陳玄^{一七}。弘農陶泓^{一八}。及會稽褚先生^{一九}友善。相推致。其出處必偕。上召穎。三人者不待詔。輒俱往。上未嘗怪焉。後因進見。上將有任使。拂拭之。因免冠謝。上見其髮禿。又所摹畫不能稱上意。上嘻笑曰。中書君老而禿。不任吾用。吾嘗謂君中書君。今不中書邪。對曰。臣所謂盡心者。因不復

召。歸封邑。終於管城。其子孫甚多。散處中國夷狄。皆冒管城。惟居中山者。能繼父祖業。

太史公曰。毛氏有兩族。其一姬姓。文王之子封於毛。所謂魯衛毛聃者也。戰國時。有毛公毛遂。獨中山之族。不知其本所出。子孫最為蕃昌。春秋之成。見絕於孔子。而非其罪。及蒙將軍拔中山之豪。始皇封諸管城。世遂有名。而姬姓之毛無聞。穎始以俘見。卒見任使。秦之滅諸侯。穎與有功。賞不酬勞。以老見疎。秦真少恩哉。

〔註音〕(醜)奴候切(姬)音恆(蝮)音除(醢)音海(跌)音膚(聃)他甘切

〔釋義〕(一)在今安徽宣城縣。(二)謂兔也。〔禮〕兔曰明眎。眎同視。(三)星命家十二支。卯屬兔。(四)地支十二。卯居第四。(五)〔論衡〕兔舐毫而孕。及其生子。從口而出。(六)羿請不死之藥於西王母。姮娥竊之以奔月。遂託身於月。是為蟾蜍。按蟾蜍。月中蝦蟆。(七)狡兔繞。(八)良犬名。(九)亦良犬名。(十)肉醬也。(十一)始製筆者。(十二)〔周禮〕三易之法。夏曰連山。商曰歸藏。周曰周易。(十三)足趾也。(十四)毛中長毫。(十五)燧人氏結繩以紀事。大事作大結。小事作小結。(十六)在權其輕重也。始皇以衡石量書。日夜有程。不中程。不休息。(十七)墨也。(十八)硯也。(十九)紙也。(二十)並戰國時趙人。

〔諸家集評〕柳子厚曰。來南者時言韓愈為毛穎傳不能舉其詞。獨大笑以為怪吾索而讀之。若捕龍蛇搏虎豹。急與之角。而力不敢暇。信韓子之怪於文也。世之模擬竄竊。取青媿白。肥皮厚肉。柔筋脆骨。而以為詞者。之讀之也。其大笑固宜。

會滌生曰。東坡詩云。退之仙人也。遊戲於斯文。凡韓文無不狡獪變化。具大神通。此尤作劇耳。

張廉卿曰。遊戲之文。借以抒其胸中之奇。洗滌自恣。而部勒一絲不亂。後人無從進步。

秦泰山刻石文

皇帝臨位。作制明法。臣下修飭。二十有六年。初并天下。罔不賓服。親巡遠方。黎民登茲泰山。周覽東極。從臣思迹。本原事業。祇誦功德。治道運行。諸產得宜。皆有法式。大義休明。垂於後世。順承勿革。皇帝躬聖。既平天下。不懈於治。夙興夜寐。建設長利。專隆教誨。訓經宣達。遠近畢理。咸承聖志。貴賤分明。男女禮順。慎遵職事。昭隔內外。靡不清淨。施於後嗣。化及無窮。遵奉遺詔。永承重戒。

【釋義】①泰山在山東。是為東嶽。始皇二十八年。東行郡縣。與魯諸儒生。議刻石頌秦德。遂上泰山。刻所立石。②始皇也。③無也。④功迹也。如王迹。⑤及也。

【諸家集評】李申耆曰此以封禪望祭立石故其詞特莊又曰秦相他文無不詆麗頌德立石一變為樸渾知體要也其詞氣便欲破除詩書自作古始

秦琅邪臺刻石文

維二十六年。皇帝作始。端平法度。萬物之紀。以明人事。合同父子。聖智仁義。顯白道理。東撫東土。以省卒士。事已大畢。乃臨於海。皇帝之功。勤勞本事。上農除末。黔首是富。普天之下。搏心揖志。器械一量。同書文字。日月所照。舟輿所載。皆終其命。莫不得意。應時動事。是維皇帝。匡飭異俗。陵水經

地憂恤黔首。朝夕不懈。除疑定法。咸知所辟。方伯分職。諸治經易。舉錯必當。莫不如畫。皇帝之明。臨察四方。尊卑貴賤。不踰次行。姦邪不容。皆務貞良。細大盡力。莫敢怠荒。遠邇辟隱。專務肅莊。端直敦忠。事業有常。皇帝之德。存定四極。誅亂除害。興利致福。節事以時。諸產繁殖。黔首安寧。不用兵革。六親相保。終無寇賊。驩欣奉教。盡知法式。六合之內。皇帝之士。西涉流沙。南盡北戶。東有東海。北過大夏。人迹所至。無不臣者。功蓋五帝。澤及牛馬。莫不受德。各安其宇。維秦王兼有天下。立名為皇帝。乃撫東土。至於琅邪。列侯武城侯王離。列侯通武侯王賁。倫侯建成侯趙亥。倫侯昌武侯成。倫侯武信侯馮毋擇。丞相隗狀。丞相王綰。卿李斯。卿王戊。五大夫趙嬰。五大夫楊樛。從與議於海上。曰。古之帝者。地不過千里。諸侯各守其封域。或朝或否。相侵暴亂。殘伐不止。猶刻金石以自為紀。古之五帝三皇。知教不同。法度不明。假威鬼神。以欺遠方。實不稱名。故不久長。其身未歿。諸侯倍叛。法令不行。今皇帝并一海內。以為郡縣。天下和平。昭明宗廟。體道行德。尊號大成。羣臣相與誦皇帝功德。刻於金石。以為表經。

【註音】(搏)古專字(揖)音集(賁)音臂(戊)音茂(樛)音鳩

【釋義】①琅邪山。在山東諸城縣東南一百五十里。始皇二十八年。南登琅邪。留三月。徙民三萬戶於山下。作琅邪臺。立石頌秦德也。②末指工商。上同謂尙。重農而輕工商也。③百姓也。④斂也。⑤一量者。同度量也。⑥陵作凌。猶歷也。⑦界也。⑧即居延澤。在今蒙古額濟納旗東北境。⑨漢之日南郡。四荒之一。⑩今山西太原縣。⑪王

離翦孫。二世使將兵擊趙圍趙王及張耳於鉅鹿。未幾項羽救趙破秦軍離竟被虜。翦子為將率兵破定燕齊地。始皇統一天下。以王氏與蒙氏功最大。倫侯爵卑於列侯無封邑者。五大夫大夫中之尊者。是頌秦德後半是鳴得意始皇登琅邪而大樂之故其詞特鋪張盡致

秦之罘刻石文

維二十九年。時在中春。陽和方起。皇帝東游。巡登之罘。臨照於海。從臣嘉觀。原念休烈。追誦本始。大聖作治。建定法度。顯著綱紀。外教諸侯。光施文惠。明以義理。六國回辟。貪戾無厭。虐殺不已。皇帝哀衆。遂發討師。奮揚武德。義誅信行。威燁^{四*}_三^{*}_三。莫不賓服。烹滅彊暴。振救黔首。周定四極。曾施明法。經緯天下。永為儀則。大矣哉。宇^五縣之中。承順聖意。羣臣誦功。請刻於石。表垂於常式。

【註音】(中)音仲(罘)音浮(燁)音闌(劓)作旁

【釋義】①之罘山。在今山東福山縣東北二十五里。②中春二月也。③誅必義。行必信。④火起貌。⑤宇宙也。

【諸家集評】李申著曰史記二十八八年登之罘立石二十九年登之罘刻石蓋即刻所立之石也

秦東觀刻石文

維二十九年。皇帝春游。覽省遠方。逮於海隅。遂登之罘。昭臨朝陽。觀望廣麗。從臣咸念。原道至明。聖法初興。清理疆內。外誅暴彊。武威劓暢。振動四極。禽滅六王。闡并天下。蓄害絕息。永偃^二戎兵。皇帝明德。經理宇內。視聽不

怠。作立大義。昭設備器。咸有章旗。職臣遵分。各知所行。事無嫌疑。黔首改化。遠邇同度。臨古絕尤。常職既定。後嗣循業。長承聖治。羣臣嘉德。祇誦聖烈。請刻之罽。

【釋義】●與災同。【詩】無菑無害。●休止其事曰偃。

【諸家集評】李申耆曰東觀碣石二刻皆按時事言之昭設備器職臣遵分常職既定云云皆有所指也

秦碣石刻石文

遂興師旅。誅戮無道。為逆滅息。武殄暴逆。文復無罪。庶心咸服。惠論功勞。賞及牛馬。恩肥土域。皇帝奮威德。并諸侯。初一泰字。墮壞城郭。決通川防。夷去險阻。地勢既定。黎庶無繇。天下咸撫。男樂其疇。女修其業。事各有序。惠被諸產。久並來田。莫不安所。羣臣誦烈。請刻此石。垂著儀矩。

【註音】(復)音福(繇)音遙

【釋義】●碣石山。在今河北昌黎縣西北。●字內也。●役也。●田疇也。並畔為疇。

【諸家集評】李申耆曰特從墮壞城郭決通隄防用意為後人因事立碑之式

秦會稽刻石文

皇帝休烈。平一字內。德惠修長。三十有七年。親巡天下。周覽遠方。遂登會稽。宣省習俗。黔首齊莊。羣臣誦功。本原事迹。追道高明。秦聖臨國。始定刑名。顯陳舊章。初平法式。審別職任。以立恆常。六王專倍。貪戾傲猛。率眾自

疆。暴虐恣行。負力而驕。數動甲兵。陰通間使。以事合從。行爲辟方。內飾詐
謀。外來侵邊。遂起禍殃。義威誅之。殄熄暴悖。亂賊滅亡。聖德廣密。六合之
中。澤被無疆。皇帝并宇。兼聽萬事。遠近畢清。運理羣物。考驗事實。各載其
名。貴賤並通。善否陳前。靡有隱情。飾省宣義。有子而嫁。倍死不貞。防隔內
外。禁止淫泆。男女絜誠。夫爲寄猥。殺之無罪。男秉義程。妻爲逃嫁。子不得
母。咸化廉清。大治濯俗。天下承風。蒙被休經。皆遵度軌。和安敦勉。莫不順
令。黔首修潔。人樂同則。嘉保太平。後敬奉法。常治無極。輿舟不傾。從臣誦
烈。請刻此石。光垂休銘。

〔註音〕(傲)魚到切(數)音朔(猥)音加

〔釋義〕①會稽山。在今浙江紹興縣東南。始皇二十七年。出遊。上會稽。祭大禹。望于南海。立石刻頌秦德。②
貪戾貪而暴虐也。③廣密謂大而且厚也。④六合天地也。⑤飾。拭其穢也。省。察也。⑥放恣也。⑦猥。牡豬。言夫淫他
室。若寄猥之豬也。⑧謂妻背夫而逃另嫁他人。

〔諸家集評〕李申耆曰此在焚書阬儒大定法制之後故有考驗事實貴賤並通云云楚越俗薄故於宣義
廉清尤詳言之也

班孟堅封燕然山銘 并序

維永元元年秋七月。有漢元舅日車騎將軍竇憲寅亮聖皇。登翼王室。納
於大麓。維清緝熙。乃與執金吾耿秉述職巡禦。治兵於朔方。鷹揚之校。螭
虎之士。爰該六師。暨南單于。東胡烏桓。西戎氐羌。侯王君長之羣。驍騎十

萬元戎輕武長轂四分雷輜蔽路萬有三千餘乘勒以八陣洩以威神玄
 甲耀日朱旗絳天遂凌高闕下雞鹿經磧鹵絕大漠斬溫禺以豐鼓血尸
 逐以染鏑然後四校橫徂星流彗掃蕭條萬里野無遺寇於是域滅區殫
 返旆而還考傳驗圖窮覽其山川遂踰涿邪跨安侯乘燕然躡冒頓之區
 落焚老上之龍庭將上以據高文之宿憤光祖宗之玄靈下以安固後嗣
 恢拓境宇振大漢之天聲茲可謂一勞而久逸暫費而永寧也乃遂封山
 刊石昭銘盛德其辭曰
 鑠王師今征荒裔剿凶虐今截海外復其邈今互地界封神邱今建隆碣
 熙帝載今振萬世

【註音】(螭)音癡(輜)音淄(磧)七迹切(鹵)音魯(冒頓)音墨突(據)抽居切(鑠)書藥切(復)戶頂切

【釋義】(一)後漢書「齊殤王子都鄉侯暢來弔國憂竇憲遣客刺殺暢發覺憲懼誅自求擊匈奴以贖死會

南單于請兵北伐乃拜憲車騎將軍以執金吾耿秉為副大破單于遂登燕然山刻石勒功記漢威德令班固作
 銘按燕然山為今蒙古賽音諾顏部之杭愛山(一)漢和帝年號(二)字伯度竇皇后兄(三)敬也(四)信也(五)謂登用輔
 翼也(六)麓錄也謂納之使大錄萬機也(七)緝熙光明也(八)官名掌執金革以禦非常(九)字伯初(十)如鷹之飛揚也
 (十一)螭似龍而黃無角螭虎形容士之勇也(十二)兵車也(十三)亦兵車也(十四)八陣者方陣圓陣牝陣牡陣衝陣輪
 陣浮沮陣雁行陣是也(十五)臨也(十六)山名(十七)塞名(十八)鹹池(十九)直度曰絕(二十)沙漠也(二十一)均匈奴王號(二十二)四校四面之
 校(二十三)橫徂橫行也(二十四)山名(二十五)水名(二十六)頭曼單于子(二十七)冒頓子稽粥號總上單于(二十八)指高帝被冒頓圍於平城七日
 及文帝時匈奴寇邊殺太守(二十九)雷霆之聲(三十)勞也(三十一)美也(三十二)整齊也(三十三)遠也(三十四)竟也(三十五)碣也方者為碑圓者為碣
 (三十六)廣也(三十七)事也

【諸家集評】姚氏曰序亦用韻即琅邪刻石體

李中者曰寬博

元次山大唐中興頌 有序

天寶十四載。安祿山陷洛陽。明年。陷長安。天子幸蜀。太子即位於靈武。明年。皇帝移軍鳳翔。其年復兩京。上皇還京師。於戲前代帝王。有盛德大業者。必見於歌頌。若今歌頌大業。刻之金石。非老於文學。其誰宜為頌。曰。噫嘻前朝。孽臣姦驕。為昏為妖。邊將驕兵。毒亂國經。羣生失寧。大駕南巡。百僚竄身。奉賊稱臣。天將昌唐。繫睨我皇。匹馬北方。獨立一呼。千麾萬旗。戎卒前驅。我師其東。儲皇撫戎。蕩攘羣凶。復服指期。會不踰時。有國無之事。有至難。宗廟再安。二聖重歡。地闢天開。蠲除祲災。瑞慶大來。兇徒逆儔。涵濡天休。死生堪羞。功勞位尊。忠烈名存。澤流子孫。盛德之興。山高日昇。萬福是膺。能令大君。聲容云云。不在斯文。湘江東西。中直浯溪。石崖天齊。可磨可鐫。刊此頌焉。何千萬年。

【註音】（於戲）讀烏呼（繫）音伊（睨）研計切（旗）音俞（祲）音天（云）音雲（浯）音吾（鐫）子全切
 【釋義】①今甯夏靈武縣。②今陝西鳳翔縣。③語助辭。猶是也。④邪視也。⑤旌旗之屬。⑥旗上畫鳥隼。⑦涵濡浸漬也。⑧受也。⑨威貌。⑩源出廣西。流入湖南省。至長沙。入洞庭湖。⑪在湖南祁陽縣。當湘水之南。
 【諸家集評】姚氏曰峻偉雄剛詞與事稱宋人無此與象

韓退之平淮西碑 并序

天以唐克肖其德。聖子神孫。繼繼承承。於千萬年。敬戒不怠。全付所覆。四海九州。罔有內外。悉主悉臣。高祖太宗。既除既治。高宗中睿。休養生息。至於玄宗。受報收功。極熾而豐。物衆地大。孽牙其間。肅宗代宗。德祖順考。以勤以容。大慝適去。稂莠不薶。相臣將臣。文恬武嬉。習熟見聽。以爲當然。睿聖文武皇帝。既受羣臣朝。乃考圖數貢。曰。嗚呼。天既全付予有家。今傳次在予。予不能事事。其何以見於郊廟。羣臣震懼。奔走率職。明年平夏。又明年平蜀。又明年平江東。又明年平澤潞。遂定易定。致魏博。貝衛瀘相無不從志。皇帝曰。不可究武。予其少息。九年。蔡將死。蔡人立其子元濟。以請。不許。遂燒舞陽。犯葉。襄城。以動東都。放兵四劫。皇帝歷問於朝。一二臣外。皆曰。蔡帥之不廷授。於今五十年。傳三姓四將。其樹本堅。兵利卒頑。不與他等。因撫而有。順且無事。大官臆決。唱聲萬口。和附并爲一談。牢不可破。皇帝曰。惟天惟祖宗。所以付任予者。庶其在此。予何敢不力。況一二臣同。不爲無助。曰。光顏。汝爲陳許帥。維是河東魏博。郟陽。三軍之在行者。汝皆將之。曰。重胤。汝故有河陽懷。今益以汝。維是朔方義成。陝益鳳翔。延慶。七軍之在行者。汝皆將之。曰。弘。汝以卒萬二千。屬而子公武。往討之。曰。文通。汝守壽。維是宣武淮南。宣歙浙西。四軍之行於壽者。汝皆將之。曰。道古。汝其觀察鄂岳。曰。愬。汝帥唐鄧隨。各以其兵進戰。曰。度。汝長御史。其往視師。曰。

度。惟汝予同。汝遂相予。以賞罰用命。不用命。曰弘。汝其以節都統諸軍。曰
守謙。汝出入左右。汝惟近臣。其往撫師。曰度。汝其往衣服飲食予士。無寒
無饑。以既厥事。遂生蔡人。賜汝節斧。通天御帶。衛卒三百。凡茲廷臣。汝擇
自從。惟其賢能。無憚大吏。庚申。予其臨門送汝。曰御史。予閔士大夫戰甚
苦。自今以往。非郊廟祠祀。其無用樂。顏胤武合攻其北。大戰十六。得柵城
縣二十三。降人卒四萬。道古攻其東南。入戰。降萬三千。再入申。破其外城。
文通戰其東。十餘遇。降萬二千。愬入其西。得賊將。輒釋不殺。用其策。戰比
有功。十二年八月。丞相度至師。都統弘責戰益急。顏胤武合戰益用命。元
濟盡并其衆。洄曲二六以備。十月壬申。愬用所得賊將。自文城二九因天大雪。疾馳
百二十里。用夜半到蔡。破其門。取元濟以獻。盡得其屬人卒。辛巳。丞相度
入蔡。以皇帝命。赦其人。淮西平。大饗賚功。師還之日。因以其食賜蔡人。凡
蔡卒三萬五千。其不樂爲兵。願歸爲農者十九。悉縱之。斬元濟京師。册功。
弘加侍中。愬爲左僕射。帥山南東道。顏胤武皆加司空。公武以散騎常侍。帥
郵坊丹延。道古進大夫。文通加散騎常侍。丞相度朝京師。道封晉國公。進
階金紫光祿大夫。以舊官相。而以其副總爲工部尙書。領蔡任。既還奏。羣
臣請紀聖功。被之金石。皇帝以命臣愈。臣愈再拜稽首。而獻文曰。
唐承天命。遂臣萬邦。孰居近土。襲盜以狂。往在玄宗。崇極而圯。河北悍驕。

河南附起。四聖不宥。遂與師征。有不能克。益戍以兵。夫耕不食。婦織不裳。輸之以車。爲卒賜糧。外多失朝。曠不嶽狩。百隸怠官。事亡其舊。帝時繼位。顧瞻咨嗟。惟汝文武。孰恤予家。既斬吳蜀。旋取山東。魏將首義。六州降從。淮蔡不順。自以爲強。提兵叫讎。欲事故常。始命討之。遂連茲鄰。陰遣刺客。來賊相臣。方戰未利。內驚京師。羣公上言。莫若惠來。帝爲不聞。與神爲謀。乃相同德。以訖天誅。乃敕顏胤。愬武古通。咸統於弘。各奏汝功。三方分攻。五萬其師。大軍北乘。厥數倍之。常兵時曲。軍士蠢蠢。既翦陵雲。蔡卒大窘。勝之邵陵。郟城來降。自夏入秋。復屯相望。兵頓不勵。告功不時。帝哀征夫。命相往釐。士飽而歌。馬騰於槽。試之新城。賊遇敗逃。盡抽其有。聚以防我。西師躍入。道無留者。額額蔡城。其疆千里。既入而有。莫不順俟。帝有恩言。相度來宣。誅止其魁。釋其下人。蔡之卒夫。投甲呼舞。蔡之婦女。迎門笑語。蔡人告饑。船粟往哺。蔡人告寒。賜以繒布。始時蔡人。禁不往來。今相從戲。里門夜開。始時蔡人。進戰退戮。今旰而起。左餐右粥。爲之擇人。以收餘憊。選吏賜牛。教而不稅。蔡人有言。始迷不知。今乃大覺。羞前之爲。蔡人有言。天子明聖。不順族誅。順保性命。汝不吾信。視此蔡方。孰爲不順。往斧其吭。凡叛有數。聲勢相倚。吾強不支。汝弱奚恃。其告而長。而父而兄。奔走偕來。同我太平。淮蔡爲亂。天子伐之。既伐而饑。天子活之。始議伐蔡。卿士莫隨。

既伐四年。小大並疑。不赦不疑。由天子明。凡此蔡功。惟斷乃成。既定淮蔡。四夷畢來。遂開明堂。坐以治之。四三。

〔註音〕(稂)音郎(稊)音蒿(癩)音蟬(郃)音合(郟)音李(圯)部鄙切(讎)音歡(郟)於建切(頡)同額(繒)慈陵切(吭)音航

〔釋義〕①害苗之草。②除草。③安靜也。④樂也。⑤元和元年三月。夏綏留後楊惠琳叛。夏州兵馬使張承金斬之。⑥劍南節度使韋臬卒。行軍司馬劉闢自稱留後。反。元和元年九月。東川節度副使高崇文擒之。⑦元和二年十月。鎮海節度使李錡反。兵馬使張子良執二送京師。⑧元和五年。昭義節度盧從史陰與王承宗通謀。吐突承璀誘執從史送京師。⑨元和五年十月。義武節度使張茂昭以定易二州歸于有司。⑩元和七年十月。魏博節度使田弘正以所管六州歸於有司。⑪四州名。為魏博節度使所管。兼魏博合為六州。⑫元和九年閏八月。彰義節度使吳少陽卒。其子元濟攝蔡州刺史。匿喪以病聞。自領軍務。表請主兵。不許。十年正月。元濟反。⑬今河南舞陽縣。⑭今河南襄城縣。⑮以陳州刺史李光顏為忠武節度使。忠武管陳許二州。⑯命宣武等十六道進軍討元濟。以光顏等分掌行營。二月。命神策軍郃陽鎮遏將索日進。以涇原兵六百人會李光顏。郃陽縣名。屬陝西。⑰以河陽節度使烏重胤為汝州刺史。充河陽懷汝節度使。徙隸汝州。⑱義成管鄭滑二州。陝益。即劍南東西川。延。屬鄜坊丹延節度使。慶。屬邠甯節度使。⑲以宣武節度使韓弘為淮西諸軍都統。弘請使子公武以兵萬三千會蔡下。歸財與糧。以濟諸軍。⑳元和十年十二月。以左金吾大將軍李文通為壽州團練使。㉑元和十一年。以默州觀察使李道古為鄂岳觀察使。㉒元和十一年十二月。以太子詹事李愬為唐鄧隨節度使。㉓裴度本為御史中丞。元和十年五月。帝遣度詣行營宣慰。察用兵形勢。六月。以度為中書侍郎同平章事。十二年七月。度以宰相出為淮西宣慰處置使。度奏刑部侍郎馬總為副使。右庶子韓愈為行軍司馬判官書記。㉔奄人。元和十一年十一月。帝命知樞密梁守謙宣慰。因監其軍。㉕成也。㉖元和十二年。道古攻申州。㉗一名時曲。在河南商水縣西南。澗水於此迴曲。故名。元和十二年四月。昌。元濟。悉發親近及守城卒詣重質以拒官軍。㉘即文城柵。在河南遂平縣西南。㉙肅。代。德。順。㉚指李師道。㉛元和十年六月。宰相武元衡入朝。東平李師道遣刺客突出刺之。又擊裴度傷首。㉜即迴曲。見上。元和十年五月。光顏大破賊於時曲。㉝在今商水縣。元和十一年九月。光顏重胤拔淮西陵雲柵。㉞今河南鄆城縣東。有鄆陵故城。㉟元濟以董昌齡為鄆城令。而質其母楊。楊謂昌齡曰。順死賢於逆生。汝去逆而吾死。乃孝子也。從逆而吾死。是戮吾也。會官軍進逼鄆城。昌齡乃舉城降。李光顏入據之。㊱理

也。①肆惡無休也。②首領也。③帛之總名。④晚也。⑤咽喉也。⑥明堂明政之堂也。古祀上帝祭先祖。朝諸侯。養老尊賢。凡關於大典者。均於此行之。

〔諸家集評〕陳無已曰龍圖孫學士覺喜論文謂此碑敘如書銘如詩

茅順甫曰頌文淋漓縱橫並合繩斧

劉海峯曰淮西碑從舜典來故李義山詩云點竄堯典舜典字塗改清廟生民詩二語極當

大姚曰裴度以宰相視師義應特書著度之威而主威益見此江漢常武之義也宋子京乃云公以度能固上意卒禽元濟多歸度功未達撰次之旨矣又曰昔人謂序似書銘似詩余謂銘詞酣恣奮動正以不全似詩為佳而子厚乃以淮夷雅矜出其上謬矣規撫章句何處得此生氣橫生耶又曰自元和九年用兵淮蔡至十年而始平銘及之其間命將出師攻城降卒俱非一時事亦非盡命裴度後事也而序中類之若一時事者蓋序所以聳唐憲奮武耆功申命伐叛之威裴度以宰相宣慰君臣協謀亦應特書著度之威而主威益隆此江漢常武之義也於以見保大定功綏馭震疊之謀若詳著入蔡禽一叛臣其於唐宗威德替矣此公表所云詩書之文各有品章條貫者也而宋子京乃云公以元濟之平由度能固上意得不赦故諸將不敢首鼠卒禽之多歸度功此與義山詩見處同耳未達撰次之旨也但序事非實王介甫有類俳之譏或以是歟或云銘詞當出於序之外補序所不及僅以避重文者其亦未達詩書之殊軌文質之異用矣

張廉卿曰此文自秦後殆無能為之者竊謂此文可追尚書原道可追孟子畫記可追考工退之詣極之作殆欲度越盛漢與周人並席矣

韓退之處州孔子廟碑

自天子至郡邑守長。通得祀而徧天下者。惟社稷與孔子為然。而社祭土。稷祭穀。句龍與弃乃其佐享。非其專主。又其位所。不屋而壇。豈如孔子用王者事。巍然當座。以門人為配。自天子而下。北面跪祭。進退誠敬。禮如親弟子者。句龍弃以功。孔子以德。固自有次第哉。自古多有以功德得其位者。不得常祀。句龍弃孔子。皆不得位而得常祀。然其祀事。皆不如孔子之

盛。所謂生人以來。未有如孔子者。其賢過於堯舜遠矣。此其效歟。郡邑皆有孔子廟。或不能修事。雖設博士弟子。或役於有司。名存實亡。失其所業。獨處州刺史鄴侯李繁至官。能以爲先。既新作孔子廟。又令工改爲顏子。至子夏十人像。其餘六十子。及後大儒公羊高左邱明孟軻荀況伏生毛公韓生董生高堂生揚雄鄭玄等數十人。皆圖之壁。選博士弟子。必皆其人。又爲置講堂。教之行禮。肄習其中。置本錢廩米。令可繼處以守。廟成。躬率吏及博士弟子入學。行釋菜禮。耆老歎嗟。其子弟皆與於學。鄴侯尙文。其於古記無不貫達。故其爲政。知所先後。可歌也已。乃作詩曰。惟此廟學。鄴侯所作。厥初庠下。神不以字。生師所處。亦窘寒暑。乃新斯宮。神降其獻。講讀有常。不戒用勸。揭揭元哲。有師之尊。羣聖巖巖。大法以存。像圖孔肖。咸在斯堂。以瞻以儀。俾不或忘。後之君子。無廢成美。琢詞碑石。以贊攸始。

【註音】(句)音鉤(奔)同棄(鄴)音業(庠)音卑

【釋義】①處州。隋置。在今浙江麗水縣東南七里。唐初曰括州。後改稱處州。明爲處州府。清因之。現已廢。②社稷土穀之神也。③炎帝十一世孫。能平九州。辨土地之宜。後祀爲后土之神。④帝嚳子。周始祖。堯時爲農師。舜時爲后稷。後祀爲先農。⑤祭場也。擇平坦之地。以土填築之。⑥開元二十七年八月。追謚孔子文宣王。南面而坐。以顏子配享。⑦李繁。唐李泌子。少才警無行。爲弘文館學士。⑧卽顏淵。閔子騫。冉伯牛。仲弓。宰我。子貢。冉有。季路。子游。子夏。⑨伏生。卽伏勝。毛公。卽毛萇。韓生。名嬰。董生。名仲舒。高堂生。能言禮。⑩以芹藻之屬。禮其師也。古始入學者。必釋菜以禮其先師。⑪揭揭長也。

〔諸家集評〕會條生曰切定祀事不泛作孔子頌是文定法又曰太史公孔子世家贊數十語文外有無限遠神遙韻此文前半贊歎孔子無復不盡之味不無遺恨也

吳至父曰就當時褒崇儀法爲推大之辭乃滑稽之指也

韓退之南海神廟碑

海於天地間。爲物最鉅。自三代聖王。莫不祀事。考於傳記。而南海神次最貴。在北東西三神河伯之上。號爲祝融。天寶中。天子以爲古爵莫貴於公侯。故海嶽之祝。犧幣之數。放而依之。所以致崇極於大神。今王亦爵也。而禮海嶽。尙循公侯之事。虛王儀而不用。非致崇極之意也。由是册尊南海神爲廣利王。祝號祭式。與次俱升。因其故廟。易而新之。在今廣州治之東南。南海道八十里。扶胥之口。黃木之灣。常以立夏氣至。命廣州刺史行事祠下。事訖。驛聞。而刺史常節度五嶺諸軍。仍觀察其郡邑。於南方事。無所不統。地大以遠。故常選用重人。既貴而富。且不習海事。又當祀時。海常多大風。將往。皆憂感。既進。觀顧怵悸。故常以疾爲解。而委事於其副。其來已久。故明宮齋廬。上雨旁風。無所蓋障。牲酒瘠酸。取具臨時。水陸之品。狼籍邊豆。薦裸興俯。不中儀式。吏滋不供。神不顧享。盲風怪雨。發作無節。人蒙其害。元和十二年。始詔用前尙書右丞。國子祭酒。魯國孔公。爲廣州刺史。兼御史大夫。以殿南服。公正直方嚴。中心樂易。祇慎所職。治人以明。事神以

誠。內外單盡。不爲表襮。一二*至州之明年。將夏。祝冊自京師至。吏以時告。公乃齋。一三*被視冊。誓羣有司曰。冊有皇帝名。乃上所自署。其文曰。嗣天子某。謹遣官某敬祭。其恭且嚴如是。敢有不承。明日。吾將宿廟下。以供晨事。明日。吏以風雨白。不聽。於是州府文武吏士凡百數。交謁更諫。皆揖而退。公遂陞舟。風雨少弛。擢夫奏功。雲陰解駁。日光穿漏。波伏不興。省牲之夕。載暘載陰。將事之夜。天地開除。月星明概。一六*五鼓既作。牽牛正中。公乃盛服執笏。以入卽事。文武賓屬。俯首聽位。各執其職。牲肥酒香。罇爵靜潔。降登有數。神具醉飽。海之百靈祕怪。恍惚畢出。蜿蜿地地來享飲食。闔廟旋臚。祥飗送一八*颿。旗纛旄麾。飛揚掩藹。一九*饒鼓嘲轟。高管噉噪。武夫奮擢。工師唱和。穹龜長魚。踴躍後先。乾端坤倪。軒豁呈露。祀之之歲。風災息滅。人厭魚蟹。五穀胥熟。明年祀歸。又廣廟宮而大之。治其庭壇。改作東西兩序。齋庖之房。百用具修。明年其時。公又固往。不懈益虔。歲仍大和。耄艾歌詠。始公之至。盡除他名之稅。罷衣食於官之可去者。四方之使。不以資交。以身爲帥。燕享有時。賞與以節。公藏私蓄。上下與足。於是免屬州負逋之緡。錢廿有四萬。米三萬二千斛。賦金之州。耗金一歲八百。困不能償。皆以巧之。加西南守長之俸。誅其尤無良不聽令者。由是皆自重慎法。人士之落南不能歸者。與流徙之胄百廿八族。用其才良而廩其無告者。其女子可嫁。與之錢財。令

無失時。刑德並流。方地數千里。不識盜賊。山行海宿。不擇處所。事神治人。其可謂備至耳矣。咸願刻廟石。以著厥美。而繫以詩。乃作詩曰。南海陰墟。祝融之宅。即祀於旁。帝命南伯。吏惰不躬。正自今公。明用享錫。右我家邦。惟明天子。惟慎厥使。我公在官。神人致喜。海嶺之陬。既足既濡。胡不均弘。俾執事樞。公行勿遲。公無遽歸。匪我私公。神人具依。

〔註音〕(放)同傲(裸)音貫(爆)音博(被)音拂(權)同棹(概)几利切(虻)音移(颯)音標(颯)同帆(曉)同暗(緡)音民

〔釋義〕①廟在今廣東番禺縣東南波羅江上。廟有波羅樹。大可數十圍。俗名波羅廟。②河神也。③南海神。④扶胥鎮在番禺縣東南三江口。⑤唐制。嶺南為五府。而嶺南節度使。觀察四府事。⑥怖悸恐懼也。⑦祭器。⑧始祭。酌鬱鬯之酒。灌地以降神。⑨盲風。疾風也。⑩各殘。字君勝。巢父子。元和十二年七月。為嶺南節度使。⑪殿。定也。南服。猶言南方。⑫表明也。⑬潔也。⑭船夫也。⑮馬。青白雜色者曰駮。⑯猶多也。⑰星名。⑱蜿蜿。龍狀也。蛇。安舒貌。⑲旌旗蔽日貌。⑳老也。㉑八十曰耄。五十曰艾。⑳隅也。

〔諸家集評〕歐陽公曰昌黎集類多訛舛。惟南海碑不舛者。以石刻人家多有故也。

劉海峯曰昌黎文集大成此文。以所得於相如子雲者為文。故敘祠祀而子虛上林甘泉羽獵之體。奔赴腕下。富麗雄奇。極才人之能事。當屬碑文第一。又曰碑文唯昌黎獨擅。誌墓之文。則退之永叔介甫三人能之。餘五家敘事皆非所長。又曰退之南海碑。從上林羽獵來。故其語雄奇。歐公醉翁亭。從雪月恨別諸篇來。故其辭妍雅。會條生曰四字句凡百二十句。漢賦之氣體也。又曰筆力足以追相如作賦之才。而鋪敘少傷平直。故王氏謂骨力差減也。然古來文士。并以賦物為難。蓋藻繪三才。刻畫萬態。而不可剽襲一字。故其難也。後人惟綴前人字句。為文又不究事物之情狀。淺矣。吳至父曰蘇詩云退之仙人也。遊戲於斯文。笑談出奇偉。鼓舞南海神。

韓退之衢州徐偃王廟碑

徐與秦俱出栢鬻。為嬴姓。國於夏殷周世。咸有大功。秦處西偏。專用武勝。

遭世衰。無明天子。遂虎吞諸國爲雄。諸國既皆入秦爲臣屬。秦無所取利。上下相賊害。卒償其國而沈其宗。徐處得地中。文德爲治。及偃王誕當國。益除去刑爭末事。凡所以君國子民待四方。一出於仁義。當此之時。周天子穆王無道。意不在天下。好道士說。得入龍騎之西遊。同王母宴於瑤池之上。歌謳忘歸。四方諸侯之爭辨者。無所質正。咸賓祭於徐。贄玉帛死生之物於徐之庭者。三十六國。得朱弓赤矢之瑞。穆王聞之恐。遂稱受命。命造父御。長驅而歸。與楚連謀伐徐。徐不忍鬪其民。北走彭城。武原山下。百姓隨而從之。萬有餘家。偃王死。民號其山爲徐山。鑿石爲室。以祠偃王。偃王雖走死失國。民戴其嗣爲君如初。駒王章禹。祖孫相望。自秦至今。名公巨人。繼跡史書。徐氏十望。其九皆本於偃王。而秦後迄茲無聞家。天於栢翳之緒。非偏有厚薄施。仁與暴之報。自然異也。衢州故會稽太末也。民多姓徐氏。支縣龍邱。有偃王遺廟。或曰。偃王之逃戰。不之彭城。之越城之隅。棄玉几。研於會稽之水。或曰。徐子章禹既執於吳。徐之公族子弟散之。徐揚二州間。卽其居立先王廟云。開元初。徐姓二人相屬爲刺史。帥其部之同姓。改作廟屋。載事於碑。後九十年。當元和九年。而徐氏放。復爲刺史。放字達夫。前碑所謂今戶部侍郎。其大父也。春行視農。至於龍邱。有事於廟。思惟本原。曰。故制。狹樸下窄。不足以揭虔妥靈。而又梁楠赤白。彫剝不治。

圖像之威。亂味就滅。藩拔級夷。庭木禿斲。祈眈日慢。祥慶弗下。州之羣支。不獲蔭庇。余惟遺紹而尸其土。不即不圖。以有資聚。罰其可辭。乃命因故為新。衆工齊事。惟月若日。工告訖功。大祠於廟。宗卿咸序。應是歲。州無怪風劇雨。民不夭厲。穀果完實。民皆曰。耿耿社哉。其不可誣。乃相與請辭京師。歸而鑿之於石。辭曰。

秦傑以顛。徐由遜縣。秦鬼久饑。徐有廟存。婉婉偃王。惟道之耽。以國易仁。為笑於頑。自初擅命。其實幾姓。歷短詈長。有不償亡。課其利害。孰與王當。姑蔑之墟。太末之里。誰思王恩。立廟以祀。王之聞孫。世世多有。惟臨茲邦。廟土實守。堅嶠之後。達夫廓之。王歿萬年。如始祔時。王孫多孝。世奉王廟。達夫之來。先慎詔教。盡惠廟民。不主於神。維是達夫。知孝之元。太末之里。姑蔑之城。廟事時修。仁孝振聲。宜寵其人。以及後生。嗟嗟維王。雖古誰亢。王死於仁。彼以暴喪。文追作誄。刻示茫茫。

【註音】(債)音奮(太)音闔(換)同粗(侈)音舵(亂)衣去聲(缺)同缺(鑿)士銜切(祔)音附

【釋義】(一)廟在今龍游縣西四十里靈山下。(二)史記秦本紀「栢翳二子。太康之後為秦。若木之後為徐。」

名滿。(三)列子「周穆王駕八駿之乘。西征崑崙。八駿驂駟。綠耳。赤驥。白羲。渠黃。踰輪。盜驪。山子。」(四)博物志「偃王欲舟行上國。乃通溝陳蔡之間。得朱弓赤矢。以為得天瑞。遂因名為弓。自稱偃王。江淮諸侯服從者三十六國。」

人名。(五)彭城。郡名。今江蘇銅山縣。(六)武原山。在今邳縣西南。一名徐山。(七)徐山有二。一在銅山縣。(八)徐之君。

左昭「吳滅徐。徐子章禹斷其髮以奔楚。」(九)衢州在漢時為會稽郡太末縣地。即春秋時姑蔑也。(十)山名。在龍游縣東。支縣。即龍游。

(十一)即徐堅。字元固。徐嶠。字巨山。(十二)椽之方者曰桷。(十三)壞也。(十四)深黑也。(十五)耿耿。小明也。(十六)福也。

(十七)縣東支縣。即龍游。(十八)即徐堅。字元固。徐嶠。字巨山。(十九)椽之方者曰桷。(二十)壞也。(二十一)深黑也。(二十二)耿耿。小明也。(二十三)福也。

刻也。○今龍游縣北有姑蔑故城。「國語」句踐之地。西至姑蔑。○祭也。○蔽也。

〔諸家集評〕會條生曰衢州有偃王廟其事本支離誕謾文亦以詭詭出之其神在若有若無之間想亦營度既久而後得之

張廉卿曰此種文無可著思議處借秦抒論文字便生出精采此作家工於創意處

韓退之柳州羅池廟碑

羅池廟者。故刺史柳侯廟也。柳侯爲州。不鄙夷其民。動以禮法。三年。民各自矜奮。茲土雖遠京師。吾等亦天氓。今天幸惠仁侯。若不化服。我則非人。於是老少相教語。莫違侯令。凡有所爲於其鄉閭及於其家。皆曰。吾侯聞之。得無不可於意否。莫不忖度而後從事。凡令之期。民勸趨之。無有後先。必以其時。於是民業有經。公無負租。流逋四歸。樂生興事。宅有新屋。步有新船。池園潔修。豬牛鴨雞。肥大蕃息。子嚴父詔。婦順夫指。嫁娶葬送。各有條法。出相弟長。入相慈孝。先時民貧。以男女相質。久不得贖。盡沒爲隸。我侯之至。按國之故。以傭除本。悉奪歸之。大修孔子廟。城郭巷道。皆治使端正。樹以名木。柳民既皆悅喜。嘗與其部將魏忠謝寧歐陽翼飲酒驛亭。謂曰。吾棄於時。而寄於此。與若等好也。明年。吾將死。死而爲神。後三年。爲廟祀我。及期而死。三年。孟秋辛卯。侯降於州之後堂。歐陽翼等見而拜之。其夕。夢翼而告曰。館我於羅池。其月景辰。廟成。大祭。過客李儀醉酒。慢侮堂上。得疾。扶出廟門。卽死。明年春。魏忠歐陽翼使謝寧來京師。請書其事於

石。余謂柳侯生能澤其民。死能驚動禍福之。以食其土。可謂靈也已。作迎
享送神詩。遺柳民。俾歌以祀焉。而并刻之。柳侯。河東人。諱宗元。字子厚。賢
而有文章。嘗位於朝。光顯矣。已而擯不用。其辭曰。

荔子丹兮蕉黃。雜肴蔬兮進侯堂。侯之船兮兩旗。度中流兮風泊之。待侯
不來兮。不知我悲。侯乘駒兮入廟。慰我民兮。不嘖以笑。鵝之山兮柳之水。
桂樹團團兮。白石齒齒。侯朝出游兮。暮來歸。春與猿吟兮。秋鶴與飛。北方
之人兮。為侯是非。千秋萬歲兮。侯無我違。福我兮壽我。驅厲鬼兮山之左。
下無苦濕兮高無乾。杭稔充羨兮。蛇蛟結蟠。我民報事兮無怠。其始自今
兮欽於世世。

〔註音〕(猿)音袁(杭稔)音庚徒

〔釋義〕①廟在廣西馬平縣。羅池地祀唐刺史柳宗元。②柳宗元為柳州刺史。③逃亡者。④水際曰步。⑤長
慶三年。⑥即丙辰。以諱改此。⑦產於閩廣。高二丈許。葉狀如箭。簇而平滑。其果實味甘多汁。⑧在馬平縣西。⑨即
柳江。在馬平縣南。⑩圍聚貌。⑪排列貌。⑫柳家在北方。⑬杭。粳米也。稔。糯稻也。

〔諸家集評〕方望溪曰詳著治蹟所以著柳民之戴侯與侯之神所以安於柳也
會滌生曰此文情韻不匱聲調鏗鏘乃文章第一妙境情以生文文亦足以生情文以引聲聲亦足以引文循
環互發油然不能已庶可漸入佳境

韓退之袁氏先廟碑

袁公滋既成廟。明歲二月。自荆南以旂節朝京師。留六日。得壬子春分。率
宗親子屬。用少牢於二室。既事。退言曰。嗚呼遠哉。維世傳德。襲訓集余。乃

今有濟。今祭既不薦金石音聲。使工歌詩。載烈象容。其奚以飭稚味於長久。惟敬繫羊豕。幸有石^三。如具著先人名跡。因爲詩繫之語下。於義其可。雖然。余不敢。必屬篤古而達於詞者。遂以命愈。愈謝非其人。不獲命。則謹條袁氏本所以出。與其世系里居。起周歷漢魏晉拓跋魏^四。周愔入國家以來。高會祖考所以劬躬燾^五後。委祉於公。公之所以逢將承應者。有概有詳。而綴以詩。其語曰。周樹舜後陳^六。陳公子有爲大夫食國之地。袁鄉者。其子孫世守不失。因自別爲袁氏。春秋世。陳常壓於楚。與中國相加尤疏。袁氏猶班班見。可譜。常居陽夏^八。陽夏至晉。屬陳郡。故號陳郡袁氏。博士固^九。申儒遏黃。唱業於前。至司徒安^{一〇}。懷德於身。袁氏遂大顯。連世有人。終漢連魏晉。分仕南北。始居華陰^{一一}。爲拓跋魏鴻臚。鴻臚諱恭。生周梁州刺史新縣孝侯諱穎。孝侯生隋左衛大將軍諱溫。去官居華陰。武德九年。以大^三。始葬華州。左衛生南州刺史諱士政。南州生當陽令諱倫。於公爲會祖。當陽生朝散大夫石州司馬諱知玄。司馬生贈工部尙書咸寧令諱曄。是爲皇考。袁氏舊族。而當陽以通經爲儒。位止縣令。石州用春秋持身治事。爲州司馬以終。咸寧備學而貫以一。文武隨用。謀行功從。出入有立。不爵於朝。比三世宜達而窒。歸成後人。數當於公。公惟會大父大父皇考比三世。存不大夫食。歿祭在于孫。惟將相能致備物。世彌遠。禮則益不及。在慎德行業治。

圖功載名。以待上可。無細大。無敢不敬畏。無早夜。無敢不思。成於家。進於外。以立於朝。自侍御史。歷工部員外郎。祠部郎中。諫議大夫。尚書右丞。華州刺史。金吾大將軍。由卑而鉅。莫不官稱。遂為宰相。以贊辨章。仍持節將蜀滑襄荆。略苞河山。秩登祿富。以有廟祀。具如其志。又垂顯刻。以教無忘。可謂大孝。詩曰。

袁自陳分。初尚蹇連。越秦造漢。博士發論。司徒任德。忍不錮人。收功厥後。五公重尊。晉氏於南。來處華下。鴻臚孝侯。用適操舍。南州勤治。取最不懈。當陽耽經。惟義之畏。石州烈烈。學專春秋。懿哉咸寧。不名一休。趨難避成。與時泛浮。是生孝子。天子之宰。出把將符。羣州承楷。數以立廟。祿以備器。由會及考。同堂異置。柏板松楹。其筵肆肆。惟袁之廟。孝孫之為。順勢即宜。以諏以龜。以平其巘。屋墻持持。孝孫來享。來拜廟庭。陟堂進室。親登籩。肩膺胎骼。其尊玄清。降登受胙。于慶爾成。維會維祖。維考之施。於爾孝嗣。以報以祗。凡我有今。非本曷思。刻詩牲繫。惟以告之。

【註音】(巘)音義(錮)音刑(膺)奴報切(胎)音博(骼)音格

【釋義】①字德深。蔡州朗山人。德宗時。歷官彰義節度使。遷湖南觀察使。②羊也。③繫牲之碑。④北魏。姓拓跋。黃帝子昌意少子。受封北土。⑤覆也。⑥樹立也。〔史記〕武王克殷。求舜後。得嬀滿。封之陳。⑦如袁濤塗。袁僑。⑧今河南太康縣。⑨轅固。漢齊人。以治詩。孝景時為博士。⑩字邵公。後漢汝陽人。仕終司徒。⑪今陝西華陰縣。⑫七十八十。皆曰耄。⑬貞元十六年。愍自尚書右丞。任此。⑭分辨章明百姓之氏族。辨與便平通。⑮永貞元年。愍為西川節度使。元和元年十月。徙義成軍節度使。八年正月。自戶部尚書。出為山南東道節度使。後又徙荆南節度。蜀謂

西川。滑謂義成。襄謂山南東道。荆謂荆南。① 困難也。② 指袁安。漢明帝時。為河南尹。未嘗以贓罪鞠人。③ 安。章帝時。為司徒。二子京。敞。京子湯。湯子逢。逢弟隗。京弟敞。均顯貴。故號五公。④ 隙也。⑤ 盛羹之器。⑥ 臑。臂節也。⑦ 臑。脊也。⑧ 駘。禽獸骨也。肩臑。臑。駘。四者皆所薦之羞。

【諸家集評】劉海峯曰。昌黎為瑰怪雄奇之語。以追盤詰鹿門譏之非也。銘亦極似雅頌。

韓退之烏氏廟碑

元和五年。天子曰。盧從史始立議。用師於恆。乃陰與寇連。夸謾兇驕。出不遜言。其執以來。其四月中。貴人承瓘。即誘而縛之。其下皆甲以出。操兵趨譁。牙門都將烏公重胤。當軍門叱曰。天子有命。從有賞。敢違者斬。於是士皆斂兵還營。卒致從史京師。壬辰。詔用烏公為銀青光祿大夫。河陽軍節度使。兼御史大夫。封張掖郡開國公。居三年。河陽稱治。詔贈其父工部尚書。且曰。其以廟享。即以其年營廟於京師崇化里。軍佐竊議曰。先公既位常伯。而先夫人無加命。號名差卑。於配不宜。語聞。詔贈先夫人劉氏。沛國太夫人。八年八月。廟成。三室同宇。祀自左領府君而下。作主於第。乙巳。升於廟。烏氏著於春秋。譜於世本。列於姓苑。在莒者存。在齊有餘枝。鳴。皆為大夫。秦有獲。為大官。其後世之江南者。家鄱陽。處北者。家張掖。或入夷狄。為君長。唐初。察為左武衛大將軍。實張掖人。其子曰令望。為左領軍衛大將軍。孫曰蒙。為中郎將。是生贈尚書諱承玘。字某。烏氏自莒齊秦大夫以來。皆以材力顯。及武德以來。始以武功為名將家。開元中。尚書管平盧先

鋒軍。屬破奚契丹一四。從戰捺祿一五。走可突干一六。渤海擾海上。至馬都山。吏民逃徙。失業。尚書領所部兵塞其道。塹原壘石一七。繇四百里。深高皆三丈。寇不得進。民還其居。歲罷運錢三千萬餘。黑水室韋一七。以騎五千。來屬麾下。邊威益張。其後與耿仁智謀。說史思明降。思明復叛。尚書與兄承恩謀殺之。事發。族夷。尚書獨走免。李光弼一九以聞。詔拜冠軍將軍。守右威衛將軍。檢校殿中監。封昌化郡王。石嶺軍使。積粟厲兵。出入耕戰。以疾去職。貞元十一年二月丁巳。薨於華陰告平里。年若干。即葬於其地。二子。大夫為長。季曰重元。為某官。銘曰。

烏氏在唐。有家於初。左武左領。二祖紹居。中郎少卑。屬於尚書。不償其勞。乃相大夫。授我戎節。制有壇墟。數備禮登。以有宗廟。作廟天都。以致其孝。右祖左孫。爰饗其報。云誰無子。其有無孫。克對無羞。乃惟有人。念昔平盧。為艱為瘁。大夫承之。危不棄義。四方其平。士有怠息。來覬來齋。以饋黍稷。

【註音】(瑾)七罪切(玳)音此(契)音乞(捺)難入聲(塹)七豔切

【釋義】●盧從史。少好騎射。遊澤路間。節度使李長榮署為督將。長榮卒。擢為照儀節度副大使。憲宗令領兵討賊。而從史陰與王承宗通吐突。承瑾密旨。乘間縛之以獻。詔貶驩州司馬賜死。●元和四年。成德節度使王士真卒。子承宗自為留後。帝欲革河北世襲之弊。昭義節度使盧從史。請發本軍討之。十月。詔削奪承宗官爵。以承瑾為招討宣慰使。命恒州四面藩鎮各進兵共討。●謂從史陰與王承宗通謀。●字保君。張掖人。●今甘肅張掖縣。●指工部尚書。●同字。謂上同下異也。後漢以來。公私廟制。皆為同堂異室。●十五卷。錄黃帝以來帝王諸侯伯卿大夫系氏名號。●十卷。何承天作。●劍。烏存率國人逐莒子庚與。●烏獲秦武王時力士。●今江西鄱陽

縣。①字德潤。重胤父。②唐時北狄之一種。③契丹將。④國名。靺鞨人大祚榮所建。其子大武藝以後。拓境日廣。奄有松花江以南。迄日本海之地。渤海王武藝出海濱至馬道山。屠陷城邑。承玘以本營士馬防遏要害。⑤二國名。黑水。在今黑龍江地。室韋爲契丹別種。在今蒙古東境一帶。⑥至德二年。史思明判官耿仁智。說思明歸唐。思明然之。以所部十三郡及兵八萬來降。已而思明內通賊。上以承恩爲河北節度使副大使。使圖思明。事洩。承恩父子及支黨皆被殺。⑦營州柳城人。爲唐名將。

【諸家集評】會條生日最善取勢左領君中郎君二世同廟不敘左領中郎事迹專敘尙書大家之文所以遺簡也低手三世各鋪敘幾句便無此勁潔

蘇子瞻表忠觀碑

熙寧^二十年十月戊子。資政殿大學士。右諫議大夫。知杭州軍州事。臣抃^三言。故吳越國王錢氏墳廟。及其父祖妃夫人子孫之墳。在錢塘^四者二十有六。在臨安^五者十有一。皆蕪穢不治。父老過之。有流涕者。謹按故武肅王鏐^六始以鄉兵破走黃巢。名聞江淮。復以入都兵討劉漢宏。并越州以奉董昌^八而自居於杭。及昌以越畔。則誅昌而并越。盡有浙東西之地。傳其子文穆王元瓘^九。至其孫忠顯王仁佐^{一〇}。遂破李景兵。取福州。而仁佐之弟忠懿王俶^{一一}又大出兵攻景。以迎周世宗之師^{一二}。其後卒以國入覲。三世四王^{一四}與五代相終始。天下大亂。豪傑蠱起。方是時。以數州之地盜名字者。不可勝數。既覆其族。延及於無辜之民。罔有子遺。而吳越地方千里。帶甲十萬。鑄山煮海。象犀珠玉之富。甲於天下。然終不失臣節。貢獻相望於道。是以其民至於老

死。不識兵革。四時嬉遊。歌舞之聲相聞。至於今不廢。其有德於斯民甚厚。皇宋受命。四方僭亂。以次削平。西蜀^{一五}江南^{一六}負其嶮遠。兵至城下。力屈勢窮。然後束手。而河東劉氏^{一七}百戰守死。以抗王師。積骸爲城。灑^{*}血爲池。竭天下之力。僅乃克之。獨吳越不待告命。封府庫。籍郡縣。請吏於朝。視去其國。如去傳舍。其有功於朝廷甚大。昔竇融^{一八}以河西歸漢。光武詔右扶風修理其父祖墳塋。祠以太牢。今錢氏功德。殆過於融。而未及百年。墳廟不治。行道傷嗟。甚非所以勸獎忠臣。慰答民心之義也。臣願以龍山^{一九}廢佛寺曰妙因院者爲觀。使錢氏之孫爲道士曰自然者居之。凡墳廟之在錢塘者。以付自然。其在臨安者。以付其縣之淨土寺僧曰道微。歲各度其徒一人。使世掌之。籍其地之所入。以時修其祠宇。封殖其草木。有不治者。縣令丞察之。甚者易其人。庶幾永終不墜。以稱朝廷待錢氏之意。臣抃昧死以聞。制曰。可。其妙因院改賜名曰表忠觀。銘曰。

天目之山^{二〇}。苕水出焉。龍飛鳳舞。萃於臨安。篤生異人。絕類離羣。奮挺大呼。從者如雲。仰天誓江。月星晦蒙^{二二}。強弩射潮^{二三}。江海爲東。殺宏誅昌。奄有吳越。金券玉册^{二四}。虎符龍節。大城其居。包絡山川。左江右湖。控引島蠻。歲時歸休。以燕父老。擘^{*}如神人。玉帶毬馬^{二五}。四十一年。寅畏小心。厥篚相望^{二六}。大貝南金。五朝昏亂。罔堪託國。三王相承。以待有德。既獲所歸。弗謀弗咨。先王之志。

我維行之。天胙忠孝。世有爵邑。允文允武。子孫千億。帝謂守臣。治其祠墳。毋俾樵牧。愧其後昆。龍山之陽。歸焉^{二十七}新宮。匪私於錢。惟以勸忠。非忠無君。非孝無親。凡百有位。視此刻文。

〔註音〕(鏐)音留(權)音貫(醜)音屣(擘)笏輒切(歸)音歸

〔釋義〕①觀在浙江杭縣舊湧金門外龍山。②神宗年號。③姓趙。字閱道。衢州西安人。④錢塘今改杭縣。⑤臨安縣屬浙江省。⑥字具美。臨安人。⑦杭州八縣。每縣募千人。為一道。時有劉漢宏者。聚徒據越州。僖宗在蜀。詔昌討伐。昌委之鏐。率八道之士進攻越州。誅漢宏。昌為浙東節度使。越州刺史。表鏐代己為杭州刺史。⑧董昌唐臨安人。中和間進義勝軍。節度使累拜檢校太尉。隴西郡王。後僭位國號大越。羅平自稱聖人。為鎮海節度使。錢鏐所敗殺之。⑨字明寶。鏐第五子。⑩字元祐。元權子。⑪景南唐主。初名景通。既立。又改名璟。⑫字文德。元權子。⑬〔五代史〕周顯德三年。世宗征淮南。令俶以所部分路進討。俶遣偏將吳程圍毗陵。陷關城。擒團練使趙仁澤。俄程軍戰敗。復失常州。會李景上表求割地內附。詔俶班師。⑭鏐。元權佐。俶。⑮指後蜀。⑯指南唐。⑰指北漢。⑱字周公。扶風平陵人。累世仕宦河西。更始時據河西。稱五郡大將軍。光武平蜀。融入朝。以為冀州牧。尋為大司空。封安豐侯。⑲在杭縣南。一名臥龍山。天目分支。⑳在浙江臨安縣西北。與於潛縣接界。山極峻險。有兩峯。峯頂各一池。㉑〔吳越備史〕中和二年。漢宏遣弟漢宥。率兵營於西陵。董昌遣王禦之。夜將渡江。星月皎然。王祝曰。願陰雲蔽月。以濟我師。俄而雲霧四起。咫尺晦冥。王遂渡江破賊。㉒〔北夢瑣言〕杭州連歲潮頭直打羅剎石。吳越錢尙父俾張弓弩。候潮至。逆而射之。由是漸退。羅剎石化而為陸地。遂列廩庾焉。㉓唐昭宗賜鏐鐵券。後唐莊宗賜玉冊金印。㉔〔五代史〕太祖嘗問吳越進奏吏曰。錢鏐平生有所好乎。吏曰。好玉帶名馬。太祖笑曰。真英雄也。乃以玉帶一匣。打毬御馬十匹賜之。㉕竹器。方曰筐。圓曰篋。㉖介屬。古人取其背用。作錢幣。㉗歸然獨立貌。〔諸家集評〕方望溪曰。趙公奏本。軒豁老健。故可用史記三王世家體。然趙果能此。則其他文傳世行後者。宜多豈奏。故子瞻代為耶。

吳至父曰。雄遠是子瞻本色。至氣體堅蒼古厚。則當為集中第一篇文字。

卷四十一 碑誌類下編一

韓退之曹成王碑

王姓李氏。諱皋。字子蘭。諡曰成。其先王明。以太宗子。國曹。絕復封。傳五王。至成王。成王嗣封。在玄宗世。蓋於時年十七八。紹爵三年。而河南北兵作。天下震擾。王奉母太妃。逃禍民伍。得間走蜀。從天子。天子念之。自都水使者。拜左領軍衛將軍。轉貳國子祕書。王生十年而失先王。哭泣哀悲。弔客不忍聞。喪除。痛刮磨豪習。委已於學。稍長。重知人情。急世之要。恥一不通。侍太妃。從天子於蜀。既孝。既忠。持官持身。內外斬斬。由是朝廷滋欲試之於民。上元元年。除溫州長史。行刺史事。江東新剝於兵。郡旱饑。民交走死。無弔。王及州。不解衣。下令拊鎖擴門。悉棄倉實與民。活數十萬人。奏報。升秩少府。與平袁賊。仍徙祕書。兼州別駕。部告無事。遷真於衡。法成。令修治。出張施。聲生勢長。觀察使。噎媚不能出氣。誣以過犯。御史助之。貶潮州刺史。楊炎起道州。相德宗。還王於衡。以直前謾。王之遭誣在理。念太妃老。將驚而戚。出則囚服就辯。入則擁笏垂魚。坦坦施施。卽貶於潮。以遷入賀。及是。然後跪謝告實。初。觀察使虐使將國良往戍界。良以武岡畔。戍衆萬人。斂兵荆黔。洪桂伐之二年。尤張。於是以王帥湖南。將五萬士。以討良爲事。

王至。則屏兵。投良以書。中其忌諱。良羞畏乞降。狐鼠進退。王卽假爲使者。
從一騎蹕五百里。抵良壁。鞭其門大呼。我曹王來受良降。良今安在。良不
得已。錯愕迎拜。盡降其軍。太妃薨。王棄部。隨喪之河南葬。及荆。被詔責還。
會梁崇義反。王遂不敢辭以還。升秩散騎常侍。明年李希烈反。遷御史大
夫。授節帥江西。以討希烈。命至。王出止外舍。禁無以家事關我。哀兵。大選
江州羣能著職。王親教之搏力勾卒。羸越之法。曹誅五畀。艦步二萬人。以
與賊鬪。嘍鋒蔡山踣之。剋蘄之黃梅。大鞬長平。鑿廣濟。撤蘄水。掇
黃岡。筴漢陽行。趾汊川。還大膊蘄水界中。披安三縣。拔其州。斬僞刺史。標
光之北山。踏隨光化。浩其州。十抽一。推救兵州東北屬鄉。還開軍受降。大
小之戰。三十有二。取五州十九縣。民老幼婦女不驚。市賈不變。田之果穀
下無一跡。加銀青光祿大夫工部尙書。改戶部。再換節。臨荆及襄。眞食三
百。王之在兵。天子西巡於梁。希烈北取汴。鄭東略宋。圍陳西取汝。薄東都。
王坐南方。北向落其角距。賊死咋不能入寸尺。亡將卒十萬。盡輸其南州。
王始政於溫。終政於襄。恆平物估。賤斂貴出。民用有經。一吏軌民。使令家
聽戶視。姦宄無所宿。府中不聞急步疾呼。治民用兵。各有條次。世傳爲法。
任馬彝將慎將。鏑將潛偕。盡其力能。薨贈右僕射。元和初。以子道古在朝。
更贈太子太師。道古進士司門郎。刺利隨唐睦。徵爲少宗正。兼御史中丞。

以節督黔中朝京師改命觀察鄂岳蘄沔安黃提其師以伐蔡且行泣曰

先王討蔡實取沔蘄安黃寄惠未亡今余亦受命有事於蔡而四州適在

吾封庶其有集先王薨於今二十五年吾昆弟在而墓碑不刻無文其實

有待子無用辭乃序而詩之辭曰

太支十三曹於弟季或亡或微曹始就事曹之祖王畏塞絕遷零王黎公

不聞僅存子父易封三王守名延延百載以有成王成王之作一自其躬

文被明章武薦峻功蘇枯弱疆齟其姦娼以報於宗以昭於王王亦有子

處王之所惟舊之視蹶蹶陞陞實取實似刻詩其碑為示無止

【註音】(剗)音枯(摺)音博(稽)音沓(宄)音軌(齟)音懇

此(以)音又(膊)音博(稽)音沓(宄)音軌(齟)音懇

【釋義】一安祿山之亂二主陵池水利三子臯之父戡於開元二十一年卒四肅宗年號五今浙江永嘉縣

困也枯也六擊也七寶應元年袁晁反台州八衡州今湖南衡陽縣九時辛京杲為湖南觀察使十噎結塞也

十一今廣東潮安縣十二字公南鳳翔天興人十三今湖南道縣十四行之舒也十五姓王湖南牙將辛京杲使戍

武岡而以死罪加之國良懼遂反十六今湖南武岡縣十七唐荊州治今湖北江陵縣領縣八十八黔州治今四川彭水

縣領縣六十九洪州治今江西南昌縣領縣七十九桂州治今廣西桂林縣領縣十一十孤性多疑鼠性畏怯十一走也

十二京兆長安人德宗建中二年詔加崇義同平章事遣御史張著賣手詔徵之至襄陽崇義懼陳兵而見不受詔

上命李希烈督諸道兵討之十三燕州遼西人建中三年反十四在江州集將佐選閱其才十五搏力秦兵法十六勾卒越

七九 八〇 八一 八二 八三 八四

八五

八六

八七

八九

九〇

九一

九二

八八

今湖北漢陽城 磔也 指安州之三縣 唐安州治領六縣 今湖北安陸縣 旗也 光 唐光州治今河南潢川

梅廣濟蘄水四縣 粟也 此作馴服解 故城在今河南西華縣東南 斬伐也 今湖北廣濟縣 翠也 今

湖北蘄春縣 擊也 今湖北蘄水縣 拾也 今湖北黃岡縣 舉也 今湖北漢陽縣 蹈也 汶川城在

今湖北漢陽城 磔也 指安州之三縣 唐安州治領六縣 今湖北安陸縣 旗也 光 唐光州治今河南潢川

縣領定城。光山。仙屋。殷城。固始。五縣。北山。或即光山縣。食也。今湖北隨縣地。唐隨山治。領隨。光化。棗陽。唐城四縣。同攬。手動也。唐令民二十成丁爲推。此言十推中而抽其一爲兵。蘄。黃。安。沔。隨。蘄四縣。安。六縣。黃三縣。隨四縣。沔二縣。貞元元年。臯爲荆南節度使。三年爲襄州刺史。山南東道節度使。官實任曰真。臯遷荆南節度使。賜實戶三百戶。唐梁州。治今陝西南鄭縣。興元二年。車駕幸梁州。唐汴州。治今河南開封縣。建中四年。李希烈陷汴州。唐鄭縣。治今河南鄭縣。唐宋州。治今河南商邱縣。唐陳州。治今河南淮陽縣。唐汝州。治今河南臨汝縣。大聲。扶風人。時掌幕府。姓伊。字寡梅。兗州人。姓王。字昆吾。太原人。卽李伯潛。憲宗年號。唐利州。治今四川廣元縣。隨州。見上。唐州。治今河南北源縣。睦州。治今浙江建德州。卽黔州。唐鄂州。治今湖北武昌縣。岳州。治今湖南岳陽縣。蘄州。治今湖北蘄春縣。沔州。治今湖北漢陽縣。安州。見前。黃州。治今湖北黃岡縣。蔡州。今河南汝陽縣。伐蔡指討吳元濟。臯生有三子。象古。復古。道古。太宗子十四人。高宗。恒山王承乾。楚王寬。吳王恪。濮王泰。庶人祐。蜀王愔。蔣王暉。越王貞。紀王慎。江王囂。代王簡。趙王福。曹王明。零陵王俊。黎國公傑。並爲武后所殺。指胤與備。中宗神龍時。以傑子胤嗣。後詔以備易胤。備卒。玄宗時復封胤。備胤戰。備胤也。形容。子孫之盛大也。

〔諸家集評〕朱子考異曰此碑造語法子雲也

方望溪曰此韓碑之最詳者然所詳僅討希烈一事耳自轉貳國子祕書以上著以宗藩王官之由也除溫州長史行刺史以上出試郡之由也貳潮還衡跌而復起之迹也被召還鄉衰經卽戎之義也討國良則虛言其方略討希烈始實次戰績而不及其兵謀未乃總括治行按之無一語可汰損者後敘湘南江西戰績故此第曰與平袁賊一字不可增

會條生曰貳潮與降良事小振平李希烈事大振凡敘事背分大小爲賓主驟看乃似直敘漫鋪又曰韓文誌傳中有兩篇對偶者曹成王韓弘兩篇爲偶柳子厚鄭羣兩篇爲偶張署張徹兩篇爲偶

張廉卿曰退之敘事簡嚴生動一變東漢之格後人無從追步直敘處多本東漢舊法出退之手便簡古不可及卻與東漢不同於此能辨則於敘事之法思過半矣

韓退之清邊郡王楊燕奇碑

公諱燕奇。字燕奇。弘農華陰人也。大父知古。祁州司倉。烈考文誨。天寶中。

實爲平盧衙前兵馬使。位至特進檢校太子賓客。封弘農郡開國伯。世掌諸蕃互市。恩信著明。夷人慕之。祿山之亂。公年幾二十。進言於其父曰。大人守官。宜不得去。王室在難。某其行矣。其父爲之請於戎帥。遂率諸將校之子弟各一人。間道趨闕。變服詭行。日倍百里。天子嘉之。特拜左金吾衛大將軍員外置。賜勳上柱國寶應二年春。詔從僕射田公平劉展。又從下河北。大曆八年。帥師納戎帥勉於滑州。九年。從朝於京師。建中二年。城汴州。功勞居多。三年。從攻李希烈。先登。貞元二年。從司徒劉公復汴州。十二年。與諸將執以城叛者。歸之於京師。事平。授御史大夫。食實封百戶。贈緡緡。緡有加。十四年。年六十一。五月某日。終於家。自始命左金吾大將軍。凡十五遷。爲御史大夫。職爲節度押衙右廂兵馬使。兼馬軍先鋒兵馬使。階爲特進。勳爲上柱國。爵爲清邊郡王。食虛邑自三百戶至三千戶。眞食五百戶。終焉。公結髮從軍四十餘年。敵攻無堅。城守必完。臨危蹈難。歔歔歔歔感發。乘機應會。捷出神怪。不畏義死。不榮幸生。故其事君無疑行。其事上無間言。初。僕射田公。其母隔於冀州。公獨請往迎之。經營賊城。出入死地。卒致其母。田公德之。約爲父子。故公始姓田氏。田公終。而後復其族焉。嗣子通一六。王屬良禎。以其年十月庚寅。葬公於開封縣魯陵岡。隴西郡夫人李氏。祔焉。夫人清夷郡太守佑之孫。漁陽郡長史獻之女。柔嘉淑明。先公而歿。有

男四人。女三人。後夫人河南郡夫人雍氏。某官之孫。某官之女。有男一人。女二人。咸有至性。純行。夫人同仁均養。親族不知異焉。君子於是知楊公之德。又行於家也。銘曰。

烈烈大夫。逢時之虞。感泣辭親。從難於秦。惟茲爰始。遂勤其事。四十餘年。或裨或專。攻牢保危。爵位已躋。既明且慎。終老無隳。魯陵之岡。蔡河在側。烝烝孝子。思顯勳績。斲石於此。式垂後嗣。

【註音】(緇)疾陵切(獻)音虛希(躋)祖稽切

【釋義】①唐華州華陰縣。會縣號州。魏州亦曰弘農郡。即今陝西華陰縣。②今河北安國縣。③左金吾衛大將軍。正三品。④掌宮中京城巡警道路水草之宜。員外。額外之員。⑤勳官之最尊者。⑥肅宗年號。⑦平盧兵馬使。田神功。⑧宋州刺史。劉展在揚州反。田神功生擒之。⑨代宗年號。⑩大曆八年三月。永平節度使令狐彰卒。遺表稱工部尚書李勉可委大事。詔以勉為永平軍節度。滑毫觀察等使。滑州。今河南滑縣。⑪德宗年號。⑫李希烈。建中三年十二月。自稱天下都元帥。陷汝州。汴及滑州。⑬德宗年號。⑭宋毫節度使劉洽。滑州匡城人。大破希烈。⑮唐屬河北道。治信都。古九州之一。⑯名諶。德宗之子。⑰與躋同。登也。⑱在開封城東南。其上流為汴河。⑲物感興作之貌。

【諸家集評】大姚曰楊燕奇事無可考。大約事亦渺焯。赫可紀者雖云或裨或專。要以裨將從帥最功耳。故多虛敘而中間總而論之。其於田神功之事。則事之可實紀者望溪云隨舉一事以證是也。又曰公碑誌金石之文也。以議論斷制若云史傳則非宜耳。

張廉卿曰勿貪其暢須學其潔

韓退之唐故相權公墓碑

上之元和六年。其相曰權公。諱德輿。字載之。其本出自殷帝武丁。武丁之

子隆封於權^二。江漢間國也。周衰入楚爲權氏。楚滅徙秦。而居天水^三。略陽^四。符秦之王中國。其臣有安邱公翼者。有大臣之言。後六世。至平涼公^七。文誕。爲唐上庸太守。荊州^九大都督長史。焯^{*}有聲烈。平涼會孫諱^{一〇}。任贈尚書禮部郎中。以藝學與蘇源明相善。卒官羽林軍錄事參軍。於公爲王父。郎中生贈太子太保諱皋^{一一}。以忠孝致大名。去官累以官徵不起。追諡貞孝。是實生公。公在相位三年。其後以吏部尚書授節鎮山南^{一二}。年六十以薨。贈尚書左僕射。諡文公。公生三歲。知變四聲^{一四}。四歲能爲詩。七歲而貞孝公卒。來弔哭者。見其顏色聲容。皆相謂權氏世有其人。及長好學。孝敬祥順。貞元八年。以前江西府監察御史。徵拜博士。朝士以得人相慶。改左補闕。章奏不絕。譏排姦倖^{一五}。與陽城^{一六}爲助。轉起居舍人。遂知制誥。凡撰命詞九年。以類集爲五十卷。天下稱其能。十八年。以中書舍人典貢士。拜尚書禮部侍郎。薦士於公者。其言可信。不以其人布衣不用。卽不可信。雖大官勢人交言。一不以綴^{*}意。奏廣歲所取進士明經。在得人。不以員拘。轉戶兵吏三曹侍郎。太子賓客。復爲兵部遷太常卿。天下愈推爲鉅人長德。時天子以爲宰相宜參用道德人。因拜禮部尚書同中書門下平章事。公旣辭謝。不許。其所設張舉措。必本於寬大。以幾教化。多所助與。維匡調娛^{一七}。不失其正。中於和節。不爲聲章。因善與賢。不矜主己。以吏部尚書留守東都^{一八}。諸帥有利病不能

自請者。公常與疏陳。不以露布。復拜太常。轉刑部尙書。考定新舊令式。爲三十編。舉可長用。其在山南河南。勤於選付。治以和簡。人以寧便。以疾求還。十三年某月甲子。道薨於洋之白草。奏至。天子痾傷。爲之不御朝。郎官致贈錫。官居野處。上下弔哭。皆曰。善人死矣。其年某月日。葬河南北山。在貞孝東五里。公由陪屬升列。年除歲遷。以至公宰。人皆喜聞。若已與有。無忌嫉者。于頔坐子殺人。失位自囚。親戚莫敢過門省顧。朝莫敢言者。公將留守東都。爲上言曰。頔之罪既貫不竟。宜因賜寬詔。上曰。然。公爲吾行諭之。頔以不憂死。前後考第進士及庭所策試士。踵相躡爲宰相達官。與公相先後。其餘布處臺閣外府。凡百餘人。自始學至疾未病。未賞一日去書不觀。公既以能爲文辭。擅聲於朝。多銘卿大夫功德。然其爲家。不視簿書。未嘗問有無。費不^{*二四}佻餘。公娶清河崔氏女。其父造。嘗相德宗。號爲名臣。既葬。其子監察御史璩。纍然服喪來。有請。乃作銘文曰。
權在商周。世無不存。滅楚徙秦。嬴劉之間。甘某始侯。以及安邱。詆訶浮屠。皇極之扶。貞孝之生。鳳鳥不至。爵位豈多。半途以稅。壽考豈多。四十而逝。惟其不有。以惠厥後。是生相君。爲朝德首。行世祖之。文世師之。流連六官。出入屏毗。無黨無仇。舉世莫疵。人所憚爲。公勇爲之。其所競馳。公絕不窺。孰克知之。德將在斯。刻詩墓碑。以永厥垂。

【註音】(焯)音灼(鍾)音垂(綴)音撥(痾)音通(頓)音狄(貫)音世(僭)音雉(據)音渠

【釋義】①小乙之子。殷之復興主也。②國在今湖北鍾祥縣西。③郡名。在今甘肅通渭縣西南。④郡名。在今

甘肅秦安縣東北。⑤見卷三歐陽永叔為君難論上釋義。⑥翼字子良。略陽人。與太原薛讚。俱為苻堅謀臣。拜給

事中。後為右僕射。封安邱公。堅欲伐晉。翼力諫不從。⑦自翼至文。誕凡六世。翼子宣。褒事姚秦。為黃門侍郎。⑧故

城在今湖北竹山縣。⑨治今湖北江陵縣。⑩官至羽林軍參軍。成都尉。無待子。文誕生匡城。令崇本。崇本生無待。

⑪京兆武功人。初名預。字弱夫。少孤。工文辭。肅宗時。擢知制誥。數陳時政得失。終祕書少監。⑫鍾子。字士繇。天寶

末。在安祿山幕府。後祿山叛。詐死。奉其母南去。代宗時。徵泉為起居舍人。以疾辭。復以著作郎召。並不就。卒。諡貞

孝。⑬元和十一年冬。以德輿檢校吏部尚書。充山南西道節度使。十二年秋。以病乞還。卒于道。⑭平上去入。⑮貞

元八年。裴延齡以巧倖除戶部侍郎判度支。德輿上疏論其姦。⑯字亢宗。定州北平人。德宗時。召為諫議大夫。嘗

上疏留陸贄。帝欲相裴延齡。又哭於廷。力沮之。⑰借笑樂為匡正也。⑱元和八年秋。德輿以檢校吏部尚書。為東

都留守。⑲先是。詔許孟容。蔣乂等。刪定格勅。成三十卷。表上留中。德輿請下刑部。與侍郎劉伯芻代考定。復為三

十卷。⑳驛名。今陝西洋縣。㉑痛也。㉒字允言。河南洛陽人。元和七年。頓為司空同平章事。有梁正言者。自言與樞

密使梁守謙同宗。頓使其子敏。重賂正言。求出鎮於外。久之。正言詐漸露。敏索還其賂。不得。誘其奴支解之。事覺。

頓率其子殿中少監孝友等。素服詣建福門請罪。頓左遷恩王傅。仍絕朝謁。敏流雷州。㉓具也。㉔字大圭。德輿之

長子也。㉕寬其罪也。㉖苻堅嘗遊東苑。與僧道安同車。翼諫曰。道安毀形賤士。不宜參穢神輿。㉗吏。戶。禮。兵。刑。工

也。

【諸家集評】劉海峯曰。昌黎敘事。枝枝節節。造為奇語。鹿門譏其句字生蹇。不足以服公之心。

會滌生曰。矜諫簡慎。一字不若金石文字之正軌也。又曰。敘權公相業。專述用人之節。大抵嘉善而矜不能和。

而不失其正。二句該之。而文特矜練。此是敘名臣之法。若一一敘列事蹟。則累牘不能盡矣。

張廉卿曰。退之碑誌之文。其前後錯注及鍾句。練響並堅勁簡峻坦然出之。而雄渾高古不可及。

韓退之贈太尉許國公神道碑銘

韓姬姓。以國氏。其先有自潁川徙陽夏者。其地於今為陳之太康。太康之韓。其稱蓋久。然自公始大著。公諱弘。公之父曰海。為人魁偉沈塞。以武勇

游仕許^四汴之間。寡言自可。不與人交。衆推以爲鉅人長者。官至遊擊將軍。贈太師。娶鄉邑劉氏女。生公。是爲齊國太夫人。夫人之兄曰司徒玄佐^五。有功建中貞元^六之間。爲宣武軍帥。有汴宋毫穎^七四州之地。兵士十萬人。公少依舅氏。讀書習騎射。事親孝謹。保保^九自將。不縱爲子弟華靡傲放事。出入敬恭。軍中皆目之。嘗一抵京師。就明經試。退曰。此不足發名成業。復去從舅氏學。將兵數百人。悉識其材。鄙怯勇。指付必堪其事。司徒歎奇之。士卒屬心。諸老將皆自以爲不及。司徒卒。去爲宋南城將^{一〇}。比六七歲。汴軍連亂不定。貞元十五年。劉逸淮^二死。軍中皆曰。此軍司徒所樹。必擇其骨肉爲士卒所慕賴者付之。今見在人莫如韓甥。且其功最大。而材又俊。卽柄授之。而請命於天子。天子以爲然。遂自大理評事拜工部尙書。代逸淮爲宣武軍節度使。悉有其舅司徒之兵與地。衆果大悅便之。當此時。陳許帥曲環^三死。而吳少誠^三反。自將圍許。求援於逸淮。昭^四之以陳歸汴。使數輩在館。公悉驅出斬之。選卒三千人。會諸軍擊少誠許下。少誠失勢以走。河南無事。公曰。自吾舅歿。五亂於汴者。吾苗蒔^五而髮櫛之。幾盡。然不一^六。不足以令震駭。命劉鏐^{*}以其卒三百人待命於門。數之以數與於亂。自以爲功。并斬之以徇。血流波道。自是訖公之朝京師。廿有一年。莫敢有譴^六嗷叫號於城郭者。李師古^七詐言起事。屯兵於曹^八以嚇滑帥^九。且告假道。公使謂曰。汝能越吾

界而爲盜邪。有以相待。無爲空言。滑帥告急。公使謂曰。吾在此。公無恐。或告曰。翦棘夷道。兵且至矣。請備之。公曰。兵來不除道也。不爲應。師古詐窮變索。遷延旋軍。少誠以牛皮鞵材遺師古。師古以鹽資少誠。潛過公界。覺皆留。輸之庫曰。此於法不得以私相餽。田弘正之開魏博。李師道使來告曰。我代與田氏約相保援。今弘正非其族。又首變兩河事。亦公之所惡。我將與成德合軍討之。敢告。公謂其使曰。我不知利害。知奉詔行事耳。若兵北過河。我卽東兵以取曹。師道懼不敢動。弘正以濟誅吳元濟也。命公都統諸軍。曰。無自行以遏北寇。公請使子公武以兵萬三千人會討蔡下。歸財與糧。以濟諸軍。卒擒蔡姦。於是公爲侍中。而以公武爲鄜坊丹延節度使。師道之誅。公以兵東下。進圍考城。克之。遂進迫曹。曹寇乞降。鄆部既平。公曰。吾無事於此。其朝京師。天子曰。大臣不可以暑行。其秋之待。公曰。君爲仁。臣爲恭。可矣。遂行。既至。獻馬三千匹。絹五十萬匹。他錦紈綺纈。又二三萬。金銀器千。而汴之庫廢錢以貫數者。尙餘百萬。絹亦合百餘萬匹。馬七千。糧三百萬斛。兵械多至不可數。初公有汴。承五亂之後。掠賞之餘。且斂且給。恆無宿儲。至是公私充塞。至於露積不垣。册拜司徒兼中書令。進見上殿。拜跪給扶。贊元經體。不治細微。天子敬之。元和十五年。今天子卽位。公爲冢宰。又除河中節度使。在鎮三年。以疾乞歸。復拜司徒中書令。病

不能朝。以長慶二年十一月三日。薨於永崇里第。年五十八。天子爲之罷朝三日。贈太尉。賜布粟。其葬物有司官給之。京兆尹監護。明年七月某日。葬於萬年縣三三少陵原。京城東南三十里。楚國夫人翟氏祔。子男二人。長曰肅元。某官。次曰公武。某官。肅元早死。公之將薨。公武暴病先卒。公哀傷之。月餘。遂薨。無子。以公武子孫紹宗爲主。後。汴之南則蔡。北則鄆。二寇患公居間。爲已不利。卑身佞辭。求與公好。薦女請昏。使日月至。既不可得。則飛謀釣誘。以間染我公。先事候情。壞其機牙。姦不得發。王誅以成。最功定次。孰與高下。公子公武。與公一時俱授弓鉞。處藩爲將。疆土相望。公武以母憂去鎮。公母弟充。自金吾代將。渭北三三。公以司途中書令治蒲。於時弟充。自鄭滑節度平宣武之亂。以司空居汴。自唐以來。莫與爲比。公之爲治。嚴不爲煩。止除害本。不多教條。與人必信。吏得其職。賦入無所漏失。人安樂之。在所以富。公與人有畛域。不爲戲狎。人得一笑語。重於金帛之賜。其罪殺人。不發聲色。問法何如。不自爲輕重。故無敢犯者。銘曰。在貞元世。汴兵五獠。將得其人。衆乃一愒。其人爲誰。韓姓許公。磔其梟狼。養以雨風。桑穀奮張。厥壤大豐。貞元元孫。命正我宇。公爲臣宗。處得地所。河流兩壩。盜連爲羣。雄唱雌和。首尾一身。公居其間。爲帝督姦。察其嚙呻。與其睨眄。左顧失視。右顧而蹠。蔡先鄆鉏。三年而墟。槁乾四呼。終莫敢濡。

常山幽都^{四一}孰陪孰扶。天施不留。其討不逋。許公預焉。其賚何如。悠悠四方。既廣既長。無有外事。朝廷之治。許公來朝。車馬干戈。相乎將乎。威儀之多。將則是已。相則三公。釋師十萬。歸居廟堂。上之宅憂^{四二}。公讓太宰。養安蒲坂^{四三}。萬邦絕等。有弟有子。提兵守藩。一時三侯。人莫敢攀。生莫與榮。歿莫與令。刻文此碑。以鳩厥慶。

【註音】(俛)同侃(啗)徒濫切(薄)音蒿(捕)同翦(駮)同駭(郢)音孚(纈)音絮(綱)音制(惕)同憇(磔)音攝(壻)奴亂切(睨)音脂(縣)

【釋義】①韓姓出自唐叔虞之後。②秦置潁川郡。今河南舊許州。陳州汝寧。漢因之。治陽翟。故韓都也。即今河南禹縣治。③今河南太康縣。④許州。治今河南許昌縣。⑤劉玄佐。滑州匡城人。官至司徒。⑥德宗年號。⑦亳州。治今安徽亳縣。⑧潁州。治今安徽阜陽縣。⑨剛直也。⑩宋州南城將也。⑪懷州武涉人。正臣之子。貞元十五年九月卒。弘時以兵馬使為衆所推。代為宣武節度使。⑫陝州安邑人。⑬幽州潞人。⑭以利誘人。⑮猶言如壽者之為苗去莠。擷者之為髮去垢。⑯謹。噉。噉。噉。噉也。⑰納子。⑱即曹州。今山東曹縣西北。⑲義成軍治滑州。今河南滑縣。故曰滑帥。⑳本名興。字安道。縣名弘正。元和七年八月。魏博節度使田季安卒。子懷諫幼弱。時興為兵馬使。晨入府。士卒請為留後。十月。詔以興為節度使。㉑師古異母弟。㉒謂興不請為留後。坐待詔命。㉓時王承宗為成德節度使。㉔少陽子。元和十年正月反。十二年十月。被李愬所禽。㉕元和十年九月。弘都統淮西諸軍。㉖今河南考城縣。㉗平盧自李正己後。兼領兗鄆諸州。故稱鄆部。㉘細綾也。㉙繫繒染為文也。㉚穆宗也。㉛穆宗年號。㉜今陝西咸寧縣。㉝充本名瓘。為右金吾衛將軍。代公武鎮渭北。㉞唐蒲州。今山西永濟縣。㉟長慶二年七月。汴州逐節度李愿。充自義成節度徙鎮宣武。八月。充入汴州。詔加檢校司空。㊱狂犬也。㊲即憲宗。德宗之孫也。㊳江河邊地。㊴目邪視也。㊵常山。恒州也。指成德軍。㊶幽都。幽州也。指盧龍軍。㊷天子居喪。曰宅憂。㊸故城在今山西永濟縣。

【諸家集評】方望溪曰。首詳微時材行智略。著自軍中。拔起為帥之由也。其代帥不由朝命。故歷敘在鎮諸大節。而以朝京終焉。未乃及其餘事。而意亦相承。折蔡鄆之姦謀。所以能成其忠順也。治法嚴信。所以吏感民樂。而敵不敢犯也。其子弟貴盛。乃弘之由。故並及之。又以見其行事甚正。居位甚安。逸也。定汴之略。始於誅鏐。因總

計在鎮及朝京之年以爲前後關鍵退之不襲左格史調而未嘗不師其義法觀此可見

大姚曰碑文嚴毅威重與其人相稱

姚氏曰觀弘本傳及李光顏傳載弘以女子間撓光顏事與誌正相反退之諛墓亦已甚矣而文則雄偉首尾無一字懈精神奕然

韓退之清河郡公房公墓碣銘

公諱啓。字某。河南人。其大王父融。王父瑄。仍父子爲宰相。融相天后。事遠不大傳。瑄相玄宗肅宗。處艱難中。與道進退。薨贈太尉。流聲於茲。父乘。仕至祕書少監。贈太子詹事。公胚胎前光。生長食息。不離典訓之內。目擣耳染。不學以能。始爲鳳翔府參軍。尙少。人吏迎觀望見。咸曰。眞房太尉家子孫也。不敢弄以事。轉同州澄城丞。益自飾理。同官憚伏。衛晏使嶺南黜陟。求佐得公。擢摘良姦。南士大喜。還進昭應主簿。裴胄領湖南。表公爲佐。拜監察御史。部無遺事。胄遷江西。又以節鎮江陵。公一隨遷佐胄。累功進至刑部員外郎。賜五品服。副胄使事爲上介。上聞其名。徵拜虞部員外。在省籍籍。遷萬年令。果辯傲絕。貞元末。王叔文用事。材公之爲。舉以爲容州經略使。拜御史中丞。服佩視三品。管有嶺外十三州之地。林蠻洞蠻守條死。要。不相漁劫。稅節賦時。公私有餘。削衣貶食。不立資遺。以班親舊。朋友爲義。在容九年。遷領桂州。封清河郡公。食邑三千戶。中人使授命書。應待失禮。客主違言。徵貳太僕。未至。貶虔州長史。而坐使者。以疾卒官。年五十九。

其子越。能輯父事無失。謹謹致孝。既葬。碣墓請銘。銘曰。

房氏二相。厥家以聞。條葉被澤。況公其孫。公初為吏。亦以門庇。佐使於南。乃始已致。既辦萬年。命屏容服。功緒卓殊。氓獠*一六循業。維不順隨。失署亡資。非公之怨。銘以著之。

【註音】(胚)鋪灰切(搗)音乳(憒)音傲(蟹)音但(獠)音老

【釋義】①婦孕一月為胚。三月為胎。②染也。③岐州也。今陝西鳳翔縣。④今陝西大荔縣。⑤今陝西澄城縣。唐屬同州。⑥建中元年。分晏使嶺南。⑦字胤叔。河東聞喜人。貞元三年。為湖南觀察使。⑧今湖北江陵縣。⑨聲名盛也。⑩疾也。⑪越州山陰人。⑫今廣西容縣。⑬蟹戶也。南蠻之一種。亦稱龍戶。在閩粵沿海以舟楫為家。以漁為業。自唐以來。計戶輸稅。清初始准與齊民同列甲戶。然仍視為賤族。民國申令開放。與國民一律平等。⑭今廣西桂林縣。⑮啓在桂州。州邸賂吏部主者。私得官告。飛驛授啓。既而憲宗自遣中使李建章持詔賜啓。啓畏使者邀重賂。云先已得詔。使者請視。並持之歸。以聞。七月。貶啓太僕少卿。啓自陳獻使者南口十五。帝怒殺中使。貶啓為虔州長史。⑯西南夷。嶺表谿峒之蠻。謂即古之山越。雲南省亦有之。

【諸家集評】方望溪曰此篇亦順敘又曰退之於鉅人碑志多直敘其辭之繁簡一依功績大小不立問架而首尾神氣自相貫輸不可增損北宋諸公不能與於斯矣
姚氏曰依次序述是東漢以來刻石文體但出韓公手自然簡古清峻其筆力不可強幾也

韓退之殿中少監馬君墓誌銘

君諱繼祖。司徒贈太師北平莊武王之孫。少府監贈太子少傅諱暢之子。生四歲。以門功拜太子舍人。積三十四年。五轉而至殿中少監。年三十七以卒。有男八人。女二人。始余初寇。應進士貢。在京師。窮不自存。以故人稚弟拜北平王於馬前。王問而憐之。因得見於安邑里第。王軫其寒饑。賜食

與衣。召二子。使爲之主。其季遇我特厚。少府監贈太子少傅者也。姆抱幼子立側。眉眼如畫。髮漆黑。肌肉玉雪可念。殿中君也。當是時見王於北亭。猶高山深林鉅谷。龍虎變化不測。傑魁人也。退見少傅。翠竹碧梧。鸞鶴停峙。能守其業者也。幼子娟好靜秀。瑤環瑜珥五*。蘭茁其芽*。稱其家兒也。後四五年。吾成進士。去而東遊。哭北平王於客舍。後十五六年。吾爲尙書都官郎。分司東都。而分府少傅卒。哭之。又十餘年。至今。哭少監焉。嗚呼。吾未耄老。自始至今。未四十年。而哭其祖子孫三世。於人世何如也。人欲久不死。而觀居此世者何也。

【註音】(姆)音茂(珥)而至切(茁)音札

【釋義】①名燧。字洵美。德宗時大將。②燧之子。③愈兄奔與北平王有故。④悼也。⑤瑤環瑜珥。言美好如玉也。

【諸家集評】方望溪曰他無可述故獨載死生離合之迹

劉海峯曰少監無一事可記乃以三世交遊作兩番摹寫古色古聲造出奇偉於此見公之才力六一屢仿效之而未能也

姚氏曰宋人卑選學故文少此等境界

會條生曰情韻不匱

韓退之尙書庫部郎中鄭君墓誌銘

君諱羣。字弘之。世爲滎陽人。其祖於元魏時。有假封襄城公者。子孫因稱以自別。曾祖匡時。晉州霍邑令。祖千尋。彭州九隴丞。父迪。鄂州唐年令。娶

河南獨孤氏女。生二子。君其季也。以進士。選吏部考功。所試判爲上等。授正字。自鄆縣尉。拜監察御史。佐鄂岳使。裴均之爲江陵。以殿中侍御史佐其軍。均之徵也。遷虞部員外郎。均鎮襄陽。復以君爲襄府左司馬。刑部員外郎。副其度支使事。均卒。李夷簡代之。因以故職留君。歲餘。拜復州刺史。遷祠部郎中。會衢州無刺史。方選人。君願行。宰相卽以君應詔。治衢五年。復入爲庫部郎中。行及揚州。遇疾。居月餘。以長慶元年八月二十四日卒。春秋六十。卽以其年十一月二十二日。從葬於鄭州廣武原先人之墓次。君天性和樂。居家事人。與待交游。初持一心。未嘗變節。有所緩急。曲直薄厚。疏數也。不爲翕翕熱。亦不爲崖岸斬絕之行。俸祿入門。與其所過。逢吹笙彈箏。飲酒舞歌。談調醉呼。連日夜不厭。費盡不復顧問。或分挈以去。一無所愛惜。不爲後日毫髮計留也。遇其空無時。客至。清坐相看。或竟日不能設食。客主各自引退。亦不爲辭謝。與之遊者。自少及老。未嘗見其言色有若憂歎者。豈列禦寇莊周等所謂近於道者耶。其治官守身。又極謹慎。不挂於過差。去官而人民思之。身死而親故無所怨議。哭之皆哀。又可尙也。初娶吏部侍郎京兆韋肇女。生二女一男。長女嫁京兆韋詞。次嫁蘭陵蕭儼。後娶河南少尹趙郡李則女。生一女二男。其餘男二人。女四人。皆幼嗣子退思。韋氏生也。銘曰。

再鳴以文進途闢。佐二府治藹厥績。郎官郡守愈著白。洞然渾璞絕瑕謫。甲子一終反玄宅。

〔註音〕(鄂)音戶(贊)贊上聲

〔釋義〕①今河南滎陽縣。②魏初為拓跋氏。至孝文帝改姓元氏。③名偉。字子直。襄城。今河南襄城縣。④今山西霍縣。唐屬晉州。⑤今四川彭縣。唐屬彭州。⑥今湖北崇陽縣。唐屬鄂州。⑦今陝西鄂縣。⑧字君齊。河東聞喜人。⑨均被召為左僕射。⑩今湖北襄陽縣。⑪字易之。鄭王元懿四世孫。⑫今湖北沔陽縣。⑬今浙江衢縣。⑭今河南鄭縣。⑮翁翁合也。⑯崖岸斬絕。決絕也。⑰謂進士及書判拔萃。⑱謂鄂岳江陵襄府。

〔諸家集評〕茅順甫曰雋才逸典

劉海峯曰韓公文法勁挺獨造獨此篇敘述適逸風神略近史公



卷四十一 一 碑誌類下編二

韓退之柳子厚墓誌銘

子厚諱宗元。七世祖慶。爲拓跋魏侍中。封濟陰公。會伯祖奭。爲唐宰相。與褚遂良^四韓瑗^五俱得罪武后^六。死高宗朝。皇考諱鎮^八。以事母棄太常博士。求爲縣令江南。其後以不能媚權貴。失御史。權貴人死。乃復拜侍御史。號爲剛直。所與游。皆當世名人。子厚少精敏。無不通達。逮其父時。雖少年已自成人。能取進士第。嶄然^九見頭角。衆謂柳氏有子矣。其後以博學宏詞。授集賢殿正字。儁傑廉悍。議論證據今古。出入經史百子。踔厲風發^{一〇}。率常屈其座人。名聲大振。一時皆慕與之交。諸公要人爭欲令出我門下。交口薦譽之。貞元十九年。由藍田尉^二拜監察御史。順宗^三卽位。拜禮部員外郎。遇用事者^三得罪。例出爲刺史。未至。又例貶永州司馬。居閒。益自刻苦。務記覽。爲詞章。汎濫停蓄。爲深博無涯涘。而自肆於山水間。元和中。嘗例召至京師。又偕出爲刺史。而子厚得柳州^四。旣至。歎曰。是豈不足爲政邪。因其土俗。爲設教禁。州人順賴。其俗以男女質錢^五。約不時贖。子本相侔^五。則沒爲奴婢。子厚與設方計。悉令贖歸。其尤貧力不能者。令書爲傭。足相當。則使歸其質。觀察使下其法於他州。比一歲。免而歸者且千人。衡湘以南。爲進士者。皆以子

厚爲師。其經承子厚口講指畫。爲文詞者。悉有法度可觀。其召至京師而復爲刺史也。中山劉夢得禹錫亦在遣中。當詣播州。子厚泣曰。播州非人所居。而夢得親在堂。吾不忍夢得之窮。無辭以白其大人。且萬無母子俱往理。請於朝。將拜疏。願以柳易播。雖重得罪。死不恨。遇有以夢得事白上者。夢得於是改刺連州。嗚呼。士窮乃見節義。今夫平居里巷相慕悅。酒食遊戲相徵逐。詡詡強笑語以相取下。握手出肺肝相示。指天日涕泣。誓生死不相背負。真若可信。一旦臨小利害。僅如毛髮比。反眼若不相識。落落陷穽不一引手救。反擠之。又下石焉者。皆是也。此宜禽獸夷狄所不忍爲。而其人自視以爲得計。聞子厚之風。亦可以少媿矣。子厚前時少年。勇於爲人。不自貴重。顧藉。謂功業可立就。故坐廢退。既退。又無相知有氣力得位者推挽。故卒死於窮裔。材不爲世用。道不行於時也。使子厚在臺省時。自持其身。已能如司馬刺史時。亦自不斥。斥時有人力能舉之。且必復用。不窮。然子厚斥不久。窮不極。雖有出於人。其文學辭章。必不能自力。以致必傳於後。如今無疑也。雖使子厚得所願。爲將相於一時。以彼易此。孰得孰失。必有能辨之者。子厚以元和十四年十一月八日卒。年四十七。以十五年七月十日。歸葬萬年。先人墓側。子厚有子男二人。長曰周六。始四歲。季曰周七。子厚卒乃生。女子二人。皆幼。其得歸葬也。費皆出觀察使河東裴

君行立行立有節。槩重然諾。與子厚結交。子厚亦為之盡。竟賴其力。葬子厚於萬年之墓者。舅弟盧遵。遵。涿人。性謹慎。學問不厭。自子厚之斥。遵從而家焉。逮其死。不去。既往葬子厚。又將經紀其家。庶幾有始終者。銘曰。是惟子厚之室。既固既安。以利其嗣人。

(註音) (瑗)音怨(蕪)土減切(蹕)音調(質)音致

〔釋義〕
①字更興。河東解人。仕周。②郡名。今山東定陶縣。③字子邵。貞觀中為吏部尚書。貶愛州刺史。構通宮掖。謀行鳩毒。罪大逆。被誅。且沒家。④字登善。錢塘人。貞觀時為諫議大夫。高宗將立武后。力諫。被貶愛州刺史。以憂卒。⑤字伯玉。京兆三原人。以救遂良。貶振州刺史。⑥名嬰。初為昭儀。高宗立為后。⑦名治。太宗第九子。⑧天寶末。遇亂。奉母隱王屋山。常問行。求養。後徙於吳。肅宗平賊。上書言事。擢左衛率府兵曹參軍。佐郭子儀朔方府。三遷殿中侍御史。以事觸竇參。貶夔州司馬。終侍御史。⑨高峻貌。⑩議論層出也。⑪今陝西藍田縣。⑫名誦。德宗子。⑬指王叔文。叔文得政。引子厚。叔文敗。同黨貶謫。⑭今廣西馬平縣。元和十年三月。以宗元為柳州刺史。⑮齊等也。均也。⑯今河北定縣。⑰名禹錫。為蘇州刺史。以附王叔文被貶。⑱今貴州遵義縣。⑲指御史中丞裴度。為夢得事。上奏。⑳治今廣東連縣。㉑和集貌。㉒今陝西咸甯縣。㉓絳州稷山人。絳州。今山西新絳縣等地。㉔槩同概。節槩風節也。㉕州名。今河北涿縣。

〔諸家集評〕方望溪曰。羅池碑載治柳政蹟甚詳。此以三語括之。而獨書免歸奴婢一事。可知文尚體要。各有所宜。

劉海峯曰。柳州之政。止載一事。而於其交友文章。反覆感歎淋漓。生色。

韓退之河南令張君墓誌銘

君諱署。字某。河間人。大父利貞。有名玄宗世。為御史中丞。舉彈無所避。由是出為陳留守。領河南道採訪處置使。數年卒官。皇考諱郇。以儒學進。官至侍御史。君方質有氣。形貌魁碩。長於文辭。以進士舉博學宏詞。為校書

郎。自京兆武功尉。拜監察御史。爲幸臣所讒。與同輩韓愈李方叔^四。俱爲縣令南方。二年。逢恩。俱徙掾^{*}江陵。半載。邕管^五奏君爲判官。改殿中侍御史。不行。拜京兆府司錄。諸曹白事。不敢平面視。共食公堂。抑首促促^六就哺^七。歡揖起趨去。無敢闌語^八。縣令丞尉。畏如嚴京兆。事以辦治。京兆改鳳翔尹。以節鎮京西。請與君俱。改禮部員外郎。爲觀察使判官。帥它遷。君不樂。久去京師。謝歸。用前能拜三原^九令。歲餘。遷尙書刑部員外郎。守法爭議。棘棘不阿。改虔州^二刺史。民俗相朋黨。不訴殺牛。牛以大耗。又多捕生鳥雀魚鼈。可食與不可食相買賣。時節脫放。期爲福祥。君視事。一皆禁督立絕。使通經吏與諸生之旁大郡。學鄉飲酒喪婚禮。張施講說。民吏觀聽。從化大喜。度支符州。折民戶租。歲徵綿六千屯。比郡承命惶怖。立期日。惟恐不及事。被罪。君獨疏言。治迫嶺下。民不識蠶桑。月餘。免符下。民相扶攜。守州門叫。謹爲賀。改澧州^三刺史。民歲出雜產物與錢。尙書有經數。觀察使牒州。徵民錢倍經。君曰。刺史可爲法^{一三}。不可貪官害民。留噤不肯從。竟以代罷。觀察使使劇吏案簿書。十日不得毫毛罪。改河南令。而河南尹適君平生所不好者。君年且老。當日日拜走仰望階下。不得已就官。數月。大不適。卽以病辭免。公卿欲其一至京師。君以再不得意於守令。恨曰。義不可更辱。又奚爲於京師間。竟閉門死。年六十。君娶河東柳氏女。二子昇奴胡師。將以某年

某月某日葬某所。其兄將作少監昔請銘於右庶子韓愈。愈前與君為御史被讒。俱為縣令南方者也。最為知君。銘曰。誰之不如。而不公卿。奚養之違。而不久生。惟其頽頽^{*一四}以世厥聲。

【註音】（郇）音荀（掾）緣去聲（歡）昌悅切音啜（禮）音禮（頽）音航

【釋義】①今河北河間縣。②名隆基。睿宗子。③今河南陳留縣。④李方叔自號西河山人。元和中以工畫山

水人物名。⑤邕管指經略使路恕。邕今廣西邕寧縣。⑥不安貌。⑦飲也。⑧不當言而言也。⑨今陝西三原縣。⑩不

屈服。⑪治今江西贛縣。⑫治今湖南澧縣。⑬言當守法也。⑭自高之貌。【諸家集評】張廉卿曰堅淨精峭峻潔之氣鬱然紙上

韓退之太原王公墓誌銘

公諱仲舒。字弘中。少孤。奉其母居江南。遊學有名。貞元十年。以賢良方正拜左拾遺。改右補闕。禮部考功吏部三員外郎。貶連州司戶參軍。改夔州司馬。佐江陵使。改祠部員外郎。復除吏部員外郎。遷職方郎中。知制誥。出為峽州刺史。遷廬州。未至。丁母憂。服闋。改婺州^{*四}刺史。徵拜中書舍人。既至。謂人曰。吾老。不樂與少年治文書。得一道。有地六七郡。為之三年。貧可富。亂可治。身安功立。無愧於國家可也。日語人。丞相聞問語驗。即除江南西道觀察使。兼御史中丞。至則奏罷榷酒^{*五}錢九千萬。以其利與民。又罷軍吏官債五千萬。悉焚簿文書。又出庫錢二千萬。以丐貧民。遭旱不能供稅者。禁浮屠及老子。為僧道士。不得於吾界內。因山野立浮屠老子像。

以其誑巧漁利。奪編人之產。在官四年。數其蓄積。錢餘于庫。米餘于廩。朝廷選公卿於外。將徵以爲左丞。吏部已用薛尙書代之矣。長慶三年十一月十七日。未命而薨。年六十二。天子爲之罷朝。贈左散騎常侍。遠近相弔。以四年二月某日。葬於河南某縣先塋之側。公之爲拾遺。朝退。天子謂宰相曰。第幾人非王某耶。是時公方與陽城。更疏論裴延齡詐妄。士大夫重之。爲考功吏部郎也。下莫敢有欺犯之者。非其人。雖與同列。未嘗比數。收拾故遭讒而貶。在制誥。盡力直友人之屈。不以權臣爲意。又被讒而出。元和初。婺州大旱。人餓死。戶口亡十七八。公居五年。完富如初。按劾羣吏。奏其贓罪。州部清整。加賜金紫。其在蘇州。治稱第一。公所至。輒先求人利害。廢置所宜。閉閣草奏。又具爲科條。與人吏約。事備。一旦張下。民無不怵叫喜悅。或初若小煩。旬歲皆稱其便。公所爲文章。無世俗氣。其所樹立。殆不可學。會祖諱玄暕。比部員外郎。祖諱景肅。丹陽太守。考諱政。襄鄧等州防禦使。鄂州採訪使。贈工部尙書。公先妣渤海李氏。贈渤海郡太君。公娶其舅女。有子男七人。初。哲。貞。弘。泰。復。洄。初。進士及第。哲。文學俱善。其餘幼也。長女壻劉仁師。高陵令。次女壻李行修。尙書刑部員外郎。銘曰。氣銳而堅。又剛以嚴。哲人之常。愛人盡已。不倦以止。乃吏之方。與其友處。順若婦女。何德之光。墓之有石。我最其迹。萬世之藏。

【註音】(發)音務(權)古岳切(瞭)古限切(泗)音回

【釋義】①今四川奉節縣。②治今湖北宜昌縣。③治今安徽合肥縣。④治今浙江金華縣。⑤權征稅法也。如專賣之類。權酒謂禁民酤釀。獨開置設權以獨取利也。⑥謂編入人口冊之人。⑦名放。河中寶鼎人。長慶三年。代仲舒鎮江西。⑧字亢宗。定州北平人。德宗欲相裴延齡。公與城極論其奸。⑨友人楊憑。尹京兆。被御史中丞李夷簡所劾。貶臨賀尉。公論議直其寃。由是出為峽州刺史。

【諸家集評】姚氏曰此文已開王荆公誌銘文法

會滌生曰以江西南西道觀察使特敘一段於中以為主峯餘則敘官階於前敘政績於後章法變化又曰與神道碑無一字同觀此知敘事之文狡獪變化無所不可

吳至父曰與神道碑詞雖各異而用意未嘗不同

韓退之國子監司業竇公墓誌銘

國子司業竇公諱牟字某。六代祖敬遠。嘗封西河公。大父同昌司馬。比四代仍襲爵名。同昌諱胤。生皇考諱叔向。官至左拾遺。溧水令。贈工部尚書。尚書於大曆初。名能為詩文。及公為文。亦最長於詩。孝謹厚重。舉進士登第。佐六府五公。入遷至檢校虞部郎中。元和五年。真拜尚書虞部郎中。轉洛陽令。都官郎中。澤州刺史。以至司業。年七十四。長慶二年二月丙寅。以疾卒。其年八月某日。葬河南偃師。先公尚書之兆次。初公善事繼母。家居未出。學問於江東。尚幼也。名聲詞章。行於京師。人遲其至。及公就進士且試。其輩皆曰莫先竇生。於時公舅袁高為給事中。方有重名。愛且賢公。然實未嘗以干有司。公一舉成名而東。遇其黨必曰非我之才。維吾舅之私。其佐昭義軍也。遇其將死。公權代領以定其危。後將盧從史。重公不遣。奏

進官職。公視從史益驕不遜。僞疾經年。輦歸東都。從史卒敗死。公不以覺微避去。爲賢告人。公始佐崔大夫縱。留守東都。後佐留守司徒餘慶。歷六府五公。文武細粗不同。自始及終。於公無所悔望。有彼此言者。六府從事。幾且百人。有愿一三。茲易險賢不肖不同。公一接以和與信。卒莫與公有怨嫌者。其爲郎官令守。慎法寬惠不刻。教誨於國學也。嚴以有禮。扶善遏過。益明上下之分。以躬先之。恂恂愷悌得師之道。公一兄三弟。一六、一七。益士。水部員外郎朗夔。江撫四州刺史。羣。以處士徵。自吏部郎中拜御史中丞。出帥黔容以卒。庠。一八。三佐大府。自奉先令爲登州刺史。鞏亦進士。以御史佐淄青府。皆有材名。公子三人。長曰周餘。好善學文。能謹謹致孝。述父之志。曲而不黷。次曰某。曰某。皆以進士貢。女子三人。愈少公十九歲。以童子得見。於今四十年。始以師事公。而終以兄事焉。公待我一以朋友。不以幼壯先後致異。公可謂篤厚文行君子矣。其銘曰。

后緡竇逃閔腹子。夏以再家竇爲氏。聖愕旋河犢引比。相嬰撥漢納孔軌。二四。後去觀津而家平陵。遙遙厥緒。夫子是承。我敬其人。我懷其德。作詩孔哀。質於幽刻。

【註音】(輦)同輦

【釋義】①唐爲山南道扶州。今甘肅文縣。②字遺直。③溧水在江蘇溧陽縣。亦作陵水。④今山西晉城縣。⑤今河南偃師縣。⑥墓域也。⑦待也。⑧字公頤。滄州東光人。⑨昭義軍節度使李長榮。卒於貞元二十年六月。⑩見

前。○貞元二年。以吏部侍郎崔縱為東都留守。奏牟為府巡官。○元和五年。河南尹鄭餘慶為東都留守。奏牟為府判官。○謹也。善也。○恂恂。信實之貌。○愷悌。言樂易也。○字中行。○字丹列。元和二年。武元衡同平章事。舉羣代已為御史中丞。三年。貶黔中觀察使。九年。召還。至衡州卒。○庠字胃卿。貞元二十一年。韓皋鎮武昌。庠為推官。皋鎮浙西。庠為副使。又為宣歙副使。○今陝西蒲城縣。○今山東蓬萊縣。○字友封。元和十四年。薛平為平盧淄青節度使。表鞏自副。○〔左哀元年〕昔有過饒。滅夏后相。后緡方娠。逃出自竇。歸于有仍。○后緡生少康。少康生二子。曰杼。曰龍。龍居有仍。遂為竇氏。○〔史記〕孔子將西見趙簡子。至於河。聞竇鳴犢舜華之死。臨河而嘆曰。美哉水洋洋乎。丘之不濟此。命也夫。○竇太后從兄子嬰。相武帝。帝太后好黃老。而嬰推重儒術。此即謂撥漢家黃老之習。而納之孔子之道也。○故趙地。在今河北武邑縣東南。○一在山東歷城縣東。一在陝西咸陽縣西北。

韓退之給事中清河張君墓誌銘

張君名徹。字某。以進士累官至范陽府監察御史。長慶元年。今牛宰相為御史中丞。奏君名迹中御史選。詔即以為御史。其府惜不敢留。遣之。而密奏幽州將父子繼續。不廷選且久。今新收。臣又始至。孤怯。須強佐乃濟。發半道。有詔以君還之。仍遷殿中侍御史。加賜朱衣銀魚。至數日。軍亂。怨其府從事。盡殺之。而囚其帥。且相約張御史長者。無侮辱轢蹙我事。毋庸殺。置之帥所。居月餘。聞有中貴人自京師至。君謂其帥。公無負此士人。上使至。可因請見自辨。幸得脫免歸。即推門求出。守者以告其魁。魁與其徒皆駭曰。必張御史。張御史忠義。必為其帥告此餘人。不如遷之別館。即與眾出君。君出門罵眾曰。汝何敢反。前日吳元濟斬東市。昨日李師道斬軍中。同惡者父母妻子皆屠死。肉餒狗鼠鴟鴞。汝何敢反。行且罵眾。

畏惡其言。不忍聞。且虞生變。卽擊君以死。君抵死。口不絕罵。衆皆曰。義士。義士。或收瘞之^三。以俟。事聞。天子壯之。贈給事中。其友侯雲長佐鄆使。請於其帥馬僕射^四。爲之選於軍中。得故與君相知張恭李元寶者。使以幣請諸范陽。范陽人義而歸之。以聞。詔所在給船輦^五。傳歸其家。賜錢物以葬。長慶四年四月某日。其妻子以君之喪。葬於某州某所。君弟復亦進士。佐汴宋得疾。變易喪心。驚惑不常。君得聞。卽自視衣褥薄厚。節時其飲食。而匕筯進養之。禁其家無敢高語出聲。醫餌之藥。其物多空青^六。雄黃^七。諸奇怪物。劑錢至十數萬。營治勤劇。皆自君手。不假之人。家貧。妻子常有飢色。祖某某官。父某某官。妻韓氏。禮部郎中某之孫。汴州開封尉某之女。於余爲叔父孫女。君嘗從予學。選於諸生而嫁與之。孝順祗修。羣女效其所爲。男若干人。曰某。女子曰某。銘曰。

嗚呼徹也。世慕顧^八以行。子揭揭^九也。噎暗^{一〇}以爲生。子獨割也^{一一}。爲彼不清。作玉雪也。仁義以爲兵。用不缺折也。知死不失名。得猛厲也。自申於闇明。莫之奪也。我銘以貞之。不肖者之咄也^{一二}。

【註音】(轆)音歷(餒)音委(鴟)稱脂切(割)讀子(暗)音音(咄)當割切

【釋義】①名僧孺。字思黯。鶻人。②長慶元年。幽州軍亂。囚節度使張弘靖。殺判官韋雍。張宗元。崔仲卿等。不殺。徹置之於薊門館內。③葬也。④名總。字會元。扶風人。⑤同輿。⑥產銅鑛中。大塊中空有水者。良。治眼疾。一名楊梅青。⑦卽三硫化砷。亦名石黃。其明徹如雞冠者佳。謂之雄精。⑧羨慕瞻顧之謂。⑨高舉也。⑩猶沉默也。⑪言

與人不同也。相呵也。

〔諸家集評〕王介甫曰退之善爲銘如王適張徹銘尤奇也

劉海峯曰於罵叛卒及視弟疾二事摹寫生色

張廉卿曰介甫論韓文惟王適張徹墓誌最奇王文敘事作意立間架實從此一篇脫化而未能自然所以未及退之且其規撫堂廡較永叔則已隘矣

韓退之試大理評事王君墓誌銘

君諱適。姓王氏。好讀書。懷奇負氣。不肯隨人。後舉選。見功業有道路可指。取有名節。可以戾契致。困於無資地。不能自出。乃以干諸公貴人。借助聲勢。諸公貴人既志得。皆樂熟軟媚耳目者。不喜聞生語。一見輒戒門以絕。上初卽位。以四科募天下士。君笑曰。此非吾時邪。卽提所作書。緣道歌吟。趨直言試。既至。對語驚人。不中第。益困。久之。聞金吾李將軍年少喜事可撼。乃踏門告曰。天下奇男子王適。願見將軍白事。一見語合意。往來門下。盧從史既節度昭義軍。張甚。奴視法度士。欲聞無顧忌大語。有以君生平告者。卽遣客鉤致。君曰。狂子不足以共事。立謝客。李將軍由是待益厚。奏爲其衛曹參軍。充引駕仗判官。盡用其言。將軍遷帥鳳翔。君隨往。改試大理評事。攝監察御史。觀察判官。櫛垢爬痒。民獲蘇醒。居歲餘。如有所不樂。一日載妻子入閩鄉。南山不顧。中書舍人王涯。獨孤郁。吏部郎中張惟素。比部郎中韓愈。日發書問訊。顧不可強起。不卽薦。明年九月疾病。輿醫

京師某月某日卒。年四十四。十一月某日。卽葬京城西南長安縣界中。曾祖爽。洪州武寧令。祖微。右衛騎曹參軍。父嵩。蘇州崑山丞。妻上谷侯氏。處士高女。高固奇士。自方阿衡太師。世莫能用吾言。再試吏。再怒去。發狂投江水。初。處士將嫁其女。懲曰。吾以齟齬窮。一女憐之。必嫁官人。不以與凡子。君曰。吾求婦氏久矣。惟此翁可人意。且聞其女賢。不可以失。卽謾謂媒。吾明經及第。且選卽官人。侯翁女幸嫁。若能令翁許我。請進百金爲媪。謝諾。許白翁。翁曰。誠官人耶。取文書來。君計窮吐實。媪曰。無苦。翁大人。不疑人欺我。得一卷書。粗若告身者。我袖以往。翁見未必取。幸而聽我行其謀。翁望見文書銜袖。果信不疑。曰。足矣。以女與王氏。生三子。一男二女。男三歲夭死。長女嫁亳州永城尉姚佺。其季始十歲。銘曰。鼎也不可以柱車馬也。不可使守閭。佩玉長裾。不利走趨。祇繫其逢。不繫巧愚。不諧其須。有銜不祛。鑽石埋辭。以列幽墟。

【註音】(閩)音聞(眎)同視(佺)汀上聲

【釋義】①辰。扭轉也。契。枝節也。謂名節可以扭轉枝節而致之也。②指憲宗也。③教化科。體用科。從政科。將帥科。④名惟簡。⑤櫛垢爬痒。謂除去各種積弊也。⑥今河南閩鄉縣。⑦字廣津。太原人。文宗時相。⑧字古風。洛陽人。⑨刑部。⑩今江西武寧縣。⑪字玄覽。上谷人。隱於廬山。自號華陽居士。⑫支也。⑬門也。⑭謂有相須之才。而與時不合也。⑮謂銜不遇之恨。而不能遣去也。

【諸家集評】茅順甫曰。澹宕多奇。

會條生曰。以蔡伯喈碑文律之。此等文已失古意。然能者遊戲無所不可。未流效之。乃墮惡趣矣。

張廉卿曰寓嫖姚傲儻之概於譎絕奇宕之中其間翩若驚鴻處往往使讀者灑悚欲絕

韓退之唐故朝散大夫商州刺史除名徙封州董府君墓誌銘

公諱溪。字惟深。丞相贈太師隴西恭惠公第二子。十九歲明兩經。獲第有司。沈厚精敏。未嘗有子弟之過。賓接門下。推舉人士。侍側無虛口。退而見其人。淡若與之無情者。太師賢而愛之。父子間自爲知己。諸子雖賢。莫敢望之。太師累踐大官。臻宰相。致平治。終始以禮。號稱名臣。晨昏之助。蓋有賴云。太師之平汴州^二。年考益高。挈持維綱。鋤削荒類^三。納之太和而已。其囊篋細碎。無所遺漏。繫公之功。上介尙書左僕射陸公長源。齒差太師。標望絕人。聞其所爲。每稱舉以戒其子。楊凝^五孟叔度。以材德顯名朝廷。及來佐幕府。詣門請交。屏所挾爲。太師薨。始以祕書郎選參軍。京兆府法曹。日伏階下。與大尹爭是非。大尹屢黜已見。歲中奏爲司錄參軍。與一府政。以能拜尙書度支員外郎。遷倉部郎中。萬年令。兵誅恆州^六。改度支郎中。攝御史中丞。爲糧料使。兵罷^七。遷商州^八刺史。糧料吏有忿爭相牽告者。事及於公。因徵下御史獄。公不與吏辨。一皆引伏受垢。除名。徙封州^九。元和六年五月十一日死。湘中。年四十九。明年立皇太子。有赦令許歸葬。其子居中始奉喪歸。元和八年十一月甲寅。葬於河南河南縣萬安山下。太師墓左。夫人鄭氏。公凡再娶。皆鄭氏女。生六子。四男二女。長曰全正。惠而早死。次曰居

中好學。善爲詩。張籍稱之。次曰從直。曰居敬。尙小。長女嫁吳郡陸暢。其季女後夫人之子。公之母弟全素。孝慈友弟。公坐事。棄同官令歸。公沒。比葬三年。哭泣如始喪者。大臣高其行。白爲太子舍人。將葬。舍人與其季弟解問銘於太史氏韓愈。愈則爲之銘。辭曰。物以久弊。或以輟毀。考致要歸。孰有彼此。由我者吾。不我者天。斯而以然。其誰使然。

【註音】(類)歷對切(懈)音蟹(轢)音歷

【釋義】①董晉也。②貞元十二年。宣武軍亂。董晉平之。③疵也。④猶是也。⑤字懋功。饒州弘農人。與孟叔度同爲判官。⑥成德軍治恆州。⑦元和五年七月。承宗得赦。⑧今陝西商縣。⑨今廣東封川縣。元和六年。糧料吏告溪坐贖數千緡。遂勅貸死。流封州。行至潭州。遣中使賜死。⑩河南縣周時洛邑王城。在今河南洛陽西五里。⑪車所踐也。

【諸家集評】劉海峯曰韓公琢句鍊字務在獨造出奇以驚人爲能董溪房啓獨孤郁數篇約略相似杜詩亦然所謂語不驚人死不休也

韓退之唐朝散大夫贈司勳員外郎孔君墓誌銘

昭義節度盧從史。有賢佐曰孔君。諱戡。字君勝。從史爲不法。君陰爭不從。則於會肆言以折之。從史羞。面頸發赤。抑首伏氣。不敢出一語以對。立爲君更令改章辭者。前後累數十。坐則與從史說古今君臣父子。道順則受成福。逆輒危辱誅死。曰公當爲彼。不得爲此。從史常聳聽喘汗居五六歲。益驕。有悖語。君爭。無改悔色。則悉引從事。空一府往爭之。從史雖羞。退益

甚。君泣語其徒曰。吾所爲止於是。不能以有加矣。遂以疾辭去。臥東都之
城東。酒食伎樂之燕不與。當是時。天下以爲賢論士之宜在天子左右者。
皆曰孔君孔君云。會宰相李公_二鎮揚州。首奏起君。君猶臥不應。從史讀詔
曰。是故舍我而從人耶。卽誣奏君前在軍有某事。上曰。吾知之矣。奏三上。
乃除君衛尉丞分司東都。詔始下。門下給事中呂元膺_三封還詔書。上使謂
呂君曰。吾豈不知戡也行用之矣。明年元和五年正月。將浴臨汝之湯泉。
王子至其縣食。遂卒。年五十七。公卿大夫士相弔於朝。處士相弔於家。君
卒之九十六日。詔縛從史送闕下。數以違命。流於日南_四。遂詔贈君尙書司
勳員外郎。蓋用嘗欲以命君者_{*}信其志。其年八月甲申。從葬河南南河陰之
廣武原。君於爲義若嗜欲。勇不顧前後。於利與祿。則畏避退處。如怯夫然。
始舉進士第。自金吾衛錄事爲大理評事。佐昭義軍_五。軍帥死。從史自其軍
諸將代爲帥。請君曰。從史起此軍行伍中。凡在幕府。惟公無分寸私。公苟
留。惟公之所欲爲。君不得已留。一歲再奏。自監察御史至殿中侍御史。從
史初聽用其言。得不敗。後不聽信。惡益聞。君棄去。遂敗。祖某。某官。贈某官。
父某。某官。贈某官。君始娶弘農楊氏女。卒。又娶其舅宋州刺史京兆韋_{*}峴
女。皆有婦道。凡生一男四女。皆幼。前夫人從葬舅姑_六。次。卜人曰。今茲歲
未可以祔。從卜人言。不祔。君母兄_六。尙書兵部員外郎。母弟_七。殿中侍御

史以文行稱朝廷。將葬。以韋夫人之弟前進士楚材之狀授愈曰。請爲銘。銘曰。

允義孔君。茲惟其藏。更千萬年。無敢壞傷。

【註音】(搢)音堪(信)同伸(岷)音起(幾)音達

【釋義】①貞元二十年。從史爲昭義節度使。寢恣不道。奪部將妻。②李吉甫也。時爲淮南節度使。治揚州。③

字景夫。鄆州東平人。④郡名。今安南順化等處。⑤時李長榮爲昭義節度使。⑥字君巖。官以清節著。⑦字方舉。仕

至京兆尹。

【諸家集評】方望溪曰詳著其大節末乃略序始迹

韓退之集賢院校理石君墓誌銘

君諱洪。字濬川。其先姓烏石蘭。九代祖猛。始從拓跋氏入夏。居河南。遂去烏與蘭。獨姓石氏。而官號大司空。後七世。至行褒。官至易州刺史。於君爲會祖。易州生婺州金華令諱懷一。卒葬洛陽北山。金華生君之考諱平。爲太子家令。葬金華墓東。而尙書水部郎劉復爲之銘。君生七年喪其母。九年而喪其父。能力學行。去黃州錄事參軍。則不仕。而退處東都洛上十餘年。行益修。學益進。交遊益附。聲號聞四海。故相國鄭公餘慶留守東都。卜言洪可付史筆。李建拜御史。崔周禎爲補闕。皆舉以讓。宣歙池之使與浙東使交牒署君從事。河陽節度烏大夫重胤。間以幣先走廬下。故爲河陽得。佐河陽軍。吏治民寬。考功奏從事考。君獨於天下爲第一。元和六年。詔

下河南。徵拜京兆昭應尉。校理集賢御書。明年六月甲午。疾卒。年四十二。娶彭城劉氏女。故相國晏之兄孫。生男二人。八歲曰壬。四歲曰申。女子二人。願言曰。葬死所。七月甲申。葬萬年白鹿原。既病。謂其游韓愈曰。子以吾銘。銘曰。生之艱。成之又艱。若有以為。而止於斯。

〔釋義〕
 ① 後魏孝文帝太和二十年。盡改複姓。故烏石蘭止為石氏。
 ② 字杓直。
 ③ 盧坦是也。字保衡。洛陽人。
 ④ 薛萃是也。河中寶鼎人。
 ⑤ 元和五年四月。烏重胤為河陽節度使。洪為府參軍。
 ⑥ 字士安。曹州南華人。

韓退之河南少尹裴君墓誌銘

公諱復。字茂紹。河東人。曾大父元簡。大理正。大父曠。御史中丞。京畿採訪使。父虬。以有氣略。敢諫諍。為諫議大夫。引正大疑。有寵代宗朝。屢辭官不肯拜。卒。贈工部尚書。公舉賢良。拜同官尉。僕射南陽公。開府徐州。召公主書記。二遷至侍御史。入朝。歷殿中侍御史。累遷至刑部郎中。疾病。改河南少尹。輿至官。若干日卒。實元和三年四月二十三日。享年五十。夫人博陵崔氏。少府監頽之女。男三人。環質皆既冠。其季始六歲。曰充郎。卜葬。得公卒之四月壬寅。遂以其日葬東都芒山之陰杜翟村。公幼有文。年十四。上時雨詩。代宗以為能。將召入為翰林學士。尚書公請免。曰。願使卒學。丁後母喪。上使臨弔。又詔尚書公曰。父忠而子果孝。吾加賜以厲天下。終喪必

且以爲翰林。其在徐州府。能勤而有勞。在朝。以恭儉守其職。居喪必有聞。待諸弟友以善教。館嫠妹。畜孤甥。能別而有恩。歷十一官。而無宅於都。無田於野。無遺資以爲葬。斯其可銘也已。銘曰。裴爲顯姓。入唐尤盛。支分族離。各爲大家。惟公之系。德隆位細。曰子曰孫。厥聲世繼。晉陽之邑。愉愉翼翼。無外無私。幼壯若一。何壽之不遐。而祿之不多。謂必有後。其又信然耶。

【註音】(虬)音求(瓊)他頂切(嫠)音釐

【釋義】①名豫。肅宗子。②今陝西同官縣。③張建封也。爲徐泗濠觀察使。④成人稱冠。古者男子二十始行冠禮。⑤在河南洛陽縣。⑥愉愉。顏色和悅也。

韓退之尙書左僕射右龍武軍統軍劉公墓誌銘

公諱昌裔。字光後。本彭城人。曾大父諱承慶。朔州刺史。大父巨敖。好讀老子莊周書。爲太原晉陽令。再世宦北方。樂其土俗。遂著籍太原之陽曲。曰。自我爲此邑人可也。何必彭城。父誦。贈右散騎常侍。公少好學問。始爲兒時。重遲不戲。恆若有所思念。計畫及壯。自試以開吐蕃說干邊將。不售。入三蜀。從道士遊。久之。蜀人苦楊琳寇掠。公單船往說。琳感歎。雖不卽降。約其徒不得爲虐。琳降。公常隨琳不去。琳死。脫身亡。沈浮河朔之間。建中中。曲環招起之。爲環檄李納。指摘切刻。納悔恐動心。恆魏皆疑惑氣懈。環封

奏其本。德宗稱焉。環之會下濮州。戰白塔。救寧陵襄邑。擊李希烈。陳州城下。公常在軍間。環領陳許軍。公因爲陳許從事。以前後功勞。累遷檢校兵部郎中御史中丞營田副使。吳少誠乘環喪。引兵叩城。留後上官說咨公以城守所以能擒誅叛將爲抗拒。令敵人不得其便。圍解。拜陳州刺史。韓全義敗。引軍走陳州。求入保。公自城上揖謝全義曰。公受命詣蔡。何爲來陳。公無恐。賊必不敢至我城下。明日。領步騎十餘。抵全義營。全義驚喜。迎拜歎息。殊不敢以不見舍望公。改授陳許軍司馬。上官說死。拜金紫光祿大夫。檢校工部尙書。代說爲節度使。命界上吏不得犯蔡州人。曰。俱天子人。奚爲相傷。少誠吏有來犯者。捕得。縛送曰。妄稱彼人。公宜自治之。少誠慚其軍。亦禁界上暴者。兩界耕桑交跡。吏不何問。封彭城郡開國公。就拜尙書右僕射。元和七年。得疾。視政不時。八年五月。涌水出他界。過其地。防穿不補。沒邑屋。流殺居人。拜疏請去職卽罪。詔還京師。卽其日。與使者俱西。大熱。日暮馳不息。疾大發。左右手轡止之。公不肯。曰。吾恐不得生謝天子。上益遣使者勞問。敕無亟行。至則不得朝矣。天子以爲恭。卽其家拜檢校左僕射。右龍武軍統軍知軍事。十一月某甲子薨。年六十二。上爲之一日不視朝。贈潞州大都督。命卽弔其家。明年某月某甲子。葬河南某縣某鄉某原。公不好音聲。不大爲居宅。於諸帥中獨然。夫人邠國夫人武功蘇

氏。子四人。嗣子光祿主簿縱。學於樊宗師。士大夫多稱之。長子元一。朴直忠厚。便弓馬。爲淮南軍衙門將。次子景陽景長。皆舉進士。葬得日。相與遣使者哭拜塋上。使來乞銘。銘曰。

提將之符。尸我一方。配古侯公。維德不爽。我銘不亡。後人之慶。

【註音】(檄)刑狄切(郟)音彬

【釋義】①治今山西朔縣。②太原。唐府名。今山西舊太原汾州二府之地。治晉陽。今太原縣。③楊惠琳也。④陝州安邑人。大曆中。擢破州吐蕃。累遷開府儀同三司。封晉昌郡王。⑤唐德宗二年秋。平盧淄青節度使李正己卒。子納自稱留後。⑥恆。指成德節度使李惟岳。魏。指魏博節度使田悅。⑦治今山東濮縣。爲淄青節度使領地。李納攻徐州。環與劉玄佐將兵救之。敗其衆。納還濮陽。玄佐進圍之。殘其郛。⑧今河北天津縣境地。⑨二縣名。唐時皆屬宋州。襄邑。卽今睢縣。與寧陵並屬河南。⑩德宗興元元年閏十月。李希烈遣將翟崇暉悉衆圍陳州。宋毫節度使劉洽。遣馬步都虞候劉昌與隴右幽州節度使曲環。將兵二萬救之。擒崇暉於州西。⑪貞元二年七月。以曲環爲陳許節度使。⑫貞元十四年秋。少誠寇唐州。掠臨潁。陳許留後上官況遣將救之。敗沒。少誠遂圍許州。⑬說或作況。時況以刺史知留後。少誠引兵薄城。況懼欲遁去。昌裔止之。曰。受詔而守。死其職也。況士馬完奮足支賊。若堅壁不戰。七日。賊氣必衰。我以全制之可也。況許之。少誠晝夜急攻。昌裔鑿城出擊。大破之。⑭兵馬使安國寧。意欲翻城應賊。昌裔覺。以計斬之。並召其麾下。人給二緡。伏兵要巷。見持緡者悉斬之。⑮韓全義爲蔡州招討使。與淮兵戰於澠水之南。大潰。

韓退之扶風郡夫人墓誌銘

夫人姓盧氏。范陽人。亳州城父丞序之孫。吉州刺史徹之女。嫁扶風馬氏。爲司徒侍中莊武公之家婦。少府監西平郡王贈工部尙書之夫人。初。司徒與其配陳國夫人元氏。惟宗廟之尊重。繼序之不易。賢其子之才。求婦

之可與齊者。內外親戚曰。盧某舊門。承守不失其初。其子女聞教訓。有幽
 閒之德。為公子擇婦。宜莫如盧氏。媒者曰然。卜者曰祥。夫人適年若干。入
 門而媪御皆喜。既饋而公姑交賀。克受成福。母有多子。為婦為母。莫不法
 式。天資仁恕。左右媵侍^五。常蒙假與顏色。人人莫不自在。杖婢使。數未嘗過
 一二三。雖有不憚^六。未嘗見聲氣。元和五年。尚書薨。夫人哭泣成疾。後二年亦
 薨。年四十有六。九年正月癸酉。祔於其夫之封。長子殿中丞繼祖。孝友以
 類。葬有日。言曰。吾父友。惟韓丈人視諸孤。其往乞銘。以其狀來。愈讀曰。嘗
 聞乃公言然。吾宜銘。銘曰。

陰幽坤從。維德之恆。出為辨強。乃匪婦能。淑哉夫人。夙有多譽。來嬪大家。
 不介父母^七。有事實祭。酒食祗飭。協於尊章。畏我侍側。及嗣內事。亦莫有施。
 齊其躬心。小大順之。夫先其歸。其室有邱。合葬有銘。壺彝^九是攸。

【註音】(媪)音襖(媵)音孕(憚)夷益切

【釋義】①唐城父縣。屬亳州。今安徽亳縣。②今江西廬陵縣。③馬燧也。字洵美。拜司徒侍中。薨。謚莊武。④名
 暢。元和五年卒。⑤從嫁之婢女。⑥悅也。⑦言不待父母之戒而善也。介。善也。⑧舅姑也。⑨盛酒器也。

韓退之李元賓墓銘

李觀。字元賓。其先隴西人也。始來自江之東。年二十四。舉進士。三年登上第。又舉博學宏辭。得太子校書。一年。年二十九。客死於京師。既殮之三日。友之博陵崔弘禮葬之於國東門之外七里。鄉曰慶義。原曰嵩原。友人韓愈書石以誌之。其辭曰。已乎元賓。壽也者。吾不知其所慕。夭也者。吾不知其所惡。生而不淑。誰謂其壽。死而不朽。誰謂之夭。已乎元賓。才高乎當世。而行出乎古人。已乎元賓。竟何為哉。竟何為哉。

〔註音〕（殮）吏驗切音斂

〔釋義〕●今甘肅隴西縣。●郡名。今河北定縣。●博陵人。字從周。磊落有大志。通兵略。初佐呂元膺守東都。又為田弘正魏博節度副使。多所籌略。長慶中歷華州刺史。改天平節度使。後改刑部尚書。為東都留守卒。

〔諸家集評〕方望溪曰荆川疑此文太略非也元賓卒年二十九其德未成業未著而信其死不朽又曰才高乎當世而行出乎古人則所以推大元賓者至矣曰竟何為哉竟何為哉則痛惜其才行者至矣若毛舉數事則淺之乎視元賓而推大痛惜之義轉不得而見矣故公嘗以其詩配李杜而茲篇亦不之及也

會條生曰誌中不稱元賓之長而銘詞著才高當世二語故爾可貴若通首贊頌不休不足取信矣

韓退之施先生墓銘

貞元十八年十月十一日。太學博士施先生士句卒。其僚太原郭伉買石

誌其墓。昌黎韓愈為之辭。曰。先生明毛鄭詩。通春秋左氏傳。善講說。朝之賢士大夫。從而執經考疑者。繼於門。太學生習毛鄭詩春秋左氏傳者。皆其弟子。貴游之子弟。時先生之說二經。來太學。帖帖坐諸生下。恐不卒得聞。先生死。二經生喪其師。仕於學者。亡其朋。故自賢士大夫。老師宿儒。新進小生。聞先生之死。哭泣相弔。歸衣服貨財。先生年六十九。在太學者十九年。由四門助教為太學助教。由助教為博士。太學秩滿當去。諸生輒拜疏乞留。或留或遷。凡十九年。不離太學。祖曰旭。袁州宜春尉。父曰媯。豪州定遠丞。妻曰太原王氏。先先生卒。子曰友直。明州鄞縣主簿。曰友諒。太廟齋郎。系曰。

先生之祖。氏自施父。其後施常事孔子以彰。讎為博士。延為太尉。太尉之孫始為吳人。曰然。曰續。亦載其迹。先生之與公車是召。纂序前聞。于光有曜。古聖人言。其旨密微。箋注紛羅。顛倒是非。聞先生講論。如客得歸。卑讓肫肫。出言孔揚。今其死矣。誰嗣為宗。縣曰萬年。原曰神禾。高四尺者。先生墓耶。

【註音】(歸)去聲同饋(媯)敕略切(鄞)音茂(肫)倫株切

【釋義】①狀其屣貼也。②後魏於四門建學。置四門博士。蓋古者天子設四學於四郊。後魏以其遠。故置於四門也。歷代因之。③今江西宜春縣。④豪州。即濠州。今安徽鳳陽縣等地。定遠。縣名。今仍其故名。⑤唐明州。治

鄞縣。即今浙江鄞縣。⑥魯之大夫。⑦施之常。字子恆。仲尼弟子。⑧施讎。字長卿。沛人。宣帝時為博士。⑨漢順帝陽

嘉二年爲太尉。○卽朱然。字義封。本姓施。官拜左大司馬。右軍師。○朱然之子也。字公績。按續恐續之誤。○誠懇貌。○「禮檀弓」孔子曰。吾聞之古也。墓而不墳。今丘也。東西南北之人也。不可以弗識也。於是封之。崇四尺。○「諸家集評」方望溪曰。學通乎聖經教化一世則志行之美無俟毛舉矣。

劉海峯曰。於說經一事。開拓鋪敘。文法極古。

韓退之南陽樊紹述墓誌銘

樊紹述既卒。且葬。愈將銘之。從其家求書。得書號魁紀公者三十卷。曰樊子者。又三十卷。春秋集傳十五卷。表牋狀策書序傳記紀誌說論。今文讚銘。凡二百九十一篇。道路所遇。及器物門里雜銘。二百二十。賦十。詩七百一十九。曰。多矣哉。古未嘗有也。然而必出於已。不襲蹈前人一言一句。又何其難也。必出入仁義。其富若生蓄。萬物必具。海含地負。放恣橫從。無所統紀。然而不煩於繩削。而自合也。嗚呼。紹述於斯術。其可謂至於斯極者矣。生而其家貴富。長而不有其藏一錢。妻子告不足。顧且笑曰。我道蓋是也。皆應曰。然。無不意滿。嘗以金部郎中。告哀南方。還言某帥不治。罷之。以此出爲綿州刺史。一年。徵拜左司郎中。又出刺絳州。綿絳之人。至今皆曰。於我有德。以爲諫議大夫。命且下。遂病以卒。年若干。紹述諱宗師。父諱澤。嘗帥襄陽江陵。官至右僕射。贈某官。祖某官。諱泳。自祖及紹述三世。皆以軍謀堪將帥。策上第。以進。紹述無所不學。於辭於聲。天得也。在衆若無能者。嘗與觀樂。問曰。何如。曰。後當然。已而果然。銘曰。

惟古於詞必已出。降而不能乃剽^五。後皆指前公相襲。從漢迄今用一律。寥寥久哉。莫覺屬。神祖聖伏道絕塞。既極乃通發。紹述文從字順。各識職。有欲求之。此其躅^六。

【註音】(從)同縱(剽)匹妙切(躅)廚玉切

【釋義】①屬戶部。掌金寶貨物權衡度量等。魏始置。唐因之。②治今四川綿陽縣。③治今山西新絳縣。④開

元中。詠舉草澤科。建中元年。澤舉賢良方正上第。擢左補闕。累遷山南東道節度使。加檢校右僕射。元和中。宗師舉軍謀宏遠科。⑤竊前人之詩文以為己作也。⑥跡也。

【諸家集評】方望溪曰。守官一語。括之蓋誌。以文為主。詳其行身治官。則於首尾不稱樊文。甚奇。恐世無識故。並舉其辭與聲之學。以其於聲有獨得證。其於詞無可疑耳。章法與藍田縣丞廳壁記同。

劉海峯曰。紹述非真能文者。公特與其交好。又與己務去陳言之意。相合以著詞。必已出之。宗爾會滌生曰。若敘知聲如敘其於辭。則冗長不警。拔矣。

韓退之貞曜先生墓誌銘

唐元和九年。歲在甲午。八月己亥。貞曜先生孟氏卒。無子。其配鄭氏以告。愈走位哭。且召張籍會哭。明日。使以錢如東都。供葬事。諸嘗與往來者。咸來哭弔。韓氏遂以書告興元尹。故相餘慶。閏月。樊宗師使來弔。告葬期。徵銘。愈哭曰。嗚呼。吾尚忍銘吾友也夫。興元人以幣如孟氏賻。且來商家事。樊子使來速銘。曰。不則無以掩諸幽。乃序而銘之。先生諱郊。字東野。父廷玢。娶裴氏女。而選為崑山尉。生先生及二季。艷郢而卒。先生生六七年。端序則見。長而愈騫。涵而揉之。內外完好。色夷氣清。可畏而親。及其為詩。劇

目鉞心。刃迎縷解。鉤章棘句。搯擢胃腎。神施鬼設。間見層出。惟其大翫於
詞而與世抹撥人皆劫劫。我獨有餘。有以後時開先生者。曰。吾既擠而與
之矣。其猶足存耶。年幾五十。始以尊夫人之命。來集京師。從進士試。既得
即去。間四年。又命來。選爲溧陽尉。迎侍溧上。去尉二年。而故相鄭公尹河
南。奏爲水陸轉運從事。試協律郎。親拜其母於門內。母卒五年。而鄭公以
節領興元軍。奏爲其軍參謀。試大理評事。挈其妻行之。興元。次於閩鄉。暴
疾卒。年六十四。買棺以斂。以二人輿歸。鄴郢皆在江南。十月庚申。樊子合
凡贈賻而葬之。洛陽東其先人墓左。以餘財附其家而供祀。將葬。張籍曰。
先生揭德振華。於古有光。賢者故事有易名。況士哉。如曰貞曜先生。則姓
名字行有載。不待講說而明。皆曰然。遂用之。初先生所與俱學同姓簡於
世次爲叔父。由給事中觀察浙東。曰生。吾不能舉。死。吾知恤其家。銘曰。
嗚呼貞曜。維執不猗。維出不訾。維卒不施。以昌其詩。

【註音】(玢)音彬(劇)固衛切(錄)音術(搯)音叨(撥)音薩(閩)音文(猗)同依

【釋義】①今陝西南鄭縣。②姓鄭。字居業。鄭州滎陽人。元和九年二月爲興元尹。③今江蘇崑山縣。④割也。

⑤刺也。⑥取出也。⑦掃除也。⑧猶汲汲也。⑨謂其母也。⑩今江蘇溧陽縣。⑪元和元年十一月。鄭餘慶爲河南尹。

水陸轉運使。李期分司洛中。薦郊於餘慶。以爲判官。⑫今河南閩鄉縣。⑬烏江人。字文昌。第進士。韓愈薦爲國子

博士。當時名士。皆與之游。而愈尤賢重之。⑭字幾道。⑮依傍也。⑯自輕也。

【諸家集評】方望溪曰。於當官無一語贊美。位卑職散。不足言也。又曰。此篇前後載朋友哀戚。賻恤中間。志其高才而窮故。未用閒語總結。

韓退之河南府法曹參軍盧府君夫人苗氏墓誌銘

夫人姓苗氏。諱某。字某。上黨人。曾大父襲夔。贈禮部尚書。大父殆庶。贈太子太師。父如蘭。仕至太子司議郎汝州司馬。夫人年若干。嫁河南法曹盧府君諱貽。有文章德行。其族世所謂甲乙者。先夫人卒。夫人生能配其賢。歿能守其法。男二人。於陵。渾。女三人。皆嫁爲士妻。貞元十九年四月四日。卒於東都敦化里。年六十有九。其年七月某日。祔於法曹府君墓。在洛陽龍門山^三。其季女婿昌黎韓愈爲之誌。其詞曰。赫赫苗宗。族茂位尊。或毗^{四*}於王。或貳^五於藩。是生夫人。載穆令聞。爰初在家。孝友惠純。乃及於行。克儺德門。肅其爲禮。裕其爲仁。法曹之終。諸子實幼。煢煢^{六*}其哀。介介其守。循道不違。厥聲彌劭^{七*}。三女有從。二男知教。閭里歎息。母婦思效。歲時之嘉。嫁者來寧。累累^八外孫。有攜有嬰。扶牀坐膝。嬉戲謹爭。既壽而康。既備而成。不歉於約。不矜於盈。伊昔淑哲。或圖或書。嗟咨夫人。孰與爲儔。刻銘寘墓。以贊碩休。

〔註音〕(毗)頻脂切(煢)音瓊(劭)時昭切

〔釋義〕①今山西陽曲縣南部地。②治今河南南臨汝縣。③在今河南洛陽縣西南二十里。④輔也。⑤副也。⑥孤獨貌。⑦美也。⑧多也。

韓退之唐河中府法曹張君墓碣銘

有女奴抱嬰兒來。致其主夫人之語曰。妾張圓之妻劉氏也。妾夫常語妾云。吾常獲私於夫子。且曰。夫子天下之名能文辭者。凡所言必傳世行後。今妾不幸。夫逢盜。死途中。將以日月葬。妾重哀其生志不就。恐死遂沈泯。敢以其稚子沐見。先生將賜之銘。是其死不爲辱。而名永長存。所以蓋覆其遺胤子若孫。且死萬一能有知。將不悼其不幸於土中矣。又曰。妾夫在嶺南時。嘗疾病。泣語曰。吾志非不如古人。吾才豈不如今人。而至於此。而死於是邪。爾若吾哀。必求夫子銘。是爾與吾不朽也。愈既哭弔辭。遂敘次其族世名字事。始終而銘曰。

君字直之。祖謹。父孝新。皆爲官。沐宋間。君嘗讀書。爲文辭有氣。有吏才。嘗感激欲自奮拔。樹功名以見世。初舉進士。再不第。因去事宣武軍節度使。得官至監察御史。坐事貶嶺南。再遷至河中府法曹參軍。攝虞鄉令。有能名。進攝河東令。又有名。遂署河東從事。絳州闕刺史。攝絳州事。能聞朝廷。元和四年秋。有事適東方。既還。八月壬辰。死於汴城西雙邱。年四十有七。明年二月日。葬河南偃師。妻彭城人。世有衣冠。祖好順。泗州刺史。父泳。卒。蘄州別駕。女四人。男一人。嬰兒。沐也。是爲銘。

〔註音〕〔蘄〕音祈

〔釋義〕①張圓佐韓弘。弘初秉節。事無大小委之。後乃奏貶。圓多怨言。及量移。誘至汴州。極歡而遣之。行。次八角店。使人殺之。按誌不明言。爲韓弘諱也。②消滅也。③韓弘也。④今山西永濟縣。⑤今縣。屬山西。⑥今山西蒲

縣。河東道之從事也。在今湖北蕪春縣西北。

韓退之女挈壙銘

女挈^{*}。韓愈退之第四女也。惠而早死。愈之為少秋官。言佛夷鬼。其法亂治。梁武事之。卒有侯景之敗。可一掃刮絕去。不宜使爛漫。天子謂其言不祥。斥之潮州。漢南海揭陽之地。愈既行。有司以罪人家不可留京師。迫遣之。女挈年十二。病在席。既驚痛與其父訣。又輿致走道。撼頓。失食飲節。死於商南^二層峯驛。即瘞道南山下。五年。愈為京兆。始令子弟與其姆^{*}易棺衾。歸女挈之骨於河南之河陽韓氏墓。葬之。女挈死。當元和十四年二月二日。其發而歸。在長慶三年十月之四日。其葬在十一月之十一日。銘曰。汝宗葬於是。汝安歸之。惟永寧。

〔註音〕(挈)女居切(惠)同慧(撼)含上聲(姆)音茂

〔釋義〕^一南蘭陵人。姓蕭。名衍。字叔達。纂齊而自立。崇信佛教。二度捨身同泰寺。侯景反。攻陷臺城。帝餓死。在位四十八年。^二明初為商縣地。後析置商南縣於層峯驛。在今縣南。尋徙今治。屬陝西商州。清因之。今屬陝西漢中道。

柳子厚故襄陽丞趙君墓誌銘

貞元十八年月日。天水趙公矜。年四十二。客死於柳州^二。官為斂葬於城北之野。元和十三年。孤來章始壯。自襄州^三徒行。求其葬不得。徵書而名其人。

皆死。無能知者。來章日哭於野。凡十九日。惟人事之窮。則庶於卜筮。五月甲辰。卜秦四*謝兆之曰。金食其墨。而火以貴。其墓直丑。在道之右。南有貴神。冢土是守。乙巳于野。宜遇西人。深目而髯。其得實因。七日發之。乃覲其神。明日求諸野。有叟荷杖而東者。問之曰。是故趙丞兒耶。吾爲曹信。是邇吾墓。噫。今則夷矣。直社之北。二百舉武。吾爲子五*絕焉。辛亥啓土。有木焉。發之。緋衣緞衾。凡自家之物皆在。州之人皆爲出涕。誠來章之孝。神付是叟。以與龜偶。不然。其協焉如此哉。六月某日就道。月日葬于汝州龍城六縣期城之原。夫人河南源氏。先沒而祔之。矜之父曰漸。南鄭尉。祖曰倩之。鄆州司馬。會祖曰弘安。金紫光祿大夫國子祭酒。始矜由明經爲舞陽主簿。蔡帥反。犯難來歸。擢授襄城主簿。賜緋魚袋。後爲襄陽丞。其墓自會祖以下。皆族以位。時宗元刺柳。用相其事。哀而旌之以銘。銘曰。訥也挈之。信也一*絕之。有朱其二*紱。神具列之。懇懇來章。神實三*恫汝。錫之老叟。告以兆語。靈其鼓舞。從而父祖。孝斯有終。宜福是與。百越三蓁蓁。羈鬼相望。有子而孝。獨歸故鄉。涕盈其銘。旌爾勿忘。

【註音】(訥)持廉切(絕)音撮(緋)音非(紱)測鳩切(弘)音且(挈)契入聲(紱)音弗(恫)音通

【釋義】①郡名。今甘肅通渭縣西南。②治今廣西馬平縣。③治今湖北襄陽縣。④卜人姓名。⑤束茅而立之。

以表位次。⑥在今河北河南境。⑦今陝西南鄭縣。⑧隋置。治鄆城。在今山東鄆城縣東一六里。尋改東平郡。唐復

置。族徙治須昌。在今東平縣西北。尋改為東平郡。宋升為東平府。①今河南舞陽縣。②今河南襄城縣。③綴也。④痛也。⑤積聚貌。



卷四十四

碑誌類下編四

歐陽永叔資政殿學士文正范公神道碑銘

皇祐四年五月甲子。資政殿學士。尚書戶部侍郎。汝南文正公。薨於徐州。以其年十有二月壬申。葬于河南尹樊里之萬安山下。公諱仲淹。字希文。五代之際。世家蘇州。事吳越^二。太宗皇帝時。吳越獻其地。公之皇考從錢俶^四朝京師。後爲武寧軍掌書記以卒。公生二歲而孤。母夫人貧無依。再適長山朱氏。既長。知其世家。感泣去之南都^五。入學舍。掃一室。晝夜講誦。其起居飲食。人所不堪。而公自刻益苦。居五年。大通六經之旨。爲文章。論說必本於仁義。祥符^六八年。舉進士。禮部選第一。遂中乙科。爲廣德軍司理參軍。始歸迎其母以養。及公既貴。天子贈公會祖蘇州糧料判官諱夢齡。爲太保。祖祕書監諱贊時。爲太傅。考諱墉。爲太師。妣謝氏。爲吳國夫人。公少有大節。於富貴貧賤。毀譽歡戚。不一動其心。而慨然有志於天下。常自誦曰。士當先天下之憂而憂。後天下之樂而樂也。其事上遇人。一以自信。不擇利害爲趨捨。其所有爲。必盡其方。曰。爲之自我者當如是。其成與否。有不在我者。雖聖賢不能必。吾豈苟哉。天聖中。晏丞相^九薦公文學。以大理寺丞爲祕閣校理。以言事忤章獻太后旨。通判河中府^三。久之。上記其忠。召拜右司

諫。當太后臨朝聽政時。以至日大會前殿。上將率百官爲壽。有司已俱。公上疏。言天子無北面。且開後世弱人主以強母后之漸。其事遂已。又上書。請還政天子。不報。及太后崩。言事者希旨。多求太后時事。欲深治之。公獨以謂太后受託先帝。保佑聖躬。始終十年。未見過失。宜掩其小故。以全大德。初。太后有遺命。立楊太妃二二代爲太后。公諫曰。太后母號也。自古無代立者。由是罷其册命。是歲大旱蝗。奉使安撫東南。使還。會郭皇后廢二三。率諫官御史伏閣爭。不能得。貶知睦州二四。又徙蘇州。歲餘。卽拜禮部員外郎。天章閣待制。召還。益論時政闕失。而大臣權倖。多忌惡之。居數月。以公知開封府二五。開封素號難治。公治有聲。事日益簡。暇則益取古今治亂安危爲上。開說。又爲百官圖以獻。曰。任人各以其材。而百職修。堯舜之治。不過此也。因指其遷進遲速次序。曰。如此。而可以爲公。可以爲私。亦不可以不察。由是呂丞相怒。至交論上前。公求對辨語切。坐落職。知饒州二七。明年。呂公亦罷。公徙潤州二八。又徙越州二九。而趙元昊反河西。上復召相呂公。乃以公爲陝西經略安撫副使。遷龍圖閣直學士。是時新失大將。延州危三〇。公請自守鄜延捍賊。乃知延州。元昊遣人遺書以求和。公以謂無事。請和難信。且書有僭號。不可以聞。乃自爲書。告以逆順成敗之說。甚辯。坐擅復書。奪一官。知耀州三一。未逾月。徙知慶州三四。既而四路置帥。以公爲環慶路經略安撫招討使。兵馬都部

署累遷諫議大夫。樞密直學士。公爲將。務持重。不急近功小利。於延州築
青澗城。二五墾營田。復承平永平廢寨。熟羌歸業者數萬戶。於慶州城大順以
據要害。奪賊地而耕之。又城細腰胡蘆。二六於是明珠滅臧等大族。皆去賊爲
中國用。自邊制久隳。至兵與將常不相識。公始分延州兵爲六將。訓練齊
整。諸路皆用以爲法。公之所在。賊不敢犯。人或疑公見敵應變爲如何。至
其城大順也。一旦引兵出。諸將不知所向。軍至柔遠。二九始號令告其地處。使
往築城。至於版築之用。大小畢具。而軍中初不知。賊以騎三萬來爭。公戒
諸將。戰而賊走。追勿過河。已而賊果走。追者不渡。而河外果有伏。賊失計。
乃引去。於是諸將皆服公爲不可及。公待將吏。必使畏法而愛已。所得賜
賚。皆以上意分賜諸將。使自爲謝。諸蕃質子。縱其出入。無一人逃者。蕃酋
來見。召之臥內。屏人徹衛。與語不疑。公居三歲。士勇邊實。恩信大洽。乃決
策謀取橫山。三〇復靈武。三一而元昊數遣使稱臣請和。上亦召公歸矣。初。西人籍
爲鄉兵者十數萬。既而黥以爲軍。惟公所部。但刺其臂。公去兵罷。獨得復
爲民。其於兩路。既得熟羌爲用。使以守邊。因徙屯兵就食內地。而紆西人
饋輓之勞。其所設施。去而人德之。與守其法。不敢變者。至今尤多。自公坐
呂公貶。羣士大夫。各持二公曲直。呂公患之。凡直公者。皆指爲黨。或坐竄
逐。及呂公復相。公亦再起被用。於是二公謹然相約。戮力平賊。天下之士。

皆以此多二公。然朋黨之論。遂起而不能止。上既賢公可大用。故卒置羣議而用之。慶曆三年春。召爲樞密副使。五讓不許。乃就道。既至數月。以爲參知政事。每進見。必以太平責之。公歎曰。上之用我者至矣。然事有先後。而革弊於久安。非朝夕可也。既而上再賜手詔。趣使條天下事。又開天章閣。召見賜坐。授以紙筆。使疏於前。公惶恐避席。始退而條列時所宜先者十數事。上之。其詔天下興學取士。先德行。不專文辭。革磨勘例。遷三三以別能。否。減任子之數。而除濫官。用農桑考課守宰等事。方施行。而磨勘任子之法。僥倖之人皆不便。因相與騰口。而嫉公者。亦幸外有言喜爲之佐佑。會邊奏有警。公卽請行。乃以公爲河東陝西宣撫使。至則上書願復守邊。卽拜資政殿學士。知邠州三五兼陝西四路安撫使。其知政事纔一歲而罷。有司悉奏罷公前所施行。而復其故。言者遂以危事中之。賴上察其忠。不聽。是時夏人已稱臣。公因以疾請鄧州守鄧三六三歲。求知杭州三七。又徙青州三八。公益病。又求知潁州三九。肩昇至徐。遂不起。享年六十有四。方公之病。上賜藥存問。既薨。輟朝一日。以其遺表無所請。使就問其家所欲。贈以兵部尙書。所以哀卹之甚厚。公爲人外和內剛。樂善汎愛。喪其母時尙貧。終身非賓客。食不重肉。臨財好施。意豁如也。及退而視其私。妻子僅給衣食。其爲政。所至民多立祠畫像。其行己臨事。自山林處士。里閭田野之人。外至夷狄。莫不知

其名字。而樂道其事者甚衆。及其世次官爵。誌於墓。譜於家。藏於有司者。皆不論著。著其繫天下國家之大者。亦公之志也歟。銘曰。

范於吳越。世實陪臣。俶納山川。及其士民。范始來北。中間幾息。公奮自躬。與時偕逢。事有罪功。言有違從。豈公必能。天子用公。其艱其勞。一其初終。夏童跳邊。乘吏怠安。帝命公問。問彼驕頑。有不聽順。鋤其穴根。公居三年。怯勇隳完。兒憐獸擾。卒俾來臣。夏人在廷。其事方議。帝趣公來。以就予治。公拜稽首。茲惟艱哉。初匪其艱。在其終之。羣言營營。卒壞於成。匪惡其成。惟公是傾。不傾不危。天子之明。存有顯榮。沒有贈諡。藏其子孫。寵及後世。惟百有位。可勸無怠。

〔註音〕(鄙)音郭

〔釋義〕①仁宗年號。②國名。五代十國之一。唐末。錢鏐為鎮海節度使。有兩浙地。後梁太祖封為吳越王。凡七主八十四年。納土歸宋。③宋第二代之帝。初名匡義。後改光義。太祖弟也。④字文德。元瓘子。鏐孫。太宗時以所管十三州來獻闕下。恩禮甚至。累封鄧王。⑤今河南商邱縣。宋為南京應天府。⑥貞宗年號。⑦即今安徽廣德縣。⑧仁宗年號。⑨名殊。字同叔。臨川人。仁宗時累官同平章事。殊平居好賢。范仲淹歐陽修等皆出其門。及為相仲淹韓琦富弼皆進用。文章瞻麗。尤工詩。有類要一百卷。文集二百四十卷。⑩姓劉氏。真宗后。⑪今山西永濟縣。⑫益州郫人。仁宗在乳襍。章獻使妃護視。⑬時尙楊二美人俱有寵。一日尙氏於上前有侵后語。后知之。忿批其頰。上自起救之。后誤批上頸。上大怒。用呂夷簡語。遂廢后。於是中丞孔道輔。諫官御史范仲淹段少連等十人。奏言后不可廢。俱被黜。⑭治今浙江建德縣。⑮今河南開封縣。⑯名夷簡。字坦夫。壽州人。仁宗時。官至同平章事。郭后之廢。夷簡實贊成之。以此頗為清議所非。封許國公。以太尉致仕。⑰治今江西鄱陽縣。⑱治今江蘇丹徒縣。⑲治今浙江紹興縣。⑳西夏主。本姓拓跋。其先世討黃巢有功。封夏國公。賜姓李。傳至繼捧。當宋太宗時。舉族入朝。納土。其族弟繼遷不從。始叛而後降。太宗以為銀州觀察使。賜姓名趙保吉。未幾復叛。真時宗。以保吉為定難節度

使。賜以銀夏綬宥靜五州。後又攻陷靈州。傳子德明。歸款於宋。真宗封為西平王。仁宗時。元昊嗣位。昊性雄毅。多大略。不甘臣宋。取夏銀綬宥靜靈鹽會勝甘涼諸州。又取瓜沙肅三州。依賀蘭山為固。遂稱帝。國號大夏。都興州。據有河內外列郡二十二。一治今陝西膚施縣。二治今陝西鄜縣。三治今陝西耀縣。四治今甘肅慶陽縣。五青澗城今陝西青澗縣治。六在今延川縣西北。七在今甘肅慶陽縣北。八在今甘肅環縣西。九柔遠砦在慶陽縣北。一〇今陝西橫山縣。一一今寧夏靈武縣。一二科舉時代。鄉會試卷。派人覆核。謂之磨勘。一三循例陞遷也。一四公卿子弟以蔭得官。一五治今陝西邠縣。一六治今河南鄧縣。一七治今浙江杭縣。一八治今山東益都縣。一九治今安徽阜陽縣。二〇古諸侯之大夫對天子稱陪臣。二一喻讒言之多也。

歐陽永叔太尉文正王公神道碑銘

至和二年七月乙未。樞密直學士右諫議大夫王素_二奏事殿中。已而泣且言曰。臣之先臣曰。相真宗_三皇帝十有八年。今臣素又得待罪侍從之臣。惟是先臣之訓。其遺業餘烈。臣實無似。不能顯大。而墓碑至今無辭以刻。惟陛下哀憐。不忘先帝之臣。以假寵於王氏。而勗_四其子孫。天子曰。嗚呼。惟汝父曰。事我文考真宗。叶_{*}德一心。克終厥位。有始有卒。其可謂全德元老矣。汝素以是刻於碑。素拜稽首。泣而出。明日。有詔史館修撰歐陽修曰。王曰。墓碑未立。汝可以銘。臣修謹按故推誠保順同德守正翊戴功臣。開府儀同三司。守太尉。充玉清昭應宮使。上柱國。太原郡開國公。贈太師。尚書令。兼中書令。追封魏國公。諡曰文正。王公諱曰。字子明。大名莘_五人也。皇曾祖諱言。滑州黎陽_六令。追封許國公。皇祖諱徹。左拾遺。追封魯國公。皇考諱祐。尚書兵部侍郎。追封晉國公。皆累贈太師尚書令。兼中書令。曾祖妣姚氏。

魯國夫人。祖妣田氏。秦國夫人。妣任氏。徐國夫人。邊氏。秦國夫人。公之皇考。以文章自顯。漢周之際。逮事太祖太宗。爲名臣。嘗諭杜重威。使無反漢。拒盧多遜。害趙普之謀。以百口明符彥卿無罪。故世多稱王氏有陰德。公之皇考。亦自植三槐於庭。曰。吾之後世。必有爲三公者。此其所以志也。公少好學。有文。太平興國五年。進士及第。爲大理評事。知平江縣。監潭州銀場。再遷著作佐郎。與編文苑英華。遷殿中丞。通判鄭濠二州。王禹偁薦其材。任轉運使。驛召至京師。辭不受。獻其所爲文章。得試直史館。遷右正言。知制誥。知淳化二年禮部貢舉。遷虞部員外郎。同判吏部流內銓。知考課院。右諫議大夫趙昌言參知政事。公以壻避嫌。求解職。太宗嘉之。改禮部郎中。集賢殿修撰。昌言罷。復知制誥。仍兼修撰判院事。召賜金紫。久之。遷兵部郎中。居職。眞宗卽位。拜中書舍人。數日。召爲翰林學士。知審官院。通進銀臺封駁事。公爲人嚴重。能任大事。避遠權勢。不可干以私。由是眞宗益知其賢。錢若水名能知人。常稱公曰。眞宰相器也。若水爲樞密副使。罷。召對苑中。問誰可大用者。若水言公可。眞宗曰。吾固已知之矣。咸平三年。又知禮部貢舉。居數日。拜給事中。知樞密院事。明年。以工部侍郎參知政事。再遷刑部侍郎。景德元年。契丹犯邊。眞宗幸瀘州。雍王元份留守東京。得暴疾。命公馳自行在。代元份留守。二年。遷尙書左丞。三年。拜工部尙書。

同中書門下平章事。集賢殿大學士。監修國史。是時契丹初請盟。趙德明二六亦納誓約。願守河西故地。二邊兵罷不用。真宗遂欲以無事治天下。公以謂宋興三世。祖宗之法具在。故其爲相。務行故事。慎所改作。進退能否。賞罰必當。真宗久而益信之。所言無不聽。雖他宰相大臣有所請。必曰王某以謂如何。事無大小。非公所言不決。公在相位十餘年。外無夷狄之虞。兵革不用。海內富實。羣工百司。各得其職。故天下至今稱爲賢宰相。公於用人。不以名譽。必求其實。苟賢且材矣。必久其官。衆以爲宜某職。然後遷。其所薦引。人未嘗知。寇準二七爲樞密使。當罷。使人私公。求爲使相。公大驚曰。將相之任。豈可求耶。且吾不受私請。準深恨之。已而制出。除準武勝軍節度使。同中書門下平章事。準入見。涕泣曰。非陛下知臣。何以至此。真宗具道公所以薦準者。準始愧歎。以爲不可及。故參知政事李穆二八子行簡。有賢行。以將作監丞居於家。真宗召見。慰勞之。遷太子中允。初遣使者召。不知其所止。真宗命至中書問王某。然後人知行簡。公所薦也。公自知制誥。至爲相。薦士尤多。其後公薨。史官修真宗實錄。得內出奏章。乃知朝廷之士。多公所薦者。公與人寡言笑。其語雖簡。而能以理屈人。默然終日。莫能窺其際。及奏事上前。羣臣異同。公徐一言以定。今上爲皇太子。太子諭德見公。稱太子學書有法。公曰。諭德之職。止於是邪。趙德明言民饑。求糧百萬斛。

大臣皆曰。德明新納誓而敢違。請以詔書責之。真宗以問公。公請敕有司具粟百萬於京師。詔德明來取。真宗大喜。德明得詔書。慚且拜曰。朝廷有人。大中祥符中^{二十九}天下大蝗。真宗使人於野得死蝗。以示大臣。明日。他宰相有喪。死蝗以進者。曰。蝗實死矣。請示於朝。率百官賀。公獨以爲不可。後數日。方奏事。飛蝗蔽天。真宗顧公曰。使百官方賀而蝗如此。豈不爲天下笑耶。宦官劉承規^{三〇}以忠謹得幸。病且死。求爲節度使。真宗以語公曰。承規待此以瞑目。公執以爲不可。曰。他日將有求爲樞密使者。奈何。至今內臣官不過留後。公任事久。人有謗公於上者。公輒引咎。未嘗自辯。至人有過失。雖人主盛怒。可辯者辯之。必得而後已。榮王宮火延前殿。有言非天災。請置獄劾火事。當坐死者百餘人。公獨請見曰。始失火時。陛下以罪已詔天下。而臣等皆上章待罪。今反歸咎於人。何以示信。且火雖有迹。寧知非天譴耶。由是當坐者皆免。日者上書言宮禁事。坐誅籍其家。得朝士所與往還。占問吉凶之說。真宗怒。欲付御史問狀。公曰。此人之常情。且語不及朝廷。不足罪。真宗怒不解。公因自取常所占問之書進。曰。臣少賤時。不免爲此。必以爲罪。願并臣付獄。真宗曰。此事已發。何可免。公曰。臣爲宰相。執國法。豈可自爲之。幸於不發。而以罪人。真宗意解。公至中書。悉焚所得書。旣而真宗悔。復馳取之。公曰。臣已焚之矣。由是獲免者衆。公累官至太保。以

病求罷。入見滋福殿。真宗曰。朕方以大事託卿。而卿病如此。因命皇太子拜公。公言。皇太子盛德。必任陛下事。因薦可爲大臣者十餘人。其後不至宰相者。李及凌策二人而已。然亦皆爲名臣。公屢以疾請。真宗不得已。拜公太尉兼侍中。五日一朝視事。遇軍國大事。不以時入參決。公益惶恐。因臥不起。以疾懇辭。册拜太尉。玉清昭應宮使。自公病。使者存問。日常三四。真宗手自和藥賜之。疾亟。遽幸其第。賜以白金五千兩。辭不受。以天禧元年九月癸酉薨於家。享年六十有一。真宗臨哭。輟視朝三日。發哀於苑中。其子弟門人故吏。皆被恩澤。卽以其年十一月庚申葬公於開封府開封縣新里鄉大邊村。公娶趙氏。封榮國夫人。後公五年卒。子男三人。長曰司封。郎中雍。次曰贊善大夫冲。次曰素。女四人。長適太子太傅韓億。次適兵部員外郎直集賢院蘇耆。次適右正言范令孫。次適龍圖閣直學士兵部郎中呂公弼。諸孫十四人。公事寡嫂謹。與其弟旭。友悌尤篤。任以家事。一無所問。而務以儉約率勵子弟。使在富貴不知爲驕侈。兄子睦。欲舉進士。公曰。吾常以太盛爲懼。其可與寒士爭進。至其薨也。子素猶未官。遺表不求恩澤。有文集二十卷。乾興元年。詔配享真宗廟庭。臣修曰。景德祥符之際。盛矣。觀公之所以相。而先帝之所以用公者。可謂至哉。是以君明臣賢。德顯名尊。生而俱享其榮。歿而長配於廟。可謂有始有卒。如明詔所褒。昔

者。烝民江漢。推大臣下之事。所以見任賢使能之功。雖曰山甫穆公之詩。實歌宣王之德也。臣謹考國史實錄。至於搢紳故老之傳。得公終始之節。而錄其可紀者。輒爲銘詩。以彰先帝之明。以稱聖恩。褒顯王氏。流澤子孫。與宋無極之意。銘曰。

烈烈魏公。相我真宗。真廟翼翼。魏公配食。公相真宗。不言以躬。時有大事。事有大疑。匪卜匪筮。公爲著龜。公在相位。終日如默。問其夷狄。包裹兵革。問其卿士。百工以職。問其庶民。耕織衣食。相有賞罰。功當罪明。相有黜升。惟否惟能。執其權衡。萬物之平。孰不事君。胡能必信。孰不爲相。其誰有終。公薨於位。太尉之崇。天子孝思。來薦清廟。侑我聖考。惟時元老。天子念功。報公之隆。春秋從享。萬祀無窮。作爲詩歌。以諗廟工。

〔註音〕(勳)音蓄(叶)同協(澶)音蟬(份)同彬(褒)同袖(諗)音審

〔釋義〕①仁宗年號。②字仲儀。賜進士出身。官終工部尚書。③名恒。④勉也。⑤莘縣。屬山東。宋屬河北東路

大名府。⑥黎陽。即今河南濬縣。⑦杜重威。朔州人。漢初。重威移鎮睢陽。反側不自安。祐嘗勸之。使無反漢。不聽。

初。祐掌誥。會盧多遜爲學士。陰傾趙普。多遜累諷祐比己。祐不從。符彥卿。字冠侯。鎮大名。頗不治。太祖以祐代

之。俾察彥卿動靜。謂曰。此卿故鄉。所謂畫錦者也。祐以百口明彥卿無罪。太宗年號。⑧今湖南平江縣。⑨治今

湖南長沙縣。⑩書名。全書凡一千卷。體例與文選略同。文選迄於梁初。此書起於梁末。蓋以上續文選。且預編詩

類。⑪今河南鄭縣。⑫治今安徽鳳陽縣。⑬字元之。濟州鉅野人。太平興國進士。文章敏贍。累遷翰林學士。有小畜

集。集議五代史闕文。詩集。⑭太宗年號。⑮字仲謀。汾州孝義人。太平興國進士。累官樞密副使。遷戶部侍郎。⑯宋

有銀臺司署。在禁內銀臺門。掌管天下奏牘。⑰字長卿。河南新安人。雍熙中登第。累遷諫議大夫。同知

樞密縣事。後又拜并代經略使。爲人有器識。能斷大事。事繼母以孝聞。⑱並真宗年號。⑲東胡種。有今東三省。

熱河、察哈爾、綏遠。及河北北部。內外蒙古之地。改國號曰遼。景德元年。大舉入寇。真宗用寇準言親征。諸軍望見御蓋。皆踴躍呼萬歲。遼兵氣奪。定和議而還。○今河南濮陽縣南。○初名德嚴。後改元份。太宗子。真宗弟。○見上。
○字平仲。華州下邽人。遼兵大入。中外震駭。準請帝親征。遼乃罷兵。後王欽若譖之。遂罷相。天禧初復相。封萊國公。又為丁謂所搆。貶雷州司戶參軍卒。○字孟雍。開封陽武人。太宗時知開封府。遷參知政事。後喪母。以毀卒。
○並真宗年號。○字大方。楚州山陽人。本名承珪。以左驍衛上將軍安遠軍節度觀察留後致仕。○字幼幾。其先范陽人。後徙鄭州。官拜御史中丞。○字子奇。宣州涇人。官至工部侍郎。○宋代大臣致仕。予以掌管宮觀之職。有祿而無事。○真宗年號。○字宗魏。其先真定靈壽人。後徙開封雍邱。以太子少傅致仕。○梓州銅山人。舜欽兄。○未詳。○字寶臣。夷簡之子也。○字仲明。真宗時。仕終應天府。○懿子。○真宗年號。○皆詩篇名。美宣王用仲山甫。召穆公。以成中興之業。○告也。

【諸家集評】梅伯言曰明人云專經弇州手輒疑其非實宋人亦有此病弇州過歙點宋人少精神

歐陽永叔江鄰幾墓誌銘

君諱休復。字鄰幾。其為人外若簡曠。而內行修飭。不妄動於利欲。其強學博覽。無所不通。而不以矜人。至有問輒應。雖好辯者不能窮也。已則默若不能言者。其為文章淳雅。尤長於詩。淡泊閒遠。往往造人之不至。善隸書。喜琴弈飲酒。與人交。久而益篤。孝於宗族。事孀姑如母。天聖中。與尹師魯。蘇子美遊。知名當時。舉進士及第。調藍山尉。騎驢赴官。每據鞍讀書。至迷失道。家人求得之。乃解。歷信潞二州司法參軍。又舉書判拔萃。改大理寺丞。知長葛縣事。通判閬州。以母喪去職。服除。知天長縣事。遷殿中丞。又以父憂。終喪。獻其所著者。召試充集賢校理。判尚書刑部。當慶曆時。小人不便大臣執政者。欲累以事去之。君友蘇子美。杜丞相壻也。以祠神會飲。得

罪。一時知名士皆被逐。君坐落職。監蔡州商稅。久之。知奉符縣事。改太常
博士。通判睦州。徙廬州。復得集賢校理。判吏部南曹。登聞鼓院。爲羣牧判
官。出知同州。提點陝西路刑獄。入判三司鹽鐵句院。修起居注。累遷刑部
郎中。君於治人。則曰爲政所以安民也。無擾之而已。故所至民樂其簡易。
至辯疑折獄。則或權以術。舉無不得。而不常用。亦不自以爲能也。君所著
書。號唐宜鑒十五卷。春秋世論三十卷。文集二十卷。又作神告一篇。言皇
嗣事。以爲皇嗣國大事也。臣子以爲嫌而難言。或言而不見納。故假神告
祖宗之意。務爲深切。冀以感悟。又嘗言昭憲太后杜氏子孫宜錄用。故翰
林學士劉筠無後。而官沒其貲。宜爲立後。還其貲。劉氏得不絕。君之論議
頗多。凡與其遊者莫不稱其賢。而在上位者久未之用也。自其修起居注。
士大夫始相慶。以爲在上者知將用之矣。而用君者亦方自以爲得。而君
亡矣。嗚呼。豈非其命哉。君以嘉祐五年四月乙亥。以疾卒于京師。卽以其
年六月庚申。葬于陽夏鄉之原。君享年五十有六。方其無恙時。爲命理數
百言。已而疾且革。其子問所欲言。曰。吾已著之矣。遂不復言。會祖諱濬。殿
中丞。贈駕部員外郎。妣李氏。始平縣太君。祖諱日新。駕部員外郎。贈太僕
少卿。妣孫氏。富陽縣太君。考諱中古。太常博士。贈工部侍郎。妣張氏。仁壽
縣太君。夫人夏侯氏。永安縣君。金部郎中彧之女。先君數月卒。子男三人。

長曰懋簡。并州司戶參軍。次曰懋相。太廟齋郎。次曰懋迪。女三人。長適祕書丞錢袞。餘尚幼。君姓江氏。開封陳留^二人也。自漢轅陽侯德居於陳留之^三圍城。其後子孫分散。而君世至今居圍城不去。自高祖而上七世葬圍南夏岡。由大父而下三世。乃葬陽夏。銘曰。彼馳而我後。彼取而我不。豈用力者好先。而知命者不苟。嗟吾鄰幾兮。卒以不偶。舉世之隨兮。君子之守。衆人所亡兮。君子之有。其失一世兮。其有不朽。惟其自以為得兮。吾將誰咎。

〔註音〕(造)次奧切(筠)音勻(革)音殛(咳)音郁(轅)音僚

〔釋義〕①名殊。河南人。官至起居舍人。為古文簡而有法。世稱河南先生。有河集。五代春秋。②名舜欽。梓州銅山人。③今湖南藍山縣。④治今江西上饒縣。⑤治今山西長治縣。⑥今河南長葛縣。⑦治今四川閬中縣。⑧今安徽天長縣。⑨名衍。字世昌。越州山陰人。仁宗時為相百日而罷。以太子少師致仕。封祁國公。⑩蘇舜欽等以伎樂娛賓。被御史劾奏之。皆得罪遭貶。⑪治今河南汝南縣。⑫今山東泰安縣。⑬治今安徽合肥縣。⑭登聞鼓院。宋時所設。中懸一鼓。以待訴寃者擊之。⑮治今陝西大荔縣。⑯句稽鹽鐵院之判官也。⑰姓杜氏。定州安喜人。太祖太宗之母。⑱字子儀。大名人。官翰林學士承旨。文辭善對偶。與楊億齊名。凡三入禁林。三典貢舉。臨事明達。而治尚簡嚴。有刑法敘略。⑲今河南太康縣地。⑳今河南陳留縣。宋屬開封府。㉑在河南杞縣南。今名南圍鎮。

歐陽永叔河南府司錄張君墓表

故大理寺丞河南府司錄張君。諱汝士。字堯夫。開封襄邑人也。明道二年八月壬寅。以疾卒於官。享年三十有七。卒之七日。葬洛陽北邙山下。其友人河南尹師魯誌其墓。而廬陵歐陽修爲之銘。以其葬之速也。不能刻石。乃得金谷古甌。命太原王顧。以丹爲隸書。納於壙中。嘉祐二年某月某日。其子吉甫山甫。改葬君於伊闕之教忠鄉積慶里。君之始葬北邙也。吉甫纔數歲。而山甫始生。余及送者相與臨穴視窆。且封哭而去。今年春。余主試天下貢士。而山甫以進士試禮部。乃來告以將改葬其先君。因出銘以示余。蓋君之卒。距今二十有五年矣。初天聖明道之間。錢文僖公守河南。公王家子。特以文學仕至貴顯。所至多招集文士。而河南吏屬。適皆當時賢材知名士。故其幕府號爲天下之盛。君其一人也。文僖公善待士。未嘗責以吏職。而河南又多名山水。竹林茂樹。奇花怪石。其平臺清池。上下荒墟草莽之間。余得日從賢人長者。賦詩飲酒以爲樂。而君爲人。靜默修潔。常坐府治事省文書。尤盡心於獄訟。初以辟爲其府推官。既罷。又辟司錄。河南人多賴之。而守尹屢薦其材。君亦工書喜爲詩。閒則從余遊。其語言

簡而有意。飲酒終日不亂。雖醉未嘗頽墮。與之居者莫不服其德。故師魯之誌曰。飭身臨事。余嘗愧堯夫。堯夫不余愧也。始君之葬。皆以其地不善。又葬速。其禮不備。君夫人崔氏。有賢行。能教其子。而二子孝謹。克自樹立。卒能改葬君如吉卜。君其可謂有後矣。自君卒後。文僖公得罪。貶死漢東。吏屬亦各引去。今師魯死且十餘年。王顧者死亦六七年矣。其送君而臨穴者。及與君同府而遊者。十蓋八九死矣。其幸而在者。不老則病且衰。如予是也。嗚呼。盛衰生死之際。未始不如是。是豈足道哉。惟為善者能有後。而託於文字者可以無窮。故於其改葬也。書以遺其子。俾碣於墓。且以寫余之思焉。吉甫為今大理寺丞。知緱氏縣。山甫始以進士賜出身云。

【註音】(邨)音忙(空)音貶(緱)音鉤

【釋義】①今河南睢縣。②仁宗年號。③即芒山。在河南洛陽縣東北。④在洛陽縣南。即龍門山是也。⑤葬下棺也。⑥名惟演。字希望。吳越王俶次子。天聖八年。判河南府。⑦坐事出為崇信軍節度使。卒。⑧故城在今河南偃師縣南。

【諸家集評】方望溪曰。空明澄澈無一滯筆。

劉海峯曰。歷敘交遊而俯仰身世。感歎淋漓。瀉風神。適逸當與黃夢升張子野并為誌墓之絕唱。

歐陽永叔胡先生墓表

先生諱瑗。字翼之。姓胡氏。其上世為陵州人。後為泰州如皋人。先生為人。師言行而身化之。使誠明者達。昏愚者勵。而頑傲者革。故其為法嚴而信。為道久而尊。師道廢久矣。自明道景祐以來。學者有師。惟先生暨泰山孫。

明復石守道三人。而先生之徒最盛。其在湖州之學。弟子去來常數百人。各以其經轉相傳授。其教學之法最備。行之數年。東南之士莫不以仁義禮樂爲學。慶曆四年。天子開天章閣。與大臣講天下事。始慨然詔州縣皆立學。於是建太學於京師。而有司請下湖州。取先生之法。以爲太學法。至今著爲令。後十餘年。先生始來居太學。學者自遠而至。太學不能容。取旁官宇以爲學舍。禮部貢舉。歲所得士。先生弟子十常居四五。其高第者知名當時。或取甲科。居顯仕。其餘散在四方。隨其人賢愚。皆循循雅飭。其言談舉止。不問可知爲先生弟子。其學者相語稱先生。不問可知爲胡公也。先生初以白衣見天子。論樂。拜祕書省校書郎。辟丹州軍事推官。改密州。觀察推官。丁父憂去職。服除。爲保寧軍節度推官。遂居湖學。召爲諸王宮教授。以疾免。已而以太子中舍致仕。遷殿中丞於家。皇祐中。驛召至京師。議樂。復以爲大理評事。兼太常寺主簿。又以疾辭。歲餘。爲光祿寺丞。國子監直講。迺居太學。遷大理寺丞。賜緋衣銀魚。嘉祐元年。遷太子中允。充天章閣侍講。仍居太學。已而病不能朝。天子數遣使者存問。又以太常博士致仕。東歸之日。太學之諸生與朝廷賢士大夫。送之東門。執弟子禮。路人嗟嘆以爲榮。以四年六月六日。卒於杭州。享年六十有七。以明年十月五日。葬於烏程何山之原。其世次官邑。與其行事。莆陽蔡君謨具誌於幽堂。

嗚呼。先生之得在乎人。不待表而見於後世。然非此無以慰學者之思。乃揭於其墓之原。六年八月三日。廬陵歐陽修述。

〔註音〕（瑗）于眷切（蒲）音蒲

〔釋義〕①治今四川仁壽縣。②今江蘇如皋縣。③仁宗年號。④名復。晉州平陽人。舉進士不第。退居泰山。學春秋。著尊王發微等篇。范仲淹富弼言復有經術。除秘書省校書郎。國子監直講。累遷殿中丞。卒。⑤名介。兗州奉符人。耕徂徠山下。以易教授。魯人號為徂徠先生。⑥仁宗年號。⑦在湖州設經義治事兩齋。⑧治今陝西宜川縣。⑨治今山東諸城縣。⑩即中舍人。一稱中允。東宮官。⑪緋衣。赤色品服也。銀魚。五品以上之員佩之。⑫烏程。湖州治。今改吳興縣。山在縣南十四里。⑬名襄。興化仙遊人。歷任郡守。有賢名。有忠惠集。及茶錄荔枝譜行於世。〔諸家集評〕劉海峯曰敘安定之善於教學而摹寫其弟子之盛且賢淋漓生色未及東歸而諸生執弟子禮以為餘波

張廉卿曰從史記李廣程不識一段化出

歐陽永叔連處士墓表

連處士。應山人也。以一布衣終於家。而應山之人。至今思之。其長老教其子弟。所以孝友恭謹禮讓而溫仁。必以處士為法。曰。為人如連公足矣。其矜寡孤獨凶荒饑饉之人。皆曰。自連公亡。使吾無所告依而生。以為恨。嗚呼。處士居應山。非有政令恩威以親其人。而能使人如此。其所謂行之以躬。不言而信者歟。處士諱舜賓。字輔之。其先閩人。自其祖光裕。嘗為應山令。後為磁郢二州推官。卒而反葬應山。遂家焉。處士少舉毛詩四。一不中。而其父正以疾廢於家。處士供養左右十餘年。因不復仕進。父卒。家故多資。悉散以賙鄉里。而教其二子以學。曰。此吾資也。歲饑。出穀萬斛以糶而市

穀之價。卒不能增。及旁近縣之民皆賴之。盜有竊其牛者。官爲捕之甚急。盜窮以牛自歸。處士爲之媿謝曰。煩爾送牛。厚遺以遣之。嘗以事之信陽。遇盜於西關。左右告以處士。盜曰。此長者。不可犯也。捨之而去。處士有弟居雲夢。往省之。得疾而卒。以其柩歸應山。應山之人去縣數十里。迎哭。爭負其柩以還。過縣市。市人皆哭。爲之罷市三日。曰。當爲連公行喪。處士生四子。曰庶。庠。庸。膺。其二子教以學者。後皆舉進士及第。今庶爲壽春令。庠爲宣城令。處士以天聖八年十二月某日卒。慶曆二年某月日。葬於安陸蔽山之陽。自卒至今二十年。應山之長老。識處士者。與其縣人嘗賴以爲生者。往往尙皆在。其子弟後生聞處士之風者。尙未遠。使更三四世。至於孫會。其所傳聞。有時而失。則懼應山之人。不復能知處士之詳也。乃表其墓。以告於後人。八年閏正月一日。廬陵歐陽修述。

【註音】(矜)通鏗(磁)音慈(颯)音周(糶)他弔切

【釋義】①今湖北應山縣。②今河北磁縣。③州名。治今湖北鍾祥縣。④漢毛亨毛萇並傳詩。故有此稱。⑤周恤也。⑥今河南信陽縣。⑦今湖北雲夢縣。⑧字居錫。以守道好修見稱於世。⑨字元禮。爲宣城令。敏於政事。以良吏稱。⑩今安徽壽縣。⑪今湖北宣城縣。⑫在湖北安陸縣北。

歐陽永叔集賢校理丁君墓表

君諱寶臣。字元珍。姓丁氏。常州晉陵人也。景祐元年。舉進士及第。爲峽州軍事判官。淮南節度掌書記。杭州觀察判官。改太子中允。知剡縣。徙知端

州。遷太常丞博士。坐海賊儂智高^五陷城失守。奪一官。徙置黃州^六。久之。復得
太常丞。監湖州酒稅。又復博士。知諸暨縣。編校祕閣書籍。遂爲校理。同知
太常禮院。君爲人。外和怡而內謹立。望其容貌。進趨。知其君子人也。居鄉
里。以文行稱。少孤。與其兄篤於友悌。兄亡。服喪三年。曰。吾不幸幼失其親。
兄。吾父也。慶曆中。詔天下大興學校。東南多學者。而湖杭尤盛。君居杭。學
爲教授。以其素所學問。而自修於鄉里者。教其徒。久而學者多所成就。其
後。天子患館閣職廢。特置編校人員。其選甚精。乃自諸暨召居祕閣。君治
州縣。聽決精明。賦役有法。民畏信而便安之。其始治剡也。如此。後治諸暨^七。
剡鄰邑也。其民聞其來。謹^{*}曰。此剡人愛而思之。謂不可復得者也。今吾民
乃幸而得之。而君亦以治剡者治之。由是所至。有聲。及居閣下。淡然不以
勢利動其心。未嘗走謁公卿。與諸學士羣居。恂恂^{*}。人皆愛親之。蓋其召自
諸暨也。已以才行選。及在館閣久。而朝廷益知其賢。英宗每論人物。屢稱
之。國家自削除僭僞。東南遂無事。偃兵弛備者六十餘年矣。而嶺外尤甚。
其山海荒闊。列郡數十。皆爲下州。朝廷命吏。常以一縣視之。故其守無城。
其戍無兵。一日。智高乘不備。陷邕州^九。殺將吏。有衆萬餘人。順流而下。潯^{一〇}。梧^{一一}。
封康^{一二}。諸小州。所過如破竹。吏民皆望而散走。獨君猶率羸卒百餘拒戰。殺
六七人。旣敗。亦走。初。賊未至。君語其下曰。幸得兵數千人。伏小湘峽^{一四}。扼至。

險以擊驕兵。可必勝也。乃請兵於廣州一五。凡九請不報。又嘗得賊覘者一人。斬之。賊既平。議者謂君文學宜居臺閣。備侍從。以承顧問。而眇然以一儒者守空城。提百十饑羸之卒。當萬人卒至之賊。可謂不幸。而天子亦以謂縣官不素設備。而責守吏不以空手捍賊。宜原其情。故一切輕其法。而君以嘗請兵不得。又能拒戰殺賊。則又輕之。故他失守者皆奪兩官。而君奪一官。已而知其賢。復召用。後十餘年。御史知雜蘇六宋受命之明日。建言請復治君前事。奪其職而黜之。天子知君賢。不可以一眚廢。而先帝已察其罪而輕之矣。又數更大赦。且罪無再坐。然猶以御史新用。故屈君使少避而不傷之也。乃用其校理歲滿所當得者。卽以君通判永州一七。方待闕於晉陵。以治平四年四月某甲子。暴中風眩。一夕卒。享年五十有八。累官至尙書司封員外郎。階朝奉郎。勳上輕車都尉。會祖諱某。祖諱某。皆不仕。父諱某。贈尙書工部侍郎。母張氏。仙游一八縣太君。君娶饒氏。封晉陵縣君。先卒。子男四人。曰隅。曰除。曰濟。皆舉進士。曰恩兒。纔一歲。女一人。適著作佐郎集賢校理胡宗愈。君既卒。天子憫然。推恩錄其子隅。爲太廟齋郎。君之生平。履憂患而遭困阨。處之安焉。未嘗見戚戚之色。其於窮達壽夭。知有命。固無憾於其心。然知君之賢。哀其志而惜其命。止於斯者。不能無恨也。於是相與論著君之大節。伐石紀辭。以表見於後世。庶幾以慰其思焉。

【註音】(剡)以冉切(讎)音歡(恂)音荀(覘)寢廉切(卒)同猝(案)音采(皆)音省(暴)同暴(眩)發絹切(齊)祖稽切同躋

【釋義】①今江蘇武進縣。②治今湖北宜昌縣。③今浙江嵊縣。④治今廣東高要縣。⑤據廣南。建國曰南天。改元啓曆。僭號仁惠皇帝。⑥治今湖北黃岡縣。⑦名曙。仁宗之子。⑧治今廣西邕寧縣。⑨州名。治今廣西桂平縣。⑩州名。治今廣西蒼梧縣。⑪州名。治今廣東封川縣。⑫州名。治今廣東德慶縣。⑬在高要縣湘峽山東五里。⑭治今廣東番禺縣。⑮字公佐。磁州滎陽人。長於刑名。故屢為法官。數以讞議受詔獎。⑯治今湖南零陵縣。⑰英宗年號。⑱今福建仙游縣。⑲字完夫。常州晉陵人。神宗時累遷至同知諫院。元祐初為御史中丞。後罷為資政殿學士。

【諸家集評】吳至父曰荆公所為墓誌代發不平之鳴此則立言含蓄尤為得體蓋性氣不同而年之老與壯亦異也

歐陽永叔太常博士周君墓表

有篤行君子曰周君者。孝於其親。友於其兄弟。居父母喪。與其兄某弟某。居於倚廬。不飲酒食肉者三年。其言必戚。其哭必哀。除喪而癯然。不能勝人事者。蓋久而後復。自孔子在魯。而魯人不能行三年之喪。其弟子疑以為問。則非魯而他國可知也。孔子沒。而其後世又可知也。今世之人。知事其親者多矣。或居喪而不哀者有矣。生能事而死能哀。或不知喪禮者有矣。或知禮而以謂喪主於哀而已。不必合於禮者有矣。如周君者。事生盡孝。居喪盡哀。而以禮者也。禮之失久矣。喪禮尤廢也。今之居喪者。惟仕宦婚嫁聽樂不為。此特法令之所禁爾。其衰麻之數。哭泣之節。居處之別。飲食之變。皆莫知夫有禮也。在上位者。不以身率其下。在下者。無所望於其

上其遂廢矣乎。故吾於周君有所取也。君諱堯卿。字子愈。道州永明縣人。也。天聖二年。舉進士。累官至太常博士。歷連衡_四一州司理參軍。桂州_六司錄。知高安寧化_九二縣。通判饒州。未行。以慶曆五年六月朔日。卒於朝集之舍。享年五十有一。皇祐五年某月日。葬於道州永明縣之紫微岡。曾祖諱某。祖諱某。父諱某。贈某官。母唐氏。封某縣太君。娶某氏。封某縣君。君學長於毛鄭詩左氏春秋。家貧不事生產。喜聚書。居官祿雖薄。常分俸以贖宗族朋友。人有慢已者。必厚爲禮以愧之。其爲吏。所居皆有能政。有文集二十卷。君有子七人。曰諭。鼎州司理參軍。曰詵_{*}。湖州歸安主簿。曰謚_{*}。曰諷。曰諲_{*}。曰說。曰誼。皆未仕。嗚呼。孝非一家之行也。所以移於事君而忠。仁於宗族而睦。交於朋友而信。始於一鄉。推之四海。表於金石。示之後世而勸。考君之所施者。無不可以書也。豈獨俾其子孫之不隕也哉。

【註音】(癯)音渠(衰)音崔(詵)音莘(謚)音蜜(諲)音因

【釋義】①遭喪者之所居也。②瘦弱也。③今湖南永明縣。④州名。治今廣東連縣。⑤州名。治今湖南衡陽縣。⑥治今廣西桂林縣。⑦今江西高安縣。⑧今福建寧化縣。⑨治今江西鄱陽縣。⑩治今湖南常德縣。⑪今浙江吳興縣。

【諸家集評】劉海峯曰孝行所敘止兩行已盡故以不能行三年之喪至舉世廢禮反復感歎對面託出周君才成一篇文字

歐陽永叔石曼卿墓表

曼卿諱延年。姓石氏。其上世爲幽州人。幽州入于契丹。其祖自成。始以其

族間走南歸。天子嘉其來。將祿之。不可。乃家於宋州之宋城。父諱補之。官至太常博士。幽燕俗勁武。而曼卿少亦以氣自豪。讀書不治章句。獨慕古人奇節偉行。非常之功。視世俗屑屑無足動其意者。自顧不合於時。乃一混於酒。然好劇飲大醉。頽然自放。繇是益與時不合。而人之從其遊者。皆知愛曼卿落落可奇。而不知其才之有以用也。年四十八。康定二年二月四日。以太子中允祕閣校理卒於京師。曼卿少舉進士不第。真宗推恩。三舉進士。皆補奉職。曼卿初不肯就。張文節公素奇之。謂曰。母老乃擇祿邪。曼卿矍然起就之。遷殿直。久之。改太常寺太祝。知濟州金鄉縣。歎曰。此亦可以爲政也。縣有治聲。通判乾寧軍。丁母永安縣君李氏憂。服除。通判永靜軍。皆有能名。充館閣校勘。累遷大理寺丞。通判海州。還爲校理。莊獻明肅太后臨朝。曼卿上書請還政天子。其後太后崩。范諷以言見幸。引嘗言太后事者。遽得顯官。欲引曼卿。曼卿固止之。乃已。自契丹通中國。德明盡有河南而臣屬。遂務休兵養息。天下晏然。內外弛武。三十餘年。曼卿上書言十事。不報。已而元昊反。西方用兵。始思其言。召見。稍用其說。籍河北河東陝西之民。得鄉兵數十萬。曼卿奉使籍兵河東。還稱旨。賜緋衣銀魚。天子方思盡其才。而且病矣。既而聞邊將有欲以鄉兵捍賊者。笑曰。此得吾粗也。夫不教之兵。勇怯相雜。若怯者見敵而動。則勇者亦牽而潰矣。今或

不暇教。不若募其敢行者。則人人皆勝兵也。其視世事蔑若不足爲。及聽其設施之方。雖精思深慮。不能過也。狀貌偉然。喜酒自豪。若不可繩以法度。退而質其平生趣舍大節。無一悖於理者。遇人無賢愚。皆盡忻懽。及可否天下是非善惡。當其意者無幾人。其爲文章。勁健稱其意氣。有子濟。滋天子聞其喪。官其一子。使祿其家。既卒之二十七日。葬於太清之先塋。其友歐陽修表於其墓曰。嗚呼。曼卿寧自混以爲高。不少屈以合世。可謂自重之士矣。士之所負者愈大。則其自顧也愈重。自顧愈重。則其合愈難。然欲與共大事。立奇功。非得難合自重之士。不可爲也。古之魁雄之人。未始不負高世之志。故寧或毀身污迹。卒困於無聞。或老且死而幸一遇。猶克少施於世。若曼卿者。非徒與世難合。而不克所施。亦其不幸不得至乎中壽。其命也夫。其可哀也夫。

〔註音〕(曼)九縛切

〔釋義〕①治今河北薊縣。自後晉石敬瑭。以燕雲十六州之地賂契丹。於是幽州遂爲契丹所有。②治今河南商邱縣。③煩細也。④不相入也。⑤仁宗年號。⑥時真宗錄三舉進士。以爲三班奉職。曼卿爲右班殿直。⑦名知白。字用晦。滄州清池人。在相位。慎名器。無毫髮私。雖貴顯。清約如寒士。⑧今山東金鄉縣。⑨卽白帝城。今四川奉節縣東。⑩軍。行政區畫之名。宋分全國爲十八路。有軍二十九。乾寧。永靜。均屬河北路。⑪今江蘇東海縣。⑫字補之。齊州人。仁宗時累官龍圖閣學士。⑬自真宗與遼人盟於澶淵後。宋歲贈絹二十萬匹。銀十萬兩。南朝爲兄。北朝爲弟。兩國罷兵。⑭西夏主。真宗時歸款於宋。封西平王。三十年不窺宋邊。⑮見前卷歐陽永叔資政殿學士文正范公神道碑銘。趙元昊釋義。

〔諸家集評〕方望溪曰。章法極變化。語亦不蔓。

歐陽永叔永春縣令歐君墓表

君諱慶。字貽孫。姓歐氏。其上世爲韶州曲江人。後徙均州之鄖鄉^二。又徙襄州之穀城^三。乾德^四二年。分穀城之陰城鎮爲乾德縣^五。建光化軍。歐氏遂爲乾德人。修嘗爲其縣令。問其故老鄉閭之賢者。皆曰有三人焉。其一人曰太傅贈太師中書令鄧文懿公。其一人曰尙書屯田郎中戴國忠^六。其一人曰歐君也。三人者。學問出處。未嘗一日不同。其忠信篤於朋友。孝悌稱於宗族。禮義達於鄉閭。乾德之人。初未識學者。見此三人。皆尊禮而愛親之。旣而皆以進士舉於鄉。而君獨黜於有司。後二十年。始以同三禮^七出身爲潭州湘潭主簿。陳州司法參軍。監考城酒稅。遷彭州^二軍事推官。知泉州永春^三縣事。而鄧公已貴顯於朝。君尙爲州縣吏。所至上官多鄧公故舊。君絕口不復道前事。至終其去。不知君爲鄧公友也。君爲吏廉。貧宗族之孤幼者。皆養於家。居鄉里有訟者。多就君決曲直。得一言。遂不復爭。人至於今傳之。嗟夫。三人之爲道無所不同。至其窮達。何其異也。而三人者。未嘗有動於其心。雖乾德之人。稱三人者。亦不以貴賤爲異。則其幸不幸。豈足爲三人者道哉。然而達者昭顯於一時。而窮者泯沒於無迹。則爲善者何以勸。而後世之來者。何以考德於其先。故表其墓。以示其子孫。君有子世英。爲鄧城^三縣令。世勣^{*}舉進士。君以天聖七年卒。享年六十有四。葬乾德之西北

廣節山之原。

【註音】（鄖）音云（勤）音績

【釋義】①今廣東曲江縣。②今湖北鄖縣。③今湖北穀城縣。④太祖年號。⑤今湖北光化縣西。⑥光化人。慶曆進士官終屯田郎中。⑦三禮。即儀禮、周禮、禮記是。⑧今湖南湘潭縣。⑨治今河南淮陽縣。⑩今河南考城縣。⑪治今四川彭縣。⑫今福建永春縣。⑬今河南鄧縣。

歐陽永叔右班殿直贈右羽林軍將軍唐君墓表

嘉祐四年冬。天子既受^二裕享之福。推恩羣臣。並進爵秩。既又以其親。若在若亡。無有中外遠邇。於是天章閣待制尚書戶部員外郎唐君。得贈其皇考^{*}驍衛府君。為右羽林將軍。府君諱拱。字某。其先晉原人。後徙為錢塘人。會祖諱休復。唐天復中。舉明經。為建威軍節度推官。祖諱仁恭。仕吳越王。為唐山縣令。累贈諫議大夫。父諱謂。官至尚書職方郎中。累贈禮部尚書。府君以父廕。補太廟齋郎。改三班借職。再遷右班殿直。監舒州孔城鎮。澧州酒稅。巡檢泰州鹽場。漳州兵馬監押。乾興元年七月某日。以疾卒於官。享年四十有六。府君孝悌於其家。信義於其朋友。廉讓於其鄉里。其居於官。名公鉅人。皆以為材。而未及用也。享年不永。君子哀之。有子曰介。字子方。舉進士。皇祐中。嘗為御史。以言事切直。貶春州別駕。當是時。子方之風竦動天下。已而天子感悟。貶未至而復用之。今列侍從。居諫官。自子方為祕書丞。始贈府君為太子右清道率府率。其為尚書主客員外郎。殿中

侍御史裏行。又贈府君爲右監門衛將軍。其爲尙書工部員外郎。直集賢院。權開封府判官。又贈府君爲右屯衛將軍。其遷戶部員外郎。河東轉運使。又贈府君爲驍衛將軍。蓋自登於朝。以至榮顯。遇天子有事於天地宗廟。推恩必及焉。府君初娶博陵崔氏。贈仙遊縣太君。後娶崔氏。贈清河縣太君。皆衛尉卿仁冀之女。生一男。介也。五女。長適太子中舍盧圭。次適歐陽昊。早卒。次適橫州推官高定。次適進士陸平仲。次適著作佐郎陳起。慶曆三年八月某日。以府君及二夫人之喪。合葬於江陵龍山之東原。後十有七年。廬陵歐陽修表於其墓曰。嗚呼。余於此見朝廷所以褒寵勸勵臣子之意。豈不厚哉。又以見士之爲善者。雖湮沒幽鬱。其潛德隱行。必有時而發。而遲速顯晦。在其子孫。然則爲人之子者。其可不自勉哉。蓋古之爲子者。祿不逮養。則無以及其親矣。今之爲子者。有克自立。則尙有榮名之寵焉。其所以教人之孝者。篤于古也深矣。子方進用於時。其所以榮其親者。未知其止也。姑立表以待焉。

【註音】(驍)古堯切(竦)息拱切

【釋義】①仁宗年號。②大合。祭先祖也。③今四川崇慶縣。④今浙江杭縣。⑤唐昭宗年號。⑥臨安人。姓錢。名

繆。字具美。唐亡。受後梁太祖之封。稱吳越國王。是爲十國之一。⑦今河北堯山縣。⑧舒州。治今安徽思寧縣。孔城鎮。在今桐城縣東。⑨治今湖南澧縣。⑩治今江蘇泰縣。⑪治今福建龍溪縣。⑫真宗年號。⑬仁宗年號。⑭介劾宰相文彥博。帝怒。貶春州別駕。⑮治今廣東陽春縣。⑯爲東宮之官。而無職司者。⑰在江陵縣西北。

歐陽永叔瀧岡阡表

嗚呼。惟我皇考崇公。卜吉于瀧岡^{*}之六十年。其子修。始克表於其阡。非敢
緩也。蓋有待也。修不幸生四歲而孤。太夫人守節自誓。居貧自力於衣食。
以長以教。俾至於成人。太夫人告之曰。汝父爲吏廉。而好施與。喜賓客。其
俸祿雖薄。常不使有餘。曰。毋以是爲我累。故其亡也。無一瓦之覆。一壠之
植。以庇而爲生。吾何恃而能自守耶。吾於汝父。知其一二。以有待於汝也。
自吾爲汝家婦。不及事吾姑。然知汝父之能養也。汝孤而幼。吾不能知汝
之必有立。然知汝父之必將有後也。吾之始歸也。汝父免於母喪方逾年。
歲時祭祀。則必涕泣曰。祭而豐。不如養之薄也。間御酒食。則又涕泣曰。昔
常不足。而今有餘。其何及也。吾始一二見之。以爲新免於喪適然耳。旣而
其後常然。至其終身未嘗不然。吾雖不及事姑。而以此知汝父之能養也。
汝父爲吏。嘗夜燭治官書。屢廢而嘆。吾問之。則曰。此死獄也。我求其生。不
得爾。吾曰。生可求乎。曰。求其生而不得。則死者與我皆無恨也。矧求而有
得耶。以其有得。則知不求而死者有恨也。夫常求其生。猶失之死。而世常
求其死也。回顧乳者。劍汝而立於旁。因指而嘆曰。術者謂我歲行在戌。將
死。使其言然。吾不及見兒之立也。後當以我語告之。其平居教他子弟。常
用此語。吾耳熟焉。故能詳也。其施於外事。吾不能知。其居於家。無所矜飾。

而所爲如此。是真發於中者邪。嗚呼。其心厚於仁者邪。此吾知汝父之必將有後也。汝其勉之。夫養不必豐。要於孝。利雖不得溥於物。要其心之厚於仁。吾不能教汝。此汝父之志也。修泣而志之。不敢忘。先公少孤力學。咸平三年。進士及第。爲道州判官。泗綿二州推官。又爲泰州判官。享年五十有九。葬沙溪之隴岡。太夫人姓鄭氏。考諱德儀。世爲江南名族。太夫人恭儉仁愛而有禮。初封福昌縣太君。進封樂安。安康。彭城三郡太君。自其家少微時。治其家以儉約。其後常不使過之。曰。吾兒不能苟合於世。儉薄所以居患難也。其後修貶夷陵太夫人言笑自若。曰。汝家故貧賤也。吾處之有素矣。汝能安之。我亦安矣。自先公之亡二十一年。修始得祿而養。又十有一年。列官於朝。始得贈封其親。又十年。修爲龍圖閣直學士。尙書吏部郎中。留守南京。太夫人以疾終於官舍。享年七十有二。又八年。修以非才。入副樞密。遂參政事。又七年而罷。自登二府。天子推恩。褒其三世。蓋自嘉祐以來。逢國大慶。必加寵錫。皇會祖府君累贈金紫光祿大夫。太師中書令。兼尙書令。曾祖妣累封楚國太夫人。皇祖府君累贈金紫光祿大夫。太師中書令。兼尙書令。祖妣累封吳國太夫人。皇考崇公。累贈金紫光祿大夫。太師中書令。兼尙書令。皇妣累封越國太夫人。今上初郊。皇考賜爵爲崇國公。太夫人進號魏國。於是小子修泣而言曰。嗚呼。爲善無不報。而遲速

有時。此理之常也。惟我祖考。積善成德。宜享其隆。雖不克有於其躬。而賜爵受封。顯榮褒大。實有三朝之錫命。是足以表見於後世。而庇賴其子孫矣。乃列其世譜。具刻於碑。既又載我皇考崇公之遺訓。太夫人之所以教而有待於修者。並揭於阡。俾知夫小子修之德薄能鮮。遭時竊位。而幸全大節。不辱其先者。其來有自。熙寧三年歲次庚戌四月辛酉朔十有五日乙亥。男推誠保德崇仁翊戴功臣。觀文殿學士。特進。行兵部尚書。知青州軍州事。兼管內勸農使。充京東東路安撫使。上柱國。樂安郡開國公。食邑四千二百戶。食實封一千二百戶。修表。

〔註音〕（瀧）音雙

〔釋義〕①修父觀。字仲實。封崇國公。②在江西永豐縣南鳳凰山。③治獄之書也。④知相命之人。⑤真宗年號。⑥治今湖南道縣。⑦州名。治今安徽泗縣。⑧州名。治今四川綿陽縣。⑨今河南宜陽縣。⑩屬棣州。⑪屬金州。⑫屬徐州。⑬范仲淹以言事貶。廷臣多主救。司諫高若訥獨以爲當黜。修貽書責之。若訥上其書。於是修坐貶夷陵令。夷陵。今湖北宜昌縣。⑭真宗建宋州爲南京。今河南商邱縣。⑮今上。謂神宗。⑯祭天也。⑰仁宗。英宗。神宗。⑱神宗年號。

〔諸家集評〕方望溪曰。漸其繁複。則格愈高。義愈深。氣愈充。神愈王。學者潛心於此。可知修辭之要。

卷四十六

碑誌類下編六

歐陽永叔黃夢升墓誌銘

予友黃君夢升。其先婺州金華人。後徙洪州之分寧。其會祖諱元吉。祖諱某。父諱中雅。皆不仕。黃氏世爲江南大族。自其祖父以來。樂以家貲賑鄉里。多聚書以招延四方之士。夢升兄弟皆好學。尤以文章意氣自豪。予少家隨州。夢升從其兄茂宗官於隨。予爲童子立諸兄側。見夢升年十七八。眉目明秀。善飲酒談笑。予雖幼。心已獨奇夢升。後七年。予與夢升皆舉進士於京師。夢升得丙科。初任興國軍永興主簿。怏怏不得志。以疾去。久之復調江陵府公安主簿。時予謫夷陵令。遇之於江陵。夢升顏色憔悴。初不可識。久而握手噓噓相飲以酒。夜醉起舞。歌呼大噓。予益悲夢升志雖衰。而少時意氣尙在也。後二年。予徙乾德令。夢升復調南陽主簿。又遇之於鄧。間嘗問其平生所爲文章幾何。夢升慨然歎曰。吾已諱之矣。窮達有命。非世之人不知我。我羞道於世人也。求之不肯出。遂飲之酒。復大醉起舞。歌呼。因笑曰。子知我者。乃肯出其文。讀之博辨雄偉。意氣奔放。若不可禦。予又益悲夢升志雖困。而文章未衰也。是時謝希深出守鄧州。尤喜稱道天下士。予因手書夢升文一通。欲以示希深。未及而希深卒。予亦去鄧。後

之守鄧者皆俗吏。不復知夢升。夢升素剛不苟合。負其所有。常怏怏無所施。卒以不得志。死於南陽。夢升諱注。以寶元二年四月二十五日卒。享年四十有二。其平生所爲文曰破碎集。公安集。南陽集。凡三十卷。娶潘氏。生四男二女。將以慶曆四年某月某日。葬於董坊之先塋。其弟涓泣而來告曰。吾兄患世之莫吾知。孰可爲其銘。予素悲夢升者。因爲之銘曰。予嘗讀夢升之文。至於哭其兄子庠之詞曰。子之文章。電激雷震。雨雹忽止。闐然滅泯。未嘗不調誦歎息而不已。嗟夫夢升。會不及庠。不震不驚。鬱塞埋藏。孰予其有。不使其施。吾不知所歸咎。徒爲夢升而悲。

【註音】(怏)央去聲(噉)音穢(噉)極樂切(闐)曲械切

【釋義】①今浙江金華縣。②今江西修水縣。③治今湖北隨縣。④太平興國二年。置永興軍於永興縣。明年改興國軍。領永興等縣三。永興。今湖北陽新縣。⑤不滿意也。⑥屬荆湖北路。領江陵等縣八。⑦今湖北公安縣。⑧見上。⑨太息也。⑩大笑也。⑪今湖北光化縣。⑫今河南南陽縣。⑬今河南鄧縣。⑭名絳。富陽人。以文學知名。仁宗時累遷知制誥。判吏部太常禮院。請知鄧州。⑮皆仁宗年號。⑯靜也。

【諸家集評】劉海峯曰歐公敘事之文獨得史遷風神此篇適宕古逸當爲墓誌第一
吳氏曰此文音節之美句句可歌

歐陽永叔張子野墓誌銘

吾友張子野既亡之二年。其弟充以書來請曰。吾兄之喪。將以今年三月某日。葬於開封。不可以不銘。銘之莫如子宜。嗚呼。予雖不能銘。然樂道天下之善以傳焉。況若吾子野者。非獨其善可銘。又有平生之舊。朋友之恩。

與其可哀者。皆宜見於予文。宜其來請於予也。初天聖九年。予爲西京留
守推官。是時陳郡謝希深。南陽張堯夫。與吾子野。尙皆無恙。於時一府之
士。皆魁傑賢豪。日相往來。飲酒懽呼。上下角逐。爭相先後。以爲笑樂。而堯
夫子野。退然其間。不動聲色。衆皆指爲長者。予時尙少。心壯志得。以爲洛
陽東西之衝。賢豪所聚者多。爲適然耳。其後去洛來京師。南走夷陵。並江
漢。其行萬三四千里。山阻水厓。窮居獨遊。思從曩人。邈不可得。然雖洛人。
至今皆以爲無如嚮時之盛。然後知世之賢豪不常聚。而交遊之難得。爲
可惜也。初在洛時。已哭堯夫而銘之。其後六年。又哭希深而銘之。今又哭
吾子野而銘。於是又知非徒相得之難。而善人君子。欲使幸而久在於世。
亦不可得。嗚呼。可哀也已。子野之世。曰贈太子太師諱某。曾祖也。宣徽北
院使樞密副使。累贈尙書令諱遜。皇祖也。尙書比部郎中諱敏中。皇考也。
曾祖妣李氏。隴西郡夫人。祖妣宋氏。昭化郡夫人。孝章皇后之妹也。妣李
氏。永安縣太君。子野家聯后姻。世久貴仕。而被服操履。甚於寒儒。好學自
力。善筆札。天聖二年。舉進士。歷漢陽軍司理參軍。開封府咸平主簿。河南
法曹參軍。王文康公錢思公謝希深。與今參知政事宋公。咸薦其能。改著
作佐郎。監鄭州酒稅。知閩州中縣。就拜祕書丞。秩滿。知亳州鹿邑縣。寶
元二年二月丁未。以疾卒於官。享年四十有八。子伸。郊社掌座。次從。次幼。

未名。女五人。一適人矣。妻劉氏。長安縣君。子野爲人。外雖愉怡。中自刻苦。遇人渾渾不見圭角。而志守端直。臨事果決。平居酒半。脫冠垂頭。童然秃且白矣。予固已悲其早衰。而遂止於此。豈其中亦有不自得者耶。子野諱先。其上世博州高唐人。自曾祖已來。家京師而葬開封。今爲開封人也。銘曰。

嗟夫子野。質厚材良。孰屯其亨。孰短其長。豈其中有不自得。而外物有以戕。開封之原。新里之鄉。三世於此。其歸其藏。

〔註音〕(祖)千余切(聞)音浪(屯)音真

〔釋義〕①仁宗年號。②洛陽。今河南洛陽縣。③名仕士。開封襄邑人。爲河南府推官。④太宗時。仕終右驍衛大將軍。知江陵府。贈桂州觀察使。⑤官大理寺丞。累遷至比部郎中。⑥宋氏。洛陽人。倜儻長女。太祖后。⑦領漢陽等縣二。卽唐河州治。⑧掌獄訟勘鞫事之官。⑨今河南通許縣。⑩府名。治今洛陽縣。⑪名曙。字晦叔。河南人。⑫名惟演。字希聖。臨安人。⑬名庠。字公序。安州安陸人。天聖中進士。⑭治今河南鄭縣。⑮今四川閬中縣。⑯今河南鹿邑縣。⑰猶言鋒銳。喻人之棱角峭厲者。⑱今山東高唐縣。⑲新里城。在開封縣東。

〔諸家集評〕劉海峯曰以交遊之聚散生死感歎成文淋漓鬱勃

歐陽永叔尹師魯墓誌銘

師魯。河南人。姓尹氏。諱洙。然天下之士識與不識。皆稱之曰師魯。蓋其名重當世。而世之知師魯者。或推其文學。或高其議論。或多其材能。至其忠義之節。處窮達。臨禍福。無愧於古君子。則天下之稱師魯者。未必盡知之。師魯爲文章。簡而有法。博學強記。通知古今。長於春秋。其與人言。是是非非。

非。務窮盡道理乃已。不爲苟止而妄隨。而人亦罕能過也。遇事無難易。而
勇於敢爲。其所以見稱於世者。亦所以取嫉於人。故其卒窮以死。師魯少
舉進士及第。爲絳州正平縣主簿。河南府戶曹參軍。邵武軍判官。舉書判
拔萃。遷山南東道掌書記。知伊陽縣。王文康公薦其才。召試充館閣校勘。
遷太子中允。天章閣待制。范公貶饒州。諫官御史不肯言。師魯上書言仲
淹臣之師友。願得俱貶。貶監郢州酒稅。又徙唐州。遭父喪。服除。復得太子
中允。知河南縣。趙元昊反。陝西用兵。大將葛懷敏奏起爲經略判官。師魯
雖用懷敏辟。而尤爲經略使韓公所深知。其後諸將敗於好水。韓公降知
秦州。師魯亦徙通判濠州。久之。韓公奏得通判秦州。遷知涇州。又知渭州。
兼涇原路經略部署。坐城水洛。與邊將異議。徙知晉州。又知潞州。爲政有
惠愛。潞州人至今思之。累遷官至起居舍人。直龍圖閣。師魯當天下無事
時。獨喜論兵。爲敘燕息戍二篇行於世。自西兵起。凡五六歲。未嘗不在其
間。故其論議益精密。而於西事尤習其詳。其爲兵制之說。述戰守勝敗之
要。盡當今之利害。又欲訓士兵。代戍卒。以減邊用。爲禦戎長久之策。皆未
及施爲。而元昊臣。西兵解嚴。師魯亦去而得罪矣。然則天下之稱師魯者。
於其材能。亦未必盡知之也。初。師魯在渭州。將吏有違其節度者。欲按軍
法斬之。而不果。其後吏至京師。上書訟師魯。以公使錢貸部將。貶崇信軍

節度副使徙監均州酒稅。得疾。無醫藥。昇至南陽求醫。疾革。憑几而坐。顧稚子在前。無甚憐之色。與賓客言。終不及其私。享年四十有六以卒。師魯娶張氏。某縣君。有兄源。字子漸。亦以文學知名。前一歲卒。師魯凡十年間。三貶官。喪其父。又喪其兄。有子四人。連喪其三。女一。適人亦卒。而其身終以貶死。一子三歲。四女未嫁。家無餘資。客其喪於南陽。不能歸。平生故人無遠邇。皆往賻之。然後妻子得以其柩歸河南。以某年某月某日。葬於先塋之次。余與師魯兄弟交。嘗銘其父之墓矣。故不復次其世家焉。銘曰。藏之深。固之密。石可朽。銘不滅。

〔註音〕(殊)音朱(革)音陞(賻)音附

〔釋義〕①即今山西新絳縣。②太平興國四年。置邵武軍。領邵武等縣四。③即今河南伊陽縣。④見四十四卷歐陽修范公神道碑銘。⑤范仲淹貶。殊上奏曰。仲淹忠亮有素。臣與之義兼師友。則是仲淹之黨也。今仲淹以朋黨被罪。臣不可苟免。⑥治今湖北鍾祥縣。⑦治今河南沁源縣。⑧真定人。慶歷中。趙元昊寇鎮戎軍。懷民督諸將與戰。遇害。諡忠隱。⑨名琦。字稚圭。相州安陽人。官拜右僕射。封魏國公。著有安陽集。⑩今名甜水河。在甘肅隆德縣東。慶曆元年。元昊入寇渭州。琦授計大將任福應戰。福為賊誘。沒於好水川。⑪治今甘肅天水縣。⑫治今安徽鳳陽縣。⑬治今甘肅涇川縣。⑭治今甘肅平涼縣。⑮治今河北晉縣。⑯治今山西長治縣。⑰治今湖北均縣。⑱以財助喪也。⑲先人之墳墓也。

〔諸家集評〕方望溪曰。歐公誌諸朋好。悲思激宕。風格最近太史公。

歐陽永叔徂徠先生墓誌銘

徂徠先生姓石氏。名介。字守道。兗州奉符^二人也。徂徠魯東山。而先生非隱

者也。其仕嘗位於朝矣。魯之人不稱其官而稱其德。以爲徂徠魯之望。先生魯人之所尊。故因其所居山。以配其有德之稱。曰徂徠先生者。魯人之志也。先生貌厚而氣完。學篤而志大。雖在畎畝。不忘天下之憂。以謂時無不可爲。爲之無不至。不在其位。則行其言。吾言用。功利施於天下。不必出乎已。吾言不用。雖獲禍咎。至死而不悔。其遇事發憤。作爲文章。極陳古今治亂成敗。以指切當世。賢愚善惡。是是非非。無所諱忌。世俗頗駭其言。繇是謗議喧然。而小人尤嫉惡之。相與出力必擠之死。先生安然不惑不變。曰。吾道固如是。吾勇過孟賁矣。不幸遇疾以卒。既卒。而姦人有欲以奇禍中傷大臣者。猶指先生以起事。謂其詐死而北走契丹矣。請發棺以驗。賴天子仁聖。察其誣。得不發棺。而保全其妻子。先生世爲農家。父諱丙。始以仕進。官至太常博士。先生年二十六。舉進士甲科。爲鄆州觀察推官。南京留守推官。御史臺辟主簿。未至。以上書論赦罷。不召。秩滿。遷某軍節度掌書記。代其父官於蜀。爲嘉州軍事判官。丁內外艱。去官。垢面跣足。躬耕徂徠之下。葬其五世未葬者七十喪。服除。召入國子監直講。是時兵討元昊。久無功。海內重困。天子奮然思欲振起威德。而進退二三大臣。增置諫官御史。所以求治之意甚銳。先生躍然喜曰。此盛事也。雅頌吾職。其可已乎。乃作慶曆聖德詩。以褒貶大臣。分別邪正。累數百言。詩出。太山孫明復曰。

子禍始於此矣。明復先生之師友也。其後所謂奸人作奇禍者。乃詩之所斥也。先生自閒居徂徠。後官於南京。常以經術教授。及在太學。益以師道自居。門人弟子從之者甚衆。太學之興。自先生始。其所爲文章。曰某集者若干卷。曰某集者若干卷。其斥佛老時文。則有怪說中國論。曰去此三者。然後可以有爲。其戒姦臣宦女。則有唐鑑。曰吾非爲一世監也。其餘喜怒哀樂。必見於文。其辭博辨雄偉。而憂思深遠。其爲言曰。學者。學爲仁義也。惟忠能忘其身。惟篤於自信者。乃可以力行也。以是行於己。亦以是教於人。所謂堯舜禹湯文武周公孔子孟軻揚雄韓愈氏者。未嘗一日不誦於口。思與天下之士。皆爲周孔之徒。以致其君爲堯舜之君。民爲堯舜之民。亦未嘗一日少忘於心。至其違世驚衆。人或笑之。則曰。吾非狂癡者也。是以君子察其行而信其言。推其用心而哀其志。先生直講歲餘。杜祁公薦之天子。拜太子中允。今丞相韓公又薦之。乃直集賢院。又歲餘。始去太學。通判濮州。方待次於徂徠。以慶曆五年七月某日。卒於家。享年四十有一。友人廬陵歐陽修哭之以詩。以謂待彼謗焰熄。然後先生之道明矣。先生既沒。妻子凍餒不自勝。今丞相韓公與河陽富公分俸買田以活之。後二十一年。其家始克葬先生於某所。將葬。其子師訥與其門人姜潛杜默徐遁等來告曰。謗焰熄矣。可以發先生之光矣。敢請銘。某曰。吾詩不云乎。子

道自能久也。何必吾銘。遁等曰。雖然。魯人之欲也。乃為之銘曰。徂徠之巖巖。與子之德兮。魯人之所瞻。汶水之湯湯。與子之道兮。逾遠而彌長。道之難行兮。孔子孟亦云。遑遑。一世之屯兮。萬世之光。曰。吾不有命令。安在夫桓魋與臧倉。自古聖賢皆然兮。噫。子雖毀其何傷。

音類
【註音】(徂)叢吾切(徠)同來(絲)通由(賁)音奔(既)蘇典切(訥)奴骨切(湯)音傷(屯)朱倫切(魋)

【釋義】①一名尤來山。在今山東泰安縣。東南四十里。②今山東泰安縣。③古之勇士。能生拔牛角。④指夏竦也。⑤治今山東東平縣。⑥治今四川樂山縣。⑦見下篇。孫明復先生墓誌銘。⑧即杜衍。⑨即韓琦。⑩治今山東濮縣。⑪即富弼。⑫字至之。奉符人。嘗從孫復學春秋。⑬字師雄。歷陽人。豪於詩歌。詩多不合律。後人因言事不合格者為杜撰。⑭未詳。⑮為運河上源。出山東萊蕪縣東北原山。西南流經泰安縣治東。與石汶牟汶北汶諸水會。⑯春秋宋大夫。孔子適宋。魋欲殺之。孔子有天生德于予。桓魋其如予何之嘆。⑰戰國魯平公嬖人。嘗沮平公將見孟子。孟子曰。吾之不遇魯侯。天也。臧氏之子。安能使予不遇哉。

【諸家集評】方望溪曰。筆陣酣恣。辭繁而不懶。

劉海峯曰。反覆推衍。徂徠之獨立。學古處分明。鬯足尤妙。在起處十行已盡其生平。

張廉卿曰。發端以遠得逸。而以雄直之氣行之。神氣蕭颯。而兀岸乃歐文所罕者。

吳至父曰。此歐文之極有氣勢者。

歐陽永叔孫明復先生墓誌銘

先生諱復。字明復。姓孫氏。晉州平陽人也。少舉進士。不中。退居泰山之陽。學春秋。著尊王發微。魯多學者。其尤賢而有道者石介。自介而下。皆以弟子事之。先生年踰四十。家貧不娶。李丞相迪將以其弟之女妻之。先生疑焉。介與羣弟子進曰。公卿不下士久矣。今丞相不以先生貧賤。而欲託以

子。是高先生之行義也。先生宜因以成丞相之賢名。於是乃許。孔給事道五輔。爲人剛直嚴重。不妄與人。聞先生之風。就見之。介執杖屨。侍左右。先生坐則立。升降拜則扶之。及其往謝也亦然。魯人既素高此兩人。由是始識師弟子之禮。莫不歎嗟之。而李丞相孔給事亦以此見稱於士大夫。其後介爲學官。語於朝曰。先生非隱者也。欲仕而未得其方也。慶曆二年。樞密副使范仲淹。資政殿學士富弼。言其道德經術。宜在朝廷。召拜校書郎國子監直講。嘗召見邇英閣說詩。將以爲侍講。而嫉之者六言其講說多異。先儒遂止。七年。徐州人孔直溫。以狂謀捕治。索其家得詩。有先生姓名。坐貶監處州商稅。徙泗州。又徙知河南府長水縣。簽署應天府判官公事。通判陵州。翰林學士趙槩等十餘人。上言孫某行爲世法。經爲人師。不宜棄之遠方。乃復爲國子監直講。居三歲。以嘉祐二年七月二十四日。以疾卒於家。享年六十有六。官至殿中丞。先生在大學時。爲大理評事。天子臨幸。賜以緋衣銀魚。及聞其喪。惻然。予其家錢十萬。而公卿大夫朋友太學之諸生。相與弔哭。賻治其喪。於是以其年十月二十七日葬。先生於鄆州須城三縣盧泉鄉之北扈原。先生治春秋。不惑傳注。不爲曲說。以亂經。其言簡易。明於諸侯大夫功罪。以考時之盛衰。而推見王道之治亂。得於經之本義爲多。方其病時。樞密使韓琦。言之天子。選書吏給紙筆。命其門人祖無擇一五

就其家得其書十有五篇。錄之藏於祕閣。先生一子大年。尚幼。銘曰。聖既歿。經更戰焚。逃藏脫亂。僅傳存。衆說乘之。汨其原。怪迂百出。雜偽真。後生牽卑。習前聞。有欲患之。寡攻羣。往往止燎。以膏薪。有勇夫子。闢浮雲。刮磨蔽蝕。相吐吞。日月卒復光。破昏博哉。功利無窮垠。有考其不在斯文。

【註音】（垠）音銀

【釋義】①縣名。今山西臨汾縣。②在今山東泰安縣北。③山之南面曰陽。④字復古。景德初舉進士第一。累官資政殿大學士。同平章事。⑤字原魯。孔子四十五世孫。性鯁挺特達。遇事彈劾。朝臣無所避。後出知鄆州。行至韋州病卒。⑥言揚國安。⑦治今浙江麗水縣。⑧治今安徽泗縣。⑨縣名。故城在今河南洛寧縣西四十五里。⑩今河南商邱縣。⑪治今四川仁壽縣。⑫字叔平。虞成人。仁宗時累官樞密使。參知政事。以太子少師致仕。嘗集古今諫諍事為諫林百二十卷。⑬今山東東平縣。⑭在東平縣東北。⑮字擇之。上蔡人。為人好義。篤於師友。工詩文。有龍學文集。

歐陽永叔太常博士尹君墓誌銘

君諱源。字子漸。姓尹氏。與其弟洙師魯。俱有名於當世。其論議文章。博學強記。皆有以過人。而師魯好辨。果於有為。子漸為人。剛簡不矜飾。能自晦藏。與人居久而莫知。至其一有所發。則人必驚伏。其視世事。若不干其意。已而權其情偽。計其成敗。後多如其言。其性不能容常人。而善與人交。久而益篤。自天聖明道之間。余與其兄弟交。其得於子漸者如此。其會祖諱誼。贈光祿少卿。祖諱文化。官至都官郎中。贈刑部侍郎。父諱仲宣。官至虞部員外郎。贈工部郎中。子漸初以祖蔭。補三班借職。稍遷左班殿直。天聖

八年舉進士及第。爲奉禮郎。累遷太常博士。歷知芮城河陽二縣。簽署孟州判官事。又知新鄭縣。通判涇州慶州知懷州。以慶曆五年三月十四日卒於官。趙元昊寇邊。圍定川堡。大將葛懷敏發涇原兵救之。君遺懷敏書曰。賊舉其國而來。其利不在城堡。而兵法有不得而救者。且吾軍畏法。見敵必赴。而不計利害。此其所以數敗也。宜駐兵瓦亭。見利而後動。懷敏不能用其言。遂以敗死。劉渙知滄州。杖一卒不服。渙命斬之以聞。坐專殺降知密州。君上書爲渙論直。得復知滄州。范文正公常薦君材可以居館閣。召試不用。遂知懷州。至期月大治。是時天子用范文正公。與今觀文殿學士富公武康軍節度使韓公欲更置天下事。而權倖小人不便。三公皆罷去。而師魯與時賢士多被誣枉得罪。君歎息憂悲發憤。以謂生可厭而死可樂也。往往被酒哀歌泣下。朋友皆竊怪之。已而以疾卒。享年五十。至和元年十有一月十三日。其子材葬君於河南府壽安縣甘泉鄉龍洲里。其平生所爲文章六十篇。皆行於世。子男四人。曰材。植。機。杼。嗚呼。師魯常勞其智於事物。而卒蹈憂患以窮死。若子漸者。曠然不有累其心。而無所屈其志。然其壽考亦以不長。豈其所謂短長得失者。皆非此之謂與。其所以然者。不可得而知與。銘曰。
有韞於中不以施。一憤樂死其如歸。豈其志之將衰。不然世果可嫉其如

斯。

〔註音〕(芮)汝衛切(涇)音經(韞)音運

〔釋義〕①皆仁宗年號。②今山西芮城縣。③今河南孟縣。④今河南新鄭縣。⑤治今甘肅涇川縣。⑥治今甘

肅慶陽縣。⑦治今河南沁陽縣。⑧在甘肅固原縣西北二十五里。⑨在甘肅固原縣南有瓦亭山。瓦亭山西麓又

有瓦亭關。⑩字仲章。熙寧中以工部尚書致仕。⑪治今河北滄縣。⑫治今山東諸城縣。⑬仁宗年號。⑭今河南宜

陽縣。

〔諸家集評〕劉海峯曰中間天子用韓范富三公繼而罷去從史記氣脈得來

張廉卿曰歐公誌銘當以此篇為最古感慨深摯神氣跌宕誦之使人心醉

歐陽永叔梅聖俞墓誌銘

嘉祐五年。京師大疫。四月乙亥。聖俞得疾。臥城東汴陽坊。明日。朝之賢士大夫往問疾者。騶呼屬路不絕。城東之人。市者廢。行者不得往來。咸驚顧相語曰。茲坊所居大人誰邪。何致客之多也。居八日癸未。聖俞卒。於是賢士大夫又走弔哭如前。日益多。而其尤親且舊者。相與聚而謀其後事。自丞相以下。皆有以賻恤其家。粵六月甲申。其孤增載其柩南歸。以明年正月丁丑。葬於宣州陽城鎮雙歸山。聖俞字也。其名堯臣。姓梅氏。宣州宣城人也。自其家世頗能詩。而從父詢以仕顯。至聖俞遂以詩聞。自武夫貴戚童兒野叟。皆能道其名字。雖妄愚人不能知詩義者。直曰此世所貴也。吾能得之。用以自矜。故求者日踵門。而聖俞詩遂行天下。其初喜為清麗閒肆平淡。久則涵演深遠。間亦琢刻以出怪巧。然氣完力餘。益老以勁。其應

於人者多。故辭非一體。至於他文章皆可喜。非如唐諸子號詩人者。僻固而狹陋也。聖俞爲人。仁厚樂易。未嘗忤於物。至其窮愁感憤。有所罵譏笑謔。一發於詩。然用以爲驩。而不怨懟。可謂君子者也。初在河南。王文康公見其文。歎曰。二百年無此作矣。其後大臣屢薦宜在館閣。嘗一召試。賜進士出身。餘輒不報。嘉祐元年。翰林學士趙槩等十餘人。列言於朝曰。梅某經行修明。願得留與國子諸生講論道德。作爲雅頌。以歌詠聖化。乃得國子監直講。三年冬。裕於太廟。御史中丞韓絳言。天子且親祠。當更制樂章。以薦祖考。惟梅某爲宜。亦不報。聖俞初以從父廕補太廟齋郎。歷桐城河南河陽二縣主簿。以德興縣令。知建德縣。又知襄城縣。監湖州鹽稅。簽署忠武鎮安兩軍節度判官。監永濟倉。國子監直講。累官至尙書都官員外郎。嘗奏其所撰唐載二十六卷。多補正舊史闕繆。乃命編修唐書。書成。未奏而卒。享年五十有九。會祖諱遠。祖諱邈。皆不仕。父諱讓。太子中舍致仕。贈職方郎中。母曰仙遊縣太君東氏。又曰清河縣太君張氏。初娶謝氏。封南陽縣君。再娶刁氏。封某縣君。子男五人。曰增。曰墀。曰垌。曰龜兒。一早卒。女二人。長適太廟齋郎薛通。次尙幼。聖俞學長於毛詩。爲小傳二十卷。其文集四十卷。注孫子十三篇。余嘗論其詩曰。世謂詩人少達而多窮。蓋非詩能窮人。殆窮者而後工也。聖俞以爲知言。銘曰。

不戚其窮。不困其鳴。不躓於艱。不履於傾。養其和平。以發厥聲。震越渾錙。衆聽以驚。以揚其清。以播其英。以成其名。以告諸冥。

〔註音〕(懟) 渡內切(裕) 音洽(頤) 音致(錙) 音橫

〔釋義〕
① 謂騶從傳呼也。
② 今安徽宣城縣。
③ 字昌言。翰林侍讀學士。累遷給事中。出知許州卒。
④ 見前張子野墓誌銘釋義。
⑤ 見孫明復先生墓誌銘注釋。
⑥ 合祭也。
⑦ 字子華。開封雍邱人。
⑧ 今江西德興縣。
⑨ 今安徽秋浦縣。
⑩ 今河南襄城縣。
⑪ 即許州。元豐二年。升為潁昌府。治今河南許昌縣。
⑫ 即陳州。宣和初。升為淮寧府。治今河南淮陽縣。
⑬ 今江西永豐縣。

歐陽永叔湖州長史蘇君墓誌銘

故湖州長史蘇君。有賢妻杜氏。自君之喪。布衣蔬食。居數歲。提君之孤子。斂其平生文章。走南京。號泣於其父曰。吾夫屈於生。猶可伸於死。其父太子太師以告於予。予為集次其文而序之。以著君之大節。與其所以屈伸得失。以深誚世之君子當為國家樂育賢材者。且悲君之不幸。其妻卜以嘉祐元年十月某日。葬君於潤州丹徒縣義里鄉檀山里石門村。又號泣於其父曰。吾夫屈於人間。猶可伸於地下。於是杜公及君之子泌。皆以書來乞銘以葬。君諱舜欽。字子美。其上世居蜀。後徙開封。為開封人。自君之祖諱易簡。以文章有名。太宗時。承旨翰林為學士。參知政事。官至禮部侍郎。父諱耆。官至工部郎中。直集賢院。君少以父廕補太廟齋郎。調滎陽尉。非所好也。已而鎖其廳去。舉進士中第。改光祿寺主簿。知蒙城縣。丁父憂。

服除。知長垣縣。遷大理評事。監在京樓店務。君狀貌奇偉。慷慨有大志。少好古。工爲文章。所至皆有善政。官於京師。位雖卑。數上疏論朝廷大事。敢道人之所難言。范文正公薦君。召試得集賢校理。自元昊反。兵出無功。而天下殆於久安。尤困兵事。天子奮然用三四大臣。欲盡革衆弊以紓民。於是時。范文正公與今富丞相^九多所設施。而小人不便。顧人主方信用。思有以撼^{*}動。未得其根。以君文正公之所薦。而宰相杜公壻也。乃以事中君。坐監進奏院祠神。奏用市故紙錢會客。爲自盜除名。君名重天下。所會客皆一時賢俊。悉坐貶逐。然後中君者喜曰。吾一舉網盡之矣。其後三四大臣相繼罷去。天下事卒不復施爲。君攜妻子居蘇州。買木石作滄浪亭^二。日益讀書。大涵肆於六經。而時發其憤懣^{*}於歌詩。至其所激。往往驚絕。又喜行草書。皆可愛。故其雖短章醉墨。落筆爭爲人所傳。天下之士聞其名而慕。見其所傳而喜。往揖其貌而竦。聽其論而驚。以服。久與其居。而不能捨以去也。居數年。復得湖州長史^三。慶曆八年十二月某日。以疾卒於蘇州。享年四十有一。君先娶鄭氏。後娶杜氏。三子。長曰泌。將作監主簿。次曰液。曰激。二女。長適前進士趙紘^{*}。次尙幼。初君得罪時。以奏用錢爲盜。無敢辨其寃者。自君卒後。天子感悟。凡所被逐之臣。復召用。皆顯列於朝。而至今無復爲君言者。宜其欲求伸於地下也。宜予述其得罪以死之詳。而使後世知

其有以也。既又長言以爲之辭。庶幾并寫予之所以哀君者。其辭曰。謂爲無力兮。孰擊而去之。謂爲有力兮。胡不反子之歸。豈彼能兮。此不爲。善百譽而不進兮。一毀終世以顛擠。荒孰問兮。杳難知。嗟子之中兮。有韜而無施。文章發耀兮。星日光輝。雖冥冥以掩恨兮。不昭昭其永垂。

〔註音〕（撼）胡感切（邁）音悶（絃）音宏

〔釋義〕①今江蘇丹徒縣。②在丹徒縣西。③卽杜衍。④蘇氏之先。爲梓州銅山人。⑤字太簡。才思敏贍。太宗時賜進士第一。以文章知名。⑥今河南滎陽縣。⑦今安徽蒙城縣。⑧今河北長垣縣。⑨卽富弼。⑩時杜衍罷知兗州。范仲淹罷知邠州。富弼罷知鄆州。⑪在江蘇吳縣城內。郡學之南。至今爲吳中勝境。⑫官名。漢相國丞相及後漢三公府。各有長史。魏晉以後。王公府及各衛寺並有長史。歷代因之。

歐陽永叔大理寺丞狄君墓誌銘

距長沙縣西三十里新陽鄉梅溪村。有墓曰狄君之墓者。迺余所記穀城孔子廟碑。所謂狄君粟者也。始君居穀城。有善政。嘗已見於余文。及其亡也。其子遵誼泣而請曰。願卒其詳而銘之。以終先君死生之賜。嗚呼。余哀狄君者。其壽止於五十有六。其官止於一卿丞。蓋其生也。以不知於世而止於是。若其歿而又無傳。則後世遂將泯沒。而爲善者何以勸焉。此余之所欲銘也。君字仲莊。世爲長沙人。幼孤事母。鄉里稱其孝。好學自立。年四十。始用其兄斐二*廕補英州真陽三主簿。再調安州應城四尉。能使其縣終君之去無一人爲盜。薦者稱其材任治民。乃遷穀城令。漢旁之民。惟鄧五穀爲富

縣。尚書銓吏。常邀厚賂。以售貪令。故省中私語。以一二數之。借爲奇貨。而
一二邑之民。未嘗得廉吏。其豪猾習以賂^六賄汚令。而爲自恣。至君一切以法
繩之。姦民大吏不便君之政者。往往訴於其上。雖按覆率不能奪君所爲。
其州所下文符有不如理。必輒封還。州吏亦切齒。求君過失不可得。君益
不爲之屈。其後民有訟田而君誤斷者。訴之。君坐被劾。已而縣籍強壯爲
兵。有告訟田之民隱丁以規避者。君笑曰。是嘗訴我者。彼冤民能自伸。此
令之所欲也。吾豈挾此而報以罪耶。因置之不問。縣民由是知君爲愛我。
是歲西北初用兵。州縣既大籍強壯。而訛言相驚。云當驅以備邊。縣民數
萬聚邑中。會秋大雨霖。米踊貴絕粒。君發常平倉賑之。有司劾君擅發倉
廩。君卽具伏。事聞。朝廷亦原之。又爲其民正其稅籍之失。而吏得歲免破
產之患。逾年。政大洽。乃修孔子廟。作禮器。與其邑人春秋釋奠。而興於學。
時余爲乾德令。嘗至其縣。與其民言。皆曰。吾邑不幸。有生而未識廉吏者。
而長老之民所記纔一人。而繼之者。今君也。問其一人者。曰。張及也。推及
之歲。至於君。蓋三十餘年。是謂一世矣。嗚呼。使民更一世。而始得一良令。
吏其可不慎擇乎。君其可不惜其歿乎。其政之善者。可遺而不錄乎。君用
穀城之績。遷大理寺丞。知新州。至則丁母夫人鄭氏憂。服除。赴京師。道病。
卒於宿州。實慶曆五年七月二十四日也。會祖諱崇謙。連州桂陽令。祖諱

文蔚。全州清湘^{一五}令。父諱杞。不仕。君娶滎陽鄭氏。生子男一人。遵誼。遵微。皆舉進士。女四人。長適進士胡純臣。其二尚幼。銘曰。疆而仕。古之道。終中壽。不為夭。善在人。宜有後。銘於石。著不朽。

【註音】(斐)音菲(縣)音求(踊)音勇

【釋義】①今湖北穀城縣。②字輔之。咸平進士。知廣州還。不以南海物自隨。人稱其廉。拜右諫議大夫龍圖閣直學士。歷知陝鄭州河中河南府。死之日。家無餘貲。③今河南正陽縣。④今湖北應城縣。⑤鄧城縣。故城在今湖北襄陽縣東北。⑥以財枉法也。受贓曰賂。⑦言物價驟貴也。⑧漢宣帝時。耿壽昌請於邊郡皆築倉。穀賤時增價而糴。貴時減價而糶。名曰常平倉。唐置常平署。令掌倉糧管輸出納糴糶。凡天下倉廩和糶者。為常平倉。正租為正倉。別稅為義倉。宋明清皆有之。⑨置爵而祭也。⑩今湖北光化縣西。⑪益州人。以學行稱。⑫治今廣東新興縣。⑬治今安徽宿縣。⑭今廣東連縣。⑮今廣西全縣。⑯人生四十曰疆。見《禮記》。

【諸家集評】茅順甫曰逸調

歐陽永叔蔡君山墓誌銘

予友蔡君謨之弟曰君山。為開封府太康^二主簿。時予與君謨皆為館閣校勘。居京師。君山數往來其兄家。見其以縣事決於其府。府尹吳遵路^三素剛好以嚴憚下吏。君山年少位卑。能不懼屈。而得盡其事之詳。吳公獨喜。以君山為能。余始知君山敏於為吏。而未知其他也。明年。君謨南歸。拜其親。夏。京師大疫。君山以疾卒於縣。其妻程氏。一男二女皆幼。縣之人哀其貧。以錢二百千為其賻。程氏泣曰。吾家素以廉為吏。不可以此污吾夫。拒而不受。於是又知君山能以惠愛其縣人。而以廉化其妻妾也。君山間嘗語

余曰。天子以六科策天下士。而學者以記問應對爲事。非古取士之意也。吾獨不然。乃晝夜自苦爲學。及其亡也。君謨發其遺藁。得十數萬言。皆當世之務。其後踰年。天子與大臣講天下利害爲條目。其所改更。於君山之藁十得其五六。於是又知君山果天下之奇才也。君山景祐中舉進士。初爲長谿縣尉。縣媼^{*}二子漁於海而亡。媼指某氏爲仇。告縣捕賊。縣吏難之。皆曰。海有風波。豈知其不水死乎。且雖果爲仇所殺。若屍不得。則於法不可理。君山獨曰。媼色有冤。吾不可不爲理。乃陰察仇家得其迹。與媼約曰。吾與汝宿海上。期十日不得屍。則爲媼受捕賊之責。凡宿七日。海水潮。二屍浮而至。驗之皆殺也。乃捕仇家伏法。民有夫婦偕出。而盜殺其守舍子者。君山亟召里民畢會。環坐而熟視之。指一人曰。此殺人者也。訊之果伏。衆莫知其以何術得也。長谿人至今喜道君山事多如此。曰。前史所載能吏。號如神明。不過此也。自天子與大臣條天下事。而屢下舉吏之法。尤欲官無小大。必得其材。方求天下能吏。而君山死矣。此可爲痛惜者也。君山諱高。享年二十有八。以某年某月某日卒。今年君謨又歸迎其親。自太康取其柩以歸。將以某年某月某日葬於某所。且謂余曰。吾兄弟始去其親而來京師。欲以仕宦爲親榮。今幸還家。吾弟獨以柩歸。甚矣老者之愛其子也。何以塞吾親之悲。子能爲我銘君山乎。乃爲之銘曰。

嗚呼。吾聞仁義之行於天下也。可使父不哭子。老不哭幼。嗟夫君山。不得其壽。父母七十。扶行送柩。退之有言。死孰謂夭。子墓予銘。其傳不朽。庶幾以此慰其父母。

【註音】（嫗）音襖

【釋義】①名襄。詩文清適粹美。皆入妙品。有茶錄。荔枝譜。蔡忠惠集。②今河南太康縣。③丹陽人。字安道。第進士。累官殿中丞。為祕閣校理。後知永興軍卒。路為政簡易。立朝敢言。既沒。室無長物。④六科。賢良方正。能直言極諫。博通墳典。明於教化。才識兼茂。明於體用。詳明政理。可使從政。洞識韜略。運籌決勝。軍謀宏遠。材任邊寄。⑤仁宗年號。⑥今福建霞浦縣。

歐陽永叔集賢院學士劉公墓誌銘

公諱倣。字仲原。父姓劉氏。世為吉州臨江人。自其皇祖以尚書郎有聲太宗時。遂為名家。其後多聞人。至公而益顯。公舉慶曆六年進士。中甲科。以大理評事通判蔡州。丁外艱。服除。召試學士院。遷太子中允。直集賢院。判登聞鼓院。吏部南曹尚書考功。於是夏英公既薨。天子賜諡曰文正。公曰。此吾職也。即上疏言。諡者有司之事也。且竦行不應法。今百司各得守其職。而陛下侵臣官。疏凡三上。天子嘉其守。為更其諡曰文莊。公曰。姑可以止矣。權判三司開拆司。又權度支判官。同修起居注。至和元年九月。召試。遷右正言。知制誥。宦者石全彬以勞遷宮苑使。領觀察使。意不滿。退而有慍言。居三日。正除觀察使。公封還辭頭。不草制。其命遂止。二年八月。奉使

契丹。公素知虜山川道里。虜人道自古北口。迴曲千餘里。至柳河。公問曰。自古松亭。趨柳河。甚直而近。不數日可至中京。何不道彼而道此。蓋虜人常故迂其路。欲以國地險遠誇使者。且謂莫習其山川。不虞公之問也。相與驚顧羞媿。卽吐其實。曰誠如公言。時順州山中有異獸如馬而食虎豹。虜人不識。以問公。曰此所謂駮也。爲言其形狀聲音皆是。虜人益歎服。三年使還。以親嫌求知揚州。歲餘。遷起居舍人。徙知鄆州。兼京東西路安撫使。居數月。召還。糾察在京刑獄。修玉牒。知嘉祐四年貢舉。稱爲得人。是歲天子卜以孟冬禘。旣廷告。丞相用故事。率文武官加上天子尊號。公上書言尊號非吉也。陛下自寶元之郊。止羣臣毋得以請。迨今二十年無所加。天下皆知甚盛德。奈何一旦受虛名而損實美。上曰。我意亦謂當如此。遂不允羣臣請。而禮官前裕請祔郭皇后於廟。自孝章以下四后在別廟者。請毋合食。事下議。議者紛然。公之議曰。春秋之義。不薨於寢。不稱夫人。而郭氏以廢薨。按景祐之詔。許復其號而不許其諡與祔。謂宜如詔書。又曰。禮於裕。未毀廟之主皆合食。而無帝后之限。且祖宗以來用之。傳曰。祭從先祖。宜如故。於是皆如公言。公旣驟屈廷臣之議。議者已多仄目。旣而又論呂溱過輕而責重。與臺諫異。由是言事者亟攻之。公知不容於時矣。會永興闕守。因自請行。卽拜翰林侍讀學士。充永興軍路安撫使。兼知永興

軍府事。長安多富人右族。豪猾難治。猶習故都時態。公方發大姓范偉事。一九獄未具而公召。由是獄屢變。連年吏不能決。至其事聞。制取以付御史臺。乃決。而卒如公所發也。公爲三州。皆有善政。在揚州。奪發運使冒占雷塘。二〇田數百頃予民。民至今以爲德。其治鄆永興。皆承旱歉。所至必雨雪。蝗輒飛去。歲用豐稔。流亡來歸。令行民信。盜賊禁止。至路不拾遺。公於學博。自六經百氏古今傳紀。下至天文地理卜醫術數浮屠老莊之說。無所不通。其爲文章尤敏贍。嘗直紫微閣。一日追封皇子公主九人。公方將下直。爲之立馬卻坐。一揮九制數千言。文辭典雅。各得其體。公知制誥七年。當以次遷翰林學士者數矣。久而不遷。及居永興歲餘。遂以疾聞。八年八月。召還。判三班院太常寺。公在朝廷。遇事多所建明。如古渭州。三一可棄。孟陽河不可開。樞密使狄青。三二宜罷以保全之之類。皆其語在。士大夫間者。若其規切人主。直言逆耳。至於從容進見。開導聰明。賢否人物。其事不聞於外廷者。其補益尤多。故雖不合於世。而特被人主之知。方嘉祐中。嫉者衆而攻之急。其雖危而得。無害者。仁宗深察其忠也。及侍英宗講讀。不專章句解詁。而指事據經。因以諷諫。每見聽納。故尤奇其材。已而復得驚眩疾。告滿百日。求便郡。上曰。如劉某者。豈易得也。復賜以告。上每宴見諸學士。時時問公少間否。賜以新橙五十。勞其良苦。疾少間。復求外補。上悵然許之。出知

衛州^{二三}未行。徙汝州^{二四}治平三年。召還。以疾不能朝。改集賢院學士。判南京留
司御史臺。熙寧元年四月八日。卒於官舍。享年五十。嗚呼。以先帝之知公。
使其不病。其所以用之者。豈一翰林學士而止哉。方公以論事忤於時也。
又有構爲謗語以怒時相者^{二五}。及歸自雍。丞相韓公。方欲還公學士。未及而
公病。遂止於此。豈非其命也夫。公累官至給事中。階朝散大夫。勳上輕車
都尉。爵開國彭城公。邑戶二千一百。實食者二百。會祖諱璵^{二六}。贈大理評事。
祖諱式^{二六}。尚書工部員外郎。贈戶部尚書。考諱立之。尚書主客郎中。贈工部
尚書。公再娶倫氏。皆侍御史程之女。前夫人先公早卒。後夫人以公貴。累
封河南郡君。子男四人。長定國。郊社掌座。早卒。次奉世^{二七}。大理寺丞。次當時。
大理評事。次安上。太常寺太祝。女三人。長適大理評事韓宗直。二尚幼。公
既卒。天子推恩。錄其兩孫望^{二八}。旦^{二八*}。一族子安世。皆試將作監主簿。公爲人磊
落明白。推誠自信。不爲防慮。至其屢見侵害。皆置而不較。亦不介於胸中。
居家不問有無。喜調宗族。既卒。家無餘財。與其弟^{二八*}。友愛尤篤。有文集六
十卷。其爲春秋之說。曰傳。曰權衡。曰說例。曰文權。曰意林。合四十一卷。又
有七經小傳五卷。弟子記五卷。而七經小傳。今盛行於學者。二年十月辛
酉。其弟^{二九}。與其子奉世等。葬公於祥符^{二九}縣魏陵鄉。祔於先墓。以來請銘。乃
爲之銘曰。

嗚呼。惟仲原父。學彊而博。識敏而明。坦其無疑。一以誠。見利如畏。義必爭。觸機履險。危不傾。畜大不施。奪其齡。惟其文章。燦日星。雖欲有毀。知莫能。維古聖賢。皆後亨。有如不信。考斯銘。

【註音】(權)完耕切(璣)音典(攸)音班

【釋義】①治今江西清江縣。②宋太宗興國時。進士分三甲。登進士第者。曰甲科。③治今河南上蔡縣。④名竦。字子喬。江州德安人。封英國公。與王欽若。丁謂。相朋比。當時並稱為姦邪。⑤字長卿。真定人。⑥今河北密雲縣東北一百二十里。亦曰虎北口。長城要口也。⑦今蒙古布爾哈圖河。⑧即松亭關。在今河北遵化縣北。⑨今熱河平泉赤峯朝陽等縣地。⑩亦曰燕州。治今河北順義縣。⑪猛獸名。形似馬。身黑。二尾。一角。虎爪牙。鳴聲如鼓。能食虎豹。⑫治今江蘇江都縣。⑬治今山東東平縣。⑭皇家之譜系。⑮見四十四卷范文正公神道碑銘注。⑯側目而視也。⑰揚州人。字濟叔。徙成德軍。都轉運使李參。劾其借官麴作酒。以私貨貿易。及受餽贖事。下大理議。濤實未嘗受。而外廷謂濤有死罪。帝但貶秩知和州。御史以為未抵罪。分司南京。⑱領長安等縣十三。治今陝西長安縣。⑲偉為姦利。數犯法。儆窮治其事。⑳漢時曰雷陂。在江蘇江都縣北。宋以後煙廢。㉑在甘肅平涼縣西。㉒西河人。字漢臣。善騎射。起行伍。為樞密使。每出入。小民輒聚觀。至壅馬足不得行。儆因請出之。㉓治今河南汲縣。㉔治今河南臨汝縣。㉕指奸臣陳執中。㉖字叔度。㉗字仲馮。㉘字貢父。㉙今河南開封縣。

歐陽永叔翰林侍讀學士給事中梅公墓誌銘

翰林侍讀學士給事中梅公既卒之明年。其孤及其兄之子堯臣。來請銘以葬。曰。吾叔父病且亟矣。猶臥而使我誦子之文。今其葬。宜得子銘以藏。公之名在人耳目五十餘年。前卒一歲。予始拜公於許。公雖衰且病。其言談詞氣。尚足動人。嗟予不及見其壯也。然嘗聞長老道公咸平景德之初。一遇真宗。言天下事合意。遂以人主為知己。當時搢紳之士。望之若不可

及已而擯斥流離四十年間。白首翰林。卒老一州。嗟夫。士果能自爲材邪。惟世用不用爾。故予記公終始。至於咸平景德之際。尤爲詳焉。良以悲其志也。公諱詢。字昌言。世家宣城^三。年二十六。進士及第。試校書郎。利豐監判官。遷將作監丞。知杭州仁和縣。又遷著作佐郎。舉御史臺推勘官。時亦未之奇也。咸平三年。與考進士於崇政殿。真宗過殿廬中。一見以爲奇材。召試中書。直集賢院。賜緋衣銀魚。是時契丹數寇河北。李繼遷^五急攻靈州^六。天子新卽位。銳於爲治。公乃上書。請以朔方授潘羅支^七。使自攻取。是謂以蠻夷攻蠻夷。真宗然其言。問誰可使羅支者。公自請行。天子惜之。不欲使蹈兵間。公曰。苟活靈州而罷西兵。何惜一梅詢。天子壯其言。因遣使羅支。未至而靈州沒於賊。召還。遷太常丞。三司戶部判官。數訪時事。於是履言西^八北事。時邊將皆守境不能出師。公請大臣臨邊督戰。募遊兵擊賊。論曹瑋^九馬知節^九才可用。又論傅潛^{一〇}楊瓊^{一一}敗績當誅。而田紹斌^{一二}王榮^{一三}等可責其效以贖過。凡數十事。其言甚壯。天子益器其材。數欲以知制誥^{一四}宰相^{一五}有言不可者乃已。其後繼遷卒爲潘羅支所困。而朝廷以兩鎮授德明^{一五}。德明頓首謝罪。河西平。天子亦再幸瀘淵^{一六}。盟契丹。而河北之兵解。天下無事矣。公既見疎不用。初坐斷田訟失實。通判杭州。徙知蘇州。又徙兩浙轉運使。還判三司開拆司。遷太常博士。用封禪恩。遷祠部員外郎。又坐事出知濠州^{一七}以刑

部員外郎。爲荆湖北路轉運使。坐擅給驛馬與人奔喪而馬死。奪一官。通判襄州。徙知鄂州。又徙蘇州。天禧元年。復爲刑部員外郎。陝西轉運使。靈州棄已久。公與秦州曹瑋得胡蘆河路。可出兵。無沙行之阻。而能徑趨靈州。遂請瑋居環慶。以圖出師。會瑋入爲宣徽使。不克而止。遷工部郎中。坐朱能反。貶懷州團練副使。再貶池州。天聖元年。拜度支員外郎。知廣德軍。徙知楚州。遷兵部員外郎。知壽州。又知陝府。六年。復直集賢院。又遷工部郎中。改直昭文館。知荆南府。召爲龍圖閣待制。糾察在京刑獄。判流內銓。改龍圖閣直學士。知并州。未行。遷兵部郎中。樞密直學士。以往。就遷右諫議大夫。入知通進銀臺司。復判流內銓。改翰林侍讀學士。羣牧使。遷給事中。知審官院。以疾出知許州。康定二年六月某日。卒於官。公好學有文。尤喜爲詩。爲人嚴毅修潔。而材辨敏明。少能慷慨見奇真宗。自初召試。感激言事。自以爲君臣之遇。已而失職逾二十年。始復直於集賢。比登侍從。而門生故吏。曩時所考進士。或至宰相。居大官。故其視時人。常以先生長者自處。論事尤多發憤。其在許昌。繼遷之孫。復以河西叛。朝廷出師西方。而公已老。不復言兵矣。享年七十有八以終。梅氏遠出梅伯世久而譜不明。公之皇曾祖諱超。皇祖諱遠。皆不仕。父諱邈。贈刑部侍郎。夫人劉氏。彭城縣君。子五人。長曰鼎臣。官至殿中丞。次曰寶臣。皆先公卒。次曰得臣。太子

中舍。次日輔臣。前將作監丞。次日清臣。大理評事。公之卒。天子贈賻優恤。加得臣殿中丞。清臣衛尉寺丞。明年八月某日。葬公宣州之某鄉某原。銘曰。

士之所難。有蘊無時。偉歟梅公。人主之知。勇無不敢。惟義之爲。困於翼飛。中垂以斂。一失其塗。進退而坎。理不終窮。既晚而通。惟其壽考。福祿之隆。

【註音】(瑋)羽鬼切(斌)音彬

【釋義】①治今河南許昌縣。②皆真宗年號。③今安徽宣城縣。④在今江蘇南通縣南。⑤西夏之主。⑥治今寧夏靈武縣。⑦西涼府六谷蕃帥。⑧曹彬之子。字寶臣。真定靈壽人。偉喜讀書。通春秋三傳。沈勇有謀。用士得其死力。將兵四十年。未嘗失利。⑨全義子。字子元。幽州薊人。屢敗契丹。⑩冀州衡水人。性懦。畏契丹不敢戰。後流虜州。會赦。起爲汝州團練副使。遷判左金吾街仗卒。⑪汾州西河人。以遇敵逗遛。流長厓州。⑫汾州人。立功太祖太宗朝。⑬定州人。然寇所劫。喪師。流均州。⑭指李沆言其險薄望輕也。⑮繼遷之子。繼遷攻西蕃。敗死。德明嗣。歸款於宋。⑯卽瀘州。⑰治今安徽鳳陽縣。⑱治今湖北襄陽縣。⑲治今湖北武昌縣。⑳治今甘肅天水縣。㉑卽蔚茹川。源出甘肅固原縣。㉒州名。治今甘肅環縣。㉓州名。治今甘肅慶陽縣。㉔天禧四年八月。永興軍都巡檢使朱能叛。詢與給事中朱翼坐不察。謫官。㉕卽今河南沁陽縣治。㉖治今安徽貴池縣。㉗皆仁宗年號。㉘今安徽廣德縣。㉙今江蘇淮安縣治。㉚治今安徽壽縣。㉛今河南陝縣。㉜今湖北江陵縣。㉝治今山西陽曲縣。㉞卽元昊。㉟商紂時諸侯。忠直而數諫紂。紂怒殺之。羶醢其身。

【諸家集評】張廉卿曰此文尤近史公聲響節奏無一不合

歐陽永叔尙書都官員外郎歐陽公墓誌銘

公諱曄。字日華。於檢校工部尙書諱託。彭城縣君劉氏之室。爲曾孫。武昌縣令諱柳。蘭陵夫人蕭氏之室。爲孫。贈太僕少卿諱偃。追封潘原縣太君。

李氏之室。爲第三子。於修爲叔父。修不幸幼孤。依於叔父而長焉。嘗奉太夫人之教曰。爾欲識爾父乎。視爾叔父。其狀貌起居言笑。皆爾父也。修雖幼。已能知太夫人言爲悲。而叔父之爲親也。歐陽氏世家江南。僞唐李氏時。爲廬陵大族。李氏亡。先君昆弟同時而仕者四人。獨先君早世。其後三人皆登於朝以歿。公咸平三年舉進士甲科。歷南雄州判官。隨闔二州推官。江陵府掌書記。拜太子中允。太常丞博士。尙書屯田都官二員外郎。享年七十有九。最後終於家。以慶曆四年三月十日。葬於安州應城縣高風鄉彭樂村。於其葬也。其素所養兄之子修。泣而書曰。嗚呼。叔父之亡。吾先君之昆弟無復在者矣。其長養教育之恩。既不可報。而至於狀貌起居言笑之可思慕者。皆不得而見焉矣。惟勉而紀吾叔父之可傳於世者。庶以盡修之志焉。公以太子中允。監興國軍鹽酒稅。太常丞。知漢州。雒縣^九博士。知端州。桂陽監。屯田員外郎。知黃州。遷都官。知永州。皆有能政。坐舉人奪官。復以屯田通判歙州^{二三}。以本官分司西京^{二三}。託家於隨。復遷都官於家。遂致仕。景祐四年四月九日卒。公爲人嚴明方質。尤以廉潔自持。自爲布衣。非其義不輒受人之遺。少而所與親舊。後或甚貴。終身不造其門。其蒞官臨事。長於決斷。初爲隨州推官。治獄之難決者三十六。大洪山^四奇峯寺聚僧數百人。轉運使疑其積物多而僧爲奸利。命公往籍之。僧以白金千兩餽

公公笑曰。吾安用此。然汝能聽我言乎。今歲大凶。汝有積穀六七萬石。能盡以輸官而賑民。則吾不籍汝。僧喜曰諾。饑民賴以全活。陳堯咨一五以豪貴自驕。官屬莫敢仰視。在江陵用私錢。詐爲官市黃金。府吏持帖。強僚佐署。公呵吏曰。官市金。當有文符。獨不肯署。堯咨雖憚而止。然調轉運使出公。不使居府中。鄂州崇陽一六。素號難治。乃徙公治之。至則決滯獄百餘事。縣民王明與其同母兄李通。爭產累歲。明不能自理。至貧爲人賃*一七*。公折之一言。通則具伏。盡取其產。鉅萬歸於明。通退而無怨言。桂陽民有爭舟而相毆至死者。獄久不決。公自臨其獄。出囚坐庭中。去其桎*一八*。而飲食之。食訖。悉勞*而還於獄。獨留一人於庭。留者色動惶顧。公曰。殺人者汝也。囚不知所以然。公曰。吾視食者皆以右手持一八*。而汝獨以左。今死者傷在右肋。此汝殺之明也。囚卽涕泣曰。我殺也。不敢以累他人。公之臨事明辨。有古良吏決獄之術多如此。所居人皆愛思之。公娶范氏。封福昌縣君。子男四人。長曰宗顏。次曰宗閔。其二早亡。女一人。適張氏。亦早亡。銘曰。公之明足以決於事。愛足以思於人。仁足以施其族。清足以潔其身。而銘之以此。足以遺其子孫。

【註音】(嘩)域輒切(柳)丑林切(闐)音浪(維)音洛(歛)音攝(賃)乃禁切(春)書容切(桎)音質(桎)音谷(勞)去聲(匕)音比

【釋義】●李昇受吳禪。稱帝金陵。國號唐。禪代後。志在守吳舊地。無復經營之略。然吳亦賴以休息。在位七

年卒。①治今廣東南雄縣。②州名。治今湖北隨縣。③州名。治今四川閬中縣。④今湖北江陵縣。⑤今湖北應城縣。⑥即太平鄉。在應城縣西。⑦見上黃夢升墓誌銘注釋。⑧今四川廣漢縣。⑨治今廣東高要縣。⑩今湖南桂陽縣。⑪治今安徽歙縣。⑫即洛陽。⑬一名鄭山。在隨縣西南一百二十里。山高險。上有田疇。中襟大湖。廣圓一百餘里。⑭瀆水出於其陰。⑮閬州縣人。字嘉謨。性暴而豪侈。屢仆屢起。卒贈太尉。諡康肅。⑯今湖北崇陽縣。⑰為米工也。⑱即匕首。凶器也。似劍而短。

歐陽永叔尚書職方郎中分司南京歐陽公墓誌銘

公諱穎。字孝叔。咸平三年舉進士中第。初任峽州軍事判官。有能名。即州拜秘書省著作佐郎。知建寧縣。未半歲。峽路轉運使薛顏巡部至萬州。逐其守之不治者。以謂繼不治。非尤善治者不能。因奏自建寧縣往代之。以治聞。由萬州相次九領州。而治之一再至曰鄂州。一辭不行。初彭州以母夫人老。不果行。最後嘉州。以老告不行。實治七州。州大者繁廣。小者俗惡而奸。皆世指為難治者。其尤甚曰歙州。民習律令。性喜訟。家家自為簿書。凡聞人之陰私。毫髮坐起語言日時皆記之。有訟則取以證。其視入狴牢。就桎梏。猶冠帶偃箕恬如也。盜有殺其民董氏於市。三年捕不獲。府君至。則得之以抵法。又富家有盜夜入啓其藏者。有司百計捕之甚急。且又大購之。皆不獲。有司苦之。公曰。勿捕與購。獨召富家二子。械付獄鞫之。州之吏民皆曰。是素良子也。大怪之。更疑互諫。公堅不回。鞫愈急。二子服。然吏民猶疑其不勝而自誣。及取其所盜某物於某所皆是。然後謹曰。公神明

也。其治尤難者若是。其易可知也。公剛果有氣。外嚴內明。不可犯。以是施於政。亦以是持其身。初皇考侍郎爲許田令。時丁晉公尙少。客其縣。皇考識之曰。貴人也。使與之遊。待之極厚。及公佐峽州。晉公薦之。遂拜著作。其後晉公居大位用事。天下之士。往往因而登榮顯。而公屏不與之接。故其仕也。自著作佐郎。祕書丞。太常博士。尙書屯田都官職方三員外郎郎中。皆以歲月考課次第。陞知萬峽鄂歙彭鄂閬饒嘉州。皆所當得。及晉公敗。士多不免。惟公不及。明道二年。以老乞分司。有田荆南。遂歸焉。以景祐元年正月二十六日。終於家。年七十有三。祖諱某。贈某官。皇妣李氏。贈某縣君。夫人會氏。某縣君。先亡。公平生彊力少疾病。居家忽晨起。作遺戒數紙。以示其嗣子景昱。曰。吾將終矣。後三日乃終。而嗣子景昱能守其家如其戒。歐氏出於禹。禹之後有越王句踐。句踐之後有無疆者。爲楚威王所滅。無疆之子皆受楚封。封之烏程歐陽亭者。爲歐陽氏。漢世有仕爲涿郡守者。子孫遂北。有居冀州之渤海。有居青州之千乘。而歐陽仕漢世爲博士。所謂歐陽尙書者也。渤海之歐陽。有仕晉者曰建。所謂渤海赫赫。歐陽堅石者也。建遇趙王倫之亂。其兄子質南奔長沙。自質十二世生詢。詢生通。仕於唐。皆爲長沙之歐陽。而猶以渤海爲封。通又三世而生琮。琮爲吉州刺史。子孫家焉。自琮八世生萬。萬生雅。雅生高祖諱效。高祖生會祖諱託。

會祖生皇祖武昌令諱柳。皇祖生公之父。贈戶部侍郎諱倣。皆家吉州。又為吉州之歐陽。及公遂遷荆南。且葬焉。又為荆南之歐陽。嗚呼。公於修叔父也。銘其叔父。宜於其世尤詳。銘曰。壽孰與之。七十而老。祿則自取。於取猶少。扶身以方。亦以從公。不變其初。以及其終。

〔註音〕(雅)音篋(贊)音責(昱)音毓(琮)音宗

〔釋義〕①治今湖北宜昌縣。②今福建建寧縣。③字彥回。河中萬泉人。歷河東陝西轉運使。仁宗時遷給事中。④治今四川萬縣。⑤治今四川彭縣。⑥治今四川樂山縣。⑦治今安徽歙縣。⑧拘罪人處。⑨臥席也。⑩安也。⑪今河南許昌縣。⑫名謂。字謂之。後更名公言。仁宗時好相。⑬治今四川閬中縣。⑭州名。治今江西鄱陽縣。⑮見前。⑯越王。句踐之六世孫。⑰名熊商。宣王之子。⑱烏程。在今浙江吳興縣。亭在縣東昇山之南。昇山一名歐餘山。亦名歐亭山。無疆之子蹄。封於歐餘山之陽。為歐陽亭侯。子孫因以為氏。⑲治今河北涿縣。⑳今河北滄縣。㉑今山東高苑縣北。有千乘故城。㉒歐陽生。字和伯。千乘人。事伏生受尚書。世世相傳。至曾孫高。為博士。高孫地餘。以太子中庶子授太子。後為博士。論石渠。元帝高孫地餘。裔孫欽復以傳業顯名。由是尚書世有歐陽氏學。㉓字堅石。渤海人。石崇甥。辟公府。歷山陽令尚書郎馮翊太守。與趙王倫有隙。孫秀譖之。被誅。年三十。㉔晉武帝子。八王之亂。字信本。潭州臨湘人。仕隋。為太常博士。唐高祖即位。累擢給事中。貞觀初。歷太子率更令。弘文館學士。封渤海男。詢善書。因會為率更令。故名其體曰率更體。㉕少孤。母徐教以父書。累遷殿中監。封渤海子。天授初。轉司禮卿。判納言事。輔政月餘。忤諸武意。下獄死。通亦善書。與詢齊名。時號小歐陽。㉖治今江西吉安縣。

〔諸家集評〕張廉卿曰此篇從退之出

歐陽永叔南陽縣君謝氏墓誌銘

慶曆四年秋。予友宛陵梅聖俞。來自吳興。出其哭內之詩而悲。曰。吾妻謝氏亡矣。丐我以銘而葬焉。予諾之。未暇作。居一歲中。書七八至。未嘗不以

謝氏銘爲言。且曰。吾妻故太子賓客諱濤之女。希深之妹也。希深父子爲時聞人。而世顯榮。謝氏生於盛族。年二十以歸吾。凡十七年而卒。卒之夕。斂以嫁時之衣。甚矣吾貧可知也。然謝氏怡然處之。治其家有常法。其飲食器皿。雖不及豐侈。而必精以旨。其衣無故新。而澣濯縫紉。必潔以完。所至官舍。雖卑陋。而庭宇灑掃。必肅以嚴。其平居語言容止。必從容以和。吾窮於世久矣。其出而幸與賢士大夫遊而樂。入則見吾妻之怡怡而忘其憂。使吾不以富貴貧賤累其心者。抑吾妻之助也。吾嘗與士大夫語。謝氏多從戶屏間竊聽之。閒則盡能商榷其人才。能賢否。及時事之得失。皆有條理。吾官吳興。或自外醉而歸。必問曰。今日孰與飲而樂乎。聞其賢者也。則悅。否則歎曰。君所交皆一時賢雋。豈其屈已下之邪。惟以道德焉。故合者尤寡。今與是人飲而歡耶。是歲南方旱。仰見飛蝗而歎曰。今西兵未解。天下重困。盜賊暴起於江淮。而天旱且蝗如此。我爲婦人。死而得君葬。我幸矣。其所以能安居貧而不困者。其性識明而知道理多此類。嗚呼。其生也。迫吾之貧。而沒也。又無以厚焉。謂惟文字可以著其不朽。且其平生尤知文章爲可貴。歿而得此。庶幾以慰其魂。且塞予悲。此吾所以請銘於子之勤也。若此。予忍不銘。夫人享年三十七。用夫恩封南陽縣君。二男一女。以其年七月七日。卒於高郵。梅氏世葬宛陵。以貧不能歸也。某年某月某

日。葬於潤州之某鄉某原。銘曰。

高崖斷谷兮。京口之原。山蒼水深兮。土厚而堅。居之可樂兮。卜者曰然。骨肉歸土兮。魂氣升天。何必故鄉兮。然後為安。

〔註音〕（初）音人

〔釋義〕①今安徽宣城縣。②慶曆四年。聖俞監湖州鹽稅。吳興。今浙江吳興縣。③浙江富陽人。以文學稱。進士起家。累官至太子賓客。④名絳。為人修潔醜藉。以文學知名。所至大興學舍。好施宗族。喜賓客。累官至兵部員外郎。卒之日。家無餘資。有文集。⑤稻之害蟲。有赤腳黃腳二種。⑥今江蘇高郵縣。⑦即丹徒。

歐陽永叔北海郡君王氏墓誌銘

太常丞致仕吳君之夫人。曰北海郡君王氏。維州北海人也。皇考諱汀。舉明經不中。後為本州助教。夫人年二十三。歸於吳氏。天聖元年六月二日。以疾卒。享年三十有七。夫人為人。孝順儉勤。自其幼時。凡於女事。其保傅皆曰。教而不勞。組紉織紵^三。其諸女皆曰。巧莫可及其歸於吳氏也。其母曰。自吾女適人。吾之內事無所助。而吳氏之姑曰。自吾得此婦。吾之內事不失時。及其卒也。太常君曰。舉吾里中有賢女者。莫如王氏。於是娶其女弟。以為繼室。而今夫人戒其家曰。凡吾吳氏之內事。惟吾女兄之法。是守。至今而不敢失。夫人有賢子曰奎。字長文。初舉明經。為殿中丞。後舉賢良方正直言極諫。今為翰林學士。尚書兵部員外郎。知制誥。夫人初用子恩。追封福昌縣君。其後長文貴顯。以夫人為請。天子曰。近臣吾所寵也。有請其

可不從。乃特追封夫人。爲北海郡君。長文號泣頓首曰。臣奎不幸。竊享厚祿。不得及其母。而天子寵臣以此。俾以報其親。臣奎其何以報。當是時。朝廷之士大夫。吳氏之鄉黨鄰里。皆咨嗟歎息曰。吳氏有子矣。嘉祐四年冬。長文請告於朝。將以明年正月丁酉。葬夫人於鄆州之魚山^五。以書來乞銘。夫人生三男。曰奎。奄胃。今夫人生一男。曰參。女三人。孫男女九人。曾孫女二人。銘曰。
奎顯矣。奄早亡。胃與參。仕方強。以一子。榮一鄉。生雖不及。罔有光。孫曾多有後愈昌。

【註音】(維)音惟(紉)音旬(紉)音壬

【釋義】①今山東濰縣。②謂明於經術也。唐制六科取士。一秀才。二明經。三進士。四明法。五書。六算。當時以詩賦取者。謂之進士。以經義取者。謂之明經。③組紉俱爲條。薄闊爲組。似繩爲紉。紉亦織也。④今河南宜陽縣。⑤在今山東東阿縣西。卽吾山是也。

卷四十七 碑誌類下編七

王介甫虞部郎中贈衛尉卿李公神道碑

嘉祐八年六月某甲子。制曰。朕初卽位。大賚羣臣。陞朝者及其父母。具官某。父具官某。率德蹈義。不躬榮祿。能教厥子。並爲才臣。加賜名命。序諸卿位。所以勸天下之爲人父者。豈特以慰孝子之心哉。可特贈衛尉卿。翌日某甲子。中書下其書告第。又副其書賜寬等以待墓焚。寬等受書。焚其副墓上。乃撰次衛尉官世行治始卒。來請曰。先人賴天子慶施。賜之官三品矣。而墓碑未刻。惟德善可以有辭於後世者。夫子實聞知。某曰然。衛尉公墓隧宜得銘久矣。於是爲序而銘焉。序曰。

公姓李氏。故隴西人。七世祖諱某。始遷於光山。五世祖諱某。以其郡人王閩從之。始爲建安人。會祖諱某。祖諱某。皆不仕。考諱某。嘗仕江南李氏。稍顯矣。江南國除。又舉進士。中等。以殿中丞致仕。有學行。名能知人。贈其父大理評事而已。亦以子貴。贈至吏部尙書。遊豫章。樂其湖山。曰。吾必終於此。於是又始爲豫章人。尙書之子。伯曰虛已。官至尙書工部侍郎。以才能聞天下。其季則公也。公諱某。字公濟。少篤學。讀書兼晝夜不息。一以進士舉。不中。卽以兄蔭。爲郊社齋郎。再選福州閩清。洪州靖安縣尉。有能名。遷

饒州餘干縣令。至則毀淫祠。取其材以爲孔子廟。率縣人之秀者興於學。豪宗大姓。斂手不敢犯法。州將部使者。奏乞與京官。移之劇縣。不報。而坐不覺獄卒殺人以免。當是時。侍郎方以分司就第。公曰。吾兄老矣。我得朝夕從之遊。以灑掃先人廬冢。尙何求而仕。遂止不復言仕。侍郎之卒也。天子以公試祕書省校書郎。知江州德安縣事。辭不就。後嘗一至京師。大臣交口勸說。欲官之。終以其不可強也。而晏元獻公爲公請。乃除太子洗馬致仕。初尙書未老。棄其官以歸。至侍郎及公之退也。亦皆未老。自尙書至公。再世皆有子。而皆以嚴治其家如吏治。江西士大夫。慕其世德。稱其家法。蓋近世士多外自藩飾二爲聲名。而內實罕能治其家。及老。往往顧利冒恥。不知休息。公獨父子兄弟能如此。嗚呼。其可謂賢於人也已。公事親孝。比遭大喪。廬墓六年然後已。事兄與其寡姊。衣食藥物。必躬親之。及公老矣。二子就養。如公之爲子弟也。寬嘗爲江浙等路提點鑄錢坑冶。又嘗提點江南西路刑獄。定亦再爲洪州官。不去左右者十二年。皆以才能爲世聞人。以恩遷公官至尙書虞部郎中。階戶部侍郎。勳至護軍。以嘉祐四年七月某甲子。卒於豫章之第室。年八十九。夫人長壽縣君趙氏。先公卒八年。旣葬矣。五年某月某甲子。以公葬於夫人之墓左。曰雷岡。在新建縣之桃花鄉新里。夫人故衢州人。某官湘一六之一七女。湘有文行。尙書與爲友。故爲公

娶其女。子二人。寬、定、實。實守祕書省正字。早世。於公之葬也。寬為尙書司
 勳員外郎。定為尙書庫部員外郎。女子二人。已嫁。孫二十有一人。曾孫十
 有五人。皆率公教。無違者。公既葬。而二子以恩。贈公衛尉卿云。銘曰。
 李世大家。隴西其先。於唐之季。再世光山。移遯於閩。嶺海之間。乃生尙書。
 節行有偉。始來江南。考室章水。繩繩二子。隱顯兼榮。孰多厚祿。其季維卿。
 幼壯躬孝。惟君之踐。能不盡用。止於一縣。退以德義。釐身於家。外內肅雝。
 人不疵嗟。亦有二子。維天子使。父曰往矣。致而臣身。子曰歸哉。以寧吾親。
 以率其婦。左右恂恂。以官就侍。天子之仁。既具祉福。考終大耄。追榮於幽。
 乃賜卿號。伐石西山。作為螭龜營之墓上。勒此銘詩。

〔註音〕 (隴)音遂 (藩)同翻 (螭)音癡

〔釋義〕 ①地道也。②今甘肅隴西縣。③今河南光山縣。④今福建建甌縣。⑤郡名。今江西南昌縣。⑥字公受。
 ⑦今福建閩清縣。⑧今江西靖安縣。⑨今江西餘干縣。⑩今江西德安縣。⑪見四十四卷范文正神道碑銘釋義。
 ⑫猶掩飾也。⑬不知羞恥也。⑭治今江西南昌縣。⑮今江西新建縣。⑯治今浙江衢縣。⑰字叔靈。衢州西安人。抃
 祖。淳化進士。嘗官廬江尉。著有南陽集。詩風骨蒼秀。古文掃除排俗。⑱考。成也。⑲即江西贛江之西源也。⑳不絕
 貌。㉑和悅貌。㉒人生八十九日。耄。㉓所以負碑者。㉔刻也。

王介甫廣西轉運使孫君墓碑

君少學問勤苦。寄食浮屠山中。步行借書數百里。升樓誦之。而去其階。蓋
 數年而具衆經。後遂博極天下之書。屬文操筆布紙。謂為方思。而數百千

言已就。以天聖五年。同學究出身。補滁州來安縣主簿。洪州右司理。再舉進士甲科。遷大理寺丞。知常州晉陵縣。移知潯州。潯當是時。人未趨學。乃改作廟學。召吏民子弟之秀者。親爲據案講說。誘勸以文藝。居未幾。旁州士皆來學。學者由此遂多。以選通判耀州。兵士有訟財而不直者。安撫使以爲直。君爭之不得。乃奏決於大理。大理以君所爭爲是。而用君議。編於敕。慶曆二年。擢爲監察御史裏行。於是彈奏狄武襄公不當沮敗劉滬水洛城事。又因日食言陰盛。以後宮爲戒。仁宗大獵於城南。衛士不及整而歸。以夜。明日將復出。有雉隕於殿中。君奏疏。卽是夜有詔止獵。蠻唐和寇湖南。以君安撫。奏事有所不合。因自劾。乃知復州。又通判金州。知漢陽軍。吉州稍遷至尙書都官員外郎。提點江南西路刑獄。有言常平歲凶。當稍貴其粟以利糴本者。詔從之。君言此非常平本意也。詔又從之。儂智高反。君卽出兵二千於嶺。以助英韶。會除廣西轉運使。馳至所部。而智高方煽天子出大臣。部諸將兵數萬擊之。君驅散亡殘敗之吏民。轉芻米於惶擾卒急之間。又以餘力督守吏。治城塹。修器械。屬州多完。而師飽以有功。君勞居多。以勞。遷尙書司封員外郎。初。君請斬大將之北者。發騎軍以討賊。及後賊所以破滅。皆如君計策。軍罷而人重困。方恃君綏撫。君乘險阻。冒瘴毒。經理出入。起居無時。以嘉祐二年二月七日。卒於治所。年五十六。官

至尙書工部郎中。散官至朝奉郎。勳至上輕車都尉。君所爲州。整齊其大體。闊略其細故。與賓客談說。弘歌飲酒。往往終日。而能聽用佐屬。盡其力。事以不廢。在御史言事。計曲直利害如何。不顧望大臣。以此無助。所爲文。自少及終。以類集之。至百卷。天德地業人事之治。掇拾貫穿。無所不言。而詩爲多。君諱抗。字和叔。姓孫氏。得姓於衛。得望於富春。其在黟縣。自君之高祖。棄廣陵。以避孫儒之亂。至君曾大父諱師睦。以善治生致富。歲饑。賤出米穀。以斗升付糴者。得驩心於鄉里。大父諱旦。始盡棄其產。而能招士以教子。父諱遂良。當終時。君始十餘歲。後以君故。贈尙書職方員外郎。君初娶張氏。又娶吳氏。又娶舒氏。封太康縣君。五男子。適邈。迪。适。邁。適嘗從予遊。年十四。論議著書。足以驚人。終永州軍事推官。邈今潞州上黨縣令。亦好學能文。狀君行以求銘者。邈也。君之卒也。天子以适試祕書省校書郎。二女子。一嫁太廟齋郎李簡夫。一嫁進士鄭安平。以其卒之年十二月二十五日。葬黟縣懷遠鄉上林村。歎之爲州。在山嶺澗谷崎嶇之中。自去五代之亂百年。名士大夫。亦往往而出。然不能多也。黟尤僻陋。中州能人賢士之所罕至。君孤童子。徒步宦學。終以就立。爲朝廷顯用。論次終始。作爲銘詩。豈特以顯孫氏而慰其子孫。乃亦以貽其鄉里。銘曰。在仁宗世。蠻跳不制。餽師牧民。實有膚使。踐艱乘危。條變畫奇。瘳毒旣除。

膏熨以治方遷既隕哀暨山夷維此膚使文優以任祿則不殖其書滿笥書藏於家銘在墓前以告黜人孫氏之阡

【註音】(煽)音扇(灑)七豔切(夥)音伊(歛)音攝(瘞)音標(駁)音鬱

【釋義】①梯也。②宋制殿試貢士明經中有學究一科其應學究一經科者即謂之學究。③今來安縣屬安徽。④治今江西南昌縣。⑤今江蘇武進縣。⑥治今廣西桂平縣。⑦向學也。⑧治今陝西耀縣。⑨掌刑之官。⑩即狄青。⑪桂陽監蠻獠後降補為峒主。⑫治今湖北沔陽縣。⑬治今甘肅榆中縣。⑭今湖北漢陽縣。⑮治今江西吉安縣。⑯倉名見四十六卷狄君墓誌銘。⑰見四十五卷丁君墓表釋義。⑱二州名。⑲治今廣東英德縣。⑳詔治今廣東曲江縣。㉑孫氏出自姬姓衛康叔八世孫武公和生公子惠孫惠孫生耳為衛上卿食采於戚生武仲乙以王父字為氏見《唐書宰相世系表》。㉒富春今浙江富陽縣。㉓今安徽黟縣。㉔今江蘇江都縣。㉕河南人唐僖宗文德元年孫儒破揚州賄結朱全忠全忠授儒淮南節度使後為楊行密所攻軍潰被殺。㉖治今湖南零陵縣。㉗今山西長治縣。㉘大也。

【諸家集評】茅鹿門曰歐陽公誌表序事多得太史公逸調荆公獨自出機軸多巉畫曲折之言其尤長者往往於序事中一面點綴著色雋永遠出令人覽之如走駿馬於千山萬壑中層巒疊嶂應接不暇敘事中之劍戟也

王介甫寶文閣待制常公墓表

右正言寶文閣待制特贈右諫議大夫汝陰常公以熙寧十年二月己酉卒以五月壬申葬臨川王某誌其墓曰公學不期言也正其行而已行不期聞也信其義而已所不取也可使貪者矜焉而非彫斲以為廉所不為也可使弱者立焉而非矯抗以為勇官之而不事召之而不赴或曰必退者也終此而已矣及為今天子所體則出而應焉於是天子悅其至虛已

而問焉。使莅諫職以觀其迪已也。使董學政以觀其造士也。公所言乎上者無傳。然皆知其忠而不阿。所施乎下者無助。然皆見其正而不苟。詩曰。胡不萬年。惜乎既病而歸死也。自周道隱。觀學者所取舍。大抵時所好也。違俗而適已。獨行而特起。嗚呼。公賢遠矣。傳載公久。莫如以石。石可磨也。亦可泐也。謂公且朽。不可得也。

【註音】（信）同伸（彫）通雕（泐）音勒

【釋義】①今安徽阜陽縣。②宋神宗年號。③莅臨也。④啓也。⑤石因其脈理而解散之。

【諸家集評】姚氏曰秩爲諫臣無所獻替荆公以所親厚爲之飾詞然文特峻而曲

吳至父曰愈排偶愈古勁獨公文爲然

王介甫處士征君墓表


淮之南有善士三人。皆居於真州之揚子。杜君者。寓於豎無貧富貴賤。請之輒往。與之財。非義。輒謝而不受。時時窮空。幾不能以自存。而未嘗有不足之色。蓋善言性命之理。而其心曠然無累於物。而予嘗與之語。久之而不厭也。徐君。忠信篤實。遇人至謹。雖疾病。召筮。不正衣巾。不見。寓於筮。日得百數十錢。則止。不更筮也。能爲詩。亦好屬文。有集若干卷。兩人者。以豎筮。故多爲賢士大夫所知。而征君獨不聞於世。征君者。諱某。字某。事其母。夫人至孝。居鄉里。恂恂恭謹。樂振人之窮急。而未嘗與人校曲直。好蓄書。能爲詩。有子五人。而教其三人爲進士。某今爲某官。某今爲某官。某亦再

貢於鄉。征君與兩人者相爲友。至驩而莫逆也。兩人者皆先征君以死。而征君以某年某月某甲子終於家。年七十七。噫。古者一鄉之善士。必有以貴於一鄉。一國之善士。必有以貴於一國。此道亡也久矣。余獨私愛夫三人者。而樂爲好事者道之。而征君之子又以請。於是書以遺之。使之鑲諸墓上。杜君諱嬰。字太和。徐君諱仲堅。字某。

【註音】(鑲)同醫(鑲)岑巖切

【釋義】①今江蘇儀徵縣。②和悅貌。③同心相契也。友之最知己者。稱逆交。④刻也。

【諸家集評】劉海峯曰以善醫善筮爲人所知。慨征君之無聞。而同爲一鄉之善士。故誌征君而並及二人。



卷四十八

碑誌類下編八

王介甫給事中孔公墓誌銘

宋故朝請大夫。給事中。知鄆州軍州事。兼管內河堤。勸農同羣牧使。上護軍。魯郡開國侯。食邑一千六百戶。實封二百戶。賜紫金魚袋。孔公者。尚書工部侍郎。贈尚書吏部侍郎。諱勗之子。兗州曲阜縣令。襲封文宣公。贈兵部尚書。諱仁玉之孫。兗州泗水縣主簿。諱光嗣之曾孫。而孔子之四十五世孫也。其仕當今天子天聖寶元之間。以剛毅諒直。名聞天下。嘗知諫院矣。上書請明肅太后歸政天子。而廷奏樞密使曹利用。上御藥羅崇勳罪狀。當是時。崇勳操權利。與士大夫爲市。而利用悍強不遜。內外憚之。嘗爲御史中丞矣。皇后郭氏廢。引諫官御史伏閣以爭。又求見上。皆不許。而固爭之。得罪然後已。蓋公事君之大節如此。此其所以名聞天下。而士大夫多以公不終於大位。爲天下惜者也。公諱道輔。字厚濟。初以進士釋褐。補寧州軍事推官。年少耳。然斷獄議事。已能使老吏憚驚。遂遷大理寺丞。知兗州僊源縣事。又有能名。其後嘗直史館。待制龍圖閣。判三司理欠。憑由司。登聞檢院。吏部流內銓。糾察在京刑獄。知許徐兗鄆泰五州。留守南京。而兗鄆御史中丞皆再至。所至官治。數以爭職不阿。或絀或遷。而公持一

節以終身。蓋未嘗自絀也。其在兗州也。近臣有獻詩百篇者。執政請除龍圖閣直學士。上曰。是詩雖多。不如孔某一言。乃以公爲龍圖閣直學士。於是人度公爲上所思。且不久於外矣。未幾果復召以爲中丞。而宰相使人說公稍折節以待遷。公乃告以不能。於是又度公且不得久居中。而公果出。初。開封府吏馮士元一四坐獄。語連大臣數人。故移其獄御史。御史劾士元罪。止於杖。又多更赦。公見上。上固怪士元以小吏與大臣交私。汙朝廷。而所坐如此。而執政又以謂公一五爲大臣道地。故出知鄆州。公以寶元二年如鄆。道得疾。以十二月壬申。卒於滑州之韋城驛一六。享年五十四。其後詔追復郭皇后位號。而近臣有爲上言公明肅太后時事者。上亦記公平生所爲。故特贈公尙書工部侍郎。公夫人金城郡君尙氏。尙書都官員外郎諱賓之。女生二男子。曰洵。今爲尙書屯田員外郎。曰宗翰一七。今爲太常博士。皆有行治世其家。累贈公金紫光祿大夫尙書兵部侍郎。而以嘉祐七年十月壬寅。葬公孔子墓之西南百步。公廉於財。樂振施。遇故人子。恩厚尤篤。而尤不好鬼神機祥事。在寧州。道士治真武像一八。有蛇穿其前。數出近人。人傳以爲神。州將欲視驗以聞。故率其屬往拜之。而蛇果出。公卽舉笏擊蛇殺之。自州將以下皆大驚。已而又皆大服。公由此始知名。然余觀公數處朝廷大議。視禍福無所擇。其智勇有過人者。勝一蛇之妖。何足道哉。世多以

此稱公者。故余亦不得而略也。銘曰。
展也。孔公。惟志之求。行有險夷。不改其軌。權強所忌。讒諂所讐。考終厥位。
寵祿優優。維皇好直。是錫公休。序行納銘。為識諸幽。

【註音】（機）音機（輔）知優切音丹（識）同誌

【釋義】①仁宗年號。②信也。③真宗后劉氏。④字用之。趙州寧晉人。章獻后臨朝。中人貴戚軒輊為禍。福後
貶房州安置。自經死。⑤閹人。得罪太后。利用詬斥之。崇勳由是懷恨。⑥道輔率諫官孫祖德范仲淹等十人。詣垂
拱殿伏奏。謂皇后天下之母。不當輕議。絀廢。願賜對。盡所言。上不以為然。於是黜道輔知泰州。⑦今甘肅寧縣。
縣即今山東曲阜縣。⑧州名。今河南許昌縣。⑨州名。今江蘇銅山縣。⑩州名。今山東滋陽縣。⑪州名。在今山東鄆
城縣東十六里。⑫州名。今江蘇泰縣。⑬馮士元。江西新昌人。字廷對。萬曆中由貢生授靖安縣訓導。遷河南府教
授。⑭指道輔受詔鞠馮士元獄。事連參知政事程琳。宰相張士遜素惡琳。而疾道輔不附己。將逐之。察帝有不悅
琳意。即謂道輔。帝怒。以道輔朋黨大臣。出知鄆州。⑮在今河南滑縣東南。⑯字周翰。官至刑部侍郎。⑰福祥也。
北方之神。⑱誠也。⑲車轅也。

【諸家集評】茅順甫曰荆公第一首誌銘須看他頓挫紆徐往往序事中伏議論風神蕭颯處又曰於序事
中一點綴而風韻煥發若順江流而看兩岸之山古人所謂應接不暇

方望溪曰北宋人誌銘歐公而外惟介甫為知體要此尤長篇中最著稱者其鉤勒摹畫處學史記而風神不
逮造語質健學韓文而深古不逮於是益歎子長退之之於文乃天授也
吳至父曰筆筆騰踊句句逆折故峭勁百倍

王介甫太子太傅田公墓誌銘

田氏故京兆人。後遷信都。晉亂。公皇祖太傅入於契丹。景德初。契丹寇瀘。
州。略得數百人。以屬皇考太師。太師哀憐之。悉縱去。因自脫歸中國。天子
以為廷臣。積官至太子率府率。以終。為人沈悍篤實。不苟為笑語。生八男。

子多知名。而公爲長子。公少卓犖有大志。好讀書。書未嘗去手。無所不讀。蓋亦無所不記。其爲文章。得紙筆立成。而閱博辨麗稱天下。初舉進士。賜同學究出身。不就。後數年。遂中甲科。補江寧府觀察推官。以母英國太夫人喪罷去。除喪。補楚州團練判官。用舉者監轉般倉。遷祕書省著作佐郎。又對賢良方正策爲第一。遷太常丞。通判江寧府。數上書言事。召還。將以爲諫官。方是時。趙元昊反。夏英公范文正公經略陝西。言臣等才力薄。使事恐不能獨辦。請得田某自佐。以公爲其判官。直集賢院。參都總管軍事。自眞宗弭兵。至是且四十年。諸老將盡死。爲吏者不知兵法。師數陷敗。士民震恐。二公隨事鎮撫。其爲世所善。多公計策。大將有欲悉數路兵出擊賊者。朝廷許之矣。公極言其不可。乃止。又言所以治邊者十四事。多聽用。還爲右正言。判三司理欠憑由司。權修起居注。遂知制誥。判國子監。於是陝西用兵未已。人大困。以公副今宰相樞密副使韓公宣撫。自宣撫歸。判三班院。而河北告兵食闕。又以公往視。而保州兵士殺通判。閉城爲亂。又以公爲龍圖閣直學士。知成德軍。眞定府定州安撫使。往執殺之。論功。遷起居舍人。又移秦鳳路都總管經略安撫使。知秦州。遭太師喪。辭起復者久之。上使中貴人手敕趣公。公不得已。則乞歸葬。然後起。既葬。託邊事求見上曰。陛下以孝治天下。方邊鄙無事。朝廷不爲無人。而區區犬馬之心。

尙不得自從。臣卽死。知不瞑矣。因泣然泣數行下。上視其貌甚瘠。又聞其
言悲之。乃聽終喪。蓋卽臣得終喪自公始。服除。以樞密直學士爲涇原路
兵馬都總管。經略安撫使知渭州。一四遂自尙書禮部郎中。遷右諫議大夫。知
成都府。一五充蜀梓利夔路兵馬鈐轄。西南夷侵邊。公嚴兵憚之。而誘以恩信。
卽皆稽顙。蜀自王均李順再亂。遂號爲易動。往者得便宜決事。而多擅殺
以爲威。至雖小罪。猶并妻子遷出之蜀。流離顛頓。有以故死者。公拊循教
誨。兒女子畜其人。至有甚惡。然後繩以法。蜀人愛公以繼張忠定。一六而謂公
所斷治。爲未嘗有誤。歲大凶。寬賦減徭。發廩以救之。而無餓者。事聞。賜書
獎諭。遷給事中。以守御史中丞。充理檢使。召焉。未至。以爲樞密直學士。權
二三司使。旣而又以爲龍圖閣學士。翰林學士。又遷尙書禮部侍郎。正其使
號。自景德會計。至公始復鈎考財賦。盡知其出入。於是入多景德矣。歲所
出。乃或多於入。公以爲厚斂疾費如此。不可以持久。然欲有所掃除變更。
興起法度。使百姓得完其蓄積。而縣官亦以有餘。在上與執政所爲。而主
計者不能獨任也。故爲皇祐會計錄上之。論其故。冀以寤上。上固恃公欲
以爲大臣。居頃之。遂以爲樞密副使。又以檢校太傅充樞密使。公自常選
數年。遂任事於時。及在樞密。爲之使。又超其正。天下皆以爲宜。顧尙有恨
公得之晚者。公行內修。於諸弟尤篤。爲人寬厚長者。與人語款款若恐不

得當其意。至其有所守。人亦不能移也。自江寧歸。宰相私使人招之。公謝不往。及爲諫官。於小事近功。有所不言。獨常從容爲上言爲治大方而已。范文正公等。皆士大夫所望以爲公卿。而其位未副。公得聞。輒爲上言之。故文正公等。未幾皆見用。當是時。上數以天下事責大臣。慨然欲有所爲。蓋其志多自公發。公所設施。事趣可。功期成。因能任善。不必已出。不爲獨行異言。以峙聲名。故功利之在人者多。而事迹可記者止於如此。嘉祐三年十二月。暴得疾。不能興。上聞悼駭。敕中貴人太醫問視。疾加損。輒以聞。公卽辭謝求去位。奏至十四五。猶不許。而公求之不已。乃以爲尙書右丞。觀文殿學士。翰林侍讀學士。提舉景靈宮事。而公求去位終不已。於是遂以太子少傅致仕。致仕凡五年。疾遂篤。以八年二月乙酉。薨於第。享年五十九。號推誠保德功臣。階特進。勳上柱國。爵開國京兆郡公。食邑三千五百戶。實封八百戶。詔贈公太子太傅。而賻賜之甚厚。公諱況。字元均。皇曾祖諱祐。贈太保。皇祖諱行周。贈太傅。皇考諱延昭。贈太師。妻富氏。封永嘉郡夫人。今宰相河南公之女弟也。無男子。以弟之子至安爲主後。女子一人。尙幼。田氏自太師始占其家開封。而葬陽翟。故今以公從太師葬陽翟之二三封鄉西吳里。於是公弟右贊善大夫洵來曰。卜葬公。利四月甲午。請所以誌其壙者。蓋公自佐江寧以至守蜀。在所輒興學。數親臨之以進諸

生。某少也與公弟游。而公所進以為可教者也。知公為審。銘曰。田室於姜。卒如龜祥。後其孫子。曠不世史。於宋繼顯。自公攸始。奮其華粦。配實之美。乃發帝業。深宏卓煒。乃與佐時。宰鈺調膈。文馴武克。內外隨施。亦有厚仕。孰無眾毀。公獨使彼。若榮豫已。維昔皇考。敢於活人。傳祉在公。不集其身。公又多譽。公宜難老。胡此殆疾。不終壽考。掩詩於幽。為告永久。

〔註音〕(壇)音禪(趣)同促(膊)音附(煒)羽鬼切(鈺)如甚切(膈)音而

〔釋義〕①唐京兆府。今陝西長安縣。②故城在今河北冀縣東北。③開運二年。遼入寇。晉遣杜威禦之。威降。遼執出帝而去。④真宗景德元年。遼攻瀘州。瀘州。今河北濮陽縣。⑤有官無職司。⑥今江蘇江寧縣。⑦今江蘇淮安縣。⑧趙元昊即李彝霄。宋賜姓趙氏。性雄毅多大略。不甘臣宋。據河內外列郡二十二。宋將任福往征之。大敗。元昊亦傷亡過半。因乞和。封為夏國主。⑨名竦。⑩保州雲翼軍殺州吏叛。保州。今河北清苑縣。⑪真定府。今河北正定縣。⑫今河北定縣。⑬今甘肅天水縣。⑭今甘肅平涼縣。⑮今四川成都縣。⑯名詠。字復之。濮州鄆城人。太宗時。出知益州。時李順構亂。民多脅從。詠諭以朝廷恩信。使各歸田里。人民有謀訴者。詠立為判決。人皆厭服。⑰今河南禹縣。⑱〔左莊〕陳公子完奔齊。齊侯使為工正。初。懿氏卜妻敬仲。其妻占之曰吉。是為鳳凰于飛。和鳴麟。有鳩之後。將育于姜。五世其昌。並于正卿。八世之後。莫之與京。及陳之初亡也。陳桓子始大於齊。其後亡也。成子得政。⑲草木花垂貌。⑳感赤也。㉑熟也。

〔諸家集評〕劉海峯曰直序作一氣奔瀉之勢中有提掇起伏故情事屈曲而氣勢直達

王介甫荆湖北路轉運判官尚書屯田郎中劉君墓誌銘 并序

治平元年五月六日。荆湖北路轉運判官尚書屯田郎中劉君。年五十四。以官卒。三年。卜十月某日。葬真州揚子縣蜀岡。而子洙以武寧章望之狀。來求銘。噫。余故人也。為序而銘焉。序曰。君諱牧。字先之。其先杭州臨安縣。

人。君會大父諱彥琛。爲吳越王將有功。刺衢州。葬西安。於是劉氏又爲西
安人。當太宗時。嘗求諸有功於吳越者錄其後。而君大父諱仁祚。辭以疾。
及君父諱知禮。又不仕。而鄉人稱爲君子。後以君故。贈官至尙書職方郎
中。君少則明敏。年十六。求舉進士不中。曰。有司豈枉我哉。乃多買書。閉戶
治之。及再舉。遂爲舉首。起家饒州軍事推官。與州將爭公事。爲所擠。幾不
免。及後將范文正公至。君大喜曰。此君師也。遂以爲師。文正公亦數稱君。
勉以學。君論議仁恕。急人之窮。於財物無所顧計。凡以慕文正公故也。弋
陽富人。爲客所誣。將抵死。君得實。以告文正公。未甚信。然以君故。使吏雜
治之。居數日。富人得不死。文正公由此愈知君。任以事。歲終。將舉京官。君
以讓其同官有親而老者。文正公爲嘆息許之。曰。君不可以不成君之善。
及文正公安撫河東。乃始舉君可治劇。於是君爲兗州觀察推官。又學春
秋於孫復。與石介爲友。州旱蝗。奏便宜十餘事。其一事請通登萊鹽商。至
今以爲賴。改大理寺丞。知大名府館陶縣。中貴人隨契丹使往來多擾縣。
君視遇有理。人吏以無所苦。先是多盜。君用其黨推逐。有發輒得。後遂無
爲盜者。詔集強壯刺其手爲義勇。多惶怖。不知所爲。欲走。君諭以詔意。爲
言利害。皆就刺。欣然曰。劉君不吾欺也。留守稱其能。雖府事。往往咨君計
策。用舉者通判廣信軍。以親老不行。通判建州。當是時。今河陽宰相富公。

以樞密副使使河北。奏君掌機宜文字。保州兵士爲亂一六。富公謂君撫視。君自長垣一七乘驛至其城下。以三日。會富公罷出。君乃之建州。方并屬縣諸里。均其徭役。人大喜。而遭職方君喪以去。通判青州一八。又以母夫人喪罷。又通判廬州。朝廷弛茶權。以君使江西。議均其稅。蓋期年而後反。客曰。平生聞君敏而敢爲。今濡滯若此。何故也。君笑曰。是固君之所能易也。而我則不能。且是役也。朝廷豈以爲他。亦曰愛人而已。今不深知其利害。而苟簡以成之。君雖以吾爲敏。而人必有不勝其弊者。及奏事皆聽。人果便之。除廣南西路轉運判官。於是修險阨。募丁壯。以減戍卒。徙倉便輸。考攝官功次。絕其行賕一九。居二年。凡利害無所不興廢。乃移荆湖北路。至踰月卒。家貧無以爲喪。自棺槨諸物。皆荆南士人爲具。君娶江氏。生五男二女。男曰洙。沂汶。爲進士。洙以君故。試將作監主簿。餘尙幼。初君爲范富二〇。二公所知。一時士大夫爭譽其才。君亦慨然自以當得意。已而迍二一。遭流落。抑沒於庸人之中。幾老矣。乃稍出爲世用。若將有以爲也。而旣死。此愛君者所爲恨惜。然士之赫赫爲世所願者。可睹矣。以君始終得喪相除。亦何負彼之有哉。銘曰。

嗟乎劉君。宜壽而顯。何畜之久。而施之淺。雖或止之。亦或使之。惟其有命。故止於斯。

【註音】(詠)音求(純)通屯(遭)音旃

【釋義】①英宗年號。②在江都縣西北四里。③今江西武寧縣。④望之。字表民。建州浦城人。⑤今浙江臨安縣。⑥宋衢州治西安。即今浙江衢縣。⑦今江西鄱陽縣。⑧今江西弋陽縣。⑨均見卷四十六本人墓誌。⑩登州。今山東蓬萊縣。⑪萊州。今山東掖縣。⑫漢置。城西北七里有陶丘。又曰陶山。趙置館於丘側。漢因以縣名。清屬山東東昌府。民國初屬山東東臨道。⑬即威勇軍。在今河北徐水縣西。⑭今福建建甌縣。⑮見上篇注。⑯今河北長垣縣。⑰今山東益都縣。⑱今安徽合肥縣。⑲得財枉法也。⑳難行不進貌。

王介甫泰州海陵縣主簿許君墓誌銘

君諱平。字秉之。姓許氏。余嘗譜其世家。所謂今泰州海陵縣主簿者也。君既與兄元相友。愛稱天下。而自少卓犖。不羈。善辨說。與其兄俱以智略爲當世大人所器。寶元時。朝廷開方略之選。以招天下異能之士。而陝西大帥范文正公鄭文肅公^四爭以君所爲書以薦。於是得召試爲太廟齋郎。已而選泰州海陵縣主簿。貴人多薦君有大才。可試以事。不宜棄之州縣。君亦常慨然自許。欲有所爲。然終不得一用其智能以卒。噫。其可哀也已。士固有離世異俗。獨行其意。罵譏笑侮。困辱而不悔。彼皆無衆人之求。而有所待於後世者也。其齟齬^{*五*}固宜。若夫智謀功名之士。窺時俯仰。以赴勢物之會。而輒不遇者。乃亦不可勝數。辨足以移萬物。而窮於用說之時。謀足以奪三軍。而辱於右武之國。此又何說哉。嗟乎。彼有所待而不悔者。其知之矣。君年五十九。以嘉祐某年某月某甲子。葬真州之揚子縣甘露鄉某

所之原。夫人李氏。子男瓌。不仕。璋。真州司戶參軍。琦。太廟齋郎。琳。進士。女子五人。已嫁二人。進士周奉先。泰州泰興。令陶舜元。銘曰。有拔而起之。莫擠而止之。嗚呼許君而已於斯。誰或使之。

〔註音〕(齟齬)音咀語(瓌)姑回切

〔釋義〕①今江蘇泰縣。②字子春。慶曆中。擢江淮制置發運判官。③卓犖。超絕也。④名戩。字天休。蘇州吳縣人。⑤意見不合也。⑥右武言尚武也。⑦今江蘇儀徵縣。⑧今江蘇泰興縣。

〔諸家集評〕一方望溪曰墓誌之有議論必於敘事纓帶而出之此篇及王深甫誌則全用議論以絕無仕迹可紀家庭庸行又不足列也然終屬變體後人不可倣倣

劉海峯曰以議論行序事而感歎深摯跌蕩昭明荆公此等誌文最可愛

姚氏曰按宋史許元傳元固趨勢之士平蓋亦非君子故介甫語含譏刺

吳至父曰張廉卿初見會文正公公朗誦此篇聲之抑揚詘折足以發文之指趣廉卿言下大悟自此研討王文筆端日益精進

王介甫王深甫墓誌銘

吾友深父。書足以致其言。言足以遂其志。志欲以聖人之道爲己任。蓋非至於命弗止也。故不爲小廉曲謹。以投衆人耳目。而取舍進退去就。必度於仁義。世皆稱其學問文章行治。然真知其人者不多。而多見謂迂闊。不足趣時合變。嗟乎。是乃所以爲深父也。令深父而有以合乎彼。則必無以同乎此矣。嘗獨以謂天之生夫人也。殆將以壽考成其材。使有待而後顯。以施澤於天下。或者誘其言以明先王之道。覺後世之民。嗚呼。孰以爲道不任於天。德不酬於人。而今死矣。甚哉聖人君子之難知也。以孟軻之聖。

而弟子所願止於管仲晏嬰。況餘人乎。至於揚雄。尤當世之所賤簡。其爲門人者。一侯芭而已。芭稱雄書以爲勝周易。易不可勝也。芭尙不爲知雄者。而人皆曰。古之人生無所遇合。至其沒久而後世莫不知。若軻雄者。其沒皆過千歲。讀其書。知其意者甚少。則後世所謂知者。未必真也。夫此兩人以老而終。幸能著書。書具在。然尙如此。嗟乎深父。其智雖能知軻。其於爲雄。雖幾可以無悔。然其志未就。其書未具。而旣早死。豈特無所遇於今。又將無所傳於後。天之生夫人也。而命之如此。蓋非余所能知也。深父諱回。本河南王氏。其後自光州之固始。遷福州之侯官。爲侯官人者三世。曾祖諱某。某官。祖諱某。某官。考諱某。尙書兵部員外郎。兵部葬潁州之汝陰。故今爲汝陰人。深父嘗以進士補亳州衛真縣主簿。歲餘自免去。有勸之仕者。輒辭以養母。其卒以治平二年七月二十八日。年四十三。於是朝廷用薦者。以爲某軍節度推官。知陳州南頓縣事。書下而深父死矣。夫人會氏。先若干日卒。子男一人某。女二人。皆尙幼。諸弟以某年某月某日。葬深父某縣某鄉某里。以會氏祔。銘曰。

嗚呼深父。維德之仔。肩以迪祖武。厥艱荒遐。力必踐取。莫吾知庸。亦莫吾侮。神則尙反。歸形此土。

【註音】(芭)音巴(仔)音子

【釋義】①「孟子」公孫丑問曰。夫子當路於齊。管仲晏子之功。可復許乎。孟子曰。子誠齊人也。知管仲晏子而已矣。②鉅鹿人。師揚雄。受其太玄法言。③今河南固始縣。④今福建閩侯縣。⑤今安徽阜陽縣。⑥今河南鹿邑縣。⑦故城在今河南項城縣北。⑧猶言責任也。⑨進也。蹈也。

【諸家集評】吳至父曰。究極筆勢。跌宕自喜。

王介甫建安章君墓誌銘

君諱友直。姓章氏。少則卓越。自放不羈。不肯求選舉。然有高節大度。過人之材。其族人郇公爲宰相。欲奏而官之。非其好不就也。自江淮之上。海嶺之間。以至京師。無不游。將相大人豪傑之士。以至閭巷庸人小子。皆與之交際。未嘗有所忤。莫不得其歡心。卒然以是非利害加之。而莫能見其喜愠。視其心。若不知富貴貧賤之可以擇而取也。頽然而已矣。昔列禦寇莊周。當文武末世。哀天下之士。沈於得喪。陷於毀譽。離性命之情。而自託於人僞。以爭須臾之欲。故其所稱述。多所謂天之君子。若君者。似之矣。君讀書通大指。尤善相人。然諱其術。不多爲人道之。知音樂書畫弈棋。皆以知名於一時。皇祐中。近臣言君文章善篆。有旨召試。君辭焉。於是太學篆石經。又言君善篆。與李斯陽冰相上下。又召君。君卽往。經成。除試將作監主簿。不就也。嘉祐七年十一月甲子。以疾卒於京師。年五十七。娶辛氏。生二男。存孺爲進士。五女子。其長嫁常州晉陵縣主簿侍其璫。早卒。璫又娶其中女。次適蘇州吳縣黃元。二人未嫁。君家建安者五世。其先則豫章人也。

君會祖考諱某。仕江南李氏。爲建州軍事推官。祖考諱某。皇著作佐郎。贈工部尙書。考諱某。京兆府節度判官。君以某年某月某甲子。葬潤州丹陽縣金山之東園。銘曰。

弗績弗雕。弗歧以爲高。俯以狎於野。仰以游於朝。中則有實。視銘其昭。

【註音】(郇)音恂(卒)同粹(愾)音醜(冰)音凝(璫)音受(績)胡對切

【釋義】●章得象。字希言。封郇國公。●戰國鄭人。學本黃老。著列子。●戰國時人。學宗老子。著書十餘萬言。

●相秦始皇。變倉頡籀文爲小篆。●姓李。字少溫。唐趙郡人。善篆書。時謂之筆虎。●今江蘇吳縣。●今福建建甌縣。●郡名。今江西南昌縣。●治建安。●見上田公墓誌銘註一。●在丹徒縣西北。又名伏牛山。●與繪同。綵繪也。

●與企同。舉踵也。

【諸家集評】茅鹿門曰跌宕

劉海峯曰其來如春水之驟至故佳

張廉卿曰意格從史遷淮南王安傳首及韓退之鄭羣墓銘中段融化而出

王介甫孔處士墓誌銘

先生諱旼。字寧極。睦州桐廬縣尉諱詢之曾孫。贈國子博士諱延滔之孫。尙書都官員外郎諱昭亮之子。自都官而上至孔子。四十五世。先生嘗欲舉進士。已而悔曰。吾豈有不得已於此邪。遂居於汝州之龍興山。而上葬其親於汝。汝人爭訟之。不可平者。不聽有司。而聽先生之一言。不羞犯有司之刑。而以不得於先生爲恥。慶曆七年。詔求天下行義之士。而守臣以先生應詔。於是朝廷賜之米帛。又敕州縣除其雜賦。嘉祐三年。近臣多言

先生有道德可用。而執政度以爲不肯屈。除守祕書省校書郎致仕。四年。近臣又多以爲言。乃召以爲國子監直講。先生辭。乃除守光祿寺丞致仕。五年。大臣有請先生爲其屬縣者。於是天子以知汝州龍興縣事。先生又辭。未聽。而六月某日。先生終於家。年六十七。大臣有爲之請命者。乃特贈太常丞。至七年月日。弟嘯^{*}葬先生於堯山^五都官之兆。而以夫人李氏^六附李氏故大理評事昌符之女。生一女。嫁爲士人妻。而先物故。先生事父母至孝。居喪如禮。遇人恂恂^七。雖僕奴不忍以辭氣加焉。衣食與田桑有餘。輒以^八賙其鄉里。貸而後不能償者。未嘗問也。未嘗疑人。人亦以故不忍欺之。而世之傳先生者多異。學士大夫有知而能言者。蓋先生孝弟忠信。無求於世。足以使其鄉人畏服之如此。而先生未嘗爲異也。先生博學。尤喜易。未嘗著書。獨大衍^九一篇傳於世。考其行治。非有得於內。其孰能致此耶。當漢之東徙。高守節之士。而亦以故成俗。故當世處士之聞。獨多於後世。乃至於今。知名爲賢而處者。蓋亦無有幾人。豈世之所不尙。遂湮沒而無聞。抑士之趨操。亦有待於世耶。若先生固不爲有待於世。而卓然自見於時。豈非所謂豪傑之士者哉。其可銘也已。銘曰。

有入而不出。以身易物。有往而不反。以私其佚。嗚呼先生。好潔而無尤。匪佚之爲私。惟志之求。

【註音】(咬)眉貧切(曉)音偉(調)音周

【釋義】①即嚴州。今之浙江建德縣。②今浙江桐廬縣。舊屬睦州。③今河南臨汝縣。④在今河南寶豐縣。東南四十里。⑤在河南伊陽縣西南。⑥附葬也。⑦忠誠貌。⑧給也。贈也。⑨言操著之法。

【諸家集評】劉海峯曰洗發處士高行言簡潔而意深至後段議論尤深造

王介甫臨川王君墓誌銘

孔子論天子諸侯卿大夫士庶人之孝。固有等矣。至其以事親爲始。而能竭吾才。則自聖人至於士。其可以無憾焉一也。余叔父諱師錫。字某。少孤。則致孝於其母。憂悲愉樂。不主於己。以其母而已。學於他州。凡被服飲食玩好之物。苟可以愜吾母而力能有之者。皆聚以歸。雖甚勞窘。終不廢。豐其母以及其昆弟姊妹。不敢愛其力之所能及。約其身以及其妻子。不敢慊其意之所欲爲。其外行。則自鄉黨鄰里。及其嘗所與遊之人。莫不得其歡心。其不幸而蚤死也。則莫不爲之悲傷歎息。夫其所以事親能如此。雖有不至。其亦可以無憾矣。自庠序聘舉之法壞。而國論不及乎閨門之隱。士之務本者。常詘於浮華淺薄之材。故余叔父之卒。年三十七。數以進士試於有司。而猶不得祿賜以寬一日之養焉。而世之論士也。以苟難爲賢。而余叔父之孝。又未有以過古之中制也。以故世之稱其行者亦少焉。蓋以叔父自爲。則由外至者。吾無意於其間可也。自君子之在。勢者觀之。使爲善者不得職。而無以成名。則中材何以勉焉。悲夫。叔父娶朱氏。子男

一人某。女子一人。皆尙幼。其葬也。以至和四年。祔於真州某縣某鄉銅山之原。皇考諫議公之兆。爲銘。銘曰。天孰爲之。窮孰爲之。爲吾能爲。已矣無悲。

〔註音〕(慊)音歉

〔釋義〕①滿意也。②心不足也。③鄉學名。殷曰序。周曰庠。④仁宗年號。⑤在今江蘇儀徵縣西北。宋屬真州揚子縣。

〔諸家集評〕茅鹿門曰。曾王墓誌數以議論行敘事之文。而王爲甚多。鑿思刻畫。處然非史漢法矣。

王介甫兵部員外郎馬君墓誌銘

馬君諱遵。字仲塗。世家饒州之樂平。舉進士。自禮部至於廷。書其等皆第一。守祕書省校書郎。知洪州之奉新縣。移知康州。當是時。天子更置大臣。欲有所爲。求才能之士。以察諸路。而君自大理寺丞。除太子中允。福建路轉運判官。以憂不赴。憂除。知開封縣。爲江淮荆湖兩浙制置發運判官。於是君爲太常博士。朝廷方尊寵其使事。以監六路。乃以君爲監察御史。又以爲殿中侍御史。遂爲副使。已而還之臺。以爲言事御史。至則彈宰相之爲不法者。宰相用此罷。而君亦以此出。知宣州。至宣州。一日。移京東路轉運使。又還臺。爲右司諫。知諫院。又爲尙書禮部員外郎。兼侍御史。知雜事。同判流內銓。數言時政。多聽用。始君讀書。卽以文辭辯麗稱天下。及出仕。所至號爲辦治。論議條鬯。人反覆之而不能窮。平居頽然。若與人無所諧。

及遇事有所建。則必得其所守。開封常以權豪請託不可治。客至有所請。君輒善遇之。無所拒。客退視其事。一斷以法。居久之。人知君之不可以私屬也。縣遂無事。及爲諫官御史。又能如此。於是士大夫歎曰。馬君之智。蓋能時其柔剛。以有爲也。嘉祐二年。君以疾求罷職以出。至五六。乃以爲尙書吏部員外郎。直龍圖閣。猶不許其出。某月某甲子。君卒。年四十七。天子以其子某官某爲某官。又官其兄子持國某官。夫人某縣君鄭氏。以某年某月某甲子。葬君信州之弋陽縣歸仁鄉襄沙之原。君故與予善。予嘗愛其智略。以爲今士大夫多不能如。惜其不得盡用。亦其不幸。早世不終於貴富也。然世方懲尙賢任智之弊。而操成法以一天下之士。則君雖壽考。且終於貴富。其所畜亦豈能盡用哉。嗚呼。可悲也已。旣葬。夫人與其家人謀。而使持國來以請曰。願有紀也。使君爲死而不朽。乃爲之論次。而繫之以辭曰。

歸以才能兮。又予以時。投之遠塗兮。使驟而馳。前無禦者兮。後有推之。忽稅不駕兮。其然奚爲。哀哀煢婦兮。孰慰其思。墓門有石兮。書以余辭。

〔釋義〕①隋於鄱陽郡置。宋曰饒州鄱陽郡。明初改鄱陽府。後又改曰饒州府。清因之。②今江西樂平縣。舊屬饒州。③今江西新奉縣。④今廣東高要縣。⑤今河南開封縣。⑥今安徽宣城縣。⑦與暢同。⑧今江西弋陽縣。

〔諸家集評〕劉海峯曰。序次與田太傅同一機法。

王介甫贈光祿少卿趙君墓誌銘

碑誌類下編八

王介甫馬君墓誌銘

王介甫趙君墓誌銘

儂智高反廣南。攻破諸州。州將之以義死者二人。而康州趙君。余嘗知其爲賢者也。君用叔祖蔭。試將作監主簿。選許州陽翟縣主簿。潭州司法參軍。數以公事抗轉運使。連劾奏君。而州將爲君訟於朝。以故得無坐。用舉者爲溫州樂清縣令。又用舉者就除寧海軍節度推官。知衢州江山縣。斷治出已。當於民心。而吏不能得民一錢。棄物道上。人無敢取者。余嘗至衢州。而君之去江山。蓋已久矣。衢人尙思君之所爲。而稱說之不容口。又用舉者改大理寺丞。知徐州彭城縣。祀明堂恩。改太子右贊善大夫。移知康州。至二月。而儂智高來攻。君悉其卒三百以戰。智高爲之少卻。至夜。君顧夫人取州印佩之。使負其子以匿。曰。明日賊必大至。吾知不敵。然不可以去。汝留死無爲也。明日戰不勝。遂抗賊以死。於是君年四十二。兵馬監押馬貴者。與卒三百人亦皆死。而無一人亡者。初君戰時。馬貴惶擾。至不能食飲。君獨飽如平時。至夜貴臥不能著寢。君卽大九*。比明而後寤。夫死生之故亦大矣。而君所以處之如此。嗚呼。其於義與命。可謂能安之矣。君死之後二日。而州司理譚必始爲之棺斂。又百日而君弟至。遂護其喪歸葬。至江山。江山之人。老幼相攜扶祭哭。其迎君喪有數百里者。而康州之人。亦請於安撫使。而爲君置屋以祠。安撫使以君之事聞天子。贈君光祿少卿。官其一子覲右侍禁。官其弟子試將作監主簿。又以其弟潤州。錄事參

軍師陟。爲大理寺丞。簽書泰州軍事判官廳公事。君諱師旦。字潛叔。其先單州之成武人。曾祖諱晟。贈太師。祖諱和。尚書比部郎中。贈光祿少卿。考諱應言。太常博士。贈尚書屯田郎中。自君之祖。始去成武而葬楚州之山陽。故今爲山陽人。而君弟以嘉祐五年正月十六日。葬君山陽上鄉仁和之原。於是夫人王氏亦卒矣。遂舉其喪以祔。銘曰。可以無禍。有功於時。玩君安榮。相顧莫爲。誰其視死。高蹈不疑。嗚呼康州。銘以昭之。

〔註音〕(駟)音翰

〔釋義〕①廣源州蠻人。其祖上唐初卽雄於西原。世爲州首領。智高襲安德州據廣南攻邕州。建國曰南天國。後爲狄青所敗。②今河南禹縣。③今湖南長沙縣。④薦舉之人。⑤今浙江樂清縣。⑥杭州亦曰寧海軍。今杭縣。⑦今浙江江山縣。⑧今江蘇銅山縣。⑨鼻息也。⑩今江蘇丹徒縣。⑪今江蘇泰縣。⑫今山東成武縣。⑬今江蘇淮安縣。

〔諸家集評〕茅順甫曰此篇如秋水可掬又曰王公文斂散曲折處有法皆得之天授非人力所及

王介甫祕閣校理丁君墓誌銘

朝奉郎尚書司封員外郎。充祕閣校理。新差通判永州軍州。兼管內勸農事。上輕車都尉。賜緋魚袋。晉陵丁君卒。臨川王某曰。噫。吾僚也。方吾少時。輔我以仁義者。乃發哭弔其孤。祭焉。而許以銘。越三日。君壻以狀至。乃敘銘赴其葬。敘曰。君諱寶臣。字元珍。少與其兄宗臣。皆以文行稱鄉里。號爲

二丁。景祐中。皆以進士起家。君爲峽州_三軍事判官。與廬陵_四歐陽公游。相好也。又爲淮南節度掌書記。或誣富人以博。州將貴人也。猜而專。吏莫敢議。君獨力爭。正其獄。又爲杭州觀察判官。用舉者。兼州學教授。又用舉者。遷太子中允。知越州剡縣_五。蓋其始至。流_六大姓一人。而縣遂治。卒除弊興利甚衆。人至今言之。於是再遷爲太常博士。移知端州_七。儂智高反。攻至其治所。君出戰。能有所捕斬。然卒不勝。乃與其州人皆去而避之。坐免一官。徙黃州_八。會恩除太常丞。監湖州酒。又以大臣有解舉者。遷博士。就差知越州諸暨縣_{一〇}。其治諸暨如剡。越人滋以君爲循吏也。英宗卽位。以尙書屯田員外郎編校祕閣書籍。遂爲校理。同知太常禮院。君質直自守。接上下以恕。雖貧困。未嘗言利。於朋友故舊。無所不盡。故其不幸廢退。則人莫不憐。少進也。則皆爲之喜。居無何。御史論君嘗廢矣。不當復用。遂出通判永州。世皆以咎言者謂爲不宜。夫毆未嘗教之卒。臨不可守之城。以戰虎狼百倍之賊。議今之法。則獨可守死爾。論古之道。則有不去以死。有去之以生。吏方操法以責士。則君之流離窮困。幾至老死。尙以得罪於言者。亦其理也。君以治平三年。待闕於常州_三。於是再遷尙書司封員外郎。以四年四月四日卒。年五十八。有文集四十卷。明年二月二十九日。葬於武進縣懷德北鄉郭莊之原。君曾祖諱輝。祖諱諒。皆弗仕。考諱東之。贈尙書工部侍郎。夫人

饒氏。封晉陵縣君。前死。子男隅。太廟齋郎。除濟爲進士。其季恩兒尙幼。女嫁祕書省著作佐郎集賢校理同縣胡宗愈。其季未嫁。嫁胡氏者。亦又死矣。銘曰。

文於辭爲達。行於德爲充。道於古爲可。命於今爲窮。嗚呼已矣。卜此新宮。

〔註音〕（剡）炎平聲

〔釋義〕①今湖南零陵縣。②同官爲僚。③今湖北宜昌縣。④今江西吉安縣。⑤今浙江嵯縣。⑥刑之一種。流放之遠方也。⑦治今廣東高要縣。⑧治今湖北黃岡縣。⑨治今浙江吳興縣。⑩今浙江諸暨縣。⑪今江蘇武進縣。

王介甫大理丞楊君墓誌銘

君諱忱。字明叔。華陰楊氏子。少卓犖。以文章稱天下。治春秋。不守先儒傳注。資他經以佐其說。其說超厲卓越。世儒莫能難也。及爲吏。披姦發伏。振擿利害。大人之以聲名權勢驕士者。常逆爲君自絀。蓋君有以過人如此。然恃其能。奮其氣。不治防畛。以取通於世。故終於無所就。以窮。初。君以父蔭守將作監主簿。數舉進士不中。數上書言事。其言有衆人所不敢言者。丁文簡公且死。爲君求職。君辭焉。復用大臣薦。召君試學士院。又久之不就。積官至朝奉郎。行大理寺丞。通判河中府事。飛騎尉。而坐小法。謫監蘄州酒稅。未赴。而以嘉祐七年四月辛巳。卒於河南。享年三十九。顧言曰。焚吾所爲書。無留也。以柩從先人葬。八年四月辛卯。從其父葬河南府洛陽。

縣平樂鄉張封村。君會祖諱津。祖諱守慶。坊州司馬。贈尚書左丞。父諱偕。翰林侍讀學士。以尚書工部侍郎致仕。特贈尚書兵部侍郎。娶丁氏。清河縣君。尚書右丞度之女。子男兩人。景略守太常寺太祝。好書學能自立。景彥早卒。君有文集十卷。又別為春秋正論十卷。微言十卷。通例二十卷。銘曰。

芒乎其孰始。以有厥美。昧乎其孰止。以終於此。納納幽宮。以慰其子。

〔註音〕(擡)音的(吟)音軫(蕪)音其

〔釋義〕①今陝西華陰縣。②特出也。③豫也。④界也。⑤名度。字公雅。長洲人。官尚書左丞。⑥今山西永濟縣。

⑦今湖北蕪春縣。⑧遺囑也。⑨改平樂保。在河南洛陽縣東北。⑩今陝西中部縣。

王介甫尚書屯田員外郎仲君墓誌銘

君仲氏。諱訥。字樸翁。廣濟軍定陶人。會祖諱環。祖諱祚。皆弗仕。而至君父諱尹。始仕至曹州觀察支使。贈右贊善大夫。君景祐元年進士。起家莫州防禦推官。年少初官。然上下無敢易者。時傳契丹且大擾邊。朝廷使中貴人來問。知州張崇俊未知所對。君策契丹無他為。具奏論之。崇俊喜曰。朝廷必知非吾能為此。然亦當善我能聽用君也。又權博州防禦判官。以母夫人喪去。去三年。復權明州節度推官。縣送海賊數十人。獄具矣。君獨疑而辨之。數十人者皆得雪。用舉者改大理寺丞。知大名府清平。邛州臨溪。

兩縣。又通判解州。於是三遷爲尙書屯田員外郎。而以皇祐五年十二月二十一日卒。年五十五。君厚重有大志。不安言笑。喜讀書。爲古文章。晚而尤好爲詩。詩尤稱於世。所在有聲績。然直道自信。於權貴人不肯有所屈。故好者少。然亦多知其非常人也。其在越蜀。士多從之學。當寶元康定間。言者喜論兵。然計不過攻守而已。君獨推書所謂食哉惟時。柔遠能邇。惇德允元。而難任人。蠻夷率服。爲禦戎議二篇。嗟乎。此流俗所羞以爲迂。而弗言者也。非明於先王之義。則孰知夫中國安富尊強之爲必出於此。君知此矣。則其自信不屈。宜以有所負而然。惜乎其未試也。君初娶王氏。尙書駕部郎中蘭之女。又娶李氏。尙書虞部員外郎宋卿之女。三男子。伯達。爲太常博士。次伯适。伯同。爲進士。三女子。嫁殿中丞任庾。并州交城縣尉崔絳。與元府戶曹參軍任膺。博士以熙寧元年十一月二十一日。葬君於定陶縣之閔邱。而以余之聞君也。來求銘。銘曰。
於戲樸翁。天偶人。一七* 矯翔其德音。而躡於時。一八*

【註音】(於戲)同烏呼(矯)音羈同奇(躡)音致

【釋義】一今山東定陶縣。宋置廣濟軍。領定陶縣。二今山東曹縣。三仁宗年號。四今河北任邱縣。五今山東聊城縣。六今浙江鄞縣。唐置鄞州。後改明州。以境有四明山爲名。七今山東清平縣。八今四川蒲江縣。九今山西解縣。一〇並仁宗年號。一一見《虞書舜典》。一二今山西交城縣。一三今陝西南鄭縣。一四神宗年號。一五謂厚於天而困於人也。一六顯厥也。

卷四十九 碑誌類下編九

王介甫廣西轉運使蘇君墓誌銘

慶曆五年。河北都轉運使龍圖閣直學士信都歐陽修。以言事切直。爲權
貴人所怒。因其孤甥女子有獄。誣以奸利事。天子使三司戶部判官太常
博士武功蘇君。與中貴人雜治。當是時。權貴人連內外諸怨惡修者。爲惡
言。欲傾修銳甚。天下汹汹。必修不能自脫。蘇君卒白上曰。修無罪。言者誣
之耳。於是權貴人大怒。誣君以不直。絀使爲殿中丞。泰州監稅。然天子遂
寤。言者不得意。而修等皆無恙。蘇君以此名聞天下。嗟乎。以忠爲不忠。而
誅不當於有罪。人主之大戒。然古之陷此者。相隨屬。以有左右之讒。而無
如蘇君之救。是以卒至於敗亡而不寤。然則蘇君一動。其功於天下。豈小
也哉。蘇君既出逐。權貴人更用事。凡五年之間。再赦。而君六徙。東西南北。
水陸奔走。輒萬里。其心恬然。無有怨悔。遇事強果。未嘗少屈。蓋孔子所謂
剛者。殆蘇君矣。蘇君之仁與智。又有足稱者。嘗通判陝府。當葛懷敏之敗。
邊告急。樞密使使取道路戍還之卒。再戍儀渭。於是延州還者千人。至陝。
聞再戍。大恐。卽謹聚謀爲變。吏白閉城。城中無一人敢出。君徐以一騎出。
卒間諭慰止之。而以便宜還使者。戍卒喜曰。微蘇君。吾不得生。陝人亦曰。

微蘇君。吾其掠死矣。有令刺陝西之民以爲兵。敢亡者死。既而亡者得。有司治之以死。而君輒縱去。言上曰。令民以死者。爲事不集也。事集矣。而亡者猶不赦。恐其衆相聚而爲盜。惟朝廷幸哀憐愚民。使得自反。天子以君言爲然。而三十州之亡者皆不死。其後知坊州州稅賦之無歸者。里正代爲之輸。歲弊大家數十。君悉鉤治使歸其主。坊人不憂爲里正。自蘇君始也。蘇君諱安世。字夢得。其先武功人。後徙蜀。蜀亡。歸於京師。今爲開封人也。曾大考諱進之。率府副率。大考諱繼。殿直。考諱咸熙。贈都官郎中。君以進士起家三十二年。其卒年五十九。爲廣西轉運使。而官止於屯田員外郎者。以君十五年不求磨勘也。君娶南陽郭氏。又娶清河張氏。爲清河縣君。子四人。台文。永州推官。祥文。太廟齋郎。炳文。試將作監主簿。彥文。未仕。女子五人。適進士會稽江松。單州魚臺縣尉江山。趙揚。三人尙幼。君既卒之三年。嘉祐二年十月庚午。其子葬君揚州之江都東興寧鄉馬坊村。而太常博士知常州軍州事臨川王安石。爲之銘曰。

皇有四極。周綏以福。使維蘇君。奠我南服。亢亢蘇君。不圓其方。不晦其明。君子之剛。其枉在人。我得吾直。誰懟誰慍。祇天之役。日月有邱。其下冥冥。昭君無窮。安石之銘。

【釋義】○漢郡名。今河北冀縣。○歐陽文忠慶曆中爲諫官。銳意言事。大忤權貴。會公甥張氏幼孤。鞠育於

家。嫁姪晟。與僕陳諫犯姦。事發。鞠於開封府右軍巡院。張懼罪圖自解免。語引及公。①今陝西武功縣。②王昭明也。③指當時宰相。章得象。賈昌朝。陳執中等。④今江蘇泰縣。⑤恬然平靜泰然之貌。⑥陝州。今河南陝縣。⑦府州。今陝西府谷縣。⑧真定人。慶曆二年。元昊寇陝西鎮戎軍。懷敏為涇原路兼招討經略安撫副使。入保定川砦。敵毀板橋。斷其歸路。懷敏至長城濠。路已斷。敵周圍之。遂與諸將皆遇害。⑨儀州。今甘肅華亭縣。⑩渭州。今甘肅平涼縣。⑪今陝西膚施縣。⑫今陝西中部縣。⑬考績也。⑭今河南南陽縣。⑮今河北清河縣。⑯今湖南零陵縣。⑰今魚臺縣。屬山東省。⑱今浙江江山縣。⑲謂四方遠極之處也。⑳不卑屈也。㉑謂任天而行也。

〔諸家集評〕劉海峯曰：敘次簡潔，議論高遠。

王介甫臨川吳子善墓誌銘

臨川吳氏。有子興宗。字子善。年二十喪母。而其父以生事付之。則先日出以作。後日入以息。日午矣。家一人未飯。其夫婦必尙空腹。天寒矣。家一人未續。*二其夫婦必尙單衣。蓋如此者二十年而父終。三十年而已死。凡嫁五妹。辦數喪。又以其筋力之餘。及於鄉黨。苟有故。必我勞人佚。先往後歸。而尤篤於友愛。見弟有過。則顏色愈溫。須飲酒歡極之間。乃微示以意。既而卽泣下曰。吾親屬我以汝。吾所以不避艱險者。保汝而已。其弟終感悟悔。改爲善士。以文學名於世。此待其弟乃爾。若於他人。則絕口不涉其非。然里中少年聞其警效之音。往往逃匿。若匿不及。則俛首恐愧。而嘗有所絀。*四一至訟庭。及著械。*五同絀數十人。爲之皆哭。掌獄者驚起白守。守立免焉。其見畏愛多此類。某謂其父爲諸舅。甚知其所爲。故於其弟子經孝宗之求。

誌以葬也。爲道而不辭。子善嘗應進士舉。後專於耕養。遂不復應。其死以治平四年八月九日。而十二月十五日。與其母黃氏。共葬於靈源村父墓之域中。父諱偃。亦有行義。用疾弗仕。祖諱表微。尙書屯田員外郎。曾祖諱英。殿中丞。初妻姓王氏。一男良弼。皆前卒。再娶楊氏。生蕘。适枉。蕘始九歲。而四女。幼者一歲云。

【註音】（續）音曠（聲）聲上聲（欸）音慨（絀）音卦

【釋義】●臨川卽今江西臨川縣。○絮也。③聲之輕者曰馨。重者曰欸。④累也。⑤桎梏。云以用刑也。

王介甫葛興祖墓誌銘

許州長社縣主簿葛君。諱良嗣。字興祖。其先處州之麗水人。而興祖之父。徙居明州之鄞。興祖葬其父潤州之丹徒。故今又爲丹徒人矣。曾大父諱遇。不仕。大父諱盱。贈尙書都官郎中。父諱源。以尙書度支郎中。終仁宗時。度支君三子。當天聖景祐之間。以文有聲。赫然進士中。先人嘗受其摯。閱之終篇。而屢歎葛氏之多子也。既而三子者。伯仲皆蚤死。獨其季在。卽興祖。興祖博知多能。數舉進士。角出其上。而刻勵修潔。篤於親友。慨然欲有所爲。以效於世者也。年四十餘。始以進士出仕州縣。餘十年。而卒窮於無所遇。以死。嗟乎。命不可控引。而才之難恃。以自見。蓋久矣。然興祖於仕未嘗苟。聞人疾苦。欲去之。如在己。其臨視雖細故。人不以屬耳目者。必皆致

其心。論者多怪之。曰興祖且老矣。弊於州縣。而服勤如此。余曰。是乃吾所欲於興祖。夫大仕之則奮。小仕之則怠。忽以不治。非知德者也。興祖聞之。以余之言為然。興祖娶胡氏。又娶鄭氏。其卒年五十三。實治平二年三月辛巳。其葬以胡氏祔。在丹徒之長樂鄉顯揚村。即其年十一月某甲子也。興祖三男子。繁蘊皆有文學。繁許州臨潁縣主簿。蘊鄧州穰縣主簿。蘋尚幼也。四女子。皆未嫁云。銘曰。蹇於仕以爲人尤。不^{九*}慙施以年。孰主孰謀。無大憾於德。又將何求。

【註音】(盱) 匈于切(摯) 通贊(穰) 音讓(慙) 凝去聲
 【釋義】①今河南長葛縣。②今浙江麗水縣。③今浙江鄞縣。舊屬明州。④今江蘇丹徒縣。⑤並仁宗年號。⑥競也。⑦今屬河南。⑧今河南鄧縣。⑨且也。

王介甫金溪吳君墓誌銘

君和易罕言。外如其中。言未嘗極人過失。至論前世善惡。其國家存亡治亂成敗所由。甚可聽也。嘗所讀書甚衆。尤好古而學其辭。其辭又能盡其議論。年四十三。四以進士試於有司。而卒困於無所就。其葬也。以皇祐六年某月日。撫州之金溪縣歸德鄉石廩之原。在其舍南五里。當是時。君母夫人既老。而子世隆世範皆尚幼。三女子。其一卒。其二未嫁云。嗚呼。以君之有。與夫世之貴富而名聞天下者計焉。其獨歎彼耶。然而不得祿以行。

其意以祭以養以遺其子孫以卒。此其士友之所以悲也。夫學者將以盡其性。盡性而命可知也。知命矣。於君之不得意。其又何悲耶。銘曰。著君名。字彥弼。氏吳其先。自姬出。以儒起家。世冕黻。獨成之難。幽以折。厥銘維甥。訂君實。

【註音】(冕)音免(黻)音弗

【釋義】①稀少也。②仁宗年號。③縣今屬江西省。④泰伯始封於吳。後以爲氏。故云先自姬出。⑤古大夫以上之禮冠也。

王介甫亡兄王常甫墓誌銘

先生七歲好學。毅然不苟戲笑。讀書二十年。當慶曆中。天子以書賜州縣。大置學。先生學完行高。江淮間州爭欲以爲師。所留輒以詩書禮易春秋授弟子。慕聞來者。往往千餘里。磨礱^二淬濯^三。成就其器。不可勝數。而先生始以進士下科補宣州司戶。至三月。轉運使以監江寧府^四鹽院。又三月卒。又七月葬。則卒之明年四月也。實皇祐四年。墓在先君東南五步。先君姓王氏。諱益。官世行治。既有銘。先生其長子。諱安仁。字常甫。年三十七。生兩女。嗚呼。先生之道德。蓄於身而施於家。不博見於天下。文章名於世。特以應世之須爾。大志所欲論著。蓋未出也。而世之工言能使不朽者。又知先生莫能深。嗚呼。先生之所存。其卒於無傳耶。始先生常以爲功與名不足懷。

蓋亦有命焉。君子之學。盡其性而已。然則先生之無傳。蓋不憾也。雖然。先生孝友最隆。委百世之重而無所屬以傳。有母有弟。方壯而奪之。使不得相處以久。先生尙有知。其無窮憂矣。嗚呼。以往而推存。痛其有已邪。痛其有已邪。先生有文十五卷。其弟既次以藏其家。又次行治藏於墓。嗚呼。酷矣極矣。銘止矣。其能使先生傳邪。

〔註音〕（涿）七內切

〔釋義〕●宋仁宗年號。●磨鍊也。●洗濯也。●今江蘇江寧縣。

王介甫王平甫墓誌銘

君臨川王氏。諱安國。字平甫。贈太師中書令諱明之曾孫。贈太師中書令兼尙書令諱用之之孫。贈太師中書令兼尙書令康國公諱益之子。自邕角。未嘗從人受學。操筆爲戲。文皆成理。年十二。出其所爲銘詩賦論數十篇。觀者驚焉。自是遂以文學爲一時賢士大夫譽歎。蓋於書無所不該。於詞無所不工。然數舉進士不售。舉茂才異等。有司考其所獻序言第一。又以母喪不試。君孝友。養母盡力。喪三年。常在墓側。出血和墨。書佛經甚衆。州上其行義。不報。今上卽位。近臣共薦君材行卓越。宜特見招選。爲繕書其序言以獻。大臣亦多稱之。手詔褒異。召試。賜進士及第。除武昌軍節度推官。教授西京國子。未幾。校書崇文院。特改著作佐郎祕閣校理。士皆以

謂君且顯矣。然卒不偶。官止於大理寺丞。年止於四十七。以熙寧七年八月十七日不起。越元豐三年四月二十七日。葬江寧府鍾山^六母楚國太夫人墓左百有十六步。有文集六十卷。妻曾氏。子^{*}旂^{*}。女婿葉濤。處者四女。濤有學行知名。旂亦皆^{*}嶷嶷^七有立。君社所施。庶在於此。

【註音】非音慣（旂旒）音由傲（嶷）音逆

【釋義】①束髮如兩角狀。②不售謂不第也。③今湖北武昌縣。④均神宗年號。⑤在南京城內。⑥德高也。

【諸家集評】張廉卿曰此文頗脫胎李元寶墓誌又曰文之簡潔謹嚴殆無一贅語其通篇承接委輸處有若一筆書而痛惜之意自見於詞表王漁仲不識其意而妄疑之過矣

王介甫僊源縣太君夏侯氏墓碣

僊源縣太君夏侯氏。濟州鉅野^二人。尚書駕部員外郎諱晟^{三*}之子。翰林侍讀學士尚書戶部侍郎譙公諱嶠^{四*}之孫。贈太子太師諱浦^五之曾孫。尚書兵部員外郎知制誥知鄧州^六軍州事陽夏公謝氏諱絳^七之夫人。太常博士通判汾州^九軍州事景初之母。年二十三卒。後五年。葬杭州之富陽^二。於是時。陽夏公爲太常丞祕閣校理。博士生五歲矣。而其女兄一人亦幼。又十五年。康定^三二年。博士舉夫人如鄧。以合於陽夏公之墓。而臨川王某書其碣曰。夫人以順爲婦。而交族親以謹。以嚴爲母。而撫媵御以寬。陽夏公之名。天下莫不聞。而曰吾不以家爲恤。六年於此者。夫人之相我也。故於其卒。聞者欲其有後。而夫人之子。果以才稱於世。嗚呼。陽夏公之事在太史。雖無

刻石。吾知其不朽矣。若夫夫人之善。不有以表之隧上。其能與公之烈相久而傳乎。此博士所以屬予之意也。予讀詩。惟周士大夫侯公之妃。修身飭行。動止以禮。能輔佐勸勉其君子。而王道賴以成。蓋其法度之教。非一日。而其習俗。不得不然也。及至後世。自當世所謂賢者。於其家。不能以獨化。而夫人卓然如此。惜乎其蚤世也。顧其行治。雖列之於風。以為後世觀。豈愧也哉。

〔註音〕(晟)音成(譙)才肖切(嶠)音驕

〔釋義〕①今山東曲阜縣。②今山東鉅野縣。③真宗時。上漢武封禪圖。帝善之。官至駕部員外郎。④字峻極。官戶部郎中。翰林侍讀學士。善鼓琴。好讀老莊書。⑤梁開平中。官棣州錄事參軍。⑥今河南鄧縣。⑦今河南太康縣。⑧謝絳。字希深。以文學知名。善議論。喜談時事。仁宗時累遷知制誥。判吏部太常禮院。⑨今山西汾陽縣。⑩絳長子。⑪今浙江富陽縣。⑫仁宗年號。

王介甫曾公夫人萬年縣太君黃氏墓誌銘

夫人江寧黃氏。兼侍御史知永安場。諱某之子。南豐_二曾氏贈尚書水部員外郎諱某之婦。贈諫議大夫諱某之妻。凡受縣君封者四。蕭山_三江夏_四遂昌_五洛陽。受縣太君封者二。會稽萬年_六。男子四。女子三。以慶曆四年某月日。卒於撫州_七。壽九十有二。明年某月。葬於南豐之某地。夫人十四歲無母。事永安府君至孝。修家事有法。二十三歲歸曾氏。不及舅水部府君之養。以事永安之孝。事姑陳留縣君。以治父母之家。治夫家。事姑之黨。稱其所以事

姑之禮。事夫與夫之黨。若嚴上然。眎子慈。眎子之黨若子然。每自戒不處白人善否。有問之曰。順爲正。婦道也。吾勤此而已。處白人善否。靡靡然爲聰明。非婦人宜也。以此爲女與婦。其傳而至於沒。與爲女婦時弗差也。故內外親。無老幼疎近。無智不能。尊者皆愛。輩者皆附。卑者皆慕之。爲女婦在其前者。多自歎不及。後來者皆曰。可矜法也。其顏色在視聽。則皆得所欲。其離別則涕洟不能捨。有疾皆憂。及喪來弔哭。皆哀有餘。於戲。夫人之德如是。是宜有銘者。銘曰。

女子之德。煦願愉愉。教隳弗行。婦妾乘夫。趨爲亢厲。勵之顛愚。猗嗟夫人。惟德之經。媚於族姻。柔色淑聲。其究女初。不傾不盈。誰疑不信。來監於銘。

〔註音〕(洩)音夷(勵)同厲(顛)同專

〔釋義〕①在四川安縣東北十五里。②今江西南豐縣。③今浙江蕭山縣。④今湖北武昌縣。⑤今浙江遂昌縣。⑥今陝西長安縣。⑦唐置。明改府屬江西。清因之。民國廢。今江西臨川縣。卽舊府治也。⑧陳留縣。今屬河南省。⑨和悅貌。⑩至愚也。⑪猶言不亢不卑也。

王介甫僊居縣太君魏氏墓誌銘

臨川王某曰。俗之壞久矣。自學士大夫。多不能終其節。況女子乎。當是時。僊居縣太君魏氏。抱數歲之孤。專屋而閒居。躬爲桑麻。以取衣食。窮苦困阨久矣。而無變志。卒就其子。以能有家。受封於朝。而爲里賢母。嗚呼。其可銘也。於其葬。爲序而銘焉。序曰。魏氏其先江寧人。太君之曾祖諱某。光祿

寺卿。祖諱某。池州刺史。考諱某。太子諭德。皆江南李氏時也。李氏國除。而諭德易名居中。退居於常州。以太君為賢。而選所嫁。得江陰沈君諱某。曰。此可以與吾女矣。於是時太君年十九。歸沈氏。歸十年。生兩子。而沈君以進士甲科。為廣德軍判官以卒。太君親以詩論語孝經教兩子。兩子就外學時。數歲耳。則已能誦此三經矣。其後子迴為進士。子遵為殿中丞。知連州軍州。而太君年六十有四。以終於州之正寢。時皇祐二年六月庚辰也。嘉祐二年十二月庚申。兩子葬太君江陰申港之西懷仁里。於是遵為太常博士。通判建州軍州事。而沈君贈官至太常博士。銘曰。山朝於躋。其下惟谷。纘我博士。夫人之淑。其淑維何。博士其家。二子翼翼。萼跖其華。誥誥諸孫。其實其葩。孰云其昌。其始萌芽。皇有顯報。曰維在後。碩大蕃衍。剗牲以告。視銘考施。夫人之效。

【註音】(躋)祖稽切(跖)音火(誥)音莘(葩)音巴(剗)音奎

【釋義】①縣今屬浙江省。②今安徽貴池縣。③指南唐。④常州。今江蘇武進縣。⑤今江蘇江陰縣。⑥宋置。治廣德。今安徽廣德縣。⑦今廣東連縣。⑧今福建建甌縣。⑨登也。⑩繼也。⑪敬也。⑫衆人和協之貌。⑬華也。⑭剗也。

王介甫鄭公夫人李氏墓誌銘

尚書祠部郎中贈戶部侍郎安陸鄭公諱紆之夫人。追封汝南郡太君李氏者。尚書駕部郎中贈衛尉卿文蔚之子也。光州僊居縣令。贈工部員外

郎諱帖之孫。以祥符九年嫁。至天聖九年。年三十二。以八月壬辰。卒於其夫爲安州應城縣主簿之時。後三十七年。爲熙寧元年八月庚申。祔於其夫安陸太平鄉進賢里之墓。於是夫人兩子。彌爲祕書丞。知潭州攸縣。解爲翰林學士。尙書兵部員外郎。知制誥。一女子。嫁郊社齋郎張蒙山。夫人敏於德。詳於禮。事皇姑稱孝。內諧外附。上下裕如。鄭公大姓。嘗以其富主四方之游士。至侍郎。則始貧而專於學。夫人又故富家。盡其資以助賓祭。補^六紉^七澣^七濯^七。饕^七饕^七朝夕。人有不任其勞苦。夫人歡終日。如未嘗貧。故侍郎亦以自安於困約之時。如未嘗富。鄭氏蓋將日顯矣。而夫人不及其顯祿。嗚呼。良可悲也。於其葬。臨川人王某爲銘曰。於嗟夫人。歸孔時兮。窈其爲德。婉有儀兮。命云如何。壯則萎兮。烝烝令子。悲慕思兮。有嚴葬祔。祭配祇兮。告哀無窮。銘此詩兮。

【註音】(紉)音書(彌)音彌(饕)音饕(紉)音人(澣)音緩(饕)音熾(竄)

【釋義】①今湖北鍾祥縣。②今河南光山縣。③宋仁宗年號。④今湖北應城縣。⑤今湖南攸縣。⑥綴也。⑦澣濯洗濯衣垢也。⑧炊黍稷曰饔。以火炊物曰饔。⑨興盛貌。

卷五十一

碑誌類下編十

歸熙甫亡友方思會墓表

余友方思會之沒。適島夷來寇。權厝於某地。已而其父長史公官四方。子昇幼。不克葬。某年月日。始祔於其祖侍御府君之墓。來請其墓上之文。亦以葬未有期。不果爲。至是始畀其子昇。俾勒之於石。蓋天之生材甚難。其所以成就之尤難。夫其生之者。率數千百人之中得一人而已耳。其一人者。果出於數千百人之中。則其所處必有以自異。而不肯同於數千百人之爲。而其所值又有以激之。是以不克安居徐行以遽入於中庸之道。則天之所以成材者。其果尤難也。思會少負奇逸之姿。年二十餘。以禮經爲經闈首薦。既一再試春官不利。則自叱而疑曰。吾所爲以爲至矣。而又不_一得。彼必有出於吾術之外者。則使人具書幣走四方。求嘗已得高第者。與夫邑里之彥。悉致之於家而館餼之。其人亦有爲顯官以去者。然思會自負其才。顧彼之術實不能有加於吾。亦遂厭棄不能以久。方其試而未得也。則憤憾而有不屑之志。其後每偕計吏行。時時絕大江。徘徊北岸。輒返棹登金焦二山。徜徉以歸。與其客飲酒放歌。絕不與豪貴人通。間與之相涉。視其齷齪。必以氣陵之。聞爲佛之學於臨安者。思會往師之。作禮讚歎。

求其解說。自是遇禪者。雖其徒所謂墮龍。啞羊^二之流。卽跪拜施舍。冀得真乘焉。而人遂以思會果溺於佛之說。不知其有所不得志而肆意於此。以是知古之毀服童髮逃山林而不處。未必皆積志於其教。亦有所憤而爲之者耶。以思會之材。有以置之。使之無憤憾之氣。其果出於是耶。然使假之以年。以至於今。又安知其憤憾不益甚。而將不出於是耶。抑彼其道。空蕩脩然。不與世競。而足以消其憤憾之氣耶。抑將平其氣。無待於外。安居徐行。而至於中庸之塗也。此吾所以歎天之成材爲難也。思會諱元儒。後更曰欽儒。曾祖曰麟。贈承德郎禮部主事。祖曰鳳。朝列大夫廣東僉事。前監察御史。父曰築。今爲唐府長史。侍御與兄鵬。同年舉進士。侍御以忤權貴出。而兄爲翰林春坊。至太常卿。亦罷歸。思會後起。謂必光顯於前之人。而竟不得位以歿。時嘉靖^三某年月日也。春秋四十。娶朱氏。福建都轉運鹽使司判官希陽之女。男一人。昇。女三人。皆側出。思會少善余。余與今李中丞廉甫。晚步城外隍橋。每望其廬。悵然而返。其相愛慕如此。後余同爲文會。又同舉於鄉。思會治園亭田野中。至梅花開時。輒使人相召。余多不至。而思會時乘肩輿過安亭江^三上。必盡醉而歸。嘗以余文示上海陸詹事子淵。有過獎之語。思會凌曉乘船來告。余非求知於世者。而亦有以見思會愛余之深也。思會之葬也。陳吉甫旣爲銘。余獨痛思會之材。使不得盡其

所至亦為之致憾於天而已矣。

【註音】(厝)音措(嶺)許既切音歛(脩)音叔

【釋義】①日本倭寇。②浮葬也。③饋餉也。④計吏。上計簿之官。借計吏行言進京會試也。⑤橫渡日絕。⑥金山。在江蘇丹徒縣西北。舊在江中。今四周沙漲成陸。⑦焦山。在丹徒縣東九里大江中。與金山對峙。相距十里許。一名譙山。亦名樵山。後漢處士焦先隱此而名。⑧流連往復貌。⑨今浙江杭縣。⑩「海龍王經」佛告龍王。其於佛法出家。違戒犯行。不捨直見。不墮地獄。如斯之類。壽終已後。皆生龍中。⑪啞羊「大智度論」僧有啞羊。僧雖不破戒。惟鈍根無慧。不別好醜。不知輕重。不知有罪無罪。若有所事。二人苦諍。不能決斷。默然無聲。譬如啞羊不能作聲。⑫明世宗年號。⑬即吳淞江。

【諸家集誌】劉海峯曰。學荆公為文。折旋有氣。吳至父曰。熙甫與王子敬尺牘。云思會墓表。描寫近真。生觀之何如。

歸熙甫趙汝淵墓誌銘

宋熙陵九王子。其人為周恭肅王元儼。恭肅王生定王允良。定王生安康郡王宗絳。安康郡王生南陽侯仲續。南陽侯生處州兵馬鈐轄士翮。士翮始遷嚴陵。士翮生保義郎不玷。又自嚴陵徙浦江。不玷生三觀使武經郎善近。善近生武翼郎汝涅。汝涅生崇僎。自定王以後。至崇僎。始失其官。為士庶。崇僎生必俊。必俊生良仁。始自浦江徙吳。今長洲之金莊也。良仁生友端。友端生季永。季永生同芳。同芳生獻。獻生四子。濂、潛、深、濱。潛者。汝淵諱也。汝淵於兄弟次在二。授室於崑山真義里朱氏。汝淵年六十有六卒。嘉靖四十二年十二月某日。朱孺人年五十五卒。嘉靖三十八年正月某日。生子男一人。世貞。孫男四人。和、順、和、德。皆夭。最後生和敬。孫女一。

人其葬以隆慶二年十一月某日。墓在長洲之某鄉。宋自青城之難。王子三千餘人。盡爲北俘。其散處四方。僅僅有存者。若周王之後。以詩書世其家。故譜系頗可考。其在長洲。同魯其賢者也。同魯於汝淵爲再從父。汝淵夫婦孝敬。修士人之行。世貞方將以進士起其家。世貞於余先妻魏氏。內外兄弟也。故屬余銘。銘曰。
宋失維城。宗淪於朔。哀哉重昏。鼎折覆餗。不仁之殃。迨其九族。存者子遺。逃竄而延。惟恭肅王。當世稱賢。宜其孫子。百葉以傳。宜君宜王。今爲士庶。亦修於家。魚菽以祭。曷以銘之。不媿其世。

【註音】(續)音曠(翻)下革切(玷)音點(涅)音站(倏)音奚(黷)音桓(鍊)音遠

【釋義】①太宗陵。②今浙江麗水縣。③浙江嚴州之東有富春山。一名嚴陵山。有嚴子陵釣臺。④今浙江浦

江縣。⑤今江蘇吳縣。⑥今崑山縣真義鎮。⑦明穆宗年號。⑧靖康元年十一月。金人破京師。擄二帝及后妃太子宗戚諸臣等北去。按青城。在開封縣封丘門外。宋祭地齋宮。⑨維城。宗子也。以城喻宗子。言其爲國家藩籬也。靖康之亂。諸王駢首以弊於金人之虐。宋不獲維城之助。故云宋失維城。⑩鍊。鑪也。〔易〕鼎折足。覆公餗。⑪孤單也。⑫夏后也。遭有窮氏之難。后緡方姓。逃出自竄而生少康。

歸熙甫沈貞甫墓誌銘

自余初識貞甫時。貞甫年甚少。讀書馬鞍山浮屠^二之偏。及余娶王氏。與貞甫之妻爲兄弟。時時過內家相從也。余嘗入鄧尉山^三中。貞甫來共居。日遊虎山西崦^四。上下諸山。觀太湖^五七十一峯之勝。嘉靖二十年。余卜居安亭^六。安

亭^{*}在吳淞江上。界崑山嘉定之壤。沈氏世居於此。貞甫是以益親善。以文字往來無虛日。以余之窮於世。貞甫獨相信。雖一字之疑。必過余考訂。而卒以余言爲然。蓋余屏居江海之濱。二十年間。死傷憂患。顛頓狼狽。世人之所嗤笑^{*}。貞甫了不以人之說而有動於心。以與之上下。至於一時富貴翁赫^七。衆所觀駭。而貞甫不予易也。嗟夫。士當不遇時。得人一言之善。不能忘於心。余何以得此於貞甫耶。此貞甫之歿。不能不爲之慟也。貞甫爲人伉厲。喜自修飭。介介自持。非其人未嘗假以詞色。遇事激昂。僵仆無所避。尤好觀古書。必之名山及浮屠老子之宮。所至掃地焚香。圖書充几。聞人有書。多方求之。手自抄寫。至數百卷。今世有科舉速化之學。皆以通經學古爲迂。貞甫獨於書知好之如此。蓋方進於古而未已也。不幸而病。病已數年。而爲書益勤。余甚畏其志。而憂其力之不繼。而竟以病死。悲夫。初余在安亭無事。每過其精廬。啜茗^九論文。或至竟日。及貞甫沒。而余復往。又經兵燹^九之後。獨徘徊無所之。益使人有荒江寂寞之歎矣。貞甫諱果。字貞甫。娶王氏。無子。養女一人。有弟曰善繼。善述。其卒以嘉靖三十四年七月日。年四十有二。卽以是年某月日。葬於某原之先塋。可悲也已。銘曰。天平命乎。不可知其志之勤。而止於斯。

【註音】(嗤)赤之切(翁)音吸(啜)音輟(燹)息濱切

〔釋義〕
①即崑山。在江蘇崑山縣。
②塔也。
③山在江蘇吳縣西南。一名玄墓山。漢鄧尉隱此。而各山多梅。
④均系鄧尉山之支峯。上能望見太湖諸山。
⑤太湖跨江浙二省。湖中小山甚多。東西二洞庭。最著。
⑥鎮名。在崑山縣。
⑦威貌。
⑧謂僧寺道觀也。
⑨兵災也。時當倭寇之後。

歸熙甫歸府君墓誌銘

府君姓歸氏。諱椿。字天秀。大父諱仁。父諱祚。母徐氏。嘉靖十五年正月初八日卒。年七十一。娶曹氏。父諱永太。母高氏。嘉靖十年三月十九日卒。年六十八。子男三。雷、霆、電。女一。適錢操。孫男五。諫、縣、學生。謨、訓、皆國學生。讓幼。女三。曾孫男六。以嘉靖二十六年十二月庚申日。合葬於馬涇實瀆涇。按歸氏出春秋胡子。後滅於楚。其子孫在吳。世爲吳中著姓。至唐宣公。仍世貴顯。封爵官序。具載唐史。宋湖州判官罕仁_二。居太倉。其別子居常熟之白茆_三。居白茆已數世矣。由湖州而下。差以昭穆。府君。我會大父城武公_四。兄弟行也。府君初爲農。已乃延禮師儒。教訓諸孫。彬彬向文學矣。府君少時。亦嘗讀書。後棄之。夫婦晨夜力作。白茆在江海之壖_五。高仰瘠鹵_六。浦水時浚。時淤。無善田。府君相水遠近。通溪置閘。用以灌溉。其始居民鮮少。茅舍歷落。數家而已。府君長身古貌。爲人儻好施舍。田又日墾。人稍稍就居之。遂爲廬舍市肆。如邑居云。晚年。諸子悉用其法。其治數千畝。如數十畝。役屬百人如數人。吳中多利水田。府君家獨以旱田。諸富室爭逐肥美。府君

選取其饒者。曰顧吾力不可。田無不可耕者。人以此服府君之精。蓋古之王者之於田功勤矣。下至保介田峻^八。遂師遂大夫縣正里宰司稼^九。設官用人。如是悉也。漢二千石遣令長^二三老^三力田。及里父老善田者。受田器。學耕種養苗狀。時趙過蔡癸之徒。皆以好農為大官。今天下田獨江南治耳。中原數千里。三代畎澮^{一三}之迹。未有復也。議者又欲放前元海口萬戶之法。治京師瀕海萑葦^{一四}之田。以省漕壯國本。茲事行之實便。而久不行。豈不以任事者難其人耶。或往往歎事功之不立。謂世無其人。若府君。豈非世之所須也。銘曰。

昔在顓頊^{一五}。曰惟我祖。綿綿汝穎。蹙於荆楚。迄唐而昌。鳴玉接武。湖州來東。海魚為伍。亦有別子。居白茆浦。曠然江海。寂無煙火。孰生聚之。府君之撫。府君頽頽^{一七}。才無不可。實剛晦^{一八}之。終古瀉鹵。黍稷蕤蕤^{一九}。曷不虎符。藏於茲土。

【註音】(茆)音卯(鹵)音魯(蹙)音敲(峻)音俊(澮)古外切(萑)音桓(頊)音旭(頽)音奇(剛晦)同畎

【釋義】
 ①名崇敬。字正禮。累遷翰林學士。兵部尚書。
 ②宋末仕湖州判官。生道隆。
 ③浦名。在常熟縣。
 ④名鳳。字應韶。會知兗州城武縣。
 ⑤地近水。浜曰塘。
 ⑥鹹土。
 ⑦參差也。
 ⑧瘠地。
 ⑨司稼等均農官。
 ⑩漢制太守秩二千石。
 ⑪漢制縣萬戶以上置令。不滿萬戶置長。
 ⑫鄉官。掌教化者。
 ⑬小流也。水注于溝曰澮。古田制千夫有澮。所以資田之灌。既宜洩者。
 ⑭蘆荻也。
 ⑮黃帝孫。
 ⑯二水名。在安徽阜陽縣。胡子國。故城在也。
 ⑰長貌。
 ⑱威貌。
 ⑲虎符。發兵之符。虎符謂不能出仕發符也。

【諸家集評】姚氏曰敍爲田處極酣恣似貨殖傳又曰作文如小兒放紙鳶只要綫堅牢耳雖放至數百丈無傷也若本無綫雖數尺之高亦不可得

歸熙甫女二二壙志

女二二。生之年月。戊戌戊午。其日時又戊戌戊午。余以爲奇。今年余在光福山中。二二不見余。輒常常呼余。一日余自山中還。見長女能抱其妹。心甚喜。及余出門。二二尙躍入余懷中也。旣到山數日。日將晡。余方讀尙書。舉首忽見家奴在前。驚問曰。有事乎。奴不卽言。第言他事。徐卻立曰。二二今日四鼓時已死矣。蓋生三百日而死。時爲嘉靖己亥三月丁酉。余旣歸爲棺斂。以某月日瘞於城武公之墓陰。嗚呼。余自乙未以來多在外。吾女生旣不知而死。又不及見。可哀也已。

【註音】(晡)音浦(瘞)音翳

【釋義】●在江蘇吳縣西南。近太湖。●申時也。●埋葬也。

歸熙甫女如蘭壙志

須浦先塋之北。纍纍者。故諸殤冢也。坎方封有新土者。吾女如蘭也。死而埋之者。嘉靖乙未中秋日也。女生踰周能呼余矣。嗚呼。母微而生之。又艱。余以其有母也。弗甚加撫。臨死乃一抱焉。天果知其如是。而生之。奚爲也。

【釋義】●疑卽是常熟縣東北之許浦鎮。●墓也。●多也。●短命死曰殤。●穴也。●周歲。●衰弱也。

歸熙甫寒花葬志

婢。魏孺人媵也。嘉靖丁酉五月四日死。葬虛邱^三。事我而不卒。命也夫。婢初媵時。年十歲。垂雙鬟。曳深綠布裳。一日天寒。爇^四火煮芻蕘^五熟。婢削之盈甌^六。余入自外。取食之。婢持去不與。魏孺人笑之。孺人每令婢倚几旁飯。即飯目眊^{*}。冉冉動。孺人又指余以為笑。回思是時。奄忽^七便已十年。吁。可悲也已。

【註音】（媵）音孕（蒸）辱悅切（甌）音歐（眊）音篋

【釋義】①崑山真義里人。②隨嫁之婢。③荒邱也。④燒也。⑤芻亦作葦。亦稱地粟。兩廣人謂之馬蹄。⑥小盆。

⑦迅速狀。

方靈皋杜蒼略先生墓誌銘

先生姓杜氏。諱^{*}芥。字蒼略。號^{*}些^{*}。山。湖廣黃岡人。明季為諸生。與兄濬^二避亂居金陵。即世所稱茶村先生也。二先生行身略同。而趣各異。茶村先生峻廉隅。孤特自遂。遇名貴人。必以氣折之。於衆人未嘗接語言。用此叢忌嫉。然名在天下。詩每出。遠近爭傳誦之。先生則退然一同於衆人。所著詩歌古文。雖子弟弗示也。方壯喪妻。遂不復娶。所居室漏且穿。木榻敝帷^三。數十年未嘗易。室中終歲不掃除。有子教授里巷間。窶^四艱。每日中不得食。男女啼號。客至。無水漿。意色間無幾微不自適者。間過戚友。坐有盛衣冠者。即默默去之。行於途。常避人。不中道與人語。雖兒童廝輿。惟恐有傷也。初。余

大父與先生善。先君子嗣從遊。苞與兄百川亦獲侍焉。先生中歲道仆。遂跛而好遊。非雨雪常獨行。徘徊墟莽間。先君子暨苞兄弟。暇則追隨。尋花蒔玩景光。藉草而坐。相視而嘻。冲然若有以自得。而忘身世之有係牽也。辛未壬申間。苞兄弟客遊燕齊。先生悄然不怡。每語先君子曰。吾思二子亦為君惜之。先生生於明萬曆丁巳四月初九日。卒於康熙癸酉七月十九日。年七十有七。後茶村先生凡七年。而得年同。所著些山集藏於家。其子琰以某年月日。卜葬某鄉某原。來徵辭。銘曰。蔽其光中不息也。虛而委蛇與時適也。古之人歟。此其的也。

【註音】(芥)音戒(些)思遮切(窶)郡羽切(蒔)音侍(蛇)音移

【釋義】①今湖北黃岡縣。②字于皇。號茶村。③帳幕也。④貧陋也。⑤指望溪祖名幟。字漢樹。號馬溪。⑥望溪父名仲舒。字逸巢。⑦名舟。以文名。卒年二十七。⑧墓地。⑨河北山東等地。⑩明神宗年號。⑪清聖祖年號。⑫委曲貌。

【諸家集評】姚氏曰有逸氣望溪集中所罕見

方靈舉李抑亭墓誌銘

雍正十年冬十月朔後九日。過吾友抑亭。遂赴海淀。次日歸。聞抑亭厥而瘖日再往視。越六日而死。始予見君於其世父文貞公所。終日溫溫。非有問不言。及供事蒙養齋。始習而慕焉。期月而后。無貴賤老少。背面皆曰。李君君子人也。其後予移武英殿領修書事。首舉君自助。殿中無貴賤老少。

稱之如蒙養齋。君自入翰林。再充順天鄉試同考官。典試雲南。士論翕然。視學江西。高安朱相國。每日百年中無或並也。按察使李蘭。以咨革諸生。君常難之。劾君牽制有司之法。而彈章亦具列其廉明。予自獲交文貞。習於李氏族姍。及泉漳閩士大夫。其私論鄉人各有向背。而信君無異辭。君被劾。當降補國子監丞。羣士日夜望君之至。既受職。長官相慶。而蒞事未彌月。用此六館之士。尤深痛焉。往者歲在戊申。君弟鍾旺厥而瘖。卒於君寓。予既哭而銘之。君在江西。喪其良子清江。又爲之銘。以塞君悲。而今復見君之死。古者親舊相與宴樂。而樂歌之辭。乃曰死喪無日。無幾相見。有以也。君在蒙養齋及殿中。與予共晨夕各一二年。返自江西。無兼旬不再。三見者。辛亥春。余益病衰。凡公事。必私引君自助。無旬日不再。三見者。一日不見而君疾。一言不接而君死。故每欲銘君。則愴然不能舉其辭。喪歸有日矣。乃力疾而就之。君諱鍾僑。字世邠。福建泉州安溪縣人。康熙壬午舉於鄉。壬辰成進士。年四十有四。所著論語孟子講蒙十卷。詩經測義十卷。易解八卷。藏於家。尚書周官。皆有說未就。父諱鼎徵。康熙庚申舉人。戶部主事。誥授奉直大夫。母莊氏。贈宜人。兄弟五人。四舉甲乙科。兄天寵。自入翰林十餘年。與君相依。皆不取室人自隨。痛兩弟羈死。乃引疾送君之喪以歸。君娶黃氏。敕封孺人。子五人。四舉甲乙科。長清載。庚戌進士。兵部

武選司額外主事。次清芳。癸卯舉人。揀選知縣。次清江。癸卯舉人。揀選知縣。次清愷。壬子副榜貢生。次清時。壬子舉人。世父撫爲己子女一。適士族。以某年月日。葬於某鄉某原。銘曰。蓄之也深。而施者微。將踵武於儒先。而年命摧。悼余生之無成。猶有望者夫人。而今誰與歸。

〔註音〕(旋)音電(厥)同(瘖)音陰

〔釋義〕①清世宗年號。②在北平。卽清暢春圓明頤和三園地。③氣逆而仆不能發聲。④名光地。字晉卿。康熙九年進士。官至大學士。諡文貞。⑤內廷齋名。⑥名軾。字若瞻。江西高安人。康熙進士。官至大學士。諡文端。⑦清福建泉州漳州二府名。⑧字世蕢。康熙戊子舉人。考授中書。以薦充性理精義纂修官。著有憶訓錄。諸經雜解等書。⑨愴然。悲痛貌。⑩今屬福建省。⑪字世來。號鑑堂。康熙乙未進士。官編修。

劉才甫舅氏楊君權厝誌

舅氏楊君。諱紹爽*。字穉棠。於書無所不讀。少工爲科舉之文。而鬱不得志。旣困無所合。而讀書益奮發不衰。年已老。頭白且禿。猶依燈火坐讀禮經。至城上三鼓不輟。蓋君之於書。自其天性。而非以求名聲利祿也。舅氏性剛直。於尋常人未嘗苟有所酬答。與鄉人處。雖貴顯有不善。卽面責不少依阿。臨財廉。執事果。可謂好學有道君子者也。娶邱氏。累生男不育。而舅氏遂無子。以康熙六十年六月二十七日。病癱而卒。嗚呼。可痛也。舅氏於諸甥中。尤愛憐。嘗撫予指吾父而言曰。此子殆能大劉氏之門。然未知

吾及見之否。平居設酒食。召糲與飲。鼻氏自提觴行趣令醉。糲謝已醉不能飲。鼻氏笑曰。予性嗜酒。每過從人家飲酒。主飲者不趣予飲。吾意輒不樂。以此度人意皆然。乃者鼻氏實飲汝酒。當不使甥意不樂也。酒半。仰首歔歔。徐顧謂糲曰。予窮於世。今老且暮且死。然未有子息。汝讀書能爲古文辭。其傳於後世無疑。當爲我作傳。則吾雖無子。猶有子焉。糲受命而退。未及爲。而鼻氏遂舍予以卒。悲夫。君既卒之七日。其兄子某。以君之柩權厝於縣城北月山之麓。糲涕泣而爲之誌。

〔註音〕(爽)音釋(趣)同促

〔釋義〕①順服諂媚也。②外症。赤腫者爲癰。白者爲疽。癰常生肌肉堅厚之處。疽多生於關節深陷之處。③悲泣氣咽狀。

卷五十一 雜記類一

韓退之鄆州谿堂詩並序

憲宗之十四年。始定東平_二。三分其地。以華州刺史禮部尙書兼御史大夫扶風馬公_三爲鄆_四曹濮_五節度觀察等使。鎮其地。旣一年。褒其軍號曰天平軍。上卽位之二年。召公入。且將用之。以其人之安公也。復歸之鎮。上之三年。公爲政於鄆曹濮也。適四年矣。治成制定。衆志大固。惡絕於心。仁形於色。搏心_六一力。以供國家之職。於時沂密_六始分而殘其帥。其後幽鎮魏_九不悅於政。相扇_七繼變。復歸於舊。徐亦乘勢逐帥自置_二。同於三方_三。惟鄆也。截然中居。四鄰望之。若防之制水。恃以無恐。然而皆曰。鄆爲虜巢_三。且六十年。將彊卒武。曹濮於鄆。州大而近。軍所根柢。皆驕以易怨。而公承死亡之後。撥拾之餘。剝膚椎髓。公私掃地。赤立新舊。不相保持。萬目睽睽_四。公於此時。能安以治之。其功爲大。若幽鎮魏徐之亂。不扇而變。此功反小。何也。公之始至。衆未熟化。以武則忿以憾。以恩則橫而肆。一以爲赤子。一以爲龍蛇。憊心罷精。磨以歲月。然後致之難也。及教之行。衆皆戴公爲親父母。夫畔父母。從仇讐。非人之情。故曰易。於是天子以公爲尙書右僕射。封扶風縣開國伯。以褒嘉之。公亦樂衆之和。知人之悅。而侈上之賜也。於是爲堂於其居之

西北隅。號曰谿堂。以饗士大夫。通上下之志。既饗。其從事陳會。謂其衆言。公之畜此邦。其勤不亦至乎。此邦之人。纍公之化。惟所令之。不亦順乎。上勤下順。遂濟登茲。不亦休乎。昔者人謂斯何。今者人謂斯何。雖然。斯堂之作。意其有謂。而暗無詩歌。是不考引公德。而接邦人於道也。乃使來請。其詩曰。

帝奠九壘^{一五*}。有葉有年。有荒不條。河岱^{一六}之間。及我憲考。一收正之。視邦選侯。以公來尸。公來尸之。人始未信。公不飲食。以訓以徇。孰饑無食。孰呻孰歎。孰寃不問。不得分願。孰爲邦蠹^{一八}。節根之螟^{一九}。羊狼狼貪。以口覆城。吹之煦之。摩手拊之^{*}。箴之石之。膊而磔之^{二〇}。凡公四封。既富以彊。謂公吾父。孰違公令。可以師征。不寧守邦。公作谿堂。播播^{二一}流水。淺有蒲蓮。深有蒹葦^{二三}。公以賓燕。其鼓駭駭。公燕谿堂。賓校醉飽。流有跳魚。岸有集鳥。既歌以舞。其鼓考考。公在谿堂。公御琴瑟。公暨賓贊。稽經誦律。施用不差。人用不屈。谿有蕢^{二四*}。蒞^{二五*}。有龜有魚。公在中流。右詩左書。無我戮遺。此邦是庶^{二七*}。

【註音】(鄆)音運(罇)同專(扇)同煽(罷)同疲(壘)同塵(蠹)音謀(拊)同撫(箴)同鍼(磔)音摘(誦)音鄉(蕢)同蘋(蒞)音姑(戮)音亦(庶)音休

【釋義】①名純。順宗子。②唐鄆州。亦曰東平郡。今山東東平縣。憲宗十四年。平盧都知兵馬使劉悟。殺其節度使李師道。③名總。字會元。④曹州。今山東曹縣。⑤濮州。今山東曹縣。⑥沂州。今山東臨沂縣。密州。今山東諸城縣。元和十四年。沂海將王弁。殺其觀察使王遂。自爲留後。⑦幽州。今河北薊縣。⑧鎮州。今河北正定縣。⑨魏州。今河北大名縣。⑩幽州盧龍軍都知兵馬使朱克融。囚其節度使張弘靖以反。同時成德軍大將王庭湊。殺其節度

使田弘正亦反。長慶二年。魏博節度使田布自殺。兵馬使史憲誠自稱留後。①徐州。今江蘇銅山縣。長慶二年。武寧軍節度使副使王智興。逐其節度使崔羣。②指幽鎮魏三地。③平盧兵馬使李正己爲本軍節度使。傳其子納。納又傳其子師道。自永泰元年。至元和十四年。敗。凡五十五年。④相顧貌。⑤九州也。⑥黃河。⑦泰山。⑧食稻根蟲。⑨食稻心之蟲。⑩分裂肢體也。⑪流動貌。⑫蘆也。⑬謀也。⑭浮萍。⑮卽茭白。⑯厭也。⑰庇也。

〔諸家集評〕皇甫持正曰。鄆堂特高古風。我唐有國。退之文宗一人。

韓退之藍田縣丞廳壁記

丞之職。所以貳令。於一邑無所不當問。其下主簿尉。主簿尉乃有分職。丞位高而偪。例以嫌。不可否事。文書行。吏抱成案詣丞。卷其前。鉗以左手。右手摘紙尾。雁鷺行以進。平立視丞曰。當署丞。涉筆占位署。惟謹。曰。吏問。不可。吏曰。得。則退。不敢略省。漫不知何事。官雖尊。力勢反出。主簿尉下。諺數慢必曰丞。至以相訾警丞之設。豈端使然哉。博陵崔斯立。種學績文。以蓄其有。泓涵演迤。日大以肆。貞元初。挾其能。戰藝於京師。再進。再屈于。人元和初。以前大理評事言得失黜官。再轉而爲丞。茲邑。始至。喟曰。官無卑。顧材不足塞職。旣噤不得施用。又喟曰。丞哉丞哉。余不負丞。而丞負余。則盡枿去牙角。一躡故跡。破崖岸而爲之。丞廳故有記。壞漏汚不可讀。斯立易桷與瓦。塤治壁。悉書前任人名氏。庭有老槐四行。南牆鉅竹千挺。儼立若相持。水虢虢循除鳴。斯立痛掃漑。對樹二松。日哦其間。有問者。輒對曰。余方有公事。子姑去。考功郎中知制誥韓愈記。

【註音】(偃)同逼(驚)音木(訾)音子(邁)音移(枿)同藥(楠)音角(鸞)霍貌切
 【釋義】(一)行如雁鷺之舒緩也。(二)邪視。(三)毀也。(四)博陵。今河北定縣。(五)字立之。貞元四年進士。(六)謂如水之宏深迴曲。(七)德宗年號。(八)枿。伐木餘也。此作除去解。(九)牙角。猶廉隅。(十)躡。蹈也。(十一)崖岸。借喻高傲。此言姑為與俗周旋也。(十二)椽之方形者。(十三)牆飾。(十四)水聲。(十五)階也。

【諸家集評】張廉卿曰此文純以恢詭出之當從傲睨一切處玩其神味

韓退之畫記

雜古今人物小畫共一卷。騎而立者五人。騎而被甲載兵立者十人。一人騎執大旗前立。騎而被甲載兵。行且下牽者十人。騎且負者二人。騎執器者二人。騎擁田犬者一人。騎而牽者二人。騎而驅者三人。執羈勒立者二人。騎而下倚馬。臂隼而立者一人。騎而驅涉者二人。徒而驅牧者二人。坐而指使者一人。甲冑手弓矢鈇鉞植者七人。甲冑執幟植者十人。負者七人。偃寢休者二人。甲冑坐睡者一人。方涉者一人。坐而脫足者一人。寒附火者一人。雜執器物役者八人。奉壺矢者一人。舍而具食者十有一人。挹且注者四人。牛牽者二人。驢驅者四人。一人杖而負者。婦人以孺子載而可見者六人。載而上下者三人。孺子戲者九人。凡人之事。三十有二。為人大小百二十有三。而莫有同者焉。馬大者九匹。於馬之中。又有上者。下者。行者。牽者。涉者。陸者。翹者。顧者。鳴者。寢者。訛者。立者。人立者。齧者。飲者。溲者。陟者。降者。痒磨樹者。噓者。嗅者。喜相戲者。怒相踉蹌者。秣者。騎者。驟者。

走者。載服物者。載狐兔者。凡馬之事。二十有七。爲馬大小八十有三。而莫有同者焉。牛大小十一頭。橐駝三頭。驢如橐駝之數。而加其一焉。隼一。犬羊狐兔麋鹿共三十。旃車三兩。雜兵器弓矢旌旗刀劍矛楯弓服矢房甲冑之屬。鉞盃盞笠筐筥錡釜飲食服用之器。壺矢博奕之具。二百五十有一。皆曲極其妙。貞元甲戌年。余在京師。甚無事。同居有獨孤生申叔者。始得此畫。而與余彈棋。余幸勝而獲焉。意甚惜之。以爲非一工人之所能運思。蓋聚集衆工人之所長耳。雖百金不願易也。明年出京師。至河陽。與二三客論畫品格。因出而觀之。座有趙侍御者。君子人也。見之戚然若有感然。少而進曰。噫。余之手摸也。亡之且二十年矣。余少時。常有志乎茲事。得國本。絕人事而摹得之。遊閩中而喪焉。居閒處獨。時往來余懷也。以其始爲之勞。而夙好之篤也。今雖遇之。力不能爲已。且命工人存其大都焉。余既甚愛之。又感趙君之事。因以贈之。而記其人物之形狀與數。而時觀之。以自釋焉。

〔註音〕(鞞)音的(鉄)音膚(訛)吾木切(鼈)音紇(隄)音弟(秣)音昧(簠)音登(鍤)音技(藜)同叢

〔釋義〕①羈馬絡頭。②鞞馬韁也。③小鷹也。④斧也。⑤立也。⑥動也。⑦齧也。⑧脚躡也。⑨銅馬也。⑩笠之有柄可手執以行者。如今之傘。⑪釜之有足者。⑫漢魏時遊戲之事。蔡邕魏文帝皆有彈棋賦。彈棋經。謂二人對局。黑白各六枚。列棋相當。下呼上擊之。又「柳子厚序棋」云。木局隆其中而規焉。其下方以直。置棋二十有四。貴者半。賤者半。貴曰上。賤曰下。咸自第一至十二。下者二乃敵一。用朱墨以別焉。⑬今河南孟縣。⑭國手之本也。

〔諸家集評〕方望溪曰。周人以後無此種格力。歐公自謂不能爲所謂曉其深處而東坡以所傳爲妄於此。

見知言之難

大姚曰畫記學考工而或者以爲似顧命則不然渾穆莊重豈能如顧命哉

張廉卿曰讀此文固須求其參錯之妙尤當玩其精整

韓退之新修滕王閣記

愈少時。則聞江南多臨觀之美。而滕王閣獨爲第一。有瑰偉絕特之稱。及得三王所爲序賦記等。壯其文辭。益欲往一觀而讀之。以忘吾憂。繫官於朝。願莫之遂。十四年。以言事斥守揭陽。便道取疾。以至海上。又不得過南昌。而觀所謂滕王閣者。其冬。以天子進大號。加恩區內。移刺袁州。袁於南昌爲屬邑。私喜幸自語。以爲當得躬詣大府。受約束於下執事。及其無事且還。儻得一至其處。竊寄目償所願焉。至州之七月。詔以中書舍人太原王公爲御史中丞。觀察江南西道。洪江饒虔吉信撫袁。悉屬治所。八州之人。前所不便及所願欲而不得者。公至之日。皆罷行之。大者驛聞。小者立變。春生秋殺。陽開陰閉。令修於庭戶數日之間。而人自得於湖山千里之外。吾雖欲出意見。論利害。聽命於幕下。而吾州乃無一事可假而行者。又安得捨已所事。以勤館人。則滕王閣又無因而至焉矣。其歲九月。人吏浹和。公與監軍使燕於此閣。文武賓士。皆與在席。酒半。合辭言曰。此屋不修且壞。前公爲從事此邦。適理新之。公所爲文。實書在壁。今三十年。而公來

爲邦伯。適及期月。公又來燕於此。公烏得無情哉。公應曰諾。於是棟楹梁
桷板檻之腐黑撓折者。蓋瓦級甃之破缺者。赤白之漫漶^二不鮮者。治之則
已。無侈前人。無廢後觀。工既訖功。公以衆飲。而以書命愈曰。子其爲我記
之。愈既以未得造觀爲歎。竊喜載名其上。詞列三王之次。有榮耀焉。乃不
辭而承公命。其江山之好。登望之樂。雖老矣。如獲從公遊。尙能爲公賦之。
元和十五年十月某日。袁州刺史韓愈記。

〔註音〕(則)同卽(浹)卽協切(漶)虎玩切

〔釋義〕①唐顯慶四年。滕王元嬰都督洪州時建。在江西新建縣西章江門上。明景泰中重構。在章江門外。
成化間葺治。後再燬。清康熙中復建。凡三建。②宏壯偉大也。③唐之潮州。漢南海揭陽地。愈以諫迎佛骨事。由刑
部侍郎貶潮州刺史。④今江西省會。⑤今江西宜春縣。⑥名仲舒。字弘中。并州祁人。元和十五年六月。出爲洪州
刺史。御史中丞。充江西觀察使。⑦均州名。洪州今南昌。袁州見上。江州。今江西九江縣。饒州。鄱陽縣。虔州。贛縣。吉
州。吉安縣。信州。上饒縣。撫州。臨川縣。⑧和洽也。⑨監軍。官名。隋末以御史監軍事。唐玄宗始以宦官監軍。迄於唐
亡。明以御史監軍。⑩州牧也。⑪做壞斑剝不可辨也。

〔諸家集評〕方望溪曰。迴環作態。歐公諸記所本。又曰。近時不學人。造言地名官號。不得從古觀此文於潮
日揭陽女孿壙銘曰。愈爲少秋官。可徵其妄。蓋制誥奏章。史傳誌狀。自應從時記序。雜文惟所便耳。

大姚曰。風格峻整。公文之老境如此。

會滌生曰。反復以不得至彼爲恨。此等蹊徑。自公闢之。亦無害。後人踵之。以千萬乃。遂可厭矣。
張廉卿曰。尋常頌揚文字。經退之爲之。便瑰瑋鉅麗。簡老深括。夔絕於人。

韓退之燕喜亭記

太原王弘中在連州^二。與學佛人景常玄慧游。異日。從二人者。行於其居之
後。邱荒之間。上高而望。得異處焉。斬茅而嘉樹列。發石而清泉激。輦糞壤。

燔榴鬻^三卻立而視之。出者突然成邱。陷者呀^四然成谷。窪^五者為池。而缺者為洞。若有鬼神異物。陰來相之。自是弘中與二人者。晨往而夕忘歸焉。乃立屋以避風雨寒暑。既成。愈請名之。其邱曰埃^{*}德之邱。蔽於古而顯於今。有埃之道也。其石谷曰謙受之谷。瀑曰振鷺之瀑。谷言德。瀑言容也。其土谷曰黃金之谷。瀑曰秩秩之瀑。谷言容。瀑言德也。洞曰寒居之洞。志其入時也。池曰君子之池。虛以鍾其美。盈以出其惡也。泉之源曰天澤之泉。出高而施下也。合而名之以屋。曰燕喜之亭。取詩所謂魯侯燕喜者頌也。於是州民之老。聞而相與觀焉。曰。吾州之山水名天下。然而無與燕喜者比。經營於其側者相接也。而莫直其地。凡天作而地藏之。以遺其人乎。弘中自吏部郎貶秩而來。次其道途所經。自藍田入商洛。涉^八浙^{*}端臨漢水。升峴^{*}首。以望方城。出荆門^二。下岷江^三。過洞庭^四。上湘水^五。行衡山^六之下。繇^七郴^{*}踰嶺^八。猿狖所家。魚龍所宮。極幽遐^九。瑰詭^二之觀。宜其於山水^三。既聞而厭見也。今其意乃若不足。傳曰。知者樂水。仁者樂山。弘中之德。與其所好。可謂協矣。智以謀之。仁以居之。吾知其去是而羽儀^三於天朝也。不遠矣。遂刻石以記。

【註音】(榴)音緇(窪)音蛙(埃)同俟(端)音貪(峴)賢上聲(郴)音琛

【釋義】①見前篇。②今廣東連縣。時仲舒貶連州司戶參軍。③木立死曰榴。自斃曰鬻。④空也。⑤低下凹陷之地。⑥魯侯。僖公也。⑦今陝西商縣。⑧一水名。浙水。在河南浙川縣西南。端水。源出今河南內鄉縣北。芬山。⑨又名襄江。發源陝西。至湖北漢陽縣入江。⑩即峴山。在湖北襄陽縣。⑪山名。在河南葉縣。⑫今湖北荆門縣。⑬在四

川。④湖名。在湖南北臨長江。⑤在湖南省。⑥今湖南郴縣。⑦指南嶺。⑧獸名。猴屬。⑨奇偉之意。⑩荒誕也。⑪飽也。⑫言處高而不以位自累。則其羽可用爲物之儀表。可貴可法也。故爲賢者登用爲世表率之喻。〔諸家集評〕張廉卿曰馬班作史於數十層排比後必別作大波以震盪之退之燕喜亭記敘山水多用排比後借賤秩翻出意義摩空取勢使人不一覽而盡仍與上文神氣迴合

吳至父曰韓公外孫李貺有燕喜亭後記見文苑又曰主客皆在賤所而文特溫厚和雅

韓退之河南府同官記

永貞元年。愈自陽山移江陵。法曹參軍。獲事河東公。公嘗與其從事言。建中初。天子始紀年更元。命官司舉貞觀開元之烈。羣臣惕慄。奉職。命材登良。不敢私違。當時自齒朝之士而上。以及下百執事。官闕一人。將補。必取其良。然而河南同時於天下稱多。獨得將相五人。故於府之參軍。則得我公。於河南主簿。則得故相國范陽盧公。於汜水主簿。則得故相國今太子賓客滎陽鄭公。於陸渾主簿。則得相國今吏部侍郎天水趙公。於登封主簿。則得故吏部尚書東都留守吳郡顧公。盧公去河南南爲右補闕。其後由尚書左丞至宰相。鄭公去汜水爲監察御史。佐山南軍。其後由工部侍郎至宰相。罷而又爲。趙公去陸渾爲右拾遺。其後由給事中爲宰相。顧公去登封爲監察御史。其後由京兆尹至吏部尚書東都留守。我公去府爲長水尉。其後由膳部郎中。爲荆南節度行軍司馬。遂爲節度使。自工部尚書至吏部尚書。三相國之勞在史冊。顧吏部慎職小心。於時有聲。我公愿潔

而沈密。開亮而卓偉。行茂於宗。事修於官。嗣紹家烈。不違其先。作帥荆南。厥聞休顯。武志既揚。文教亦熙。登槐贊元^{一四}。其慶且至。故好語故事者。以為五公之始迹也同。其後進而偕大也亦同。其稱名臣也又同。官職雖分。而功德有巨細。其有忠勞於國家也同。有若將同其後。而先同其初也。有聞而問者。於是焉書。既五年。始立石刻其語。河南南府參軍舍庭中。於時河東公為左僕射宰相。出藩大邦。開府漢南。鄭公以工部尚書留守東都。趙公以吏部尚書鎮江陵。漢南地連七州。戎士十萬。其官宰相也。留守之官。居禁省中。歲時出旌旗。序留守司文武百官于宮城門外而衙之。江陵故楚都也。戎士五萬。三公同時。千里相望。可謂盛矣。河東公名均。姓裴氏。

〔註音〕（犯）音祀

〔釋義〕^一今廣東陽山縣。^二今湖北江陵縣。^三裴均。字君齊。絳州聞喜人。^四恐懼戰慄貌。^五今河南洛陽縣。^六名邁。字子玄。河南洛陽人。^七今河南犯水縣。^八名餘慶。字居業。^九陸渾古伊川地。春秋陸渾之戎。居於此。漢置陸渾縣。故城在今河南嵩縣東北。^十名宗儒。字秉文。^{十一}今河南登封縣。^{十二}名少連。字夷仲。蘇州人。^{十三}今河南洛寧縣。^{十四}指為宰相也。

〔諸家集評〕方望溪曰四番敘述不覺其冗

劉海峯曰直樸順序以其前後官職已自粲然也而鹿門以為烟波感慨曲折此評六字皆非是

韓退之汴州東西水門記

貞元十四年正月戊子。隴西公^二命作東西水門。越三月辛巳朔。水門成。三日癸未。大合樂。設水嬉^三。會監軍軍司馬賓佐僚屬。將校熊羆^四之士。肅四方

之賓客以落之。士女和會。闐郭盜郭既卒事。其從事昌黎韓愈。請紀成績。其詞曰。

維汴州河水自中注。厥初距河為城。其不合者。誕寘連鎖於河。宵浮晝湛。舟不潛通。然其襟抱虧疏。風氣宣洩。邑居弗寧。訛言屢騰。歷載以來。孰究孰思。皇帝御天下十有八載。此邦之人。遭逢疾威。嚚童噉噬。劫衆阻兵。懷懷栗栗。若墜若覆。時維隴西公受命作藩。爰自洛京。單車來臨。遂拯其危。遂去其疵。弗肅弗厲。薰為太和。神應祥福。五穀穰熟。既庶而豐。人力有餘。監軍是咨。司馬是謀。乃作水門。為邦之郭。以固風氣。以閉寇偷。黃流渾渾。飛閣渠渠。因而飾之。匪為觀游。天子之武。維隴西公是布。天子之文。維隴西公是宣。河之汙汙。源於崑崙。天子萬祀。公多受祉。乃伐山石。刻之日月。尚俾來者。知作之所始。

〔註音〕(闐)音田(郭)音郭(寘)音至(隴)音銀(噉噬)同叫呼(閉)音翰
〔釋義〕(一)德宗年號。(二)即董晉。字混成。河中虞鄉人。(三)謂嬉戲於水上。(四)熊羆皆獸。以喻武士。(五)落成禮也。
滿也。(六)城郭。(七)今河南開封縣。(八)大也。或為發語詞。(九)至也。(十)愚也。(十一)防禦也。(十二)流水聲。(十三)渠渠深廣貌。(十四)水流動貌。(十五)亞洲最大山脈之一。
〔諸家集評〕吳至父曰此但用東漢金石體而駿邁完固乃古今無類學韓公不從此入不能得其雄峻

韓退之題李生壁

余始得李生於河中。今相遇於下邳。自始及今十四年矣。始相見。吾與之

皆未冠^四。未通人事。追思多有可笑者。與生皆然也。今者相遇。皆有妻子。昔時無度量之心。寧復可有是。生之為交。何其近古人也。是來也。余黜於徐州。將西居於洛陽^五。汎舟於清冷池^六。泊於文雅臺下^七。西望商邱^八。東望修竹園^九。入微子廟^{一〇}。求鄒陽枚叔司馬相如之故文^{一一}。久立於廟陛^{一二}。聞悲那頌^{一三}。之不作於是者已久。隴西李翺^{一四}。太原王涯^{一五}。上谷侯喜^{一六}。實同與焉。貞元十六年五月十四日。昌黎韓愈書。

〔注音〕(邳)貧夷切(陛)音婢

〔釋義〕①李生名平。②唐河中府。今山西永濟縣。③今江蘇邳縣。④成年曰冠。⑤張建封為徐泗濠節度使。愈為府推官。時建封卒。故愈將西居洛陽。⑥在今河南商邱縣梁孝王故宮內。⑦在商邱縣東南。孔子適宋。即與弟子習禮於此。⑧在商邱縣西南。⑨即梁苑。梁孝王築。在商邱縣東。⑩在商邱縣城內。⑪鄒陽漢臨淄人。枚叔漢淮陰人。司馬相如漢成都人。三人皆為梁孝王上客。⑫詩商頌十二篇中之首篇。⑬字習之。隴西人。⑭字廣律。太原人。⑮字叔起。上谷人。

〔諸家集評〕會條生曰低徊唱歎深遠不盡無韻之詩也

張廉卿曰古鬱蒼涼清微蕭遠別有襟抱

吳至父曰屈長紅大河於杯水坳堂之中疑其腕底有蛟螭結蟠也

柳子厚游黃溪記

北之晉西適幽東極吳南至楚越之交。其間名山水而州者以百數。永最善。環永之治百里。北至於浯溪西至於湘之源。南至於瀧泉東至於黃溪。東屯。其間名山水而村者以百數。黃溪最善。黃溪距州治七十里。由東屯南行六百步。至黃神祠。祠之上。兩山牆立。如丹碧之華葉駢植。與山升降。其缺者為崖。峭巖窟水之中。皆小石平布。黃神之上。揭水八十步。至初潭。最奇麗。殆不可狀。其略若剖大甕。側立千尺。溪水積焉。黛蓄膏渟。來若白虹。沈沈無聲。有魚數百尾。方來會石下。南去。又行百步。至第二潭。石皆巍然。臨峻流。若頽領斷齧。其下大石離列。可坐飲食。有鳥赤首烏翼。大如鵠。方東嚮立。自是又南數里。地皆一狀。樹益壯。石益瘦。水鳴皆鏘然。又南一里。至大冥之川。山舒水緩。有土田。始黃神為人時。居其地。傳者曰。黃神王姓。莽之世也。莽既死。神更號黃氏。逃來。擇其深峭者潛焉。始莽嘗曰。余黃虞之後也。故號其女曰黃皇室主。黃與王聲相邇。而又有本。其所以傳焉者。益驗。神既居是。民咸安焉。以為有道。死乃俎豆之。為立祠。後稍徙近乎民。今祠在山陰溪水上。元和八年五月十六日。既歸為記。以啓後之好游。

者。

【註音】(幽)音彬(渚)音吾(揭)音憩(亭)音庭(頰)音孩(頰)音齒(斷)音銀(鬚)音粵(鵠)胡沃切

【釋義】①今山西太原縣東北。②今陝西邠縣。③今江蘇吳縣。周太伯建國於此。④指湖南廣東之閒。⑤謂

因山水之名名其州。⑥唐永州。今湖南零陵縣。縣南有永水。源出縣西南之永山。⑦在湖南祁陽縣西南。⑧湘水

在零陵縣北十里。源出廣西興安縣。⑨在湖南道縣北。⑩在零陵縣東。源出湖南寧遠縣北陽明山。流經祁陽縣。

入湘。⑪在零陵縣東。州兵戍守地。⑫攝衣涉水也。⑬頤下。⑭頰下頤。⑮齒根肉也。⑯齒齧上下肉也。⑰並立也。⑱

又名天鵝。似雁而大。全體色白。頸長。嘴根有瘤。⑲莽字巨君。漢平帝時為大司馬。稱宰衡。後篡漢位。國號新。光武

起兵。兵敗被殺。⑳族也。㉑山峻拔峭絕也。㉒莽女。平帝后。

【諸家集評】方望溪曰子厚諸記以身閒境寂又得山水以盪其精神故言皆稱心探幽發奇而出之若不

經意

劉海峯曰山水之佳必奇峭必幽冷子厚得之以為文琢句鍊字無不精工古無此調子厚創為之

柳子厚永州萬石亭記

御史中丞清河男崔公來蒞永州。閒日登城北墉。臨於荒野。藂翳^三之隙。見

怪石特出。度其下必有殊勝^四。步自西門。以求其墟^五。伐竹披奧。敲^六仄以入。綿

谷跨谿。皆大石林立。渙若奔雲。錯若置碁。怒者虎鬪。企者鳥厲。扶其穴。則

鼻口相呀^七。搜其根。則蹄股交峙。環行卒愕。疑若搏噬。於是剝闢^八朽壤。翦焚

榛^九。葳決澮溝^{一〇}。導伏流。散為疎林。洄為清池。寥廓^{一一}泓渟^{一二}。若造物者始判清濁。

效奇於茲地。非人力也。乃立游亭。以宅厥中。直亭之西。石若掖^{一三}分。可以眺

望。其上青壁斗絕。沈於淵源。莫究其極。自下而望。則合乎攢巒^{一四}。與山無窮。

明日。州邑耄^{一五}老。雜然而至。曰。吾儕生是州。藝是野。眉厖^{一六}齒覲^{一七}。未嘗知此。豈

天墜地出。設茲神物。以彰我公之德歟。既賀而請名。公曰。是石之數。不可知也。以其多。而命之曰萬石亭。耄老又言曰。懿夫公之名亭也。豈專狀物而已哉。公嘗六爲二千石。既盈其數。然而有道之士。咸恨公之嘉績。未洽於人。敢頌休聲。祝公於明神。漢之二三公。秩號萬石。我公之德。宜受茲錫。漢有禮臣。惟萬石君。我公之化。始於閨門。道合於古。祐之自天。野夫獻詞。公壽萬年。宗元嘗以牋奏隸尙書。敢專筆削。以附零陵故事。時元和十年正月五日記。

【註音】(藜)同叢(鼓)音欺(仄)通側(剝)音枯(蕨)同穰(掖)同腋(莖)杜結切音迭(鯢)音倪

【釋義】①名敏。貞元中爲永州刺史。②築土壘壁曰墉。③叢莽隱蔽處。④殊勝奇特之境地。⑤址也。⑥傾側也。⑦張口貌。⑧剖也。⑨荒蕪也。⑩小溪川也。⑪寬廣貌。⑫水清而靜止。⑬攢聚也。⑭山之紆回綿連者曰巒。⑮耄同耄。老也。年八十曰耄。⑯厖通尨。犬之多毛者。⑰鯢。鯨之雌者。眉厖齒鯢。言眉長如犬毛之多。齒脫如鯨。猶言年長也。⑱福也。⑲漢石奮號。河內溫人。景帝時爲九卿。四子皆官至二千石。⑳漢置零陵郡。唐爲永州。今湖南零陵縣。

【諸家集評】劉海峯曰刻鏤萬石形狀甚工

吳至父曰此子厚有意撫擬退之燕喜亭記者又曰扶其穴云云排偶習氣未盡除

柳子厚始得西山宴遊記

自余爲僇^一人居是州^二。恒惴慄^三其隙也^四。則施施^五而行。漫漫^六而遊。日與其徒上高山。入深林。窮迴溪。幽泉怪石。無遠不到。到則披草而坐。傾壺而醉。醉則更相枕以臥。意有所極。夢亦同趣。覺而起。起而歸。以爲凡是州之山有異

態者。皆我有也。而未始知西山之怪特。今年九月二十八日。因坐法華西亭。望西山。始指異之。遂命僕過湘江。緣染溪。斫榛莽。焚茅茷。窮山之高而止。攀援而登。箕踞而遨。則凡數州之土壤。皆在衽席之下。其高下之勢。岷然注然。若垤若穴。尺寸千里。攢蹙累積。莫得遯隱。縈青繚白。外與天際。四望如一。然後知是山之特出。不與培塿為類。悠悠乎與灑氣俱。而莫得其涯。洋洋乎與造物者游。而不知其所窮。引觴滿酌。頽然就醉。不知日之入。蒼然暮色。自遠而至。至無所見。而猶不欲歸。心凝形釋。與萬化冥合。然後知吾嚮之未始游。游於是乎始。故為之文以志。是歲元和四年也。

【注音】(僂)音六(隙)同隙(斫)音灼(茷)音吠(垤)音迭(灑)音昊

【釋義】①受辱之人。因當時子厚貶永州司馬。②永州也。③憂懼貌。④暇時也。⑤徐行貌。⑥無目的也。⑦在零陵縣西。⑧亭在縣城東山法華寺中。宋改名萬壽寺。⑨一名冉溪。在零陵縣西南。⑩荆棘也。⑪草葉多也。⑫箕踞。謂曲兩腳。狀如箕也。⑬席也。言寢臥之所。⑭谷中空貌。⑮深曲貌。⑯小草。⑰小山也。⑱天地之氣。

柳子厚鈞鉅潭記

鈞鉅潭在西山西。其始蓋冉水。自南奔注。抵山石。屈折東流。其巔委勢峻。盪擊益暴。齧其涯。故剉廣而中深。畢至石乃止。流沫成輪。然後徐行。其清而平者且十畝。有樹環焉。有泉懸焉。其上有居者。以予之亟游也。一日款門來告曰。不勝官租私券之委積。既芟山而更居。願以潭上田質財。以緩禍。予樂而如其言。則崇其臺。延其檻。行其泉於高者。墜之潭。有聲凜然。尤

與中秋觀月爲宜。於以見天之高。氣之迴。孰使余樂居夷而忘故土者。非茲潭也歟。

〔註音〕（鉗）未五切（齧）音臬（積）音恣（艾）音衫

〔釋義〕①鉗鉗。鬩斗也。謂潭形似之。潭在西山西麓。冉溪所匯也。②冉水見上篇註。③頻也。數也。④謂私債也。⑤積聚也。⑥水聲。⑦遠也。⑧指永州苗夷雜居。

〔諸家集評〕劉海峯曰：結處極幽冷之趣而情甚懷楚。

柳子厚鈗鉗潭西小邱記

得西山後八日。尋山口西北道二百步。又得鈗鉗潭。潭西二十五步。當湍_二而浚者爲魚梁。梁之上有邱焉。生竹樹。其石之突怒偃蹇_四負土而出。爭爲奇狀者。殆不可數。其嶽然相累而下者。若牛馬之飲於溪。其衝然角列而上者。若熊羆之登於山。邱之小不能一畝。可以籠而有之。問其主。曰：唐氏之棄地。貨而不售。問其價。曰：止四百。余憐而售之。李深源。元克已。時同遊。皆大喜。出自意外。卽更取器用。剷刈穢草。伐去惡木。烈火而焚之。嘉木立。美竹露。奇石顯。由其中以望。則山之高。雲之浮。溪之流。鳥獸魚之遨遊。舉熙熙然。迴巧獻技。以效茲邱之下。枕席而臥。則清冷之狀與目謀。澄澄之聲與耳謀。悠然而虛者與神謀。淵然而靜者與心謀。不匝旬而得異地者。二。雖古好事之士。或未能至焉。噫。以茲邱之勝。致之豐鎬鄠杜。則貴游之士爭買者。日增千金。而愈不可得。今棄是州也。農夫漁父過而陋之。價四

百。連歲不能售。而我與深源克己。獨喜得之。是其果有遭乎。書於石。所以賀茲邱之遭也。

〔註音〕(端)音貪(欽)音欽(滄)音營(鄂)音戶

〔釋義〕①小邱在鉅錡潭之西。邱之西為小石潭。②急流。③堰石障水而中空。以通魚之往來。④高起貌。⑤曲也。⑥石勢聳立也。⑦向前突出貌。⑧包也。⑨出賣也。⑩和洽狀。⑪水聲。⑫今陝西鄂縣。⑬今陝西長安縣。⑭今陝西鄂縣。⑮今陝西長安縣。

〔諸家集評〕劉海峯曰前寫小邱之勝後寫棄擲之感轉折獨見幽冷

柳子厚至小邱西小石潭記

從小邱西行百一十步。隔篁竹。聞水聲。如鳴佩環。心樂之。伐竹取道。下見小潭。水尤清冽。全石以為底。近岸卷石底以出。為坻。為嶼。為嶼。為巖。青樹翠蔓。蒙絡搖綴。參差披拂。潭中魚可百許頭。皆若空游無所依。日光下澈。影布石上。佁然不動。俶爾遠逝。往來翕忽。似與遊者相樂。潭西南而望。斗折蛇行。明滅可見。其岸勢犬牙差互。不可知其源。坐潭上。四面竹樹環合。寂寥無人。淒神寒骨。悄愴幽邃。以其境過清。不可久居。乃記之而去。同遊者。吳武陵。龔古。余弟宗玄。隸而從者。崔氏二小生。曰恕己。曰奉壹。

〔註音〕(冽)音列(坻)音遲(嶼)音嶼(佁)音以(翕)音吸

〔釋義〕①叢竹也。②水清也。③水中高地。④水中小山。⑤高低不平之石。⑥固滯也。⑦驟也。⑧輕疾貌。⑨如犬牙之參錯不齊也。⑩靜寂也。⑪淒涼貌。⑫深遠貌。⑬信州人。時亦流貶永州。⑭未詳。

柳子厚袁家渴記

由冉溪西南水行十里。山水之可取者五。莫若鈇鋤潭。由溪口而西。陸行。可取者八九。莫若西山。由朝陽巖東南。水行至蕪江。可取者三。莫若袁家渴。皆永中幽麗奇處也。楚越之間。方言謂水之反流者為渴。音若衣褐之褐。渴上與南館高嶂合。下與百家瀨合。其中重洲小溪。澄潭淺渚。間廁曲折。平者深黑。峻者沸白。舟行若窮。忽又無際。有小山出水中。山皆美石。石上生青叢。冬夏常蔚然。其旁多巖洞。其下多白礫。其樹多楓。枿石楠。榿。樟。柚。草則蘭芷。又有異卉。類合歡而蔓生。輻轆水石。每風自四山而下。振動大木。掩苒衆草。紛紅駭綠。蒼勃香氣。衝濤旋瀨。退貯溪谷。搖颺蕨藜。與時推移。其大都如此。余無以窮其狀。永之人未嘗遊焉。余得之。不敢專也。出而傳於世。其地世主袁氏。故以名焉。

【註音】(瀨)音賴(枿)音南(楠)同(榿)皮研切(輻)音諸(轆)音交葛(蕨)音威(藜)儒佳切

【釋義】①在零陵縣南。②見前。③在零陵縣西瀟江之嶂。④零陵縣東有蕪江橋。⑤永州也。⑥今名百家渡。在零陵縣南。⑦小洲曰渚。⑧草木茂盛貌。⑨小石也。⑩落葉喬木。葉掌狀三裂。至秋而葉紅。⑪常綠喬木。葉為長橢圓形。經冬不凋。木材極珍貴。⑫常綠灌木。葉橢圓而滑。背褐色多毛。⑬大木也。⑭常綠喬木。樹皮色白。一名麴儲。⑮常綠喬木。葉卵形。質硬有光。夏初開花。⑯常綠灌木。產于閩廣。幹高丈餘。枝有刺。葉為長卵形。葉柄有葉狀小片。花白色。實徑大四五寸。形圓。色黃皮厚。味甘而鮮。⑰白芷也。葉卵圓形。花白色。根入藥。⑱落葉喬木。葉如槐。至暮即合。亦名合昏。⑲雜亂貌。⑳掩映也。㉑茂盛貌。㉒流沙也。㉓葉垂之貌。

【諸家集評】吳至父曰此與遊黃溪起法皆撫史記西南夷傳

柳子厚石渠記

自渴西南行不能百步。得石渠。民橋其上。有泉幽幽然。其鳴乍大乍細。渠之廣。或咫尺。或倍尺。其長可十許步。其流抵大石。伏出其下。踰石而往。有石泓。菖蒲被之。青鮮環周。又折西行。旁陷巖石下。北墮小潭。潭幅員減百尺。清深多儵魚。又北曲行紆餘。睨若無窮。然卒入於渴。其側皆詭石怪木。奇卉美箭。可列坐而庥焉。風搖其巔。韻動崖谷。視之既靜。其聽始遠。予從州牧得之。攬去翳朽。決疏土石。既崇而焚。既醜而盈。惜其未始有傳焉者。故累記其所屬遺之其人。書之其陽。俾後好事者求之得以易。元和七年正月八日。蠲渠至大石。十月十九日。踰石得石泓小潭。渠之美。於是始窮也。

【註音】（泓）讀若弘（儵）音由（庥）音休（醜）音雁

【釋義】①溝也。②山下出泉曰伏。③多年生水草。氣味香烈。④指面積也。⑤即白鱖魚。⑥曲折也。⑦小竹也。

⑧休止也。⑨分也。⑩潔也。

【諸家集評】茅順甫曰清冽

柳子厚石澗記

石渠之事既窮。上由橋西北。下土山之陰。民又橋焉。其水之大。倍石渠三之。互石為底。達於兩涯。若牀若堂。若陳筵席。若限闔奧。水平布其上。流若織文。響若操琴。揭蹠而往。折竹掃陳葉。排腐木。可羅胡牀。十八九居之。交絡之流。觸激之音。皆在牀下。翠羽之木。龍鱗之石。均蔭其上。古之人其有

樂乎此耶。後之來者。有能追余之踐履耶。得意之日。與石渠同。由渴而來者。先石渠。後石澗。由百家瀨上而來者。先石澗。後石渠。澗之可窮者。皆出石城村東南。其間可樂者數焉。其上深山幽林。逾峭險。道狹不可窮也。

【註音】(閫)苦穩切(蹠)蘇典切

【釋義】①門限也。②室西南隅曰奧。③赤足也。④(清異錄)胡牀。施轉關以交足。穿綆緣以容坐。轉縮須臾。重不數斤。(演繁露)今之交牀。本自虜來。始名胡牀。隋改交牀。唐穆宗時又名繩牀。

柳子厚小石城山記

自西山道口徑北。踰黃茅嶺而下。有二道。其一西出。尋之無所得。其一少北而東。不過四十丈。土斷而川分。有積石橫當其垠^{一*}。其上為睥睨^二梁欂^{三*}之形。其旁出堡塢^{四*}。有若門焉。窺之正黑。投以小石。洞然有水聲。其響之激越^五。良久乃已。環之可上。望甚遠。無土壤。而生嘉樹美箭^六。益奇而堅。其疏數偃^{七*}仰。類智者所施設也。噫。吾疑造物者之有無久矣。及是愈以為誠有。又怪其不為之於中州。而列是夷狄。更千百年。不得一售其伎。是固勞而無用。神者儻不宜如是。則其果無乎。或曰。以慰夫賢而辱於此者。或曰。其氣之靈。不為偉人。而獨為是物。故楚之南。少人而多石。是二者。余未信之。

【註音】(垠)音銀(欂)音麗(塢)安古切(數)音促

【釋義】①垠也。②城上之短牆也。③棟也。④在村落之外。用土築成。藉以防守之小城。⑤聲清遠也。⑥竹也。⑦密也。

柳子厚柳州東亭記

出州南譙門^二左行二十六步。有棄地在道南。南值江^三。西際垂楊。傳置^四。東曰東館。其內草木猥奧^{*五}。有崖谷傾亞^六。缺圯豕得^七以為囿。蛇得^八以為藪。人莫能居。至是始命披荆蠲^{九*}疏。樹以竹箭松檉^{一〇*}。桂檜柏杉^{一一}。易為堂亭。峭為杠^{*一二}。梁下上迴翔。前出兩翼。憑空拒江。江化為湖。衆山橫環。嶮闊^{*一五}。纓灣^{一六}。當邑居之劇。而忘乎人間。斯亦奇矣。乃取館之北宇。右闢之^{一七}。以為夕室。取傳置之東宇。左闢之^{一七}。以為朝室。又北闢之。以為陰室。作屋於北牖下。以為陽室。作斯亭於中。以為中室。朝室以夕居之。夕室以朝居之。中室日中而居之。陰室以違溫風焉。陽室以違淒風焉。若無寒暑也。則朝夕復其號。既成。作石於中室。書以告後之人。庶勿壞。元和十二年九月某日。柳宗元記。

〔註音〕(猥)音萎(荆)音拂(檉)音聊(纓)音嬰

〔釋義〕①柳州。今廣西馬平縣。子厚初貶永州。後徙柳州刺史。②門上設樓。用以望遠者。③柳江。其源出貴州榕江縣。經馬平至象縣。西曰象江。又南至武宣縣。西與黔江會。④驛站也。⑤叢積也。⑥側也。⑦壓也。⑧物之歸也。⑨斫也。⑩落葉亞喬木。一名觀音柳。葉細長密生。⑪常綠灌木。柏葉松身。又名圓柏。⑫常綠喬木。幹端直。葉似松而短。⑬平也。⑭橋梁也。小橋曰杠。⑮高而闊也。⑯水遠也。⑰窗戶也。

柳子厚柳州山水近治可遊者記

古之州治。在潯水南山石間。今徙在水北。直平四十里。南北東西皆水匯。北有雙山。夾道蘄然^{*二}。曰背石山^三。有支川。東流入於潯水。潯水因是北而東。

盡大壁下。其壁曰龍壁^四。其下多秀石可硯。南絕水。有山無麓^五。廣百尋^六。高五丈。下上若一。曰甌山^七。山之南皆大山。多奇。又南且西。曰駕鶴山^八。壯聳環立。古州治負焉。有泉在坎下。常盈而不流。南有山正方而崇。類屏者曰屏山^{一〇}。其西曰四姥山^二。皆獨立不倚。北流潯水瀨下。又西曰仙奔之山^三。山之西可上。其上有穴。穴有屏。有室。有宇。其宇下有流石成形。如肺肝。如茄房^{一三}。或積於下。如人如禽。如器物。甚衆。東西九十尺。南北少半。東登入小穴。常有四尺。則廓然甚大。無竅。正黑。燭之。高僅見其宇。皆流石怪狀。由屏南室中入小穴。倍常而上。始黑。已而大明。爲上室。由上室而上。有穴北出。出之。乃臨大野。飛鳥皆視其背^{一五}。其始登者。得石枰於上^{一六}。黑肌而赤脈^{一七}。十有八道。可弈。故以云。其山多種。多櫛^{一八}。多篔簹之竹^{一九}。多橐吾^{二〇}。其鳥多種^{二一}。歸石魚之山^{二二}。全石。無大草木。山小而高。其形如立魚。在多種^{二三}。歸西。有穴類仙奔。入其穴東。出其西北。靈泉在東趾下。有麓環之^{二四}。泉大類轂雷^{二五}。鳴西奔二十尺。有洞在石澗。因伏無所見。多綠青之魚。多石鯽^{二六}。多鯿^{二七}。雷山兩崖皆東西。雷水出焉^{二八}。蓄崖中曰雷塘。能出雲氣作雷雨。變見有光。禱用俎魚豆彘^{二九}。修形縉^{三〇}。稊陰^{三一}。酒虔則應。在立魚南。其間多美山。無名而深。峨山^{三二}。在野中。無麓。峨水出焉。東流入於潯水。

【註音】(嶄)土減切(甌)會去聲(姥)同母(枰)音平(篔簹)音雲當(櫛)音姊(縉)音胥(稊)音徒

〔釋義〕①卽潯江。其上游卽柳江。至武宣縣西會黔江。至桂平縣東。與鬱江合而東流。稱潯江。②高峻貌。③在馬平縣西北。其東山曰桃竹。西山曰鵲岡。俗名夾道雙山。④山名。在縣東北。石壁峭立。下臨灘。⑤山腳下地。⑥八尺爲尋。⑦在馬平縣東南。⑧在縣東南。下有長塘。冬夏不涸。⑨高峙也。⑩在馬平縣南。⑪在縣西。⑫在馬平縣西南。山中有一穴。由穴可登。而至其巔。⑬茄蔬類。植物。一名落蘇。其實形多扁圓。卵圓或長圓。茄房。茄之蒂也。⑭八尺曰尋。二尋曰常。⑮俯瞰飛鳥。只見其背。⑯碁局。⑰黑石。赤紋。⑱生水邊。長數丈。圍尺五六寸。一節相去六七尺。⑲卽款冬。多年生草。葉圓大。春初莖端開黃花。雖冰雪中。亦能生芽。故名款冬。⑳鳥名。卽子規。又名杜鵑。或杜宇。鳴聲淒厲。㉑在馬平縣西南。山半有立魚巖。巖之東麓。靈泉出焉。下有龍潭。㉒車輪中心圓木。㉓漩流。㉔石魚形似鱗。㉕在馬平縣西。中有雷塘。㉖精米。㉗糯稻。㉘水酒。㉙在馬平縣西。亦曰鵲山。

柳子厚零陵郡復乳穴記

石鍾乳。餌之最良者也。楚越之山多產焉。于連于韶者。獨名於世。連之人告盡焉者五載矣。以貢則買諸他郡。今刺史崔公^四至逾月。穴人來以乳復告。邦人悅是祥也。雜然謠曰。毗^五之熙熙^六。崔公之來。公化所徹。土石蒙烈。以為不信。起視乳穴。穴人笑之曰。是惡知所謂祥耶。嚮吾以刺史之貪戾嗜利。徒吾役而不吾貨也。吾是以病而給焉^八。今吾刺史令明而志潔。先賴而後力^九。欺誣屏息。信順休洽。吾以是誠告焉。且夫乳穴必在深山窮林。冰雪之所儲。豺虎之所廬。由而入者。觸昏霧。扞龍蛇。束火以知其物。縻繩以志其返。其勤若是。出又不得吾直^{*}。吾用是安得不以盡告。今令人^{*}而乃誠。吾告故也。何祥之為。士聞之曰。謠者之祥也。乃其所謂怪者也。笑者之非祥也。乃其所謂真祥者也。君子之祥也。以政不以怪。誠乎物而信乎道。人樂用命。熙熙然以效其有。斯其為政也。而獨非祥也歟。

〔註音〕(毗)音萌(給)音殆(直)同值(人)通仁

〔釋義〕①泉水含炭酸石灰由岩隙下滴。其石灰質日久凝積。纍纍下垂。狀如鐘之乳。故名石鍾乳。或稱鐘

乳。昔人以為藥。頗珍視之。②連州。今廣東連縣。③韶州。今廣東曲江縣。④名簡。⑤田野之民。⑥和樂也。⑦給價也。

⑧欺也。⑨謂先裕民生。使有所依賴。然後使民。⑩繫也。

柳子厚零陵二亭記

邑之有觀游。或者以爲非政。是大不然。夫氣煩則慮亂。視壅則志滯。君子必有游息之物。高明之具。使之清寧平夷。恆若有餘。然後理達而事成。零陵縣東有山麓。泉出石中。沮洳^{二*}汚塗。羣畜食焉。牆藩以蔽之。爲縣者積數十人。莫知發視。河東薛存義^三。以吏能聞荆楚間。潭部^四舉之。假湘源^六令。會零陵政^{七*}。龍賦擾。民訟于牧。推能濟弊。來蒞茲邑。遁逃復還。愁痛笑歌。逋租^八匿役^九。朞月辦理。宿蠹藏姦。披露首服。民既卒稅。相與歡歸道塗。迎賀里閭。門不施胥吏之席。耳不聞鞀鼓^{一〇}之召。雞豚糗^{一一*}醕^{一二*}得及宗族。州牧尙焉。旁邑倣焉。然而未嘗以劇自撓。山水鳥魚之樂。澹然自若也。乃發牆藩。驅羣畜。決疏沮洳。搜剔山麓。萬石如林。積坳^{一三}爲池。爰有嘉木美卉^{一四}。垂水藂峯。瓏璽^{一五}蕭條。清風自生。翠烟自留。不植而遂。魚樂廣閒。鳥慕靜深。別孕巢穴。沈浮嘯萃。不蓄而富。伐木墜江。流于邑門。陶土^{一六}以埴^{一六}。亦在署側。人無勞力。工得以利。乃作三亭^{一七}。陟降晦明。高者冠山顛。下者俯清池。更衣膳饗。列置備具。賓以燕好。旅以館舍。高明游息之道。具於是邑。由薛爲首。在昔裨^{一八}謚謀野而獲^{一八}。宓子^{一九}彈琴而理。亂慮滯志。無所容入。則夫觀游者。果爲政之具歟。薛之志。其果出於是歟。及其弊也。則以玩替政。以荒去理。使繼是者。咸有薛之志。則邑民之福。其可既乎。余愛其始。而欲久其道。乃撰其事。以書于石。薛

拜手曰。吾志也。遂刻之。

【註音】（御）音茹（食）音寺（危）音茫（馨）音高（糗）去有切（醋）寫與切（坳）音凹（宓）同伏

【釋義】①蔽塞也。②低濕之地也。③河東人。元和間。授零陵令。④唐湖南觀察使。治潭州。⑤兼職曰假。⑥今廣西全縣。唐永州屬。⑦雜亂也。⑧欠逃租稅者。⑨避力役者。⑩大鼓也。⑪飯也。⑫美酒也。⑬窠下也。⑭花草也。⑮空明貌。⑯黏土也。⑰一曰讀書亭。二曰湘秀亭。三曰俯清亭。均在東山之麓。⑱春秋鄭大夫。能謀。謀於野則獲。謀於邑則否。鄭國有事。子產與之乘以適野。共謀可否。⑲即宓不齊。字子賤。春秋魯人。鳴琴不下堂。而邑大治。

柳子厚館驛使壁記

凡萬國之會。四夷之來。天下之道塗。畢出於邦畿之內。奉貢輸賦。修職於王都者。入於近關。則皆重足錯轂。以聽有司之命。徵令賜予。布政於下國者。出於甸服。而後按行成列。以就諸侯之館。故館驛之制。於千里之內。尤重。自萬年。至於渭南。其驛六。其蔽曰華州。其關曰潼關。自華而北。界於櫟陽。其驛七。其蔽曰同州。其關曰蒲津。自灊而南。至於藍田。其驛六。其蔽曰商州。其關曰武關。自長安。至於盩厔。其驛十有一。其蔽曰洋州。其關曰華陽。自武功。西至於好時。其驛三。其蔽曰鳳翔府。其關曰隴關。自渭而北。至於華原。其驛九。其蔽曰坊州。自咸陽而西。至於奉天。其驛六。其蔽曰邠州。由四海之內。總而合之。以至於關。由關之內。東而會之。以至於王都。華人夷人。往復而授館者。旁午而至。傳吏奉符而閱其數。縣吏執牘而書其物。告至告去之役。不絕於道。寓望迎勞之禮。無曠於日。而春秋朝陵之邑。皆

有傳館。其飲飫餼饋三二咸出於豐給。繕完築復。必歸於整頓。列其田租。布其貨利。權其入而用其積。於是三三有出納奇贏之數。勾會考校之政三四。大曆十四年。始命御史為之使。俾考其成。以質於尚書。季月之晦三五。必合其簿書。以視其等列。而校其信宿三六。必稱其制。有不當者。反之於官尸三七。其事者有勞焉三八。則復於天子。而優升之。勞大者增其官。其次者降其調之數。又其次。猶異其考績。官有不職。則以告而罪之。故月受俸二萬於太府史五人。承符者二人三九。皆有食焉。先是假廢官之印而用之。貞元十九年。南陽韓泰告於上。始鑄使印。而正其名。然其嗣當斯職。未嘗有記之者。追而求之。蓋數歲而往。則失之矣。今余為之記。遂以韓氏為首。且曰修其職。故首之也。

【註音】(櫟)音立(整屋)音周室(時)音止(邠)音賓(會)古外切(奇)音羈

【釋義】①中國境外四方之夷也。東夷。西戎。南蠻。北狄。謂之四夷。②國境也。③王都外周圍五百里之地。④今陝西長安縣。⑤今陝西渭南縣。⑥并障也。⑦在今陝西華縣北。⑧在今陝西潼關縣。⑨今陝西大荔縣。⑩即大慶關。在陝西朝邑縣東。⑪水名。在長安縣東。源出藍田縣。流至長安縣。北流入渭水。⑫今陝西藍田縣。⑬今陝西商縣。⑭在商縣東。⑮今長安縣。唐西京。⑯今陝西整屋縣。⑰關已廢。本在洋縣東北。⑱今陝西武功縣。⑲今陝西乾縣東北。⑳即岐州。今陝西鳳翔縣。㉑即大農關。在陝西隴縣西隴山下。㉒水名。在長安縣北。源出甘肅流入陝西境。至華陰縣入黃河。㉓今陝西耀縣。㉔在今陝西中部縣南。㉕今陝西咸陽縣。㉖今陝西乾縣。㉗今陝西邠縣。㉘縱橫交錯也。㉙陵。墓也。朝陵。謂祭墓。㉚賜也。㉛饋也。㉜歲計曰會。㉝每季之末月。㉞「左莊」一宿為舍。再宿為信。㉟主持也。㊱功績也。㊲官名。掌府藏會計。㊳掌文書者。㊴驗符節者。㊵字安平。南陽人。順宗時。官戶部郎中。神策行營節度司馬。後因坐王叔文黨。貶虔州司馬。終湖州刺史。

【諸家集評】方望溪曰。意義了不異人。以字句做三禮。內外傳。遂覺古光照人。李習之論文。造言與創意並重。有以哉。

姚氏曰子厚在御史禮部時文往往摹效國語而蹊徑不化辭頗蹇蹇若饜軍堂江運二記皆然此文較爲明淨雅飭然尙不及永柳以後所爲也

柳子厚陪永州崔使君遊讌南池序

零陵城南環以羣山。延以林麓。其崖谷之委會。則泓然爲池。灣然爲溪。其上多楓楠竹箭哀鳴之禽。其下多芡芰蒲藻騰波之魚。韜涵太虛。澹灑里閭。誠游觀之佳麗者已。崔公既來。其政寬以肆。其風和以廉。既樂其人。又樂其身。于暮之春。徵賢合姻。登舟于茲水之津。連山倒垂。萬象在下。浮空泛景。蕩若無外。橫碧落以中貫。陵太虛而徑度。羽觴飛翔。匏竹激越。熙然而歌。婆然而舞。持頤而笑。瞪目而倨。不知日之將暮。則於向之物者。可謂無負矣。昔之人知樂之不可常。會之不可必也。當歡而悲者有之。況公之理行。宜去受厚錫。而席之賢者。率皆在官蒙澤。方將脫鱗介。生羽翮。夫豈趨趨湘中。爲顛顛客耶。余既委廢于世。恆得與是山水爲伍。而悼茲會不可再也。故爲文志之。

【註音】(芡)枝掩切(芰)音志(藻)音渠(鱗)音豔(翮)音核(趨趨)音咨疽

【釋義】①崔使君名敏。②南池在陵零縣東南。③生水。中秋結實如粟。一名鷄頭。④兩角曰菱。四角曰芰。⑤菖蒲。⑥荷花別名。⑦水流動貌。⑧青天。⑨杯也。作雀形。⑩樂器。⑪舞姿。⑫行不進也。⑬亦作憔悴。謂形容之枯槁也。【楚辭】屈原既放。游於江潭。行吟澤畔。顏色憔悴。形容枯槁。

【諸家集評】劉海峯曰序文惟昌黎橫絕古今以雄奇勝歐公次之。以情韻勝子固次之。以醇雅勝其餘五家皆非所長。子厚此篇有聲有色。頗得雄直之勢。當爲柳序第一。又曰橫碧二偶語宜刪。

吳至父曰此下三首皆序體不宜入記

柳子厚序飲

買小邱。一日鋤理。二日洗滌。遂置酒溪石上。嚮之為記。所謂牛馬之飲者。離坐其背。實觴而流之。接收以飲。乃置監史而令曰。當飲者舉籌之十寸者。三。逆而投之。能不涸於狀。不止于坻。不沈於底者。過不飲。而涸而止而沈者。飲如籌之數。既或投之。則旋眩滑汨若舞若躍。速者遲者。去者住者。衆皆據石注視。歡怵以助其勢。突然而逝。乃得無事。于是或一飲。或再飲。客有婁生圖南者。其投之也。一涸一止一沈。獨三飲。衆乃大笑驩甚。余病痞不能食酒。至是醉焉。遂損益其令。以窮日夜而不知歸。吾聞昔之飲酒者。有揖讓酬酢百拜以為禮者。有叫號屢舞如沸如羹以為極者。有裸裎袒裼以為達者。有資絲竹金石之樂以為和者。有以促數糺逖而為密者。今則舉異是焉。故捨百拜而禮。無叫號而極。不袒裼而達。非金石而和。去糺逖而密。簡而同。肆而恭。衍衍而從容。相以合山水之樂。成君子之心。宜也。作序飲。以貽後之人。

【註音】(狀)音伏(坻)音遲(汨)古忽切(怵)音卜(程)音呈(裼)音錫(糺)同糾

【釋義】①在零陵縣西。②指銘鐻潭西小邱記。③並坐。④注酒於觴使浮水而流。⑤監行酒令者。⑥涸流。⑦水中高地。⑧昏亂也。⑨滅也。⑩露身。⑪露臂也。⑫糾而遠之。⑬樂也。

柳子厚序棊

房生直溫。與予二弟遊。皆好學。予病其確也。思所以休息之者。得木局。隆其中而規焉。其下方以直。置棊二十有四。貴者半。賤者半。貴曰上。賤曰下。咸自第一至十二。下者二。乃敵一。用朱墨以別焉。房於是取二豪^{二*}如其第書之。既而抵戲者二人。則視其賤者而賤之。貴者而貴之。其使之擊觸也。必先賤者。不得已而使貴者。則皆慄焉^{四*}。亦鮮克以中。其獲也。得朱焉。則若有餘。得墨焉。則若不足。余諦睨之^五以思。其始則皆類也。房子一書之。而輕重若是。適近其手而先焉。非能擇其善而朱。否而墨之也。然而上焉。而上。下焉。而下。貴焉。而貴。賤焉。而賤。其易彼而敬此。遂以遠焉。然則若世之所以貴賤人者。有異房之貴賤茲棊者歟。無亦近而先之耳。有果能擇其善否者歟。其敬而易者。亦從而動心矣。有敢議其善否者歟。其得於貴者。有不氣揚而志蕩者歟。其得於賤者。有不貌慢而心肆者歟。其所謂貴者。有敢輕而使之擊觸者歟。所謂賤者。有敢避其使之擊觸者歟。彼朱而墨者。相去千萬。且不啻。有敢以二敵其一者歟。余墨者徒也。觀其始與末。有似棊者。故敘。

【註音】(豪)同毫(抵)音邸(惜)音昏

【釋義】①專也。②朱墨二筆。③擊也。④心不明也。⑤仔細審視也。

李習之來南錄

元和二年十月。期既受嶺南尚書公之命。四年正月己丑。自旌善第。以妻子上船於漕。乙未。去東都。韓退之石濬川假舟送予。明日。及故洛東。弔孟東野。遂以東野行。濬川以妻疾。自漕口先歸黃昏。到景雲山居。詰朝。登上方。南望嵩山。題姓名記別。既食。韓子孟別予西歸。戊戌。予病寒。飲蔥酒以解表。暮宿於鞏。庚子。出洛下河。止汴梁口。遂泛汴流。通河於淮。辛丑。及河陰。乙巳。次汴州。疾又加。召醫察脈。使人入盧義。二月丁未朔。宿陳留。戊申。莊人自盧義來。宿雍邱。乙酉。次宋州。疾漸瘳。壬子。至永城。甲寅。至埭口。丙辰。次泗州。見刺史假舟。轉淮上河。如揚州。庚申。下汴渠。入淮。風帆及盱眙。風逆。天黑色。水波激。順潮入新浦。壬戌。至楚州。丁卯。至揚州。戊辰。上栖靈浮圖。辛未。濟大江。至潤州。戊寅。至常州。壬午。至蘇州。癸未。如虎邱之山。息足千人石。窺劍池。宿望海樓。觀走砌石。將游報恩水涸。舟不通。無馬道。不果游。乙酉。濟松江。丁亥。官艘隙。水溺。舟敗。戊子。至杭州。己丑。如武林之山。臨曲波。觀輪轄。登石橋。宿高亭。晨望平湖。孤山江濤窮竹道。上新堂。周眺羣峯。聽松風。召靈山。永吟叫猿。山童學反舌聲。癸巳。駕濤江。逆波至富春。丙申。七里灘。至睦州。庚子。上揚盈川亭。辛丑。至衢州。以妻疾止行。居開元佛寺。臨江亭後。三月丁未朔。期在衢州。甲子。女某生。四月丙子朔。期在衢州。

與侯高宿石橋。丙戌去衢州。戊子自常山四三上嶺至玉山四四庚寅至信州四五甲午望弋陽山怪峯直聳似華山四六丙申上干越亭四八己亥直渡擔石湖四九辛丑至洪州遇嶺南使游徐孺亭看荷華五〇五月壬子至吉州五一壬戌至虔州五二己丑與韓泰安平渡江遊靈應山居辛未上大庾嶺五三明日至湏昌五六癸酉上靈屯西嶺五七見韶石甲戌宿靈鷲山居六月乙亥朔至韶州六〇丙子至始興六一公室戊寅入東蔭山看大竹笋如嬰兒過湏陽峽六三己卯宿清遠峽山癸未至廣州自東京至廣州水道出衢信七千六百里出上元六五西江六六七千一百有三十里自洛川下黃河汴梁過淮至淮陰一千八百有三十里順流自淮陰至邵伯六七三百有五十里逆流自邵伯至江九十里自潤州至杭州八百里渠有高下六八水皆不流自杭州至常山六百九十有五里逆流多驚灘以竹索引船乃可上自常山至玉山八十里陸道謂之玉山嶺自玉山至湖七百有一六八十里順流謂之高溪自湖至洪州一百有一十八里逆流自洪州至大庾嶺一千有八百里逆流謂之章江自大庾嶺至湏昌一百有一十里陸道謂之大庾嶺自湏昌至廣州九百有四十里順流謂之湏江出韶州謂之韶江。

【註音】(壩)音甬(盱)吁(湏)音貞(鷲)音就

【釋義】①指揚於陵時為嶺南節度使辟李翱入幕。②運河。③即石洪見退之送石處士序。④洛陽故城。⑤景山在偃師縣南西有白雲山。⑥明朝。⑦今河南鞏縣。⑧汴水上游。⑨汴水西通河濟南達江淮。⑩今河南滎陽

縣西。①今河南開封縣。②今河南陳留縣。③今河南杞縣。④今河南商邱縣。⑤今河南永城縣。⑥在安徽宿縣北。有埇橋。⑦今安徽泗縣。⑧即沐河。⑨今安徽盱眙縣。⑩疑即清江浦。在江蘇淮安縣。⑪今名法淨寺。在江都縣。⑫今江蘇丹徒縣。⑬在蘇州閶門外。⑭在虎邱山下。石可坐千人。⑮在虎邱山。秦始皇求吳王寶劍處。⑯無考。⑰虎邱山之五十四層石級。⑱寺名。在吳縣支硎山上。梁武帝置。今縣城北隅。本吳通元寺。吳越錢氏移支硎山報恩寺額於此。亦稱北寺。⑲即淞江。太湖之支流。⑳在杭縣。㉑西湖也。在杭州。平湖秋月。為西湖十景之一。㉒在杭州西湖。位於裏外二湖之間。一嶼聳立。為湖山勝地。宋林逋隱居於此。舊多梅。㉓浙江潮也。㉔鳥名。即百舌。㉕即浙江。又曰之江。㉖今浙江富陽縣。㉗在今浙江桐廬縣上。亦曰七里瀨。去建德縣凡四十餘里。㉘今浙江建德縣。㉙盈川縣。在衢縣西。唐如意元年置。後廢。今龍游縣西北二十里。有楊盈川祠。疑亭在祠中。唐楊炯。華陰人。為梓州司法參軍。改盈川令。㉚今浙江衢縣。㉛在衢縣東南。唐神龍中建。㉜今浙江常山縣。㉝今江西玉山縣。㉞今江西上饒縣。㉟在弋陽縣東。以三十二峯名。㊱在陝西華陰縣。㊲在江西餘干縣。羊角山。唐張俊。建。㊳即鄱陽湖。湖中有擔石山。㊴在南昌縣南徐孺子墓上。按孺子名稚。東漢高士。㊵今江西吉安縣。㊶今江西贛縣。㊷江。東江也。贛江上源為貢章二水。至贛縣北合流。貢水一名東江。㊸山在龍南縣北。有僧飛錫得泉。因名。㊹在江西大庾縣南。與廣東南雄縣分界。㊺今廣東南雄縣。㊻疑即廣東仁化縣西北之黃嶺。登之可見韶石。㊼山名。在廣東曲江縣北。㊽山在曲江縣北。㊾今廣東曲江縣。㊿今廣東始興縣。①在廣東翁源縣境。②在廣東英德縣南。③在廣東清遠縣東。④今江蘇江寧縣。⑤即章江。⑥湖名。在江蘇江都縣北。⑦鄱陽湖。

卷五十四

雜記類四

歐陽永叔仁宗御飛白記

治平^二四年夏五月。余將赴亳^三。假道於汝陰^四。因得閱書於子履^五之室。而雲章^六爛然^七。輝映日月。爲之正冠肅容再拜。而後敢仰視。蓋仁宗^八皇帝之御飛白也。曰。此寶文閣之所藏也。胡爲於子之室乎。子履曰。曩者天子宴從臣於羣玉^九。而賜以飛白。余幸得與賜焉。予窮於世久矣。少不悅於時人。流離竄斥。十有餘年。而得不老死江湖之上者。蓋以遭時清明。天子嚮學。樂育天下之材。而不遺一介之賤。使得與羣賢並遊於儒學之館。而天下無事。歲時豐登。民物安樂。天子優游清閒。不邇聲色。方與羣臣從容於翰墨之娛。而余於斯時竊獲此賜。非惟一介之臣之榮遇。亦朝廷一時之盛事也。子其爲我志之。余曰。仁宗之德澤涵濡於萬物者。四十餘年。雖田夫野老之無知。猶能悲歌思慕於壠畝之間。而況儒臣學士。得望清光。蒙恩寵。登金門而上玉堂者乎。於是相與^{*}泫然^二流涕而書之。夫石韞玉而珠藏淵。其光氣常見於外也。故山輝而白虹。水變而五色者。至寶之所在也。今賜書之藏於子室也。吾知將有望氣者。言榮光^三起而燭天者。必賜書之所在也。

【註音】（泫）胡畎切

【釋義】①書體之一種。筆畫枯槁而中空者。後漢蔡邕所作。②英宗年號。③州名。治今安徽亳縣。④今安徽阜陽縣。⑤姓陸名經。子履其字也。宋越州人。仁宗時。官至集賢殿修撰。⑥「詩」倬彼雲漢。爲章於天。⑦光明貌。⑧名禎。眞宗之子也。⑨殿名。⑩漢制。使學士待詔金馬門。備顧問。侍中有玉堂署。⑪旒。涕貌。⑫瑞氣也。【諸家集評】茅順甫曰。文不用意處。卻有一片渾雄冲淡精神。

歐陽永叔襄州穀城縣夫子廟記

釋奠。釋菜。祭之略者也。古者士之見師。以菜爲贄。故始入學者。必釋菜。以禮其先師。其學官四時之祭。乃皆釋奠。釋奠有樂無尸。而釋菜無樂。則其又略也。故其禮亡焉。而今釋奠幸存。然亦無樂。又不徧舉於四時。獨春秋行事而已。記曰。釋奠必有合。有國故則否。謂凡有國。各自祭其先聖先師。若唐虞之夔伯夷。周之周公。魯之孔子。其國之無焉者。則必合於鄰國而祭之。然自孔子沒。後之學者。莫不宗焉。故天下皆尊以爲先聖。而後世無以易。學校廢久矣。學者莫知所師。又取孔子門人之高弟曰顏回者。而配焉。以爲先師。隋唐之際。天下州縣皆立學。置學官生員。而釋奠之禮。遂以著令。其後州縣學廢。而釋奠之禮。吏以其著令。故得不廢。學廢矣。無所從祭。則皆廟而祭之。荀卿子曰。仲尼。聖人之不得勢者也。然使其得勢。則爲堯舜矣。不幸無時而沒。特以學者之故。享弟子春秋之禮。而後之人。不推所謂釋奠者。徒見官爲立祠。而州縣莫不祭之。則以爲夫子之尊。由此而盛。甚者乃謂生雖不得位。而沒有所享。以爲夫子榮。謂有德之報。雖堯舜

莫若。何其謬論者歟。祭之禮以迎尸酌鬯七為盛。釋奠薦饌直奠而已。故曰祭之略者。其事有樂舞授器之禮。今又廢。則於其略者又不備焉。然古之所謂吉凶鄉射賓燕之禮。民得而見焉者。今皆廢失。而州縣幸有社稷釋奠風雨雷師之祭。民猶得以識先王之禮器焉。其牲酒器幣之數。升降俯仰之節。吏又多不能習。至其臨事。舉多不中。而色不莊。使民無所瞻仰。見者怠焉。因以為古禮不足復用。可勝歎哉。大宋之興。於今八十年。天下無事。方修禮樂。崇儒術。以文太平之功。以謂王爵未足以尊夫子。又加至聖之號。以褒崇之。講正其禮。下於州縣。而吏或不能諭上意。凡有司簿書之所不責者。謂之不急。非師古好學者。莫肯盡心焉。穀城令狄君栗二為其邑未逾時。修文宣王廟。易於縣之左。大其正位。為學舍於其旁。藏九經書三。率其邑之子弟興於學。然後考制度。為俎豆籩簠爵簠簋凡若干。以與其邑人行事。穀城縣政久廢。狄君居之。期月稱治。又能載國典。修禮興學。急其有司所不責者。認認二然惟恐不及。可謂有志之士矣。

【註音】(鬯)音帳(中)去聲(文)去聲(籩)音邊(簠)音匪(簋)音甫(簠)音畧(調)音徒

【釋義】一置爵於神前而祭也。二祭以芹藻之屬。禮先師也。三神象也。古者祭祀。皆有尸以依神。以卑幼者

為之。四合。謂合樂。五國家之事故。六名況。戰國趙人。七祭祀所用酒也。以鬱金草釀秬黍為之。八吉。謂祭禮。凶。謂喪禮。鄉射者。州長於春秋以禮會民。而射於州序。賓謂賓客之禮。燕謂燕禮。賓燕之禮。亦皆有射。九士。穀祠也。唐開元二十七年。追諡孔子為文宣王。宋大中祥符元年。加諡至聖文宣王。一字孟章。長沙人。歷官大理寺丞。易詩書三傳三禮為九經。薦牲之具。以木為架而漆飾之。以木為之。編竹為之。以竹為之。形圓。長三尺。

廣一尺。深六寸。足高三寸。上有蓋。①皆酒器。②盛稻梁器。以木爲之。其形方。③盛黍稷器。以木爲之。其形圓。④懼

歐陽永叔有美堂記

嘉祐二年。龍圖閣直學士尙書吏部郎中梅公^二出守於杭。於其行也。天子寵之以詩。於是始作有美之堂。蓋取賜詩之首章而名之。以爲杭人之榮。然公之甚愛斯堂也。雖去而不忘。今年自金陵遣人走京師。命予誌之。其請至六七而不倦。予乃爲之言曰。夫舉天下之至美。與其樂。有不得而兼焉者多矣。故窮山水登臨之美者。必之乎寬閒之野。寂寞之鄉。而後得焉。覽人物之盛麗。夸都邑之雄富者。必據乎四達之衝。舟車之會。而後足焉。蓋彼放心於物外。而此娛意於繁華。二者各有適焉。然其爲樂。不得而兼也。今夫所謂羅浮^三天台^四衡嶽^五廬阜^六洞庭^七之廣。三峽^八之險。號爲東南奇偉秀絕者。乃皆在乎下州小邑。僻陋之邦。此幽潛之士。窮愁放逐之臣之所樂也。若乃四方之所聚。百貨之所交。物盛人衆。爲一都會。而又能兼有山水之美。以資富貴之娛者。惟金陵錢塘^九然二邦。皆僭竊於亂世。及聖宋受命。海內爲一。金陵以後服見誅。今其江山雖在。而頽垣廢址。荒烟野草。過而覽者。莫不爲之躊躇^{*一二*}而悽愴^{一二}。獨錢塘自五代時。知尊中國。效臣順。及其亡也。頓首請命。不煩干戈。今其民幸富完安樂。又其俗習工巧。邑屋華麗。蓋

十餘萬家環以湖山。左右映帶。而閩商海賈。風帆浪舶。出入於江濤浩渺。烟雲杳靄之間。可謂盛矣。而臨是邦者。必皆朝廷公卿大臣。若天子之侍從。又有四方游士。爲之賓客。故喜占形勝。治亭榭。相與極游覽之娛。然其於所取。有得於此者。必有遺於彼。獨所謂有美堂者。山水登臨之美。人物邑居之繁。一寓目而盡得之。蓋錢塘兼有天下之美。而斯堂者。又盡得錢塘之美焉。宜乎公之甚愛而難忘也。梅公清慎好學君子也。視其所好。可以知其人焉。

【註音】(躊)音儔(躋)音除(舶)音白

【釋義】①堂在杭縣吳山最高處。②名摯。字公儀。成都新繁人。累遷右諫議大夫。知河中府卒。③山名。在廣東增城縣。④山名。在浙江天台縣北。⑤在湖南衡山縣西北。⑥即廬山。在江西星子縣西北。⑦湖名。在湖南。⑧皆在川楚間大江中。一爲瞿塘峽。一爲巫峽。一爲西陵峽。三峽之中。長凡七百里。灘多水急。舟行甚險。⑨今浙江杭縣。⑩即南唐吳越。南唐李氏。據金陵。吳越錢氏。據錢塘。⑪徘徊不進也。⑫悲感也。⑬水大也。⑭遙望迷離也。

【諸家集評】大姚曰文雖宋世格調然勢隨意變風韻溢於行間誦之鏘然又曰方望溪極詆此文又曰公嘗與人書言此記爲隨俗應酬之作按公與梅聖俞簡云梅公儀來要杭州一亭記述遊覽景物非要務問詞長說已自難工兼以目所不見勉強而成幸未寄去幸爲看過有甚俗惡幸不形迹也此亦別一亭記非此記也其亭記居士集外集并不見蓋已芟之

歐陽永叔豐樂亭記

修旣治滁之明年夏。始飲滁水而甘。問諸滁人。得於州南百步之近。其上豐山聳然而特立。下則幽谷窈然而深藏。中有清泉滃然而仰出。俯仰左

右。顧而樂之。於是疏泉鑿石。闢地以爲亭。而與滁人往游其間。滁於五代
干戈之際。用武之地也。昔太祖皇帝嘗以周師破李景兵十五萬於清流
山下。生擒其將皇甫暉姚鳳於滁東門之外。遂以平滁。修嘗考其山川。按
其圖記。升高以望清流之關。欲求暉鳳就擒之所。而故老皆無在者。蓋天
下之平久矣。自唐失其政。海內分裂。豪傑並起而爭。所在爲敵國者。何可
勝數。及宋受天命。聖人出而四海一。嚮之憑恃險阻。剗削消磨。百年之間。
漠然徒見山高而水清。欲問其事。而遺老盡矣。今滁介於江淮之間。舟車
商賈四方賓客之所不至。民生不見外事。而安於畎畝衣食。以樂生送死。
而孰知上之功德。休養生息。涵煦百年之深也。修之來此。樂其地僻而事
簡。又愛其俗之安閒。既得斯泉於山谷之間。乃日與滁人仰而望山。俯而
聽泉。掇幽芳而蔭喬木。風霜冰雪。刻露清秀。四時之景。無不可愛。又幸其
民樂其歲物之豐成。而喜與予遊也。因爲本其山川。道其風俗之美。使民
知所以安此豐年之榮者。幸生無事之時也。夫宣上恩德。以與民共樂。刺
史之事也。遂書以名其亭焉。

【註音】(滄)烏孔切(剗)音產(煦)虛羽切()音輟

【釋義】①州名。治今安徽滁縣。②在滁縣西南。③泉名。一名紫微泉。④大水貌。⑤名匡胤。宋之開國主也。⑥李景。南唐之主。時太祖官拜殿前都虞候。領嚴州刺史。周世宗二年春。敗南唐將皇甫暉等於清流關。⑦在滁縣西北。⑧猶覆育也。⑨採取也。

【諸家集評】吳至父曰此與田畫序並佳絕其撫今思昔亦同而彼篇作於謫宦之中心曠而神怡此篇作於豐樂之時憂深而思遠蓋賢人君子之意量如此

歐陽永叔菱谿石記

菱谿之石有六。其四爲人取去。其一差小而尤奇。亦藏民家。其最大者。偃然僵臥於谿側。以其難徙。故得獨存。每歲寒霜落。水涸而石出。谿傍人見其可怪。往往祀以爲神。菱谿按圖與經。皆不載。唐會昌中。刺史李績爲苻谿記。云水出永陽嶺西。經皇道山下。以地求之。今無所謂苻谿者。詢於滁人。曰。此谿是也。楊行密據淮南。淮人爲諱其嫌名。以苻爲菱。理或然也。谿傍若有遺址。云故將劉金之宅。石卽劉氏之物也。金。僞吳時貴將。與行密共起合肥。號三十六英雄。金其一也。金本武夫悍卒。而乃能知愛賞奇異。爲兒女子之好。豈非遭逢亂世。功成志得。驕於富貴之佚欲而然邪。想其陂池臺榭。奇木異草。與此石稱。亦一時之盛哉。今劉氏之後。散爲編氓。尙有居谿旁者。予感夫人物之廢興。惜其可愛而棄也。乃以三牛曳置幽谷。又索其小者。得於白塔。民朱氏。遂立于亭之南北。亭負城而近。以爲滁人歲時嬉遊之好。夫物之奇者。棄沒於幽遠則可惜。置之耳目。則愛者不免取之而去。嗟夫。劉金者。雖不足道。然亦可謂雄勇之士。其生平志意。豈不偉哉。及其後世。荒堊零落。至於子孫泯沒而無聞。況欲長有此石乎。用此

可爲富貴者之戒。而好奇之士。聞此石者。可以一賞而足。何必取而去也哉。

【註音】（續）符分切（苻）音杏（堙）音因

【釋義】①在安徽滁縣東。源出永陽嶺。流經皇道山下。南入清流河。②唐武宗年號。③合肥人。字化源。初爲盜。唐昭宗時。爲淮南節度使。後封吳王。悉有淮南江東地。在位十五年。子煇稱帝。追尊爲太祖武皇帝。④彭城人。揚行密副將。爲濠滁二州刺史。⑤今安徽合肥縣。⑥鎮名。在來安縣東北。

歐陽永叔峴山亭記

峴山臨漢上。望之隱然。蓋諸山之小者。而其名特著於荊州者。豈非以其人哉。其人謂誰。羊祜叔子。杜預元凱是已。方晉與吳以兵爭。常倚荊州以爲重。而二子相繼於此。遂以平吳而成晉業。其功烈已蓋於當世矣。至於流風餘韻。藹然被於江漢之間者。至今人猶思之。而於思叔子也尤深。蓋元凱以其功。而叔子以其仁。二子所爲雖不同。然皆足以垂于不朽。余頗疑其反自汲汲於後世之名者何哉。傳言叔子嘗登茲山。慨然語其屬。以謂此山常在。而前世之士。皆已湮滅於無聞。因自顧而悲傷。然獨不知茲山待已而名著也。元凱銘功於二石。一置茲山之上。一投漢水之淵。是知陵谷有變。而不知石有時而磨滅也。豈皆自喜其名之甚。而過爲無窮之慮歟。將自待者厚。而所思者遠歟。山故有亭。世傳以爲叔子之所遊止也。故其屢廢而復興者。由後世慕其名而思其人者多也。熙寧元年。余友人

史君中輝以廣祿卿來守襄陽。明年因亭之舊，廣而新之。既周以回廊之壯，又大其後軒，使與亭相稱。君知名當世，所至有聲。襄人安其政，而樂從其遊也。因以君之官名其後軒為光祿堂，又欲紀其事於石，以與叔子元凱之名並傳於久遠。君皆不能止也。乃來以記屬於予。余謂君知慕叔子之風，而襲其遺迹，則其為人與其志之所存者可知矣。襄人愛君而安樂之如此，則君之為政于襄者，又可知矣。此襄人之所欲書也。若其左右山川之勝勢，與夫草木雲烟之杳靄，出沒於空曠有無之間，而可以備詩人之登高寫離騷之極目者，宜其覽者自得之。至於亭屢廢興，或自有記，或不必求其詳者，皆不復道也。

【註音】（峴）賢上聲

【釋義】①在湖北襄陽縣南。②源出陝西甯鞏縣北之蟠冢山。由湖北穀城縣流入襄陽境。至漢陽縣入於長江。③即襄陽。在湖北省。④字叔子。見卷二十三歸熙甫二子字說釋義。⑤字元凱。晉杜陵人。代羊祜都督荊州。以平吳功封當陽縣侯。⑥欲速之意。⑦以平吳之功刻於石。⑧猶離憂也。

【諸家集評】劉海峯曰：歐公長於感嘆，況在古之名賢興遙集之思，宜其文之風流絕世也。姚氏曰：歐公此文神韻縹緲，如所謂吸風飲露，蟬蛻塵壒者，絕世之文也。而其人謂誰二句，則實近俗調為文之疵類。劉海峯欲刪此二句而易下二子相繼於此為羊叔子、杜元凱相繼於此。

歐陽永叔游儵亭記

禹之所治大水七。岷山二導江。其一也。江出荊州三合沅湘四*合漢沔六*以輸之海。其為汪洋誕漫，蛟龍水物之所憑，風濤晦冥之變怪，壯哉是為勇者之觀。

也。吾兄晦叔。爲人慷慨。喜義勇。而有大志。能讀前史。識其盛衰之迹。聽其言。豁如也。困於位卑。無所用以老。然其胸中亦已壯矣。夫壯者之樂。非登崇高之邱。臨萬里之流。不足以爲適。今吾兄家荊州。臨大江。捨汪洋誕漫。壯哉勇者之所觀。而方規地爲池。方不數丈。治亭其上。反以爲樂。何哉。蓋其擊壺而歌。解衣而飲。陶乎不以汪洋爲大。不以方丈爲局。則其心豈不浩然哉。夫視富貴而不動。處卑困而浩然其心者。真勇者也。然則水波之漣漪。游魚之上下。其爲適也。與夫莊周所謂惠施遊於濠梁之樂。何以異。烏用蛟龍變怪之爲壯哉。故名其亭曰游儵亭。景祐五年四月二日舟中記。

〔註音〕(儵)音由(沅)音元(沔)音免(讖)音志

〔釋義〕①即導弱水。導黑水。導河。導漾。導江。導沅。導淮是也。②在四川松潘縣東南。亦作汶山。③宋之荊州。亦曰江陵府。領縣八。治今湖北江陵縣。④源出貴州都勻縣之雲霧山。上游曰清水江。東流入湖南境爲沅水。東北流經辰谿。瀘谿。沅陵。桃源。常德各縣。分數道入洞庭湖。⑤與離水同發源於廣西興安縣之海陽山。⑥本二水。源出陝西寧羌縣北蟠冢山。初名漾水。東南經沔縣爲沔水。經褒城始爲漢水。又曲折至白河。東入湖北鄖縣境。又東南流至潛江。歧爲二。右出爲東荆河。俱流至漢陽入於長江。⑦風行水成文也。⑧〔莊子〕莊子與惠子游於濠梁之上。莊子曰。儵魚出遊從容。是魚樂也。惠子曰。子非魚。安知魚之樂。莊子曰。子非用。安知我不知魚之樂。⑨仁宗年號。

歐陽永叔真州東園記

真爲州。當東南之水會。故爲江淮兩浙荆湖發運使之治所。龍圖閣直學

士施君正臣。侍御史許君子春之爲使也。得監察御史裏行馬君仲塗爲其判官。三人者樂其相得之懽。而因其暇日。得州之監軍廢營以作東園。而日往遊焉。歲秋八月。子春以其職事走京師。圖其所謂東園者。來以示予。曰：園之廣百畝。而流水橫其前。清池浸其右。高臺起其北。臺。吾望以拂雲之亭。池。吾俯以澄虛之閣。水。吾泛以畫舫之舟。做其中以爲清讌之堂。闢其後以爲射賓之圃。芙蓉芰荷之的歷。幽蘭白芷之芬芳。與夫佳花美木。列植而交陰。此前日之蒼烟白露而荆棘也。高薨巨桷。水光日景。動搖而下上。其實閑深靚。可以答遠響而生清風。此前日之頽垣斷塹而荒墟也。嘉時令節。州人士女。嘯歌而管絃。此前日之晦冥風雨。鼃鼃鳥獸之嗥音也。吾於是信有力焉。凡圖之所載。蓋其一二之略也。若乃升於高。以望江山之遠近。嬉於水。而逐魚鳥之浮沈。其物象意趣。登臨之樂。覽者各自得焉。凡工之所不能畫者。吾亦不能言也。其爲我書其大概焉。又曰：眞天下之衝也。四方之賓客往來者。吾與之共樂於此。豈獨私吾三人者哉。然而池臺日益以新。草樹日益以茂。四方之士。無日而不來。而吾三人者。有時而皆去也。豈不眷眷於是哉。不爲之記。則後孰知其自吾三人者始也。予以謂三君子之材賢。足以相濟。而又協於其職。知所後先。使上下給足。而東南六路之人。無辛苦愁怨之聲。然後休其餘閒。又與四方之賢士大

夫共樂於此。是皆可嘉也。乃為之書。

【註音】(芟)音妓(蕘)音萌(桷)音角(覲)音淨通靜(塹)七豔切(甍)音生(甍)音吾(嗥)音毫(眷)同

【釋義】①治今江蘇儀徵縣。②官名。③在江蘇儀徵縣治東。④鮮明貌。⑤屋棟也。所以承瓦。⑥椽也。⑦即鼯鼠。體長尺許。赤褐色。四肢短小。其行屈曲自由。出入隙穴如蛇類。善捕鼠。俗稱黃鼠狼。⑧鼠屬。體長七八寸。背暗褐色。腹白尾長。密生長毛。前後兩肢間有膜。能飛行樹上。故曰飛鼠。⑨心嚮往貌。⑩江淮兩浙荆湖。

【諸家集評】方望溪曰范文正公岳陽樓記歐公病其詞氣近小說家與尹師魯所議不約而同歐公諸記不少穠麗語而體制自別其辨甚微治古文者最宜研究

劉海峯曰柳州記山水從實處寫景歐公記園亭從虛處生情柳州山水以幽冷奇峭勝歐公園亭以敷娛都雅勝此篇鋪敘今日為園之美一一倒造未有之荒蕪更有情韻意態

歐陽永叔浮槎山水記

浮槎山在慎縣南三十五里。或曰浮閣山。或曰浮巢二山。其事出於浮圖老子之徒。荒怪誕幻之說。其上有泉。自前世論水者皆弗道。余嘗讀茶經。愛陸羽善言水。後得張又新水記。載劉伯芻李季卿所列水次第。以為得之於羽。然以茶經考之。皆不合。又新安狂險謫之士。其言難信。頗疑非羽之說。及得浮槎山水。然後益以羽為知水者。浮槎與龍池山。皆在廬州界中。較其水味。不及浮槎遠甚。而又新所記以龍池為第十。浮槎之水。棄而不錄。以此知其所失多矣。羽則不然。其論曰。山水上。江次之。井為下。山水乳泉。石池漫流者上。其言雖簡。而於論水盡矣。浮槎之水。發自李侯。嘉祐二年。李侯以鎮東軍留後出守廬州。因遊金陵。登蔣山。飲其水。既又登浮

槎。至其山上。有石池。涓涓可愛。蓋羽所謂乳泉漫流者也。飲之而甘。乃考圖記。問於故老。得其事迹。因以其水遺余於京師。予報之曰。李侯可謂賢矣。夫窮天下之物。無不得其欲者。富貴者之樂也。至於蔭長松。藉豐草。聽山溜之潺湲。飲石泉之滴瀝。此山林者之樂也。而山林之士。視天下之樂。不一動其心。或有欲於心。顧力不可得而止者。乃能退而獲樂於斯。彼富貴者之能致物矣。而其不可兼者。惟山林之樂爾。惟富貴者而不得兼。然後貧賤之士。有以自足而高世。其不能兩得。亦其理與勢之然歟。今李侯生長富貴。厭於耳目。又知山林之爲樂。至於攀緣上下。幽隱窮絕。人所不及者。皆能得之。其兼取於物者。可謂多矣。李侯折節好學。喜交賢士。敏於爲政。所至有能名。凡物不能自見。而待人以彰者有矣。其物未必可貴。而因人以重者亦有矣。故予爲志其事。俾世知斯泉發自李侯始也。

【註音】(槎)音查(闌)音蛇(潺)鋤閑切(湲)音員

【釋義】①在安徽合肥縣東。②故城在今合肥縣東北。③復州竟陵人。字鳩漸。上元初。隱居苕溪。自稱桑苧翁。又號竟陵子。著茶經三卷。④字孔昭。深州陸澤人。官終左司郎中。著煎茶水記。⑤字素芝。河南伊闕人。元和中。以左常侍致仕卒。⑥京兆萬年人。⑦在安徽合肥縣西。一名龍穴山。山脊有龍池。⑧宋廬州浍合肥。⑨泉湧出如乳者。⑩即鍾山。在江寧縣東北。⑪水流貌。⑫水下滴聲。

【諸家集評】茅順甫曰風韻脩然

歐陽永叔李秀才東園亭記

修友李公佐。有亭在其居之東園。今年春。以書抵洛。命修志之。李氏世家

隨。隨春秋時稱漢東大國。魯桓^二之後。楚^三始盛。隨近之。常與爲鬪國^四相勝敗。然怪其山川土地。既無高深壯厚之勢。封域之廣。與鄭^五蓼^六相介。纔一二百里。非有古疆諸侯制度。而爲大國何也。其春秋世。未嘗通中國盟會朝聘。僖二十年。方見於經。以伐見書。哀之元年。始約列諸侯一會而罷。其後乃希見。僻居荆夷。蓋於蒲騷^七鄭蓼小國之間。特大而已。故於今雖名藩鎮^八而實下州。山澤之產無美材。土地之貢無上物。朝廷達官大人。自閩陬^九嶺^{一〇}微出而顯者。往往皆是。而隨近在天子千里內。幾百年間。未聞出一士。豈其庫^{*}貧薄陋自古然也。予少從江南就食居之。能道其風土地。既瘠枯。民急生不舒愉。雖豐居大族厚聚之家。未嘗有樹林池沼之樂。以爲歲時休暇之嬉。獨城南李氏爲著姓。家多藏書。訓子孫以學。予爲童子。與李氏諸兒戲其家。見李氏方治東園。佳木美草。一一手植。周視封樹。日日去來園間。甚勤。李氏壽終。公佐嗣家。又構亭其間。益修先人之所爲。予亦壯。不復至其家。已而去客漢沔。遊京師^二。久而乃歸。復行城南。公佐引予登亭上。周尋童子時所見。則樹之蘖者^一抱。昔之抱者^二。枿^三者^四。莖^五者^六。叢^七。芟^八之^九。甲^{一〇}者^{一一}。今果矣。問其遊兒。則有子如予童子之歲矣。相與逆數^{一五}昔時。則於今七閏矣^{一六}。然忽忽如前日事。因嘆嗟徊徘徊不能去。噫。予方仕宦奔走。不知再至城南。登此亭。復幾閏。幸而再至。則東園之物。又幾變也。計亭之梁木其蠹^{一七}。瓦^{一八}甍^{一九}之溜。

石物其泐乎。隨雖陋。非予鄉。然予之長也。豈能忘情於隨哉。公佐好學。有行。鄉里推之。與予友善。明道二年十月十一日記。

【註音】(鄭)音云(蓼)音了(徽)音叫(庫)音婢(栢)音擊(莖)音札(荻)同核(甓)平入聲(泐)音勒
【釋義】(一)今湖北隨縣。(二)名軌。惠公子。隱公弟。(三)熊繹之後。都郢。故城在今湖北江陵縣東南。(四)即言交戰國。(五)春秋國名。在今湖北安陸縣。(六)春秋國名。今安徽霍丘縣西北。(七)鄖邑。在今湖北應城縣西北。(八)唐初於重。要諸州置都督府。睿宗時置節度大使。玄宗時又於邊境置十節度使。以禦外藩。各領數州甲兵。復掌土地人民財賦。是為藩鎮。宋承唐制。諸鎮亦置節使。州刺為其所屬。(九)福建邊隅。(十)廣東邊地。(十一)宋都汴梁。今河南開封縣。
木伐而復生日栢。(十二)草初出貌。(十三)果植地而甲坂。(十四)由今推昔。(十五)三年一閏。蓋二十餘歲矣。(十六)瓦之仰蓋者。(十七)石因脈理而解散也。

歐陽永叔樊侯廟災記

鄭之盜。有入樊侯廟。剗神象之腹者。既而大風雨雹。近鄭之田。麥苗皆死。人咸駭曰。侯怒而為之也。予謂樊侯本以屠狗立軍功。佐沛公。至成皇帝。位為列侯。邑食舞陽。剖符傳封。與漢長久。禮所謂有功德於民。則祀之者。歟。舞陽距鄭既不遠。又漢楚常苦戰。滎陽京索間。亦侯平生提戈斬級。所立功處。故廟而食之宜矣。方侯之參乘沛公。事危鴻門。振目一顧。使羽失氣。其勇力足有過人者。故後世言雄武稱樊將軍。宜其聰明正直。有遺靈矣。然當盜之傳刃。腹中。獨不能保其心腹腎腸。而反移怒於無罪之民。以騁其恣睢。何哉。豈生能萬人敵。而死不能庇一躬邪。豈其靈不神於禦盜。而反神於平民。以駭其耳目邪。風霆雨雹。天之所以震耀威罰。宜有司者。

而侯又得以濫用之邪。蓋聞陰陽之氣。怒則薄而為風霆。其不和之甚者。凝結而為雹。方今歲且久旱。伏陰不興。壯陽剛燥。疑有不和而凝結者。豈其適會民之自災也邪。不然。則暗鳴叱咤。使風馳霆擊。則侯之威靈暴矣哉。

〔註音〕〔剗〕音枯〔雹〕音薄〔傳〕側吏切〔睢〕許規切〔暗〕音陰〔叱〕蚩乙切〔咤〕陟嫁切

〔釋義〕①今河南鄭縣。②名噲。沛人。從高祖起兵。及定天下。累遷左丞相。封舞陽侯。③剗也。④用冰也。⑤即

高祖。⑥以竹書文其上。剗為二。合存其一以為信。⑦滎陽。在今河南滎澤縣西。京在滎陽縣東南二十一里。索即

滎陽縣。⑧首也。⑨沛公赴宴鴻門。項羽之謀臣范增欲害沛公。令項莊舞劍欲乘間擊沛公。樊噲在營外聞事急

乃帶劍持盾入。立帳下。羽問為誰。張良曰。沛公參乘樊噲也。羽賜之卮酒。彘肩。噲既飲酒。拔劍切肉食之。項羽曰

能復飲乎。噲曰。臣死且不辭。豈特卮酒乎。且沛公先入咸陽。暴師霸上。以待大王。大王今日聽小人之言。與沛公

有隙。臣恐天下解心。疑大王也。鴻門。在陝西臨潼縣東。⑩以刀插入。曰傳。亦傳與剗通。⑪恣意怒視也。⑫疾雷。⑬

發呼聲。⑭怒聲也。

歐陽永叔叢翠亭記

九州皆有名山以為鎮。而洛陽天下中。周營漢都。自古常以王者制度臨四方。宜其山川之勢雄深偉麗。以壯萬邦之所瞻。由都城而南以東。山之近者。闕塞萬安。輾轅緱氏。以連嵩少。首尾盤屈踰百里。從城中因高以望之。衆山逶迤。或見或否。惟嵩最遠。最獨出。其巔巖聳秀。拔立諸峯上。而不可掩蔽。蓋其名在祀典。與四嶽俱備。天子巡狩。望祭。其秩甚尊。則其高大殊傑當然。城中可以望而見者。若巡檢署之居洛北者。為尤高。巡檢使內

殿崇班李君。始入其署。即相其西南隅而增築之。治亭於上。敞其南。北嚮以望焉。見山之連者峯者岫者。絡繹聯互。卑相附。高相摩。亭然起。萃然止。來而向。去而背。傾崖怪壑。若奔若蹲。若鬪若倚。世所謂嵩陽三十六峯者。皆可以坐而數之。因取其蒼翠叢列之狀。遂以叢翠名其亭。亭成。李君與賓客以酒食登而落之。其古所謂居高明而遠眺望者歟。既而欲記其始造之歲月。因求修辭而刻之云。

【註音】(輾)音患(緜)音鉤(透)音威(迤)音移(見)同現(蕪)土減切(萃)慈卹切(躡)音存

【釋義】①一日揚州。其鎮山曰會稽。二日荊州。其鎮山曰衡山。三日豫州。其鎮山曰華山。四日青州。其鎮山曰沂山。五日兗州。其鎮山曰岱山。六日雍州。其鎮山曰嶽山。七日幽州。其鎮山曰醫無閭。八日冀州。其鎮山曰霍山。九日并州。其鎮山曰恒山。②周營東都於洛邑。東漢亦都洛陽。③即伊闕山。④並在偃師縣南。⑤在偃師縣東南。⑥即嵩山。在河南登封縣北。東曰太室。西曰少室。⑦地勢斜延也。⑧高峻貌。⑨言古之天子。常祭五嶽。⑩巡行諸侯之國。⑪望而祭也。⑫位分也。⑬官銜名。⑭山之直上而銳者曰峯。⑮山穴曰岫。⑯不絕貌。⑰聳立貌。⑱危高也。⑲山邊也。⑳山谷。㉑踞也。㉒屋始成而飲燕也。

卷五十五 雜記類五

曾子固宜黃縣學記

古之人。自家至於天子之國。皆有學。自幼至於長。未嘗去於學之中。學有詩書六藝^二。弦歌洗爵^三。俯仰之容。升降之節。以習其心體耳目手足之舉措。又有祭祀鄉射^五。養老之禮。以習其恭讓。進材論獄出兵授捷^六之法。以習其從事。師友以解其惑。勸懲以勉其進。戒其不率。其所以爲具如此。而其大要。則務使人人學其性^七。不獨防其邪僻放肆也。雖有剛柔緩急之異。皆可以進之於中。而無過不及。使其識之明。氣之充於其心。則用之於進退語默之際。而無不得其宜。臨之以禍福死生之故。而無足動其意者。爲天下之士。而所以養其身之備如此。則又使知天地事物之變。古今治亂之理。至於損益廢置。先後終始之要。無所不知。其在堂戶之上。而四海九州之業。萬世之策皆得。及出而履天下之任。列百官之中。則隨所施爲。無不可者。何則。其素所學問然也。蓋凡人之起居飲食動作之小事。至於修身爲國家天下之大體。皆自學出。而無斯須去於教也。其動於視聽四支^{*}者。必使其洽於內。其謹於初者。必使其要於終。馴之以自然。而待之以積久。噫。何其至也。故其俗之成。則刑罰措。其材之成。則三公百官得其士。其爲法

之永。則中材可以守。其入人之深。則雖更衰世而不亂。爲教之極至此。鼓舞天下。而人不知其從之。豈用力也哉。及三代衰。聖人之制作盡壞。千餘年之間。學有存者。亦非古法。人之體性之舉動。唯其所自肆。而臨政治人之方。固不素講。士有聰明朴茂之質。而無教養之漸。則其材之不成固然。蓋以不學未成之材。而爲天下之吏。又承衰弊之後。而治不教之民。嗚呼。仁政之所以不行。盜賊刑罰之所以積。其不以此也歟。宋興幾百年矣。慶曆三年。天子圖當世之務。而以學爲先。於是天下之學乃得立。而方此之時。撫州之宜黃。猶不能有學。士之學者。皆相率而寓於州。以羣聚講習。其明年。天下之學復廢。士亦皆散去。而春秋釋奠之事。以著於令。則常以廟祀孔氏。廟廢不復理。皇祐元年。會令李君詳至。始議立學。而縣之士某某與其徒。皆自以謂得發憤於此。莫不相勵而趨爲之。故其材不賦而羨。匠不發而多。其成也。積屋之區若干。而門序正位。講藝之堂。栖士之舍。皆足。積器之數若干。而祀飲寢食之用。皆具。其像孔氏而下。從祭之士。皆備。其書經史百氏。翰林子墨之文章。無外求者。其相基會作之本末。總爲日若干而已。何其周且速也。當四方學廢之初。有司之議。固以謂學者人情之所不樂。及觀此學之作。在其廢學數年之後。唯其令之一唱。而四境之內。響應而圖之。如恐不及。則夫言人之情不樂於學者。其果然也歟。宜黃之

學者固多良士。而李君之為令。威行愛立。訟清事舉。其政又良也。夫及良令之時。而順其慕學發憤之俗。作為宮室教肄之所。以致圖書器用之須。莫不皆有以養其良材之士。雖古之去今遠矣。然聖人之典籍皆在其言。可考。其法可求。使其相與學而明之。禮樂節文之詳。固有所不得為者。若夫正心修身。為國家天下之大務。則在其進之而已。使一人之行修。移之於一家。一家之行修。移之於鄉鄰族黨。則一縣之風俗成。人材出矣。教化之行。道德之歸。非遠人也。可不勉歟。縣之士來請曰。願有記。故記之。十二月某日也。

〔註音〕(支)同肢(要)平聲

〔釋義〕●江西縣名。●即禮、樂、射、御、書、數。●弦。琴瑟之屬。歌即樂歌。●賓主酬酢之禮也。進酒於客曰獻。客答之曰酢。主人又洗爵酬客。客受而奠之。●古之州長。春秋以禮會民。而射於州序。曰鄉者。州為鄉之屬也。●進材論獄。是文臣治術。出兵授捷。是武將戰略。●以學復其善性。●暫也。●貫徹也。●見前穀城縣夫子廟記釋義。●即東堂西堂之隔牆。●即從祀孔廟者。

〔諸家集評〕方望溪曰。此等文可知子固篤於經學。頗能窺見先王禮樂教化之意。故朱子愛而做做之。

劉海峯曰。源流備悉。抒寫明暢。是大文字。

姚氏曰。隨筆曲注。而渾雄博厚之氣。鬱然紙上。

曾子固筠州學記

周衰。先王之迹熄。至漢。六藝出於秦火之餘。士學於百家之後。言道德者。矜高遠而遺世用。語政理者。務卑近而非師古。刑名兵家之術。則狃於暴

詐。惟知經者爲善矣。又爭爲章句訓詁之學。以其私見妄臆穿鑿爲說。故先王之道不明。而學者靡然溺於所習。當是時。能明先王之道者。揚雄而已。而雄之書。世未知好也。然士之出於其時者。皆勇於自立。無苟簡之心。其取與進退去就。必度於禮義。及其已衰。而縉紳之徒。抗志於強暴之間。至於廢錮殺戮。而其操愈厲者。相望於先後。故雖有不軌之臣。猶低徊沒世。不敢遂其篡奪。自此至於魏晉以來。其風俗之弊。人材之乏久矣。以迄於今。士乃有特起於千載之外。明先王之道。以寤後之學者。世雖不能皆知其意。而往往好之。故習其說者。論道德之旨。而知應務之非近。議政理之體。而知法古之非迂。不亂於百家。不蔽於傳疏。其所知者若此。此漢之士所不能及。然能尊而守之者。則未必衆也。故樂易敦朴之俗微。而詭欺薄惡之習勝。其於貧富貴賤之地。則養廉遠恥之意少。而儉合苟得之行多。此俗化之美。所以未及於漢也。夫所聞或淺。而其義甚高。與所知有餘。而其守不足者。其故何哉。由漢之士。察舉於鄉閭。故不得不篤於自修。至於漸摩之久。則果於義者。非強而能也。今之士。選用於文章。故不得不篤於所學。至於循習之深。則得於心者。亦不自知其至也。由是觀之。則上所好。下必有甚者焉。豈非信歟。令漢與今有教化開導之方。有庠序養成之法。則士於學行。豈有彼此之偏。先後之過乎。夫大學之道。將欲誠意正心。

修身以治其國家天下。而必本於先致其知。則知者固善之端。而人之所難至也。以今之士。於人所難至者。既幾矣。則上之施化。莫易於斯時。顧所以導之如何爾。筠為州。在大江之西。其地僻絕。當慶曆之初。詔天下立學。而筠獨不能應詔。州之士以為病。至治平_三二年。蓋二十有三年矣。始告於知州事尚書都官郎中董君儀。董君乃與通判州事國子博士鄭君禧_{*}。相州之東南。得亢爽之地。築宮於其上。齋祭之室。誦講之堂。休息之廬。至於庖_{一三*}滷_{一四}庫_{一四}廩。各以序為。經始於其春。而落成於八月之望。既而來學者。常數十百人。二君乃以書走京師。請記於余。余謂二君之於政。可謂知所務矣。使筠之士。相與升降乎其中。講先王之遺文。以致其知。其賢者。超然自信。而獨立。其中材勉焉。以待上之教化。則是宮之作。非獨使夫來者玩思於空言。以干世取祿而已。故為之著余之所聞者。以為記。而使歸刻焉。

【註音】(狙)音紐(傳)去聲(舊)音倩(滷)音通

【釋義】①治今江西高安縣。②謂治刑名者暴戾治兵者多詐偽習也。③但知分章析句。④但知就字註解。⑤義理之不可通者。強求其通也。⑥隨順也。⑦古之仕者。垂紳縉笏。故稱宦族曰縉紳。⑧經傳注疏。⑨鄉舉里選之法。⑩謂以仁惠浸潤之。以節義砥礪之也。⑪鄉學名。夏曰校。殷曰庠。周曰序。見「孟子」。⑫英宗年號。⑬浴室也。

⑭馬房。

【諸家集評】朱子曰宜黃筠州二學記好說得古人教學意出

姚氏曰子固此文及諸書序皆樞子政戰國策序而得其神理者又曰宜黃筠州二記論學之旨皆精然宜黃

記隨筆曲注而渾雄博厚之氣鬱然紙上故最為會文之盛者筠州記體勢方幅而氣脈亦稍弱矣

曾子固徐孺子祠堂記

漢元興^二以後。政出宦者。小人挾其威福。相煽^三爲惡。中材顧望。不知所爲。漢既失其操柄。紀綱大壞。然在位公卿大夫。多豪傑特起之士。相與發憤同心。直道正言。分別是非白黑。不少屈其意。至於不容。而羅織^四鉤黨^五之獄起。其執彌堅。而其行彌厲。志雖不就。而忠有餘。故及其既歿。而漢亦以亡。當是之時。天下聞其風慕其義者。人人感慨奮激。至於解印綬。棄家族。骨肉相勉。赴死而不避。百餘年間。擅強大覬^{*}非望者相屬。皆逡巡^六而不敢發。漢能以亡爲存。蓋其力也。孺子於時。豫章太守陳蕃^七。太尉黃瓊^八。辟^九皆不就。舉有道。拜太原太守。安車備禮。召皆不至。蓋忘己以爲人。與獨善於隱約。其操雖殊。其志於仁一也。在位士大夫。抗其節於亂世。不以死生動其心。異於懷祿之臣遠矣。然而不屑去者。義在於濟物故也。孺子嘗謂郭林宗^一曰。大木將顛。非一繩所維。何爲棲棲^二不皇^三寧處。此其意亦非自足於邱壑。遺世而不顧者也。孔子稱顏回。用之則行。舍之則藏。惟我與爾有是夫。孟子亦稱孔子。可以進則進。可以止則止。乃所願則學孔子。而易於君子小人消長進退。擇所宜處。未嘗不惟其時則見。其不可而止。此孺子之所以未能以此而易彼也。孺子性徐。名稱孺子其字也。豫章南昌人。按圖記。章水^三北逕南昌城。西歷白社。其西有孺子墓。又北歷南塘^四。其東爲東湖^五。湖南小

洲上有孺子宅。號孺子臺。吳嘉禾中。太守徐熙。於孺子墓隧種松。太守謝景。於墓側立碑。晉永安中。太守夏侯嵩。於碑旁立思賢亭。世世修治。至拓跋魏時。謂之聘君亭。今亭尚存。而湖南小洲。世不知其嘗為孺子宅。又嘗為臺也。予為太守之明年。始即其處結茆為堂。圖孺子像。祀以中牢。率州之賓屬拜焉。漢至今且千歲。富貴堙滅者。不可稱數。孺子不出閭巷。獨稱思至今。則世之欲以智力取勝者。非惑歟。孺子墓失其地。而臺幸可考而知。祠之。所以視邦人以尚德。故并采其出處之意為記焉。

【註音】(煽)音扇(觀)音冀(後)七倫切(辟)音必(茆)同茅(堙)音因

【釋義】①在江西南昌縣東湖之南。②東漢和帝年號。③鼓動也。④無罪者誣成其罪也。⑤謂相牽引為同黨也。漢桓帝延禧元年。捕李膺等部黨二百人下獄。⑥退却也。⑦汝南平輿人。字仲舉。桓帝時為豫章太守。性方峻。疾惡。高潔之士多歸之。後拜太傅。封高陽侯。與大將軍竇武謀誅宦官曹節。王甫等。事泄。節等矯詔害之。⑧江夏安陸人。字世英。永建中。公卿多薦瓊者。拜議郎。累官至太尉。⑨薦舉也。⑩郭泰。字林宗。太原介休人。博通典籍。居家教授。弟子至數千人。嘗游洛。與河南尹李膺相友善。於是名震京師。後歸鄉里。諸儒送者車千乘。泰獨與膺同舟而濟。衆賓望之。以為神仙。⑪不安居貌。⑫不暇也。⑬即章江。江西贛江之西源也。⑭在東湖上。一名萬柳堤。俗呼南塘陸。⑮在南昌城東南隅。⑯吳大帝年號。⑰晉惠帝年號。⑱北魏也。⑲豕也。

曾子固襄州宜城縣長渠記

荆及康狼楚之西山也。水出一山之閭。東南而流。春秋之世曰鄢水。左邱明傳。魯桓公十有三年。楚屈瑕伐羅。及鄢。亂次以濟。是也。其後曰夷水。水經所謂漢水。又南過宜城縣東。夷水注之是也。又其後曰蠻水。酈道元所

謂夷水避桓溫父名。改曰蠻水是也。秦昭王二十八年。使白起將攻楚。去鄢百里。立場壅是水爲渠。以灌鄢。鄢楚都也。遂拔之。秦既得鄢以爲縣。漢惠帝三年。改曰宜城。宋孝武帝永初元年。築宜城之大堤爲城。今縣治是也。而更謂鄢曰故城。鄢入秦。而白起所爲渠因不廢。引鄢水以灌田。田皆爲沃壤。今長渠是也。長渠至宋至和二年。久隳不治。而田數苦旱。川飲者無所取。令孫永曼叔率民田渠下者。理渠之壞塞。而去其淺隘。遂完故場。使水還渠中。自二月丙午始作。至三月癸未而畢。田之受渠水者。皆復其舊。曼叔又與民爲約束。時其蓄泄而止其侵爭。民皆以爲宜也。蓋鄢水之出西山。初棄於無用。及白起資以禍楚。而後世顧賴其利。鄢道元以謂漑田三千餘頃。至今千有餘年。而曼叔又舉衆力而復之。使並渠之民。足食而甘飲。其餘粟散於四方。蓋水出於西山諸谷者。其源廣。而流於東南者。其勢下。至今千有餘年。而山川高下之形勢無改。故曼叔得因其故迹。興於既廢。使水之源流。與地之高下。一有易於古。則曼叔雖力。亦莫能復也。夫水莫大於四瀆。而河蓋數徙。失禹之故道。至於濟水。及王莽時而絕。況於衆流之細。其通塞豈得而常。而後世欲行水灌田者。往往務躡古人之遺跡。不考夫山川形勢。古今之同異。故用力多而成功少。是亦其不思也歟。初。曼叔之復此渠。白其事於知襄州事張瓌。唐公。唐公聽之不疑。沮止

者不用。故曼叔能以有成。則渠之復。自夫二人者也。方二人者之有為。蓋將任其職。非有求於世也。及其後。言渠竭者蠡出。然其心蓋或有求。故多詭而少實。獨長渠之利較然。而二人者之志愈明也。熙寧六年。余為襄州十七過京師。曼叔時為開封十八訪余於東門。為余道長渠之事。而諉余以考其約束之廢舉。余至而問焉。民皆以為賢君之約束。相與守之。傳數十年。如其初也。予為之定著令。上司農。八年。曼叔去開封為汝陰十九始以書告之。而是秋大旱。獨長渠之田無害也。夫宜知其山川與民之利害者。皆為州者之任。故予不得不書以告後之人。而又使之知夫作之所以始也。曼叔今為尚書兵部郎中龍圖閣直學士。八月丁丑記。

〔註音〕〔鄴〕音歷〔場〕音遏〔躡〕尼輒切〔瓌〕同瑰

〔釋義〕①渠在縣西四十里。②二山名。並在湖北南漳縣西。③即夷水。蠻水。今名蠻河。出康狼山。東流入宜城縣。南入漢。④即左傳。⑤國於宜城縣西山中。後徙枝江縣。⑥漢。河南人。桑欽撰。⑦字善長。後魏范陽人。撰水經注四十卷。⑧字元子。晉龍亢人。官至大司馬。父名彝。字茂倫。死於蘇峻之難。因彝與夷同音。故避之。⑨以士障水也。⑩今宜城縣西南。楚之別都。⑪仁宗年號。⑫字曼叔。世為趙人。徙家長社。擢進士第。調襄城尉。宜城令。哲宗時召拜工部尚書。改吏部卒。⑬即江。淮。河。濟。是也。⑭鄴道元曰。王莽之世。川瀆枯竭。濟水便入於河。不復絕流而南。⑮字唐公。滁州全椒人。舉進士。除祕閣校理。遷淮南轉運使。當官遇事敢言。觸忤勢要。至屢黜。終不悔。⑯神宗年號。⑰治今湖北襄陽縣。⑱今河南開封縣。永以樞密直學士知開封府。⑲今安徽阜陽縣。

曾子固越州趙公救蓄記

熙寧八年夏。吳越大旱。九月。資政殿大學士右諫議大夫知越州趙公。前

民之未饑。爲書問屬縣。蓄^{*}所被者幾鄉。民能自食者有幾。當廩於官者幾人。溝防構築。可儲^{四*}民使治之者幾所。庫錢倉粟。可發者幾何。富人可募出粟者幾家。僧道士食之羨粟書於籍者。其幾具存。使各書以對。而謹其備。州縣吏錄民之孤老疾弱不能自食者。二萬一千九百餘人以告。故事。歲廩窮人。當給粟三千石而止。公斂富人所輸。及僧道士食之羨者^五。得粟四萬八千餘石。佐其費。使自十月朔。人受粟日一升。幼小半之。憂其衆相蹂^{六*}也。使受粟者。男女異日。而人受二日之食。憂其且流亡也。於城市郊野。爲給粟之所。凡五十有七。使各以便受之。而告以去其家者勿給。計官爲不足用也。取吏之不在職而寓於境者。給其食。而任以事。不能自食者。有是具也。能自食者。爲之告富人。無得閉糶^{七*}。又爲之出官粟。得五萬二千餘石。平其價予民。爲糶粟之所。凡十有八。使糶^{八*}者自便如受粟。又儲民完城四千一百丈。爲工三萬八千。計其傭與錢。又與粟再倍之。民取息錢者^九。告富人。縱予之。而待熟。官爲責其償。棄男女者。使人得收養之。明年春。大疫。爲病坊^{一〇*}。處疾病之無歸者。募僧二人。屬以視醫藥飲食。令無失所時。凡死者。使在處隨收瘞之^{一二*}。法廩窮人。盡三月當止。是歲盡五月而止。事有非便文者。公一以自任。不以累其屬。有上請者。或便宜多輒行。公於此時。蚤夜憊心力不少懈。事鉅細。必躬親。給病者藥食。多出私錢。民不幸罹旱疫。得免

於轉死。雖死得無失斂埋。皆公力也。是時旱疫被於吳越。民饑饉^{二三}疾癘死者殆半。蓄未有鉅於此也。天子東向憂勞。州縣推布上恩。人人盡其力。公所拊循。民尤以為得其依歸。所以經營綏輯^{一三*}先後始終之際。委曲纖悉。無不備者。其施雖在越。其仁足以示天下。其事雖行於一時。其法足以傳後。蓋蓄^{一四*}診之行。治世不能使之無。而能為之備。民病而後圖之。與夫先事而為計者。則有間矣。不習而有為。與夫素得之者。則有間矣。予故采於越。得公所推行。樂為之識^{*}其詳。豈獨以慰越人之思。將使吏之有志於民者。不幸而遇歲之蓄。推公之所已試。其科條可不待頃而具。則公之澤豈小且近乎。公元豐二年。以大學士加太子少保致仕。家於衢^{一五。}其直道正行。在於朝廷。豈弟^{一六*}之實。在於身者。此不著。著其荒政可師者。以為越州趙公救蓄記云。

〔註音〕〔蓄〕同災〔飢〕即宥切〔蹂〕如又切〔糴〕音挑〔糶〕音狄〔坊〕音方〔瘞〕音翳〔拊〕同撫〔輯〕音集
 (診)音麗(識)音志(豈)同愷(弟)同悌

〔釋義〕①趙公名抃。字閱道。衢州西安人。景祐初累官殿中侍御史。彈劾不避權勢。時稱鐵面御史。神宗時。擢參知政事。以太子少保致仕。卒謚清獻。②治今浙江紹興縣。③給也。④賃也。⑤餘也。⑥踐也。⑦出穀曰糶。⑧入米曰糴。⑨利息也。⑩養病之所。⑪埋葬也。⑫穀不熟為饑。蔬不熟為饉。⑬安也。輯。和也。⑭惡氣也。⑮州名。治今浙江衢縣。⑯樂易也。〔詩〕豈弟君子。

〔諸家集評〕方望溪曰敘瑣事而不俚非熟於經書及管商諸子不能為此等文

劉海峯曰詳悉如畫有用之文起處用管子問篇文法極古

曾子固擬峴臺記

晉國裴君治撫之二年。因城之東隅。作臺以遊。而命之曰擬峴臺。謂其山谿之形。擬乎峴山也。數與其屬與州之寄客者遊。而間獨求記於余。初州之東。其城因大邱。其隍因大谿。其外連山高陵。野林荒墟。遠近高下。莊大閔廊。怪奇可喜之觀。環撫之東南者。可坐而見也。然而雨隳潦毀。蓋藏棄委於榛藜芴草之間。未有卽而愛之者也。君得之而喜。增甃與土。易其破缺。去榛與草。發其亢爽。繚以橫檻。覆以高甍。因而爲臺。以脫埃氛。絕煩囂。出雲氣。而臨風雨。然後谿之平沙漫流。微風遠響。與夫浪波洶湧。破山拔木之奔放。至於高桅勁觴。沙禽水獸。下上而浮沈者。皆出乎履舄之下。山之蒼顏秀壁。巔崖拔出。挾光景而薄星辰。至於平岡長陸。虎豹踞而龍蛇走。與夫荒蹊聚落。樹陰晻曖。遊人行旅。隱見而斷續者。皆出乎衽席之內。若夫雲煙開斂。日光出沒。四時朝暮。雨暘明晦。變化之不同。則雖覽之不厭。而雖有智者。亦不能窮其狀也。或飲者淋漓。歌者激烈。或覩觀微步。徬徨徙倚。則得於耳目。與得之於心者。雖所寓之樂有殊。而亦各適其適也。撫非通道。故貴人富賈之遊不至。多良田。故水旱螟螣之災少。其民樂於耕桑以自足。故牛馬之牧於山谷者不收。五穀之積於郊野者不垣。而晏然不知枹鼓之警。發召之役也。君旣因其土俗。而

治以簡靜。改得以休其暇日。而寓其樂於此。州人士女。樂其安且治。而又得遊觀之美。亦將同其樂也。故余為之記。

〔註音〕〔榛〕音臻〔藜〕音叢〔莠〕音弗〔𦉳〕音平入聲〔藟〕音萌〔蹊〕音奚〔陔〕同暗〔𦉳〕音愛〔見〕同現

〔釋義〕①臺在臨川縣東鹽步領。②宋州名。治今江西臨川縣。③五十四卷見峴山亭記。④謂羊角山。⑤即汝水。⑥落葉喬木。高二三丈。葉甚闊。略圓。端尖有細齒。春日開花如長穗。其實作苞。一苞一實。其味略似胡桃。⑦草穢塞也。⑧藪也。⑨棟也。⑩暗貌。⑪席也。⑫低個也。⑬食苗心害蟲。⑭食葉害蟲。⑮卑曰垣。⑯擊鼓杖。

曾子固廣德軍重修鼓角樓記

熙寧元年冬。廣德軍作新門鼓角樓成。太守合文武賓屬以落之。既而以書走京師。屬鞏曰。為我記之。鞏辭不能。書反覆至五六。辭不獲。乃為其文曰。蓋廣德居吳之西疆。故鄣之墟。境大壤沃。食貨富穰。人力有餘。而獄訟赴訴。財貢輸入。以縣附宣。道路回阻。衆不便利。歷世久之。太宗皇帝在位四年。乃按地圖。因縣立軍。使得奏事專決。體如大邦。自是以來。田里辨爭。歲時稅調。始不勤遠。人用宜之。而門閤隘庫樓觀。弗飾於以納天子之命。出令行化。朝夕吏民。交通四方。覽示賓客。弊在簡陋。不中度程。治平四年。尚書兵部員外郎知制誥錢公輔守是邦。始因豐年。聚材積土。將改而新之。會尚書駕部郎中朱公壽昌來繼其任。明年政成。封內無事。乃擇能吏。揆時比徒。以畚以築。以繩以削。門阿是經。觀闕是營。不督不期。役者自勸。

自冬十月甲子始事。至十一月甲子卒功。崇墉嶮興。複宇相瞰。壯不及僭。麗不及奢。憲度政理。於是出納。士吏賓客。於是馳走。尊施一邦。不失宜稱。至於伐鼓鳴角。以警昏昕。下漏數刻。以節晝夜。則又新是四器。列而棲之。邦人士女。易其聽觀。莫不悅喜。推美頌勤。夫禮有必隆。不得而殺。政有必舉。不得而廢。二公於是兼而得之。宜刻金石。以書美實。使是邦之人。百世之下。於二公之德。尙有考也。

〔註音〕(庫)音婢(庀)音庇(畚)音本(瞰)渴盪切(昕)音欣(殺)所壞切

〔釋義〕①廣德。故鄆地。宋太平興國四年。以宣州廣德縣。置廣德軍。治今安徽廣德縣。②廣德。春秋時吳都。③漢爲故鄆縣地。縣治東北有故鄆舊城。高帝時建。④宣州。治安徽宣城縣。廣德。其屬縣也。⑤太祖弟。名光義。⑥衙門謂之闕。⑦卑也。⑧常州武進人。字君倚。治平初。知廣德軍。⑨揚州天長人。字康叔。英宗四年。知廣德軍。⑩具也。⑪庭曲曰阿。⑫視也。⑬天將曉而未明之時也。〔儀禮〕凡行事。必用昏昕。⑭減削也。

〔諸家集評〕會條生日氣體頗近退之。但少奇崛之趣

曾子固學舍記

予幼則從先生受書。然是時。方樂與家人童子。嬉戲上下。未知好也。十六七時。闕六經之言。與古今文章。有過人者。知好之。則於是銳意欲與之並。而是時家事亦滋出。由斯以來。西北。則行陳蔡譙苦睢汴淮泗。出於京師。東方。則絕江舟漕河之渠。踰五湖。並封禹會稽之山。出於東海上。南方。則載大江。臨夏口。而望洞庭。轉彭蠡。上庾嶺。由真陽之瀧。至南海上。此予之

所涉世而奔走也。蛟魚洶涌湍石之川。巔崖莽林^{一七*一八*}之聚。與夫雨暘寒燠。風波霧毒。不測之危。此予之所單遊遠寓。而冒犯以勤也。衣食藥物。廬舍器用^{一九二〇*}。箕筥碎細之間。此予之所經營以養也。天傾地壞。殊州獨哭。數千里之遠。抱喪而南。積時之勞。乃畢大事。此予之所遭禍而憂艱也。太夫人所志。與夫弟婚妹嫁。四時之祠。屬人外親之間。王事之輸。此予之所皇皇^{二一}而不足也。予於是力疲意耗。而又多疾。言之所序。蓋其一二之^{二二}也。得其閒時。挾書以學。於夫爲身治人。世用之損益。考觀講解。有不能至者。故不得專力盡思。琢雕文章。以載私心難見之情。而追古今之作者爲並。以足予之所好慕。此予之自視而嗟也。今天子^{二三}至和之初。予之侵擾多事故益甚。予之力無以爲。乃休於家。而卽其旁之草舍以學。或疾其卑。議其隘者。予顧而笑曰。是予之宜也。予之勞心困形。以役於事者。有以爲之矣。予之卑巷窮廬。冗衣^{二四}糲飯^{二五}芑^{二六}之羹。隱約而安者。固予之所以遂其志而有待也。予之疾。則有之。可以進於道者。學之有不至。至於文章。平生所好慕。爲之有不暇也。若夫土堅木好。高大之觀。固世之聰明豪雋。挾長而有恃者。所得爲。若予之拙。豈能易而志彼哉。遂歷道其少長出處。與夫好慕之心。以爲學舍記。

【註音】(譙)音樵(睢)音綏(禹)音虞(瀧)盧紅切(湍)音貪(緇)音樞(虺)音卉(筥)音舉(輶)通粗(

穴)戎上聲(芭)音起(莫)侯欄切

〔釋義〕①州名。治今河南淮陽縣。②州名。治今河南上蔡縣。③今安徽亳縣。④今河南鹿邑縣。⑤州名。治今河南睢縣。⑥州名。治今河南開封縣。⑦州名。治今江蘇淮陰縣。⑧州名。治今安徽泗縣。⑨即太湖。在江蘇浙江之間。⑩封山。在浙江武康縣東十八里。禹山。在武康縣東南三十里。⑪在浙江紹興縣東南。⑫今湖北夏口縣。⑬湖名。在湖南境。長二百里。廣百里。為我國第一淡水湖。⑭即鄱陽湖。在江西之北境。廣二三十里至百里不等。長約二百五十里。⑮即大庾嶺。江西廣東之界山。⑯即廣東英德縣南十五里之龍頭水。源出翁山。經象岡。至此與龍水合。龍水者。濠水也。兩山夾峙。水多激宕。古名虎溪。⑰獸名。大如狗。文如狸。⑱毒蛇。大者長八九尺。扁頭大眼。色如土。見人則昂頭逐之。性極毒。被噬者必中命。⑲揚米去糠之器。⑳盛米器也。方曰籠。圓曰筥。㉑心不定也。㉒指仁宗。㉓惡劣之衣。㉔粗糲之食。㉕草名。狀如苦菜。莖青白色。摘其葉白汁出。可生食。㉖菜名。葉卵圓形。有青赤二色。嫩時供食。秋時開細花成穗。色黃綠。

曾子固齊州二堂記

齊濱灤水^二。而初無使客之館。使客至。則常發民調材木為舍以寓。去則徹之。既費且陋。乃為徙官之廢屋。為二堂於灤水之上。以舍客。因考其山川而名之。蓋史記五帝紀。謂舜耕歷山。漁雷澤。陶河濱。作什器於壽邱。就時於負夏。鄭康成^五釋歷山在河東。雷澤在濟陰。負夏衛地。皇甫謐^七釋壽邱在魯東門之北河濱。濟陰定陶西南陶邱亭是也。以予考之。耕稼陶漁。皆舜之初。宜同時。則其地不宜相遠。二家所釋雷澤河濱壽邱負夏。皆在魯衛之間。地相望。則歷山不宜獨在河東也。孟子又謂舜東夷之人。則陶漁在濟陰。作什器在魯東門。就時在衛。耕歷山在齊。皆東方之地。合於孟子。按圖記。皆謂禹貢所稱雷首山在河東。媯水^九出焉。而此山有九號。歷山其一

號也。予觀虞書及五帝紀。蓋舜娶堯之二女。迺居媯_一。則耕歷山。蓋不同時。而地亦當異。世之好事者。迺因媯水出於雷首。遷就附益。謂歷山爲雷首之別號。不考其實矣。由是言之。則圖記皆謂齊之南山爲歷山。舜所耕處。故其城名歷城。爲信然也。今灤上之北堂。其南則歷山也。故名之曰歷山之堂。按圖。泰山之北。與齊之東南諸谷之水。西北匯於黑水之灣_三。又西北匯於柏崖之灣。而至於渴馬之崖。蓋水之來也衆。其北折而西也。悍疾尤甚。及至於崖下。則泊然而止。則自崖以北。至於歷城之西。蓋五十里。而有泉湧出。高或至數尺。其湧之人。名之曰趵突之泉_二。齊人皆謂嘗有棄糠於黑水之灣者。而見之於此。蓋泉自渴馬之崖。潛流地中。而至此復出也。趵突之泉。冬溫。泉旁之蔬甲。經冬常榮。故又謂之溫泉。其注而北。則謂之灤水。達於清河。以入於海。舟之通於齊者。皆於是乎出也。齊多甘泉。冠於天下。其顯名者以十數。而色味皆同。以予驗之。蓋皆灤水之旁出者也。灤水嘗見於春秋。魯桓公十有八年。公及齊侯會於灤。杜預釋在歷城西北。入濟。濟水自王莽時。不能被河南。而灤水之所入者。清河也。預蓋失之。今灤上之南堂。其西南則灤水之所出也。故名之曰灤源之堂。夫理使客之館。而辨其山川者。皆太守之事也。故爲之識。使此邦之人。尙有考也。熙寧六年二月己丑記。

【註音】(樂)音洛(謚)音蜜(媯)居爲切(迺)同乃(納)音芮(鈞)音豹

【釋義】①齊州。治今山東歷城縣。②源出歷城縣西北，今爲小清河新渠之上源。③〔水經注〕在成陽故城西北。昔華胥履大跡處也。其陂東西二十餘里。南北十五里。卽舜所漁也。成陽在今山東濮縣東南。④常用之器。數非一。⑤名玄。東漢高密人。博通諸經。著毛詩箋及三禮注。⑥漢郡名。今山東荷澤。定陶、濮、城武、曹、鉅野各縣地。⑦字士安。晉朝那人。沈靜寡欲。有高尙之志。自號玄晏先生。⑧在歷城縣西。⑨在山西永濟縣南。⑩在永濟縣南。源出歷山。⑪水曲。⑫在山東臨邑縣南。⑬在歷城縣西。平地泉水湧出。高或數丈。⑭字元凱。晉杜陵人。著春秋左傳集解。

【諸家集評】姚氏曰作考證文字可以爲法

曾子固墨池記

臨川之城東。有地隱然而高。以臨於溪。曰新城。新城之上有池。窪然而方以長。曰王羲之之墨池者。荀伯子臨川記云也。羲之嘗慕張芝^五。臨池學書。池水盡黑。此爲其故跡。豈信然邪。方羲之之不可強以仕。而嘗極東方出滄海。以娛其意於山水之間。豈其徜徉肆恣而又嘗自休於此邪。羲之之書晚乃善。則其所能。蓋亦以精力自致者。非天成也。然後世未有能及者。豈其學不如彼邪。則學固豈可以少哉。況欲深造道德者邪。墨池之上。今爲州學舍。教授王君盛。恐其不章也。書晉王右軍墨池之六字於楹間。以揭之^七。又告於鞏曰。願有記。推王君之心。豈愛人之善。雖一能不以廢。而因以及乎其跡邪。其亦欲推其事以勉其學者邪。夫人之有一能。而使後人尙之如此。況仁人莊士之遺風餘思。被於來世者何如哉。

【註音】(窪)音蛙(揭)音訐

【釋義】①今江西臨川縣。②晉臨沂人。字逸少。為右軍將軍。臨川會稽內史。世稱王右軍。善書。其蘭亭集序。最為後世所重。③在臨川縣東南。④南北朝宋潁川潁陰人。少好學。博覽經傳。嘗為臨川內史。在郡作臨川記六卷。⑤後漢酒泉人。字伯英。善草書。世稱草聖。⑥柱也。⑦高懸也。

曾子固序越州鑑湖圖

鑑湖。一曰南湖。南並山。北屬州城漕渠。東西距江漢。順帝永和五年。會稽太守馬臻之所為也。至今九百七十有五年矣。其周二百五十有八里。凡水之出於東南者皆委之。州之東。自城至於東江。其北隄。石棧二。陰溝十有九。通民田。田之南屬漕渠。北東西屬江者皆漑之。州之東六十里。自東城至於東江。其南隄。陰溝十有四。通民田。田之北抵漕渠。南並山。西並隄。東屬江者皆漑之。州之西三十里。曰柯山。斗門。通民田。田之東並城。南並隄。北濱漕渠。西屬江者皆漑之。總之漑山陰會稽兩縣十四鄉之田九千頃。非湖能漑田九千頃而已。蓋田之至江者。盡於九千頃也。其東曰曹娥斗門。曰橐口。斗門。水之循南隄而東者。由之以入於東江。其西曰廣陵斗門。曰新逕斗門。水之循北隄而西者。由之以入於西江。其北曰朱儲斗門。去湖最遠。蓋因三江之上。兩山之間。疏為二門。而以時視田中之水。小盜則縱其一。大盜則盡縱之。使入於三江之口。所謂湖高於田丈餘。田又高

海丈餘。水少則泄湖溉田。水多則泄田中水入海。故無荒廢之田。水旱之歲。由漢以來幾千載。其利未嘗廢也。宋興。民始有盜湖爲田者。祥符之間。二十七戶。慶曆之間。二戶。爲田四頃。當是時。三司轉運司猶下書切責州縣。使復田爲湖。然自此吏益慢法。而姦民浸起。至於治平之間。盜湖爲田者。凡八千餘戶。爲田七百餘頃。而湖廢幾盡矣。其僅存者。東爲漕渠。自州至於東城六十里。南通若耶溪。自樵風涇。至於桐鳴十里。皆水廣不能十餘丈。每歲少雨。田未病。而湖蓋已先涸矣。自此以來。人爭爲計說。蔣堂則謂宜有罰以禁侵耕。有賞以開告者。杜杞則謂盜湖爲田者。利在縱湖水。一雨。則放聲以動州縣。而斗門輒發。故爲之立石。則水一在五雲橋。水深八尺有五寸。會稽主之。一在跨湖橋。水深四尺有五寸。山陰主之。而斗門之鑰。使皆納於州。水盜則遣官視則。而謹其閉縱。又以謂宜益理隄防斗門。其敢田者。拔其苗。責其力以復湖。而重其罰。猶以爲未也。又以謂宜加兩縣之長以提舉之名。課其督察。而爲之殿賞。吳奎則謂每歲農隙。當僦人濬湖。積其泥塗。以爲邱阜。使縣主役。而州與轉運使提點刑獄。督攝賞罰之。張次山則謂湖廢僅有存者。難卒復。宜益廣漕路。及他便利處。使可漕。及注民田。里置石柱以識之。柱之內禁敢田者。刁約則謂宜斥湖三之一。與民爲田。而益隄使高一丈。則湖可不開。而其利自復。范師道施元長

則謂重侵耕之禁。猶不能使民無犯。而斥湖與民。則侵者孰禦。又以湖水較之。高於城中之水。或三尺有六寸。或二尺有六寸。而益隄壅水使高。則水之敗城郭廬舍可必也。張伯玉則謂日役五千人濬湖。使至五尺。當十五歲畢。至三尺。當九歲畢。然恐工起之日。浮議外搖。役夫內瀆。則雖有智者。猶不能必其成。若日役五千人益隄。使高八尺。當一歲畢。其竹木費。凡九十二萬有三千。計越之戶二十萬有六千。賦之而復其租。其勢易足。如是。則利可坐收。而人不煩弊。陳宗言。趙誠二七復以水勢高下難之。又以謂宜從吳奎之議。以歲月復湖。當是時。都水二六善其言。又以謂宜增賞罰之令。其爲說如此。可謂博矣。朝廷未嘗不聽用。著之於法。故罰有自錢三百至於千。又至於五萬。刑有杖百至於徒三年。其文可謂密矣。然而田者不止。而日愈多。湖不加濬。而日愈廢。其故何哉。法令不行。而苟且之俗勝也。昔謝靈運二九從宋文帝求會稽回踵湖三〇爲田。太守孟顛三一不聽。又求休嶁湖三二爲田。顛又不聽。靈運至以語詆之。則利於請湖爲田。越之風俗舊矣。然南湖由漢歷吳晉以來接於唐。又接於錢鏐三三父子之有此州。其利未嘗廢者。彼或以區區之地當天下。或以數州爲鎮。或以一國自王。內有供養祿廩之須。外有貢輸問饋之奉。非得晏然而已也。故強水土之政。以力本利農。亦皆有數。而錢鏐之法最詳。至今尙多傳於人者。則其利之不廢有以也。近世則

不然。天下爲一。而安於承平之故。在位者重舉事而樂因循。而請湖爲田者。其言語氣力。往往足以動人。至於修水土之利。則又費財動衆。從古所難。故鄭國之役。三四以謂足以疲秦。而西門豹之治鄴渠人亦以爲煩苦。其故如此。則吾之吏。孰肯任難當之怨。來易至之責。以待未然之功乎。故說雖博而未嘗行。法雖密而未嘗舉。田者之所以日多。湖之所以日廢。由是而已。故以爲法令不行。而苟且之俗勝者。豈非然哉。夫千歲之湖。廢興利害。較然易見。然自慶曆以來。三十餘年。遭吏治之因循。至於既廢。而世猶莫寤其所以然。況於事之隱微。難得而考者。由苟簡之故。而弛壞於冥冥之中。又可知其所以然乎。今謂湖不必復者。曰湖田之入既饒矣。此游談之士。爲利於侵耕者言之也。夫湖未盡廢。則湖下之田旱。此方今之害。而衆人之所覩也。使湖盡廢。則湖之爲田亦旱矣。此將來之害。而衆人所未覩者。故曰此游談之士。爲利於侵耕者言之。而非實知利害者也。謂湖不必濬者。曰益隄壅水而已。此好辨之士。爲樂聞苟簡者言之也。夫以地勢較之。壅水使高。必敗城郭。此議者之所已言也。以地勢較之。濬湖使下。然後不失其舊。不失其舊。然後不失其宜。此議者之所未言也。又山陰之石則。爲四尺有五寸。會稽之石則。幾倍之。壅水使高。則會稽得尺。山陰得半。地之窪隆不並。則益隄未爲有補也。故曰此好辨之士。爲樂聞苟簡者言之。

而又非實知利害者也。二者既不可用。而欲禁侵耕開告者。則有賞罰之法矣。欲謹水之蓄泄。則有閉縱之法矣。欲痛絕敢田者。則拔其苗。責其力以復湖。而重其罰。又有法矣。或欲任其責於州縣。與運使提點刑獄。或欲以每歲農隙濬湖。或欲禁田石柱之內者。又皆有法矣。欲知濬湖之淺深。用工若干。為日幾何。欲知增堤。竹木之費幾何。使之安出。欲知濬湖之泥塗積之何所。又已計之矣。欲知工起之日。或浮議外搖。役夫內潰。則不可以必其成。又已論之矣。誠能收衆說。而考其可否。用其可者。而以在我者潤澤之。令言必行。法必舉。則何功之不可成。何利之不可復哉。鞏初蒙恩。通判此州。問湖之廢興於人。求有能言利害之實者。及到官。然後問圖於兩縣。問書於州與河渠司。至於參覈之。而圖成。熟究之。而書具。然後利害之實明。故為論次。庶夫計議者有考焉。熙寧二年冬。臥龍齋。

【註音】（機）音健（豪）音考（識）音志（顛）音愷（一音）音皇（鏐）音留（鄴）音業

【釋義】①鑑湖。亦曰鏡湖。在今浙江紹興縣南三里。②茂陵人。永和中。為會稽太守。創立鏡湖。在會稽山陰

兩縣界。築塘蓄水。溉田九千餘頃。③即曹娥江。④以石塞水口也。⑤在縣城西南。有水曰柯水。⑥堤堰設閘。以時

洩宣者。⑦清時為兩縣縣名。今併為紹興縣。⑧地名。⑨即錢清江。⑩在紹興縣西北。為曹娥。錢清。浙江三水所會

之處。⑪理財之官。即鹽鐵度支戶部三司。⑫亦稱漕司。轉運財賦輸入京師者。⑬英宗年號。⑭在縣東南若耶山

下。北流入鏡湖。⑮在縣東南。⑯地名。⑰字希魯。常州宜興人。真宗時授大理寺丞。累遷樞密直學士。知孟州。堂工

文辭。尤嗜詩。有吳門集。⑱無錫人。字偉長。會為兩浙轉運使。⑲立石介畫之也。亦可閉放。⑳管理之意也。宋時有

提舉水利之官。㉑考課之等差也。上者曰最。下者曰殿。〔漢書〕即奏其殿最而行賞罰。㉒字長文。雒州北海人。仁

宗時累官登聞檢院。神宗即位。拜樞密副使。㉓官名。掌察所部之獄訟。而平其曲直。㉔字景純。河南上蔡人。治平

中。出知揚州。掛冠歸。築室潤州。號藏春塢。日憇息其中。①字貫之。蘇州吳縣人。官至戶部。直龍圖閣。知明州卒。②
宣州宣城人。天聖進士。累遷兩浙提點。會論鑑湖不可爲田。列利弊甚悉。③字希中。晉江人。④官名。主陂池灌漑。
保守河渠。⑤宋陽夏人。玄之孫。博覽羣書。文章之美。紅左莫逮。爲永嘉太守。因稱疾去職。後爲臨川內史。遊放不
異永嘉。爲有司所糾。徙廣州。旋以事棄市。有文章傳世。⑥在紹興縣東。相傳馬臻築塘。以防若耶溪水。溪水暴涌。
抵塘而迴。⑦安丘人。祖弟。字彥重。爲會稽太守。顛性佞佛。謝靈運輕之。⑧卽上妃湖也。在上虞縣西北。⑨字具美。
臨安人。五代時據兩浙。爲吳越王。⑩見卷十一李斯諫逐客書釋義。⑪〔史記〕魏文侯時。西門豹爲鄴令。發民鑿
十二渠。引河水灌民田。田皆甃。按鄴渠在今河南臨漳縣。

〔諸家集評〕方望溪曰。凡敘事之文。義法未有外於左史者。左傳詳簡斷續變化無方。史記從衡。刀合布勒。有體如此。文在子固記事文爲第一。歐公以下無能頡頏者。其實不過明於從衡分合耳。





卷五十六

雜記類六

蘇明允木假山記

木之生。或蘖^一而殤^二。或拱^三而夭^四。幸而至於任爲棟梁。則伐。不幸而爲風之所拔。水之所漂。或破折。或腐。幸而得不破折。不腐。則爲人之所材。而有斧斤之患。其最幸者。漂沈汨沒於湍沙^五之間。不知其幾百年。而其激射齧^{*}食之餘。或髣髴於山者。則爲好事者取去。強之以爲山。然後可以脫泥沙而遠斧斤。而荒江之濱^{*六}。如此者。幾何。不爲好事者所見。而爲樵夫野人所薪者。何可勝數。則其最幸者之中。又有不幸者焉。予家有二峯。予每思之。則疑其有數存乎其間。且其蘖而不殤。拱而不夭。任爲棟梁而不伐。風拔水漂。而不破折。不腐。不破折不腐。而不爲人所材。以及於斧斤。出於湍沙之間。而不爲樵夫野人之所薪。而後得至乎此。則其理似不偶然也。然予之愛之。則非徒愛其似山。而又有有所感焉。非徒愛之。而又有有所敬焉。予見中峯。魁岸踞肆。意氣端重。若有以服其旁之二峯。二峯者。莊栗刻峭。凜乎不可犯。雖其勢服於中峯。而岌然^{*七}無阿附意。吁。其可敬也夫。其可以有感也夫。

【註音】(湍)音貪(齧)五結切(濱)音焚(岌)魚及切

【釋義】①萌芽也。②短折曰殤。③兩手合持曰拱。④早死也。⑤沙隨水而急流也。⑥水厓。⑦高峻貌。

蘇明允張益州畫像記

至和_二元年秋。蜀人傳言。有寇至邊。邊軍夜呼。野無居人。妖言流聞。京師震驚。方命擇帥。天子曰。毋養亂。毋助變。衆言朋興。朕志自定。外亂不作。變且中起。既不可以文令。又不可以武競。惟朕一二大吏。孰爲能處茲文武之間。其命往撫朕師。乃推曰。張公方平其人。天子曰然。公以親辭。不可。遂行。冬十一月至蜀。至之日。歸屯軍。撤守備。使謂郡縣。寇來在吾。無爾勞苦。明年正月朔日。蜀人相慶如他日。遂以無事。又明年正月。相告留公像於淨衆寺_三。公不能禁。眉陽_四蘇洵言於衆曰。未亂易治也。既亂易治也。有亂之萌。無亂之形。是謂將亂。將亂難治。不可以有亂急。亦不可以無亂弛。惟是元年之秋。如器之_{五*}。敬未墜於地。惟爾張公。安坐於其旁。顏色不變。徐起而正之。既正。油然而退。無矜容。爲天子牧小民不倦。惟爾張公。爾繫_{七*}以生。惟爾父母。且公嘗爲我言。民無常性。惟上所待。人皆曰。蜀人多變。於是待之以待盜賊之意。而繩之以繩盜賊之法。重足屏息_{八*}之民。而以鋌斧_{九*}令。於是民始忍以其父母妻子之所仰賴之身。而棄之於盜賊。故每每大亂。夫約之以禮。驅之以法。惟蜀人爲易。至於急之而生變。雖齊魯亦然。吾以齊魯待蜀人。而蜀人亦自以齊魯之人待其身。若夫肆意於法律之外。以威劫齊

民。吾不忍爲也。嗚呼。愛蜀人之深。待蜀人之厚。自公而前。吾未始見也。皆再拜稽首曰然。蘇洵又曰。公之恩在爾心。爾死在爾子孫。其功業在史官。無以像爲也。且公意不欲。如何。皆曰。公則何事於斯。雖然。於我心有不釋焉。今夫平居聞一善。必問其人之姓名。與鄉里之所在。以至於其長短大小。美惡之狀。甚者。或詰其平生所嗜好。以想見其爲人。而史官亦書之於其傳。意使天下之人。思之於心。則存之於目。存之於目。故其思之於心也。固。由此觀之。像亦不爲無助。蘇洵無以詰。遂爲之記。公南京人。慷慨有大節。以度量雄天下。天下有大事。公可屬系之以詩曰。

天子在祚。歲在甲午。西人傳言。有寇在垣。庭有武臣。謀夫如雲。天子曰嘻。命我張公。公來自東。旗纛舒舒。西人聚觀。于巷于塗。謂公暨暨。公來于于。公謂西人。安爾室家。無敢或訛。訛言不祥。往卽爾常。春爾條桑。秋爾滌場。西人稽首。公我父兄。公在西園。草木駢駢。公宴其僚。伐鼓淵淵。西人來觀。祝公萬年。有女娟娟。閨闈閑閑。有童哇哇。亦既能言。昔公未來。期汝棄捐。禾麻芃芃。倉庾崇崇。嗟我婦子。樂此歲豐。公在朝廷。天子股肱。天子曰歸。公敢不承。作堂巖巖。有廡有庭。公像在中。朝服冠纓。西人相告。無敢逸荒。公歸京師。公像在堂。

【註音】(敬)音欺(繫)乙雞切(屏)音丙(鑑)知林切(稽)音啓(屬)音祝(纛)音導(暨)音既(條)音禱

（哇）音娃（兀）音蓬（廡）音武

〔釋義〕①宋時南京人。字安道。官益州刺史。②仁宗年號。③一名萬福寺。在成都縣西北。④老泉眉山人。故稱眉陽。⑤傾側也。⑥和謹貌。⑦猶是也。⑧懼之甚也。⑨斫木之具。⑩宋建宋州為南京。亦曰應天府。今河南商邱縣。⑪付託也。⑫果毅貌。⑬行貌。⑭枝落也。⑮洒也。⑯並茂也。⑰鼓聲。⑱美好貌。⑲自得貌。⑳小兒學語。㉑長盛貌。㉒藏穀之處。在邑曰倉。在野曰庾。㉓堂下周屋。㉔堂階前也。

〔諸家集評〕方望溪曰退之序事文不學史記歐公則摹史記以自別於退之老泉又欲自別於歐公故取法於史記韓文而少變其形貌惜不多見要之非子瞻子固所能望也

蘇子瞻石鐘山記

水經云。彭蠡之口。有石鐘山焉。酈元以為下臨深潭。微風鼓浪。水石相搏。聲如洪鐘。是說也。人常疑之。今以鐘磬置水中。雖大風浪不能鳴也。而況石乎。至唐李渤始訪其遺踪。得雙石於潭上。扣而聆之。南聲函胡。北音清越。枹止響騰。餘韻徐歇。自以為得之矣。然是說也。余尤疑之。石之鏗然有聲者。所在皆是也。而此獨以鐘名。何哉。元豐七年六月丁丑。余自齊安舟行適臨汝。而長子邁將赴饒之德興尉。送之至湖口。因得觀所謂石鐘者。寺僧使小童持斧於亂石間。擇其一二扣之。鏗鏗然。余固笑而不信也。至其夜月明。獨與邁乘小舟至絕壁下。大石側立千尺。如猛獸奇鬼。森然欲搏人。而山上棲鶻。聞人聲亦驚起。磔磔雲霄間。又有若老人欬且笑於山谷中者。或曰。此鸛鶴也。余方心動欲還。而大聲發於水上。噌吰如鐘鼓。不絕。舟人大恐。徐而察之。則山下皆石穴罅。不知其淺深。微波入焉。涵澹澎湃

泮而爲此也。舟迴至兩山間。將入港口。有大石當中流。可坐百人。空中而多竅。與風水相吞吐。有竅坎鏗鞳之聲。與向之噌吰者相應。如樂作焉。因笑謂邁曰。汝識之乎。噌吰者。周景王之無射也。竅坎鏗鞳者。魏獻子之歌鐘也。古之人不余欺也。事不目見耳聞。而臆斷其有無可乎。酈元之所見聞。殆與余同。而言之不詳。士大夫終不肯以小舟夜泊絕壁之下。故莫能知。而漁工水師。雖知而不能言。此世所以不傳也。而陋者乃以斧斤考擊而求之。自以爲得其實。余是以記之。蓋歎酈元之簡。而笑李渤之陋也。

【註音】(枹)音孚(鏗)渴耕切(饒)音蕘(磬)音空(鶻)音骨(磔)音摘(鸛)音貫(噲)差耕切(呖)音宏(罈)音嚇(澎)披庚切(辨)破怪切(窾)音款(鏗)音湯(鞳)音榻(射)音亦(臆)伊力切

【釋義】①鐘山在江西湖口縣。②在豫章彭澤縣西南。卽鄱陽湖是也。③見上卷。④唐洛陽人。字濬之。元和中。遷江州刺史。治湖水。築堤七百步。⑤宮音。其聲弘大。⑥角音。其聲清激。⑦鼓槌也。⑧神宗年號。⑨今湖北黃岡縣。⑩今河南臨汝縣。⑪字伯達。官終駕部員外郎。⑫今江西德興縣。⑬石聲。⑭鷺鳥也。⑮鳥鳴聲。⑯鳥名。似鶴而頂不丹。頸嘴亦長。全身灰白。翼尾黑色。巢於高樹。⑰鐘聲也。⑱水動貌。⑲波相戾貌。⑳擊物聲。㉑鐘鼓聲。㉒名貴。靈王之子。㉓十二律之一也。㉔按魏獻子爲莊子之誤。莊子卽魏絳也。

【諸家集評】方望溪曰。蕭灑自得。子瞻諸記中特出者。

劉海峯曰。以心動欲還。跌出大聲發於水上。才有波折。而與會更覺淋漓。鐘聲二處。必取古鐘二事。以實之。具此誠諧文章妙趣。洋溢行間。坡公第一首記文。

會條生曰。自咸豐四年。楚軍在湖口。爲賊所敗。至十一年。乃少定。石鐘山之片石寸草。諸將士皆能辨識。上鐘巖與下鐘巖。皆有洞。可容數百人。深不可窮。形如覆鐘。乃知鐘山以形言之。非以聲言之。道元子瞻皆失事實也。

蘇子瞻超然臺記

凡物皆有可觀。苟有可觀。皆有可樂。非必怪奇偉麗者也。鋪糟啜醢^{二*}皆可。以醉。果蔬草木。皆可以飽。推此類也。吾安往而不樂。夫所爲求福而辭禍者。以福可喜而禍可悲也。人之所欲無窮。而物之可以足吾欲者有盡。美惡之辨戰乎中。而去取之擇交乎前。則可樂者常少。而可悲者常多。是謂求禍而辭福。夫求禍而辭福。豈人之情也哉。物有以蓋之矣。彼遊於物之內。而不遊於物之外。物非有大小也。自其內而觀之。未有不高且大者也。彼挾其高大以臨我。則我常眩亂反覆。如隙中之觀鬪。又烏知勝負之所。在。是以美惡橫生。而憂樂出焉。可不^三大哀乎。予自錢塘移守膠西^四。釋舟楫之安。而服車馬之勞。去雕牆之美。而庇采椽^五之居。背湖山之觀。而行桑麻之野。始至之日。歲比不登。盜賊滿野。獄訟充斥。而齋廚索然。日食杞菊^六。人固疑予之不樂也。處之期年。而貌加豐。髮之白者。日以反黑。予既樂其風俗之淳。而其吏民亦安予之拙也。於是治其園圃。潔其庭宇。伐安邱高密^七之木。以修補破敗。爲苟完之計。而園之北。因城以爲臺者。舊矣。稍葺^八而新之。時相與登覽。放意肆志焉。南望馬耳常山^九。出沒隱見^{*}。若近若遠。庶幾有隱君子乎。而其東則廬山。秦人盧敖之所從遁也。西望穆陵^{一〇}。隱然如城郭。師尚父齊桓公^{一一}之遺烈。猶有存者。北俯維水^{一二}。慨然太息。思淮陰^{一三}之功。而弔其不終。臺高而安。深而明。夏涼而冬溫。雨雪之朝。風月之夕。予未嘗不在。

客未嘗不從。擷園蔬。取池魚。釀秫酒。瀹脫粟而食之。曰：樂哉遊乎！方是時，予弟子由適在濟南。聞而賦之。且名其臺曰超然。以見予之無所往而不樂者。蓋遊於物之外也。

〔註音〕（鋪）音逋（醜）音離（昔）音緝（見）同現（維）音惟（擷）音掣（秫）音述（瀹）音藥

〔釋義〕①臺在山東諸城縣北城上。②糟酒糟。醜薄酒。③壁孔。④今山東膠縣高密等縣地。⑤采亦作採。機木也。以採為椽。言其質素也。⑥枸杞與菊花。古人以為服食之品。其嫩苗可供茶蔬。⑦並山東縣名。⑧修補也。⑨兩山均在諸城縣南。⑩在諸城縣東南。⑪關名。在山東臨朐縣南一百里大峴山上。⑫呂尚也。佐武王克殷有功。封於齊。周武王尊之為師尚父。⑬名小白。為戰國五霸之一。⑭源出山東莒縣西北之箕屋山。東北流經諸城。高密。安邱。納涿水。汶水。又經濰縣昌邑。入於海。⑮漢韓信封淮陰侯。信伐齊。破楚將龍且於濰水。後信為呂后所害。⑯採取也。⑰糯稻。⑱煮也。⑲糲米也。⑳今山東歷城縣。

〔諸家集評〕方望溪曰：子瞻記二臺皆以東西南北點綴。頗覺膚套。此類蹊徑。乃歐王所不肯蹈。

蘇子瞻遊桓山記

元豐二年正月己亥晦。春服既成。從二三子遊於泗之上。登桓山。入石室。使道士戴日祥。鼓雷氏之琴。操履霜之遺音。曰：噫嘻！悲夫！此宋司馬桓魋之墓也。或曰：鼓琴於墓。禮歟。曰：禮也。季武子之喪。會黜倚其門而歌。仲尼日月也。而魋以為可得而害也。且死為石椁。三年不成。古之愚人也。余將弔其藏。而其骨毛爪齒。既已化為飛塵。蕩為冷風矣。而況於椁乎。況於從死之臣妾。飯含之具。玉乎。使魋而無知也。余雖鼓琴而歌可也。使魋而有知也。聞余鼓琴而歌。知哀樂之不可常。物化之無日也。其愚豈不少瘳乎。

一三子喟然而歎。乃歌曰。桓山之上。維石嵯峨^{一三}。今司馬之惡。與石不磨。今桓山之下。維水瀾瀾^{一四}。今司馬之藏。與水皆逝。今歌闕而去。從遊者八人。畢仲孫。舒煥。寇昌朝。王適。王適^{一五}。王肆。軾之子邁。煥之子彥舉。

【註音】(離)音頽(榑)音郭(瘳)音抽(喟)丘愧切(嵯)音磋(瀾)音弭(闕)音缺(適)餘律切

【釋義】①山在江蘇銅山縣東北二十七里。②源出山東泗水縣陪尾山。四源并發。故名。本由江蘇沛縣。流入銅山縣境。至淮陰縣入淮。今至山東濟寧縣。東流入運河。③雷威作。雷遇大風雪。獨住峨嵋山。入深松中。聽其聲。連延悠颺者。伐以為琴。妙過於桐。④琴曲名。〔韓愈琴操序〕伯奇。尹吉甫子。無罪。為後母譖而見逐。自傷作履霜操。⑤春秋時宋人。姓司馬。亦稱向離。⑥魯公子季友會孫。名夙。⑦字皙。會參之父也。⑧〔史記〕孔子去曹適宋。與弟子習禮大樹下。宋司馬桓離欲殺孔子。拔其樹。孔子去。⑨榑。外棺也。⑩古者諸侯大夫死。臣妾或從之死。⑪古時死者皆以米貝玉含於口中。⑫病愈也。⑬山高貌。⑭水流貌。⑮終也。【諸家集評】吳至父曰。此殆有所至。故其詞憤厲。聲氣迸出。

蘇子瞻韓魏公醉白堂記

故魏國忠獻韓公。作堂於私第之池上。名之曰醉白。取樂天池上之詩。以為醉白堂之歌。意若有羨於樂天而不及者。天下之士。聞而疑之。以為公既已無愧於伊周矣。而猶有羨於樂天。何哉。軾聞而笑曰。公豈獨有羨於樂天而已乎。方且願為尋常無聞之人。而不可得者。天之生是人也。將使任天下之重。則寒者求衣。飢者求食。凡不獲者求得。苟有以與之。將不勝其求。是以終身處乎憂患之域。而行乎利害之塗。豈其所欲哉。夫忠獻公既已相三帝。安天下矣。浩然將歸老於家。而天下共挽而留之。莫釋也。當

是時。其有羨於樂天。無足怪者。然以樂天之平生。而求之於公。較其所得之厚薄淺深。孰有孰無。則後世之論。有不可欺者矣。文致太平。武定亂略。謀安宗廟。而不自以爲功。急賢才。輕爵祿。而士不知其恩。殺伐果敢。而六軍安之。四夷入蠻。想聞其風采。而天下以其身爲安危。此公之所有。而樂天之所無也。乞身於彊健之時。退居十有五年。日與其朋友賦詩飲酒。盡山水園池之樂。府有餘帛。廩有餘粟。而家有聲伎之奉。此樂天之所有。而公之所無也。忠言嘉謨。效於當時。而文采表於後世。死生窮達。不易其操。而道德高於古人。此公與樂天之所同也。公既不以其所有自多。亦不以其所無自少。將推其同者。而自託焉。方其寓形於一醉也。齊得喪。忘禍福。混貴賤。等賢愚。同乎萬物。而與造物者遊。非獨自比於樂天而已。古之君子。其處己也厚。其取名也廉。是以實浮於名。而世頌其美。不厭以孔子之聖。而自比於老彭。自同於邱明。自以爲不如顏淵。後之君子。實則不至。而皆有侈心焉。臧武仲自以爲聖。白圭自以爲禹。司馬長卿自以爲相如。揚雄自以爲孟軻。崔浩自以爲子房。然世終莫之許也。由此觀之。忠獻公之賢於人也遠矣。昔公嘗告其子忠彥。將求文於軾以爲記。而未果。既葬。忠彥以告軾。以爲義不得辭也。乃泣而書之。

【釋義】●韓魏公。名琦。字稚圭。宋安陽人。弱冠舉進士。仁宗時西夏反。琦爲陝西經略招討使。英宗時拜右

僕射。封魏國公。神宗立。拜司徒兼侍中。判相州。卒。謚忠獻。①醉白堂在河南安陽縣城東南隅。②白居易。字樂天。唐太原人。元和進士。遷左拾遺。貶江州司馬。後召還。官至刑部尚書。晚年放意詩酒。居香山。稱香山居士。其池上篇自序有云。酒酣琴罷。命樂童奏霓裳散序。曲未竟。而樂天陶然已醉。睡於石上矣。詩云。十畝之宅。五畝之園。有水一池。有竹千竿。勿謂土狹。勿謂地偏。足以容膝。足以息肩。有堂有庭。有橋有船。有書有酒。有歌有弦。有叟在中。白鬚飄然。識分知足。外無求焉。如鳥擇木。姑務巢安。如龜居坎。不知海寬。靈鷲怪石。紫菱白蓮。皆吾所好。盡在吾前。時飲一杯。或吟一篇。妻孥熙熙。雞犬閑閑。優哉游哉。吾將終老乎其間。③即伊尹。周公。④即仁宗。英宗。神宗。⑤魯大夫臧孫紇。時因其智。目為聖人。⑥名丹。圭其字也。嘗謂孟子曰。丹之治水也。愈於禹。⑦慕蘭相如之為人。更名相如。⑧〔魏書〕浩字伯淵。清河人。長於謀計。常自比張子房。⑨字師樸。官至觀文殿大學士。

〔諸家集評〕劉海峯曰精神籠蓋一世

蘇子瞻靈壁張氏園亭記

道京師而東。水浮濁流。陸走黃塵。陂田蒼莽。行者倦厭。凡八百里。始得靈壁張氏之園於汴之陽。其外修竹森然以高。喬木蒼然以深。其中因汴之餘浸。以為陂池。取山之怪石。以為巖阜。蒲葦蓮芰。有江湖之思。椅桐檜柏。有山林之氣。奇花美草。有京洛之態。華堂廈屋。有吳蜀之巧。其深可以隱。其富可以養。果蔬可以飽鄰里。魚鼈筍茹。可以餽四方之賓客。余自彭城移守吳興。繇宋登舟。三宿而至其下。肩輿叩門。見張氏之子頌。頌求余文以記之。維張氏世有顯人。自其伯父殿中君。與其先人通判府君。始家靈壁。而為此園。作蘭皋之亭。以養其親。其後出仕於朝。名聞一時。推其餘力。日增治之。於今五十餘年矣。其木皆十圍。岸谷隱然。凡園之百物。無一不

可人意者。信其用力之多且久也。古之君子。不必仕。不必不仕。必仕則忘其身。必不仕則忘其君。辟^{*}之飲食。適於饑飽而已。然士罕能蹈其義。赴其節。處者安於故而難出。出者狃於利而忘返。於是有違親絕俗之譏。懷祿苟安之弊。今張氏之先君。所以爲其子孫之計。慮者遠且周。是故築室藝園於汴泗之間。舟車冠蓋之衝。凡朝夕之奉。燕遊之樂。不求而足。使其子孫開門而出仕。則跬步^{*}市朝之上。閉門而歸隱。則俯仰山林之下。於以養生治性。行義求志。無適而不可。故其子孫仕者皆有循吏良能之稱。處者皆有節士廉退之行。蓋其先君子之澤也。余爲彭城二年。樂其土風。將去不忍。而彭城之父老亦莫余厭也。將買田於泗水之上。而老焉。南望靈壁。雞犬之聲相聞。幅巾杖履。歲時往來於張氏之園。以與其子孫遊。將必有日矣。元豐二年三月二十七日記。

【註音】(蒼)音翁上聲(葦)音偉(芰)音妓(椅)於宜切(辟)同譬(跬)酷委切
【釋義】①靈壁縣在安徽。②水名。今已涸。③水北。④草木感貌。⑤菱也。四角曰芰。兩角曰菱。⑥落葉喬木。高二丈餘。初夏開黃花。葉圓端尖。雌雄異株。實略似天燭。色紅或赭。其材可爲細巧之器。⑦今河南商邱縣。⑧半步也。⑨隱居以求其志。行義以達其道。見「論語」。

蘇子由武昌九曲亭記

子瞻遷於齊安。廬於江上。齊安無名山。而江之南武昌^三諸山。陂陀^四蔓延。澗谷深密。中有浮圖精舍。西曰西山。東曰寒谿^六。依山臨壑。隱蔽松檜^{*}。蕭然絕

俗。車馬之迹不至。每風止日出。江水伏息。子瞻杖策載酒。乘漁舟。亂流而南。山中有二三子。好客而喜游。聞子瞻至。幅巾迎笑。相攜徜徉而上。窮山之深。力極而息。埽葉席草。酌酒相勞。意適忘反。往往留宿於山上。以此居齊安三年。不知其久也。然將適西山。行於松柏之間。羊腸九曲。而獲少平。遊者至此必息。倚怪石。蔭茂木。俯視大江。仰瞻陵阜。旁矚溪谷。風雲變化。林麓向背。皆效於左右。有廢亭焉。其遺址甚狹。不足以席衆客。其旁古木數十。大皆百圍千尺。不可加以斤斧。子瞻每至其下。輒睥睨終日。一旦大風雷雨。拔去其一。斥其所據。亭得以廣。子瞻與客入山視之。笑曰。茲欲以成吾亭耶。遂相與營之。亭成。而西山之勝始具。子瞻於是乎最樂。昔余少年。從子瞻遊。有山可登。有水可浮。子瞻未始不褰裳先之。有不得至。爲之悵然移日。至其翩然獨往。逍遙泉石之上。擷林卉。拾澗實。酌水而飲之。見者以爲僂也。蓋天下之樂無窮。而以適意爲悅。方其得意。萬物無以易之。及其既厭。未有不灑然自笑者也。譬之飲食。雜陳於前。要之一飽。而同委於臭腐。夫孰知得失之所在。惟其無愧於中。無責於外。而姑寓焉。此子瞻之所以有樂於是也。

【註音】(馳)音駝(歷)同櫟(睥)匹計切(睨)研計切(褰)音牽(擷)胡結切

【釋義】①亭在湖北鄂城縣西九曲嶺。②今湖北黃岡縣。③今湖北鄂城縣。④邪平也。⑤盤曲而延長也。⑥西山一名樊山。在鄂城縣西。下爲樊口。上有九曲嶺。山東十步有岡。岡下有寒谿。山北背大江。⑦手持鞭也。⑧橫

流而渡也。①用練全幅。向後襍髮。俗名襍頭。②徑之小而曲者曰羊腸。③左右視也。
〔諸家集評〕吳至父曰此文後幅實爲超妙而前之敘次頗繁

蘇子由東軒記

余既以罪謫監筠州鹽酒稅。未至。大雨。筠水泛溢。蔑南市。登北岸。敗刺史府門。鹽酒稅治舍。俯江之濬。水患尤甚。既至。做不可處。乃告於郡。假部使者府以居。郡憐其無歸也。許之。歲十二月。乃克支其敝。補其圯缺。闕聽事堂之東爲軒。種杉二本。竹百箇。以爲宴休之所。然鹽酒稅舊以三吏共事。余至。其二人者。適皆罷去。事委於一。晝則坐市區。鬻鹽沽酒稅豚魚。與市人爭尋尺以自效。暮歸。筋力疲廢。輒昏然就睡。不知夜之既旦。旦則復出營職。終不能安於所謂東軒者。每日旦暮出入其旁。顧之。未嘗不啞然自笑也。余昔少年讀書。竊嘗怪以顏子簞食瓢飲。居於陋巷。人不堪其憂。顏子不改其樂。私以爲雖不欲仕。然抱關擊柝。尚可自養。而不害於學。何至困辱貧窶。自苦如此。及來筠州。勤勞鹽米之間。無一日之休。雖欲棄塵垢。解羈縻。自放於道德之場。而事每劫而留之。然後知顏子之所以甘心貧賤。不肯求斗升之祿以自給者。良以其害於學故也。嗟夫。士方其未聞大道。沈酣勢利。以玉帛子女自厚。自以爲樂矣。及其循理以求道。落其華而收其實。從容自得。不知夫天地不爲大。與死生之爲變。而況其下者乎。故

其樂也。足以易窮餓而不怨。雖南面之王。不能加之。蓋非有德不能任也。余方區區欲磨洗濁汚。睇^{*七}聖賢之萬一。自視缺然。而欲庶幾顏氏之福。宜其不可得哉。若夫孔子周行天下。高為魯司寇。下為乘田委吏^九。惟其所遇。無所不可。彼蓋達者之事。而非學者之所望也。余既以譴來此。雖知桎^{*一}梏^{*二}之害。而勢不得去。獨幸歲月之久。世或哀而憐之。使得歸伏田里。治先人之敝廬。為環堵^{*一}之室而居之。然後追求顏氏之樂。懷思東軒。優游以忘其老。然而非所敢望也。

〔註音〕（筠）于倫切（脣）音脣（敲）音欺（圮）音否（柝）音託（窶）局羽切（繫）音執（睇）音希（桎）音質（梏）姑沃切（堵）音賭

〔釋義〕①軒在今江西高安縣。舊貢院。②毀也。③指蜀江。在高安縣北。今日錦江。④水涯也。⑤守門之官。⑥守夜之官。⑦慕也。⑧古六卿之一。孔子曾為司寇。⑨委吏。主委積之吏。猶今收掌糧草材料之官。乘田。掌牛羊芻牧之吏。孔子嘗為之。⑩猶言束縛。⑪言中無所有也。

卷五十七 雜記類七

王介甫慈谿縣學記

天下不可一日而無政教。故學不可一日而亡於天下。古者井天下之田^三而黨庠遂序國學^三之法。立乎其中。鄉射飲酒。春秋合樂。養老勞農。尊賢使能。考藝選言之政。至於受成獻馘^{*}訊囚^四之事。無不出於學。於此養天下智仁聖義忠和之士。以至一偏一技一曲之學。無所不養。而又取士大夫之材行完潔。而其施設已嘗試於位而去者。以爲之師。釋奠釋菜^五以教不忘其學之所自。遷徙偪逐。以勉其怠而除其惡。則士朝夕所見所聞。無非所以治天下國家之道。其服習必於仁義。而所學必皆盡其材。一日取以備公卿大夫百執事之選。則其材行皆已素定。而士之備選者。其施設亦皆素所見聞而已。不待閱習而後能者也。古之在上者。事不慮而盡。功不爲而足。其要如此而已。此二帝三王所以治天下國家。而立學之本意也。後世無井田之法。而學亦或存或廢。大抵所以治天下國家者。不復皆出於學。而學之士。羣居族處。爲師弟子之位者。講章句。課文字而已。至其陵夷^六之久。則四方之學者廢而爲廟。以祀孔子於天下。斲木搏土。如浮屠道士法。爲王者象。州縣吏春秋帥^{*}其屬釋奠於其堂。而學士者或不與焉。蓋廟

之作出於學廢。而近世之法然也。今天子卽位若干年。頗修法度。而革近世之不然者。當此之時。學稍稍立於天下矣。猶曰州之士滿二百人。乃得立學。於是慈谿之士。不得有學。而爲孔子廟如故。廟又壞不治。令劉君在中言於州。使民出錢。將修而作之。未及爲而去。時慶曆某年也。後林君肇至。則曰。古之所以爲學者。吾不得而見。而法者。吾不可以毋循也。雖然。吾之人民。於此不可以無教。卽因民錢作孔子廟。如今之所云。而治其四旁。爲學舍講堂。其中。帥縣之子弟。起先生杜君醇爲之師。而興於學。噫。林君其有道者耶。夫吏者無變今之法。而不失古之實。此有道者之所能也。林君之爲。其幾於此矣。林君固賢令。而慈谿小邑。無珍產淫貨。以來四方遊販之民。田桑之美。有以自足。無水旱之憂也。無遊販之民。故其俗一而不雜。有以自足。故人慎刑而易治。而吾所見其邑之士。亦多美茂之材。易成也。杜君者。越之隱君子。其學行宜爲人師者也。夫以小邑得賢令。又得宜爲人師者爲之師。而以修醇一易治之俗。而進美茂易成之材。雖拘於法。限於勢。不得盡如古之所爲。吾固信其教化之將行。而風俗之成也。夫教化可以美風俗。雖然。必久而後至於善。而今之吏。其勢不能以久也。吾雖喜且幸其將行。而又憂夫來者之不吾繼也。於是本其意以告來者。

〔釋義〕
① 慈谿。縣名。在浙江。
② 周制。授田之法。以地方一里。劃爲九區。每區百畝。形如井字。中爲公田。其外八家皆受一區。爲私田。公家但收其力以助耕公田。而不稅其私田。
③ 五百家爲黨。遂。郊外之地。五縣爲遂。庠序學。皆學名。
④ 受成。定兵謀也。獻敵。殺敵而截其左耳以獻也。訊囚。訊鞫罪犯也。
⑤ 見永叔穀城縣夫子廟記釋義。
⑥ 類替也。
⑦ 指仁宗。
⑧ 慈谿人。號大隱先生。

〔諸家集評〕茅鹿門曰荆公文往往好爲深遠之思適婉之詞然亦思或入於渺而調或入於詭

王介甫度支副使廳壁題名記

三司副使。不書前人名姓。嘉祐五年。尙書戶部員外郎呂君冲之^二。始稽之衆史。而自李紘^{*三}已上。至查道。得其名。自楊偕^四已上。得其官。自郭勸^五已下。又得其在事之歲時。於是書石而鑱之東壁。夫合天下之衆者財。理天下之財者法。守天下之法者吏也。吏不良。則有法而莫守。法不善。則有財而莫理。有財而莫理。則阡陌閭巷^六之賤人。皆能私取予之勢。擅萬物之利。以與人主爭黔首^{*八}。而放其無窮之欲。非必貴強桀^{*九}大而後能。如是而天子猶爲不失其民者。蓋特號而已耳。雖欲食蔬衣敝。憔悴其身。愁思其心。以幸天下之給足而安吾政。吾知其猶不得也。然則善吾法。而擇吏以守之。以理天下之財。雖上古堯舜。猶不能毋以此爲先急。而況於後世之紛紛乎。三司副使。方今之大吏。朝廷所以尊寵之甚備。蓋今理財之法。有不善者。其勢皆得以議於上。而改爲之。非特當守成法。各出入。以從有司之事而已。其職事如此。則其人之賢不肖。利害施於天下如何也。觀其人。以其在事

之歲時。以求其政事之見於今者。而考其所以佐上理財之方。則其人之賢不肖。與世之治否。吾可以坐而得矣。此蓋呂君之志也。

【註音】（絃）音宏（鑠）土銜切（黔）音籍（桀）通傑

【釋義】①見卷五十五子固鑑湖圖序。②酸棗人。名景初。時官度支副使。後官至天章閣待制。③昌齡從子。字仲綱。宋州楚邱人。官拜諫察御史。累進龍圖閣直學士。④字次公。坊州中部人。仁宗時爲殿中侍御史。累官翰林學士。借性剛而忠朴。敢爲大言。數論天下事。尤喜古今兵法。有兵書及遺集。⑤字仲褒。鄆州須城人。真宗時爲殿中侍御史。性廉儉。卒後家無長物。⑥田間小路。⑦猶言鄉里。⑧謂百姓也。

【諸家集評】吳至父曰筆力豪悍有崩山決澤之觀

王介甫遊褒禪山記

褒禪山。亦謂之華山。唐浮圖慧褒。始舍於其址而卒葬之。以故其後名之曰褒禪。今所謂慧空禪院者。褒之廬冢也。距其院東五里。所謂華陽洞者。以其在華山之陽名之也。距洞百餘步。有碑仆道。其文漫滅。獨其爲文猶可識曰花山。今言華如華實之華者。蓋音謬也。其下平曠。有泉側出。而記遊者甚衆。所謂前洞也。由山以上五六里。有穴窈然。入之甚寒。問其深。則雖好遊者不能窮也。謂之後洞。余與四人擁火以入。入之愈深。其進愈難。而其見愈奇。有怠而欲出者。曰不出火且盡。遂與之俱出。蓋予所至。比好遊者尙不能十一。然視其左右。來而記之者已少。蓋其又深。則其至又加少矣。方是時。予之力尙足以入。火尙足以明也。既其出則或咎其欲出者。

而予亦悔其隨之。而不得極夫遊之樂也。於是予有歎焉。古人之觀於天地山川草木蟲魚鳥獸。往往有得。以其求思之深而無不在也。夫夷以近。則遊者衆。險以遠。則至者少。而世之奇偉瑰怪非常之觀。常在於險遠。而人之所罕至焉。故非有志者不能至也。有志矣。不隨以止也。然力不足者。亦不能至也。有志與力。而又不隨以怠。至於幽暗昏惑。而無物以相之。亦不能至也。然力足以至焉。而不至。於人爲可譏。而在己爲有悔。盡吾志也。而不能至者。可以無悔矣。其孰能譏之乎。此予之所得也。余於仆碑。又以悲夫古書之不存。後世之謬其傳。而莫能名者。何可勝道也哉。此所以學者不可以不深思而慎取之也。四人者。廬陵蕭君圭君玉。長樂王回深父。余弟安國平父。安上純父。至和元年七月某日。臨川王某記。

【註音】（窳）音杏

【釋義】①山在江蘇句容縣北六十里。②暗貌。③今江西吉安縣。④今福建長樂縣。
【諸家集評】茅順甫曰：逸興滿眼，餘音不絕。

王介甫芝閣記

祥符時封泰山。以文天下之平。四方以芝來告者萬數。其大吏則天子賜書以寵嘉之。小吏若民。輒賜金帛。方是時。希世有力之大臣。窮搜而遠采。山農野老。攀緣狙杙。以上至不測之高。下至澗溪壑谷。分崩裂絕。幽窮隱

伏。人跡之所不通。往往求焉。而芝出於九州四海之間。蓋幾於盡矣。至今上卽位。謙讓不德。自大臣不敢言封禪。詔有司以祥瑞告者皆勿納。於是神奇之產。銷藏委翳於蒿藜榛莽之間。而山農野老。不復知其爲瑞也。則知因一時之好惡。而能成天下之風俗。況於行先王之治哉。太邱陳君。學文而好奇。芝生於庭。能識其爲芝。惜其可獻而莫售也。故閣於其居之東偏。掇取而藏之。蓋其好奇如此。噫。芝一也。或貴於天子。或貴於士。或辱於凡民。夫豈不以時乎哉。士之有道。固不役志於貴賤。而卒所以貴賤者。何以異哉。此予之所以歎也。

【註音】(狙)音疽(杙)音弋(掇)朵入聲

【釋義】①真宗年號。②泰山上築土爲壇以祭天。報天之功也。③飾也。④菌類。寄生於已枯之樹木。其體如菌狀。有青赤黃白黑紫多種。古以爲瑞草。⑤狙。猿屬。杙。一段之木。以擊牲畜者。狙杙。言山上之木。概如擊狙之杙也。⑥故城在今河南永城縣西北。

王介甫傷仲永

金谿民方仲永。世隸耕。仲永生五年。未嘗識書具。忽啼求之。父異焉。借旁近與之。卽書詩四句。并自爲其名。其詩以養父母收族爲意。傳一鄉秀才觀之。自是指物作詩立就。其文理皆有可觀者。邑人奇之。稍稍賓客其父。或以錢幣丐之。父利其然也。日扳仲永環謁於邑人。不使學。予聞之也久。明道中。從先人還家。於舅家見之。十二三矣。令作詩。不能稱前時之聞。又

七年。還自揚州^八。復到舅家問焉。曰：泯然^九衆人矣。王子曰：仲永之通悟。受之天也。其受之天也。賢於材人遠矣。卒之爲衆人。則其受於人者不至也。彼其受之天也。如此其賢也。不受之人。且爲衆人。今夫不受之天。固衆人。又不受之人。得爲衆人而已耶。

〔註音〕（拔）音班

〔釋義〕①今江西金谿縣。②書籍文具也。③以賓客之禮待其父。④與也。⑤引也。⑥仁宗年號。⑦介甫父名益。⑧治今江蘇江都縣。⑨無聞也。

晁无咎新城遊北山記

去新城之北三十里。山漸深。草木泉石漸幽。初猶騎行石齒間。旁皆大松。曲者如蓋^二。直者如幢^三。立者如人。臥者如虬^四。松下草間有泉。沮洳^五伏見^{*}。墮石井鏘然而鳴。松間藤數十尺。蜿蜒如大虺^七。其上有鳥。黑如鴝^八。赤冠長喙^{*}。俛而啄。磔然有聲。稍西一峯高絕。有蹊^九介然。僅可步。繫馬石^{一〇}。觜相扶攜而上。篁篠^{一一}仰不見日。如四五里。乃聞雞聲。有僧布袍躡履來迎。與之語^{一二}。睇而顧。如糜鹿不可接。頂有屋數十間。曲折依崖壁爲欄楯^{一三}。如蝸鼠繚繞。乃得出。門牖相值。既坐。山風颯然而至。堂殿鈴鐸皆鳴。二三子相顧而驚。不知身之在何境也。且莫^{*}皆宿。於時九月。天高露清。山空月明。仰視星斗。皆光大。如適在人上。窗間竹數十竿。相摩戛^{一六}聲切切不已。竹間梅棕^{一七}森然如鬼

魅離立突鬢之狀。一三子又相顧魄動而不得寐。遲明皆去。既還家數日。猶恍惚若有遇。因追記之。後不復到。然往往想見其事也。

【註音】(幢)傳江切(虬)奇由切(沮)將預切(御)音如(鏘)千羊切(見)同現(蜿)烏歡切(輿)音延(蜿)五官切(鵠)音劬(鵠)音欲(噉)許穢切(俛)同俯(磔)音摘(蹊)音奚(齧)醉平聲(篠)音小(躡)尼輒切(聘)音愕(楯)音盾(蝟)音戈(蠟)音塞(莫)同暮(夏)音吉(間)去聲(棕)君紅切(魅)音妹

【釋義】①山在浙江新登縣北。俗名官山。頂有龍池。②車蓋。③旌旗之屬。④龍子有角者。⑤下濕之地。⑥屈曲之狀。⑦毒蛇也。即虺。⑧全體俱黑。兩翼有白點。巢於樹穴及人家屋脊中。剪其舌端令圓。能效人言。俗名八哥。⑨徑也。⑩猶石角也。⑪並竹名。⑫驚顧。⑬濫也。縱曰欄。橫曰楯。⑭蝸牛。軟體動物之有肺者。⑮風聲。⑯摩切之義。⑰棕櫚樹。⑱怪物。⑲天將明未明之時。



歸熙甫項脊軒記

項脊軒。舊南閣子也。室僅方丈。可容一人居。百年老屋。塵泥滲漉。雨澤下注。每移案顧視。無可置者。又北向不能得日。日過午已昏。余稍爲修葺。使不上漏。前闔四窗。垣牆周庭。以當南日。日影反照。室始洞然。又雜植蘭桂竹木於庭。舊時欄楯。亦遂增勝。借書滿架。偃仰嘯歌。冥然兀坐。萬籟有聲。而庭堦寂寂。小鳥時來啄食。人至不去。三五之夜。明月半牆。桂影斑駁。風移影動。珊珊可愛。然余居於此。多可喜。亦多可悲。先是庭中通南北爲一。迨諸父異爨。內外多置小門牆。往往而是。東犬西吠。客踰庖而宴。雞棲於廳。庭中始爲籬。已爲牆。凡再變矣。家有老嫗。嘗居於此。嫗先大母婢也。乳二世。先妣撫之甚厚。室西連於中閨。先妣嘗一至。嫗每謂余曰。某所而母立於茲。嫗又曰。汝姊在吾懷。呱呱而泣。娘以指叩門扉曰。兒寒乎。欲食乎。吾從板外相爲應答。語未畢。余泣。嫗亦泣。余自束髮。讀書軒中。一日大母過余曰。吾兒久不見。若影。何竟日默默在此。大類女郎也。比去。以手闔門。自語曰。吾家讀書久不效。兒之成。則可待乎。頃之。持一象笏。至曰。此吾祖太常公。宣德間執此以朝。他日汝當用之。瞻顧遺跡。如在昨日。令人長號

不自禁。軒東故嘗為廚。人往從軒前過。余扃牖而居。久之。能以足音辨人。軒凡四遭火。得不焚。殆有神護者。項脊生日。蜀清守丹穴。利甲天下。其後秦皇帝築女懷清臺。劉玄德與曹操爭天下。諸葛孔明起隴中。方二人之昧昧於一隅也。世何足以知之。余區區處敗屋中。方揚眉瞬目。謂有奇景。人知之者。其謂與招井之蛙何異。余既為此志。後五年。吾妻來歸。時至軒中。從吾問古事。或憑几學書。吾妻歸寧。述諸小妹語曰。聞姊家有閣子。且何謂閣子也。其後六年。吾妻死。室壞不修。其後二年。余久臥病無聊。乃使人復葺南閣子。其制稍異於前。然自後。余多在外。不常居。庭有枇杷樹。吾妻死之年所手植也。今已亭亭如蓋矣。

【註音】(滲)音森去聲(漉)音祿(嬰)音竄(嫗)依句切(扃)居翫切(招)同坎(呱)音姑

【釋義】①謂由微孔緩緩下漏也。②庭之周圍。均有垣牆。③龐雜也。④伯叔也。⑤分居而各自炊爨也。⑥母死曰妣。⑦小兒啼聲。⑧成童之年也。⑨即祖母。⑩古時人臣朝見時所執之手版。以象牙為之。故稱象笏。⑪姓夏。名景。字仲昭。崑山人。永樂進士。歷官太常寺卿。⑫明宣宗年號。⑬山名。在今湖北襄陽縣西。孔明曾隱居於此。劉備三顧其廬始出。⑭女子既嫁。歸問父母之安否曰歸寧。⑮聳立貌。

【諸家集評】姚氏曰此太僕最勝之文然亦苦太多

梅伯言曰借一閣以記三世之遺跡大宛之記肇自張騫此神明其法者也又曰此種文字直接史記韓歐不能掩之

歸熙甫思子亭記

震澤之水。蜿蜒東流。為吳淞江。二百六十里入海。嘉靖壬寅。余始攜吾兒

來居江上。二百六十里水道之中也。江至此欲涸。蕭然曠野。無輞川之景物。陽羨之山水。獨自有屋數十楹。中頗弘邃。山池亦勝。足以避世。余性懶出。雙扉晝閉。綠草滿庭。最愛吾兒與諸弟遊戲穿走於長廊之間。兒來時九歲。今十六矣。諸弟少者三歲。六歲。九歲。此余平生之樂事也。十二月已酉。攜家西去。余歲不過三四月居城中。兒從行絕少。至是去而不返。每念初入之日。相隨出門。不意足跡隨履而沒。悲痛之極。以爲大怪。無此事也。蓋吾兒居此。七閱寒暑。山池草木。門堵戶席之間。無處不見吾兒也。葬在縣之東南門。守家人俞老。薄暮見兒衣綠衣。在享堂中。吾兒其不死耶。因作思子之亭。徘徊四望。長天寥闊。極目於雲煙杳靄之間。當必有一日見吾兒翩然來歸者。於是刻石亭中。其詞曰。

天地運化。與世而遷。生氣日漓。曷如古先。渾敦樗杌。天以爲賢。挫陋懸甃。天以爲妍。跖年必永。回壽必慳。噫嘻吾兒。敢覲其全。今世有之。死固宜焉。聞昔郗超。歿於賊間。遺書在笥。其父舍旃。胡爲吾兒。愈思愈妍。爰有貧士。居海之邊。重趺來哭。涕淚潺湲。王公大人。死則無傳。吾兒孱弱。何以致然。人自胞胎。至於百年。何時不死。死者萬千。如彼死者。亦奚足言。有如吾兒。眞爲可憐。我庭我廬。我簡我編。髣髴彼兩髦。翠眉朱顏。宛其綠衣。在我之前。朝朝暮暮。歲歲年年。似邪非邪。悠悠蒼天。臘月之初。兒坐閣子。我倚欄杆。

池水瀾瀾。日出山亭。萬鴉來止。竹樹交滿。枝垂葉披。如是三日。予以為社。豈知斯祥。兆兒之死。兒果為神。信不死矣。是時亭前有兩山茶。影在石池。綠葉朱花。兒行山徑。循水之涯。從容笑言。手擷雙葩。花容照映。爛然雲霞。山花尚開。兒已辭家。一朝化去。果不死邪。漢有太子。死後八日。周行萬里。甦而自述。倚尼渠余。白壁可質。大風疾雷。俞老戰栗。奔走來告。人棺已失。兒今起矣。宛其在室。吾朝以望。及日之出。西望五湖之清泌。東望大海之蕩瀾。寥寥長天。陰雲四密。俞老不來。悲風蕭瑟。宇宙之變。日新日茁。豈日無之。吾匪怪譎。父子重權。茲生已畢。於乎天平。鑒此誠壹。

〔註音〕 (朝)音罔 (遠)音粹 (嬾)同懶 (薄)音博 (衣)去聲 (滴)音離 (敦)音盾 (檣)音濤 (机)音兀 (燈)但訛切 (應)呂員切 (璧)音辟 (路)音隻 (怪)丘閑切 (郊)音隙 (駢)音蘭 (屨)土山切 (援)音員 (屨)土山切 (髻)徒感切 (髦)音毛 (瀾)音米 (葩)音巴 (甦)同蘇 (映)徒結切 (茁)音札 (於)同鳴 (乎)同呼 (瀾)音聿

〔釋義〕 ①即太湖。②上流承太湖水。經吳江、吳縣、崑山、嘉定等縣。至上海合黃浦入海。③明世宗年號。④在陝西藍田縣。⑤今江蘇宜興縣。⑥深遠也。⑦輕疾貌。⑧帝鳩氏之不才子。即驩兜是也。⑨顛頂之不才子。鯀是也。⑩短陋也。⑪病體拘曲也。⑫足不能行。⑬盜跖。古大盜名。柳下惠弟。⑭吝也。⑮字景興。一字嘉賓。晉高平人。為桓溫參軍。⑯行路多致足皮厚也。⑰涕流貌。⑱垂髮也。⑲水流貌。⑳木名。產南方各省。雲南尤著名。葉如木樨。稍厚而硬。自十月至十二月。為開花期。㉑華也。㉒猶旖旎。柔弱貌。㉓日長也。㉔即太湖。㉕水涌也。

歸熙甫見村樓記

崑山治城之隍。或云即古婁江。然婁江已湮。以隍為江。未必然也。吳淞江

自太湖西來。北向。若將趨入縣城。未二十里。若抱若折。遂東南入於海。江之將南折也。背折而爲新洋江^二。新洋江東數里。有地名羅巷村。亡友李中丞^三先世居於此。因自號爲羅村云。中丞遊宦二十餘年。幼子延實。產於江右南昌之官廨^{*四}。其後每遷官輒隨。歷東兗^{*五}汴楚^{*六}之境。自岱岳^{*七}嵩少^{*八}匡廬^{*九}衡山^{一〇}瀟湘^{一一}洞庭之渚^{一二}。延實無不識也。獨於羅巷村者。生平猶味之。中丞既謝世。延實卜居縣城之東南門內金潼港。有樓翼然出於城闔^{*一三}之上。前俯隍水。遙望^{一四}三面。皆吳淞江之野。塘浦縱橫。田塍如畫。而村墟遠近映帶。延實日焚香灑掃讀書其中。而名其樓曰見村。余聞過之。延實爲具飯。念昔與中丞遊。時時至其故宅。所謂南樓者。相與飲酒論文。忽忽二紀。不意遂已隔世。今獨對其幼子飯。悲悵者久之。城外有橋。余常與中丞出郭造^{*一五}故人方思會^{一六}。時其不在。相與憑檻。常至暮。悵然而返。今兩人者皆亡。而延實之樓。卽方氏之故廬。余能無感乎。中丞自幼攜策入城。往來省墓。及歲時出郊嬉遊。經行術徑^{一七}皆可指也。孔子少不知父葬處^{一八}。有輓父之母知而告之。余可以爲輓父之母乎。延實既能不忘其先人。依然水木之思^{一九}。肅然桑梓之懷^{二〇}。愴然霜露之感矣。自古大臣子孫早孤而自樹者。史傳中多其人。延實在勉之而已。

【註音】(麻)音解(兗)沿上聲(闔)音因(塍)舌端切(造)七到切

〔釋義〕①城池也。有水曰池。無水曰隍。②在縣東南六里。自城東四里運河分流。西接婁江。宋隆興三年開。③名憲卿。字廉甫。會為江西布政司左參議。④今山東臨清縣。⑤今河南開封縣。⑥今湖北武昌縣。⑦即泰山。在今山東。⑧即嵩山。在今河南。⑨即廬山。在今江西。⑩即南嶽。在今湖南。⑪瀟水。源出九疑山。至零陵會湘水。稱瀟湘。⑫小洲曰渚。⑬城內之重門。⑭見卷五十歸熙甫亡友方思會墓表。⑮邑中道也。⑯〔禮檀弓〕孔子少孤。不知其墓。殯於五父之衢。問於郈曼父之母。然後得合葬於防。⑰〔左襄〕王使詹桓辭於晉曰。我在伯父。猶衣服之有冠冕。木水之有本原。⑱〔詩〕維桑與梓。必恭敬止。以父母之所植而加恭敬也。後人因以為鄉里之稱。⑲〔禮祭義〕秋。霜露既降。君子履之。必有懷愴之心。謂祭祀之典。因感時而成也。

〔諸家集評〕大姚曰。震川希心歐會如此記中。段烟波設色處。最佳。然余能無感乎。句音韻輕促。不逮歐公。

歸熙甫野鶴軒壁記

嘉靖戊戌之春。余與諸友會文於野鶴軒。吾崑之馬鞍山。小而實奇。軒在山之麓。旁有泉。芳冽可飲。稍折而東。多盤石。山之勝處。俗謂之東崖。亦謂劉龍洲墓。以宋劉過葬於此。墓在亂石中。從墓間仰視。蒼碧嶙峋。不見有土。唯石壁旁有小徑。蜿蜒出其上。莫測所往。意其間有仙人居也。始慈谿楊子器名父創此軒。令能好文愛士。不為俗吏者稱名父。今奉以為名父祠。嗟夫。名父豈知四十餘年之後。吾黨之聚於此耶。時會者六人。後至者二人。潘士英自嘉定來。汲泉煮茗。翻為主人。余等時時散去。士英獨與其徒處。烈風暴雨。崖崩石落。山鬼夜號。可念也。

〔註音〕〔例〕音列〔嶙〕音鄰〔峒〕音苟〔巖〕同巖

〔釋義〕①在崑山縣西北。以形似馬鞍。故名。②水清也。③墓在山東麓。過宋廬陵人。字改之。當光寧二宗時。

以詩游謁江湖。卒以窮死。有龍洲集。龍洲詞。時嘉定五年。知縣潘友文買山葬此。④山起伏貌。⑤浙江慈谿人。字名父。弘治元年。知崑山縣。興水利。振起學校。過塾師之門。必下車升座。取童子課程校之。若獎勵子弟然。毀祠百餘區。土木像投諸水火。邑民立祠祀之。⑥今江蘇嘉定縣。在崑山縣之南。

歸熙甫畏壘亭記

自崑山城水行七十里。曰安亭。在吳淞江之旁。蓋圖志有安亭江。今不可見矣。土薄而俗澆。縣人爭棄之。吾妻之家在焉。余獨愛其室中閒靚。王寅之歲。讀書於此。宅西有清池古木。壘石爲山。山有亭。登之。隱隱見吳淞江。環繞而東。風帆時過於荒墟樹杪之間。華亭九峯。青龍鎮古刹。浮屠皆直其前。亭舊無名。余始名之曰畏壘。莊子稱庚桑楚得老聃之道。居畏壘之山。其臣之畫然知者去之。其妾之挈然仁者遠之。擁腫之與居。鞅掌之爲使。三年。畏壘大熟。畏壘之民尸而祝之。社而稷之。而余居於此。竟日閉戶。二三子或有自遠而至者。相與謳吟於荆棘之中。余妻治田四十畝。值歲大旱。用牛挽車。晝夜灌水。頗以得穀。釀酒數石。寒風慘慄。木葉黃落。呼兒酌酒。登亭而嘯。忻忻然。誰爲遠我而去我者乎。誰與吾居而吾使者乎。誰欲尸祝而社稷我者乎。作畏壘亭記。

【註音】(澆)音曉(靚)同靜(杪)音藐(刹)初轄切(繫)苦結切(忻)同欣

【釋義】①鎮名。在江蘇崑山縣東南。與嘉定接壤。②薄也。③在今江蘇松江縣。九峯卽鳳凰。陸寶。佘山。細林。薛山。機山。橫雲。干山。崑山是也。陸寶。今已夷爲平地。④在青浦縣界。⑤佛寺曰刹。⑥周人。老聃之弟子也。⑦醜貌。⑧煩勞也。

【諸家集評】姚氏曰不衫不履神韻絕高

歸熙甫吳山圖記

吳長洲二縣。在郡治所。分境而治。而郡西諸山。皆在吳縣。其最高者。穹窿^二陽山^三鄧尉^四西脊^五銅井^六而靈巖^七吳之故宮在焉。尙有西子之遺跡。若虎邱劍池^八及天平^九尙方^{一〇}支硎^{一一}皆勝地也。而太湖汪洋三萬六千頃。七十二峯沈浸其間。則海內之奇觀矣。余同年友魏君用晦爲吳縣。未及三年。以高第召入爲給事中。君之爲縣有惠愛。百姓攀留之不能得。而君亦不忍於其民。由是好事者。繪吳山圖以爲贈。夫令之於民誠重矣。令誠賢也。其地之山川草木。亦被其澤而有榮也。令誠不賢也。其地之山川草木。亦被其殃而有辱也。君於吳之山川。蓋增重矣。異時吾民將擇勝於巖巒之間。尸祝於浮屠老子之宮也。固宜。而君則亦旣去矣。何復惓惓^三於此山哉。昔蘇子瞻稱韓魏公^{一三}去黃州^{一四}四十餘年。而思之不忘。至爲思黃州詩。予瞻爲黃人刻之於石。然後知賢者於其所至。不獨使其人之不忍忘。而已亦不能自忘於其人也。君今去縣已三年矣。一日與余同在內廷。出示此圖。展玩太息。因命余記之。噫。君之於吾吳。有情如此。如之何而使吾民能忘之也。

【註音】(隆)音隆(劓)音刑

【釋義】●今併爲吳縣。●在吳縣西南。●在吳縣西北。●卽光福山。在吳縣西南。●在鄧尉山西。亦名西磧

山。①與光福相連。晉宋間鑿坑取沙土煎之。皆成銅。②在吳縣西南。又名研石山。吳王館娃宮於此。靈巖寺卽其故地也。山下有石室。相傳吳王囚范蠡之地。③虎邱在吳縣西北。中有劍池。④在吳縣西。支硎山南五十里。羣峯環峙。山頂正平。曰望湖臺。有遠公庵遺址。山半有亭。乃白雲泉所出。山下有范仲淹墓。⑤卽楞伽山。在吳山東北。亦稱上方山。傍有茶磨嶼。以三面臨水。故以嶼名。⑥在吳縣西南。晉僧支遁道林隱此。平石爲硎。山有平石。故支遁以支硎爲號。而山又因支遁得名。山中有放鶴亭。白馬澗。皆遁遺跡也。⑦懇至也。⑧見卷五十六醉白堂記釋義。⑨治今湖北黃岡縣。

歸熙甫長興縣令題名記

長興爲縣。始於晉太康二年。初名長城。唐武德四年五年。爲綏州雒州。七年。復爲長城。梁開平元年。爲長興。元元貞二年。縣爲州。洪武二年。復爲縣。縣常爲吳興屬。隋開皇仁壽之間。一再屬吾蘇州。丁酉之歲。國兵克長興。耿侯以元帥卽今治開府者十餘年。旣滅吳。耿侯始去。而長興復專爲縣。至今若干年矣。遡縣之初。建爲長城。若干年矣。長城爲長興。又若干年矣。舊未有題名之碑。余始考圖志。取洪武以來爲縣者列之。嗚呼。彼其受百里之命。其志亦欲以有所施於民。以不負一時之委任者。蓋有矣。而文字缺軼。遂不見於後世。幸而存者。又其書之之略。可慨也。抑其傳於後世者。旣如彼。而是非毀譽之在於當時。又豈盡出於三代直道之民哉。夫士發憤以修先聖之道。而無聞於世。則已矣。余之書此。以爲後之承於前者。其任宜爾。亦非以爲前人之欲求著其名氏於今也。

〔註音〕（翅）同翅音數

〔釋義〕①長興在今浙江省。②晉武帝年號。③唐高祖年號。④梁太祖年號。⑤元成宗年號。⑥明太祖年號。⑦並隋文帝年號。⑧耿再成。字德甫。五河人。太祖從征有功。歷樞密院判官。守處州。⑨古稱一縣為百里。受百里之命者。即縣宰也。

歸熙甫遂初堂記

宋尤文簡公嘗愛孫興公遂初賦。而以遂初名其堂。崇陵書扁賜之。在今無錫九龍山之下。公十四世孫質。字叔野。求其遺址。而莫知所在。自以其意規度於山之陽。為新堂。仍以遂初為扁。以書來求余記之。按興公嘗隱會稽。放浪山水。有高尚之志。故為此賦。其後涉歷世塗。違其夙好。為桓溫所譏。文簡公歷仕三朝。受知人主。至老而不得去。而以遂初為況。若有不相當者。昔伊尹傳說呂望之徒。起於胥靡耕釣。以輔相商周之主。終其身無復隱處之思。古之志得道行者。固如此也。惟召公告老。而周公留之曰。汝明勛。偶王在。宜乘茲大命。惟文王德。丕承無疆之恤。當時君臣之際。可知矣。後之君子。非復昔人之遭會。而義不容於不仕。及其已至貴顯。或未必盡其用。而勢不能以遽去。然其中之所謂介然者。終不肯隨世俗而移易。雖三公之位。萬鍾之祿。固其心不能一日安也。則其高世遐舉之志。宜其時見於言語文字之間。而有不能自己者。當宋皇祐治平之時。歐陽公位登兩府。際遇不為不隆矣。今讀其思穎之詩。歸田之錄。而知公之不安。

其位也。況南渡之後。雖孝宗^{一七}之英毅。光宗^{一八}之總攬。遠不能望盛宋之治。而崇陵末年。疾病恍惚。宮闈戚畹。干預朝政。時事有不可勝道者矣。雖然。二公之言。已行於朝廷。當世之人主。不可謂不知之。而終不能默默以自安。蓋君子之志如此。公歿至今四百年。而叔野能修復其舊。遺構宛然。無錫。南方士大夫入都孔道。過之者。登其堂。猶或能想見公之儀刑。而讀余之言。其亦不能無慨於中也已。

〔註音〕(勛)音蓄(實)黨早切(刑)同型

〔釋義〕^一時亨之子。無錫人。名表。字延之。紹興進士。官至禮部尚書。著有遂初小稿六十卷。^二名綽。晉太原中都人。博學善屬文。少有高尚之志。居於會稽。常游放山水。歷官廷尉卿。領著作。有遂初賦。^三光宗陵。^四一名惠山。又曰慧山。在無錫縣西北。山有九峯。下有九澗。有慧山寺。第二泉在焉。山下居民。多以製泥人爲業。歲出達十萬金。^五溫。字元子。晉譙國龍亢人。官大司馬。時溫欲經緯中國。以河南粗平。將移都洛陽。朝廷畏溫。不敢爲異。而孫綽上疏。極言不可。溫見綽表。不悅。曰。致意與公。何不尋君遂初賦。知人家國事耶。^六即高宗。孝宗。光宗。^七胥靡。刑徒。傳說殷之胥靡。伊尹耕於莘野。呂望釣於渭濱。^八文王庶子。名奭。^九文王子名旦。^十勛。勉也。^{十一}偶。配也。^{十二}實信也。^{十三}三公。即太師。太傅。太保。^{十四}六斛四斗爲鍾。萬鍾言祿之多也。^{十五}仁宗年號。^{十六}英宗年號。^{十七}名脊。太祖七世孫。^{十八}名惇。孝宗子。

劉才甫浮山記

浮山。自東南路入。曰華嚴寺。寺在平曠中。竹樹殆以萬計。而石壁環寺之背。削立千足入天。其色紺碧相錯雜如霞。春夏以往。嵐光照遊者衣袂。隄^{四*}寺東行。循九曲澗。登山之半。曰金谷巖。大石中空。上下五十尺。東西百有

二十尺。裝巖爲殿。架石爲樓。鑿壁爲石佛。而棲丈六金像於其中。其石宇覆蔭佛閣。而宇之峻削直上者猶二丈餘。望之如丹障。四時簷溜滴瀝。其左爲僧廚。廚亦在巖石之中。巖之北壁有洞。窺之甚黑。以火燭之。深邃殆不可窮。丹障之西。障垂欲盡。石坼*六而水出。小橋跨之。過橋而巨石塞其口。沿澗曲折。循石罅*五以入。至其中。則廓然甚廣而圓。如覆大甕。如蝸螺旋折而上。上有複閣。其頂開圓竅見天。飛流從中直下數十尺。如噴珠*七然。巖底四周皆石岸。可容百人。可步可環坐而觀焉。以石擊其壁。響處處殊。燃火礮於其中。則如崖崩石裂。聲聞十里外。其中承溜爲石池。溢而至於巖口。則伏而不見。此所謂滴珠之巖也。若時值冬寒雨雪。或凝爲冰柱。屹*八立巖石之下。尤爲瑰麗奇絕。然不常有。蓋數十年乃一得之云。自滴珠西轉。是爲聞虛之峯。綠蘿巖在焉。峭壁倚天。古藤盤結。石楠*七女貞*八相與蔽側被之。無寸土而堅。而壁石中坼一罅。水從罅中出。注而爲垂虹之井。出金谷而左。陟其肩。有大石穹起當道。兩棖*九中虛。如植玉環而埋其半於地。自遠望之。天光見其下。如弦月焉。其旁怪石森列。如獅如象如鸚鵡甚衆。不可名狀。而首楞巖在獅石口吻內。其中鑿石爲几榻。可弈可飲。可以望江南九華諸峯。如在宇下。自首楞緣仄徑西行。有泉滴瀝不斷者。上方巖也。往時泉漫流。懸注金谷之額。自巖僧鑿石連棍*一〇引其水入厨。而金谷之簷溜微

矣。自上方復西行。有圩坡二三。廣可數畝。亦形如漏卮一三。其口則滴珠之飛流所
自來也。自華巖之寺西行。徑山麓田野中。至松坪一四。入之甚深而隱。背金谷
而當山之豁者。會勝巖也。巖縱三十尺。橫五十尺。卽巖內爲殿。而架閣於
其右。一日坐閣上。值大雷雨。雲霧窈冥一五。閣前老松數十株。隱見雲際。森然
如羣龍欲上騰之狀。自巖左拾級而上。爲堂三間。曰九帶之堂。石三面抱
之。門外植四松。松下則會勝之簷溜也。會勝之右。有巖曰松濤。有洞曰三
曲。洞中乳石成柱。委宛覆折。而古木蒼藤。蔽虧掩映。冬夏常蔚然一六。有泉冷
然出其下。南流入峽中。而朝暘洞在峽西石壁之半。梯之以登。至亭午日
景始去。自會勝左出。石壁西向。巖洞鱗次。曰棲真。曰棲隱。曰翠華。曰枕流。
而五雲巖在翠華之上。望之如層樓。至壁之將盡。則嵌石覆出如廊。廊西
乳石下垂。如象蹄。對峙爲柱者二。如闕三門焉。金谷巖洞類宮廷。會勝廊
成列肆。自三門南出。有石龍蜿蜒南行數百丈。人亭其上。左右皆俯臨大
壑。羣木覆之。溪水自陰翳中流去。鏘然有聲。自三門左轉。一徑甚狹。垂泉
爲簾者。雷公洞也。中有石池。以閩人雷鯉讀書於此。故名。自會勝迤西而
北。入石門。則山之頂也。其上平曠。天池出焉。有大小三天池。菰蒲被之。鰕
魚羣戲於其中。又有大石坦夷。上可立千人。石理成芙蓉一七。經雨則紅豔如
繪。石盡則棊畦一八。麥隴彌望。如在原野。畦隴盡則又出石骨坡陀一九。其側可以

俯瞰連雲之峽。而危險不可下。連雲峽在會勝石龍之西。峽三方皆石壁如城。而闕其西南一面。有巖在峽口之右。石罅如蜂房。架石爲寺。鑿石爲磴。而登之。冬時得南日最暖。自寺左行。有崖巍然高覆。其承雨溜者。歲久正黑。雨所不到。石色猶赭赭黑相間。斑駁不可狀。崖腹有巖曰野同。自野同又左。崖簷有泉懸注。側足循危徑以行。人在懸泉之內。至峽之將盡。有巖石理凹凸纖密。如浮漚。如浪波之沄沄。而崖簷之泉。鏗訇擊越。如聞風濤之聲。名之曰海島。出連雲之峽。又西北行。有巖曰壁立之巖。卽巖內爲殿。而於其前架樓以居。其上有重巖曰石樓。其下有井不涸。其前有石臺。臺之下有洞曰鼎爐。其右有泉自峽而出。曰桃花之澗。跨澗爲橋。澗以全石爲底。雨後泉穿橋而墮。遊其下者。自鼎爐以趨桃花之洞。則必越澗之委。仰見飛流如噴雪。其聲轟然。人語不能相聞也。踰橋而西。有巖石壁陡立不可入。乃穴石爲門。架石爲樓而居之。名之曰嘯月。循其西壁而轉。有小洞。洞內石穴如蜂房。其數蓋百有八。名之曰總巖。壁立之右。有巖曰半月。折而北。有巖高敞曰西封。舊有大石。可羅百席。石工採其石以去。旣久而窪積水深二丈焉。旁巖二三。不知其名。皆可游。又其西。則雲錦廊也。自壁立之左南出。石壁峭削不可攀。好事者鑿石爲磴。磴纔受足。凡百餘級。五折而上。名之曰繞雲之梯。自壁立來者。上梯以矚天池。自會勝來者。下梯

以趨壁立。繞雲之南。有巖曰披雲。登其梯之半。其旁有洞曰戛玉。浮山在桐城縣治之東九十里。登山而望之。蓋東西南北皆水匯。而山石嵒嶮空虛。幾欲乘風而去。故名之曰浮山。是山也。自檣山迤邐而來。北起而爲黃鵠峯。峯之西。石壁削立千尺。上豐而下斂。其勢欲傾。有洞在其上。曰金雞。大如車輪。四分石壁。而金雞高得其三。嶄絕不可登。當其蹙然下斂。有二巖。曰畢陶。臨水而幽。曰晚翠。日西夕。則巖受之。蓋與朝暘之洞平分。一曰云。黃鵠之南。有巖曰摘星。地峻而險。其徑不容足。巖之前有絕澗橫焉。游者皆苦其難至。自摘星而下。其右有甕巖。其口隘而其腹甚廣。其左有兩石屹立。高數丈。中距二尺許。若人斧以斯之者。名之夾桅之石。石之右。斷虹峽也。峽中有洞。曰涵蒼。曰橫雲。自黃鵠東南復曰起而爲妙高峯。妙高者。浮山之最高處也。峯之半。有巖曰凌霄。登之則飛鳥皆在其下。自妙高之凌霄折而下。至西北直上。又得醉翁之巖。下臨平原。其巖石覆壓欲墜。有僧構而居之。牕櫺皆如支柱。然中有泉。甘冽異於他水。其旁有關巖。他巖三面石。而此獨四面。一戶一牖。皆石以爲之。自妙高東南再起而爲餘萊峯。餘萊之南。則華巖之背。所謂石壁削立千尺者也。壁有洞二。曰定心。曰寶藏。自定心寶藏而東。有洞二。曰長虹。曰劍谷。登妙高餘萊之巔。其間多大石皆奇。有一石直立餘萊峯上。當額一孔如秦碑。而其下方石整立。

如連屏摺疊。煇然可數。自黃鵠北迤。是為翠微峯。翠微峯之西南壑中。其水流而為胡麻溪。由石龍之左。循溪以入。其石壁之洞有三。曰深遙。曰石駐。曰蛾眉。折而南。有小峽。峽有巖曰談玄。出峽而北。有石梁二。相並而跨於溪上。溪以全石為底。而仰承二梁為一石。名之曰仙人之橋。雨則登橋而下。見溪水之奔流。霽則橋下可通往來。可羅几榻而居之。自翠微之東。別起而為抱龍峯。抱龍與餘萊並峙。金谷之前。金谷則黃鵠之東面也。登抱龍之巔。有大石。上平如砥。曰露臺。四望無所蔽。而風自遠來甚勁。立其上。則人輒欲仆。臺之後。有洞穹然跨峯之脊。左右豁達。自東入。則西見山之林壑。自西入。則東見野之原隰。臺前有老松。松幹^{三二*}虬曲。蓋千歲物云。自翠微西衍。是為翠蓋峯。自翠蓋轉而西南。則會勝連雲壁立。嘯月諸巖也。自嘯月而更西北。浮山之西面也。從其西以望之。山如石几。正方面。而丹邱一掌。二巖並立方几之下。山之北。戴土無巖洞。而山中有青鳥。其聲百轉。獨時時往來於白雲金谷之間。他山未之見也。又有鳥狀類博勞。日將入則鳴。其聲如木魚。

【註音】(紺)古暗切(嵐)盧含切(袂)音寐(坻)音策(鱗)音嚇(噴)音魂切(屹)疑匿切(楠)音南(榎)

音橙(楞)勒恆切(棍)音蘭(圩)音于(坪)音平(場)音陽(景)與影同(嵌)苦鑑切(鰈)音遐(蛙)音攜(歐)

渴濫切(澄)音甃(楮)音者(沅)音云(鏗)丘耕切(甸)呼宏切(轟)呼宏切(窪)音蛙(瞞)音諫(嶠)徒結切

(蟪)音孽(蕝)土減切(梳)音危(攬)音靈(柱)音主(煇)通朗(隰)音習(虬)音求

〔釋義〕①山在安徽桐城縣東。一名浮度山。又名符度山。②深青揚赤色。卽紅青色。俗稱天青色。③山氣也。④袖也。⑤屏風之屬。⑥裂也。⑦常綠灌木。山地自生。高至七八尺。葉橢圓甚厚。面滑澤。背褐色多毛。初夏開花。色淡紅。似杜鵑。⑧常綠小灌木。幹高者六七尺。葉卵形。質厚。夏開小白花。實長橢圓形。色紫黑。如鼠矢。近時花園中多植此樹。以爲短籬。⑨門兩旁木。⑩在青陽縣西南。⑪通水器也。⑫坡之中央下陷者。⑬滲漏之酒器。⑭平也。⑮幽暗貌。⑯草木感貌。⑰水聲。⑱日在午時。⑲陷入其中曰嵌。⑳卽荷也。㉑不平貌。㉒俯視。㉓赤色。㉔卽水泡也。㉕水轉流貌。㉖大聲。㉗峻也。㉘低下也。㉙視也。㉚山勢突兀貌。㉛斯折也。㉜廣平曰原。下濕曰隰。㉝卽伯勞。一名鷦。體大於雀。背灰褐色。胸腹部茶色。尾及翼黑褐色。雄者翼有白點。嘴短而強。上嘴鈎曲。端尖。側緣有齒。狀缺刻。性猛。捕食昆蟲小鳥。

〔諸家集評〕原注此篇全學禹貢章法。浮山勝境凡五處。一曰華嚴寺。二曰金谷巖。三曰會勝巖。四曰連雲峽。五曰壁立巖。文直敘此五處在前。如禹貢前並列九州也。後敘諸峰脈絡次第。一曰黃鶴峰。二曰妙高峰。三曰餘萊峰。四曰翠微峰。五曰抱龍峰。如禹貢之有導山導水也。其巖洞之在五勝境前後左右者。卽附在本境之後。其不在五勝境之內而見於諸峰之上下者。附在諸峰之後。有與前相關復爲點次。如九州既有壺口碣石而導山導水復見之。非複亂也。浮山所在及以名敘在中間亦奇。

吳辟疆曰此文何足比禹貢評固過當而評中多敘作文意旨必海峯之所自贊也

劉才甫竇祠記

桐城縣治之西北有竇祠。邑之人所建以祀蜀人竇成者也。明之亡。流賊將破桐城。成有救城功。故邑人戴其德。而建祠以祀之也。當是時。賊攻城甚急。城堅不可卒下。賊時去時來。巡撫安慶等處部將廖應登。率蜀兵三千人爲防禦。時賊不在。應登將兵住廬州。經舒城。方解鞍憩息。而賊騎突至。遂劫應登去。賊顧謂應登曰。今欲誘降桐城。汝卒中誰可遣者。應登曰。宜莫如竇成。賊問成。若能往否。成許之。無難色。賊遂以二卒持兵夾成。擁

至城下。使登高阜。呼城守而告之。成諦視。見所與相識者。乃大呼曰。我廖將軍麾下竇成也。賊脅我誘若令降。若必無降。若謹守若城。且急使人請援。賊今穿洞。洞皆石骨不可穿。計窮且去矣。夾成之二卒。猝出不意。相顧驚愕。遂以刀劈其頭。腦出而死。自是守兵始無降賊意。益晝夜謹護城。而密使人之安慶請援。援至而城賴以全。當明之季世。流賊橫行。江之北鮮完邑焉。而桐以蕞爾。獨堅守得全。雖天命。豈非人力哉。成本武夫悍卒。然能知大義。不爲賊屈。捐一身之死。以卒全一邑數萬之生靈。有功德於民。則廟而食之宜矣。彼其受專城之寄。百里之命。君父之恩。至深且渥也。賊未至。而開門迎揖者。獨何心歟。夫以一卒之微。而使一邑之縉紳大夫。莫不稽首跪拜其前。豈非以義邪。又況士君子之殺身以成仁者哉。吾觀有明之治。常貴士而賤民。誦讀草茅之中。一日列名薦書。已安富而尊榮矣。繫官於朝。則其尊至於不可指。而百姓獨辛苦流亡。無所控訴。然卒亡明之天下者。百姓也。後之爲人君者。可以鑒矣。

【註音】(蕞)音最

【釋義】●聚衆虜掠。轉徙靡常。此攻彼竄。謂之流賊。①治今安徽懷寧縣。②治今安徽合肥縣。③今安徽舒城縣。④猶言部下。⑤以威力相迫也。⑥小貌。⑦水厚積也。

劉才甫遊凌雲圖記

知者樂水。仁者樂山。非山水之能娛人。而知者仁者之心。常有以寓乎此。

也。天子神聖。天下無事。百僚庶司。咸稱厥職。乃以莅政之餘暇。脩然自適。於山岨水涯。所以播國家之休風。鳴太平之盛事。施廣譽於無窮者也。南方故山水之奧區。而巴蜀蛾眉。尤爲怪偉奇絕。昔蘇子瞻浮雲軒冕。而願得出守漢嘉。以爲凌雲之游。古之傑魁之士。其縱恣徜徉。而不可羈縻。以事者。類如此與。吾友盧君抱孫。以進士令蜀之洪雅。地小而僻。政簡而明。民安其俗。從容就理。於是攜童幼。挈壺觴。逶迤而來。攀緣以登。坐於崇岡積石之間。超然遠矚。邈然澄思。飄飄乎遺世之懷。浩浩乎如在三古以上。於時極樂。既歸里閭。居延請工畫事者。畫盧公載酒遊凌雲也。古今人不相及矣。昔之人所嘗有事者。今人未必能追步之也。乃子瞻之有志焉而未畢者。至盧君而遂能見之行事。則夫盧君之施澤於民。其亦有類於古人之爲之邪。於是爲之記。

〔註音〕(樂)魚教切(莅)同蒞(脩)音叔(岨)七余切

〔釋義〕①樂。喜好也。②臨也。③疾貌。④山石戴土曰岨。⑤猶言腹地。⑥峨眉山名。在今四川峨眉縣西南。四川古巴蜀地。⑦謂視軒冕如浮雲。⑧今四川名山縣。漢漢嘉郡治。故城在雅安縣北。⑨逸蕩也。⑩名見會。康熙進士。官兩淮鹽運使。有出塞集。⑪今四川洪雅縣。⑫同委蛇。從容自得之貌。

卷五十九 箴銘類

揚子雲州箴十二首

洋洋冀州。鴻原大陸。岳陽是都。島夷皮服。潺湲河流。夾以碣石。三后攸降。列為侯伯。降周之末。趙魏是宅。冀土糜沸。炫云如湯。更盛更衰。載從載衡。陪臣擅命。天王是替。趙魏相反。秦拾其敝。北築長城。恢夏之場。漢興定制。改列藩王。仰覽前世。厥歷孔多。初安如山。後崩如崖。故治不忘亂。安不忘危。周宗自怙。云焉有予。隳六國奮矯。渠絕其維。牧臣司冀。敢告在階。

右冀州牧箴

【註音】(潺)士山切(湲)音員(碣)音傑(怙)音戶

【釋義】①平曠貌。②古九州之一。今河北山西等省。③大平原也。④即霍山。在山西霍縣東南。⑤海島之夷也。⑥水流貌。⑦山名。其所在古今傳說不一。⑧堯舜禹。⑨趙都晉陽。魏都安邑。皆東冀州地。⑩猶糜爛也。⑪火光。⑫水轉流也。⑬諸侯之臣。指趙韓魏之分晉。田氏之篡齊。⑭春秋稱王曰天王。⑮秦伺其疲敝而乘之。⑯敗也。⑰擊也。⑱指執政也。

悠悠濟河。兗州之寓。九河既導。雷夏攸處。草繇木條。漆絲絺紵。濟漯既通。降邱宅土。成湯五徙。卒都於亳。盤庚北渡。牧野是宅。丁感雖雉。祖已伊忠。爰正厥事。遂緒高宗。厥後陵遲。顛覆湯緒。西伯戡黎。祖伊奔走。致天威命。不恐不震。婦言是用。牝雞是晨。三仁既知。武果戎殷。牧野之禽。豈復能耽。甲子之朝。豈復能笑。有國雖久。必畏天咎。有民雖長。必懼人殃。箕子歆歔。

厥居爲墟。牧臣司克。敢告執書。

右兗州牧箴

【註音】(馬)同字(締)抽遲切(潔)音沓(雖)音購

【釋義】①遙遠貌。②又名濟水。源出河南濟源縣之王屋山。東南流爲豬龍河。入黃河。③山東舊東昌府及兗州濟南青州之西北境。又河北舊大名府及正定河間之東南境。皆古兗州之地。④澤名。⑤茂也。⑥長也。⑦葛也。⑧麻屬。⑨水名。源出山東茌平縣西南。⑩謂供水退後。民由丘而居於平地也。偃師縣西亳城。⑪祖丁之子。⑫今河南淇縣南。⑬高宗。武丁廟號。⑭衰替也。⑮勝也。⑯今山西長治縣西南有黎城。黎侯國也。⑰謂微子、箕子、比干也。⑱〔書武成〕甲子昧爽。受率其旅若林。會於牧野。罔有敵于我師。前徒倒戈。攻于後。以血流漂杵。一戎衣。天下大定。⑲武王封箕子於朝鮮而不臣也。其後箕子朝周。過故殷墟。感宮室禾黍。傷之。乃作麥秀之詩。以歌詠之。殷民聞之。皆爲流涕。見〔史記〕。⑳太史也。

茫茫青州海岱是極。鹽鐵之地。鉛松怪石。羣水攸歸。萊夷作牧。貢篚以時。莫怠莫違。昔在文武。封呂於齊。厥土塗泥。在邱之營。五侯九伯。是討是征。馬殆其銜。御失其度。周室荒亂。小白以霸。諸侯僉服。復尊京師。小白既沒。周卒陵遲。嗟茲天王。附命下土。失其法度。喪其文武。牧臣司青。敢告執矩。右青州牧箴

【釋義】①青州。古九州之一。今山東之膠東道。及濟南道東境是。②勃海。③泰山。④皆青州貢物。⑤謂萊山之夷。⑥作牧謂可畜物也。⑦竹器。⑧呂尙。⑨潤濕之土。⑩齊桓公名。⑪執法之官也。

海岱伊淮東海是渚。徐州之士。邑于海宇。大野既緒。有羽有蒙。孤桐蠙珠。泗沂攸同。實列蕃蔽。侯衛東方。民好農蠶。大野以康。帝癸及辛。不祗不恪。沈湎於酒。而忘其東。作天命湯武。剿絕其緒。祚降周任。姜鎮於琅邪。姜氏

絕苗田氏攸都。事由細微。不慮不圖。禍如邱山。本在萌芽。牧臣司徐。敢告僕夫。

右徐州牧箴

〔註音〕〔蟻〕音賓〔沂〕逆旂切〔泗〕音免〔劉〕音巢

〔釋義〕①見前。②發語辭。③淮水源出河南桐柏山。東流經安徽。潞為洪澤湖。本由江蘇漣水縣入海。金元以來。黃河入淮。清咸豐初。黃河北行。淮水下流亦淤。遂由淮陰縣合於運河。④澤名。在今山東鉅野縣北。元末為河水所決。遂涸。⑤水滯滯也。⑥蒙羽。二山名。蒙在山東蒙陰縣西南。羽在山東鄒城縣東北。⑦特產之桐。生於嶧山之陽。⑧蚌之別名。⑨水名。在山東。源出泗水縣之陪尾山。本由濟寧至徐州入淮。金時為黃河所經。稱南清河。自黃河徙流。泗水下流之道失。⑩源出山東蒙陰縣北。東南流經沂水縣。至江蘇邳縣。入運河。⑪夏桀名。⑫商紂名。⑬謂不敬也。⑭沉溺也。⑮意即耕種。⑯山名。在今山東諸城縣東南。⑰嗣也。⑱陳敬仲奔齊。改姓田氏。至田和據有齊國。

矯矯揚州江漢之游。彭蠡既瀦。陽鳥攸處。橘柚羽貝。瑤琨篠簜。閩越北垠。

沅湘攸往。獷矣淮夷。蠢蠢荆蠻。翩彼昭王。南征不旋。人咸躓於埳。莫躓於

山。咸跌於汚。莫跌於川。明哲不云我昭。童蒙不云我昏。湯武聖而師伊呂。

桀紂悖而誅逢干。蓋邇不可不察。遠不可不親。靡有孝而逆父。罔有義而

忘君。太伯遜位。基吳紹類。夫差一誤。太伯無祚。周室不匡。句踐入霸。當周

之隆。越裳重譯。春秋之末。侯甸叛逆。元首不可不思。股肱不可不孳。堯崇

屢省舜盛。欽謀牧臣。司揚敢告。執籌

右揚州牧箴

【註音】(餅)音虎(琨)音昆(篠)音小(蕩)音蕩(曠)音曠(垤)音迭(逢)音龐
 【釋義】①雄壯貌。②古九州之一。地即今江蘇江都縣。③水之涯曰岸。④即鄱陽湖。⑤候鳥也。指鴻雁之類。
 ⑥美玉也。⑦細竹。⑧大竹。⑨七閩百越。古種族名。在今浙江、福建、江西、廣東。⑩野蠻也。⑪淮南北之夷。⑫楚也。
 昭王名瑕。康王子。昭王南征。濟於漢。楚人以膠船進王。至中流。膠解。王沒水死。⑬顛也。⑭小土阜。⑮小水。⑯伊尹。
 呂尚。⑰龍逢。比干。⑱太伯。周太王之長子。弟季歷賢。太王欲立季歷。以及昌。於是太伯與弟仲雍奔荆蠻。以避季
 歷。荆蠻義之。從而歸之。乃號句吳。⑳善也。㉑指夫差不用子胥之言。為越所滅也。㉒在交趾南。成王六年。越蒙氏
 重三譯來朝。獻白雉也。㉓候服甸服。近王畿之地。㉔大臣曰股肱。㉕勤勉也。㉖自己省察。㉗謀諸人。㉘策國政者。

幽幽巫山。在荆之陽。江漢朝宗。其流湯湯。夏君遭降。荆衡是調。雲夢塗泥。
 包匭菁茅。金玉砥礪。象齒元龜。貢篚百物。世世以饒。戰戰慄慄。至桀荒溢。
 曰我在帝位。若天有日。不順庶國。孰敢余奪。亦有成湯。果秉其鉞。放之南
 巢。號之以桀。南巢茫茫。包楚與荆。風慄以悍。氣銳以剛。有道後服。無道先
 彊。世雖安平。無敢逸豫。牧臣司荆。敢告執御。

右荆州牧箴

【註音】(湯)音商(匭)音軌(鉞)音月(慄)音厲
 【釋義】①即巫峽。在四川巫山縣東。有十二峯。②長江。③燠水。④流貌。⑤供水也。⑥衡山。⑦澤名。在今湖北
 安陸縣南。⑧匣也。言用匣包菁茅以致貢也。⑨磨石。砥細於礪。⑩在今安徽巢縣。成湯放桀于南巢。⑪賊人多殺
 謂之桀。⑫急也。⑬御者在君之近旁。

郁郁荆河。伊維是經。榮播臬漆。惟用攸成。田田相拏。廬廬相距。夏殷不都。
 成周攸處。豫野所居。爰在鶉墟。四隩咸宅。寓內莫如。陪臣執命。不慮不圖。
 王室陵遲。喪其爪牙。靡哲靡聖。損失其正。方伯不維。韓卒擅命。文武孔純。

至厲一四作昏。成康孔寧。至幽一五作傾。故有天下者。毋曰我大。莫或余敗。毋曰我疆。靡克余亡。夏宅九州。至于季世。放于南巢。成康太平。降及周微。帶蔽屏營。屏營不起一六。施于孫子。至赧一七為極。實絕周祀。牧臣司豫。敢告一八柱史。

右豫州牧箴

〔註音〕(維)同洛(象)思矣切(隩)音郁(施)音異

〔釋義〕①文盛貌。②荆山。③黃河。④二水名。伊水。出河南南盧氏縣閼頓嶺。東北流入於洛。維水。出陝西維南縣西北冢嶺山。東流入河南。又東北流入河。⑤水名。在河南滎澤縣。漢平帝後。塞為平地。⑥種植也。⑦杜麻。大而無實。⑧連也。⑨周地。自柳二度。至張十二度。謂之鶉火之次。⑩土可居人曰隩。⑪正道。⑫一方諸侯之長。⑬指晉大夫韓虔。與魏斯趙籍分晉。⑭厲王。⑮幽王。⑯延也。⑰赧王。即位五十九年。為秦所滅。而周亡。⑱老子曾為柱下史。故御史稱柱史。

巖巖岷山二。古曰梁州。華陽西極。黑水南流。茫茫洪波。鯀堙降陸五于時。入都厥民不隩。禹導江沱。岷嶓七啟乾。遠近底貢。磬錯一〇怒丹。絲麻條暢。有粳有稻。自京徂畛一二。民攸溫飽。帝有桀紂。泗沈頗僻。遏絕苗民。滅夏殷績。爰周受命。復古之常。幽厲夷業。破絕為荒。秦作無道。三方潰叛。義兵征暴。遂國於漢一四。拓開疆宇。恢梁之野。列為十二。光羨虞夏。牧臣司梁。是職是圖。經營盛衰。敢告士夫。

右益州牧箴一五

〔註音〕(鯀)音交(沱)音陀(嶓)音波(磬)音弩(畛)音軫

〔釋義〕①高峻貌。②在今四川松潘縣北。③華山之陽也。④源出後藏大湖地方。入雲南邊境。名怒江。⑤鯀禹之父。堯命鯀治洪水。鯀大興徒役。作九仞之城。以堙水。弗成。舜殛之於羽山。⑥即八州也。⑦岷江。⑧岷江之支

流也。在四川境。①蟠冢山。在陝西寧羌縣北。②治玉石之具曰錯。③石可為矢鏃者。④謂自王京往梁境。⑤頗僻。不合理也。⑥秦漢中郡。⑦州名漢置。今四川省地。

黑水西河。橫截崙崑。邪指閭闔。畫為雍垠。上侵積石。下礙龍門。自彼氏羌。莫敢不來庭。莫敢不來匡。每在季主。常失厥緒。侯紀不貢。荒侵其寓。陵遲衰微。秦據以戾。興兵山東。六國顛沛。上帝不寧。命漢作京。隴山以徂。列為西荒。南排勁越。北啟疆胡。并連屬國。一護攸都。蓋安不忘危。盛不諱衰。牧臣司雍。敢告綴衣。

右雍州牧箴

〔釋義〕①龍門之河。在冀州西界。②天門也。③雍州邊界。④山名。大積石山。在青海南境。禹導河自此。小積石山。在甘肅導河縣西北。黃河所經也。⑤山名。禹鑿以通河。⑥氏羌。西戎名。⑦助也。⑧王畿外五百里曰侯服。⑨荒服。在侯服外二千里。⑩戰國時。稱六國為山東。⑪延互陝甘隴縣靜寧鎮原清水之境。⑫官名。掌服器者。⑬九州之一。今陝西甘肅二省及青海額濟納之地皆是。

蕩蕩平川。惟冀之別。北阨幽都。戎夏交偪。伊昔唐虞。實為平陸。周末薦臻。迫於獯鬻。晉失其陪。周使不徂。六國擅權。燕趙本都。東限穢貊。羨及東胡。疆秦北排。蒙公城疆。大漢初定。介狄之荒。元戎屢征。如風之騰。義兵涉漠。偃我邊萌。既定且康。復古虞唐。盛不可不圖。衰不可或忘。隄潰蟻穴。器漏箴芒。牧臣司幽。敢告侍旁。

右幽州牧箴

〔註音〕(獯)音熏(貊)音陌

〔釋義〕①浩大也。②舜分冀州東北為幽州。③宅之朔方。④禍患交至也。⑤夏時稱北狄曰獯鬻。⑥晉為陪臣所分。⑦燕都無終。趙都邯鄲。皆屬幽州地。⑧古東夷。⑨烏丸之祖。其別為鮮卑。在匈奴東。故名。⑩指北伐匈奴也。⑪蒙恬。始皇使之將兵三十萬北擊匈奴並築長城也。⑫因也。⑬兵車也。⑭沙漠。⑮安也。⑯民也。⑰王之左右。⑱古十二州之一。舜分冀州東北為幽州。今直隸奉天二省。

雍別朔方。河水悠悠。北辟獯鬻。南界涇流。畫茲朔土。正直幽方。自昔何為。莫敢不來貢。莫敢不來王。周穆遐征。犬戎不享。爰貊伊德。侵玩上國。宣王命將。攘之涇北。宗周罔職。日用爽蹉。既不俎豆。又不干戈。犬戎作難。斃於驪阿。太上曜德。其次曜兵。德兵俱顛。靡不悴荒。牧臣司并。敢告執綱。

右并州牧箴

〔註音〕(辟)同脾

〔釋義〕①漢之并州。兼有雍州北部之地。故云。②水名。源出甘肅化平縣西南大關山。渭水之支流。③不享。謂不來貢祭物也。④德政應和曰貊。⑤宣王元年。王命尹吉甫北伐。逐之太原而歸。獫狁。⑥幽王十一年。王欲殺太子宜臼。求之於申。申侯弗與。召西夷犬戎攻王。遂弑王於驪山下。⑦驪山。在今陝西臨潼縣東南。⑧山之偏高處。⑨古十二州之一。虞舜分冀東恒山之地為并州。即河北之舊正定保定。山西之舊太原大同等府。

交州荒裔。水與天際。越裳是南。荒國之外。爰自開闢。不羈不絆。周公攝祚。白雉是獻。昭王陵遲。周室是亂。越裳絕貢。荆楚逆叛。四國內侵。蠶食周宗。臻於季赧。遂入滅亡。大漢受命。中國兼該。南海之宇。聖武是恢。稍稍受羈。

遂臻黃支。杭海三萬。來牽其犀。盛不可不憂。隆不可不懼。顧瞻陵遲。而忘其規摹。亡國多逸豫。而存國多難。泉竭中虛。池竭瀕乾。牧臣司交。敢告執憲。

右交州^五牧箴

【釋義】①武王崩。成王幼。周公攝政。②逐漸并吞。如蠶食葉也。③見上。④古國名。在南海中。漢平帝時來獻犀牛。⑤漢置。今廣東廣西及安南境。

揚子雲酒箴

子猶鉶矣。觀鉶之居。居井之湄。處高臨深。動常近危。酒醪不入口。藏水滿懷。不得左右。牽於纏微。一旦重礙。為裳所輻。身提黃泉。骨肉為泥。自用如此。不如鴟夷。鴟夷滑稽。腹大如壺。盡日盛酒。人復借酤。常為國器。託於屬車。出入兩宮。經營公家。繇是言之。酒何過乎。

【註音】（鉶）同瓶（醪）音勞（纏）音墨（重）音專（裳）音黨（輻）音雷（滑）音骨
【釋義】①汲水器也。②水邊也。③繩索也。④懸也。⑤砌成井所用之磚。⑥擊也。⑦擲也。⑧革囊。漢時盛酒之革囊。⑨流酒器也。轉注吐酒。終日不已。⑩買酒曰酤。⑪謂大駕法駕侍從之車。皆謂之屬車。亦曰副車。
【諸家集評】吳至父曰曹子建蘇子瞻皆奇此文柳子厚屢效之而不能逮也

崔子玉座右銘

無道人之短。無說己之長。施人慎勿念。受施慎勿忘。世譽不足慕。唯仁為紀綱。隱心而後動。謗議庸何傷。無使名過實。守愚聖所臧。在涅貴不淄。皁

暖內含光。柔弱生之徒。老氏誠剛彊。行行鄙夫志。悠悠故難量。慎言節飲食。知足勝不祥。行之苟有恆。久久自芬芳。

【註音】(涅)乃結切(暖)音愛(行)音杭

【釋義】①紀綱。典章法度也。【書】亂其紀綱。②【孟子】惻隱之心。仁之端也。③善也。④染阜物也。⑤黑也。⑥

昏昧貌。⑦剛強貌。

張孟陽劍閣銘

巖巖梁山。積石峨峨。遠屬荆衡。近綴岷嶓。南通邛嶻。北達褒斜。狹過彭碣。高踰嵩華。惟蜀之門。作固作鎮。是曰劍閣。壁立千仞。窮地之險。極路之峻。世濁則逆。道清斯順。閉由往漢。開自有晉。秦得百二。并吞諸侯。齊得十二。田生獻籌。矧茲狹隘。土之外區。一人荷戟。萬夫趨赴。形勝之地。匪親勿居。昔在武侯。中流而喜。山河之固。見屈吳起。興實在德。險亦難恃。洞庭子孟門。一國不祀。自古迄今。天命不易。憑阻作昏。鮮不敗績。公孫既滅。劉氏銜壁。覆車之軌。無或重跡。勒銘山阿。敢告梁益。

【註音】(麓)音伏(趨)音咨(迫)

【釋義】①即劍閣山。在四川劍閣縣北。亦曰大劍山。其東北有小劍山。連山絕險。飛閣通衢。謂之劍閣。②高

貌。③見前。④見前。⑤山名。亦曰邛崃。今名大關山。在四川榮經縣西。⑥谷名。在陝西。長四百七十里。⑦彭門山也。

在四川彭縣西北。⑧碣石山也。⑨二山名。⑩即田肯。獻策漢高祖。謂秦得地利之百二。居高臨下。可以下兵於諸

侯。而齊則地方二千里。持戟百萬。得十二也。非親子弟。莫使王齊。⑪况也。⑫負也。⑬欲進不前。⑭魏武侯浮西河

而下。中流顧而謂吳起曰。美哉乎。河山之固。此魏國之寶也。吳起對曰。在德不在險。若君不修德。舟中之人。盡為

敵國也。見〔史記〕。○公孫述爲導江卒正。自立爲天子。漢使吳漢伐之。述死。○劉氏蜀漢後主劉禪也。魏使鄧艾伐蜀。後主與禪詣壘門降。○復踐其跡。○古梁益二州。

〔諸家集評〕吳至父曰此文感時而發氣骨甚雄俊

韓退之五箴

人患不知其過。既知之不能改。是無勇也。余生三十有八年。髮之短者日益白。齒之搖者日益脫。聰明不及於前時。道德日負於初心。其不至於君子。而卒爲小人也昭昭矣。作五箴以訟其惡云。

游箴

余少之時。將求多能。蚤夜以孜孜。余今之時。既飽而嬉。蚤夜以無爲。嗚呼。余乎。其無知乎。君子之棄。而小人之歸乎。

言箴

不知言之人。烏可與言。知言之人。默焉而其意已傳。幕中之辯。人反以汝爲叛。臺中之評。人反以汝爲傾。汝不懲邪。而嗷嗷以害其生邪。

行箴

行與義乖。言與法違。後雖無害。汝可以悔。行也無邪。言也無頗。死而不死。汝悔而何。宜悔而休。汝惡曷瘳。宜休而悔。汝善安在。悔不可追。悔不可爲。思而斯得。汝則弗思。

好惡箴

無善而好。不觀其道。無悖而惡。不詳其故。前之所好。今見其尤。從也為比。
捨也為讐。前之所惡。今見其臧。從也為愧。捨也為狂。維讐維比。維狂維愧。
於身不祥。於德不義。不義不詳。維惡之大。幾如是為。而不顛沛。齒之尙少。
庸有不思。今其老矣。不慎胡為。

知名箴

內不足者。急於人知。需焉有餘。亟聞四馳。今日告汝。知名之法。勿病無聞。
病其曄曄。昔者子路。惟恐有聞。赫然千載。德譽愈尊。矜汝文章。負汝言語。
乘人不能。揜以自取。汝非其父。汝非其師。不請而教。誰云不欺。欺以賈憎。
揜以媒怨。汝會不悟。以及於難。小人在辱。亦克知悔。及其既寧。終莫能戒。
既出汝心。又銘汝前。汝如不顧。禍亦宜然。

【註音】(我)音咨(瘳)音抽(需)音師(曄)音叶(賈)音古

【釋義】①同朝。②勤勉不息也。③將帥所在之處曰幕府。④御史曰臺臣。⑤邪也。不正也。⑥戒也。⑦嘖切也。
⑧偏也。⑨病愈也。⑩黨也。⑪善也。⑫年齡。⑬多用。⑭威貌。⑮惹恨也。⑯讐怨也。

李習之行己箴

人之愛我。我度於義。義則為朋。否則為利。人之惡我。我思其由。過寧不改。
否又何仇。仇實生怨。利實害德。我如不思。乃陷於惑。內省不足。愧形於顏。
中心無佗。曷畏多言。唯咎在躬。若市於戮。慢謹自它。匪汝之辱。昔者君子。

惟禮是持。自小及大。曷莫從斯。苟遠於此。其何不爲。事之在人。味者亦知遷焉及已。則莫之思。造次不戒。禍焉可期。書之在側。以爲我師。

【註音】(佗)同他(它)同他(造)音繼

【釋義】①廣場羣衆集合之地。②辱也。③造次急遽之時也。〔論語〕造次必於是。

【諸家集評】吳至父曰有意學韓而不得韓之峻

張子西銘

乾稱父。坤稱母。予茲藐焉。乃混然中處。故天地之塞吾其體。天地之帥吾其性。民吾同胞。物吾與也。大君者。吾父母宗子。其大臣。宗子之家相也。尊高年。所以長其長。慈孤弱。所以幼其幼。聖其合德。賢其秀也。凡天下疲癯殘疾。惇獨鰥寡。皆吾兄弟之顛連而無告者也。于時保之。子之翼也。樂且_{一六}不憂。純乎孝者也。違德曰悖。害仁曰賊。濟惡者不才。其踐形_{一八}惟肖者也。知化則善述其事。窮神則善繼其志。不愧屋漏爲無忝。存心養性爲匪懈。惡旨酒。崇_{三三}伯子之顧養。育英才。穎_{二四}封人之錫類。不弛勞而底豫舜其功也。無所逃而待烹。申_{二七}生其恭也。體其受而歸全者。參_{二八}乎勇於從而順令者。伯奇_{二九}也。富貴福澤。將厚吾之生也。貧賤憂戚。庸玉女於成也。存吾順事。殁吾寧也。_{三〇}

【註音】(帥)音率(惇)音瓊(女)同佗

【釋義】①天也。②地也。③小也。④體。氣也。謂浩然之氣。塞乎天地之間。⑤謂充吾之性。足爲天地之表率。⑥

類也。命開國承家。①嫡長子也。②家臣之長。③謂聖人與天地合其德。而賢人則人中之秀也。④衰頹老病也。⑤無兄弟曰悖。⑥老而無子曰獨。⑦無妻曰鰥。⑧無夫曰寡。⑨困苦也。⑩助也。⑪〔易繫辭〕樂天知命故不憂。言順天以行。則爲天地之孝子。⑫〔孟子〕形色。天性也。惟聖人然後可以踐形。⑬知化。能知變化之理。⑭窮神。謂能窮神明之德。⑮辱也。〔詩〕無忝爾所生。⑯禹父鯀。爲崇伯。⑰謂顧父母之養也。⑱教育英才也。⑲鄭莊公克段于鄆。寘姜氏于城潁而誓之。曰。不及黃泉。無相見也。潁考叔爲潁谷封人。聞之。有獻于公。公賜之食。食舍肉。問之。曰。請以遺母。公悔。掘地及泉。隧而見姜氏。遂爲母子如初。君子曰。潁考叔。純孝也。愛其母。施及莊公。詩曰。孝子不匱。永錫爾類。其是之謂乎。見〔左隱〕。⑳由不樂而至於樂也。〔孟子〕舜盡事親之道。而瞽瞍底豫。㉑〔禮檀弓〕晉獻公將殺其世子申生。公子重耳謂之曰。子盍言子之志於公乎。世子曰。不可。君安驪姬。是我傷公之心也。曰。然則盍行乎。曰。不可。君謂我欲弑君也。天下豈有無父之國哉。吾何行如之。再拜稽首乃卒。是以爲恭世子也。㉒〔說苑〕會子芸瓜。誤斬其根。會皙怒。援大杖擊之。會子仆地。有頃蘇。蹶然而起。進曰。曩者多得罪於大人。太人用力教參。得無疾乎。退屏鼓琴而歌。欲令會皙聽其歌聲。知其平也。㉓〔琴操〕尹吉甫之子伯奇無罪。爲後母讒而見逐。乃集芰荷以爲衣。採棹花以爲食。晨朝履霜。自傷見放。於是援琴鼓之。作履霜操。吉甫感悔。爲逐後母。復爲父子。㉔謂使汝玉成其事也。㉕謂生時則順理以作事。死後則心安也。

蘇子瞻徐州蓮華漏銘

故龍圖閣直學士禮部侍郎燕公肅。以創物之智。聞於天下。作蓮華漏。世服其精。凡公所臨。必爲之。今州郡往往而在。雖有巧者。莫能損益。而徐州獨用瞽人衛朴所造。廢法而任意。有壺而無箭。自以無目而廢天下之視。使守者伺其滿。則決之而更注。人莫不笑之。國子博士傅君禔。公之外會孫。得其法爲詳。其通守是邦也。實始改作。而請銘於軾。銘曰。人之所信者。手足耳目也。目識多寡。手知重輕。然人未有以手量而目計者。必付之度量與權衡。豈不自信而信物。蓋以爲無意無我。然後得萬物。

之情。故天地之寒暑。日月之晦明。崑崙旁薄於二十八萬七千里之外。而不能逃於三尺之箭。五斗之鉶。雖疾雷霾風雨雪晝晦。而遲速有度。不加虧贏。使凡爲吏者。如鉶之受水。不過其量。如水之浮箭。不失其平。如箭之升降也。視時之上下。降不爲辱。升不爲榮。則民將靡然而心服。而寄我以死生矣。

〔註音〕（揚）音揚（羅）音埋

〔釋義〕①字穆之。青州益都人。家曹州。舉進士。累官禮部侍郎致仕。性精巧。嘗造指南記里二鼓及欵器以獻。又上蓮花漏法。分刻不差。人服其精。立石載其法。②漏。古計時之器。蓮華漏者。取銅葉製器。狀如蓮花也。按僧惠遠作此漏。③官名。隋置。每郡一人。位次太守。④大風也。

蘇子瞻九成臺銘

韶陽太守狄咸。新作九成臺。玉局散吏蘇軾爲之銘曰。

自秦并天下。滅禮樂。韶之不作。蓋千三百二十有三年。其器存。其人亡。則韶既已隱矣。而況於人器兩亡而不傳。雖然。韶則亡矣。而有不亡者存。蓋常與日月寒暑。晦明風雨。並行乎天地之間。世無南郭子綦。則耳未嘗聞地籟也。而況得聞天籟。使耳聞天籟。則凡有形有聲者。皆吾羽旄干戚。箠磬匏絃。嘗試與子登夫韶石之上。舜峯之下。望蒼梧之渺莽。九嶷之聯綿。覽觀江山之吐吞。草木之俯仰。鳥獸之鳴號。衆竅之呼吸。往來唱和。非有度數而均節自成者。非韶之大全乎。上方立極。以安天下。人和而氣應。氣

應而樂作。則夫所謂簫韶九成^{二三}來鳳皇而舞百獸者。既已燦然畢陳於前矣。

【註音】（筦）同管（巖）音直（均）同韻

【釋義】①臺在廣東曲江縣北。已圯。②宋之韶州。治今曲江縣。③徽宗初。子瞻還。提舉玉局觀。復朝奉郎。④

舜樂。⑤〔莊子齊物論〕南郭子綦隱几而坐。顏成子遊侍。子綦曰。偃。女聞人籟而未聞地籟。女聞地籟而未聞天籟。夫大塊噫氣。其名爲風。是唯無作。作則萬竅怒呿。洽風則小和。飄風則大和。厲風濟。則衆竅爲虛。夫吹萬不同。而使其自已也。咸其自取。怒者其誰耶。⑥舞用具。⑦均樂器。⑧山名。在曲江縣北。上有二石對峙。高百仞。廣圓五里。相傳虞舜南遊。登此石奏韶樂。⑨舜登此而名。⑩漢郡名。⑪山名。在湖南寧遠縣南。⑫〔書益稷〕簫韶九成。鳳皇來儀。夔曰。予擊石拊石。百獸率舞。庶尹允諧。

卷六十一 頌贊類

揚子雲趙充國頌

明靈惟宣。我有先零。先零猖狂。侵漢西疆。漢命虎臣。惟後將軍。整我六師。是討是震。既臨其域。喻以威德。有守矜功。謂之弗克。請奮其旅。於罕之羌。天子命我。從之鮮陽。營平守節。屢奏封章。料敵制勝。威謀靡亢。遂克西戎。還師於京。鬼方賓服。罔有不庭。昔周之宣。有方有虎。詩人歌功。乃列於雅。在漢中興。充國作武。趙趙桓桓。亦紹厥後。

【註音】(零)音連(趙)音糾

【釋義】一漢成帝時。西羌常有警。帝思將帥之臣。追美充國。乃召雄頌之。二宣帝。三羌族。據有今甘肅導河縣以西至青海之地。四充國為後將軍。五謂天子之六軍也。六時酒泉太守辛武賢言充國屯田。不如擊之。七羌名。八鮮水之陽。宣帝使充國討罕罕於此。按鮮水。即青海。九充國封營平侯。屢言屯田之便。不從武賢之策。十不卑屈也。十一遠方。十二名靖。十三方叔。十四召虎。十五方虎事載於詩。詩小雅。方叔蓋止。其車二千。大雅。紅漢之辭。王命召虎。十六毅勇貌。十七威武貌。

袁彥伯二國名臣序贊

夫百姓不能自治。故立君以治之。明君不能獨治。則為臣以佐之。然則三五迭隆。歷世承基。揖讓之與干戈。文德之與武功。莫不宗匠陶鈞。而羣才緝熙。元首經略。而股肱肆力。雖遭離不同。跡有優劣。至於體分冥固。道契不墜。風美所扇。訓革千載。其揆一也。故二八升而唐朝盛。伊呂用而湯武

寧。三賢進而小白興。五臣顯而重耳霸。中古陵遲。斯道替矣。居上者不以至公理物。爲下者必以私路期榮。御圓者不以信誠率衆。執方者必以權謀自顯。於是君臣離而名教薄。世多亂而時不治。故蘧寧以之卷舒。柳下以之三黜。接輿以之行歌。魯連以之赴海。衰世之中。保持明節。君臣相體。若合符契。則燕昭樂毅。古之流也。夫未遇伯樂。則千載無一驥。時值龍顏。則當年控三傑。漢之得才。於斯爲貴。高祖雖不以道勝御物。羣下得盡其忠。蕭曹雖不以三代事主。百姓不失其業。靜亂庇人。抑亦其次。夫時方顛沛。則顯不如隱。萬物思治。則默不如語。是以古之君子。不患弘道難。遭時難。遭時不難。遇君難。故有道無時。孟子所以咨嗟。有時無君。賈生所以垂泣。夫萬歲一期。有生之通塗。千載一遇。賢智之嘉會。遇之不能無欣。喪之何能無慨。古人之言。信有情哉。余以暇日。嘗覽國志。考其君臣。比其行事。雖道謝先代。亦異世一時也。文若懷獨見之明。而有救世之心。論時則民方塗炭。計能則莫出魏武。故委面霸朝。豫議世事。舉才不以標鑒。故久之而後顯。籌畫不以要功。故事至而後定。雖亡身明順。識亦高矣。董卓之亂。神器遷偪。公達慨然。志在致命。由斯而談。故以大存名節。至如身爲漢隸。而跡入魏幕。源流趣舍。其亦文若之謂。所以存亡殊致。始終不同。將以文若既明名教有寄乎。夫仁義不可不明。則時宗舉其致。生理不可不全。故

達識攝其契。相與弘道。豈不遠哉。崔生^{三五}高明。折而不撓。所以策名魏武。執笏霸朝者。蓋以漢主當陽。魏后北面者哉。若乃一日進璽。君臣易位。則崔子所不與^{三六}。魏武所不容。夫江湖所以濟舟。亦所以覆舟。仁義所以全身。亦所以亡身。然而先賢玉摧於前。來哲攘袂於後。豈非天懷發中。而名教束物者乎。孔明盤桓。俟時而動。遐想管樂。遠明風流。治國以禮。民無怨聲。刑罰不濫。沒有餘泣^{三九}。雖古之遺愛。何以加茲。及其臨終。顧託受遺作相。劉后授之。無疑心。武侯處之。無懼色。繼體^{四二}納之。無貳情。百姓信之。無異辭。君臣之際。良可詠矣。公瑾卓爾。逸志不羣。總角^{四四}料主。則素契於伯符。晚節曜奇。則參分於赤壁。惜其齡促。志未可量。子布佐策。致延譽之美。輟突止哀。有翼戴之功。神情所涉。豈徒謔諤而已哉。然而杜門不用。登壇受譏。夫一人之身。所照未異。而用舍之間。俄有不同。沉沉跡溝壑。遇與不遇者乎。夫詩頌之作。有自來矣。或以吟詠情性。或以述德顯功。雖大旨同歸。所託或乖。若夫出處有道。名體不滯。風軌德音。爲世作範。不可廢也。故復撰序。所懷以爲之贊云。

火德^{五三}既微。運纏大過。洪飗^{*}扇海。二溟揚波。虬虎雖驚。風雲未和。潛魚擇淵。高鳥候柯。赫赫三雄。並迴乾軸。競收杞梓^{五五}。爭采松竹。鳳不及棲。龍不暇伏。谷無幽蘭。嶺無亭菊。英英文若。靈鑒洞照。應變知微。探頤^{五六}賞要。日月在躬。

隱之彌曜。文明映心。鑽之愈妙。滄海橫流。玉石俱碎。達人兼善廢已存愛。五七。
 謀解時紛。功濟宇內。始救生人。終明風槩。公達潛朗。思同著蔡。運用無方。五八。
 動攝羣會。爰初發跡。邁此顛沛。神情玄定。處之彌泰。悒悒幕裏。算無不經。五九。
 豐豐通韻。跡不斲停。雖懷尺璧。顧哂連城。知能拯物。愚足全生。郎中溫雅。六一。
 器識純素。貞而不亮。通而能固。恂恂德心。汪汪軌度。志成弱冠。道敷歲暮。六二。
 仁者必勇。德亦有言。雖遇履虎。神氣恬然。行不修飾。名節無愆。操不激切。六三。
 素風愈鮮。邈哉崔生。體正心直。天骨疏朗。牆宇高嶷。忠存軌跡。義形風色。六四。
 思樹芳蘭。翦除荆棘。人惡其上。時不容哲。琅琅先生。雅仗名節。雖遇塵霧。六五。
 猶振霜雪。運極道消。碎此明月。景山恢誕。韻與道合。形器不存。方寸海納。六六。
 和而不同。通而不雜。遇醉忘辭。在醒貽答。長文通雅。義格終始。思戴元首。六七。
 擬伊同恥。民未知德。懼若在己。嘉謀肆庭。讜言盈耳。玉生雖麗。光不踰把。六八。
 德積雖微。道映天下。淵哉泰初。字量高雅。器範自然。標準無假。身全由直。六九。
 跡洿必僞。處死非難。理存則易。萬物波蕩。孰任其累。六合徒廣。容身靡寄。七〇。
 君親自然。匪由名教。敬愛既同。情理兼到。烈烈王生。知死不撓。求仁不遠。七一。
 期在忠孝。玄伯剛簡。大存名體。志在高構。增堂及陞。端委虎門。正言彌啟。七二。
 臨危致命。盡其心禮。堂堂孔明。基宇宏邈。器同生民。獨稟先覺。標榜風流。七三。
 遠明管樂。初九龍盤。雅志彌確。百六道喪。干戈迭用。苟非命世。孰掃雰雰。七四。

宗子思寧。薄言解控。釋褐中林。鬱爲時棟。士元弘長。雅性內融。崇善愛物。觀始知終。喪亂備矣。勝塗未隆。先生標之。振起清風。綢繆哲后。无妄惟時。夙夜匪懈。義在緝熙。三略既陳。霸業已基。公琰殖根。不忘中正。豈曰模擬。實在雅性。亦既羈勒。負荷時命。推賢恭己。久而可敬。公衡冲達。秉心淵塞。媚茲一人。臨難不惑。疇昔不造。假翻鄰國。進能徽音。退不失德。六合紛紜。民心將變。鳥擇高梧。臣須顧眄。公瑾英達。朗心獨見。披草求君。定交一面。桓桓魏武。外託霸迹。志掩衡霍。恃戰忘敵。卓卓若人。曜奇赤壁。三光參分。宇宙暫隔。子布擅名。遭世方擾。撫翼桑梓。息肩江表。王略威夷。吳魏同寶。遂獻宏謨。匡此霸道。桓王之薨。大業未純。把臂託孤。惟賢與親。輟哭止哀。臨難忘身。成此南面。實由老臣。才爲世出。世亦須才。得而能任。貴在無猜。昂昂子敬。拔跡草萊。荷檐吐奇。乃構雲臺。子瑜都長。體性純懿。諫而不犯。正而不毅。將命公庭。退忘私位。豈無鵲鶴。固慎名器。伯言蹇蹇。以道佐世。出能勤功。入能獻替。謀寧社稷。解紛挫銳。正以招疑。忠而獲戾。元歎穆遠。神和形檢。如彼白圭。質無塵玷。立行以恆。匡上以漸。清不增絜。濁不加染。仲翔高亮。性不和物。好是不羣。折而不屈。屢摧逆鱗。直道受黜。歎過孫陽。放同賈屈。誥誥衆賢。千載一遇。整轡高衢。驥首天路。仰挹玄流。俯弘時務。名節殊塗。雅志同趣。日月麗天。瞻之不墜。仁義在躬。用之不匱。尙想遐風。

載挹載味。後生擊節。懦夫增氣。

〔註音〕(韻)音標(情)於禽切(賈)音尾(覽)同暫(巖)音逆(汚)音汗(零)音芬(零)音蒙(瑛)音剡
(翻)音核(鶴)音脊零(契)同潔(詵)音莘(驥)音襄

〔釋義〕一三皇。二五帝。三陶家名轉者為鈞。蓋取周圍調鈞耳。言聖王制御天下。亦猶陶者轉鈞。四光明也。五君也。六臣也。七猶遭遇也。八君臣體分。固於冥兆。九上下之契。不墜。十戒也。十一舜於堯時舉八元八愷。十二三賢者管仲。鮑叔牙。隰朋。十三小白。齊桓公名。十四五臣者狐偃。趙衰。顛頡。魏武子。司空季子是也。十五重耳。晉文公名。十六衰微也。十七指人主。十八謂人臣。十九伯玉〔論語〕子曰。君子哉。蘧伯玉。邦有道。則仕。邦無道。則可卷而懷之。二十寧武子。子曰。寧武子。邦有道則智。邦無道則愚。二十一柳下惠為士師。三黜。二十二接輿。姓陸。名通。楚隱士。二十三〔史記〕魯連子下聊城。田單欲爵之。魯連逃於海上。二十四〔史記〕樂毅為魏昭王使於燕。燕昭王待以客禮。樂毅遂委質為臣。二十五指張良。蕭何。韓信。高祖用之。二十六賈誼也。二十七〔莊子〕萬世之後。而遇大聖。二十八姓荀。名或。潁川潁陰人。〔魏志〕董卓之亂。或除亢父令。遂棄官歸。謂父老曰。潁川四戰之地。天下有變。常為兵衝。宜亟去之。無久留。鄉人多懷土猶豫。會冀州牧韓馥遣騎迎之。莫有隨者。或獨將宗族至冀州。後李傕等至潁川。鄉人留者多見殺。二十九言民之困苦如在泥塗炭火之中也。三十姓曹。名操。三十一帝位也。三十二即荀攸。或從子。三十三〔魏志〕董卓之亂。關東兵起。卓徙都長安。攸與何顛等謀卓。事垂就而覺。攸攸顯繫獄。顯憂懼自殺。攸言論飲食自若。會卓死。得免。三十四明乎仁義之道。三十五崔瑗。字季珪。清河東武城人。三十六〔魏志〕瑗遷中尉。太祖為魏王。揚訓發表稱贊功伐。褒述盛德。瑗從訓取表草視之。與訓書曰。省表事佳耳。時乎時乎。會當有變。有白瑗此書傲世怨謗者。太祖怒。罰瑗為徒隸。使人視之。辭色不撓。遂賜瑗死。三十七〔魏志〕太祖性忌。有所不堪者。魯國孔融。南陽許攸。婁圭。皆以恃舊不虔見誅。三十八孔明自比管仲。樂毅。三十九〔蜀志〕廖立誹謗先帝。廢為庶人。聞亮卒。垂泣曰。吾終為左衽矣。四十〔左昭〕子產卒。仲尼聞之。出涕曰。古之遺愛也。四十一劉備臨死託孤武侯。〔蜀志〕章武二年春。先主於永安宮病篤。召亮於成都。付以後事。曰。君才十倍曹丕。必能安國。終定大事。若嗣子可輔。輔之。如其不才。君可自取。又為詔勅後主曰。汝與丞相從事。事之如父。四十二指後主。四十三姓周。名瑜。廬江舒人。四十四幼年結髮如角。周公瑾與孫策有總角之好。骨肉之分。四十五伯符孫策字。四十六山名。在今湖北嘉魚縣東北江濱。孫權遣周瑜與劉備大破曹操於赤壁。四十七瑜短命。卒年僅三十六。四十八姓張。名昭。彭城人。四十九延君譽於四方也。五十〔吳志〕策薨。以事授權。權哭未息。昭曰。孝廉。此寧哭時耶。乃扶權上馬。使出巡軍士。五十一〔吳志〕權遣張彌至遼東。拜公孫淵為燕王。昭諫不聽。稱疾不朝。權恨之。士塞其門。昭又於內以土封之。五十二權既即尊位。請會百官。

歸功周瑜。昭舉笏欲褒贊功德。未及言。權曰。如張公計。今已乞食矣。昭大慚。見〔吳志〕。○指漢德。○喻際遇時會也。○良木。喻賢人也。○鈞深致遠也。○〔孟子〕窮則獨善其身。達則兼善天下。○著草。用以筮。蔡大龜。用以卜。此喻先知。○惛惛。默默也。指荀攸從太祖征伐。常謀畫帷幄。○不倦也。○〔魏志〕太祖每稱曰。公達外愚內智。智可及。愚不可及。○官名。魏國初建。袁渙為郎中令。○誠信貌。○深廣之意。○子曰。有德者必有言。○謂履虎尾。喻危險也。〔魏志〕渙為呂布所拘留。布欲使渙作書。詈辱劉備。渙不可。布怒。以兵脅渙曰。為之則生。不為死。渙顏色不變。布乃止。○喻君子。○喻小人。○〔左成〕伯宗之妻曰。盜憎主人。民惡其上。子好直言。必及於難。○姓徐。名邈。燕國薊人。○〔魏志〕魏國初建。時科禁酒。而邈私飲。至於沉醉。校事趙達問以曹事。曰。中聖人。達白太祖。甚怒。鮮于輔進曰。平日醉客。謂酒清者為聖人。濁者為賢人。邈性循慎。偶醉言耳。竟坐免刑。後文帝踐祚。歷潁川典農中郎將。車駕幸許昌。問邈曰。頗復中聖人否。對曰。昔子反斃於穀陽。御叔罰於飲酒。臣嗜同二子。不能自懲。時復中之。然宿瘤以醜見傳。臣以醉見識。帝大笑。顧左右曰。名不虛立。後為光祿大夫。薨。○姓陳。名羣。潁川許昌人。○〔商書〕昔先正保衡作我先王。乃曰。予弗克俾厥后惟堯舜。其心愧恥。若撻于市。○姓夏侯。名玄。沛國譙人。○〔魏志〕曹爽見誅。徵夏侯玄為大鴻臚。數年。徙太常。中書令李豐謀欲以玄輔政。誅大將軍。以玄代之。大將軍微聞。事下廷尉。玄臨斬東市。顏色不變。舉動自若。○名經。字承宗。一字彥緯。清河人。〔魏志〕清河王經。甘露中為尚書。坐高貴鄉公事誅。○姓陳。名泰。潁川許昌人。○〔漢書〕賈誼上疏曰。人主之尊。譬如堂。羣臣如陛。○端委。禮衣。○〔魏志注引〕干寶晉紀。高貴鄉公之弒。司馬文王會朝臣謀其故。太常陳泰垂涕而入。王待之曲室。謂曰。玄伯卿何以處我。對曰。誅賈充以謝天下。文王曰。為我更思其次。泰曰。泰言惟有進於此。不知其次。文王乃不更言。○〔易〕初九。潛龍勿用。子曰。龍德而隱者也。確乎其不可拔。潛龍也。○厄。運也。○有名於世之人也。○沈陰之氣。○指劉備。因備系漢景帝子中山靖王後。故曰宗子。○當世之棟樑也。○姓龐。名統。襄陽人。○災也。統率眾攻雒縣。中流矢而卒。○〔蜀志〕劉璋還成都。統說曰。陰選精兵。徑襲成都。一舉便定。此上計也。楊懷高沛。璋之名將。誘而執之。乃向成都。此中計也。退還白帝。連引荊州。徐還圖之。此下計也。先主然其中計。即斬懷沛。還向成都。所過輒克。○姓蔣。名琬。零陵湘鄉人。諸葛亮稱為社稷器。亮駐漢中。琬留守。常足食以給軍。亮卒。遠近危悚。而琬舉止如平日。民賴以安。○姓黃。名權。巴西閬中人。〔蜀志〕先主將東伐吳。權請為先驅。以嘗寇。先主不從。以權為鎮北將軍。督江北軍。以防魏師。先主自在江南。及南軍敗績。先主引退。而道隔絕。權不得還。率將領降魏。○衡山在湖南衡山縣。○霍山在安徽霍山縣。○日。月。星。○孫策也。諡長沙桓王。○策臨危以弟權託昭。○姓魯。名肅。臨淮東城人。家富於財。好施與。得鄉邑歡心。周瑜為居巢長。求資糧。肅有米兩困。困三千斛。指一困與之。瑜遂薦於孫權。事

權為橫江將軍。為人方嚴。雖在軍陣。手不釋卷。①姓諸葛。名瑾。琅琊陽都人。②謂貌都閑。性長厚也。③〔吳志〕建安二十年。權遣瑾使蜀。通好劉備。與弟亮但公會相見。無私面。④鳥名。喻兄弟。⑤姓陸。名遜。吳郡吳人。仕孫權幕府。出為海昌屯田都尉。權以兄策女妻之。召拜偏將軍右都督。黃武初。劉備率眾向西。權命遜為大都督。以火攻破之。⑥忠貞貌。⑦謂獻能而進賢也。⑧遜為丞相。權欲廢太子。遜上疏力爭。不納。且遣使責讓。遂憤恚而卒。⑨姓顧。名雍。吳郡吳人。官會稽郡丞。行太守事。吏民歸服。後為丞相十九年。⑩姓虞。名翻。餘姚人。⑪性不協於俗也。⑫〔吳志〕翻數犯顏諫諍。權不悅。權與張昭論及神仙。翻指昭曰。彼皆死人。而語神仙。俗豈有仙人也。權怒。徙翻交州。⑬伯樂姓名也。⑭賈誼。屈原也。⑮眾也。

韓退之子產不毀鄉校頌

我思古人。伊鄭之僑。以禮相國。人未安其教。遊於鄉之校。①眾口讙讙。②或謂子產。毀鄉校則止。曰何患焉。可以成美。夫豈多言。亦各其志。善也。吾行。不善吾避。維善維否。我於此視。川不可防。言不可弭。③下塞上聾。邦其傾矣。既鄉校不毀。而鄭國以理。在周之興。養老乞言。及其已衰。謗者使監。成敗之迹。昭哉可觀。維是子產。執政之式。惟其不遇。化止一國。誠率是道。相天下君。交暢旁達。施及無垠。於乎四海。所以不理。有君無臣。誰其嗣之。④我思古人。

〔註音〕〔讙〕音款

〔釋義〕①子產。姓公孫。名僑。春秋鄭賢相。②鄉校。鄉學也。③息也。止也。④古有養老之禮。謂擇年老而賢者及時享以酒食而敬禮之也。其禮各代不同。〔禮王制〕五十養於鄉。六十養於國。七十養於學。按鄉謂鄉學。國謂國中小學。學謂大學。⑤厲王無道。國人謗王。王怒。得衛巫。使監謗者。告則殺之。⑥謂誰能繼子產之後也。〔諸家集評〕吳至父曰縱橫跌宕使人忘其為有韻之文

柳子厚伊尹五就桀贊

伊尹五就桀。或疑曰。湯之仁聞且見矣。桀之不仁聞且見矣。夫胡去就之亟也。柳子曰。惡^{*一}。是吾所以見伊尹之大者也。彼伊尹。聖人也。聖人出於天下。不夏商其心。心乎生民而已。曰孰能由吾言。由吾言者爲堯舜。而吾生人堯舜人矣。退而思曰。湯誠仁。其功遲。桀誠不仁。朝吾從而暮及於天下。可也。於是就桀。桀果不可得。反而從湯。既而又思曰。尙可什一乎。使斯人早被其澤也。又往就桀。桀不可。而又從湯。以至於百一千一萬一。卒不可。乃相湯伐桀。俾湯爲堯舜。而人爲堯舜之人。是吾所以見伊尹之大者也。仁至於湯矣。四去之。不仁至於桀矣。五就之。大人之欲速其功如此。不然。湯桀之辨。一恆人盡之矣。又奚以憧憧聖人之足觀乎。吾觀聖人之急生人。莫若伊尹。伊尹之大。莫若於五就桀。作伊尹五就桀贊。

聖有伊尹。思德於民。往歸湯之仁。曰仁則仁矣。非久不親。退思其速之道。宜夏是因。就焉不可。復反亳殷。猶不忍其遲。亟往以觀。庶狂作聖。一日勝殘。至千萬冀一。卒無其端。五往不疲。其心乃安。遂升自陲^{四*}。黜桀尊湯。遺民以完。大人無形。與道爲偶。道之爲大。爲人父母。大矣伊尹。惟聖之首。既得其仁。猶病其久。恆人所疑。我之所大。嗚呼遠哉。志以爲誨。

【註音】(惡)音烏(陲)音而

頌贊類

韓退之子產不毀鄉校頌

柳子厚伊尹五就桀贊

一〇八一

【釋義】①感嘆辭。②常人也。③地名。湯都於此。在今河南偃師縣。④地名。【書序】伊尹相湯伐桀。升自陬。按按陬在河曲之南。

【諸家集評】吳至父曰此子厚解嘲之作非強顏作高語其所自負故如此也自宋君子出談道理益精而子厚之見器匠文退之之上書宰相皆深蒙世譏而雄奇傲岸自詭不顧世之氣亦益衰少矣

蘇子瞻韓幹畫馬贊

韓幹之馬四。其一在陸。驤首奮鬣^{三*}若有所望。頓足而長鳴。其一欲涉。尻高首下。擇所由濟。踟躕^{*五}而未成。其二在水。前者反顧。若以鼻語。後者不應。欲飲而留行。以為廐馬也。則前無羈絡。後無箠策^{六*}。以為野馬也。則隅目聳耳^七。豐臆細尾。皆中度程。蕭然如賢大夫貴公子。相與解帶脫帽。臨水而濯纓。遂欲高舉遠引。友麋鹿而終天年。則不可得矣。蓋優哉游哉。聊以卒歲而無營。

【註音】(鬣)音獵(尻)考平聲(踟躕)音局積(箠)音捶(臆)音億
【釋義】①韓幹。藍田人。唐玄宗時。供奉太府寺丞。善寫人物。尤工鞍馬。始師曹霸。後獨擅其能。②馬疾行而首昂舉也。③領毛。④脊骨盡處。⑤謂鬣足不伸也。⑥擊馬策也。⑦目視一端。⑧胸也。

蘇子瞻文與可飛白贊

嗚呼哀哉。與可。豈其多好。好奇也歟。抑其不試^三。故藝也。始予見其詩與文。又得見其行草篆隸也。以為止此矣。既沒一年。而復見其飛白。美哉多乎。其盡萬物之態也。霏霏^四乎其若輕雲之蔽月。翻翻^五乎其若長風之卷旆也。

猗猗乎其若遊絲之縈柳絮。裊裊乎其若流水之舞荇帶也。離離乎其遠而相屬。縮縮乎其近而不隘也。其工至於如此。而余乃今知之。則余之知與可者固無幾。而其所不知者。蓋不可勝計也。嗚呼哀哉。

【註音】(霏)音菲(猗)於宜切(裊)泥了切(荇)音杏

【釋義】①與可名同。梓潼人。操行高潔。官至太常博士。著有丹淵集。②飛白。書法之一種。筆畫枯槁而中空者。③用也。④氛氣。⑤飛舞貌。⑥旗之一種。⑦美盛貌。⑧繚繞貌。⑨分披貌。

頤贊類

蘇子瞻韓幹畫馬贊

蘇子瞻文與可飛白贊

一〇八三

卷六十一

辭賦類一

淳于髡諷齊威王

威王八年。楚大發兵加齊。齊王使淳于髡之趙請救兵。齊金百斤。車馬十
駟。淳于髡仰天大笑。冠纓索絕。王曰。先生少之乎。髡曰。何敢。王曰。笑豈有
說乎。髡曰。今者臣從東方來。見道旁有穰田者。操一豚蹄。酒一盃。祝曰。甌
窶滿篝。汗邪滿車。五穀蕃孰。穰穰滿家。臣見其所持者狹。而所欲者奢。故
笑之。於是齊威王乃益齎黃金千鎰。白璧十雙。車馬百駟。髡辭而行。至趙。
趙王與之精兵十萬。革車千乘。楚聞之。夜引兵而去。威王大說。置酒後宮。
召髡賜之酒。問曰。先生能飲幾何而醉。髡對曰。臣飲一斗亦醉。一石亦醉。
威王曰。先生飲一斗而醉。惡能飲一石哉。其說可得聞乎。髡曰。賜酒大王
之前。執法在旁。御史在後。髡恐懼俯伏而飲。不過一斗。徑醉矣。若親有嚴
客。髡^{*二二}^{*二一}^{*二三}鞞^{一四}鞞^{一五}侍酒於前。時賜餘瀝。奉觴上壽。數起。飲不過二斗。徑醉矣。
若朋友交游。久不相見。卒然相覩。歡然道故。私情相語。飲可五六斗。徑醉
矣。若乃州閭之會。男女雜坐。行酒稽留。六博投壺。相引爲曹。握手無罰。目
眙^{三三}不禁。前有墜珥。後有遺簪。髡竊樂此。飲可八斗。而醉二參^{*}。日莫酒闌。合
尊促坐。男女同席。履舄交錯。杯盤狼藉。堂上燭滅。主人留髡而送客。羅襦^{三五}

襟解。微聞薌澤二六當此之時。鬢心最歡。能飲一石。故曰酒極則亂。樂極則悲。萬事盡然。言不可極。極之而衰。以諷諫焉。齊王曰善。乃罷長夜之飲。以鬢為諸侯主客宗室置酒。鬢嘗在側。二七

【註音】(齋)賤西切(薌)如羊切(籥)音鉤(徑)通竟(帛)音卷(鞞)音鈞(臙)同臙(參)同二(薌)通香
【釋義】①持也。②結冠之組。③盡也。④祈年之豐而祭者。⑤高地。⑥籠也。⑦低地。⑧禾豐實也。⑨二十四兩。⑩玉也。⑪一車四馬也。古人駕車皆用四馬。兩服兩驂故謂之駟。⑫斂衣衷也。⑬臂捍也。⑭曲也。⑮長跪也。⑯會面也。⑰二千五百家為州。⑱二十五家為閭。⑲古遊戲之事。⑳古燕飲時娛樂之事。設壺一。使賓主以次投矢其中。勝者酌酒飲不勝者。禮記有投壺篇。言其制甚詳。㉑直視。㉒耳飾。以珠玉為之。㉓首筓。連冠於髮者也。㉔同暮。㉕短衣。㉖香氣也。㉗接待賓客之官。

屈原離騷

帝高陽之苗裔兮。朕皇考曰伯庸。攝提貞於孟陬兮。惟庚寅吾以降。皇覽揆余於初度兮。肇錫余以嘉名。名余曰正則兮。字余曰靈均。紛吾既有此內美兮。又重之以修能。扈江離與辟芷兮。紉秋蘭以為佩。汨余若將不及兮。恐年歲之不吾與。朝搴阰之木蘭兮。夕攬洲之宿莽。日月忽其不淹兮。春與秋其代序。惟草木之零落兮。恐美人之遲暮。不撫壯而棄穢兮。何不改乎此度也。乘騏驎以馳騁兮。來吾導夫先路。昔三后之純粹兮。固衆芳之所在。雜申椒與菌桂兮。豈惟紉夫蕙茝。彼堯舜之耿介兮。既遵道而得路。何桀紂之昌披兮。夫惟捷徑以窘步。惟黨人之儉樂兮。路幽昧以險隘。

豈余身之憚殃兮。恐皇輿之敗績。忽奔走以先後兮。及前王之踵武。武莖不
 察余之中情兮。反信讒而齊怒。余固知謇謇之為患兮。忍而不能舍也。指
 九天以為正兮。夫惟靈修之故也。初既與余成言兮。後悔遁而有佗。余既
 不難夫離別兮。傷靈修之數化。余既滋蘭之九畹兮。又樹蕙之百畝。畦留
 夷與揭車兮。雜杜蘅與芳芷。冀枝葉之峻茂兮。願埃時乎吾將刈。雖萎絕
 其亦何傷兮。哀衆芳之蕪穢。衆皆競進以貪婪兮。憑不厭乎求索。羌內恕
 已以量人兮。各與心而嫉妒。忽馳騫以追逐兮。非余心之所急。老冉冉其
 將至今兮。恐修名之不立。朝飲木蘭之墜露兮。夕餐秋菊之落英。苟余情其
 信姱以練要兮。長顛領亦何傷。擘木根以結茝兮。貫薜荔之落藂。矯菌桂
 以紉蕙兮。索胡繩之纚纚。謇吾法夫前修兮。非時俗之所服。雖不周於今
 之人兮。願依彭咸之遺則。長太息以掩涕兮。哀人生之多艱。余雖好修姱
 以鞿羈兮。謇朝諝而夕替。既替余以蕙纒兮。又申之以攬茝。亦余心之所
 善兮。雖九死其猶未悔。怨靈修之浩蕩兮。終不察夫人心。衆女嫉余之蛾
 眉兮。謠諑謂余以善淫。固時俗之工巧兮。偃規矩而改錯。背繩墨以追曲
 兮。競周容以為度。忤鬱悒余侘傺兮。吾獨窮困乎此時也。寧溘死以流亡
 兮。余不忍為此態也。鸞鳥之不羣兮。自前世而固然。何方圓之能周兮。夫
 孰異道而相安。屈心而抑志兮。忍尤而攘詬。伏清白以死直兮。固前聖之

四五。四六

所厚。悔相道之不察兮。延佇乎吾將反。迴朕車以復路兮。及行迷之未遠。
步余馬於蘭皋兮。馳椒邱且焉止息。進不入以離尤兮。退將復修吾初服。
製芰荷以為衣兮。集芙蓉以為裳。不吾知其亦已兮。苟余情其信芳。高余
冠之岌岌兮。長余佩之陸離。芳與澤其雜糅兮。唯昭質其猶未虧。忽反顧
以游目兮。將往觀乎四荒。佩繽紛其繁飾兮。芳菲菲其彌章。人生各有所
樂兮。余獨好修以為常。雖體解吾猶未變兮。豈予心之可懲。女嬃之嬋媛
兮。申申其詈予。曰鮌婞直以亡身兮。終然夭乎羽之野。汝何博謔而好修
兮。紛獨有此姱節。蕢蕝蒹葭以盈室兮。判獨離而不服。衆不可戶說兮。孰云
察余之中情。世並舉而好朋兮。夫何榮獨而不予聽。依前聖以節中兮。喟
憑心而歷茲。濟沅湘以南征兮。就重華而陳辭。啟九辯與九歌兮。夏康娛
以自縱。不顧難以圖後兮。五子用失乎家巷。羿淫游以佚田兮。又好射夫
封狐。固亂流其鮮終兮。汜又貪夫厥家。澆身被服彊圉兮。縱欲而不忍。日
康娛而自忘兮。厥首用夫顛隕。夏桀之常違兮。乃遂焉而逢殃。后辛之菹
醢兮。殷宗用而不長。湯禹嚴而祗敬兮。周論道而莫差。舉賢而授能兮。循
繩墨而不頗。皇天無私阿兮。覽民德焉錯輔。夫維聖哲以茂行兮。苟得用
此下土。瞻前而顧後兮。相觀民之計極。夫孰非義而可用兮。孰非善而可
服。阼余身而危死兮。覽余初其猶未悔。不量鑿而正枘兮。固前修以菹醢。

會歔歔余鬱悒兮。哀朕時之不當。攬茹蕙以掩涕兮。霑余襟之浪浪。浪跪敷

衽以陳辭兮。耿吾既得此中正。馳玉虬以乘鸞兮。溘埃風余上征。朝發軔

於蒼梧兮。夕余至乎縣圃。欲少留此靈瓊兮。日忽忽其將暮。吾令羲和弭

節兮。望崦嵫而勿迫。路漫漫其修遠兮。吾將上下而求索。飲余馬於咸池

兮。總余轡乎扶桑。折若木以拂日兮。聊須臾以相羊。前望舒使先驅兮。後

飛廉使奔屬。鸞皇為余先戒兮。雷師告余以未具。吾令鳳鳥飛騰兮。又繼

之以日夜。飄風屯其相離兮。帥雲霓而來御。紛總總其離合兮。班陸離其

上下。吾令帝閭開關兮。倚閭闔而望予。時曖曖其將罷兮。結幽蘭而延佇

世溷濁而不分兮。好蔽美而嫉妒。朝吾將濟於白水兮。登閶風而緹馬。忽

反顧以流涕兮。哀高邱之無女。溘吾游此春宮兮。折瓊枝以繼佩。及榮華

之未落兮。相下女之可賂。吾令豐隆乘雲兮。求處妃之所在。解佩纒以結

言兮。吾令蹇修以為理。紛總總其離合兮。忽緯繡其難遷。夕歸次於窮石

兮。朝濯髮乎洧槃。保厥美以驕傲兮。日康娛以淫游。雖信美而無禮兮。來

違棄而改求。覽相觀於四極兮。周流乎天余乃下。望瑤臺之偃蹇兮。見有

娥之佚女。吾令鳩為媒兮。鳩告余以不好。雄鳩之鳴逝兮。余猶惡其佻巧。

心猶豫而狐疑兮。欲自適而不可。鳳鳥既受詒兮。恐高辛之先我。欲遠集

而無所止兮。聊浮游以逍遙。及少康之未家兮。留有虞之二姚。理弱而媒

拙兮。恐導言之不固。時溷濁而嫉賢兮。好蔽美而稱惡。閨中二二三既以邃遠兮。哲王又不寤。懷朕情而不發兮。余焉能忍與此終古。索瓊茅以筵筮兮。命二三四靈氛為余占之。曰兩美其必合兮。孰信修而慕之。思九州之博大兮。豈唯二三五是其有女。曰勉遠逝而無狐疑兮。孰求美而釋女。何所獨無芳草兮。爾何懷乎故宇。世幽昧以眩曜兮。孰云察余之美惡。人好惡其不同兮。惟此黨人其獨異。戶服艾以盈要兮。謂幽蘭其不可佩。覽察草木其猶未得兮。豈二三三瑱美之能當。蘇糞壤以充幃兮。謂申椒其不芳。欲從靈氛之吉占兮。心猶豫而狐疑。巫咸將夕降兮。懷椒糈而要之。百神翳其備降兮。九疑續其並迎。二四二皇剡剡其揚靈兮。告余以吉故。曰勉升降以上下兮。求矩矱之所同。湯禹儼而求合兮。摯咎繇而能調。苟中情其好修兮。何必用夫行媒。說操築於傅巖兮。武丁用而不疑。呂望之鼓刀兮。遭周文而得舉。寧戚之謳歌兮。齊桓聞以該輔。及年歲之未晏兮。時亦猶其未央。恐鸛鳴之先鳴兮。使百草為之不芳。何瓊佩之偃蹇兮。衆蓂然而蔽之。惟此黨人之不亮兮。恐嫉妒而折之。時繽紛其變易兮。又何可以淹留。蘭芷變而不芳兮。荃蕙化而為茅。何昔日之芳草兮。今直為此蕭艾也。豈其有他故兮。莫好修之害也。余以蘭為可恃兮。羌無實而容長。委厥美以從俗兮。苟得列乎衆芳。椒專佞以慢慝兮。檄又欲充其佩幃。既干進而務入兮。又何芳之能祗。固時俗

之從流兮。又孰能無變化。覽椒蘭其若茲兮。又況揭車與江離。惟茲佩之
 可貴兮。委厥美而歷茲芳菲菲而難虧兮。芬至今猶未沫。和調度以自娛
 兮。聊浮游而求女。及余飾之方壯兮。周流觀乎上下。靈氛既告余以吉占
 兮。歷吉日乎吾將行。折瓊枝以為羞兮。精瓊靡以為糗。糗為余駕飛龍兮。雜
 瑤象以為車。何離心之可同兮。吾將遠遊以自疏。邇吾道夫崑崙兮。路修
 遠以周流。揚雲霓之晻藹兮。鳴玉鸞之啾啾。朝發軔於天津兮。夕余至乎
 西極。鳳皇紛其承旂兮。高翔翔之翼翼。忽吾行此流沙兮。遵赤水而容與。
 麾蛟龍使梁津兮。詔西皇使涉予。路修遠以多艱兮。騰衆車使徑待。路不
 周以左轉兮。指西海以為期。屯余車其千乘兮。齊玉軼而並馳。駕八龍之
 蜿蜿兮。載雲旗之委蛇。抑志而弭節兮。神高馳之邈邈。奏九歌而舞韶兮。
 聊假日以媮樂。陟升皇之赫戲兮。忽臨睨夫舊鄉。僕夫悲余馬懷兮。蜷局
 顧而不行。亂曰。已矣哉。國無人莫我知兮。又何懷乎故都。既莫足與為美
 政兮。吾將從彭咸之所居。

【註音】(陬)將侯切(能)讀態(紉)音人(汨)音骨(馳)音毳(藍)音綵(蹇)九輦切(婁)羅含切(顛領)

音坎憾(擊)音覽(纒)音歷(諱)音崇(倂)音面(錯)讀措(忱)音屯(佗)恥亞切(傑)勅厲切(芟)音妓(綠)

音扭(纓)音頌(嬋)音禪(絃)同絛(施)音施(菹)側魚切(臨)音海(頗)同陂(陸)音店(柎)音芮(瓊)同瓊

(閭)音浪(處)音伏(纜)音畫(涪)羽軌切(城)音嵩(詒)音殆(筵)音廷(要)同腰(理)音呈(精)音胥(鷗)

音提(鳩)音伏(愒)音浴(檝)音殺(靡)音糜(糗)音糧(軼)音地(媮)音俞通愉(蜷)音拳

【釋義】①高陽。顛頊有天下之號。楚為顛頊之後。②我也。古者上下共稱之。至秦時始為帝之尊稱。③皇。美

也。④父死稱考。⑤原父字。⑥太歲在寅曰攝提。⑦正也。⑧正月也。⑨屈原以庚寅日生。⑩皇皇考。覽觀也。揆度也。初度。始生時。⑪始也。⑫賜也。⑬威貌。⑭謂忠貞之性格。此言其天賦。⑮增益也。⑯修治也。能讀為態。姿有餘也。此言其行操。⑰被也。⑱紅離今川芎也。⑲仄也。幽也。⑳芷即白芷。為一年生草。莖高五寸許。葉卵圓對生。花色白而微黃。其葉為可香料。㉑續之使長也。㉒去貌。疾若水流也。㉓拔取也。㉔山名。在楚南。㉕即杜蘭。又名木蓮。涉冬不凋。葉如桂。花如蓮。有紅黃白數色。四月始開。兩旬即謝。㉖採也。㉗水中可居者曰洲。㉘草冬生不死者。㉙久也。㉚更也。㉛次也。㉜懷王。㉝言君當壯年。不肯棄此讒佞。㉞言君若有意圖治。進用賢者。則已可為先路之導也。㉟先路前車也。㊱禹。湯。文王。㊲瑞香也。為常綠小灌木。莖高四五尺。葉為長橢圓形。春日開花。內白外紅紫。㊳即肉桂也。為常綠喬木。高二三丈。葉長橢圓形。夏開淡黃小花。皮多脂。捲成圓筒。而略似竹。㊴俗名佩蘭。多年生草。莖方。葉橢圓。端尖。秋初開紅花。香氣如藤蕪。㊵白芷。㊶光大也。㊷邪瓦也。昌亦作猖。㊸指羣小也。㊹喻國也。㊺踵繼也。武迹也。㊻即水菖蒲。以喻君也。㊼忠貞貌。㊽中央八方。或謂九重天。㊾猶問也。㊿靈善良也。脩治也。言己之不憚審審言之者。誠欲輔君於善治。此則可指九天以為誓也。①屢變化也。②猶培植也。③十二畝曰畹。④五十畝曰畦。⑤即辛夷樹。其花甚香。⑥亦香草。黃花白葉。⑦多年生草。生山中陰地。葉為心臟形。葉脚凹陷頗深。有長柄。冬月開紫花。根莖可入藥。俗稱馬蹄香。⑧愛財曰貪。愛食曰婪。⑨楚人名滿曰憑。⑩楚人語詞。乃也。⑪此句謂人年命冉冉而行。我之衰老將以速至。恐修身建德。而功不成名不立也。⑫此二句指動以香淨自潤澤。⑬美也。⑭簡也。⑮食不飽面黃貌。⑯持也。⑰常綠灌木。蔓生。莖長數尺。葉橢圓。花小。隱於托中。實上銳下平如杯。內空。色紅。亦名木蓮。⑱直也。⑲繩也。⑳香草。蔓生布地。俗呼鼓箏草。㉑繩結美好貌。㉒忠諫也。㉓前賢。㉔用也。㉕合也。㉖殷賢大夫。諫君不聽。投水死。㉗韁在口曰韉。革絡頭曰羈。言自繩束不放縱也。㉘微罵也。㉙廢也。㉚佩帶也。㉛申重也。此句謂又重怒余之採葑以自芳也。㉜指懷王也。㉝無思慮貌。㉞謂羣臣也。㉟謂毀謗也。㊱背也。㊲改置也。㊳所以正曲者。㊴苟合求容。㊵以此為法度也。㊶憂貌。㊷失志貌。㊸奄忽也。㊹喻忠正剛直之士。㊺言方枘不能合圓鑿。忠佞異道。不能相安。㊻攘取也。詬恥也。㊼視也。㊽立也。㊾澤曲曰臬。其中有蘭。㊿邱上有椒。①焉。同於是。②離讀羅離。尤得罪也。③四角菱。生水中。④指木芙蓉也。⑤此二句因押韻而倒置。原應作『苟余情其信芳。不吾知其亦已兮。』⑥高貌。⑦美好貌。⑧香物。⑨佩玉。⑩夾雜也。⑪猶言明德也。⑫香也。⑬獲罪支解。⑭女侍也。⑮柔順貌。⑯和舒貌。⑰禹父。堯時為崇伯。⑱狠也。⑲堯使鮪治洪水。狠直自用。治水不成。乃殛之羽山。在今山東蓬萊縣東南。⑳謂博而忠直也。㉑蒺藜也。㉒一名王芻。越年生草。野生。細莖貼地。長一二尺。葉卵形。端尖。秋初開紫褐色花。莖葉煮汁。可染黃色。⑳又名卷耳。蒼耳。一年生草。

野生。以上二者皆惡草。喻讒佞。(二二四)言離衆獨處而服蘭蕙。(二二五)佞邪朋黨。自相薦舉。(二二六)折中也。(二二七)憑。憑也。歷行也。太息憤懣而行澤畔。(二二八)詳見卷五十四。(二二九)帝舜名。(二三〇)禹子。(二三一)天樂也。《山海經》夏后上三嬪於天。得九辯與九歌以下。(二三二)啓子太康。仲康也。(二三三)放縱也。(二三四)不顧患難。不謀後嗣。失其尊位。(二三五)兄弟五人。國破家亡也。(二三六)夏時有窮國之君。(二三七)獵也。(二三八)大狐。(二三九)敖遊無度。(二四〇)羿因代夏。不恤民事。信任寒浞。使爲國相。促使其家臣逢蒙殺羿。取其婦以爲己妻。(二四一)寒浞子。(二四二)言縱放其情。不忍其慾。以殺夏后相也。(二四三)涓燒既弒。夏侯相安居無憂。淫樂忘過。卒爲相子少康所誅。(二四四)背道也。(二四五)言爲殷湯所誅。(二四六)殷紂。(二四七)肉醬。紂醢鬼侯之女。殖梅伯之骸。見《淮南子》。(二四八)畏也。(二四九)敬也。(二五〇)偏也。(二五一)私佑爲阿。(二五二)錯置也。輔佐也。謂觀民之德。有聖賢者則置其輔佐之力。而立以爲君也。(二五三)謂天下也。(二五四)觀民之策之極至也。(二五五)危也。(二五六)刻木端以入鑿。(二五七)指不度君之賢愚以竭忠。卒不免遭禍患也。前賢有被殖醢者。卽其例。(二五六)柔也。(二五九)沾也。(二六〇)流貌。(二六一)布也。(二六二)明也。(二六三)車飾。有角曰龍。無角曰虬。(二六四)身有五采如鳳。亦車飾。(二六五)掩也。(二六六)塵也。(二六七)輒。支輪木。發輒。謂出發也。(二六八)卽九疑山。(二六九)神山。在崑崙上。(二七〇)神所居處。(二七一)日御也。(二七二)止也。(二七三)日所入山。(二七四)日浴處也。(二七五)日出于扶桑。(二七六)木名。在崑崙西極。(二七七)猶徘徊也。(二七八)月御也。(二七九)風伯也。(二八〇)鸞如翟而五采。聲如雉而尾長。皇。雌鳳。(二八一)謂在先戒行也。(二八二)雷神。名豐隆。(二八三)謂行裝未具也。(二八四)喻賢人。飛騰以求同志。(二八五)回風也。(二八六)聚也。言不與己合。(二八七)雲霓。佞人。御。迎也。言佞人來迎。欲我變節。(二八八)聚貌。(二八九)帝。謂天帝。闔。主門者。(二九〇)指天門也。(二九一)昏貌。(二九二)極也。(二九三)言以芳香自潔而無所趨向也。(二九四)謂人世不分溷濁。詎知天上亦如是。(二九五)出崑崙山。飲之不死。見《淮南子》。(二九六)山名。在崑崙山之上。(二九七)繫也。(二九八)指閩風山上。(二九九)喻賢者。(三〇〇)東方青帝之居。(三〇一)青宮神女之侍也。(三〇二)神女。喻隱士。(三〇三)伏羲氏臣。(三〇四)媒也。(三〇五)乖戾也。(三〇六)山名。(三〇七)水名。(三〇八)言處妃驕傲淫遊。不可與共事君。(三〇九)決改求他賢。(三一〇)高貌。(三一〇)國名。(三一一)美也。(三一二)鳥名。狀似鴉。紫黑色。赤喙黑目。頸長。好食蛇。其肉腥有毒。喻讒佞賊害之人。(三一一)一名斑鳩。(三一二)此言鳩鳩皆不可使。(三一二)謂無媒可通。自往則又不可。(三一二)禮遺也。(三一二)帝。嚳有天下之號也。(三一二)此言己猶豫未決。而高辛氏則先禮遺鳳皇。往爲媒矣。(三一二)言既後高辛。無法可施。且遊戲觀望。(三一二)夏后相子。(三一二)舜後姚姓。寒浞使燒殺夏后相。少康逃奔有虞。虞因妻以二女。(三一二)猶言宮中。(三一二)靈草。用以下。(三一二)筵。小折竹也。楚人名結草折竹以下曰筵。(三一二)古之明占吉凶者。(三一二)明君。賢臣。(三一二)以喻賢臣。(三一二)女同仇。(三一二)惑亂貌。(三一二)白蒿。多年生草。莖白色。高四五尺。葉互生。長卵形。爲羽狀分裂。背生褐毛甚密。夏秋之間。開小花。淡白色。(三一二)美玉。(三一二)謂時人尙不能辨草木之香臭。豈能知玉之美惡乎。(三一二)取也。(三一二)香囊。(三一二)古之神巫。(三一二)

七香物。所以降神。(三三)精米。(三九)蔽也。言蔽日而下。(四〇)山名。見蒼梧注。舜使山神率隊來迎。(四一)盛也。(四二)皇天。(四三)光貌。(四四)法也。(四五)伊尹名。(四六)即皋陶。(四七)能調謂能調和天下也。(四八)喻左右。(四九)傳說。(五〇)地名。在山西平陸縣東。「史記」說爲胥靡。築於傅險。見於武丁。武丁曰。是也。遂以傅險姓之。號曰傳說。(五一)太公未遇之時。鼓刀屠於朝歌。(五二)寧戚。衛人。桓公夜出。戚方飯牛。叩角而商歌。桓公聞之。用爲客卿。(五三)備也。(五四)晚也。(五五)言值可爲之時。(五六)鵜。即今子規。暮春始鳴。鳩。伯勞也。五月始鳴。二鳥皆過春而鳴。故曰百草不芳。(五七)衆盛貌。(五八)蔽也。(五九)蒿也。(六〇)此言昔日賢明之士。今皆作愚。(六一)言好自修潔者。常遭禍害。若變節改行以徇俗。則無有此患。(六二)徒有容貌。(六三)棄也。(六四)香皂也。(六五)淫也。(六六)即某萸。(六七)盛香之囊也。(六八)入事君也。(六九)言其不能敬賢也。(七〇)君棄其美。而有此行。(七一)同味。已也。(七二)和調已之行度。浮游而求同志。(七三)謂及年壯德修。游觀君臣之賢而就之。(七四)肉之致滋味者。(七五)屑也。(七六)糧也。(七七)瑤。美玉。象牙。(七八)謂上下與已不同心。(七九)轉也。(八〇)陰貌。(八一)玉。馬佩。鸞。車鈴。(八二)謂箕斗之間。漢律也。(八三)西至於幽國爲西極。(八四)和貌。(八五)沙漠。(八六)神話中水名。謂出崑崙。(八七)遊戲貌。(八八)舉手。(八九)梁。橋也。津。水渡處。(九〇)告也。(九一)帝少暉也。(九二)過也。(九三)言從捷徑以待。(九四)山名。(九五)會也。(九六)車轄也。(九七)龍貌。(九八)垂下而搖動貌。(九九)禹樂也。(一〇〇)舜樂也。(一〇一)升也。(一〇二)猶天庭也。(一〇三)光明貌。(一〇四)言僕馬均思歸。(一〇五)詰屈不行貌。(一〇六)發理詞指。總撮其要。凡作篇章。既終。撮其總要以爲亂辭。

【諸家集評】張皋文曰。願。候時乎。吾將刈。延佇乎。吾將返。吾將上下而求索。吾將遠遊以自疏。吾將從彭咸之所居。五句爲層次。又曰。彭咸之遺。則謂其道也。彭咸之所居。謂其死也不可混。吳至父曰。魏文帝典論云。優游案衍。屈原尙之。窮侈極妙。相如之長也。然原據託譬。喻其意。周旋綽有餘度。長卿子雲不能及。

屈原九章

惜誦

惜誦^一以致^二愍^三兮。發憤^四以抒^五情。所非忠而^六言之兮。指蒼天以爲正。令五帝以^七枿^八中兮。戒六神與嚮服^九俾山川。以備御兮。命咎繇使聽直^{一〇}。竭忠誠以事君。兮。反離羣而贅^{一一}。耽忘儂媚^{一二}以背衆兮。待明君其知之。言與行其可迹兮。情

與貌其不變。故相臣莫若君一四。所以證之不遠。吾誼先君而後身一五。先衆

人之所仇也。專惟君而無他一七。又衆兆之所讎也。壹心而不豫一六。先不可

保也。疾親君而無他一七。有招禍之道也。思君其莫我忠一八。忽忘身之賤貧。

事君而不貳一九。迷不知寵之門。忠何辜以遇罰二〇。亦非余之所志也。行不

羣以顛越二一。又衆兆之所咥也。紛逢尤二二。以離謗二三。謗不可釋也。情沈抑而

不達二四。又蔽而莫之白也。心鬱悵余侘二五。又莫察余之中情。固煩言不

可結而詒二六。願陳志而無路。退靜默而莫余知二七。進號呼又莫吾聞。申侘

僚之煩惑二八。中悶瞽之恇恇二九。昔余夢登天三〇。魂中道而無杭三一。吾使厲神占

之三二。曰有志極而無旁三三。終危獨以離異三四。曰君可思而不可恃。故衆口其

鑠三五。金兮。初若是而逢殆三六。懲熱羹而吹齋三七。何不變此志也。欲釋階而登天

兮。猶有曩之態也。衆駭遽以離心三八。又何以爲此伴也。同極而異路三九。又

何以爲此援也。晉申生之孝子四〇。父信讒而不好。行矯直而不豫四一。鮪功

用而不就。吾聞作忠以造怨四二。忽謂之過言四三。九折臂而成醫四四。吾至今乃

知其信然四五。增弋機而在上四六。罰羅張而在下四七。設張辟以娛君四八。願側身而

無所欲四九。值徊以干僚五〇。恐重患而離尤五一。欲高飛而遠集五二。君罔謂女何之。

欲橫奔而失路五三。蓋堅志而不忍五四。背膺辟以交痛五五。心鬱結而紆軫五六。擣木

蘭以矯蕙五七。繫申椒以爲糧五八。播江蘼與滋菊五九。願春日以爲糗六〇。芳恐情質

之不信兮。故重著以自明。橋茲媚以私處兮。願會思而遠身。

【註音】（愍）音敏（抒）音佇（枅）音判（耽）音尤（僂）虛淵切（誼）同義（哈）呼來切（詒）音怡（贅）音茂

（杭）同航（齋）箋西切（矯）同犄（煇）音增（駟）音尉（辟）同闕（儻）音蟬回（胖）音判（繫）音作（矯）通矯

【釋義】①愛而有忍之意。②言也。③極也。④憂也。⑤誓詞也。⑥謂五方之神也。東方太皞。南方炎帝。西方少

昊。北方顓頊。中央黃帝。⑦分別也。枅中猶言判正也。⑧一日星辰。風伯。雨師。司中。司命。一日天地四時。⑨謂對面

而聽取其言也。⑩山川之神。⑪謂其說之曲直也。⑫癰腫。⑬言其忘僂媚之態。與眾相背。⑭謂知臣莫若君。⑮然

詞。⑯百萬。⑰急也。⑱即知也。⑲嗤笑。⑳過也。㉑遭也。㉒語辭也。㉓並見雜騷。㉔贈言。㉕亂也。㉖憂貌。㉗主殺伐之

神。㉘輔也。㉙銷也。㉚危也。㉛人爲羹所炙。遇齋菜之冷。亦以口吹之。喻戒心之深也。㉜舍也。㉝猶初心也。㉞言與

眾人極力同事一君。而志佞路異。㉟晉獻公太子。性慈孝。獻公信驪姬之讒。而太子自殺。㊱見離騷。㊲謂作忠造

怨。向悠忽。以爲過言也。㊳人九折臂。更歷方藥。則成良醫。㊴短矢。㊵設也。㊶網也。㊷喻法網。㊸謂動輒得咎也。㊹

猶低個也。㊺求仕不去。㊻謂變節易操也。㊼分也。㊽繁也。㊾痛也。㊿春也。㊽猶緣也。㊾春米也。〔說文〕糲米一斛

春九斗曰糲。㊿乾飯屑也。㊽舉也。㊾愛也。㊿私處猶自娛也。此句謂不媚君而私居遠處。以自娛也。㊽重也。㊿謂

避害也。

【諸家集評】朱子曰此篇全用賦體無他寄託其言明切最爲易曉而其言作忠造怨遭讒畏罪之意曲盡

彼此之情狀

涉江

姚氏曰此篇疑與離騷同時作故有重著之語

余幼好此奇服兮。年既老而不衰。帶長鋏之陸離兮。冠切雲之崔嵬。被明

月兮佩寶璐。世溷濁而莫余知兮。吾方高馳而不顧。駕青虬兮驂白螭。吾

與重華游兮。瑤之圃。登崑崙兮食玉英。與天地兮比壽。與日月兮齊光。哀

南夷之莫吾知兮。旦余濟乎江湘。乘鄂渚兮。而反顧兮。欸秋冬之緒風。步余

馬兮山皋。邱余車兮方林。乘船船余上沅兮。齊吳榜以擊汰。船容與而不進兮。淹回水而疑滯。朝發枉渚兮。夕宿辰陽。苟余心其端直兮。雖僻遠其何傷。入澗浦余遭迴兮。迷不知吾之所如。深林杳以冥冥兮。乃獫狁之所居。山峻高而蔽日兮。下幽晦以多雨。霰雪紛其無垠兮。雲霏霏而承宇。哀吾生之無樂兮。幽獨處乎山中。吾不能變心而從俗兮。固將愁苦而終窮。接輿髡首兮。桑扈羸行。忠不必用兮。賢不必以。伍子逢殃兮。比干菹醢。與前世而皆然兮。吾又何怨乎今之人。余將董道而不豫兮。固將重昏而終身。亂曰。鸞鳥鳳皇。日以遠兮。燕雀烏鵲。巢堂壇兮。露申辛夷。死林薄兮。腥臊並御。芳不得薄兮。陰陽易位。時不當兮。懷信侘傺。忽乎吾將行兮。

【註音】(璫)音路(螭)音癡(欵)音哀(船)音零(澗)音敍(霰)細晏切(羸)同裸(薄)音泊(薄)音博

【釋義】①劍名。②劍低昂貌。③冠名。④光如明月之寶珠。⑤美玉也。⑥龍類。⑦舊傳若龍而黃無角。⑧長江。

⑨湘水。⑩地名。在今湖北武昌縣西江中。⑪歎也。⑫緒餘也。喻小人。⑬舍也。⑭小船也。⑮吳為騃之借用字。船也。

榜。擢也。用以進船者。⑯水波也。⑰辰陽。在今湖南辰溪縣西。〔水經注〕沅水東經辰陽縣東南。合辰水。又東歷小

灣。謂之枉渚。⑱水名。在今湖南澗浦縣南。流入於沅水。⑲一作儻。見離騷。⑳雨凍如珠。將成雪者。㉑楚狂士。被

髮佯狂。避世嘗歌而過孔子。後乃自髡。㉒即子桑伯子。㉓羸行。赤體而行。㉔伍子胥也。㉕見前。㉖猶謂也。古與與

謂通。㉗正也。㉘果決也。㉙謂重複暗昧。終不復見光明也。㉚瑞香也。亦曰申椒。㉛落葉喬木。葉似柿葉而狹長。春

初開。花有紫白二色。香味馥郁。又名木筆。俗稱玉蘭。㉜叢木曰林。草木交錯曰薄。㉝用也。㉞迫近。㉟言佞臣將代

君。言懷忠信而不合於眾也。

【諸家集評】洪興祖曰此篇言已佩服殊異抗志高遠國人無知之者徘徊江之上歎小人在位而君子遇

害也

哀郢

皇天之不純命令。何百姓之震愆。民離散而相失。方仲春而東遷。去故鄉而就遠。遵江夏以流亡。出國門而軫懷。甲之鼃。吾以行發。郢都而去閭。兮。怛荒忽其焉極。楫齊揚以容與。哀見君而不再得。望長楸而太息。兮。涕淫淫其若霰。過夏首而西浮。兮。顧龍門而不見。心嬋媛而傷懷。兮。眇不知其所蹠。順風波而流從。兮。焉洋洋而為客。凌陽侯之汜濫。兮。忽翺翔之焉薄。心絳結而不解。兮。思蹇產而不釋。將運舟而下浮。兮。上洞庭而下江。去終古之所居。兮。今逍遙而來東。羌靈魂之欲歸。兮。何須臾而忘返。背夏浦而西思。兮。哀故都之日遠。登大墳以遠望。兮。聊以舒吾憂心。哀州土之平樂。兮。悲江介之遺風。當陵陽之焉至。兮。淼南渡之焉如。會不知夏之為邱。兮。孰兩東門之可蕪。心不怡之長久。兮。憂與憂其相接。惟郢路之遼遠。兮。江與夏之不可涉。忽若不信。兮。至今九年而不復。慘鬱鬱而不通兮。蹇侘傺而含感。外承歡之灼灼。兮。讎荏弱而難持。忠湛湛而願進兮。妒被離而鄣之。彼堯舜之抗行兮。瞭杳杳其薄天。衆讒人之嫉妒兮。被以不慈之偽名。憎愷愉之修美兮。好夫人之忼慨。衆踐蹀而日進兮。美超遠而踰邁。亂曰。曼余目以流觀兮。冀一反之何時。鳥飛返故鄉兮。狐死必首邱。信非吾罪而棄逐兮。何日夜而忘之。

〔註音〕〔鼉〕通朝〔招〕音超〔秋〕音秋〔蹠〕音隻〔汎〕音汎〔絳〕音卦〔綠〕音眇〔約〕音緯〔謹〕甚平聲
〔倫〕音論〔陵〕思叶切〔蹠〕音蹠

〔釋義〕①喻襄王之多暴怒也。②咎也。③二水名。江。大江也。夏。夏水也。④痛也。⑤日也。⑥謂去郢也。⑦在今湖北江陵縣東北。⑧悵恨也。⑨猶恍忽。⑩懼也。⑪同舉也。⑫徘徊也。⑬落葉喬木。葉似桐。夏開黃綠色細花。結實成莢。長尺餘。⑭流貌。⑮漢水入江之處。在今湖北夏口縣。亦名漢口。⑯郢城之東門。⑰牽縶貌。⑱遠也。⑲踐也。⑳作如此解。㉑無所歸貌。㉒乘也。㉓陽國之侯。溺水死。其神能為大波。㉔水漫溢也。㉕止也。㉖懸也。㉗詰屈貌。㉘回舟也。㉙謂由大江順流而下也。㉚謂遠棄祖先之所居也。㉛夏水也。即漢水。㉜故都郢也。㉝水中高處。㉞謂惜鄉邑之富樂。㉟謂遠涉江界。悲民俗之異也。㊱在安徽宣城縣城內。為陵陽子明得仙之地。㊲大水。㊳大屋。㊴謂郢都東關有二門也。㊵謂因微忽而見疑。㊶言謫居九年。尚未蒙召還也。㊷柔順貌。㊸誠也。㊹此言佞人之諂媚。誠信者勢弱而難扶持。㊺深厚之貌。㊻衆威貌。㊼壅也。㊽瞭。昭明也。言堯舜之德高遠。㊾莊子曰。堯不慈。舜不孝。堯舜尙有讒謗。況餘人乎。㊿憤而欲知之貌。㊽憤意。謂君子愠倫若可惡。小人怙慨若可喜。㊾細步也。㊿遠盼貌。謂孤以首枕邱而死。蓋不忘其所自生也。

〔諸家集評〕朱子曰。屈原被放時。適會凶荒。人民離散。而原亦在行中。閱其流離。因以自傷。吳至父曰。向疑此篇為頃襄王徙陳時作。徙陳在襄王二十一年。屈原遷逐。蓋在襄王初年。不能至徙陳時尙在也。然篇內百姓震愆。離散相失。及兩東門之可蕪。皆非一身放逐之感。且必皆實事。非空言殆。懷王失國之恨歟。

抽思

心鬱鬱之憂思兮。獨永歎乎增傷。思蹇產之不釋兮。曼遭夜之方長。悲秋風之動容兮。何回極之浮浮。數惟蓀之多怒兮。傷余心之憂憂。願遙起而橫奔兮。覽民尤以自鎮。結微情以陳詞兮。矯以遺夫笑。人昔君與我成言兮。曰黃昏以為期。羌中道而回畔兮。反既有此他志。憍吾以其美好兮。覽余以其修姱。與余言而不信兮。蓋為余而造怒。願承聞而自察兮。心震悼

而不敢。悲夷猶而冀進兮。心怛傷之憺憺。歷茲情以陳辭兮。菝詳聾而不可聞。固切人之不媚兮。衆果以我爲患。初吾所陳之耿著兮。豈至今其庸亡。何獨樂斯之謇謇兮。願菝美之可光。望三五以爲像兮。指彭咸以爲儀。夫何極而不至兮。故遠聞而難虧。善不由外來兮。名不可以虛作。孰無施而有報兮。孰不實而有穫。少歌曰。與美人抽思兮。并日夜而無正。憺吾以美。美好兮。敖朕辭而不聽。倡曰。有鳥自南兮。來集漢北。好姱佳麗兮。畔獨處此異域。既惇獨而不羣兮。又無良媒在其側。道遠遠而日忘兮。願自申而不得。望南山而流涕兮。臨流水而太息。望孟夏之短夜兮。何晦明之若歲。惟郢路之遼遠兮。魂一夕而九逝。會不知路之曲直兮。南指月與列星。願徑逝而不得兮。魂識路之營營。何靈魂之信直兮。人之心不與吾心同理。弱而媒不通兮。尙不知余之從容。亂曰。長瀨湍流。汜江潭兮。狂顧南行。聊以娛心兮。軫石歲嵬。蹇吾願兮。超回志度。行隱進兮。低徊夷猶。宿北姑兮。煩冤瞽容。實沛徂兮。愁歎苦神。靈遙思兮。路遠處幽。又無行媒兮。道思作頌。聊以自救兮。憂心不遂。斯言誰告兮。

〔註音〕(優)音憂(憺)通驕(憺)音淡(詳)通佯(敖)同傲(倡)同唱(畔)音判(汜)同弼(歲)烏灰切(嵬)吾回切

〔釋義〕①謂詰屈而盤紆。猶抑鬱也。②同漫。長也。③猶迴旋也。④無定貌。⑤香草也。以喻君主。⑥愁也。⑦疾起也。⑧言民無過而遭刑。覽之而自鎮止其心。⑨舉也。⑩謂君主。⑪驕我以寶玩。⑫覽。示也。謂示我以美色也。⑬

怒其直諫。謂願承王之閉進而自求見察。不能靜止貌。言忠切之人。不能輒媚。明白之著述。大也。三皇五帝。見離騷。謂古聖賢亦有人也。竭力勤勉。豈不能至。言令名遠聞。至於今而不虧損也。樂章音節之名。為也。言為美人陳辭也。謂無與平其是非也。與唱同。起發下文也。亦歌之音節。分離也。言夏夜雖短。然憂不能寐。自晦至明。若涉歲。言望月星而辨路也。獨往無伴貌。謂從容遵道。不變故常。未章也。水淺處。急流也。逆流而上。方也。高貌。超越回邪。志在法度。隱行忠信。日以進也。督亂見於容也。言已誠欲沛然如水之流去也。言且行且思。而作此頌也。

懷沙

滔滔孟夏兮。草木莽莽。傷懷永哀兮。汨徂南土。陶兮杳杳。孔靜幽默。鬱結紆軫兮。離愍而長鞠。撫情效志兮。冤屈而自抑。刊方以為圓兮。常度未替。易初本迪兮。君子所鄙。章畫志墨兮。前圖未改。內厚質重兮。大人所賊。巧倖不斲兮。孰察其揆。正玄文處幽兮。矇謂之不章。離婁微睇兮。瞽以為無明。變白以為黑兮。倒上以為下。鳳皇在笱兮。雞鶩翔舞。同糶玉石兮。一概而相量。夫惟黨人之鄙固兮。羌不知余之所臧。任重載盛兮。陷滯而不濟。懷瑾握瑜兮。窮不知所示。邑犬羣吠兮。吠所怪也。非俊疑傑兮。固庸態也。文質疏內兮。衆不知余之異采。材樸委積兮。莫知余之所有。重仁襲義兮。謹厚以為豐。重華不可遷兮。孰知余之從容。古固有不並兮。豈知其故也。湯禹久遠兮。邈不可慕也。懲違改忿兮。抑心而自彊。離愍而不遷兮。願志之有像。進路北次兮。日昧昧其將暮。舒憂娛哀兮。限之以大故。亂曰。浩浩

沅湘。分流汨兮。修路幽拂。道遠忽兮。懷質抱情。獨無匹兮。伯樂既沒。驥焉
程兮。民生稟命。各有所錯兮。定心廣志。余何畏懼兮。會傷爰哀。永歎喟兮。
世溷濁莫吾知。人心不可謂兮。知死不可讓。願勿愛兮。明告君子。吾將以
爲類兮。

【註音】(胸)音縣(慙)同慙音閔(刑)吳桓切(圓)同圓(噦)通威(唾)音垂(斂)音奴(驚)音木(稔)女
救切(內)同訥音納(積)音恣(選)音靈(會)同增

【釋義】①盛陽貌。②疾行也。③往也。④目屢搖動貌。⑤深鑿之貌。⑥甚也。⑦痛也。⑧遭也。⑨痛也。
⑩窮也。⑪削也。⑫迪道也。謂變易初心所由之正道。⑬明也。⑭畫一。⑮識也。⑯繩墨。⑰謂內行之厚。⑱言質實敦
重也。⑲黃帝時巧人名。⑳揆度正道。㉑黑白相間之文采。㉒言持玄墨之文。居於幽處。㉓古明目者。㉔目小視也。
㉕籠也。㉖鴨也。㉗雜也。㉘藏蓄也。或作善解。㉙瑾瑜。美玉也。㉚言才長德美之人。反窮困而不得施其材。㉛疏。迂
闊也。內。木訥也。㉜條直爲材。壯大爲樸。㉝猶儲蓄也。㉞遇也。㉟謂聖君賢臣不並時。㊱像。法也。謂願志行流傳後
世而爲人法也。㊲舍也。㊳死也。言其舒憂娛哀。抑心自寬。死而後已。㊴水流也。㊵量才試用也。㊶安也。㊷謂哀不
止也。㊸此二句謂甘爲國死而不愛身也。㊹法也。

【諸家集評】洪興祖曰此章言已雖放逐不以窮困易其行小人蔽賢羣起而攻之人無知我者思古人而
不見伏節死義而已

思美人

思美人兮。擘涕而竚眙。媒絕路阻兮。言不可結而詒。蹇蹇之煩冤兮。陷滯
而不發。申旦以舒中情兮。志沈菀而莫達。願寄言於浮雲兮。遇豐隆而不
將。因歸鳥而致辭兮。羌迅高而難當。高辛之靈威兮。遭玄鳥而致詒。欲變
節以從俗兮。愧易初而屈志。獨歷年而離愍兮。羌馮心猶未化。寧隱閔而

壽考兮。何變易之可為。知前轍之不遂兮。未改此度。車既覆而馬顛兮。蹇獨懷此異路。勒騏驎而更駕兮。造父為我操之。遷途次而勿驅兮。聊假日以須時。指蟠冢之西隈兮。與纁黃以為期。開春發歲兮。白日出之悠悠。吾將蕩志而愉樂兮。遵江夏以娛憂。擘大薄之芳茝兮。搴長洲之宿莽。惜吾不及古人兮。吾誰與玩此芳草。解篇薄與雜菜兮。備以為交佩。佩續紛以繚轉兮。遂萎絕而離異。吾且儻徊以娛憂兮。觀南人之變態。竊快在中心兮。揚厥憑而不埃。芳與澤其雜糅兮。羌芳華自中出。紛郁郁其遠蒸兮。滿內而外揚。情與質信可保兮。羌居蔽而聞章。令薜荔以為理兮。憚舉趾而緣木。因芙蓉以為媒兮。憚褰裳而濡足。登高吾不說兮。入下吾不能。固朕形之不服兮。然容與而狐疑。廣遂前畫兮。未改此度也。命則處幽。吾將罷兮。願及白日之未暮也。獨煢煢而南行兮。思彭咸之故也。

【註音】(苑)音鬱(蟠)音波(薄)音泊(茝)音海切(篇)音匾(繚)音了(畫)音獲

【釋義】①止也。收也。②立而視也。③傳也。④險在前而欲往。⑤至也。⑥沈積不通也。⑦雲師也。或云雷師。

淮南子「季春三月。豐隆乃出。謂不聽我言也。①高辛生而神靈。自言其名。②燕也。③詒。贈也。簡狄侍帝。譽於臺上。有飛燕墮。遺其卵。喜而吞之。因生契。④周人善御。⑤行不進貌。⑥止也。⑦山名。在陝西寧羌縣北。⑧纁。淺絳色。日落時。色纁且黃。⑨草叢生日薄。⑩香草。⑪猶言宿草。草冬生不死者。楚人名之曰宿莽。⑫一年生草。生道旁。莖高尺許。葉似竹。亦稱扁竹。夏月開細淡紅花。葉入藥。⑬藜也。一年生草。莖高。葉心赤。嫩時可食。花小而黃綠。莖可為杖。⑭左右佩也。⑮喻被斥逐。⑯徘徊不進貌。⑰指楚俗。⑱憑。憤也。舒所憤而無所待。⑲文盛貌。⑳意欲升高事貴戚。㉑猶不撓也。㉒謀畫也。㉓憂思也。

【諸家集評】洪興祖曰此章言己之思君不能自達然反觀斯志不可變易蓋自修飾死而後已也

惜往日

惜往日之會信兮。受命詔以昭詩。奉先功以照下兮。明法度之嫌疑。國富
疆而法立兮。屬貞臣而日嫉。秘密事之載心兮。雖過失猶弗治。心純龐而
不泄兮。遭讒人而嫉之。君含怒以待臣兮。不清徵其然否。蔽晦君之聰明
兮。虛惑誤又以欺。弗參驗以考實兮。遠遷臣而弗思。信讒諛之溷濁兮。盛
氣志而過之。何貞臣之無辜兮。被讟謗而見尤。慙光景之誠信兮。身幽隱
而備之。臨江湘之玄淵兮。遂自忍而沈流。卒沒身而絕名兮。惜靡君之不
昭。君無度而弗察兮。使芳草爲藪幽。焉舒情而抽信兮。恬死亡而不聊。獨
鄣靡而蔽隱兮。使貞臣而無由。聞百里之爲虜兮。伊尹烹於庖廚。呂望屠
於朝歌兮。寧戚歌而飯牛。不逢湯武與桓繆兮。世孰云而知之。吳信讒而
弗味兮。子胥死而後憂。介子忠而立枯兮。文君寤而追求。封介山而爲之
禁兮。報大德之優游。思久故之親身兮。因縞素而哭之。或忠信而死節兮。
或詭譎而不疑。弗省察而按實兮。聽讒人之虛辭。芳與澤其雜糅兮。孰申
旦而別之。何芳草之早歿兮。微霜降而下戒。諒聰不明而蔽靡兮。使讒諛
而日得。自前世之嫉賢兮。謂蕙若其不可佩。妒佳冶之芬芳兮。萋母姦而
自好。雖有西施之美容兮。讒妒入以自代。願陳情以白行兮。得罪過之不

意情^{二九}寬見之日明^{三〇}今如列宿之錯置。乘^{三〇}騏驎而馳騁^{三一}今無轡銜而自載。乘^{三二}汜^{三三}汜以下流^{三四}今無舟楫而自備。背法度而心治^{三五}今辟與此其無異。寧^{三六}溘死而流亡^{三七}今恐禍殃之有再。不畢辭而赴淵^{三八}今惜靡君之不識。

〔註音〕(煥)同嬉(龐)莫江切(徵)音懲(臯)同罪(靡)同壅(訑)音移(藝)音謨(藥)同乘(汜)音敷(楫)音楫

〔釋義〕一言往日嘗見信任也。二楚莊使士亶傳太子問於申叔時。叔時曰。教之詩而為之導。三謂祖先之功烈也。四懷王使原造憲令。上官大夫見而欲之。原不與。因而讒之。五謂委政忠良也。六日喜樂也。七謂與聞國家秘密也。八純厚也。九上官靳尚之徒。十猶審察也。言威氣督過之也。十一猶光明也。十二身雖被屈。行自全備。十三淵之深者。水成黑色曰玄淵。十四指懷王。十五言身死不足惜。但恨君終將受壅蔽不得昭明耳。十六不苟生也。十七晉獻公滅虞。虜虞君。與其大夫百里奚。以百里奚為秦繆公夫人媵。百里奚亡秦走宛。楚鄙人執之。繆公以五段羊皮贖之。與語國事。大悅。授之國政。號曰五段大夫。十八見離騷。按朝歌。殷都也。故城在今河南淇縣。十九寧戚見離騷。齊桓公小白。秦繆公任好。二十吳王夫差信太宰嚭之讒。賜伍子胥死。其後越卒滅吳。二十一晉文公出亡。介子推從行。道乏糧。割股肉以食之。及文公得晉國。賞從亡者。失子推。子推遂逃。懸於山。文公覺寤。追而求之。不肯出。因燒其山。子推抱樹燒而死。於是文公環縣上山田而封之。以為介推田。號曰介山。二十二喪服。二十三詐也。二十四見離騷。二十五杜若。多年生草。莖高一二尺。夏日中心抽莖。頂開白花。實圓青黑色。二十六醜婦。黃帝之妃。二十七情寃謂情實寃枉也。二十八編竹木以度水者也。

〔諸家集評〕會修生曰。此首疑後人偽託多俗句。

吳至父曰。會文正公謂此篇不類屈子之辭。而識別其淺句。今更推衍文正之惜。蓋他篇皆奇奧。此則平衍而寡蘊。其隸字亦不能深醇。文正之識卓矣。又曰。語多平淺。

橘頌

后皇嘉樹。橘徠服^二今。受命不遷^三。生南國^四今。深固難徙。更壹志^五今。綠葉素榮。紛其可喜^六今。會枝剡棘^七。圓實搏^八今。青黃雜糅。文章爛^九今。精色內白^{一〇}。類任道^{一一}。

兮。紛縕一四宜修。姱而不醜兮。嗟爾幼志。有以異兮。獨立不遷。豈不可喜兮。深固難徙。廓其無求兮。蘇世一五獨立。橫而不流兮。閉心自慎。終不過失兮。秉德無私。參天地兮。願歲并謝一六與長友兮。淑離不淫一七梗其有理兮。年歲雖少。可師長兮。行比伯夷。置以為像兮。

【註音】(徠)同來(會)同層(搏)音團

【釋義】①后土也。②橘性服習西土。③謂橘踰淮而化為枳。④謂江南也。⑤白花也。⑥重累也。⑦利也。⑧凡草木刺人。江湘之間謂之棘。⑨圓也。楚人名圓為搏。⑩謂橘實初青。既熟則黃。⑪謂外色精明也。⑫謂內懷潔白也。⑬貌也。⑭威貌。⑮猶言在也。蘇。悟也。悟即今在字。⑯永謝也。⑰雖離橘善。而亦不淫。強梗而有理也。

【諸家集評】朱子曰舊說屈原自比志節如橘不可移徙是也

劉須溪曰此賦與荀子賦賦俱後來詠物之祖

吳至父曰此篇疑屈子少作故有幼志及年歲雖少之語未必已被讒也

悲回風

悲回風之搖蕙兮。心冤結而內傷。物有微而隕性兮。聲有隱而先倡。夫何彭咸之造思兮。暨志介而不忘四。萬變其情。豈可蓋兮。孰虛偽之可長。鳥獸鳴以號羣兮。草苴比而不芳八。魚菴鱗以自別兮。蛟龍隱其文章一〇。故荼薺不一一同畝兮。蘭茝幽而獨芳。惟佳人之永都兮。更統世而自貶一六。眇遠志之所及兮。憐浮雲之相羊一八。介眇志之所惑兮。竊賦詩之所明。惟佳人之獨懷兮。折芳椒以自處。會歔歔之嗟嗟兮。獨隱伏而思慮。涕泣交而淒淒兮。思不眠

以至曙。終長夜之曼曼兮。掩此哀而不去。寤從容以周流兮。聊逍遙以自
 恃。傷太息之愍憐兮。氣於邑而不可止。亂思心以為纏兮。編愁苦以為膺。
 折若木以蔽光兮。隨飄風之所仍。存髣髴而不見兮。心沸怒其若湯。撫珮
 衽以案志兮。超惘惘而遂行。歲習習其若頽兮。時亦冉冉而將至。積蘅槁
 而節離兮。芳已歇而不比。憐思心之不可懲兮。證此言之不可聊。寧溘死
 而流亡兮。不忍此心之常愁。孤子吟而投淚兮。放子出而不還。孰能思而
 不隱兮。昭彭咸之所聞。登石巒以遠望兮。路眇眇之默默。入景響之無應
 兮。聞省想而不可得。愁鬱鬱之無快兮。居戚戚而不可解。心鞿羈而不閑
 兮。氣繚轉而自締。穆眇眇之無垠兮。莽芒芒之無儀。聲有隱而相感兮。物
 有純而不可為。邈漫漫之不可量兮。縹綿綿之不可紆。愁悄悄之常悲兮。
 翻冥冥之不可娛。凌大波而流風兮。託彭咸之所居。上高巖之峭岸兮。處
 雌蜺之標顛。據青冥而攄虹兮。遂儵忽而捫天。吸湛露之浮涼兮。漱凝霜
 之雰雰。依風穴以自息兮。忽傾寤以嬋媛。馮崑崙以瞰霧兮。隱岐山之清
 江。憚涌湍之礚礚兮。聽波聲之洶洶。紛容容之無經兮。罔茫茫之無紀。軋
 洋洋之無從兮。馳委蛇之焉止。漂翻翻其上下兮。翼遙遙其左右。汜瀾瀾
 其前後兮。伴張弛之信期。觀炎氣之相仍兮。窺煙液之所積。悲霜雪之俱
 下兮。聽潮水之相擊。借光景以往來兮。施黃棘之枉策。求介子之所存兮。

見伯夷之放迹。心調度而弗去兮。刻著志之無適。曰吾怨往昔之所冀兮。悼來者之愁愁。浮江淮而入海兮。從子胥而自適。望大河之洲渚兮。悲申徒之抗迹。驟諫君而不聽兮。任重石之何益。心絀結而不解兮。思蹇產而不釋。

〔註音〕(比)音鼻(亂)同糾(衽)音任(智)同忽(頤)音煩(景)同影(蜺)宜微切(零)音芬(噤)音嘖

〔釋義〕①旋風也。②物指蕙也。言草性微而易隕。猶賢之精微而易害。③讒人陰進。倡導君於不義。④暨。猶

冀。志猶認識。介謂介而守之。此二句言思古之彭咸。欲與之比節而不能忘也。⑤掩蓋也。⑥喻讒人。⑦生日草枯

曰苴。喻志士。⑧此二句言鳥獸得勢。草苴相比。則皆失其芳也。⑨整疊鱗甲。⑩喻讒人用事。則君子不得不隱匿

保身也。⑪苦菜。蔬類植物。⑫蔬類植物。嫩時可食。按薺味甘。故與茶對舉。⑬指懷王。⑭雅也。⑮代也。⑯賜也。此望

懷王傳世。父子相代。自天賜福。⑰屈原自喻其身世。⑱同徜徉。無所據依之貌。⑲言介然懷微眇之志。不用於世

為感也。⑳重也。㉑止也。㉒猶徧行也。㉓悲傷鬱結。㉔紐結也。㉕佩帶。㉖結也。㉗絡胸之物。㉘日入處。〔李白詩〕

西海栽若木。㉙因也。㉚謂形似也。㉛謂王之形貌。所見髣髴也。㉜按也。㉝失意貌。㉞此謂撫衽抑志。既又超然而

起。惘惘然行。敘其不安之狀也。㉟同忽忽。頹暮也。㊱多年生草。莖高尺餘。如莎。夏開濃褐色花。根肉白。入藥。㊲見

離騷。㊳節處斷落。㊴愁思也。㊵止也。㊶賴也。㊷此四句謂既自憐愁思難抑。又知王之不能我用。唯有溘然而流

亡。不勝此心常憂愁而不能自己也。㊸言已猶孤子哀泣而拭淚。放子已逐而不得復還。㊹憂也。㊺山小而銳者

也。㊻遠也。㊼寂然無聲也。㊽謂竄在山野無人域也。㊾聞見所不能接。而但可省記思想者。㊿見離騷。㊽繚戾回

轉相結也。㊽穆。深遠貌。此二句謂天地合無垠形也。㊽廣大貌。㊽儀匹也。此句謂草木彌望容貌盛也。㊽上二句

指天地之大。品類之夥。此二句言物理深妙。難以測度。㊽無涯際貌。言道里之難算計。㊽微細也。㊽不絕貌。㊽縈

也。㊽憂貌。㊽疾飛也。㊽猶隨風也。㊽虹霓也。㊽木杪之頂。㊽天也。㊽舒也。㊽疾也。㊽厚也。㊽淨口也。㊽霜雪降貌。

㊽風所出處。㊽有悲感留連之意。㊽即岷山。大江之所出也。㊽水石聲。㊽水聲。㊽紛亂之貌。㊽猶言無定則。㊽此

二句言楚之無法紀也。㊽車碾也。㊽水大貌。此喻楚亂如大水。不能軋絕之。㊽同委蛇。㊽浮也。㊽疾趨也。言不忘

言其不足用。①刻。勵也。著。立也。②猶言矢志不移也。③遠貌。④申徒狄也。殷人。諫紂不聽。負石自沈於河。⑤言君不信而欲負石沈河。無益也。⑥猶詰屈。

〔諸家集評〕朱子曰首四句言秋令已行微物彫隕風雖無形實先爲之倡世之治亂道之廢興亦猶是也次四句因回風之有實而搖蕙遂感彭咸之志萬變不易亦以其有實也若涉虛僞則不能久矣

洪興祖曰此章言小人之感君子所憂故託遊天地之間以泄憤懣終沈汨羅從子胥申徒以畢其志也

吳至父曰九章自懷沙以下不似屈子之辭子雲畔牢愁所仿自惜誦至懷沙而止蓋懷沙乃投汨羅時絕筆以後不得有作橘頌或屈子少作以篇末有年歲雖少之語悲回風文字奇縱而少沈鬱誦變之致疑亦非屈子作所謂佳人乃屈子也眇志所惑則作者自言蓋諫君不聽任石何益即眇志所惑也然則此殆弔屈子者之所爲歟

屈原遠游

悲時俗之迫阨兮。願輕舉而遠游。質菲薄而無因兮。焉託乘而上浮。遭沈濁之汙穢兮。獨鬱結其誰語。夜耿耿而不寐兮。魂營營而至曙。惟天地之無窮兮。哀人生之長勤。往者余弗及兮。來者吾不聞。步徙倚而遙思兮。怊怳而永懷。意荒忽而流蕩兮。心愁悽而增悲。神儵忽而不反兮。形枯槁而獨留。內惟省以端操兮。求正氣之所由。漠虛靜以恬愉兮。澹無為而自得。聞赤松之清塵兮。願承風乎遺則。貴至人之休德兮。美往世之登仙。與化去而不見兮。名聲著而日延。奇傳說之託辰星兮。羨韓衆之得一。形穆穆以浸遠兮。離人羣而遁逸。因氣變而遂會舉兮。忽神奔而鬼怪。時髣髴以遙見兮。精皎皎以往來。絕氛埃而淑郵兮。終不反其故都。免衆患而不懼兮。世莫知其所如。恐天時之代序兮。耀靈曄而西征。微霜降而下淪兮。悼芳草之先零。聊仿佯而逍遙兮。永歷年而無成。誰可與玩斯遺芳兮。長鄉風而舒情。高陽邈以遠兮。余將焉所程。重曰。春秋忽其不淹兮。奚久留此故居。軒轅不可攀援兮。吾將從王喬而娛戲。滄六氣而飲沆瀣兮。漱正陽而含朝霞。保神明之清澄兮。精氣入而羸穢除。順凱風以從游兮。至南

巢而壹息。見王子而宿之兮。審壹氣之和德。曰道可受兮而不可傳。其小
 無內兮。其大無垠。毋滑而魂兮。彼將自然。壹氣孔神兮。於中夜存。虛以待
 之兮。無為之先。庶類以成兮。此德之門。聞至貴而遂徂兮。忽乎吾將行。仍
 羽人於丹邱兮。留不死之舊鄉。朝濯髮於湯谷兮。夕晞余身兮九陽。吸飛
 泉之微液兮。懷琬琰之華英。玉色頰以脫顏兮。精醇粹而始壯。質銷鑠以
 灼灼兮。神要眇以淫放。嘉南州之炎德兮。麗桂樹之冬榮。山蕭條而無獸
 兮。野寂漠其無人。載營魄而登霞兮。掩浮雲而上征。命天閭其開關兮。排
 闔闔而望予。召豐隆使先導兮。問大微之所居。集重陽入帝宮兮。造旬始
 而觀清都。朝發軔於太儀兮。夕始臨乎於微閭。屯余車之萬乘兮。紛容與
 而並馳。駕八龍之蜿蜿兮。載雲旗之逶蛇。建雄虹之采旄兮。五色雜而炫
 耀。服偃蹇以低昂兮。驂連蜷以驕驚。騎馱葛以雜亂兮。班曼衍而方行。挽
 余轡而正策兮。吾將過乎句芒。歷太皓以右轉兮。前飛廉以啓路。陽杲杲
 其未光兮。凌天地以徑度。風伯為余先驅兮。氛埃辟而清涼。鳳皇翼其承
 旗兮。遇蓐收乎西皇。擊彗星以為旂兮。舉斗柄以為麾。叛陸離其上下兮。
 游驚霧之流波。時曖曖其曠莽兮。召玄武而奔屬。後文昌使掌行兮。選署
 衆神以並轂。路曼曼其修遠兮。徐弭節而高厲。左雨師使徑侍兮。右雷公
 以為衛。欲度世以忘歸兮。意恣睢以担擣。內欣欣而自美兮。聊嬉娛以淫

樂。涉青雲以汎濫兮。忽臨睨夫舊鄉。僕夫懷余心悲兮。邊馬顧而不行。思
舊故以想像兮。長太息而掩涕。汜容與而遐舉兮。聊抑志而自弭。指炎神
而直馳兮。吾將往乎南疑。覽方外之荒忽兮。沛澗瀆而自浮。祝融戒而蹕
御兮。騰告鸞鳥迎處妃。張咸池奏承雲兮。二女御九韶歌。使湘靈鼓瑟兮。
令海若舞馮夷。玄螭蟲象並出進兮。形繆虬而透蛇。雌蜺使娟以增撓兮。
鸞鳥軒翥而翔飛。音樂博衍無終極兮。焉乃逝以徘徊。舒并節以馳驚兮。
連絕垠乎寒門。軼迅風於清源兮。從顓頊乎增冰。歷玄冥以邪徑兮。乘間
維以反顧。召黔羸而見之兮。爲余先乎平路。經營四荒兮。周流六漠。上至
列缺兮。降望大壑。下崢嶸而無地兮。上寥廓而無天。視儵忽而無見兮。聽
恂怳而無聞。超無爲以至清兮。與泰初而爲鄰。

【註音】(招)音超(鄉)通向(汎濫)音航械(羸)通粗(滑)音骨(湯)音陽(琬琰)音宛剡(騰)音萬(霞)
通遐(大)同太(句)音鈞(齡)同旌(叛)音判(睢)許維切(担)通揭(澗瀆)音莽(蹕)音必

【釋義】①不寐貌。②往來不定貌。③指前聖。④指後聖。⑤猶低徊也。⑥悵悵也。⑦失意貌。⑧言心中恂怳有
所念而不能排解。⑨赤松子。相傳爲神農時仙人。⑩以上四句。謂古有真人具休德而登仙者。今則死去不可得
見。徒有名聲留於後世耳。⑪傳說殷相。相傳說死後。其精著於房尾。⑫辰星。房星。東方之宿。⑬齊人。採藥服之。遂
得爲仙。⑭得一。得純一之道。⑮高舉也。⑯謂電奔而鬼騰也。⑰郵一作尤。言其善過物也。⑱日也。⑲游散之意。
帝顓頊也。⑳程。法度也。謂安所取法也。㉑意未盡而復申。㉒黃帝號。㉓周靈王太子晉也。得道成仙。乘白鶴在山
顛。舉手謝時人去。㉔〔陵陽子明經〕春食朝霞。朝霞者。日始欲出。赤黃氣也。秋食淪陰。淪陰者。日沒以後。赤黃氣
也。冬飲沆瀣。沆瀣者。北方夜半氣也。夏食正陽。正陽者。南方日中氣也。並天地玄黃之氣。是爲六氣。㉕南風也。㉖
南方鳳鳥之巢。㉗古仙人王子喬也。㉘留也。㉙問也。㉚謂人能無滑亂其魂。則道將自然而在。㉛謂專已心也。

就也。①飛仙也。②晝夜常明之處。③日所出處也。④九陽。日也。湯谷上有扶木。九日居下枝。⑤並玉名。⑥美貌。⑦澤也。⑧謂形貌清癯。⑨靈魂。⑩天門也。⑪神名。或謂即守紫微宮之神也。⑫天也。⑬星名。⑭帝之所居。⑮天帝之庭也。⑯相傳為東方山名。產美玉。⑰與委移同。⑱衡下夾轅兩馬。⑲衡外挽鞞兩馬也。⑳長曲貌。㉑馬行縱恣也。㉒喧雜貌。㉓無極貌。㉔東方之神。㉕伏羲氏號。舊說是東方之帝。㉖風伯也。㉗將明之貌。謂日耀旭。㉘天欲明也。㉙直也。㉚西方。其帝少皞。其神蓐收。㉛北斗七星之五至七三星。㉜分散也。㉝暗也。㉞日無光也。㉟太陰神也。㊱六星。在北斗魁前。如匡形。天有三台。紫微。太微。文昌。㊲疾飛也。㊳自得貌。㊴軒舉也。㊵謂兩驂也。㊶南方丙丁。其帝炎帝。其神祝融。㊷即九疑山。㊸疾行貌。㊹水盛貌。㊺蹕。止行人也。御。禦也。謂南方之神。止我令北征也。㊻見離騷。㊼堯樂。㊽即雲門。黃帝樂。㊾堯二女。娥皇。女英。㊿侍也。①舜樂。〔書〕蕭韶九成。②湘水之神。③海神。④水神。河伯也。⑤象水之怪。虬罔象也。⑥盤曲貌。⑦神女。⑧輕麗貌。⑨纏也。⑩飛舉也。⑪謂縱舍轡銜以長驅直馳也。⑫遠也。⑬天之邊際。⑭北極之門。⑮從後出前也。⑯風發之處。⑰北方壬癸。其帝顓頊。其神玄冥。⑱〔孝經緯〕天有七衡而六間。相去合十一萬九千里。〔淮南子〕兩維之間。九十一度。王逸注云。攀持天絃以休息也。⑲〔二〇二〕天地造化神名。⑳〔二〇三〕謂六合也。㉑天際電照也。㉒海也。㉓深遠貌。謂馮高俛視。止見山岳崢嶸之狀也。㉔〔二〇六〕廣遠也。㉕〔二〇七〕指道。

〔諸家集評〕吳至父曰此篇殆後人仿大人賦託為之其文體格平緩不類屈子世乃謂相如襲此為之非也辭賦家展轉沿襲蓋始於子雲孟堅若太史公所錄相如數篇皆其所創為武帝讀大人賦飄飄有凌雲之意若屈子已有其詞則武帝聞之熟矣此篇多取老莊呂覽以為材而詞亦涉於離騷九章者屈子所見書博矣天問九歌所稱神怪雖闕識不能究知若夫神仙修鍊之說服丹度世之指起於燕齊方士而盛於漢武之代屈子何由預聞之雖莊子所載廣成告黃帝之言吾亦以為後人孱入也

屈原卜居

屈原既放。三年。不得復見。竭智盡忠。蔽鄣於讒。心煩意亂。不知所從。乃往見太卜。鄭詹尹。曰。余有所疑。願因先生決之。詹尹乃端策拂龜。曰。君將何。以教之。屈原曰。吾寧悃悃款款。朴以忠乎。將送往勞來。斯無窮乎。寧誅鋤。

草茅以力耕乎。將游大人以成名乎。寧正言不諱以危身乎。將從俗富貴以媮生乎。寧超然高舉以保真乎。將呶訾慄斯啞咿嚅唳以事婦人乎。寧廉潔正直以自清乎。將突梯滑稽如脂如韋以絜楹乎。寧昂昂若千里之駒乎。將汜汜若水中之鳧與波上下。儉以全吾軀乎。寧與騏驎亢軌乎。將隨駑馬之迹乎。寧與黃鵠比翼乎。將與雞鶩爭食乎。此孰吉孰凶。何去何從。世溷濁而不清。蟬翼為重。千鈞為輕。黃鐘毀棄。瓦釜雷鳴。讒人高張。賢士無名。吁嗟默默兮。誰知吾之廉貞。詹尹乃釋策而謝曰。夫尺有所短。寸有所長。物有所不足。智有所不明。數有所不逮。神有所不通。用君之心。行君之意。龜策誠不能知此事。

【註音】(媮)同儉(呶)音足(訾)音子(唳)音兒(滑)音骨(絜)音結(鶩)音木

【釋義】①謂遇諸佞也。②卜筮官之長。③工師姓名也。④著草所以筮。⑤龜甲也。⑥志純一也。⑦謂追隨俗人也。⑧不貧困也。⑨謂罷仕辭祿耕稼以終乎。⑩猶謁也。⑪指當世權要。⑫謂取爵祿也。⑬謂絕世獨立以保己之真性乎。⑭以言求媮。⑮謹貌。⑯強語笑貌。⑰謂王之寵妃。⑱酒器。轉注吐酒。終日不已。此喻隨俗圓轉也。⑲凝膏。⑳柔皮。㉑攀援之意。㉒志行高也。㉓野鴨。㉔無所卑屈曰亢。軌。車前橫木。亢軌。猶並駕也。㉕一名天鵝。似雁而大。㉖鴨也。㉗蟬翅也。薄而透明。㉘三十斤。謂是非不明也。㉙喻賢者放而不肖者用。用捨不得其當也。㉚謂居朝堂也。㉛諭賢者身窮困也。

【諸家集評】洪興祖曰卜居漁父皆假設問答以寄意耳而太史公屈原傳劉向新序嵇康高士傳或採楚辭莊子漁父之言以為實錄非也

屈原漁父

屈原既放。游於江潭。行吟澤畔。顏色憔悴。形容枯槁。漁父見而問之曰。子

非三閭大夫與。何故至於斯。屈原曰。世人皆濁。我獨清。衆人皆醉。我獨醒。是以見放。漁父曰。聖人不凝滯於物。而能與世推移。世人皆濁。何不溷其泥而揚其波。衆人皆醉。何不鋪其糟而歠其醪。何故深思高舉。自令放爲。屈原曰。吾聞之。新沐者必彈冠。新浴者必振衣。安能以身之察察。受物之汶汶者乎。寧赴湘流。葬於江魚之腹中。安能以皓皓之白。蒙世俗之塵埃乎。漁父莞爾而笑。鼓枻而去。乃歌曰。滄浪之水清兮。可以濯我纓。滄浪之水濁兮。可以濯我足。遂去。不復與言。

【註音】(鋪)音蒲(歠)音啜(醪)音離(莞)音皖(枻)音曳

【釋義】①遭斥逐也。②謂戲水側也。③官名。④謂衆貪鄙也。⑤衆人惑於財賄也。⑥謂隨俗方圓。⑦謂與之浮沈也。⑧食也。⑨酒滓。⑩飲也。⑪謂食其祿也。⑫拂土芥也。⑬去塵穢也。⑭潔白也。⑮玷辱也。⑯微笑貌。⑰即船舷也。⑱即漢水之下游。此句喻世之昭明也。⑲謂沐浴升朝。⑳喻世昏闇。㉑喻隱遁也。

宋玉九辯

(一一)

悲哉秋之為氣也。蕭瑟兮。草木搖落而變衰。僚慄兮。若在遠行。登山臨水兮。送將歸。沅寥兮。天高而氣清。宋寥兮。收潦而水清。潛悽兮。薄寒之中人。愴怳兮。去故而就新。坎壈兮。貧士失職而志不平。廓落兮。羈旅而無友生。惆悵兮。而私自憐。燕翩翩兮。蟬寂寞而無聲。雁嗚嗚兮。而南游兮。鷓鴣雞啁晰兮。而悲鳴。獨申旦兮。而不寐兮。哀蟋蟀之宵征。時豐豐而過中兮。蹇淹留而無成。

【註音】(沅)音血(宋)同寂(廖)音聊(慄)音慘(悽)音朗(壈)虛感切(嗚)於容切(豐)音尾
 【釋義】①秋風貌。②猶悽愴也。③曠蕩空虛也。④虛靜貌。⑤雨水。⑥悲痛貌。⑦皆失意貌。⑧不平也。⑨寂也。⑩飛貌。⑪雁鳴聲。⑫似鶴黃白色。⑬聲繁細貌。⑭至也。⑮進貌。⑯謂過一歲之半也。⑰語詞。

(一一)

悲憂窮蹙兮。獨處廓。有美一人兮。心不釋。去鄉離家兮。來遠客。超逍遙兮。今焉薄。專思君兮。不可化。君不知兮。可奈何。蓄怨兮。積思。心煩憺兮。忘食事。願一見兮。道余意。君之心兮。與余異。車駕兮。竭而歸。不得見兮。心悲。倚結軫兮。大息。涕潺湲兮。霑軾。慷慨絕兮。不得中。瞽亂兮。迷惑。私自憐兮。何

極。心怛怛兮諒直。

【註音】(懣)音淡(揭)音揭(輪)音零(督)音茂

【釋義】(一)解也。(二)止也。(三)愁悶也。謂思君念主忽不食也。(四)去也。(五)車闌也。車箱內三面以木一橫一直為方格。如窗櫺。謂伏車重輪而涕泣也。(六)水流貌。(七)輿前橫木。乘車者所憑。(八)亂也。(九)忠直貌。謂志行忠直無所告也。

(三二)

皇天平分四時兮。竊獨悲此凜秋。白露既下降百草兮。奄離披此梧楸去。白日之昭昭兮。襲長夜之悠悠。離芳藹之方壯兮。余委約而悲愁。秋既先戒以白露兮。冬又申之以嚴霜。收恢台之孟夏兮。然坎條而沈藏。葉菸萑而無色兮。枝煩拏而交橫。顏涇溢而將罷兮。柯髣髴而委黃。削櫛慘之可哀兮。形銷鑠而瘵傷。惟其紛糅而將落兮。恨其失時而無當。擘駢轡而下節兮。聊逍遙以相羊。歲忽忽而逾盡兮。恐余壽之弗將。悼余生之不時兮。逢此世之侘攘。澹容與而獨倚兮。蟋蟀鳴此西堂。心怵惕而震盪兮。何所憂之多方。仰明月而太息兮。步列星而極明。

【註音】(揪)音秋(條)音帶(菸)音於(罷)通疲(葡)音梢(慘)音森(糅)女救切(侘)音匡(怵)音黠

(印)同仰

【釋義】(一)寒也。(二)忽也。(三)分散貌。(四)梧桐。(五)落葉喬木。葉似桐。亦早凋。(六)繁茂也。(七)窮也。(八)謂身體疲病而

憂窮也。(九)廣大貌。(十)坎陷也。條止也。(十一)傷壞也。(十二)牽引也。(十三)謂形貌羸瘦無潤澤也。(十四)枝也。(十五)木枝竦起。(十六)樹長貌。(十七)瘵病也。謂身體憔悴。被病久也。(十八)雜也。(十九)謂不值聖主而年老也。(二十)驂馬也。一轅四馬。旁兩馬曰駢。(二十一)按節緩行。(二十二)迫也。(二十三)謂懼我性命之不長也。(二十四)惶遽貌。謂卒遇讒而遽惶也。(二十五)閒適貌。(二十六)恐也。(二十七)言仰觀列星不能臥

寢乃至明也。

(四)

竊悲夫蕙華之會敷兮。紛旖旎乎都房。何會華之無實兮。從風雨而飛颺。五*
以爲君獨服此蕙兮。嗟無以異於衆芳。閔奇思之不通兮。將去君而高翔。
心閔憐之慘悽兮。願一見而有明。重無怨而生離兮。中結軫而增傷。豈不
鬱陶而思君兮。君之門以九重。猛犬狺狺而迎吠兮。關梁閉而不通。皇天
淫盜而秋霖兮。后土何時而得乾。塊獨守此無澤兮。仰浮雲而永歎。

【註音】(旖)音倚(旎)音你(颺)音揚(狺)音銀(濼)同乾

【釋義】①會。重也。敷。布也。蕙草芬芳。以興在位之賢臣也。②盛貌。③都房。猶都堂。謂被服盛飾於宮殿也。④
外貌若忠而心佞也。⑤謂隨君所欲而回傾也。⑥乃與佞臣同情也。⑦傷念也。⑧謂傷己之忠策無由入也。⑨謂
身無罪而遭放逐。⑩謂衷心悲痛肝膽欲裂也。⑪指關門。遠郊門。近郊門。城門。皋門。庫門。雉門。應門。路門也。謂門
闔扇閉道路塞也。⑫犬爭吠聲。⑬喻讒佞謹呼而在側也。⑭用二三日以上爲霖。過霖爲淫。⑮孑然獨立也。⑯謂不
蒙恩施獨枯槁也。

(五)

何時俗之工巧兮。背繩墨而改錯。卻騏驥而不乘兮。策駑駘而取路。當世
豈無騏驥兮。誠莫之能善御。見執轡者非其人兮。故駟跳而遠去。鳧雁皆
唼夫梁藻兮。鳳愈飄翔而高舉。圓鑿而方枘兮。吾固知其鉏鋸而難入。衆
鳥皆有所登棲兮。鳳獨遑遑而無所集。願銜枚而無言兮。嘗被君之渥洽。
太公九十乃顯榮兮。誠未遇其匹合。謂騏驥兮安歸。謂鳳皇兮安棲。變古

易俗今世衰今之相者今舉肥騏驎伏匿而不見今鳳皇高飛而不下鳥獸猶知懷德今何云賢士之不處騏驎不驟進而求服今鳳亦不貪餒而妄食君棄遠而不察今雖願忠其焉得欲寂寞而絕端今竊不敢忘初之厚德獨悲愁其傷人今馮鬱鬱其何極

〔註音〕(騏)音局(唳)音市(枘)音芮(餒)音委(馮)同憑

〔釋義〕①謂世人造詐偽也。②謂違廢聖典背仁義也。③指斥逐子胥與比干也。④言任豎刀與椒蘭也。⑤家有稷契與管晏也。⑥謂遭桀紂之昏亂也。⑦馬立不常謂之騏。⑧鳥食貌。⑨梁米也。藻水草也。此句謂羣小在位食重祿也。⑩言鑿圓穴而斫方木納之必參差不相入也。⑪鉏鋸不相入之貌。⑫不得所貌。⑬如孔子栖栖而困厄也。⑭枚狀如箸橫銜之所以止言者也。⑮厚澤。⑯呂尚耆老然後貴也。⑰謂以賢為愚時闇惑也。⑱謂不量才能視顏色也。⑲駕車也。⑳銅也。㉑介推割股而自放也。㉒申生至孝而被謗也。㉓滅絕端序不使人聞。㉔滿盛貌。

(六)

霜露慘悽而交下今心尙委其弗濟霰雪雰糅其增加今乃知遭命之將至願微幸而有待今汨莽莽與墜草同死願自直而徑往今路壅絕而不通欲循道而平驅今又未知其所從然中路而迷惑今自厭按而學誦性愚陋以褊淺今信未達乎從容竊美申包胥之氣晟今恐時世之不同何時俗之工巧今滅規槩而改鑿獨耿介而不隨今願慕先聖之遺教處濁世而顯榮今非余心之所樂與其無義而有名今寧窮處而守高食不媮而為飽今衣不苟而為溫竊慕詩人之遺風今願託志乎素餐蹇充倔而

無端兮。汨莽莽而無垠。無衣裘以御冬兮。恐溘死而不得見乎陽春。

【註音】(秀)同幸(零)音分(汨)音骨(壘)同野(厭)同壓(晟)同威(鑿)讀造(媮)他鉤切(溘)音楷

【釋義】(一)亂也。(二)草盛貌。(三)謂欲壓抑其憂而誦讀也。(四)急也。狹也。(五)楚大夫。伍員將適吳。謂之曰。我必亡

郢。申包胥曰。子能亡之。我能存之。及吳師入郢。昭王出奔。包胥如秦乞師。悲啼絕食。卒退吳師。安楚國。(六)猶言更造。巧也。(七)無功食祿之謂也。【詩伐檀】彼君子兮。不素餐兮。謂慕古人不素餐之遺風。不願無功食祿也。(八)充偏。失節也。言無因得富貴。下句言幽處空曠之地也。(九)忽也。

(七)

觀杪秋之遙夜兮。心繚悞而有哀。春秋連連而日高兮。然惆悵而自悲。四時遞來而卒歲兮。陰陽不可與儷偕。白日晼晚其將入兮。明月銷鑠而滅毀。歲忽忽而適盡兮。老冉冉而愈弛。心搖悅而日彗兮。然悒悒而無冀。中慙惻之悽愴兮。長太息而增欷。年洋洋以日往兮。老嶮廓而無處。事亶亶而覬進兮。蹇淹留而躊躇。

【註音】(觀)同靜(悞)音利(連)音綽(悒)音超(嶮)音聊(覬)音冀

【釋義】(一)末也。(二)悲結也。(三)遠貌。(四)此句謂寒暑往來。不能追逐也。(五)將晚也。(六)迫也。(七)此句謂僥倖而有餘望。(八)空也。(九)見上。

(八)

何汨濫之浮雲兮。森靡蔽此明月。忠昭昭而願見兮。然露晷而莫達。願皓日之顯行兮。雲蒙蒙而蔽之。竊不自料而願忠兮。或黜黜而汙之。堯舜之抗行兮。瞭冥冥而薄天。何險巇之嫉妒兮。被以不慈之僞名。彼日月之照明兮。尚黯黮而有瑕。何況一國之事兮。亦多端而膠加。被荷裯之晏晏兮。

然潢洋而不可帶一〇。既驕美而伐武兮。負左右之耿介。憎慍愉十一之修美兮。好夫人之慷慨。衆踳蹀十二而日進兮。美超遠而逾邁。農夫輟耕而容與十三兮。恐田野之蕪穢。事縣縣而多私兮。竊悼後之危敗。世雷同十四而炫曜兮。何毀譽之味味。今修飾而窺鏡兮。後尚可以竄藏。願寄言夫流星十五兮。羌儵忽而難當。卒靡蔽此浮雲兮。下暗漠而無光。

〔註音〕(森)音標(霽)音陰(黠)徒感切(被)音披(禡)音刀(倫)論去聲

〔釋義〕①速貌。②雲覆日也。③陰而風也。④黠垢也。點汗也。⑤瞭明也。薄附也。謂堯之高行。足以配天。⑥險也。⑦指堯之不立丹朱。⑧陰貌。⑨戾也。⑩禡汗衣。言以荷葉為衣。雖美好而如水之浩蕩。不可帶也。喻懷王必敗。曼曼柔也。潢洋水深廣貌。⑪踳蹀競進也。⑫言賦之重也。⑬雷之發聲。物無不同時應者。⑭指當事人。

(九)

堯舜皆有所舉任兮。故高枕而自適。諒無怨於天下兮。心焉取此怵惕一。棄騏驥之瀏瀏二兮。馭安用夫彊策。諒城郭之不足恃兮。雖重介三之何益。擅翼四翼而無終兮。屯悒悒五而愁約六。生天地之若過七兮。功不成而無效。願沈滯而不見兮。尚欲布名乎天下。然潢洋而不遇兮。直恟恟八而自苦。莽洋洋而無極兮。忽翔翔之焉薄。國有驥而不知棄兮。焉皇皇而更索。寧戚謳於車下兮。桓公聞而知之。無伯樂之善相兮。今誰使乎譽之。罔流涕以聊慮兮。惟著意而得之九。紛怵怵十之願忠兮。妒被離而鄣之。願賜不肖之軀而別離兮。放游志乎雲中。棄精氣之搏搏兮。驚諸神之湛湛十一。驂白霓之習習十二兮。歷羣

靈之豐豐左朱雀之芟芟兮。右蒼龍之躍躍屬雷師之闐闐兮。道飛廉之
銜銜前輕鯨之鏘鏘兮。後輜櫜之從從載雲旗之委蛇兮。扈屯騎之容容
計專專之不可化兮。願遂推而為臧賴皇天之厚德兮。還及君之無恙。

【註音】(藥)同乘(測)音流(恠)徒孫切(恠)音寇(恠)音茂(恠)同諄(芟)音佈(躍)音幼(闐)音田(銜)音魚

【釋義】一驚懼也。(孟子)皆有怵惕惻隱之心。二風疾貌。三甲也。四行不進也。五恭敬也。六憂也。七悶也。八窮也。九日月之易過也。十水深廣貌。十一愚貌。十二謂不必悲慮。惟自求知於寸心。十三誨人不倦之意。十四感也。十五飛動貌。十六列宿也。十七多也。十八星宿名。十九飛也。二十東方宿名。二十一行貌。二十二鼓聲。二十三風伯。二十四行貌。二十五載重之車。二十六後從也。二十七感貌。二十八此二句言我心之不可化。欲推行而為善。二十九望君之無恙而用我也。三十諸家集評。孫月峯曰首章攢簇景物句句警策一層通一層音調最悲切骨氣最遒緊以下諸篇莫能及也。

陳眉公曰舉物態而覺哀怨之傷人。敘人物而見蕭條之感。候梗槩既具。情色斯章。足令循聲者知寃感懷者興悼。

吳至父曰楚辭釋文本離騷第一九辯第二王逸註九章云皆解於九辯中。知仲師目次與釋文略同。是舊本。次此篇於離騷之後。九章之前。吾疑固屈子之文。嘗以語張廉卿。廉卿頗然。吾說九辯九歌。兩見離騷。天問皆取古樂章為題。明是一人之作。又曰曹子建陳審舉表引屈平曰。國有驥云云。洪補註亦載此語。則子建固以九辯為屈子作。不用王氏宋玉閔師之說。又曰詞為宋玉作。則固宋玉之自悲。乃又以為閔屈其說。進退失據。宜用曹子建說。定為屈子之詞。

宋玉招魂

朕幼清以廉潔兮。身服義而未沫。主此盛德兮。牽於俗而蕪穢。上無所考。此盛德兮。長離殃而愁苦。帝告巫陽曰。有人在下。我欲輔之。魂魄離散。汝

筮予之^八。巫陽對曰。掌夢^九。上帝其命難從^{一〇}。若必筮予之。恐後謝之不能復用^{一一}。
 巫陽焉。乃下招曰。魂兮歸來。去君之恆幹^{一二}。何為乎四方^{一三}。些。舍君之樂處。而
 離彼不祥^{一四}。些。魂兮歸來。東方不可以託^{一五}。些。長人千仞。惟魂是索^{一六}。些。十日代
 出。流金鑠石^{一七}。些。彼皆習之。魂往必釋^{一八}。些。歸來歸來。不可以託^{一九}。些。魂兮歸來。
 南方不可以止^{二〇}。些。雕題黑齒。得人肉以祀。以其骨為醢^{二一}。些。蝮蛇蓁蓁。封狐
 千里^{二二}。些。雄虺九首。往來儵忽。吞人以益其心^{二三}。些。歸來歸來。不可久淫^{二四}。些。魂
 兮歸來。西方之害。流沙千里^{二五}。些。旋入雷淵。靡散而不可止^{二六}。些。幸而得脫。其
 外曠宇^{二七}。些。赤蟻若象。玄蠹若壺^{二八}。些。五穀不生。叢菅是食^{二九}。些。其土爛人求水
 無所得^{三〇}。些。彷徨無所倚。廣大無所極^{三一}。些。歸來歸來。恐自遺賊^{三二}。些。魂兮歸來。
 北方不可以止^{三三}。些。增冰峨峨。飛雪千里^{三四}。些。歸來歸來。不可以久^{三五}。些。魂兮歸
 來。君無上天^{三六}。些。虎豹九關。啄害下人^{三七}。些。一夫九首。拔木九千^{三八}。些。豺狼從目
 往來^{三九}。些。旻旻^{四〇}。些。懸人以嬉。投之深淵^{四一}。些。致命於帝。然後得暝^{四二}。些。歸來歸來。往
 恐危身^{四三}。些。魂兮歸來。君無下此幽都^{四四}。些。土伯九約。其角鬻鬻^{四五}。些。敦脈血拇
 逐人^{四六}。些。魍魎^{四七}。些。參目虎首。其身若牛^{四八}。些。此皆甘人。歸來歸來。恐自遺災^{四九}。些。魂
 兮歸來。入修門^{五〇}。些。工祝招君。背行先些^{五一}。些。秦篝齊縷。鄭緜絡些^{五二}。些。招具該備。永
 嘯呼些^{五三}。魂兮歸來。反故居些^{五四}。些。天地四方。多賊茲些^{五五}。些。像設君室。靜聞安些^{五六}。些。高
 堂邃宇。檻層軒些^{五七}。些。層臺累榭。臨高山些^{五八}。些。網戶朱綴。刻方連些^{五九}。些。冬有突夏夏

室寒此_{六四}。三川谷徑復流潺湲此_{六五}。光風轉蕙_{六六}。汎崇蘭此_{六七}。經堂入奧_{六八}。朱塵筵此_{六九}。砥室翠翹_{七〇}。絳曲瓊此_{七一}。翡翠珠被爛齊光此_{七二}。弱阿拂壁羅_{七三}。憐張此_{七四}。纂組綺縞_{七五}。結琦璜此_{七六}。室中之觀多珍怪此_{七七}。蘭膏明燭華容備此_{七八}。二八侍宿射遞代此_{七九}。九侯淑女多迅衆此_{八〇}。盛鬢不同制實滿宮此_{八一}。容態好比順彌代此_{八二}。弱顏固植_{八三}。審其有意此_{八四}。姱容修態_{八五}。姁洞房此_{八六}。蛾眉曼睩目騰光此_{八七}。靡顏膩理遺視_{八八}。臨此_{八九}。離榭修幕侍君之間此_{九〇}。翡翠儔飾高堂此_{九一}。紅壁沙版玄玉梁此_{九二}。仰觀刻桷畫龍蛇此_{九三}。坐堂伏檻臨曲池此_{九四}。芙蓉始發雜芰荷此_{九五}。紫莖屏風文緣波此_{九六}。文異豹飾侍陂陀此_{九七}。軒輶既低步騎羅此_{九八}。蘭薄戶樹瓊木籬此_{九九}。魂令歸來何遠爲此_{一〇〇}。室家遂宗食多方此_{一〇一}。稻粢穠麥挈黃梁此_{一〇二}。大苦鹹酸辛甘行此_{一〇三}。肥牛之臠臠若芳此_{一〇四}。和酸若苦陳吳羹此_{一〇五}。濡鼈炮羔有柘漿此_{一〇六}。鵝酸_{一〇七}。鴈鳧煎鴻鶩此_{一〇八}。露雞臠蠃屬而不爽此_{一〇九}。秬粳蜜餌有餒饉此_{一一〇}。瑤漿蜜勻實羽觴此_{一一一}。挫糟凍飲耐清涼此_{一一二}。華酌既陳有瓊漿此_{一一三}。歸來反故室敬而無妨此_{一一四}。些肴羞未通女樂羅此_{一一五}。陳鐘按鼓造新歌此_{一一六}。涉江採菱發揚荷此_{一一七}。美人既醉朱顏酡此_{一一八}。嫉光眇視日會波此_{一一九}。被文服纖麗而不奇此_{一二〇}。長髮曼鬢豔陸離此_{一二一}。二八齊容起鄭舞此_{一二二}。衽若交竿撫案下此_{一二三}。竽瑟狂會擯鳴鼓此_{一二四}。宮庭震驚發激楚此_{一二五}。吳歛蔡謳奏大呂此_{一二六}。士女雜坐亂而不分此_{一二七}。放陳組纓班其相紛此_{一二八}。鄭衛妖玩來雜陳此_{一二九}。激楚之結獨秀先此_{一三〇}。菝籥象棊有六簿此_{一三一}。

分曹並進。迨相迫些。成梟而牟呼五白些。晉制犀比費白日些。鏗鐘搖虞

楔梓瑟些。娛酒不廢。沈日夜些。蘭膏明燭。華鎧錯些。結撰至思。蘭芳假些。

人有所極。同心賦些。耐飲盡歡。樂先故些。魂兮歸來。反故居些。亂曰。獻歲

發春兮。汨吾南征。菘蘋齊葉兮。白芷生。路貫廬江兮。左長薄。倚沼畦瀛兮。

遙望博青驪。結駟兮齊千乘。懸火延起兮。玄顏烝。步及驟處兮。誘騁先抑。

驚若通兮。引車右還。與王趨夢兮。課後先。君王親發兮。憚青兕。朱明承夜

兮。時不可淹。皋蘭被徑兮。斯路漸湛。湛江水兮。上有楓。日極千里兮。傷春

心魂兮。歸來哀江南。

【註音】(應)音糜(替)音茲(侏)音莘(鬻)音疑(脈)音梅(拇)音某(駮)音丕(突)一叫切(幃)音儔

(射)音亦(鬻)音煎(組)同互(瞭)音祿(囑)音綿(穉)音提(攀)女加切(隄)基焉切(鵬)音而(羹)讀郎

(炮)音庖(騰)子亮切(蠟)音攜(耐)音胃(醜)音駝(媵)同嬉(飲)音俞(箴)音庇

【釋義】一招魂。王逸謂宋玉作。太史公贊。我讀招魂。悲其志。當以屈原作爲是。二不受曰廉。不汙曰潔。

已也。謂少小脩清潔之行。身服仁義。未會有懈已之時也。三牽引也。言已常以道德爲主。以忠事君爲俗人所推

引。德能蕪穢無所周也。四天帝也。五巫其職。陽其名也。六人指懷王。七使其筮問。求索其魂。得而與之。八掌夢巫

陽自述其職守。九言天帝難從。掌夢之官。欲使巫陽招之也。十謝去也。言若必筮問魂之所在。而復與之。恐後世

怠惰。必去卜筮。而巫陽一職。自此廢矣。十一常體也。十二語詞。十三言東方之人無義。不可以託寄身也。十四東方有長人

國。其高千仞。主求人魂而食之。十五東方十日。以次更行。其熱酷烈。金石堅剛。皆爲銷釋。十六言彼十日之處。人習之。不以爲熱。魂至必消釋也。十七言南方之俗。其人無信。不可久留也。十八題額也。雕刻其額。十九警也。二十大蛇也。二十一聚貌。

二十二大狐。其長千里。二十三蛇類。一身九首。二十四謂雄虺常喜吞人魂魄。以益其賊害之心也。二十五游也。二十六沙漠不毛之地。二十七室也。二十八言欲涉流沙。則回入雷公之室。運轉而行。身雖靡碎。尚不可得休止也。二十九猶曠野。無人之土也。三十言曠野之中。有赤蠶。其大如象。又有大飛蜂。腹大如壺。皆有毒蠱。能殺人。三十一葉細長而尖。秋開青白花。殼有長芒。實尖而

黑。根短硬如細竹。①極言其土之熱。②遊行貌。③害也。④積也。⑤高貌。⑥天門九重。使虎豹執其開閉。啄天下欲上之人而殺之。⑦言其大力。⑧豎目。⑨行聲也。⑩豺狼以人為戲。食之不盡。棄諸水。⑪言投人已訖。上致命於天帝。然後乃得眠臥也。⑫地下幽冥。故曰幽都。⑬言地有土伯執衛門戶。其身九屈。有利角觸害人也。⑭敦厚也。⑮脊側之肉。⑯拇。手指。⑰走貌。⑱言土伯之頭。其貌如虎。而有三目。身又肥大。狀如牛。⑲食人以為甘美。⑳郢城門也。㉑工祝。工巧也。男巫曰祝。言撰擇。名工巧辯之巫。使招呼君。㉒言為魂作衣。使秦人織熏籠。齊人作綵縷。鄭國之工聯絡之。㉓言招魂之具。靡不畢備。故長呼大嘯以招君也。夫嘯者陰也。呼者陽也。陰主魂。陽主魄。故必嘯呼以感之也。㉔縱曰檻。橫曰楯。㉕重也。㉖橫板。㉗無木謂之臺。有木謂之榭。㉘木門刻為方目。如羅網象。㉙朱丹也。綴。綠也。㉚橫木關柱為連。㉛複室。㉜大屋。㉝往反也。㉞雨止日出而風。草木有光色也。㉟搖也。㊱搖動貌。㊲室西南隅。㊳塵。承塵也。以朱畫之。言升殿過堂。入房至奧處。上則有朱畫承塵。下則筵簟好席。可以休息也。㊴以砥石為室。砥。礪石之細者。㊵翠鳥之羽為飾。㊶懸也。㊷玉鈎也。㊸寶石名。色鮮綠。㊹同也。㊺弱。蒲席。阿。曲隅。謂以弱席補壁之曲。㊻帳也。㊼綬類也。㊽綺。綾屬。以素絲織文。縞。白色生絹。㊾玉也。謂以玉飾帳。㊿蘭香所煉膏。①美人。②二列。每列八人。③厭也。更也。言使好女十六。待君晏宿。意有厭倦。則使更相代也。④九服諸侯。⑤女鬢垂貌。⑥法也。⑦言九侯之女。工巧妍雅。裝飾兩結。垂鬢下髮。形貌詭異。不與眾同。皆來充實後宮也。⑧親密也。⑨久也。⑩此二句謂顏弱守固。而能直言。并有禮意。⑪竟也。言滿於洞房。⑫曼。輕視也。⑬睒。視貌。⑭騰。馳也。言美女之貌。娥眉玉貌。好目曼澤。時睒睒然視。精光騰馳。驚感人也。⑮緻也。⑯滑也。⑰竊視。⑱目有遠光。⑲丹沙飾版。⑳黑玉之梁。㉑一方椽。㉒芙蓉。蓮花也。㉓一名鳧葵。生水中。㉔風起水動。綠葉生文。㉕從人皆衣虎豹之文。異采之飾。㉖長陞。㉗皆輕車名也。㉘徒行為步。乘馬為騎。言步騎士眾。羅列而陳也。㉙夾戶種叢蘭。木叢生曰薄。㉚瓊。美也。栽美木以為籬。㉛眾也。㉜高粱。㉝黍之不黏者。㉞綠雜也。㉟梁中之香美者。㊱大苦豉也。㊲辛。椒薑也。甘。蜜也。言取豉汁調和以醢酸。薑蜜。則辛甘之味皆發而行也。㊳筋頭也。㊴熟爛也。㊵吳人工作羹也。㊶煮也。㊷裹物燒。㊸柘。蔗也。㊹以酸酢烹鷓為羹。㊺騰。少汁醃也。㊻鳧野鴨。㊼露。栖雞也。㊽有菜曰羹。無菜曰臠。㊾龜屬。似玳瑁而有文。㊿烈也。㊱敗也。㊲米麵煎熬。以蜜和之。㊳錫。糖也。㊴沾也。㊵羽觴。酒器。㊶捉也。㊷冷也。㊸醇酒。㊹酒器。㊺言酒尊在前。華酌陳列。復有玉漿。恣意所用者也。㊻謂子孫恭敬。長無妨害也。㊼言肴膳已具。進舉在前。賓主之禮。慇懃未通也。㊽二者皆楚歌名。㊾顏微紅。㊿嬉笑之象。㊱眺也。㊲目如水波。㊳文。綺繡。織羅縠。㊴奇也。㊵澤也。㊶衽。衣襟。舞者便旋。衣襟掉搖。回轉相拘。狀如交竹竿。㊷手撫其節而徐行。㊸擊也。㊹曲名。㊺

五吳蔡國名。飲。謳。歌也。(二五)律名也。(二五)言醉飽酣樂。合尊促席。男女雜坐。比肩齊膝。恣意調戲。亂而不分別也。
 (二五)好女。(二五)舞也。(二六)言鄭衛妖女。工於服飾。能感楚人。故秀異獨前而先進也。(二六)葛玉也。箴。博箸。(二六)投
 六箸行六棊。故為六博也。(二六)急也。(二六)博采名。么為梟。(二六)倍勝為牟。(二六)言已棊已梟。當成牟勝。故呼五白
 以助投者也。(二六)晉國集犀角製之。(二六)撞也。(二六)擊也。(二六)梓木為瑟。(二六)精心思賢。而賢自
 至。假。至也。(二六)此二句言賢人盡至。同心相聚。極盡也。賦。聚也。(二六)故舊。(二六)見離騷。(二六)長薄。皆地名也。(二六)
 池也。(二六)猶區也。(二六)楚人名澤中曰瀛。(二六)平也。言循江而行。遂入池澤。其中區瀛遠望平博而無人也。(二六)
 此二句言與王夜獵。燈挂林中。火延燒處。天變黑色。(二六)驟。走也。處。止也。誘。導也。言獵時有步行者。有乘馬走驟
 者。有處止者。分以圍獸。已獨馳騁。為君先導也。(二六)言止馳騁者。使路順通。車得右還也。若。順也。(二六)楚人謂澤
 中為夢。與王共趨澤中。而課第羣臣先至後至也。(二六)獸名。犀之雌者。(二六)日也。(二六)澤也。(二六)覆也。(二六)沒也。
 (二九)水貌。(二九)言湖澤博平。春時草短。望見千里。令人愁思而傷心也。

【諸家集評】劉須溪曰華妙奇鬱此紹錦耳非素手續紋可就

張廉卿曰招魂招懷王也屈子蓋深痛懷王之客死而頃襄宴安淫樂置君父仇恥於不問其詞至為深痛

吳至父曰招魂屈子作也有人在下謂懷王也魂魄離散蓋入秦不返驚懼憂鬱而致然也屈子不能復見君
 身而為文以招既失之魂以寄其哀思是時懷王未死也故曰有人在下又曰太史公云讀離騷天問招魂哀郢
 是招魂為屈子作甚明其旨則哀懷王之入秦不返感稱故居之樂以深痛在秦之愁苦也劉勰辨騷摘士女雜
 坐娛酒不廢等句以為屈子異乎經典之據則固不謂此篇為宋玉作矣誤雖始於王逸沿之者昭明也後則無
 復異詞矣又曰懷王為秦所虜魂亡魄失屈子戀君而招之感言歸來之樂以深痛其在秦之愁苦古今解者並
 失之或云諷頃襄荒淫亦非本情

宋玉風賦

楚襄王游於蘭臺之宮。宋玉景差侍。有風颯然而至。王乃披襟而當之。曰。
 快哉此風。寡人所與庶人共者邪。宋玉對曰。此獨大王之風耳。庶人安得
 而共之。王曰。夫風者。天地之氣。溥暢而至。不擇貴賤高下而加焉。今子獨

定者曰迴穴。此即風不定貌。①雜錯交注也。②動也。③擊也。④四散之貌。⑤拒門也。⑥鮮明貌。⑦觸也。⑧歷也。⑨香草也。⑩杜蘅也。⑪平斗斛之木。此作平義。⑫即辛夷。一名留夷。⑬楊落葉喬木。萼者萌芽也。⑭猶徘徊也。⑮寒也。⑯解也。⑰酒病。⑱風起之貌也。⑲風動塵也。⑳風迴旋之貌。㉑起也。㉒言風之來。既起溷濁之處。又舉揚腐臭之餘。㉓惡亂也。㉔憂勞也。㉕唇瘍也。㉖目皆赤也。㉗中風人口動之貌。㉘言死而未即死。言生而又有疾也。故云。不卒。

〔諸家集評〕張皋文曰襄王淫樂不振故以此諷之

梅伯言曰居深宮之中有池沼之觀花木之娛玉堂羅帷之適豈知庶民之所居者乃窮巷甕牖沙塚之中穢濁腐餘之側乎莊言之殊索然無味借風之所經歷言之而君民苦樂之懸絕自見是為神妙而不可測也

宋玉高唐賦

昔者楚襄王與宋玉游於雲夢之臺。望高唐之觀。其上獨有雲氣。崒^三今直上。忽兮改容。須臾之間。變化無窮。王問玉曰。此何氣也。玉對曰。所謂朝雲者也。王曰。何謂朝雲。玉曰。昔者先王嘗游高唐。怠而晝寢。夢見一婦人曰。妾巫山之女也。為高唐之客。聞君游高唐。願薦枕席。王因幸之。去而辭曰。妾在巫山之陽。高邱^六之阻。旦為朝雲。暮為行雨。朝朝暮暮。陽臺^九之下。旦朝視之。如言。故為立觀。號曰朝雲。王曰。朝雲始出。狀若何也。玉對曰。其始出也。鬒^{*一}今若松栢^{一*}其少進也。晰^二今若姣姬。揚袂^三鄣日。而望所思。忽兮改容。偈^{*二}今若駕駟馬。建羽旗。湫^{一五}今如風。淒^{一六}今如雨。風止雨霽。雲無處所。王曰。寡人方今可以游乎。玉曰。可。王曰。其何如矣。玉曰。高矣顯矣。臨望遠矣。廣矣普矣。萬物祖矣。上屬於天。下見於淵。珍怪奇偉。不可稱論。王曰。試為寡人賦

之。玉曰。唯唯。惟高唐之大體兮。殊無物類之可儀比。巫山赫其無疇兮。道
互折而會累。登巉巖而下望兮。臨大坻之稽水。遇天雨之新霽兮。觀百谷
之俱集。漚洶洶其無聲兮。漬澹澹而並入。滂洋洋而四施兮。蒼漘漘而弗
止。長風至而波起兮。若麗山之孤畝。勢薄岸而相擊兮。隘交引而卻會。崒
中怒而特高兮。若浮海而望碣石。礫礫礫而相摩兮。嶮震天之礚礚。巨石
崩溺之澆澆兮。沫潼潼而高厲。水澹澹而盤紆兮。洪波淫淫之溶溶。瀆奔揚
踊而相擊兮。雲興聲之霈霈。猛獸驚而跳駭兮。妄奔走而馳邁。虎豹豺兕
失氣恐喙。鵬鸚鷹鷁飛揚伏竄。股戰脅息。安敢妄挾。於是水蟲盡暴。乘渚
之陽。鼉鼉鱣鮪交積縱橫。振鱗奮翼。蜷蜷蜿蜿。中阪遙望。玄木冬榮。煌煌
熒熒。奪人目精。爛兮若列星。會不可殫形。榛林鬱盛。葩華覆蓋。雙椅垂房。
糾枝還會。徙靡澹淡。隨波闔藹。東西施翼。猗狔豐沛。綠葉紫裹。朱莖白滸。
纖條悲鳴。聲似竽籟。清濁相和。五變四會。感心動耳。迴腸傷氣。孤子寡婦。
寒心酸鼻。長吏隳官。賢士失志。愁思無已。歎息垂淚。登高遠望。使人心瘁。
盤岸巘岼。振陳磴磴。盤石險峻。傾崎崕。隕巖嶇。參差縱橫。相追陬互。橫牾
背穴。偃蹠交加。累積重疊。增益狀似砥柱。在巫山下。仰視山巔。肅何芊芊。
炫耀虹蜺。俯視晴嶸。峩寥窈冥。不見其底。虛聞松聲。傾岸洋洋。立而熊經。
久而不去。足盡汗出。悠悠忽忽。怛悵自失。使人心動。無故自恐。賁育之斷。

不能為勇卒愕異物。不知所出。縱縱莘莘若生於鬼。若出於神。狀似走獸。

或象飛禽。譎詭奇偉。不可究陳。上至觀側。地蓋底平。箕踵漫衍。芳草羅生。

秋蘭茝蕙。江蘼載菁。青荃射干。揭車苞并。薄草靡靡。聯延夭夭。越香掩掩。

衆雀嗷嗷。雌雄相失。哀鳴相號。王雎鷓鴣。黃正冥楚。鳩姊歸。思婦垂雞。高巢。

其鳴啾啾。當羊遨遊。更唱迭和。赴曲隨流。有方之士。羨門高谿。上成鬱林。

公樂聚穀。進純犧。禱璇室。醮諸神。禮太一。傳祝已具。言辭已畢。王乃乘玉

輿。駟蒼螭。垂旒旌。旆合諧。紉大絃而雅聲流。冽風過而增悲哀。於是調謳。

令人憊悒。瘖瘖。脅息增欷。於是乃縱獵者。基址如星。傳言羽獵。銜枚無聲。

弓弩不發。罟罟不傾。涉漭漭。馳莘莘。飛鳥未及起。走獸未及發。弭節奄忽。

蹄足灑血。舉功先得。獲車已實。王將欲往。見之。必先齋戒。差時擇日。簡輿。

玄服。健雲旆。蜺為旌。翠為蓋。風起雨止。千里而逝。蓋發蒙往。自會思萬方。

憂國害。開賢聖。輔不逮。九竅通鬱精神察。延年益壽千萬歲。

〔註音〕(嚙)音險(櫛)音時(傷)音傑(會)同增(稽)同畜(蒼)翁上聲(磔)音歷(礫)通磊(澗)音

從(瀉)音曳(阪)音反(帶)音帝(張)音軫(隕)同類(梧)同忤(嶮)音橫(愕)同譌(莖)音齒(螭)音答(紉)

音抽(悒)音利(罟)音浮(罟)同罕

〔釋義〕(一)澤名。今湖北華容以北。安陸以南。枝江以東。即是。(二)高唐觀在雲夢中。(三)高也。(四)襄陽耆舊傳。赤帝女曰瑤姬。未行而卒。葬于巫山之陽。故曰巫山之女。(五)山南曰陽。(六)土高曰丘。(七)險也。(八)朝雲行雨。神女之美也。(九)山名。在湖北漢川縣南。(十)茂貌。(十一)直豎貌。(十二)光明也。(十三)揚袂舉袖也。(十四)疾驅貌。(十五)涼貌。(十六)雨止。(十七)唯唯。恭而諾也。(十八)匹也。(十九)謂道路交互曲折會重也。(二十)山之高處。(二十一)說文。秦陵阪曰陔。(二十二)水暴至聲。(二十三)水相交過也。(二十四)安流平滿貌。(二十五)沛也。(二十六)流動充滿之貌。(二十七)聚貌。(二十八)湛湛。深貌。(二十九)附也。(三十)言風吹水勢。浪文如孤壘之附山。(三十一)水口

狹處。①海畔山也。②小石。③石衆多貌。④石相摩聲。⑤石聲。⑥沒也。⑦石在水中出沒之貌。⑧水泡。⑨高貌。⑩起也。⑪水搖動貌。⑫回也。⑬去遠貌。⑭猶蕩動也。⑮跳也。⑯言水之奔揚踊起而相擊其狀若雲。又與聲霽霽然。⑰似野牛而色青。⑱生胡地。似鷹而大。⑲鵬類。善捕魚。⑳似鷹而小。㉑猶股慄也。㉒縮氣也。㉓似鼈而大。俗稱癩頭龜。㉔似鱷。長二丈餘。四足。㉕似鱗而大。無鱗。㉖似鱧。口在頷下。長鼻軟骨。㉗魚鰓邊之兩鬣也。㉘行動之貌。㉙中阪。阪之中猶未至山頂。㉚草木光也。㉛落葉喬木。㉜花房。㉝枝曲下垂也。㉞交相也。㉟言枝往來靡靡然也。㊱水波小文也。㊲木蔭水波。闐蕩然也。㊳謂樹枝四布。如鳥翼然。言東西。則南北可知其林木多也。㊴柔弱下垂貌。㊵猶房也。㊶草木幹。㊷果鼻。㊸樂器。以竹爲之。㊹五音皆變也。㊺與四夷之樂聲相會也。㊻失官。㊼病也。㊽山銳貌。㊾整列也。㊿高積貌。①隕。壞也。此句言石欲墮貌。②穴也。③路不平也。④阪。角也。梧。逆也。背。卻也。山角橫石。逆當其前。卻又當山之穴。⑤山名。在水中如柱。然此崖岸在巫山下者。似砥柱山然。⑥草感貌。⑦深直貌。⑧深遠貌。⑨言避立之處。如熊掛樹。⑩失意之貌。⑪孟賁。夏育。決斷之士。今見此嶮阻。亦不能爲勇也。⑫猝然有所見也。⑬衆貌。⑭前關後狹如箕。⑮華也。⑯香草也。⑰多年生草。六月開花。紅白色。瓣上有深紫色細點。子黑色。⑱香草也。⑲叢生也。⑳一相依倚貌。㉑少長也。㉒香發越也。㉓同時發也。㉔又名鸚。嘴大鉤曲。羽毛覆脚。捕魚爲食。㉕鷓鴣也。背灰黃色。腹灰白色。㉖鳥名。㉗狀如鷓。頭小胸凸短尾。翼長大善飛。㉘卽子規。亦名杜鵑。㉙並鳥名。㉚謂鳥之哀鳴似曲。㉛隨鳥類而成曲也。㉜法術也。㉝仙人名。〔史記〕秦始皇使燕人盧生求羨門高誓。疑是誓字。㉞仙人之居。㉟公共也。穀。食也。謂人在山上作巢。聚食於山阿。㊱祭也。㊲以玉飾室。㊳祭也。㊴神名。㊵引也。㊶寒風。㊷悲傷貌。㊸枚狀如箸橫銜之口。以止言語。㊹兔罟。㊺三也。㊻與神女相會。㊼謂開導聖賢。令其進仕。用其謀策。輔己不逮也。

諸家集評 何屺瞻曰高唐神女兩賦亦猶相如之子虛上林子雲之羽獵長楊皆合二篇成文乃見抑揚頓挫之妙

張皋文曰兩賦蓋屈子作也屈子會見用於懷王故以高唐神女爲比冀襄王復用也不然先王所幸而勸其遊述其夢乎又曰此篇先敘山勢之險登涉之難上至觀側則底平而可樂所謂爲治者始於勞終於逸也結言既會神女則思萬方開賢聖此豈男女淫樂之詞

宋玉神女賦

楚襄王與宋玉游於雲夢之浦。使玉賦高唐之事。其夜王寢。夢與神女遇。其狀甚麗。王異之。明日以白玉。玉曰。其夢若何。王對曰。晡夕之後。精神恍惚。若有所喜。紛紛擾擾。未知何意。目色鬖鬖。乍若有記。見一婦人。狀甚奇異。寐而夢之。寤不自識。罔今不樂。悵爾失志。於是撫心定氣。復見所夢。玉曰。狀何如也。王曰。茂矣美矣。諸好備矣。盛矣麗矣。難測究矣。上古既無。世所未見。瓌姿瑋態。不可勝贊。其始來也。耀乎若白日初出。照屋梁。其少進也。皎若明月舒其光。須臾之間。美貌橫生。燁乎如花。溫乎如瑩。五色並馳。不可殫形。詳而視之。奪人目精。其盛飾也。則羅紈綺縠。盛文章。極服妙采。照萬方。振繡衣。被袿裳。禮不短。纖不長。步裔裔兮曜殿堂。忽兮改容。婉若游龍乘雲翔。黼被服。悅薄裝。沐蘭澤。含若芳。性和適。宜侍旁。順序卑。調心腸。王曰。若此盛矣。試爲寡人賦之。玉曰。唯唯。夫何神女之姣麗兮。含陰陽之渥飾。被華藻之可好兮。若翡翠之奮翼。其象無雙。其美無極。毛嬙鄣袂。不足程式。西施掩面。比之無色。近之既妖。遠之有望。骨法多奇。應君之相。視之盈目。孰者克尙。私心獨悅。樂之無量。交希恩疏。不可盡暢。他人莫覩。王覽其狀。其狀峨峨。何可極言。貌豐盈以莊姝兮。苞溫潤之玉顏。眸子炯其精朗兮。瞭多美而可觀。眉聯娟以蛾揚兮。朱脣的其若丹。素質幹之醴實兮。志解泰而體閒。既婉孌於幽靜兮。又婆娑乎人間。宜高殿以廣意兮。

翼放縱而綽寬。動霧縠以徐步兮。拂墀聲之珊珊。望余帷而延視兮。若流
 波之將瀾。奮長袖以正衽兮。立躑躅而不安。澹清靜其悒懔兮。性沈詳而
 不煩。時容與以微動兮。志未可乎得原。意似近而既遠兮。若將來而復旋。
 寒余憐而請御兮。願盡心之惓惓。懷貞亮之潔清兮。卒與我乎相難。陳嘉
 辭而云對兮。吐芬芳其若蘭。精交結以來往兮。心凱康以樂歡。神獨亨而
 未結兮。魂煢煢以無端。含然諾其不分兮。喟揚音而哀歎。頰薄怒以自持
 兮。會不可乎犯干。於是搖珮飾。鳴玉鸞。整衣服。斂容顏。顧女師命太傅。歡
 情未接。將辭而去。遷延引身。不可親附。似逝未行。中若相首。目略微眄。精
 彩相授。志態橫出。不可勝記。意離未絕。神心怖覆。禮不遑訖。辭不及究。願
 假須臾。神女稱遽。迴腸傷氣。顛倒失據。闇然而冥。忽不知處。情獨私懷。誰
 者可語。惆悵垂涕。求之至曙。

【註音】(瓊)同瑰(燿)筠輒切(續)音續(嬋)音妥(倪)他活切(姝)昌朱切(珊)音仙(嫵)壹計切(憐)音儻(頰)曾丁切

【釋義】(一)日過午為晡。(二)不自覺知之意。(三)憂也。(四)盡也。(五)明也。(六)光盛貌。(七)石似玉也。(八)白絹。(九)細綾。(一〇)組屬。(一一)婦人上服。(一二)衣厚貌。(一三)帛之細者。(一四)行貌。(一五)美貌。(一六)美也。(一七)輕也。(一八)謂宜侍王旁。(一九)柔弱也。(二〇)厚美之飾。(二一)慎子曰。毛嬙西施。天下之姣也。衣之以皮。俱則見者皆走。易之以玄錫。則行者皆止。(二二)言近看既美。復宜遠望。(二三)言誰能駕而上之。(二四)莊嚴美好。(二五)瞳也。(二六)明目也。(二七)微曲貌。(二八)明也。(二九)靜好也。(三〇)猶盤珊也。(三一)紗薄如霧。(三二)階上地也。(三三)聲也。(三四)目視貌。言舉目延視。精若水波。將成瀾也。(三五)衣襟。(三六)行不進也。(三七)和靜貌。(三八)牀帳也。(三九)懇至也。(四〇)言拒其褻狎也。(四一)精神也。結猶未相著。煢煢然無有端女。不知何計分當也。(四二)言神女之意雖含諾。猶不當其心。(四三)怒色青貌。(四四)古者皆有女師。教以婦德。今神女亦有教也。(四五)卻行去也。(四六)向也。(四七)邪視也。(四八)急也。言

去不住也。○依也。

宋玉登徒子好色賦

大夫登徒子^二侍於楚襄王。短宋玉曰。玉爲人體貌閑麗^四。口多微辭^五。又性好色。願王勿與出入後宮。王以登徒子之言問於宋玉。玉曰。體貌閑麗。所受於天也。口多微辭。所學於師也。至於好色。臣無有也。王曰。子不好色。亦有說乎。有說則止。無說則退。玉曰。天下之佳人。莫若楚國。楚國之麗者。莫若臣里。臣里之美者。莫若臣東家之子。臣東家之子。增之一分則太長。減之一分則太短。蓋粉則太白。施朱則太赤。眉如翠羽。肌如白雪。腰如束素。齒如含貝。嫣然一笑。惑陽城。迷下蔡。然此女登牆闕^{*}。臣三年至今未許也。登徒子則不然。其妻蓬頭鬢耳^一。齟齬^二齒旁行。踽^三又疥^四且痔^五。登徒子悅之。使有五子。王孰察之。誰爲好色者矣。是時秦章華大夫在側。因進而稱曰。今夫宋玉盛稱鄰之女。以爲美色。愚亂之邪。臣自以爲守德。謂不如彼矣^{一八}。且夫南楚窮巷之妾。焉足爲大王言乎。若臣之陋。目所曾覩者。未敢云也。王曰。試爲寡人說之。大夫曰。唯唯。臣少曾遠游。周覽九土^{一九}。足歷五都^{二〇}。出咸陽。熙邯鄲。從容鄭衛。溱洧^{二三}之間。是時向春之末。迎夏之陽。鶻鷓^{二四}啾啾。羣女出桑。此郊之姝。華色含光。體美容冶。不待飾裝。臣觀其麗者。因稱詩曰。遵

大路兮攬子祛。贈以芳華辭甚妙。二四於是處子恍若有望而不來。忽若有來而不見。意密體疏。俯仰異觀。含喜微笑。竊視流眄。復稱詩曰。寤春風兮發鮮榮。潔齋俟兮惠音聲。贈我如此兮不如無生。二七因遷延而辭避。蓋徒以微辭相感動。精神相依憑。目欲其顏。心願其義。揚詩守禮。終不過差。故足稱也。於是楚王稱善。宋玉遂不退。

〔註音〕(闕)同窺(蹶)音規(隅)音矩(濟)音介(孰)音熟(涓)音軌切

〔釋義〕①官也。②登徒。姓也。子者。男子之通稱也。③說其罪過也。④靜也。⑤微妙之辭。⑥罷官也。⑦如東素帛。言其細也。⑧海螺也。其色白。孔子謂盜跖曰。將軍齒如齊貝。⑨笑態也。⑩二縣名。蓋楚之貴公子所封。故取以喻焉。⑪耳病也。⑫唇不掩齒。⑬齒蠹也。⑭曲貌。⑮癰瘡。⑯生肛門內外。⑰章華。楚地名。大夫楚人而仕秦者。時使襄王。⑱言宋玉所說鄰女美色。愚臣守德。猶不如登徒之說。况宋玉乎。臣章華大夫自謂。⑲九洲之士。⑳五方之都。㉑戲也。㉒二水名。在鄭衛二國之間。按溱水源出河南密縣東北。洧水源出河南登封縣。㉓謂道路逢子之美。願攬子之袂與俱歸也。㉔謂折芳草之花以贈之。欲贈芳華恐不受。故先與妙辭以進之。㉕覺也。㉖言自絮貌。矜莊而待惠音聲。㉗謂贈以名華欲結恩情。而女不受。毛詩曰。知我如此。不如無生。無生恨辭也。

宋玉對楚王問

楚襄王問於宋玉曰。先生其有遺行與。何士民衆庶不譽之甚也。宋玉對曰。唯然。有之。願大王寬其罪。使得畢其辭。客有歌於郢中者。其始曰。下里巴人。國中屬而和者數千人。其為陽阿薤露。國中屬而和者數百人。其為陽春白雪。國中屬而和者數十人。引商刻羽。雜以流徵。國中屬而和者。不過數人而已。是其曲彌高。其和彌寡。故鳥有鳳而魚有鯢。鳳皇上擊九千

里絕雲霓。負蒼天。翱翔乎杳冥之上。夫藩籬之鷓九*豈能與之料天地之高哉。鯤魚朝發於崑崙之墟。暴鬣於碣石。暮宿於孟諸。夫尺澤之鯢一四豈能與之量江海之大哉。故非獨鳥有鳳。而魚有鯢也。士亦有之。夫聖人瑰意琦一六行。超然獨處。世俗之民。又安知臣之所為哉。

【註音】(屬)音燭(蕤)音械(徵)音止(鷓)音晏(暴)音僕(鯢)音倪(琦)音奇

【釋義】①可遺棄之行也。韓詩外傳。子路謂孔子曰。夫子向有遺音乎。奚居之隱。②楚都在今湖北江陵縣東北。③俚俗之歌。④聚也。⑤曲之次者。⑥較高之曲。⑦此二句指協於音律。最高之曲。⑧大魚也。⑨小雀也。⑩山下基也。⑪魚脊背也。⑫海畔山也。⑬澤名。在河南商邱縣。⑭言其小也。⑮小魚。⑯偉也。⑰美也。

景差大招

青春受謝。白日昭二。春氣奮發。萬物遽三。冥陵浹行。魂無逃四。魂魄歸徠。無遠遙。只。魂乎歸徠。無東無西。無南無北。只。東者大海。溺水漉漉五。螭龍並流。上下悠悠。只。霧雨淫淫。白皓膠六。只。魂乎無東。湯谷寂寥。只。魂乎無南。南有炎火千里。蝮蛇蜒九。只。山林險隘。虎豹蜿一〇。只。鰐鱗短狐。王虺騫一三。只。魂乎無南。無南。蜮傷躬。只。魂乎無西。西方流沙。漭泔泔。只。豕首縱目。被髮鬢一五。只。長爪踞牙。諛笑狂。只。魂乎無西。多害傷。只。魂乎無北。北有寒山。連龍漚一七。只。代水不可涉。深不可測。只。天白顛顛。寒凝凝。只。魂乎無往。盈北極一八。只。魂魄歸徠。閒以靜。只。自恣荆楚。安以定。只。逞志究欲。心意安。只。窮身永樂。年壽延。只。魂乎歸徠。樂不可言。只。五穀六仞。設菹梁二四。只。鼎臠盈望。和致芳二七。只。內鷓鷯二九

三〇。鷓鴣味豺羹只。魂平歸來。恣所嘗只。鮮蠟甘雞。和楚酪只。醢豚苦狗。膾苴蕘
 只。吳酸蒿萋。不沾薄只。魂平歸來。恣所擇只。炙鴟烝鳧。粘鶉鷓。煎鱖臠
 雀。遽爽存只。魂平歸來。麗以先只。四耐并孰。不齧噬只。清馨凍飲。不歎役
 只。吳醴白蘗。和楚瀝只。魂平歸來。不遽惕只。代秦鄭衛。鳴竽張只。伏戲駕
 辯。楚勞商只。謳和揚阿。趙簫倡只。魂平歸來。定空桑只。二八接武。投詩賦
 只。叩鐘調磬。娛人亂只。四上競氣。極聲變只。魂平歸來。聽歌譏只。朱脣皓
 齒。嬈以媠只。比德好閒。習以都只。豐肉微骨。調以娛只。魂平歸來。安以舒
 只。嫵目宜笑。娥眉曼只。容則秀雅。穉朱顏只。魂平歸來。靜以安只。媠修滂
 浩麗。以佳只。會頰倚耳。曲眉規只。傍心綽態。姣麗施只。小腰秀頸。若鮮卑
 只。魂平歸來。思怨移只。易中利心。以動作只。粉白黛黑。施芳澤只。長袂拂
 面。善留客只。魂平歸來。以娛昔只。青色直眉。美目嫵只。鑿輔奇牙。宜笑嗎
 只。豐肉微骨。體便娟只。魂平歸來。恣所便只。夏屋廣大。沙堂秀只。南房小
 壇。觀絕霽只。曲屋步櫺。宜擾畜只。騰駕步游。獵春囿只。瓊轂錯衡。英華假
 只。茝蘭桂樹。鬱彌路只。魂平歸來。恣志處只。孔雀盈園。畜鸞皇只。鸚鵡羣
 晨雜。鸛鶴只。鴻鵠代游。曼鸞鷁只。魂平歸來。鳳皇翔只。曼澤怡面。血氣盛
 只。永宜厥身。保壽命只。室家盈庭。爵祿盛只。魂平歸來。居室定只。接徑千
 里。出若雲只。三圭重侯。聽類神只。察篤天隱。孤寡存只。魂平歸來。正始昆

只。田邑千畛。人阜昌只。美冒衆流。德澤章只。先威後文。善美明只。魂乎歸

來。賞罰當只。名聲若日照四海只。德譽配天。萬民理只。北至幽陵。南交趾

只。西薄羊腸。東窮海只。魂乎歸來。尙賢士只。發政獻行。禁苛暴只。舉傑壓

陞。誅譏罷只。直羸在位。近禹麾只。豪傑執政。流澤施只。魂乎歸來。國家爲

只。雄雄赫赫。天德明只。三公穆穆。登降堂只。諸侯畢極。立九卿只。昭質既

設。大侯張只。執弓挾矢。揖辭讓只。魂乎歸來。尙三王只。

【註音】(徠)同來(懲)音悠(鰓)魚恭切(鱸)音備(鬢)而(切)音諉(連)音卓(施)許力切(顛)音

皓(內)同納(蠟)音攜(蕁)音柏(鵠)音括(焮)音燂(歐)同陳(鱸)音積(雕)音霍(璽)色入切(飲)同飲

【釋義】一言玄冬謝去。而青春受之也。二語已詞。三競也。四言春氣既發。幽暗冰凍之地。無不周浹而流行

也。五流貌。六水凍貌。七即陽谷。日所出也。八大蛇。九長貌。十行貌。十一魚名。其狀如犂牛。見(山海經)。十二域也。能含

沙射人。十三鱗蛇。十四舉頭貌。十五髮亂貌。十六強笑也。言西方有神。其狀猪頭。縱目。亂髮。長爪。其牙如鋸。能傷害人也。十七

神名。即燭龍。十八赤色。十九水名。二十白貌。二十一水凍貌。二十二謂陰氣充北極也。二十三言積穀之多也。二十四即雕胡也。俗呼茭白。二十五

秦晉之郊。謂熟爲臠。二十六致鹹酸也。二十七謂椒薑。二十八同納。二十九大如鶴。有青灰二色。三十名天鵝。三十一謂豺羹中復納入鷓鴣

鷓鴣之肉也。三十二大龜。三十三乳漿。三十四以膽和醬。三十五肉也。三十六細切也。三十七吳人所謂酸羹。三十八猶言不濃不薄。三十九沈肉於湯。四十鱸

魚。四十一肉羹。四十二御雀皆至小。烹之易熟。急遽之間。得以爲羞。故曰遽爽存。爽疑即羞之誤。存。前也。四十三靡麗之物。先進

也。四十四歡。飲也。謂不飲賤役之人也。四十五國名。四十六即伏羲氏。四十七曲名。四十八徒歌爲謳。四十九曲名。五十先也。五十一地名。五十二十六人。五十三具

合也。五十四理也。衆樂合奏。各得其理。五十五代秦。鄭衛四國。一說四上謂自(羽)漸上至於(宮)故下曰(極聲變)。五十六具

也。五十七好貌。五十八慣也。五十九美也。六十調和。六十一澤也。六十二言其身體之長。六十三立志之廣大。六十四重也。六十五偏也。六十六圓也。六十七廣也。六十八多

也。六十九言腰支細小。若以鮮卑之帶。約而束之也。七十言可以忘去。怨思也。七十一敏利。七十二平易。七十三夜也。七十四美目貌。七十五口旁

獨也。七十六笑貌。七十七好貌。七十八丹沙所畫之堂。七十九堂也。八十猶樓也。八十一屋水流也。八十二長廊。八十三謂宜於馴養禽獸。八十四言所乘之

車。以瓊爲轂。以金錯衡。英華照輝。光明極也。八十五香草。八十六鸞鳥鳳皇。多赤色爲鳳。多青色爲鸞。八十七且鳴也。八十八曼衍。多

也。雁屬長頸羽綠皮可為裘。美也。室家謂宗族。盈庭謂滿朝庭也。徑路交接。言人之衆多其出如雲。公執桓圭。侯執信圭。伯執躬圭。子男共一位。故曰重。言其觀察善惡極精密如神明也。厚也。早死為夭。隱匿也。言察天隱者而厚之。孤寡者存之。昆後也。言能慎終如始。田上道也。以美覆下。謂萬民治也。幽州。即安南。謂蜀道也。令百官其上行治。言進登俊傑使在高位。衆所譏刺及疲驚者。謂理直而才有餘者。磨。猶舉也。如禹舉賢。為國家佐。盡其極也。謂射之準的也。謂所射布也。

【諸家集評】朱子曰起六句言春氣既發幽暗冰凍之地無不周浹流行故魂之散而未盡者亦隨時感動而無所逃祭義用露既濡必有怵惕之心意亦如此非嘗覃思於有無動靜之間者不能知也

張皋文曰大招設頌之詞也若曰能用屈子則樂與今同而王業成耳青春受謝白日昭君明政新也

吳至父曰此宜為招屈子之辭起言頃襄初政方明魂無遠遙此諷君之婉詞也後言三圭重侯聰聽極於幽隱無不雪之冤魂可歸而輔治也文字古質而義則視招魂為儉奇厲亦少遜之殆依仿招魂而為之者昔人題為大招而以招魂為小招殆妄耳

楚人以弋說楚王

楚人有好以弱弓微繳*一加歸雁之上者。頃襄王聞。召而問之。對曰。小臣之好射騏雁羅鷺*二小矢之發也。何足為大王道也。且稱楚之大。因大王之賢。所弋非直此也。昔者三王以弋道德。五霸以弋戰國。故秦魏燕趙者。騏雁也。齊魯韓衛者。青首也。鄒費郟邳者。羅鷺也。外其餘則不足弋者。見鳥六雙。以王何取。王何不以聖人為弓。以勇士為繳。時張而射之。此六雙者。可得而囊載也。其樂非特朝夕之樂也。其獲非特鳧雁之實也。王朝張弓而射魏之大梁*九之南。加其右臂。而徑屬之於韓。則中國之路絕。而上蔡之郡

壞矣。還射圍之東。解魏左肘。而外擊定陶。則魏之東外棄。而大宋方與二郡者舉矣。且魏斷二臂。顛越矣。膺擊郟國。大梁可得而有也。王綰繳蘭臺。飲馬南河。定魏大梁。此一發之樂也。若王之於弋。誠好而不厭。則出寶弓。鎔新繳。射蠲鳥於東海。還蓋長城以爲防。朝射東莒。夕發沮邱。夜加卽墨。顧據午道。則長城之東收。而太山之北舉矣。西結境於趙。而北達於燕。三國布抵。則從不待約而可成也。北游目於燕之遼東。而南登望於越之會稽。此再發之樂也。若夫泗上十二諸侯。左縈而右拂之。可一日而盡也。今秦破韓以爲長憂。得列城而不敢守也。伐魏而無功。擊趙顧病。則秦魏之勇力屈矣。楚之故地。漢中析鄆。可得而復有也。王出寶弓。鎔新繳。涉鄆塞而待秦之倦也。山東河內可得而一也。勞民休衆。南面稱王矣。故曰秦爲大鳥。負海內而處。東面而立。左臂據趙之西南。右臂傅楚鄢郢。膺擊韓魏。垂頭中國。處旣形便。勢有地利。奮翼鼓抵。方三千里。則秦未可得獨招而夜射也。欲以激怒襄王。故對以此言。襄王因召與語。遂言曰。夫先王爲秦所欺。而客死於外。怨莫大焉。今以匹夫有怨。尙有報萬乘。白公子胥是也。今楚之地方五千里。帶甲百萬。猶足以踊躍中野也。而坐受困。臣竊爲大王弗取也。於是頃襄王遣使於諸侯。復爲從。欲以伐秦。

【註音】(繳)音灼(騏)音其(驚)音龍(費)音祕(射)音實(肘)音肅(綰)音爭(俱)音沛(抵)同翅(從)

讀縱(鄒)眉耕切

〔釋義〕①以繩繫矢而射。②小雁也。③小鳥也。④小鳥。⑤春秋時為邾國。今山東鄒縣。⑥魯邑。今山東費縣。⑦國名。今山東鄒城縣。⑧今山東滕縣境。⑨大梁。魏都。今河南開封縣。⑩上蔡。韓地。今河南上蔡縣。⑪圍。魏地。在今河南杞縣南。⑫臂中部彎曲處之外側。⑬定陶。齊地。今山東定陶縣。⑭當胸而擊。⑮縈也。⑯桓山之別名。⑰以石為鏃。⑱鳥喙之如鈎者。喻齊國。⑲還。繞也。蓋覆也。⑳此齊之長城。非萬里長城。㉑今山東莒縣。㉒今山東臨淄縣西北。㉓今山東即墨縣。以上並齊址。㉔縱橫交錯之道。㉕齊。趙。燕。㉖翼也。㉗今濰陽東南境。㉘謂取之易也。㉙反也。㉚今陝西南鄭縣等地。㉛均楚地。今河南內鄉縣地。㉜在今河南羅山縣西南。秦楚間之要塞。㉝指華山以東。㉞指黃河以北。㉟楚地。在今湖北宜城縣境。㊱指懷王。㊲平王太子建之子勝。為巢大夫。號白公。鄭殺其父。欲報之。晉伐鄭。子西救鄭。受賂而還。白公襲殺子西。子期於朝。因劫王。葉公率國人攻之。敗走自殺。㊳伍員字。父兄為平王所殺。員亡吳。後率吳師破楚。

莊辛說襄王

莊辛謂楚襄王曰。君王左州侯。右夏侯。輦從鄢陵君。與壽陵君。專淫逸侈靡。不顧國政。郢都必危矣。襄王曰。先生老悖乎。將以為楚國妖祥乎。莊辛曰。臣誠見其必然者也。非敢以為國妖祥也。君王卒幸四子者不衰。楚國必亡矣。臣請避於趙。淹留以觀之。莊辛去之趙。留五月。秦果舉鄢郢巫上蔡陳之地。襄王流揜於城陽。於是使人發騶徵莊辛於趙。莊辛曰。諾。莊辛至。襄王曰。寡人不能用先生之言。今事至於此。為之奈何。莊辛對曰。臣聞鄙語曰。見兔而顧犬。未為晚也。亡羊而補牢。未為遲也。臣聞昔湯武以百里昌。桀紂以天下亡。今楚國雖小。絕長續短。猶以數千里。豈特百里哉。王獨不見夫蜻蛉乎。六足四翼。飛翔乎天地之間。俛啄蠹蟲而食之。仰承甘

露而飲之。自以為無患。與人無爭也。不知夫五尺童子。方將調飴膠絲一三加已乎四仞之上。而下為螻蟻食也。夫蜻蛉其小者也。黃雀因是以俯囓一四白粒一五。仰栖茂樹。鼓翅奮翼。自以為無患。與人無爭也。不知夫公子王孫。左挾彈一六。右攝丸。將加已乎十仞之上。以其類為招。晝遊乎茂樹。夕調乎酸鹹。儻忽之間。墜於天子之手。夫黃雀其小者也。黃鵠因是以遊乎江海。淹乎大沼。俯囓鱖鯉。仰嚙陵衡。奮其六翮一七。而凌清風。飄搖乎高翔。自以為無患。與人無爭也。不知夫射者。方將修其罽盧一八。治其繒繳一九。將加已乎百仞之上。被二〇罽二一。引微繳。折清風而抔二二矣。故晝游乎江湖。夕調乎鼎鼐二三。夫黃鵠其小者也。蔡靈侯之事。因是以南游乎高陂。北游乎巫山。飲茹溪之流。食湘波之魚。左抱幼妾。右擁嬖女。與之馳騁乎高蔡之中。而不以國家為事。不知夫子發方受命乎靈王。繫已以朱絲而見之也。蔡靈侯之事。其小者也。君王之事。因是以左州侯。右夏侯。輦從鄢陵君。飯封祿之粟。而載方府之金二四。與之馳騁乎雲夢之中。而不以天下國家為事。而不知夫穰侯方受命乎秦王。填二五黽塞之內。而投已乎黽塞之外。襄王聞之。顏色變作二六。身體戰慄。於是乃以執珪而授之。為陽陵君。與淮北之地。

【註音】(蜻)音精(俛)同俯(螻)同蚊(蟻)同萌(囓)通啄(陵)同菱(衡)音杏同荇(罽)音波(繳)音檻

(磻)同簪(抔)同隕(鼎)音乃

【釋義】①莊辛。楚人。仕襄王。②均係楚襄王幸臣。③妖孽也。④今四川巫山縣地。⑤今河南淮陽縣地。⑥因

迫也。①故城在今河南息縣西北。②從騎也。③召也。④養牲之圈。⑤即蜻蛉。⑥蝨。即蚊。⑦蠅類。⑧糖漿也。⑨膠。黏也。加飴於絲上。使膠黏也。⑩米也。⑪弓也。⑫攜也。⑬同類也。⑭留也。⑮四角曰芟。二角曰蔭。⑯水草。⑰羽莖。⑱黑弓。⑲箭有綸曰繒。繒。即綸也。⑳應作鬪。利也。㉑景侯子。名般。弑景帝自立。楚靈王以其弑父。誘之至申。伏甲飲之。醉而殺之。刑其士卒七十人。在位十二年。諡靈。㉒即高邱。在巫山之陽。㉓在四川巫山縣城北。㉔即上蔡。㉕楚大夫。㉖名圍。㉗言被執也。㉘所封之祿。㉙四方所貢之金。入府庫者。㉚秦相魏冉。封於穰。㉛秦昭王。㉜兵滿也。㉝即鄆塞。今信陽縣南之平靖關。㉞慙也。



卷六十四 辭賦類四

賈生惜誓

惜余年老而日衰兮。歲忽忽而不反。登蒼天而高舉兮。歷衆山而日遠。觀江河之紆曲兮。離四海之霑濡。攀北極而一息兮。吸沆瀣以充虛。飛朱鳥使先驅兮。駕太乙之象輿。蒼龍蚺虬於左驂兮。白虎騁而爲右駢。建日月以爲蓋兮。載玉女於後車。馳驚於杳冥之中兮。休息乎崑崙之墟。樂窮極而不厭兮。願從容乎神明。涉丹水而馳騁兮。右大夏之遺風。黃鵠之一舉兮。知山川之紆曲。再舉兮。睹天地之圓方。臨中國之衆人兮。託回飈乎尙羊。乃至少原之壑兮。赤松王喬皆在旁。二子擁瑟而調均兮。余因稱乎清商。澹然而自樂兮。吸衆氣而翱翔。念我長生而久僊兮。不如反余之故鄉。黃鵠後時而寄處兮。鴟鴞羣而制之。神龍失水而陸居兮。爲螻蟻之所裁。夫黃鵠神龍猶如此兮。況賢者之逢亂世哉。壽冉冉而日衰兮。固值回而不息。俗流從而不止兮。衆枉聚而矯直。或偷合而苟進兮。或隱居而深藏。苦稱量之不審兮。同權槩而就衡。或推侈而苟容兮。或直言之諤諤傷誠。是之不察兮。弁紉茅絲以爲索。方世俗之幽昏兮。眩白黑之美惡。放山淵之龜玉兮。相與貴夫礫石。梅伯數諫而至醢兮。來革順志而用國。悲仁人

之盡節兮。反爲小人之所賊。比干三四忠諫而剖心兮。箕子被髮而佯狂。水背流而源竭兮。木去根而不長。非重軀以慮難兮。惜傷身之無功。已矣哉。獨不見夫鸞鳳之高翔兮。乃集大皇三五之壘。循四極而回周兮。見盛德而後下。彼聖人之神德兮。遠濁世而自藏。使麒麟可得羈而係兮。三六又何以異乎犬羊。

〔註音〕〔沆〕音航〔澶〕音械〔蚺〕幼上聲〔駢〕音非〔圓〕音圓〔臙〕音標〔尙〕音常〔壘〕同野〔鴟〕稱脂切〔鴟〕于嬌切〔檀〕音蟬〔邊〕同移〔紉〕音人〔礫〕音歷〔臨〕音海〔被〕同披

〔釋義〕①言遇風波而沾濕。②北辰也。③北方夜半之氣。仙人所餐者也。④南方宿名。即指井、鬼、柳、星、張、翼、軫、七宿也。〔禮〕前朱鳥而後玄武。朱鳥即朱雀。謂向南也。⑤北辰神名也。⑥以象駕車也。⑦青龍也。東方七宿之名。即角、亢、氐、房、心、尾、箕是也。⑧龍行貌。⑨一車四馬。中兩馬曰服。旁兩馬曰騶。⑩西方七宿之名。即奎、婁、胃、昂、畢、觜、參、七宿也。⑪驂馬也。⑫仙女。⑬猶赤水也。出崑崙。〔淮南子〕西北曰大夏。⑭暴風也。⑮逸蕩也。一作徜徉。⑯仙人所居之處也。⑰皆神仙名。⑱古樂器。制長七尺。繫之以絲。所以節樂者。⑲清商。歌曲名。⑳謂朝霞。正陽。淪陰。沆瀣之氣也。㉑鸞鳥也。狀與角鴟同。而無毛角。晝潛洞穴。夜出捕食小鳥及鼠類。㉒害也。㉓運轉也。㉔正也。㉕稱錘也。㉖平斛之木。㉗平也。㉘直言貌。㉙惑也。㉚商紂時諸侯。忠直而數諫紂。紂怒殺之。菹醢其身。㉛商紂時之佞臣。㉜紂之諸父。紂淫亂不止。比干曰。爲人臣者。不得以死爭。乃諫紂三日不去。紂怒曰。吾聞聖人心有七竅。剖而觀其心。㉝名胥餘。亦紂之諸父也。官太師。諫紂被囚。佯狂爲奴。㉞猶言大荒。㉟縛也。

〔諸家集評〕朱子曰。瓌異奇偉。

賈生鵬鳥賦

誼爲長沙王傅三年。有鵬鳥飛入誼舍。止於坐隅。鵬似鴟。不祥鳥也。誼既以謫居長沙。長沙卑濕。誼自傷悼。以爲壽不得長。乃爲賦以自廣。其辭曰。

單闕之歲兮。四月孟夏。庚子日斜兮。鵬集余舍。止於坐隅兮。貌甚閒暇。異物來萃兮。私怪其故。發書占之兮。讖言其度。曰野鳥入室。主人將去。請問子鵬。余去何之。吉乎告我。凶言其災。淹速之度兮。語余其期。鵬乃歎息。舉首奮翼。口不能言。請對以臆。萬物變化兮。固無休息。斡流而遷兮。或推而還。形氣轉續兮。變化而蟺。勿穆無窮兮。胡可勝言。禍兮福所倚。福兮禍所伏。憂喜聚門兮。吉凶同域。彼吳疆大兮。夫差以敗。越棲會稽兮。句踐霸世。斯游遂成兮。卒被五刑。傳說胥靡兮。乃相武丁。夫禍之與福兮。何異糾纏。命不可說兮。孰知其極。水激則旱兮。矢激則遠。萬物回薄兮。振盪相轉。雲蒸雨降兮。糾錯相紛。大鈞播物兮。埶比無垠。天不可預慮兮。道不可預謀。遲速有命兮。焉識其時。且夫天地為鑪兮。造化為工。陰陽為炭兮。萬物為銅。合散消息兮。安有常則。千變萬化兮。未始有極。忽然為人兮。何足控搏。化為異物兮。又何足患。小智自私兮。賤彼貴我。達人大觀兮。物無不可。貪夫徇財兮。烈士徇名。夸者死權兮。品庶每生。怵迫之徒兮。或趨西東。大人不曲兮。意變齊同。愚士繫俗兮。窘若囚拘。至人遺物兮。獨與道俱。衆人惑惑兮。好惡積億。真人恬漠兮。獨與道息。釋智遺形兮。超然自喪。寥廓忽荒兮。與道翔翔。乘流則逝兮。得坻則止。縱軀委命兮。不私與已。其生兮若浮。其死兮若休。澹乎若深淵之靜。泛乎若不繫之舟。不以生故自寶兮。養空

而游德人無累兮。知命不憂。細故蒂芥兮。何足以疑。

〔註音〕(鵬)音服(單)音蟬(闕)音遏(識)楚禁切(臆)通意(幹)烏括切(蟪)同蟬(泐)音物(會)音檜

(纏)音墨(塊)音央(北)音軋(夸)音誇(忱)通詠音成(坻)音堤(蒂)音帝

〔釋義〕(一)鳥名。似鴉。亦稱山鴉。不能遠飛。夜為惡聲。古以為不祥之鳥。(二)今長沙縣西北耀錦坊。相傳有龍

故宅。(三)太歲在卯曰單闕。時文帝六年丁卯也。(四)聚集也。(五)預斷吉凶之言。(六)遲也。(七)轉也。(八)如也。(九)連也。一說

如蟬之蛻化也。(十)深微貌。(十一)夫差伐齊。與晉爭盟。後反亡於越。(十二)越王勾踐為吳所伐。僅保會稽。後反滅吳。(十三)李

斯游于秦。始皇以為相。後為趙高所譖。具五刑而死。(十四)胥靡。刑徒也。(十五)絞索也。〔史記〕夫禍之與福兮。何異糾纏。

〔集解〕禍福相為表裏。如糾纏繩索之相附會也。(十六)天也。言其造成萬物。如陶之在鈞也。(十七)無限際貌。(十八)猶引持

也。(十九)猶言死也。(二十)以身從物曰徇。(二十一)虛名。(二十二)猶庶品也。(二十三)貪也。(二十四)為利所誘。(二十五)為勢所逼。(二十六)猶言淡漠。不以外物

動其心也。(二十七)元氣未分之貌。(二十八)水中高地也。(二十九)謂心胸有所礙也。

〔諸家集評〕何屺瞻曰。萬物變化八句。應予去何之禍兮。福所倚。十六句。應吉乎。告我凶言。其災水激則旱

十二句。應淹速之度。且夫以下推而言之。以自廣也。

張廉卿曰。此賦之情。與老為近。蓋賈生明申韓而申韓之學。實出於黃老也。

枚叔七發八首

楚太子有疾。而吳客往問之。曰。伏聞太子玉體不安。亦少間乎。太子曰。憊二

謹謝客。客因稱曰。今天下安寧。四字和平。太子方富於年。意者久耽安樂。

日夜無極。邪氣襲逆。中若結轡。紛屯澹淡。噓唏煩醒。惕惕怵怵。臥不得瞑。

虛中重聽。惡聞人聲。精神越渫。百病咸生。聰明眩曜。悅怒不平。久執不廢二二

大命乃傾。太子豈有是乎。太子曰。謹謝客。賴君之力。時時有之。然未至於

是也。客曰。今夫貴人之子。必宮居而閨處。內有保母。外有傅父。欲交無所。

飲食則溫淳甘臠。腥醢肥厚。衣裳則雜遼曼。煖燂燦熱。暑雖有金石之堅。

猶將銷鑠而挺解也。二況其在筋骨之間乎哉。故曰縱耳目之欲。恣支體之安者。傷血脈之和。且夫出輿入輦。命曰蹶痿之機。洞房清宮。命曰寒熱之媒。皓齒蛾眉。命曰伐性之斧。甘脆肥醲。命曰腐腸之藥。今太子膚色靡曼。四支委隨。三筋骨挺解。血脈淫濯。四手足惰窳。五越女侍前。齊姬奉後。往來游燕。縱恣乎曲房。隱聞之中。此甘餐毒藥。戲猛獸之爪牙也。所從來者至深遠。淹滯永久而不廢。雖令扁鵲治內。巫咸治外。尚何及哉。今如太子之病者。獨宜世之君子。博見彊識。承間語事。變度易意。常無離側。以為羽翼。淹沈之樂。浩唐之心。二遁佚之志。其奚由至哉。太子曰諾。病已。請事此言。客曰。今太子之病。可無藥石針刺灸療而已。可以要言妙道說而去也。不欲聞之乎。太子曰。僕願聞之。

【註音】(憊)步壞切(轄)音色(醴)音呈(怵)音黜(濼)同洩(躍)音耀(驢)促銳切同膈(脍)音呈(醜)音濃(遠)音沓(輝)音翮(暨)音厥(脆)同膈(窳)庚上聲(彊)上聲(識)音志(灸)音九(說)音稅

【釋義】①疾少愈也。②疲乏也。③謂氣結也。④憤耄煩悶之貌。⑤太息也。⑥病酒也。⑦驚恐也。⑧心怯。⑨耳聾。⑩發散也。⑪視而不明也。⑫止也。⑬清也。⑭小更易斷也。⑮肉之精者。⑯厚酒也。⑰衆貌。⑱輕煖。⑲火熱也。⑳披解也。㉑足病也。㉒細弱也。㉓不能屈伸也。㉔過甚者曰淫。㉕大也。㉖惰也。㉗戰國時之名醫。姓秦。名越人。受禁方於長桑君。因以醫名世。㉘季咸也。〔莊子〕鄭有神巫曰季咸。知人生死禍福若神。㉙猶浩蕩也。

客曰。龍門之桐。高百尺而無枝。中鬱結之輪菌。根扶疏以分離。上有千仞之峯。下臨百丈之谿。湍流翹波。又澹淡之。其根半死半生。冬則烈風漂霰。飛雪之所激也。夏則雷霆霹靂之所感也。朝則鸛黃鵠鳴。鳴焉。暮則羈雌

迷鳥宿焉。獨鵠晨號乎其^一上。鷓鴣哀鳴翔乎其^二下。於是背秋涉冬。使琴摯^三。斫^四斬以爲琴。野繭^五之絲以爲絃。孤子^六之鈎以爲隱。九寡^七之珥以爲約。使師^八堂操暢伯子牙^九爲之歌。歌曰。麥秀蘄兮雉朝飛。向虛壑兮背槁槐。依絕區^{一〇}。今臨迴溪。飛鳥聞之翕翼而不能去。野獸聞之垂耳而不能行。蚊蟻^{一一}。聞之拄喙而不能前。此亦天下之至悲也。太子能彊起聽之乎。太子曰。僕病未能也。

〔註音〕(菌)音窘(端)音貪(霰)先去聲(鳴)音翰(鳴)音且(鷓)音昆(斫)音勻(珥)音一(約)同的(蟻)音尖(蚊)音岐(蟻)音矯(拄)音主

〔釋義〕(一)山名。在山西河津與陝西韓城之間。(二)盤曲高大貌。(三)四布也。(四)急流也。(五)迴波也。(六)搖蕩貌。(七)穀。俗曰雪珠。雨點降下時。遇下層空氣冷度在冰點以下所凝結而成者。與雪本爲一物。特其形異耳。(八)見卷六十三高唐賦。(九)寒號蟲也。一作鷓鴣。蝙蝠中之最大者。頭腹帶赤。體黑色。(一〇)鳥名。似鷓。黃白色。長頸赤喙。(一一)即魯太師師摯也。工於琴。故名琴摯。(一二)野蠶繭。(一三)古樂府有孤子生行。(一四)帶鈎也。(一五)琴上之裝飾物。(一六)魯之母師。九子之寡母也。(一七)耳飾也。(一八)琴節。即徽也。(一九)樂師也。(二〇)琴曲名。(二一)即伯牙。春秋時之善琴者。學於成連。與鍾子期善。子期死。伯牙不復鼓琴。痛世無知音也。(二二)麥秀貌。(二三)斂也。(二四)蟲行貌。(二五)蟲也。(二六)支柱也。

客曰。嚙牛之腴。菜以筍。蒲肥狗之和。冒以山膚。楚苗之實。安胡之飯。搏之不解。一啜而散。於是使伊尹煎熬。易牙調和。熊蹯之臠。勻藥之醬。薄者之炙。鮮鯉之鱠。秋黃之蘇。白露之茹。蘭英之酒。酌以滌口。山梁之餐。豢豹之胎。小飯大歡。如湯沃雪。此亦天下之至美也。太子能彊起嘗之乎。太子曰。僕病未能也。

〔註音〕(嚙)音芻(冒)同芼音耄(啜)穿劣切(蹯)音煩(臠)音而(勻)音均(鱠)古外切(豢)音宦(獸)

昌悅切

〔釋義〕 ①同芻。以芻莖養牛也。②腹下肥也。凡肉肥爽處曰腴。③竹根所生之芽。外有籜包裹。漸長。則籜解而生枝葉為竹。嫩時可食。亦作笋。④多年生草。葉細長而尖。花蕊如金粉。謂之蒲黃。嫩莖。古以為葅。⑤和羹。⑥菜也。以菜和肉煮羹。⑦鹿鹿之切肉也。⑧楚之苗山。出禾。可以為食。⑨即菰米。⑩嘗也。⑪伊尹能割烹。⑫齊桓公之寵臣。善調味。⑬即熊掌。⑭熟也。⑮多年生草。其葉略似牡丹而狹長。花有紅白紫數種。初夏開花。根供藥用。古以之合蘭桂五味。以助諸食。所謂芍藥醬也。⑯薄切之獸肉。⑰細切之魚肉。⑱即紫蘇。⑲菜之總名。⑳雌雉。㉑養也。㉒飲也。㉓猶燒也。

客曰。鍾岱之牡。齒至之車。前似飛鳥。後類距虛。穉麥服處。躁中煩外。羈堅轡。附易路。於是伯樂相其前後。王良造父為之御。秦缺樓季為之右。此兩入者。馬佚能止之。車覆能起之。於是使射千鎰之重。爭千里之逐。此亦天下之至駿也。太子能彊起乘之乎。太子曰。僕病未能也。

〔註音〕 (穉)音提(易)音異(鎰)音逸

〔釋義〕 ①地名。漢時屬趙。產馬。②言以齒至之馬駕車也。③蹶鼠也。形如兔而大。④穉。稻處種麥。⑤平易也。⑥古之善相馬者。⑦趙人。一名郵無恤。善御。⑧亦善御者。周穆王時人。取盜驪驂。緣耳獻之王。王使造父御。西巡狩。見西王母。樂而忘歸。徐王反。王日馳千里馬。攻偃王。大破之。乃賜造父以趙城。因為趙氏。⑨古之勇士。⑩魏文侯弟。⑪二十兩為一鎰。

客曰。既登景夷之臺。南望荆山。北望汝海。左江右湖。其樂無有。於是使博辯之士。原本山川。極命草木。比物屬事。離辭連類。浮游覽觀。乃下置酒於虞懷之宮。連廊四注。臺城層構。紛紜玄綠。輦道邪交。黃池紆曲。溷章白鷺。孔雀鸚鵡。鸚鵡鵲。翠鬣紫纓。螭龍德牧。邕邕羣鳴。陽魚騰躍。奮翼振鱗。

淑蓼菁蓼蔓草芳苓女桑河柳素葉紫莖苗松豫章條上造天梧桐并欄一八〇。

極望成林衆芳芬鬱亂於五風從容猗靡消息陽陰列坐縱酒蕩樂娛心二二。

景春佐酒杜連理音滋味雜陳肴糴錯該練色娛目流聲悅耳於是乃發二七。

激楚之結風揚鄭衛之皓樂使先施徵舒陽文段干吳娃閭姬傅予之徒三〇。

雜裾垂髻日窈心與揄流波雜杜若蒙清塵被蘭澤熨服而御此亦天下三三。

之靡麗皓侈廣博之樂也太子能彊起游乎太子曰僕病未能也三六。

【註音】(屬)音燭(鵲)音運(鵲)音寃(鵲)音雞(鵲)音交(鵲)音精(淑)同寂(蓼)同寥(菁)音儻(蓼)音了(苓)古蓮字(造)次奧切(欄)音閩(糴)音柔(姬)音鄒(髻)所交切(揄)音俞(熨)音燕

【釋義】一曰北汝水。源出河南嵩縣西南之天息山。東南流經伊陽臨汝。又東南經郟縣襄城與沙河合。遂稱沙河。東流歷鄆城。西華商水。合於潁。一曰南汝河。出河南泌陽縣北黃山。東北流經遂平。汝南。新蔡。息縣入於匯。汝水稱海。言其大也。二名也。三宮名。四猶四通也。五城池也。六鳥名。七白羽。頸脚嘴皆長。頂胸肩背有長毛。八鳳凰之別名。九鳳類。十水鳥。俗稱菱雞。大如鳥。高脚長喙。頭有紅毛冠。翠鬣青脛。十一首毛。十二頸也。十三舊註鳥名。十四鳥和鳴聲。十五鳥魚生于陰。屬于陽。十六水潔淨也。十七一名藉蔥。十八一年生水草。葉味辛香。有水蓼。馬蓼。多種。十九桑樹小而條長者也。二十檉也。一名觀音柳。落葉亞喬木。枝細長。葉密生。夏秋開紅色花。二十一苗山之松。二十二大木。似楸。二十三至也。

櫻也。常綠喬木。幹似圓柱。高二丈許。葉分裂為掌狀。有長柄。萃于樹杪。花小。色淡黃。有苞包之。其材可為牀柱及小器具。葉之根部包幹之毛。褐色。俗謂之櫻。可製繩。帚。雨具。箱。簞之屬。二十四五方之風。二十五隨風披靡貌。二十六戰國時為縱橫之術者。二十七疑即田連。善鼓琴。二十八食也。二十九備也。三十即西施。古之美女也。越王勾踐敗於會稽。范蠡取西施獻於吳王夫差。吳西施復歸范蠡。從遊五湖。或云吳亡。沈西施於江。以報鴟夷。未知孰是。三十一徵舒之母夏姬。三十二楚之美人。三十三並美女。三十四即閭須。梁王之美人。三十五亦古之美女。三十六髻後垂也。亦曰燕尾。三十七引也。三十八多年生草。生林陰。葉如蘘荷。夏開六瓣白色花。三十九古之后夫人房中所穿便衣也。

客曰。將為太子馴騏驎之馬。駕飛輪之輿。乘牡駿之乘。右夏服之勁箭。左

辭賦類四 枚叔七發八首

一一五一

烏號^三之雕弓。游涉^四乎雲林。周馳^五乎蘭澤。弭節^六乎江潯。掩青蘋^七游清風。陶陽
 氣蕩^八春心。逐狡獸。集輕禽。於是極犬馬之才。困野獸之足。窮相御之智巧。
 恐虎豹^九。懼鷲鳥。逐馬鳴鑣^{一〇}。魚跨麋角^{一一}。履游麕兔^{一二}。踏踐麋鹿^{一三}。汗流沫墜^{一四}。寃伏^{一五}
 陵窘^{一六}無創^{一七}而死者。固足充後乘矣。此校獵之至壯也。太子能彊起游乎。太
 子曰。僕病未能也。然陽氣見於眉宇之間。侵淫而上。幾滿大宅^{一八}。客見太子
 有悅色也。遂推而進之曰。冥火^{一九}薄天。兵車雷運。旌旗偃蹇^{二〇}。羽旄肅紛。馳騁
 角逐^{二一}。慕味爭先^{二二}。徼墨廣博^{二三}。望之有圻^{二四}。純粹全犧^{二五}。獻之公門。太子曰善。願復
 聞之。客曰。未既^{二六}於是榛林深澤。煙雲闇莫^{二七}。兕虎並作。毅武孔猛。袒裼^{二八}身薄^{二九}。
 白刃磴磴^{三〇}。矛戟交錯。收獲掌功。賞賜金帛。掩蘋肆若^{三一}。為牧人席^{三二}。旨酒嘉肴。
 羞包膾炙^{三三}。以御賓客。涌觴並起^{三四}。動心驚耳。誠必不悔。決絕以諾。貞信之色。
 形於金石。高歌陳唱。萬歲無斁^{三五}。此真太子之所喜也。能彊起而游乎。太子
 曰。僕甚願從。直恐為諸大夫累耳。然而有起色矣。

【註音】(馴)音巡(軫)音令(摺)音摺(鑣)卑妖切(麕)居諄切(麋)音京(圻)通垠(莫)讀暮(裼)音錫
 (薄)音博(磴)音該(包)音庖(斁)音亦

【釋義】(車軸上飾也)夏后氏之箭服。黃帝弓名。黃帝乘龍成仙而去。羣臣抱弓而號。故名。雲夢之
 林也。水涯。萍之一種。浮生水面。體扁平。表裏皆綠。池沼及水田中最多。舒暢也。條也。恐懼也。馬勒
 旁之鐵。跨魚渡河。執麋之角也。似鹿而小。無角。大鹿也。匿也。猶促迫也。傷也。漸進也。眉宇
 以上額角諸部。冥。夜也。冥火。薄天。猶言夜間起火燭天。凡物之高者。感者皆曰偃蹇。即冥火。寃。也。解
 衣露臂。迫也。雪白銳利貌。指長官。火熟之也。生肉。厭也。言煩勞諸大夫。

客曰。將以八月之望。與諸侯遠方交游兄弟。並往觀濤乎廣陵之曲江。至則未見濤之形也。徒觀水力之所到。則卽然足以駭矣。觀其所駕軼者。所擢拔者。所揚汨者。所溫汾者。所滌汔者。雖有心略辭給。固未能縷形其所由然也。况今忽今。聊今慄今。混汨汨今。忽今慌今。倣今儻今。浩浩瀆今。慌曠曠今。秉意乎南山。通望乎東海。虹洞乎蒼天。極慮乎崖埃。流攬無窮。歸神日母。汨乘流而下降今。或不知其所止。或紛紜其流折今。忽繆往而不來。臨朱汜而遠逝今。中虛煩而益怠。莫離散而發曙今。內存心而自持。於是澡槩胸中。灑練五藏。澹澹手足。頽濯髮齒。揄棄恬怠。輸寫澳濁。分決狐疑。發皇耳目。當是之時。雖有淹病滯疾。猶將伸偃起。蹙發瞽披聾。而觀望之也。况直眇小煩懣。醞醞病酒之徒哉。故曰發蒙解惑。不足以言也。太子曰。善。然則濤何氣哉。客曰。不記也。然聞於師曰。似神而非者三。疾雷聞百里。江水逆流。海水上潮。山出內雲。日夜不止。衍溢漂疾。波湧而濤起。其始起也。洪淋淋焉。若白鷺之下翔。其少進也。浩浩澄澄。如素車白馬帷蓋之張。其波涌而雲亂。擾擾焉如三軍之騰裝。其旁作而奔起也。飄飄焉如輕車之勒兵。六駕蛟龍。附從太白。純馳浩蜺。前後絡繹。顛顛叩叩。据据彊彊。莘莘將將。壁壘重堅。杳雜似軍行。訇隱訇。磕軋盤漏。裔原不可當。觀其兩旁。則滂渤怫鬱。閭漠感突。上擊下埒。有似勇壯之卒。突怒而無畏。蹈壁衝

津窮曲隨限踰岸出^{五二*}。追遇者死。當者壞。初發乎或圍之^{五三}。津涯^{五四}。芟軫谷分^{五五}。迴

翔青篋銜枚檀桓^{五七}。弭節伍子之山^{五九}。通厲胥母之場^{六一}。凌赤岸^{六二}。簞扶桑橫奔似^{六三}

雷行。誠奮厥武。如振如怒。沌沌渾渾狀如奔馬^{六六}。混混^{六七}。沌沌聲如雷鼓。發怒

座^{六八}。沓清升踰^{六九*}。趾侯波奮振^{七〇}。合戰於藉藉之口^{七一}。鳥不及飛。魚不及迴。獸不及

走。紛紛翼翼波涌雲亂。蕩取南山。背擊北岸。覆虧邱陵。平夷西畔。險險戲^{七三}

戲崩壞陂池。決勝乃罷。滌汨潺湲披揚流灑。橫暴之極。魚鼈失勢。顛倒偃

側^{七四}。沈沈^{七七}。涓涓^{七八}。蒲伏連延。神物怪疑。不可勝言。直使人踣焉^{七九}。迴閭悽愴焉^{八〇}。此

天下怪異詭觀也。太子能彊起觀之乎。太子曰。僕病未能也。

【註音】(泊)古忽切(汜)許乞切(倣)同個(曠)音枉(淺)音養(虹)音闕(涘)音侯(汨)于筆切(汜)音似(莫)同暮(槩)同概(激)音敢(頰)同贖音悔(澳)他典切(偃)於上聲(暨)必益切(邁)音悶(內)同納(澄)音沂(顛)魚容切(叩)音昂(楛)音居(旬)呼宏切(磕)音嘍(軋)音扎(佛)音佛(磔)論入聲(追)音堆(亥)音該(篋)音蔑(簞)祥歲切(混)音麥(施)徒本切(座)音空(趾)音曳(戲)通戲音義(滌)音櫛(暴)同暴(沈)音尤(踣)薄北切(迴)同回

【釋義】一在今江蘇屬。二即錢塘江也。三驚恐貌。四陵突貌。五高出貌。六鼓動貌。七水波回轉之貌。八摩近也。九智略也。十細也。十一恐懼貌。十二波浪之聲也。十三卓異也。【史記】好奇偉倣儻之畫策。十四廣遠也。十五大也。十六乘意。猶發源也。十七相連貌。十八邊際也。十九歸於日所出處。見其神化。【春秋內事】日者。陽德之母。二十疾也。二十一地名。二十二且也。東方明也。二十三條耀也。二十四汰也。二十五洗條也。二十六脫也。二十七垢濁也。二十八背駝也。二十九跛足也。三十散出也。三十一山水下水也。三十二水廣大也。三十三白也。三十四河伯也。三十五專也。三十六白虹也。三十七波高貌。三十八狀濤之高大也。三十九多貌。四十大貌。四十一合也。四十二流水鼓怒之聲。四十三兩石相擊聲。四十四波相擊聲。四十五盤礴廣大貌。四十六水波行動之貌。四十七水湧貌。四十八推石自高而下。四十九水曲。五十沙堆。五十一地名。五十二草根也。五十三轉戾也。五十四並地名。五十五水無聲也。五十六止也。五十七浙江杭縣吳山。亦稱胥山。上有子胥

祠。左帶大江。右瞰西湖。南宋初。金主亮南侵。欲立馬湖山第一峯。即此。①遠行也。②山名。在江蘇吳縣西南。太湖中。謂子胥嘗迎母於此。故名。③地名。④掃竹也。⑤〔山海經〕湯谷上有扶木。即扶桑也。十日所浴之地。⑥猶震也。⑦水波相隨貌。⑧水波聲。⑨水有礙而旁溢。⑩越也。⑪大波。⑫地名。⑬壯健貌。⑭倒也。⑮傾危之貌。⑯水波相擊也。⑰流動貌。⑱魚鼈翻騰倒亂之狀況。⑲與匍匐同。⑳覆也。㉑驚駭失智也。

客曰。將為太子奏方術之士有資略者。若莊周魏牟。楊朱墨翟。便蜎詹何之倫。使之論天下之精微。理萬物之是非。孔老覽觀。孟子持籌而算之。萬不失一。此亦天下要言妙道也。太子豈欲聞之乎。於是太子據几而起曰。渙乎若一聽聖人辯士之言。忽然汗出。霍然病已。

〔註音〕(蜎)音涓(忽)年上聲

〔釋義〕①即中山公子牟。②即蜎蜎。名淵。楚人。老子之弟子。著蜎子十二篇。③即詹子。戰國時之善術數者。

④猶解釋也。⑤汗出貌。⑥疾忽愈也。

〔諸家集評〕張廉卿曰。枚乘七發。蓋以諫吳王之謀反也。小山招隱。其指正與此同。亦以諫淮南也。吳至父曰。此篇晁无咎張廉卿皆云。風諫吳王之謀反。殆定論也。

漢武帝秋風辭

秋風起兮白雲飛。草木黃落兮雁南歸。蘭有秀兮菊有芳。懷佳人兮不能忘。泛樓船兮濟汾河。橫中流兮揚素波。簫鼓鳴兮發棹歌。歡樂極兮哀情多少。壯幾時兮奈老何。

〔釋義〕①源出山西寧武縣西南管涔山。西南流經靜樂。納嵐水。東南流經陽曲。太原間。環太原作一曲折而西南。至文水縣南。會文峪水。又西南流。經介休。靈石。霍。趙城。洪洞諸縣西。至臨汾縣西北。分流繞襄城縣。至新絳東南。折西流。在河津縣西南。入於黃河。

【諸家集評】文中子曰秋風樂極而哀來其悔心之萌乎

漢武帝瓠子歌

瓠子決兮將奈何。皓皓洋洋兮。閭殫爲河。殫爲河兮。地不得寧。功無已時。
 兮吾山平。吾山平兮。鉅野溢。魚沸鬱兮。柏冬日。正道弛兮。離常流。蛟龍騁
 兮。放遠游。歸舊川兮。神哉沛。不封禪兮。安知外。皇謂河伯兮。何不仁。泛濫
 不止兮。愁吾人。齧桑浮兮。淮泗滿。久不反兮。水維緩。
 河湯湯兮。激潺湲。北渡迺兮。迅流難。蹇長菱兮。湛美玉。何伯許兮。薪不屬。
 薪不屬兮。衛人罪。燒蕭條兮。噫乎。何以御水。隕林竹兮。捷石菑。宣防塞兮。
 萬福來。

【註音】(瓠)音胡(沸)音費(齧)音臬(湯)音商(迺)同迂(菱)音交(湛)同沈(噫)讀衣(乎)讀呼(御)同禦(隕)徒回切(捷)音健(菑)音繼

【釋義】①在河北濮陽縣南。亦曰瓠子口。武帝元光三年。河決於瓠子。東南注鉅野。通於淮泗。至元封二年。塞瓠子。築宣防宮於其上。②閭里也。③盡也。④一名魚山。在山東東阿縣大清河西。⑤湖名。在山東鉅野縣北。⑥魚被水衝騰而不安也。⑦猶迫也。⑧壞也。⑨言神祐滂沛也。⑩言不出外巡狩。安知關外有水患。⑪黃河之神。相傳馮夷渡河溺死。天帝署爲河伯。⑫橫流之貌。⑬地名。⑭水之網維也。⑮流貌。⑯取也。⑰竹葦交纏之索也。⑱續也。⑲卽謂下淇園之竹。⑳樹竹塞決口。以草塞其裏。乃以土填之。猶今河工之打掃也。㉑木立死曰菑。㉒宮名。當時築在堤上。

淮南小山招隱士

桂樹叢生兮山之幽。偃蹇連卷兮枝相繚。山氣龍嵒兮石嵯峨。谿谷嶄巖

子大夫修先王之術。慕聖人之義。諷誦詩書百家之言。不可勝記。著於竹帛。脣腐齒落。服膺而不可釋。好學樂道之效。明白甚矣。自以爲智能海內無雙。則可謂博聞辯智矣。然悉力盡忠以事聖帝。曠日持久。積數十年。官不過侍郎。位不過執戟。意者尙有遺行邪。同胞之徒。無所容居。其故何也。東方先生喟然長息。仰而應之曰。是固非子之所能備。彼一時也。此一時也。豈可同哉。夫蘇秦張儀之時。周室大壞。諸侯不朝。力政爭權。相禽以兵。并爲十二國。未有雌雄。得士者彊。失士者亡。故說得行焉。身處尊位。珍寶充內。外有廩倉。澤及後世。子孫長享。今則不然。聖帝流德。天下震懼。諸侯賓服。威振四夷。連四海之外。以爲帶。安於覆盂。天下平均。合爲一家。動發舉事。猶運之掌。賢與不肖。何以異哉。遵天之道。順地之理。物無不得其所。故綏之則安。動之則苦。尊之則爲將。卑之則爲虜。抗之則在青雲之上。抑之則在深淵之下。用之則爲虎。不用則爲鼠。雖欲盡節效情。安知前後。夫天地之大。士民之衆。竭精馳說。並進輻湊者。不可勝數。悉力慕之。困於衣食。或失門戶。使蘇秦張儀與僕並生於今之世。會不得掌故。安敢望侍郎乎。傳曰。天下無害災。雖有聖人。無所施才。上下和同。雖有賢者。無所立功。故曰。時異事異。雖然。安可以不務修身乎哉。詩曰。鼓鐘于宮。聲聞于外。鶴鳴于九皋。聲聞于天。苟能修身。何患不榮。太公體行仁義。七十有二。乃設

用於文武。得信*一〇。厥說封於齊。七百歲而不絕。此士所以日夜孳孳*一〇。修學敏行而不敢怠也。譬若鵲*一一。飛且鳴矣。傳曰。天不爲人之惡。寒而輟其冬。地不爲人之惡。險而輟其廣。君子不爲小人之匆匆*一二。而易其行。天有常度。地有常形。君子有常行。君子道其常。小人計其功。詩曰。禮義之不愆。何恤人之言。故曰。水至清則無魚。人至察則無徒。冕而前旒*一三。所以蔽明。黈纁*一四。充耳。所以塞聰。明有所不見。聰有所不聞。舉大德。赦小過。無求備於一人之義也。枉而直之。使自得之。優而柔之。使自求之。揆而度之*一五。使自索之。蓋聖人之教化如此。欲其自得之。自得之。則敏且廣矣。今世之處士。時雖不用。塊然無徒。廓然獨居。上觀許由*一六。下察接輿*一七。計同范蠡。忠合子胥。天下和平。與義相扶。寡偶少徒。固其宜也。子何疑於予哉。若夫燕之用樂毅。秦之任李斯。漢用酈*一八。食其*一九。之下齊。說行如流。曲從如環。所欲必得。功若邱山。海內定。國家安。是遇其時者也。子又何怪之邪。語曰。以管窺天。以蠡測海。以筵撞鐘。豈能通其條貫。考其文理。發其音聲哉。由是觀之。譬猶鼃*二〇。鼃之襲狗。孤豚之咋虎。至則靡耳。何功之有。今以下愚而非處士。雖欲勿困。固不得已。此適足以明其不知權變。而終惑於大道也。

【註音】(禽)同鷓(說)音稅(悒)音摺(輻)音福(信)讀伸(孳)音咨(鵲)音脊(鵲)音零(黈)他斗切

(度)入聲(酈)音歷(食)音異(其)音基(筵)音庭(鼃)音精(鼃)音劬(咋)音窄(靡)通糜

【釋義】(一)作居字解。(二)言著書也。古時無紙。或刻於竹。或書於帛。(三)言深藏胸中也。(四)漢時官名。主更直執

戟宿衛諸殿門。⑤長歎聲也。⑥即魯、衛、齊、楚、宋、鄭、魏、燕、趙、中山、秦、韓。⑦盃也。⑧大常官屬。主故事者。⑨水澤深處也。⑩勤勉也。⑪鳥名。形略如燕。飛時作波狀。行則搖尾。棲息水邊。食害蟲。故為益鳥。⑫猶云路也。⑬謹議之聲。⑭憂也。⑮冕。禮冠。玄表朱裏。頂上有版。後高前下。頂版曰延。延之前兩端。有組纓下垂。貫以珠玉。後曰旒。以旒數多寡為貴賤之差。⑯黃綿也。古之冕制。以黃綿大如丸。懸於兩邊。當耳。不欲妄聞不意之言也。⑰字武仲。陽城槐里人。隱於沛澤之中。堯以天下讓之。不受。⑱周陸通也。變易姓名。入蜀隱居。⑲樂羊子後。賢而好兵。為燕昭王卿。率五國之兵伐齊。下齊七十餘城。封昌國君。⑳高陽人。為沛公說齊。下齊七十餘城。後韓信襲齊。齊以食其為賣已。遂烹之。㉑瓠瓢。㉒小竹。㉓一名地鼠。形似鼠而小。大可二寸。尾短鼻尖。於田圃間作穴。常居其中。食昆蟲蚯蚓之屬。能驅除害蟲。然亦為米麥及他農業品之害。㉔小豬。㉕咬也。㉖滅也。

〔諸家集評〕大姚曰：瑰邁宏放之氣如箭雲而上馳。張廉卿曰：子雲解嘲其詞更加恠閱博麗而氣之雄逸騰邁猶不逮也。

東方曼倩非有先生論

非有先生仕於吳。進不能稱往古以厲主意。退不能揚君美以顯其功。默然無言者二年矣。吳王怪而問之曰：寡人獲先人之功。寄於衆賢之上。夙興夜寐。未嘗敢怠也。今先生率然高舉。遠集吳地。將以輔治寡人。誠竊嘉之。體不安席。食不甘味。目不視靡曼之色。耳不聽鐘鼓之音。虛心定志。欲聞流議者。三年於茲矣。今先生進無以輔治。退不揚主譽。竊不為先生取之也。蓋懷能而不見。是不忠也。見而不行。主不明也。意者寡人殆不明乎。非有先生伏而唯唯。吳王曰：可以談矣。寡人將竦意而覽焉。先生曰：於戲。可乎哉。可乎哉。談何容易。夫談有悖於目。拂於耳。謬於心。而便於身者。或

有說於目。順於耳。快於心。而毀於行者。非有明王聖主。孰能聽之。吳王曰。何爲其然也。中人以上。可以語上也。先生試言。寡人將聽焉。先生對曰。昔者關龍逢^六深諫於桀。而王子比干直言於紂。此二臣者。皆極慮盡忠。閔主澤不下流。而萬民騷動。故直言其失。切諫其邪者。將以爲君之榮。除主之禍也。今則不然。反以爲誹謗君之行。無人臣之禮。果紛然傷於身。蒙不辜之名。戮及先人。爲天下笑。故曰談何容易。是以輔弼之臣瓦解。而邪諂之人並進。遂及蜚廉惡來革等。二人皆詐僞。巧言利口。以進其身。陰奉瑯琊^八刻鏤之好。以納其心。務快耳目之欲。以苟容爲度。遂往不戒。身沒被戮。宗廟崩阨^九。國家爲虛。放戮賢聖。親近讒夫。詩不云乎。讒人罔極。交亂四國。此之謂也。故卑身賤體。說色微辭。愉愉^{一〇}。終無益於主上之治。則志士仁人。不忍爲也。將儼然作矜嚴之色。深言直諫。上以拂^{*}主之邪。下以損百姓之害。則忤於邪主之心。歷於衰世之法。故養壽命之士。莫肯進也。遂居深山之間。積土爲室。編蓬爲戶。彈琴其中。以咏先王之風。亦可以樂而忘死矣。是以伯夷叔齊避周。餓于首陽^二之下。後世稱其仁。如是邪主之行。固足畏也。故曰談何容易。於是吳王懼^{*}然易容。捐薦^三去几。危坐而聽。先生曰。接輿避世。箕子被髮佯狂。此二人者。皆避濁世以全其身者也。使遇明王聖主。得賜清燕之閒。寬和之色。發憤畢誠。圖畫安危。揆度得失。上以安主體。

下以便萬民。則五帝三王之道。可幾而見也。故伊尹蒙恥辱。負鼎俎。和五味以干湯。太公釣於渭之陽。以見文王。心合意同。謀無不成。計無不從。誠得其君也。深念遠慮。引義以正其身。推恩以廣其下。本仁祖義。褒有德。祿賢能。誅惡亂。總遠方。一統類。美風俗。此帝王所由昌也。上不變天性。下不奪人倫。則天地和洽。遠方懷之。故號聖王。臣子之職既加矣。於是裂地定封。爵爲公侯。傳國子孫。名顯後世。民到於今稱之。以遇湯與文王也。太公伊尹以如此。龍逢比干獨如彼。豈不哀哉。故曰談何容易。於是吳王穆然。俛而深惟。仰而泣下。交頤曰。嗟乎。余國之不亡也。縣縣連連。殆哉。世之不絕也。於是正明堂^{一五}之朝。齊君臣之位。舉賢材。布德惠。施仁義。賞有功。躬節儉。減後宮^{一六*}之費。捐車馬之用。放鄭聲。遠佞人。省庖廚。去侈靡。卑宮館。壞苑囿。填池塹^{一六*}。以予貧民無產業者。開內藏。振貧窮。存耆老。卹孤獨。薄賦斂。省刑辟。行此三年。海內晏然。天下大治。陰陽和調。萬物咸得其宜。國無災害之變。民無飢寒之色。家給人足。畜積有餘。囷^{一七}圉空虛。鳳凰來集。麒麟在郊。甘露既降。朱草萌芽。遠方異俗之人。鄉^{*}風慕義。各奉其職而來朝賀。故治亂之道。存亡之端。若此易見。而君人者莫肯爲也。臣愚竊以爲過。故詩云。王國克生。惟周之禎。濟濟多士。文王以寧。此之謂也。

【註音】（見）音現（唯）于癸切（竦）音悚（於）讀烏（戲）讀呼（說）讀悅（蜚）同飛（瑤）同彫（瑒）音篆（

隋（音豕）（虛）同墟（响）匈于切（拂）同穰（懼）許縛切（被）同披（甄）七豔切（鄉）讀嚮
 〔釋義〕①輕舉貌。②細理弱肌。美色也。③猶言輿論。④恭應也。⑤振其精神也。⑥桀無道。爲酒池糟丘。龍逢
 極諫。桀囚而殺之。⑦皆紂時佞人。⑧瑯。畫也。瑤。刻文也。⑨大曰崩。小曰隋。⑩言語順也。⑪風詩。⑫山名。在山西永
 濟縣南。⑬席也。⑭領也。⑮王者之堂也。⑯繞城之水也。⑰牢獄也。



卷六十五 辭賦類五

司馬長卿子虛賦

楚使子虛使於齊。齊王悉發車騎。與使者出畋。畋罷。子虛過妣。烏有先生。亡是公存焉。坐定。烏有先生問曰。今日畋樂乎。子虛曰。樂。獲多乎。曰。少。然則何樂。對曰。僕樂齊王之欲夸僕。以車騎之衆。而僕對以雲夢之事也。曰。可得聞乎。子虛曰。可。王駕車千乘。選徒萬騎。畋於海濱。列卒滿澤。罟網彌山。掩兔麟鹿。射麋脚麟。鷲於鹽浦。割鮮染輪。射中獲多。矜而自功。顧謂僕曰。楚亦有平原廣澤。游獵之地。饒樂若此者乎。楚王之獵。孰與寡人乎。僕下車對曰。臣。楚國之鄙人也。幸得宿衛。十有餘年。時從出游。游於後園。覽於有無。然猶未能徧覩也。又焉足以言其外澤乎。齊王曰。雖然。略以子之所聞見而言之。僕對曰。唯唯。臣聞楚有七澤。嘗見其一。未覩其餘也。臣之所見。蓋特其小小者耳。名曰雲夢。雲夢者。方九百里。其中有山焉。其山則盤紆。峩鬱。隆崇。嶺峯。岑崟。參差。日月蔽虧。交錯糾紛。上干青雲。罷池陂陀。下屬江河。其土則丹青赭堊。聖雌黃白。埴錫碧金。銀衆色炫燿。照爛龍鱗。其石則赤玉玫瑰。琳璆昆吾。城功玄厲。礪石砥砭。其東則有蕙圃。蘅蘭。茝若射干。芎藭。菖蒲。江蘼。蘼蕪。諸柘。巴苴。其南則有平原廣澤。登降陁靡。案衍

壇曼緣以大江限以巫山其高燥則生歲薪苞荔薛莎青蘋其卑溼則生

藏葺蒹葭東籬雕胡蓮藕菰蘆奄閭軒于衆物居之不可勝圖其西則有

湧泉清池激水推移外發芙蓉菱華內隱鉅石白沙其中則有神龜蛟鼉

瑇瑁鼈龜其北則有陰林巨樹榿栝豫章桂椒木蘭檠離朱楊檣梨棗栗

橘柚芬芳其上則有鸛鷓孔鸞騰遠射干其下則有白虎玄豹蝮蛇龜狂

兕象野犀窮奇獲挺於是乎乃使專諸之倫手格此獸楚王乃駕馴駘之

駟乘雕玉之輿靡魚鬚之橈旃曳明月之珠旗建干將之雄戟左烏號之

雕弓右夏服之勁箭陽子驂乘熾阿爲御案節未舒卽陵狡獸蹴蛩蛩麟

距虛軼野馬轉駒駮乘遺風射游騏倏睽情冽雷動焱至星流霆擊弓不

虛發中必決眦洞胸達掖絕乎心繫獲若雨獸揜草蔽地於是楚王乃弭

節徘徊翔翔容與覽乎陰林觀壯士之暴怒與猛獸之恐懼微飢受訕殫

觀衆物之變態於是鄭女曼姬被阿錫揄紵縞雜織羅垂霧縠襲積寒縹

紆徐委曲鬱橈谿谷紛紛袿袿揚旒旒旒垂髻扶輿猗靡翕呶萃蔡

下摩蘭蕙上拂羽蓋錯翡翠之葳蕤繆繞玉綏眇眇忽忽若神仙之髣髴

於是乃相與獠於蕙圃鑿姍勃窣而上乎金隄揜翡翠射鷓鷯微矰出熾

繳施弋白鵠連鴛鴦雙鷓下玄鶴加怠而後發游於清池浮文鷁揚桂棹

張翠帷建羽蓋網瑇瑁鈎紫貝攢金鼓吹鳴籟榜人歌聲流喝水蟲駭波

鴻沸涌泉起。奔揚會礪石相擊。硠硠礚礚若雷霆之聲。聞乎數百里之外。
 將息獠者。擊靈鼓起烽燧。車案行。騎就隊。纒乎淫淫。於是楚王
 乃登雲陽之臺。泊乎無爲。澹乎自持。勻藥之和具而後御之。不若大王終
 日馳騁。會不下輿。將割輪焯。自以爲娛。臣竊觀之。齊殆不如。於是王默然
 無以應僕也。烏有先生曰。是何言之過也。足下不遠千里。來貺齊國。王悉
 發境內之士。備車騎之衆。與使者出畋。乃欲戮力致獲。以娛左右也。何名
 爲夸哉。問楚地之有無者。願聞大國之風烈。先生之餘論也。今足下不稱
 楚王之德厚。而盛推雲夢以爲高。奢言淫樂而顯侈靡。竊爲足下不取也。
 必若所言。固非楚國之美也。無而言之。是害足下之信也。彰君惡。傷私義。
 二者無一可。而先生行之。必且輕於齊而累於楚矣。且齊東階鉅海。南有
 琅邪觀乎成山射乎之罘。浮渤澥游孟諸。邪與肅慎爲鄰。右與暘谷爲界。
 秋田乎青邱。彷徨乎海外。吞若雲夢者八九。其於胸中。會不蒂芥。若乃傲
 儻瑰璋。異方殊類。珍怪鳥獸。萬端鱗萃。充牣其中。不可勝記。禹不能名。商
 不能計。然在諸侯之位。不敢言游獵之樂。苑囿之大。先生又見客是以王
 辭不復。何爲無以應哉。

【註音】(妣)陟嫁切同說(亡)讀無(罘)音浮(鱗)音吝(鼎)音佛(嶽)音律(萃)慈卹切(崆)音吟(罷)
 音疲(陀)音駝(屬)音燭(藉)音者(聖)音惡(埒)音附(玫)音梅(瑋)眉貧切(城)音緘(功)音勒(碩)音軟
 (砥)音武(硃)音膚(莖)同芷(芎)音穹(藟)音窮(藎)音眉(柘)音蔗(馳)音移(葳)音對(蕢)音斯(荔)音

隸(莎)音蓑(蘋)音煩(蕘)音臧(蕘)音耶(蕘)同蓄(鼈)徒何切(瑋)音代(瑋)音妹(梅)皮妍切(楸)音南
(孽)音伯(楸)音查(楸)音逞(蠙)音萬通猥(蠙)音延通猥(蠙)音踰(猥)音寒(燒)女教切(蠙)音纖(蠙)
子六切(蠙)渠容切(蠙)音衛(陶)音陶(駮)音徒(呻)申去聲(剡)音練(焱)音標(毗)疾智切(掖)音奕同
腋(雨)音芋(微)古堯切(頡)音劇(詘)同屈(錫)音錫(穀)音斛(裝)音壁(禎)音積(粉)音芬(穉)音霏
(施)音移(蜚)通飛(微)音纖(髻)師交切(呬)火甲切(萃)音翠(蕘)音委(蕘)儒佳切(繆)同繆(獠)音遼
(嬰)音盤(娜)音先(宰)蘇忽切(縞)音峻(鸚)音宜(增)音增(繳)音灼(駕)音加(鷓)音倉(鷓)音逆(棧)
音曳(縱)音窗(喝)於介切(沸)傍佩切(灑)音類(張)音耶(磴)音嘅(行)音杭(纒)音雁(般)音盤(將)同
鸞(焯)措誨切(貶)音况(階)音煮同階(邪)音耶(解)音蟹(場)音陽(傲)同侗(萃)同萃(切)音刃(嵩)音
洩同契

〔釋義〕①虛言其人也。與烏有。亡是。義同。②獵也。③誇也。④在湖北安陸縣南。本二澤。合稱雲夢。後悉爲邑
居聚落。⑤兎罟也。⑥蹴也。⑦車所踐也。⑧海濱產鹽。故曰鹽浦。⑨同也。⑩言有時有所見。有時無所見也。⑪謂山
勢複沓也。⑫危高貌。⑬山高貌。⑭旁類也。⑮不平貌。⑯朱砂。⑰石青。⑱赤土。⑲白土。⑳石黃。㉑白石英也。㉒青白
色之玉。㉓石之美者。㉔美玉也。㉕石之次王者。㉖山名。出善金。㉗石之次王者。㉘黑石可用磨也。㉙石似玉。白者
如冰。半有赤色。㉚石之似玉者。赤地白采。㉛蕙草之圃也。㉜皆香草名。㉝見卷六十三高唐賦。㉞越年生草。野生。
葉似芹。秋開細白花。根可入藥。㉟實卽一物。又名蘄芷。見卷六十一離騷。㊱卽甘蔗。㊲卽芭蕉。㊳山勢峻長貌。㊴
寬廣之貌。㊵見卷五十九州箴。㊶卽馬藍也。㊷草似燕麥。㊸草名。莖堅韌。可以織履。卽今蘆草。㊹似蒲而小。根可
製刷。㊺草名。蘄蒿也。㊻並見前卷小山招隱士註。㊼草名。中牛馬芻。㊽與蘆同類。㊾其實如葵。十月子可食。㊿菰
米也。薑曰菰菜。俗謂茭白。㊱菰。卽雕胡蘆。卽葭也。㊲多年生草。葉厚而粗。夏秋開深黃色細花。㊳菰草也。葉有鋸
齒。臭氣甚烈。秋日開紫碧色花。㊴荷華。㊵形小色白四瓣。㊶穿山甲之屬。㊷鱷魚之屬。㊸龜類動物。甲有文。可以
爲飾。㊹卽癩頭龜。㊺大木也。似梓。㊻常綠喬木。其材堅密。㊼常綠喬木。其材肌理甚細。㊽菌桂也。詳見離騷註。㊾
落葉灌木。實及莖之外皮。皆爲香料。㊿詳見離騷註釋。㊱木名。黃檗也。落葉喬木。內皮與實。並入藥。亦可作染料。
①卽山梨。②檉也。落葉喬木。生河邊。俗稱西湖柳。高丈餘。枝細長。葉密生。夏秋兩期。皆開紅色小花。③檀子也。落
葉小灌木。實圓微黃。小於木瓜。味甚酸。④本落葉喬木。多作灌木形。葉作卵形。端尖。夏初開花。五瓣色白。實大而
圓。至秋乃熟。爲漿果。⑤一名君遷。卽牛奶柿。⑥落葉喬木。幹高四五丈。葉如箭鏃。初夏開花。實有外殼甚大。刺如
蝟毛。霜降後熟。外有紫黑色硬殼。仁淡黃色可食。⑦常綠灌木。幹高丈餘。實大徑四五寸。色黃。皮厚。一名文旦。

鳳屬。①孔雀。②鸞鳥。③猿猴類。④似狐。能緣木。⑤大獸。似狸而長。⑥大如狗。文如狸。⑦野狗似狐而小。本作狂。⑧
 如水牛。⑨獸名。較象略小。角生鼻端。為用甚廣。其皮皺巖極堅厚。古人恆用以製甲。⑩似虎。有翼。⑪古之勇士。刺
 吳王僚。⑫搏擊。⑬猛獸名。能食虎豹。⑭鮫魚之鬚。⑮曲旂也。⑯珠名。⑰吳善治者。⑱有枝之兵器。⑲並見前卷七
 發。⑳陽子。伯樂也。秦穆公之御者。姓孫名陽。㉑古善御者。㉒猶言止節。㉓未能盡意驅馳也。㉔獸名。北海有白獸
 似馬。見山海經。㉕似羸而小。一說即蛩蛩。變文互言耳。㉖似馬而小。㉗車軸頭。㉘良馬名。㉙良馬名。㉚
 似馬而無角。㉛捷速也。㉜疾風。㉝目眶。㉞左右脅之中。㉟言自得也。㊱微。遮攔也。欲疲倦也。詘。力
 盡也。言因獸疲倦力盡而攔足也。㊲皆美人。㊳細縵。齊東阿縣。縵帛所出。蓋借地名以名其物產也。㊴細
 布。㊵曳也。㊶麻也。㊷素絹。㊸羅之細者。㊹縠。紗之縐。縠促縮者。輕薄如霧。㊺即打襪也。㊻縮蹙
 之也。㊼衣長貌。㊽衣袖也。㊾裁制貌。㊿衣帶也。㊽髮尾。㊽美人扶車。姿態柔靡。㊽衣裳張起。
 ㊽衣聲。㊽威貌。㊽綏。執以登車者。飾以玉也。㊽宵獵。㊽匍匐。上下於叢薄間。㊽隄。堅如金。㊽狀
 似雉。而羽尤美麗。雄者頭青茶色。雌者胸腹黑斑較多。㊽結綴於矢。繳。生絲也。㊽似雁而大。㊽野鵝也。
 ㊽鶻。即灰鶻。鶻。壽滿一百六十歲。則色純黑。㊽似鶻而大。善高翔。不畏風。㊽楫也。㊽海介蟲。㊽撞也。
 ㊽鉦也。㊽簫也。㊽舟人也。㊽聲之幽也。㊽轉石也。㊽皆石聲。㊽六面鼓也。㊽舉火為號。㊽
 五味之和。曰勺藥。㊽猶言鬱割。㊽燒也。㊽山名。在山東諸城縣東南。㊽在今山東榮成縣東。㊽山名。
 在山東福山縣東北。㊽今膠州半島與河北海灣間之海。㊽澤名。在河南商邱縣東北。㊽古國名。在今吉
 林及俄屬東海濱省之地。㊽日出處。㊽海外國名。㊽刺鯁也。㊽猶非常也。㊽珍奇也。㊽集也。㊽
 滿也。㊽當以客禮見。不敢夸也。

【諸家集評】張廉卿曰。騷賦勝處。最在瓌璋闕奇。個儻駿邁。峭逸嫵姚。不可為狀。而司馬長卿。尤以氣勝。其
 空中設景。布陣最虛。眇闊達前後。一氣嘘吸。回薄鼓盪。如大海回風。洪濤隱起。萬里俱動。使人目眩而神儻。

司馬長卿上林賦

亡是公听然而笑曰。楚則失矣。而齊亦未為得也。夫使諸侯納貢者。非為
 財幣。所以述職也。封疆畫界者。非為守禦。所以禁淫也。今齊列為東藩。而
 外私肅慎。捐國踰限。越海而田。其於義固未可也。且夫二君之論。不務明

君臣之義。正諸侯之禮。徒事爭游獵之樂。苑囿之大。欲以奢侈相勝。荒淫
 相越。此不可以揚名發譽。而適足以專君自損也。且夫齊楚之事。又烏足
 道乎。君未覩夫巨麗也。獨不聞天子之上林乎。左蒼梧。右西極。丹水更其
 南。紫淵徑其北。終始灞澹。出入涇渭。豐鎬潦繙。紆餘委蛇。經營乎其內。蕩
 蕩乎入川分流。相背而異態。東西南北。馳驚往來。出乎椒邱之闕。行乎洲
 然之浦。經乎桂林之中。過乎泱泱之壑。汨乎混流。順阿而下。赴隘陬之口。
 觸穹石。激堆埼。沸乎暴怒。洶涌澎湃。潏沸宓汨。偪側泌瀾。橫流逆折。轉騰
 激冽。滂瀆沆漑。穹隆雲橈。宛潭膠盪。踰波趨泥。泄泄下瀨。批巖衝擁。奔揚
 滯沛。臨坻注壑。灑澗竇墜。沈沈隱隱。砰磅訇磕。瀾灑灑。湔湔滄。鼎沸馳波
 跳沫。汨急漂疾。悠遠長懷。寂寥無聲。肆乎永歸。然後灑灑潢潢。漾漾安翔。徐回
 翫乎瀇瀇。東注太湖。衍溢陂池。於是乎蛟龍赤螭。鮪鱓漸離。鰓鰈鮒。魴
 禺魼。鱗捷緒掉尾。振鱗奮翼。潛處乎深巖。魚鼈謹聲。萬物衆夥。明月珠子。
 的皪江靡。蜀石黃磈。水玉磊砢。磷磷爛爛。采色滌汗。叢積乎其中。鴻鸛鵠
 搗駕鵝。屬玉交精。旋目煩驚。庸渠鱗鷓。鷓鷯羣浮乎其上。沈淫泛濫。隨風
 澹淡。與波搖蕩。掩薄水渚。唼喋菁藻。咀嚼菱藕。於是乎崇山矗矗。龍嵒崔
 巍。深林巨木。薪巖蓼差。九嶷截薛。南山峩峩。巖岫錡摧。峩峩嵒崎。振溪通
 谷。蹇產溝瀆。谿呀豁閭。阜陵別隴。歲魄嶮嶮。邱虛岷崑。隱鱗鬱嶮。登降施

靡。陂池。獬豸。沈溶。淫鬻。散渙。夷陸。亭皋千里。靡不被築。掩以綠蕙。被以江

薜。綠以蘼蕪。雜以留夷。布結縷。攢戾莎。揭車。蘅蘭。橐本。射干。芘薑。藁荷。葳

橙。若。菘。鮮。支。黃。礫。蔣。芋。青。蘋。布。獲。閔。澤。延。曼。太原。離。靡。廣。衍。應。風。披。靡。吐

芳。揚。烈。郁。郁。菲。菲。衆。香。發。越。肸。蠶。布。寫。掩。薺。以。菲。於是乎。周覽泛觀。纒紛

軋。芴。芒。芒。恍。忽。視。之。無。端。察。之。無。涯。日出東沼。入乎西陂。其南則隆冬生

長。涌水躍波。其獸則獮旄。猊。犛。沈牛。塵麋。赤首。圓題。窮奇象犀。其北則盛

夏。含凍裂地。涉冰揭河。其獸則麒麟。角端。駒騶。橐駝。蛩蛩。驪駃騠。驢羸

於是乎。離宮別館。彌山跨谷。高廊四注。重坐曲閣。華棖壁璫。輦道纒屬。步

欄。周流。長途中宿。夷峻築堂。累臺增成。巖突洞房。頰杳眇而無見。仰來撩

而捫天。奔星更於閨闈。宛虹拖於楯軒。青龍蚺蟻於東廂。象輿婉憚於西

清靈。圍燕於閒館。偃佺之倫。曩於南榮。醴泉涌於清室。通川過於中庭。盤

石。振崖。嶽巖。倚傾。嵯峨。嶸嶸。刻削。崢嶸。玫瑰。碧琳。珊瑚。叢生。璿玉。旁唐。玢

幽。文。磷。赤。瑕。駁。犖。雜。雷。其。間。晁。采。琬。琰。和。氏。出。焉。於是乎。盧橘夏孰。黃甘

橙。棗。枇。杷。燃。柿。亭。柰。厚。朴。栲。棗。楊。梅。櫻。桃。蒲。陶。隱。夫。莫。棣。苔。還。離。支。羅。乎

後宮。列乎北園。馳邱陵。下平原。揚翠葉。扞紫莖。發紅華。垂朱榮。煌煌扈扈

照曜鉅野。沙棠。櫟。櫛。華。楓。枅。櫨。留。落。胥。邪。仁。頰。弁。閭。欒。檀。木。蘭。豫。章。女。貞

長千仞。大連抱。夸條直暢。實葉。葭。稜。櫛。攢。立。叢。倚。連。卷。欒。佹。崔。錯。雙。飀。抗。衡

閭闔垂條扶疏落英幡纒紛溶薈蔘旖旎從風薊苳蓋象金石之聲。
管籥之音傑池芘虎旋還乎後宮。雜襲纍輯被山緣谷。循坂下隰。視之無
端。究之無窮。於是乎。玄猿素雌。雌獲飛蠅。蛭蝮。獠獫狁。胡藪。蛭棲息乎其
間。長嘯哀鳴。翩幡互經。夭矯枝格。偃蹇杪顛。踰絕梁。騰殊榛。捷垂條。掉希
間。牢落陸離。爛熳遠遷。若此輩者。數百千處。埃游往來。宮宿館舍。庖廚不
徙。後宮不移。百官備具。於是乎。背秋涉冬。天子校獵。乘鏤象。六玉虬。拖蜺
旌。靡雲旗。前皮軒。後道游。孫叔奉轡。衛公參乘。扈從橫行。出乎四校之中。
鼓巖簿。縱獵者。江河為陸。泰山為櫓。車騎雷起。殷天動地。先後陸離。離散
別追。淫淫裔裔。緣陵流澤。雲布雨施。生貔豹。搏豺狼。手熊羆。足壘牟。蒙鷁
蘇綺。白虎被斑。文跨壘馬。凌三嶮之危。下磧歷之坻。徑峻赴險。越壑厲水。
椎飛廉。弄獬豸。格蝦蛤。鋌猛氏。羅騶裏。射封豕。箭不苟害。解脰陷腦。弓不
虛發。應聲而倒。於是乎。乘輿弭節。徘徊翔往來。睨部曲之進退。覽將帥
之變態。然後浸淫促節。儻復遠去。流離輕禽。蹴履狡獸。躡白鹿。捷狡兔。軼
赤電。遺光耀。追怪物。出宇宙。鸞蕃弱。滿白羽。射游梟。櫟飛遽。擇肉而後發。
先中而命處。弦矢分。藝殪仆。然後揚節而上浮。凌驚風。歷駭焱。乘虛無。與
神俱躡。玄鶴亂昆雞。逾孔鸞。促鷓鴣。拂翳鳥。捎鳳皇。捷鷓鴣。揜焦明。道盡
塗殫。迴車而還。招搖乎懷。佯降集乎北紘。率乎直指。晻乎反鄉。蹶石闕。歷

封巒過鳩鵲望露寒下棠梨息宜春西馳宣曲濯鷁牛首登龍臺掩細柳

觀士大夫之勤略均獵者之所得獲徒車之所轡轢步騎之所蹂若人臣

之所蹈藉與其窮極倦飢驚憚讐伏不被創刃而死者他他藉藉填阬滿

谷掩平彌澤於是乎游戲懈怠置酒乎顛天之臺張樂乎膠葛之寓撞千

石之鐘立萬石之虞建翠華之旗樹靈鼉之鼓奏陶唐氏之舞聽葛天氏

之歌千人倡萬人和山陵為之震動川谷為之蕩波巴渝宋蔡淮南于遮

文成顛歌族居遞奏金鼓迭起鏗鏘闐鞀洞心駭耳荆吳鄭衛之聲韶漢

武象之樂陰淫案衍之音鄢郢繽紛激楚結風俳優侏儒狄鞮之倡所以

娛耳目樂心意者麗靡爛漫於前靡曼美色於後若夫青琴處妃之徒絕

殊離俗妖冶閑都靚粧刻飾便嬛綽約柔橈嫵嫵嫵媚纖弱曳獨繭之襍

裋眇閻易以卹削便姍嬖屑與俗殊服芬芳漚鬱酷烈淑郁皓齒粲爛宜

笑的矚長眉連娟微睇緜藐色授魂與心愉於側於是酒中樂酣天子芒

然而思似若有亡曰嗟乎此太奢侈朕以覽聽餘閒無事棄日順天道以

殺伐時休息於此恐後葉靡麗遂往而不返非所以為繼嗣創業垂統也

於是乃解酒罷獵而命有司曰地可墾闢悉為農郊以贍萌隸頽牆填塹

使山澤之人得至焉實陂池而勿禁虛宮館而勿侈發倉廩以救貧窮補

不足恤鰥貧存孤獨出德號省刑罰改制度易服色革正朔與天下為始

於是歷吉日以齋戒。襲朝服。乘法駕。建華旗。鳴玉鸞。游於六藝之園。馳騫
 乎仁義之塗。覽觀春秋之林。射狸首兼騶虞。弋玄鶴舞千戚。輕雲罕掩羣
 雅。悲伐檀樂樂胥。修容乎禮園。翔翔乎書圃。述易道。放怪獸。登明堂。坐清
 廟。次羣臣。奏得失。四海之內。靡不受獲。於斯之時。天下大悅。鄉風而聽。隨
 流而化。四一七。嶽然興道而遷義。刑錯而不用。德隆於三皇。功羨於五帝。若此。故
 獵乃可喜也。若夫終日馳騁。勞神苦形。罷車馬之用。抗士卒之精。費府庫
 之財。而無德厚之恩。務在獨樂。不顧衆庶。忘國家之政。貪雉兔之獲。則仁
 者不由也。從此觀之。齊楚之事。豈不哀哉。地方不過千里。而囿居九百。是
 草木不得墾闢。而民無所食也。夫以諸侯之細。而樂萬乘之侈。僕恐百姓
 被其尤也。於是二子愀然改容。超若自失。逡巡避席曰。鄙人固陋。不知忌
 諱。乃今日見教。謹受命矣。

【註音】(听)古晒字(專)同販(瀾)音霸(澹)音產(豐)音皓(療)音牢(瀾)音快(然)音餘(墜)
 同野(陔)同狹(墟)音祈(彭)音烹(滄)破怪切(澤)音畢(宓)音密(汨)音越(泌)音筆(澗)音櫛(激)音營
 (例)音列(凜)匹祕切(沆)胡朗切(澤)音善(盪)同戾(滄)音邑(滄)音麗(瀨)音賴(坻)音遲(澗)土減切
 (瀨)仕角切(賈)音殞(碎)鋪庚切(磅)音傍(訇)音轟(濕)音骨(滄)丑入切(滄)音緝(滄)音吸(膠)同寥
 (瀨)音浩(漾)以沼切(橫)戶廣切(翬)胡沃切(瀉)音皓(陂)音卑(鮒)古鄧切(鰓)末鄧切(鰓)魚容切
 (鰓)音容(鰓)音乾(鮒)音託(馬)音虞(鮒)音墟(鰓)渠言切(鰓)音祁(鰓)音歷(鰓)音輒(鰓)
 音裸(磷)音鄰(滄)同浩(鰓)音肅(鰓)音寶(鰓)音木(鰓)音針(鰓)音貲(鰓)許交切(鰓)音盧(鰓)子答
 切(鰓)音牒(轟)音觸(鰓)音聾(鰓)音竦(鰓)音川(鰓)音雌(鰓)音宗(鰓)音截(鰓)音齧(鰓)音遲(鰓)
 魚寔切(錡)音義(推)崔上聲(婁)音委(鰓)音掘(崎)叶音倚(鎔)呼含切(呀)呼加切(問)音訝(鰓)同鳥

叶篤(歲)烏同切(魄)於虺切(蝦)於鬼切(瘳)音賄(壘)音磊(蠟)音律(施)音易(陂)音皮(綽)音彼(豸)池爾切(沈)愈水切(鬻)音育(綠)同棗(苾)音紫(襄)音穰(歲)音針(橙)音登(苧)音苧(獲)音護(胎)喜乙切(蠻)音響(菱)音愛(唳)音畢(莠)音勃(纘)音軫(芴)音物(獮)音容(獬)音陌(犛)音釐(塵)音士(圖)通圓(揭)音憇(驛)音顛(駭)音癸(駭)音決(隄)音啼(颯)同驟(穰)音崔(屬)音燭(欄)同權(突)音杏(頰)同俯(承)古攀字(揆)音老(倭)徒可切(勳)音黝(鰲)力糾切(俾)音善(暴)音僕(振)章忍切(喋)音捷(喋)音業(璿)同珉(玢)音彬(磷)音鄰(舌)同插(晁)同朝(碗)音宛(琰)以冉切(橙)音澄(榛)音凌(燃)然上聲(樽)音逞(奠)音郁(荅)音答(逯)音杏(馳)音肆(扒)音兀(櫛)音諸(枰)音平(櫛)音盧(邪)弋奢切(穰)音讒(稜)音俊(楸)同茂(卷)音權(櫛)音離(危)音詭(癸)音拔(飢)同委(閭)音可(柯)音裸(纜)音麗(蓊)音蕭(蔘)音森(劉)音劉(嶽)音卉(傑)音差(苾)音比(虎)音豸(雌)音唯(獵)音嬰(蠟)音壘(蛭)音質(蝟)音迅(蠟)音嬰(猱)奴刀切(獺)音讒(毅)呼木切(蛭)音詭(幡)通翻(蟻)音矯(掉)音調(拖)同拖(道)讀導(陸)音祛(殷)音隱(貌)音毳(鷓)音曷(縉)同袴(暖)音宗(磧)千狄切(纏)音蟹(蝦)音遐(蛤)音鴿(鋌)音延(絹)音吠(駮)音窈(裏)音嫻(儵)音叔(轄)音衛(彘)音標(躡)音吝(捐)音稍(儂)音襄(紘)音宏(鞞)音厥(鳩)音支(蘭)音吝(轆)音歷(蹶)如又切(他)音拖(顛)音皓(寓)同字(虞)音巨(闔)音堂(鞞)音榻(侏)音朱(鞞)音低(處)音伏(觀)音淨(糴)音莊(煨)音喧(燥)於圓切(禿)音翁(襖)音肄(便)音駢(姍)音先(嬖)音警(聯)音第(罕)同罕(勃)音諱(抗)音玩(罷)讀疲(愀)音悄

【釋義】
 ①笑貌。②諸侯朝於天子曰述職。③猶過也。④漢郡。即今廣西蒼梧縣治。⑤即古豳國在今陝西枸邑縣西。⑥源出陝西商縣西北冢嶺山。東南流經商南縣。又東入河南。經內鄉浙川。又東南稱均水。折西南至湖北均縣入於漢水。⑦在今山西離石縣西北。⑧源出陝西藍田縣東倒谷中。西南流納藍水。折西北流納朝水。又西北經長安。過灞橋。又西北與澧水會而北流。注於渭。⑨關中八川之一。源出藍田縣西南谷中。西北流經焦戴鎮。為焦戴河。又西北經長安。會霸水。入于渭。⑩源出甘肅化平縣西南大關山麓。東流至涇川縣。入陝西。東南流經長武。邠縣。醴泉。涇陽。高陵。入於渭。⑪源出甘肅渭源縣西北鳥鼠山。東南流至清水縣。入陝西境。經鳳翔。納雍水。東流經省治。納黑水。澧河。及鄠。滻。潯。灃。諸水。北納涇水。漆。沮水。東北流至朝邑。納洛水。東流至潼關。入黃河。⑫亦作灃。源出陝西寧陝縣東北秦嶺。西北流經長安。納灃水。又西北分流。并注渭。⑬源出陝西長安縣南。北流入灃。即石甃谷水。其下游本由故長安城西南之鑄池。北注於渭。其流久堙。⑭即灃水。源出陝西鄂縣南。北流合諸水。東北入咸陽西南境。注於渭。⑮源出長安縣南秦嶺。西北流歧為二。一北流為阜水。注於渭。一西南流合鑄水。

往於鄠。①猶周旋也。②土高四墮也。③水中可居者曰洲。三輔謂之淤。④廣大貌。⑤疾也。⑥大陵。⑦大石也。⑧堆。高阜。⑨曲岸頭。⑩水聲。⑪水之聲勢也。⑫波相戾也。⑬威貌。⑭謂水流之疾也。⑮言相通也。⑯水波衝擊貌。⑰水相過也。⑱水流輕疾貌。⑲水聲。⑳水徐流也。㉑水急高起旋回如雲屈曲。㉒展轉也。㉓邪曲也。㉔後波陵前也。㉕輪於深淵。㉖水聲。㉗水流沙上也。㉘手擊也。㉙曲隈。㉚奔揚貌。㉛水中高地。㉜水聲。㉝邃深貌。㉞水漸小也。又轉大。㉟水之大聲。㊱水湧出貌。㊲水沸貌。㊳水聲也。㊴猶奔放也。㊵水勢廣遠也。㊶水白光貌。㊷在吳縣。㊸江旁小水。㊹雌龍也。㊺即鮪魚。長鼻軟骨。口在頷下。㊻魚名。皮有文。出於東海。㊼俗呼黑鯢。㊽形似鱣。㊾黃頰魚。似鮪而小。能飛躍。腹背黃色。㊿魚名。皮有毛。黃地黑文。①王餘魚。長尺餘。兩目左右側。其色灰褐。左側向下。色白。頭小口尖。背鰭甚長。起于兩鼻孔之間。棲息近海。②古謂之鱧。一說即鮪魚。俗稱版魚。兩目在左側。與王餘相反。③舉也。④魚背上鱗。⑤光貌。⑥江邊靡迤之處。⑦石之次王者。⑧次王之石。⑨即水晶。⑩委積貌。言衆多也。⑪玉石之色澤也。⑫采色映耀。⑬水鳥名。較雁爲大。翅黑腹白。背頸灰色。⑭鷓鴣。似雁。長頸綠羽。皮可爲裘。⑮似雁而大。全體色白。頸長。嘴根有瘤。色黃赤。飛翔甚高。聲鳴洪亮。俗名天鵝。⑯似雁而有斑文。足無後趾。⑰野鵝也。⑱一名鷺鷥。狀如鴨而大。長項赤目。斑嘴。體色紫紺。如鷓鴣。⑲大如鳧。高腳長喙。頭有紅毛冠。翠鬣青脛。俗稱菱雞。⑳大於鷺而短尾。色紅白。深目。目旁毛長而旋。故稱旋目。㉑似鴨而小。㉒水雞。一名章渠。似鷺。灰色雞足。㉓似魚虎。蒼黑色。㉔似鳧而腳近尾。一名頭鵝。㉕木鳥。即鷓鴣也。形似鴉而黑。喙長微曲。善沒水取魚。一名烏鬼。俗稱水老鴉。①水播揚貌。②覆也。③集也。④鳥聚食聲。⑤水草。⑥高起貌。⑦皆高峻貌。⑧尖銳貌。⑨與參差同。不齊貌。⑩山名。在陝西醴泉縣東北。山有九峯峻聳。⑪即嵯峨山。又名慈峨山。在陝西涇陽三原淳化三縣界。東西二十五里。南北二十里。上有三峯。苻秦嘗置三原護軍於此。⑫一名秦嶺。又名地肺。橫互關中南面。西起秦隴。東徹藍田。相去八百里。主山則在陝西長安縣南。⑬高峻貌。⑭崖際。⑮懸。⑯甌也。⑰敲也。⑱上大下小。有似鼓甌也。⑲高貌。⑳斗絕貌。㉑詰屈也。㉒大貌。㉓空虛也。㉔水中山也。㉕皆高峻貌。㉖皆特起不平貌。㉗堆壘不平貌。㉘猶連延也。㉙旁頽貌。㉚漸平貌。㉛水流澗谷中也。㉜平也。㉝泉澤也。㉞堤上十里爲一亭也。㉟王芻。㊱香草蘭屬。㊲雜也。㊳香草新夷也。㊴多年生草。莖細長。隨處生細根。如線相結。㊵列聚也。㊶芘蔭也。根可染紫。㊷並見離騷。㊸一年生草。莖葉有細毛。葉羽狀分裂。夏開白花。根入藥。㊹香草也。㊺嫩薑也。㊻多年生草。山野自生。高二三尺。葉尖長類薑。夏開淡黃花。㊼即寒漿也。多年生草。葉卵形。端尖。開白色合瓣花。萼實皆紅。根莖花實可入藥。㊽顏師古以爲苻字之誤。苻。鬼目也。莖似葛。葉圓有毛。子赤。叢生。㊾皆香草也。㊿楯也。常綠灌木。高丈餘。葉橢圓。夏開白花。實黃。有稜。入藥。㉑亦香草。

(二二)蔣菰屬。(二二)二稜也。多年生草。葉似莎草。極長。莖二稜如劍。莖端開花。莖可爲繩。(二四)見前卷小山招隱土。
(二四)猶布露也。(二四)離而邪靡不絕之貌。(二四)廣布也。(二四)香氣射散也。(二五)蟄。知聲蟲。解。過也。言芬芳之過。若
蟄之布寫。(二五)香也。(二五)衆盛也。(二五)緻密也。(二五)言眼亂也。(二五)長安有西陂池。東陂池。(二五)犇牛。領肉墳起。
狀如麋鹿。(二五)旄其狀如牛。四節生毛。(二五)獮。以厚似犀。毛短。頸粗。鼻突出。下脣長。性柔易馴。(二五)黑牛。(二五)即
水牛。毛短而硬。色黑。能沈沒水中。(二五)麋。頭類鹿。腳類牛。尾類驢。頸背類駱駝。俗稱四不像。(二五)似鹿而大。(二五)
額也。(二五)見上。(二六)攝衣涉水曰揭。(二六)雄曰麒。雌曰麟。似鹿而大。牛尾馬蹄。有肉角。背毛五彩。腹毛黃。不履
生草。不食生物。(二六)似豹。角在鼻上。(二六)良馬名。(二六)頸足皆長。背有肉峯隆起。性溫順而力強。能負重行遠。
(二六)見上。子虛賦。(二六)野馬也。(二六)駿馬也。(二六)重軒。(二六)以玉飾瓦之當。(二七)宮中道。可乘輦。(二七)相連屬也。
(二七)步廊。(二七)山之高聚者。(二七)重累而成之。(二七)言於岩穴交底爲室。(二七)視遠貌。(二七)椽也。檐前木。(二六)
流星。(二六)宮中小門。(二六)屈曲之虹。(二六)加上也。(二六)橋。欄檻也。軒。楹下版也。(二六)行動貌。(二六)夾室前堂。(二六)
西廂清淨處。(二六)衆仙之號也。(二六)仙人也。槐里採藥父。食松子而體生毛。見列仙傳。(二六)偃臥日中。(二六)南
檐。(二六)泉味如醴。(二六)重密累積也。(二六)鼓貌。(二六)並山高貌。(二六)玉名。(二六)生海中。其形如樹。色有紅白。(二六)
言磬磬也。(二六)文理貌也。(二六)赤玉。(二六)采點。(二六)玉名。(二六)美玉。(二六)卞和之璧。(二六)金柑。常綠灌木。實生時。
青盧色。熟則色黃。(二六)常綠灌木。橘屬。初冬結實。形正圓。色黃赤。(二六)常綠灌木。實經霜早熟。形圓。皮色黃。瓢味
酸。(二六)小橘。(二六)常綠亞喬木。夏初實熟。形圓。色黃。皮有細毛。味甘酸。(二六)山棗。落葉喬木。實圓小。熟則紅紫。仁
可入藥。(二六)落葉喬木。實圓。未熟時。味澁。熟則味甘。色紅。(二六)亭。亦作棹。一名棠梨。落葉亞喬木。實如棟實。味甘
酸可食。(二六)即蘋果。落葉亞喬木。實圓。生青。熟則半紅半白。其味甘鬆。(二六)落葉喬木。夏初開花。色淡黃。九瓣。氣
芳烈。樹皮與花。入藥。(二六)一名君遷。即牛奶柿。(二六)落葉亞喬木。實橢圓。色有紅黑。(二六)常綠亞喬木。實夏熟。形
如彈丸。小粒突起。熟則紅紫。味酸甜。(二六)落葉灌木。實如小球。熟則紅。味甘。(二六)蔓生之木。本植物。實至秋熟。皮
紫綠色。甘美可食。又可制酒。(二六)未詳。(二六)萹。郁李也。落葉灌木。夏月結實。色赤紫。味酸。亦名唐棣。(二六)實如櫻
桃而圓。有微毛。頗酸。初夏熟。(二六)似李。出於蜀。(二六)即荔枝。常綠喬木。果實外皮有龜甲紋。肉色白。味甘多汁。(二
三)延也。(二三)搖也。(二三)言其光彩之盛也。(二三)木名。幹葉類棠梨。花黃。實紅。味如李。無核。其材可以爲舟。(二三)落
葉亞喬木。產於北方。山東尤多。高二三丈。葉有鋸齒類栗。花單性。黃褐色。實圓而端尖。有殼斗如椀。爲村栗。亦稱
橡實。(二三)櫟。常綠喬木。高二三丈許。樹皮色白。葉有鋸齒。面青背白。春開黃褐色花。實有殼斗。大如菩提子。(二三)華
亦作樺。落葉喬木。產遼東及西北諸地。嫩紅。混同江間尤多。高二四丈。葉卵形而尖。皮有斑文。厚而輕軟。古以裹

弓鞞鞞鐙刀靶等物。(三三)楓。落葉喬木。葉掌狀二裂。有細鋸齒。經秋而紅。春開黃褐色花。結球果。(三三)枰。即平仲。亦名銀杏。落葉喬木。葉有缺刻。春開淡綠色單性小花。秋末結實頗繁。霜後肉爛。取核爲果。色白。故或謂之白果。仁可食。(三三)櫨。即黃櫨。落葉喬木。豫蜀等省產生甚多。葉爲羽狀複葉。小者作長卵形。夏開小花。實扁圓而小。可採蠟。(三三)留。疑卽是榴。爲落葉灌木。葉爲長橢圓形。平滑。夏初開花。萼赤。花瓣深紅。實爲球狀。赤色。有黑斑。熟則自裂。可食。(三三)葉如榆。皮堅韌。剝之長數尺。可爲繩索。其材爲杯器。(三三)似并閩。皮可作索。(三三)檳榔。常綠喬木。產於熱帶地。葉爲羽狀複葉。小葉之止端。作齒嚙狀。五年始實。實出葉中。成房。每房簇生數百。形長而尖。剝其肉。如肉荳蔻。有紫櫻色紋。味澁微甘。土人細切嚼食之。以爲有健胃利尿強齒之效。(三三)卽櫻櫚。常綠喬木。幹類圓柱。葉掌狀分裂。有長柄。叢生幹端。葉之根部。包裹褐色之毛。花小。色淡黃。有苞包之。(三三)與檀香同類而無香。(三三)見卷六十一。離騷。(三三)見上。(三三)常綠小灌木。葉卵形。夏開小白花。實長橢圓。形色紫黑。如鼠矢。(三三)張布也。(三三)茂威。(三三)曲也。(三三)支重累也。(三三)交雜也。(三三)蟠戾也。(三三)徑直貌。(三三)相扶持也。(三三)四布也。(三三)飛揚貌。(三三)枝竦擢也。(三三)阿那柔弱貌。(三三)林木鼓動聲。(三三)參差不齊也。(三三)環繞也。(三三)相重被也。(三三)重積也。(三三)猿之雄者黑色。(三三)猿之雌者素色。(三三)雌。似母猴。仰鼻而長尾。用則懸於樹。以尾塞鼻孔。或以兩指。(三三)似獼猴而大。(三三)鼯鼠。體長七八寸。背褐。腹白。尾長。密生長毛。能飛行樹上。夜出覓食。聲如小兒啼。(三三)蛭。飛蛭也。四翼。見「山海經」。(三三)蟬也。(三三)獼猴也。(三三)似猴。頭上有髮。腰以後黑。(三三)穀。似鼯而大。腰以後黃。(三三)其狀若龜。白身赤骨。可以禦火。(三三)互相經過。(三三)伸縮游行之態。(三三)異楨也。(三三)稀疏無枝之間。(三三)猶遼落也。(三三)參差也。(三三)崩騰羣走貌。(三三)象路也。以象牙鑲鏤其車輅也。(三三)駕六馬。似虬。以玉飾之。(三三)析羽毛。染五采爲旌。有似虹蜺。(三三)畫雲於旗。(三三)虎皮飾車。(三三)天子出。道車五乘。游車九乘。在乘輿前。(三三)太僕公孫賀。字子叔。(三三)大將軍衛青也。(三三)隨從之人。(三三)闌校之四面也。(三三)言擊嚴鼓簿函之中也。(三三)因山谷遮禽獸爲陸。(三三)望樓。(三三)猶震也。(三三)謂生取之也。(三三)貌。形似虎。毛色灰白。遼東人謂之白羆。雄曰羆。雌曰貅。(三三)似虎而小。毛黃褐色。背有黑圓斑。(三三)體大於熊。頸長脚高。毛黃白色。(三三)山羊。(三三)用鷓尾作流蘇以飾冠也。(三三)謂絆絡之也。(三三)虎豹之皮。(三三)三聚之山。(三三)不平也。(三三)以衣渡水。曰厲。(三三)龍雀也。鳥身而鹿頭。(三三)似鹿。一角。性忠。見人鬪。則觸不直者。聞人論。則咋不正者。(三三)獸名。(三三)小予也。(三三)似熊而小。毛淺有光澤。產蜀中。(三三)繫也。(三三)良馬。金喙赤色。日行萬里。(三三)大猪。(三三)頸也。(三三)以斲而入也。(三三)疾遠貌。(三三)放散也。(三三)車軸之端。以車軸轆之也。(三三)捷取之也。(三三)妖氣游光。(三三)夏之。良弓。(三三)引弓盡滿。(三三)梟羊。似人。長脣。反踵。被髮食人。(三三)擊也。(三三)神獸。鹿頭龍身。(三三)志先定也。(三三)所射準的爲藝。(三三)殪。

一發死爲殮。(三三五)僵也。(三三六)疾風從下而上。(三三七)車踐也。(三三八)亂其行伍。(三三九)見九辯。(三四〇)追捕之義。(三四一)見前子虛賦。(三四二)「山海經」九疑之山有五彩之鳥。名曰翳鳥。(三四三)掠也。(三四四)得也。(三四五)見前子虛賦。(三四六)取也。(三四七)似鳳。(三四八)猶徘徊也。(三四九)紘。維也。「淮南子」北方之紘曰委羽。(三五〇)忽然疾歸貌。(三五二)踴也。(三五三)四觀名。漢武帝建元中作。在雲陽甘泉宮外。今陝西淳化縣甘泉山上。(三五三)觀名。在甘泉宮外。(三四四)觀名。在陝西鄠縣西南。漢武帝所造。(三五五)宮名。在陝西長安縣昆明池西。(三四六)濯。同棹。所以刺舟。鑄。解見前。(三四七)池名。在陝西長安縣西北野非澤。(三四八)觀名。在陝西鄠縣東北。(三四九)息也。(三五〇)觀名。在長安縣西南。(三五二)車所踐也。(三五三)足踐踏也。(三五三)疲憊也。(三五四)怖不動貌。(三五五)言交橫也。(三五六)平原。(三五七)高也。(三五八)曠遠深貌。(三五九)懸鐘之架。(三六〇)翠羽爲旗上葆。(三六一)鼉皮爲鼓。(三六二)「漢書顏師古注」陶唐當作陰康。引「呂氏春秋」昔陰康氏之始。民氣鬱閼。筋骨縮粟不達。故作爲舞以宣尊之。(三六三)三皇時君號也。其樂三人持牛尾。投足以歌八闋。一曰戴民。二曰玄鳥。三曰育草木。四曰奮五穀。五曰敬天常。六曰建帝功。七曰依地德。八曰總禽獸之極。(三六四)巴西園中有渝水。獠居其上。剛勇好舞。高祖使樂府習之。因名巴渝舞。(三六五)宋音燕女溺志。蔡人善謳。(三六六)曲名。(三六七)遼西縣名也。其縣人善歌。(三六八)益州顯縣。其民能作西南夷歌。(三六九)猶類也。(三七〇)鐘聲。(三七一)鼓音。(三七二)舜樂。(三七三)漢。湯樂。(三七四)武。武王樂。(三七五)周公樂。(三七六)靡靡延長之意。(三七七)楚地。詳前。(三七八)舞貌。(三七八)並曲名。(三七八)倡樂可狎玩者。(三七八)西戎樂名。(三七八)肌理細澤。(三七八)古神女也。(三七八)伏羲氏女。溺死洛遂爲洛水之神。(三五五)美好也。(三五六)雅麗也。(三五六)粉白黛黑也。(三五六)刻畫髮鬢。(三六九)輕利貌。(三六九)婉約也。(三六九)骨體柔弱貌。(三六九)姿態之美。(三六九)楡。謂櫛。直裾單衣。袖也。亦作襪。(三六九)衣長大貌。(三六九)衣服寬窄合度。(三六九)行步安詳。(三六九)香氣盛也。(三六九)鮮明貌。(四一九)細曲貌。(四〇〇)小視。(四〇一)視遠貌。(四〇二)猶罔然也。(四〇三)後世也。(四〇四)滿也。(四〇五)德音之號令也。(四〇六)謂六經也。(四〇七)逸詩篇名。「禮射義」諸侯以狸首爲節。狸首者。樂會時也。又「樂記」散軍而郊射。左射狸首。右射騶虞。而貫革之射息也。(四〇八)詩召南篇名。周文王時。諸侯仁民而愛物。故以騶虞爲比。按騶虞獸名。白質黑文。尾長於軀。不食生食。不履生草。(四〇九)「書大傳」舜樂歌曰。和伯之樂舞玄鶴。(四一〇)干。盾也。戚。斧也。「公羊傳」朱干玉戚。以舞大夏。(四一一)車名。(四一二)猶收也。(四一三)雅士成羣。(四一四)詩魏風篇名。刺貪鄙也。(四一五)「詩桑扈」君子樂胥。受天之祜。胥。有材智者。(四一六)朝諸侯之處。(四一七)太廟。(四一八)迅疾貌。(四一九)置也。(四二〇)損也。(四二一)變色貌。(四二二)卻退也。

「諸家集評」吳至父曰。子虛上林當爲一篇。又曰。子虛上林一篇耳。史言空藉此三人爲詞。則亦以爲一篇矣。而又謂子虛賦乃游梁時作。及見天子乃爲天子遊獵賦。疑皆相如。自爲賦序。設此寓言。非實事也。揚得意爲狗監。及天子讀賦。恨不同時。皆假設之詞也。

司馬長卿哀二世賦

登^八陂^{*一}阨^{*二}之長坂^{*三}兮。全^{*四}入會宮之嵯峨。臨曲江之隄^{*五}州兮。望南山之參差。巖^八深山之^{*九}涇涇兮。通谷豁乎^{*一〇}。銛^{*一一}銛^{*一二}。汨^{*一三}減^{*一四}。報以永逝兮。注平皋之廣衍。觀衆樹之蒼^{*一五}。夔兮。覽竹林之榛榛。東馳土山兮。北揭石瀨。弭節容與兮。歷弔二世。持身不謹兮。亡國失勢。信讒不寤兮。宗廟滅絕。嗚呼哀哉。操行之不得。墓蕪穢而不修兮。魂亡歸而不食。復邈絕而不齊兮。彌久遠而愈^{*一六}。侏^{*一七}精罔^{*一八}。闐而飛揚兮。拾九天而永逝。嗚呼哀哉。

【註音】(陂)音碑(阨)音駝(坂)音反(全)步悶切(隄)同確音祁(銛)音籠(銛)呼含切(銛)虛加切(汨)于筆切(減)音域(報)蘇含切(蒼)翁上聲(夔)音愛(揭)音憇(上)通無(侏)通昧(拾)音步

【釋義】一邪平也。阨與陀通。二坂。坂也。俗曰斜坡。三並也。四重也。五在陝西長安縣東南十里亦曰曲江池。今已煙為平陸。六臨池岸之洲。州洲通。七即終南山。八高峻貌。九山深貌。十谷中空大貌。十一疾流貌。十二輕舉之意。十三水邊地也。十四隱蔽貌。十五盛貌。十六褰衣而涉也。十七淺水也。十八遊戲貌。十九空廓貌。二十拾級而登也。二十一為羨天。二十二為從天。二十三為更天。二十四為碎天。二十五為廊天。二十六為沈天。二十七為成天。見「太玄」。

司馬長卿大人賦

世有大人兮。在於中州。宅彌萬里兮。會不足以少留。悲世俗之迫隘兮。竭^{*二一}輕舉而遠游。乘絳幡之素蜺兮。載雲氣而上浮。建格澤之長竿兮。總^{*二二}光耀之采旄。垂旬始以爲慘兮。批^{*二三}彗星而爲髻。掉指橋以偃蹇兮。又旖旎以招

搖攬欒槍以爲旌兮。靡屈虹而爲綢。紅杏渺以眩昏兮。焱風涌而雲浮。駕

應龍象輿之躡。略委麗兮。驂赤螭青虬之螭。蟠蜿蜒低叩天嶠。裾以驕鰲

兮。詘折隆窮。躡以連卷沛艾。赴蟻乞以怡凝兮。放散畔岸。驤以孱顏。踳躩

鞞。蟾容以委麗兮。蜩蟪偃蹇。怵彘以梁倚。糾蓼叫鼻。蹋以艘路兮。蓑蒙踊

躍。騰而狂。蒞蒺。夔夔至電。過兮。煥然霧除。霍然雲消。邪絕少陽而登

太陰兮。與真人乎相求。互折窈窕以右轉兮。橫厲飛泉以正東。悉徵靈囿

而選之兮。部署衆神於瑤光。使五帝先導兮。反太一而從陵陽。左玄冥而

右黔鬻兮。前長離而後裔。皇廡征伯。僑而役羨門兮。詔岐伯使尙方。祝融

警而蹕御兮。清氣氛而後行。屯余車其萬乘兮。絳雲蓋而樹華旗。使句芒

其將行兮。吾欲往乎南嬉。歷唐堯於崇山兮。過虞舜於九疑。紛湛湛其差

錯兮。雜還膠葛以方馳。騷擾衝菝其相紛。挈兮。傍溟泱。泱軋麗以林離。攢羅

列聚。叢以龍茸兮。衍曼流爛。彥以陸離。徑入蠹室之砢。磷鬱律兮。洞出鬼

谷之岨。暑歲魁徧覽入紘而觀四荒兮。竭度九江而越五河。經營炎火而

浮弱水兮。杭絕浮渚而涉流沙。奄息葱極。汜濫水嬉兮。使靈媧鼓瑟而舞

馮夷。時若曖曖將混濁兮。召屏翳誅風伯而刑雨師。西望崑崙之軋。沕泐

忽兮。直徑馳乎三危。排闥闔而入帝宮兮。載玉女而與之歸。舒闥風而遙

集兮。亢鳥騰而一止。低回陰山。翔以紆曲兮。吾乃今日睹西王母。曩然白

首戴勝而穴處兮。亦幸有三足烏爲之使。必長生若此而不死兮。雖濟萬世不足以喜。回車竭來兮。絕道不周會食幽都呼吸沆瀣兮。食朝霞。噍咀芝英兮。噉瓊華。熒侵尋而高縱兮。紛鴻涌而上厲。貫列缺之倒景兮。涉豐隆之滂沛。龍游道而修降兮。驚遺霧而遠逝。迫區中之隘陝兮。舒節出乎北垠。遺屯騎於玄闕兮。軼先驅於寒門。下崢嶸而無地兮。上寥廓而無天。視眩眠而無見兮。聽愴况而無聞。乘虛無而上遐兮。超無友而獨存。

【註音】(揭)音揭(慘)音衫(批)音裔(髻)音梢(潛)音麵(蠖)於縛切(蠃)音幽(螺)音柳(裾)通倨(躩)厥縛切(卷)音權(蝮)音臭(仇)魚乙切(怡)音以(擬)同擬(跬)丑利切(躡)音鐸(鞞)音曷(蜩)徒弔切(螻)力弔切(鼻)陟略切(鼻)音傲(膠)同屈(蒙)音夢(雉)以水切(菘)音利(蠟)音立(標)音標(雷)同雷(喬)音聿(皇)音皇(絳)子內切(湛)徒感切(菴)音竦(導)音備切(龍)來孔切(茸)乳勇切(蓼)賞是切(碎)音耕切(壘)洛賄切(歲)烏回切(暖)音愛(物)音物(洸)音况(鬪)同皓(沆)杭上聲(澗)音械(寰)通餐(噍)才笑切(噉)音機(噉)思廉切(愉)昌兩切

【釋義】(一)即中國。(二)去意。(三)用也。(四)漢書音義「格」格。澤之氣。狀如炎火。黃白色。起地上至天。下大上銳。(五)係也。(六)即今蠶頭。(七)星名。「史記」旬始出於北斗傍。狀如雄雞。「註」蚩尤也。(八)旌旗之旒。(九)旗上羽毛。(十)隨風指靡。(十一)曲貌。(十二)下垂貌。(十三)申動貌。(十四)彗星也。(十五)順也。(十六)裏冒旌竿。(十七)混合也。(十八)有翼之龍。(十九)皆行步進止之貌。(二十)裾通倨。倨傲不遜也。(二十一)曲委也。(二十二)舉鬢也。(二十三)跳也。(二十四)見前卷上林賦。(二十五)搖頭。(二十六)伸頸低昂。(二十七)舉首也。(二十八)不上前也。(二十九)自縱貌。(三十)舉也。(三十一)不齊也。(三十二)乍前乍卻也。(三十三)搖目吐舌貌。(三十四)左右相隨也。(三十五)掉頭也。(三十六)夭矯也。(三十七)奔走也。(三十八)相著也。(三十九)相引也。(四十)相呼也。(四十一)足著地也。(四十二)至也。(四十三)細蟲。(四十四)跳也。(四十五)馳也。(四十六)奔走也。(四十七)飛相及也。(四十八)走相迫也。(四十九)火飛也。(五十)東極。(五十一)北極。(五十二)涉也。(五十三)飛泉谷在崑崙山西南。(五十四)衆仙之號。(五十五)猶處置也。(五十六)北斗杓頭第一星。(五十七)五時太皞之屬。(五十八)中宮天極星。其一明者。太一常居也。見「史記天官書」。(五十九)相傳爲陵陽子明成仙之地。(六十)水神。(六十一)造化天地之神。(六十二)神名。(六十三)神名。(六十四)役也。(六十五)仙人名。(六十六)見六十三卷高唐賦。(六十七)黃帝臣。帝使岐伯嘗味草木。典主醫病。與論醫。更相問難。著素問靈樞。總爲內經十八卷。爲醫書之祖。(六十八)主方藥也。(六十九)火神。(七十)天子出。止行者以清道也。

惡氣。⑤合也。⑥水神。⑦領從者也。⑧在湖南大庸縣西南。與天門山相連。即舜放驩兜之所。⑨山名。在湖南寧遠縣南六十里。舜所葬地。⑩厚重貌。⑪重累也。⑫猶交加也。⑬相入貌。⑭持也。⑮衆威貌。⑯不前也。⑰靡也。⑱猶分散之義。⑲聚貌。⑳布散也。㉑衆也。㉒參差也。㉓雷淵也。見卷六十三招魂。㉔深峻貌。㉕通也。㉖在崑崙北直北辰下。衆鬼之所聚也。見〔漢書註〕。㉗不平也。〔淮南子〕九州之外有八殞。八殞之外有八紘。〔註〕紘。維也。維絡天地而為之表。〔爾雅〕飀竹。北戶。西王母。日下。謂之四荒。〔註〕飀竹在北。北戶在南。西王母在西。日下在東。皆四方昏荒之國。〔在今廬江尋陽縣南。皆東合為大江。〕即五湖。〔山海經〕崑崙之岳。其外有炎火之山。投物輒然。〔山海經〕西海之南。流沙之濱。有大山曰崑崙之邱。其下有弱水之淵。〔註〕其水不勝鴻毛。又〔禹貢〕之弱水。即今甘肅之張掖河。〔二〇二〕休息也。〔二〇三〕即葱嶺。中國山脈。皆發於此山。〔二〇四〕即女媧也。〔二〇五〕暗也。〔二〇六〕雷師。〔二〇七〕不分明貌。〔二〇八〕山名。在甘肅敦煌縣南。三峯聳峙。如危欲墮。故名。〔二〇九〕並卷六十一見離騷。〔二一〇〕亢然高飛。如鳥之騰。〔二一一〕崑崙山之北支。起於河套之西北。綿亘于綏遠。察哈爾。熱河各特別區域。與內興安嶺相接。隨地易名。蓋數千里。〔二一二〕穆天子傳。周穆王好神仙。臨西王母于涇池之上。〔註〕西王母如人。虎首蓬髮戴勝。善嘯。〔西陽雜俎〕西王母姓楊。名回。一名婉妗。〔二一三〕白也。〔二一四〕華勝。婦人首飾。〔二一五〕三足青鳥。主為西王母取食。在崑崙之北。見〔漢書註〕。〔二一六〕見卷六十一離騷。〔二一七〕〔淮南子〕八極。西北曰幽都之門。〔二一八〕見卷六十一離騷。六氣條注。〔二一九〕咀嚼也。〔二二〇〕小食也。〔二二一〕敏疾也。〔二二二〕漸進也。〔二二三〕竦踊也。〔二二四〕電也。〔二二五〕雲師。〔二二六〕見前卷上林賦。〔二二七〕霧在後也。〔二二八〕北極之山。〔二二九〕俱見卷六十一遠遊。〔三〇〕目不安也。〔三一〕見卷六十一遠遊。〔諸家集評〕姚氏曰此賦多取於遠遊。遠遊先訪求中國仙人之居。乃上至天帝之宮。下又周覽天地之間。自於微閭以下。分東西南北四段。此賦自橫厲飛泉以正東以下。分東南西北四段。而求仙人之居。意即載其間。末六句與遠遊語同。然屈子意在遠去世之沈濁。故云至清而與太初為鄰。長卿則謂帝若果能為仙人。即居此。無聞無見無友之地。亦胡樂乎此邪。與屈子語同而意別矣。

司馬長卿長門賦

孝武皇帝陳皇后。時得幸。頗妒。別在長門宮。愁悶悲思。聞蜀郡成都司馬相如。天下工為文。奉黃金百斤。為相如文君。取酒。因于解悲愁之辭。而相如為文以悟主上。陳皇后復得親幸。其辭曰。

夫何一佳人兮。步逍遙以自虞。魂踰佚而不返兮。形枯槁而獨居。言我朝
往而暮來兮。飲食樂而忘人。心慊移而不省故兮。交得意而相親。伊予志
之慢愚兮。懷貞慤之歡心。願賜問而自進兮。得尙君之玉音。奉虛言而望
誠兮。期城南之離宮。修薄具而自設兮。君會不肯乎幸臨。廓獨潛而專精
兮。天飄飄而疾風。登蘭臺而遙望兮。神怳怳而外淫。浮雲鬱而四塞兮。天
窈窕而晝陰。雷隱隱而響起兮。聲象君之車音。飄風迴而赴閨兮。舉帷幄
之澹澹。桂樹交而相紛兮。芳酷烈之閭閭。孔雀集而相存兮。玄猿嘯而長
吟。翡翠脅翼而來萃兮。鸞鳳飛而北南。心憑噫而不舒兮。邪氣壯而攻中。
下蘭臺而周覽兮。步從容於深宮。正殿塊以造天兮。鬱並起而穹崇。閒徙
倚於東廂兮。觀夫靡靡而無窮。擠玉戶以撼金鋪兮。聲噌吰而似鐘音。刻
木蘭以爲榱兮。飾文杏以爲梁。羅丰茸之游樹兮。離樓梧而相撐。施瑰木
之櫺檻兮。委參差以棟梁。時髣髴以物類兮。象積石之將將。五色炫以相
曜兮。爛耀耀而成光。緻錯石之瓊甍兮。象瑋瑋之文章。張羅綺之幔帷兮。
垂楚組之連網。撫柱楣以從容兮。覽曲臺之央央。白鶴噉以哀號兮。孤雌
踟於枯楊。日黃昏而望絕兮。悵獨託於空堂。懸明月以自照兮。徂清夜於
洞房。援雅琴以變調兮。奏愁思之不可長。案流徵以卻轉兮。聲幼妙而復
揚。貫歷覽其中操兮。意慷慨而自卬。左右悲而垂淚兮。涕流離而縱橫。舒

息悵而增欷兮。蹠履起而彷徨。揄長袂以自翳兮。數昔日之僇殃。無面目之可顯兮。遂頽思而就牀。搏芬若以為枕兮。席荃蘭而茝香。忽寢寐而夢想兮。魂若君之在旁。惕寤覺而無見兮。魂廷廷若有亡。衆雞鳴而愁予兮。起視月之精光。觀衆星之行列兮。畢昂出於東方。望中庭之藹藹兮。若季秋之降霜。夜曼曼其若歲兮。懷鬱鬱其不可再更。澹偃蹇而待曙兮。荒亭

【註音】(嫌) 勒兼切(檐) 處占切(造) 次奧切(增) 初耕切(吹) 音宏(撐) 抽良切(樽) 音博(櫃) 音虛(據) 音康(瓠) 音零(甕) 平入聲(噉) 音叫(時) 丈里切(徵) 音止(幼) 音要(叩) 音昂(悵) 音邑(蹠) 音履(僇) 同愆(廷) 音旺

【釋義】(一) 初武帝得立為太子。長公主有力。取主女為妃。及帝即位。立為皇后。擅寵驕貴。十餘年而無子。聞衛子夫得幸。幾死者數焉。元光五年。坐女子楚服等為皇后。巫蠱祠祭呪詛。罷退長門宮。(二) 在陝西咸寧縣東北。(三) 卓王孫女。相如妻。(四) 為也。(五) 側度也。(六) 我。武帝也。言帝昔許朝往暮來。幸臨於已。今以飲食恣樂而忘於為人。后自謂也。(七) 絕也。(八) 謹也。(九) 猶奉也。(一〇) 言奉君虛言。而望為誠實。(一一) 肴饌也。(一二) 空也。(一三) 思君之精。(一四) 游也。(一五) 深遠也。(一六) 搖貌。(一七) 香氣盛也。(一八) 恤問也。(一九) 斂也。(二〇) 集也。(二一) 氣滿貌。(二二) 孑然高貌。(二三) 壯大貌。(二四) 細好也。(二五) 排也。(二六) 搖也。(二七) 以金為鋪首也。(二八) 聲也。(二九) 見卷六十一離騷。(三〇) 屋椽。(三一) 即銀杏樹。(三二) 衆飾貌。(三三) 浮柱也。(三四) 攢聚衆木貌。(三五) 邪柱。(三六) 柱也。(三七) 異也。(三八) 柱上方木。(三九) 虛梁。(四〇) 見卷五十九州箴。(四一) 高貌。(四二) 照也。(四三) 密也。(四四) 雜衆石也。(四五) 瓦甃。(四六) 見卷六十五子虛賦。(四七) 組。授類。所以繫帷也。(四八) 二梁。(四九) 未央宮東有曲臺。(五〇) 廣貌。(五一) 鳴也。(五二) 止也。(五三) 望恨也。(五四) 七略曰。雅琴。琴之言禁也。雅之言正也。君子守正以自禁也。(五五) 徵音之滑者。(五六) 精微也。(五七) 言依曲次第。貫穿而歷覽之。(五八) 操之中也。(五九) 激厲也。(六〇) 呼吸遲緩。(六一) 不安也。(六二) 泣餘聲。(六三) 履也。(六四) 引也。(六五) 隱也。(六六) 過也。(六七) 咎也。(六八) 皆香草。(六九) 惶遽貌。(七〇) 二星名。出東方。謂五月六月也。(七一) 月光微闇貌。(七二) 長也。(七三) 搖也。(七四) 佇立貌。(七五) 欲明貌。(七六) 遠貌。(七七) 管子。婦對桓公曰。妾人聞之。非有內憂。必有外患。不敢忘君也。

【諸家集評】朱子曰。漢書皇后及相如傳。無奉金求賦。復幸事。敍者何從實此。

張臯文曰首句與末句爲起訖又曰虛言望識領一篇
吳至父曰此爲假託之文

司馬長卿難蜀父老

漢興七十有八載。德茂存乎六世。威武紛紜。湛恩汪濊。羣生霑濡。洋溢乎
方外。於是乃命使西征。隨流而攘。風之所被。罔不披靡。因朝冉從。馳定笮
存邛。略斯榆。舉苞蒲。結軌還轅。東嚮將報。至於蜀都。耆老大夫。搢紳先生。
之徒。二十有七人。儼然造焉。辭畢。因進曰。蓋聞天子之牧夷狄也。其義羈
縻。勿絕而已。今疲三郡之士。通夜郎之途。三年於茲。而功不竟。士卒勞倦。
萬民不贍。今又接以西夷。百姓力屈。恐不能卒業。此亦使者之累也。竊爲
左右患之。且夫邛笮西僰。之與中國並也。歷年茲多。不可記已。仁者不以
德來。彊者不以力并。意者其殆不可乎。今割齊民以附夷狄。敝所持以事
無用。鄙人固陋。不識所謂。使者曰。烏謂此乎。必若所云。則是蜀不變服。而
巴不化俗也。僕尙惡聞若說。然斯事體大。固非觀者之所觀也。余之行急。
其詳不可得聞已。請爲大夫粗陳其略。蓋世必有非常之人。然後有非常
之事。有非常之事。然後有非常之功。夫非常者。固常人之所異也。故曰。非
常之原。黎民懼焉。及臻厥成。天下晏如也。昔者洪水淳出。汜濫益溢。民人
登降移徙。崎嶇而不安。夏后氏戚之。乃堙洪塞源。決江疏河。灑沈澹災。東
歸之於海。而天下永寧。當斯之勤。豈唯民哉。心煩於慮。而身親其勞。躬胝

無^{二四*}皮膚不生毛。故休烈顯乎無窮。聲稱浹^{二五}乎于茲。且夫賢君之踐位也。豈

特委瑣握^{二六*}。攣拘文牽俗。循誦習傳。當世取說云爾哉。必將崇論閎議。創業

垂統。為萬世規。故馳驚乎兼容并包。而勤思乎參天貳地^{二七}。且詩不云乎。普

天之下。莫非王土。率土之濱。莫非王臣。是以六合之內。八方之外。浸淫^{二八}

盜懷生之物。有不浸潤於澤者。賢君恥之。今封疆之內。冠帶之倫。咸獲嘉

祉^{三一}。靡有缺遺矣。而夷狄殊俗之國。遼絕異黨之域。舟車不通。人跡罕至。政

教未加。流風猶微。內之則犯義侵禮於邊境。外之則邪行橫作。放弑其上。

君臣易位。尊卑失序。父兄不辜。幼孤為奴。繫縲號泣。內嚮而怨。曰。蓋聞中

國有至仁焉。德洋而恩普。物靡不得其所。今獨曷為遺已。舉踵思慕。若枯

旱之望雨。盍夫為之垂涕。況乎上聖。又焉能已。故北出師以討彊胡^{三三}。南馳

使以詣勁越^{三四}。四面風德。二方之君。鱗集仰流。願得受號者以億計。故乃關

沫若^{三九}。徵牂牁^{四〇}。鑿靈山^{四一}。梁孫原^{四二}。創道德之塗。垂仁義之統。將博恩廣施。遠撫

長駕。使^{四五}。疏逖不閉^{四六}。智爽闇昧。得耀乎光明。以偃甲兵於此。而息誅伐於彼。

遐邇一體。中外禔福^{四七}。不亦康乎。夫拯民於沈溺。奉至尊之休德。反衰世之

陵遲^{四八}。繼周氏之絕業。斯乃天子之亟務也。百姓雖勞。又惡可以已乎哉。且

夫王事。固未有不始於憂勤。而終於逸樂者也。然則受命之符。合在於此。

矣。方將增泰山之封。加梁父之事。鳴和鸞。揚樂頌。上咸五^{五〇}。下登三^{五一}。觀者未

觀指聽者未聞音。猶鷓鴣五二鳴已翔乎寥廓而羅者猶視乎藪澤。悲夫。於是諸大夫茫然喪其所懷來。而失厥所以進。喟然並稱曰。允哉漢德。此鄙人之所願聞也。百姓雖勞。請以身先之。敝罔靡徙。因遷延而辭避。五四 五五

〔註音〕(漘)文減切(濊)音穢(駘)莫江切(笮)音昨(朐)渠容切(螻)蒲北切(淖)蒲沒切(溢)音盆(塹)音因(胙)音支(駝)音拔(狹)音接(握)同離(囓)同齧(縲)音纍(牂)音臧(荊)音歌(鑊)音偏(逖)音狄(習)音忽(稊)音支

〔釋義〕①謂自高祖至武帝。②威貌。③深貌。④潰散也。⑤西夷二族。今四川茂縣地。⑥西夷。今四川漢源縣地。〔史記〕自嵩以東北。君長以什數。笮最大。⑦亦西夷。在今四川西昌縣東南。〔史記〕自嶺以北。君長以什數。朐最大。⑧西夷。一名才俞。又名斯叟。⑨夷種。⑩旋也。⑪馬曰羈。牛曰縻。言四夷如牛馬之受羈縻也。⑫巴蜀廣漢南夷。在今貴州西境。⑬竟終也。⑭夷族名。在漢為犍為郡。今在四川者。或稱擺夷。⑮古皆蠻夷。椎髻左衽之人也。⑯見也。⑰威也。⑱盜也。⑲山路不平。⑳塞也。㉑言分散其深水。以安定其災也。㉒瞞也。㉓股上小毛。㉔相沾微也。㉕急促之貌。㉖己比德於地。是貳地也。地與己并天是三也。㉗漸積也。㉘有餘也。㉙類也。㉚福也。㉛縛也。㉜伐匈奴也。㉝誚責也。以兵救南越也。㉞風化也。㉟謂西夷南夷也。㊱相次也。㊲以沫若水為關也。㊳沫水。亦名平羌江。源出四川蘆山縣西北。東南流。經洪雅夾江二縣。至樂山縣。入岷江。又大渡河亦名沫水。即古泅水。源出四川西北邊境之大雪山。若水。亦名鴉龍江。源出青海巴顏哈喇山東南。經川邊境。下流為打冲河。即瀘水。南入金沙江。㊴塞也。以木柵水為夷狄之界。㊵即今北盤江。由貴州雲南廣西入廣東為西江。又漢郡名。〔華陽國志〕楚莊蟻伐夜郎。軍至且蘭。椽船於岸而步戰。既滅夜郎。乃改此名。按牂牁郡治且蘭。今貴州平越縣。其地有舊遵義府以南。至思南石阡等府。㊶刻也。㊷在四川蘆山縣西北。㊸孫水之源。今名安寧河。源出四川冕寧縣北。南流經縣東。又南流經西昌會理縣西。合若水。一名長河。㊹疏遠者。不被閉絕也。㊺且明也。㊻安也。㊼弛替也。〔五經通義〕易姓而王致太平。必封泰山。禪梁父。㊽漢德與五帝偕威。㊾登於三王之上。㊿狀如鳳凰。天上寬廣之處。失志貌。①無地可容也。

司馬長卿封禪文

伊上古之初肇。自昊穹二生民。歷選列辟三以迄於秦。率邇者踵武。逖聽者風五聲。紛綸威蕤六堙滅而不稱者。不可勝數也。繼昭夏崇號諡。略可道者。七十八有二君。罔若淑而不昌。疇逆失而能存。軒轅之前。遐哉邈乎。其詳不可得九聞已。五三六經載籍之傳。維見可觀也。書曰。元首明哉。股肱良哉。因斯以一三談。君莫盛於唐堯。臣莫賢於后稷。后稷創業於唐。公劉發跡於西戎。文王一四改制。爰周邇隆。大行越成。而後陵遲衰微。千載亡聲。豈不善始善終哉。然一五無異端。慎所由於前。謹遺教於後耳。故軌跡夷易。易遵也。湛恩龐鴻。易豐一六也。憲度蓋明。易則也。垂統理順。易繼也。是以業隆於襁褓。而崇冠乎一八二后一九。揆厥所元。終都攸卒。未有殊尤絕跡。可考於今者也。然猶躡梁父。登泰山。二〇建顯號。施尊名。大漢之德。逢涌原泉。湧二一。縉曼羨。旁魄四塞。雲布霧散。上暢二二九垓。下沂八埏。懷生之類。霑濡浸潤。協氣橫流。武節森逝。邇陬遊原。迴闊二三泳末。首惡鬱沒。晦昧昭晰。昆蟲闔澤。回首面內。然後囿騶虞之珍羣。徼麋三四鹿之怪獸。導一莖六穗於庖犧。雙飴共抵之獸。獲周餘放。龜于岐。招翠黃三五乘龍于沼。鬼神接靈囿。賓於閒館。奇物譎詭。俶儻窮變。欽哉。符瑞臻茲。猶三六以為德薄。不敢道封禪。蓋周躍魚隕杭。休之以燎微夫斯之為符也。以登三九介丘。不亦忍乎。進攘之道。何其爽歟。於是大司馬進曰。陛下仁育羣生。義四〇征不譴。諸夏樂貢。百蠻執贄。德侔往初。功無與二。休烈浹洽。符瑞衆變。期

應紹至。不特創見。意者泰山梁父。設壇場。望幸。蓋號以況榮。上帝垂恩。儲
社。將以薦成。陛下謙讓而弗發也。挈三神之歡。缺王道之儀。羣臣愿焉。或
謂且天爲質。闔示珍符。固不可辭。若然辭之。是泰山靡記。而梁父罔幾也。
亦各並時而榮。減濟厥世而屈。說者尙何稱於後。而云七十二君哉。夫修
德以錫符。奉符以行事。不爲進越也。故聖王弗替。而修禮地祇。謁款天神。
勒功中嶽。以章至尊。舒盛德。發號榮。受厚福。以浸黎元。皇皇哉斯事。天下
之壯觀。王者之不業。不可貶也。願陛下全之。而後因雜薦紳先生之略術。
使獲曜日月之末光。絕炎以展案。錯事猶兼正列。其義被飾厥文。作春秋
一藝。將襲舊六爲七。摠之無窮。俾萬世得激清流。揚微波。飛英聲。騰茂實。
前聖之所以永保鴻名。而常爲稱首者。用此。宜命掌故。悉奏其儀。而覽焉。
於是天子沛然改容曰。俞乎。朕其試哉。乃遷思迴慮。總公卿之議。詢封禪
之事。詩大澤之博。廣符瑞之富。遂作頌曰。自我天覆。雲之油油。甘露時雨。
厥壤可游。滋液滲漉。何生不育。嘉穀六穗。我稽曷蓄。非唯雨之。又潤澤之。
非唯濡之。汎布獲之。萬物熙熙。懷而慕思。名山顯位。望君之來。君乎君乎。
侯不邁哉。般般之獸。樂我君園。白質黑章。其儀可嘉。旻旻穆穆。君子之態。
蓋聞其聲。今視其來。厥塗靡從。天瑞之徵。茲爾於舜。虞氏以興。濯濯之麟。
游彼靈時。孟冬十月。君徂郊祀。馳我君輿。帝用享社。三代之前。蓋未嘗有。

宛宛黃龍與德而升。采色炫燿。煥炳輝煌。正陽顯見。覺悟黎烝。於傳載之。
 云受命所乘厥之有章。不必諄諄。依類託寓。諭以封巒。披藝觀之。天人之
 際已交。上下之情允洽。聖王之德。兢兢翼翼。故曰於興必慮衰。安必思危。
 是以湯武至尊嚴。不失肅祗。舜在假典。顧省厥遺。此之謂也。

〔註音〕〔辟〕音壁〔蕤〕儒佳切〔邛〕音質〔亡〕讀無〔躡〕尼輒切〔物〕音物〔瀾〕音聿〔魄〕同薄〔垓〕音該
 〔沂〕同颯音訴〔埏〕音延〔闔〕音愷〔憚〕音驛〔微〕音邀〔穗〕音遂〔箝〕音格〔柢〕音邸〔倣〕同侗〔燎〕音料
 〔應〕女育切〔攘〕古讓字〔諫〕音惠〔察〕音採〔被〕同拂〔摑〕音樗〔慘〕森去聲〔漉〕音鹿〔稽〕音色〔獲〕胡郭
 切〔般〕同班〔攸〕眉貧切〔諄〕之純切

〔釋義〕一發語詞也。二春夏天名。三數也。四君也。五率循也。邇近也。踵蹈也。武迹也。逖遠也。近者蹈其迹。遠
 者聽其風聲。六亂貌。七明大也。八管子封泰山。禪梁父者。七十有二家。九無也。十順也。十一善也。十二誰也。十三即五
 帝三王。十四邛至也。行道也。文王始開王業。即正朔易服色。太平之道。於是成也。十五後嗣雖衰。民無惡聲。十六平易也。
 言周之軌迹平易。易可遵奉也。十七皆大也。十八小兒衣被。謂成王也。十九謂文武也。二十始也。二十一究極也。二十二於也。二十三所也。
 二十四終也。二十五登也。二十六逢。遇也。喻其感德。若遇源泉之涌出也。二十七勿。沒也。瀾泉貌。曼羨。廣散也。二十八廣被也。二十九暢。達也。垓
 重也。沂流也。埏若益埏地之入際也。言其德上達于九重之天。流於地之入際。三十和氣也。三十一猶武力也。三十二邇近也。
 原本也。遐遠也。闔廣也。泳浮也。恩德比水。近者游其原。遠者浮其末。三十三漚滅也。三十四明也。三十五皆樂也。三十六義獸也。白質
 黑文。尾長於軀。其齒前後若一。齊等無牙。不食生物。不履生草。見陸璣詩疏。三十七言擇嘉禾以實於庖廚。以供祭
 祀。三十八麋角有枝曰旆。本也。武帝獲白麟。兩角共一本。犧用以爲牲。三十九周放畜餘龜於池沼之中。至漢得之於岐
 山之旁。龜能吐故納新。千歲不死。四十翠黃。乘黃也。龍翼馬身。黃帝乘之而仙。言見乘黃而招呼之也。〔周禮〕馬八
 尺以上爲龍。乘龍。四龍也。余吾渥注水中出神馬。故曰于沼。四十一靈囿。仙人名。〔漢書注〕是時上求神仙之人。得上
 郡之巫長陵女子。能與鬼神交接。治病輒愈。置之上林苑中。號曰神君。有似于古靈囿。禮待之於閉館舍中。四十二卓
 異也。四十三杭。舟也。燎祭天也。武王渡河。白魚躍入王舟。取以燎也。四十四言周以白魚爲瑞。登泰山封禪。可羞也。微小也。
 介大也。四十五心慚也。四十六言周末可封禪爲進。漢可封禪而不爲爲讓。四十七上公也。掌軍旅。與大司徒大司空並列三公。
 四十八順也。四十九應期相續而至。不特一物。五十華蓋。五十一紀號以表榮名。五十二絕也。五十三言上帝。泰山。梁父也。五十四天道質昧。以符

瑞見意。不可辭讓。言古帝王若但作一時之榮。畢世而絕者。則說無從顯。何稱於後世也。不為苟進而踰禮也。告誡也。刻石誌功。言使諸儒記功著業。得觀日月未光。殊絕之明。以展其官職。置其事業。正天時。列人事。除舊飾新也。言敘述大義為一經也。因也。舊有六經。加一為七。布也。官名。太史屬。主故事者。感動之意。然也。歌詠功德。下四章之頌也。雲行貌。水徐下也。言何等不積蓄也。曾遍也。流散也。何也。行也。言君何不行封禪。和也。敬也。茲謂騶虞。百獸率舞。則騶虞在其中。肥也。武帝祠五時。獲白麟。往也。屈伸也。起於至德。明也。以漢土德。宜有黃龍之應。天之所命。表以符瑞。章明其德。不必諄諄然有語言也。敬也。湯武雖居尊嚴之位。而猶不失肅敬之道。舜所以在於大典。謂能顧省其遺失。言漢亦當不忘恭敬而自省也。在察也。假大也。

〔諸家集評〕方望溪曰：相如天骨超俊，不從人間來。

大姚曰：封禪文相如創為之體，兼賦頌其設意措辭，皆翔躡虛無，非如揚班之徒誕妄貢諛為蹶實之文也。通體結構若無畔岸，如雲興水溢，一片渾茫駿逸之氣。又曰：觀揚班之作而後知相如文句句欲活。

卷六十七 辭賦類七

揚子雲甘泉賦

孝成帝時。客有薦雄文似相如者。上方郊祀甘泉泰時三汾陰后土四以求繼嗣。召雄待詔承明之庭五。正月。從上甘泉。還。奏甘泉賦以風其辭曰。惟漢十世將郊上玄六。定泰時。雍神休。尊明號同符三皇。錄功五帝。卣胤錫羨。拓迹開統於九是。乃命羣僚。歷吉日。協靈辰。星陳而天行。詔招搖與太陰一三。今伏鈞陳使當兵。屬堪輿以壁壘一四。今梢夔魑而扶獠狂。入神奔而警蹕一五。今振殷鱗而軍裝。蚩尤之倫帶干將而秉玉戚一六。今飛蒙茸而走陸梁。齊總總以搏搏其相膠轕一七。今森駭雲訊奮以方攘。駢羅列布鱗以雜沓一八。今傑僂參差魚頡而鳥跖。翕赫芻霍霧集而蒙合一九。今半散照爛粲以成章。於是乘輿迺登夫鳳皇二〇。今而翳華芝駟蒼螭二一。今六素虬螭略蕤綏離乎慘纒二二。帥爾陰閉。雲然陽開。騰清霄而軼浮景二三。今夫何旗旄郅偈之旖旎也。流星旄以電燭二四。今咸翠蓋而鸞旗屯萬騎於中營二五。今方玉車之千乘。聲駢隱以陸離二六。今輕先疾雷而馭遺風。陵高衍之崿嶷二七。今超紆譎之清澄。登椽欒而扛天門二八。今馳閭闔而入凌兢。是時未轅夫甘泉也。迺望通天之繹繹二九。下陰潛以慘廩三〇。今上洪紛而相錯。直嶢嶢以造天三一。今厥高慶而不可乎彌度。平原唐其

壇曼令列新雉於林薄攢并閭與芟荏令紛被麗其亡鄂崇邱陵之駸駸
兮深溝嶽巖而為谷逵逵離宮般以相燭兮封巒石關池靡乎延屬於是
大廈雲譎波詭摧摧而成觀仰橋首以高視兮目冥眴而無見正劉濫以
弘愴兮指東西之漫漫徒徊徊以徨徨兮魂固眇眇而昏亂據幹軒而周
流兮忽塊圯而無垠翠玉樹之青蔥兮壁馬犀之璘璠金人乞乞其承鐘
虞兮嵌巖巖其龍鱗揚光曜之燎燭兮垂景炎之忻忻配帝居之懸圃兮
象太乙之威神洪臺嶇其獨出兮披北極之嶸嶸列宿迺施於上榮兮日
月纔經於杳振雷鬱律於巖窅兮電儵忽於牆藩鬼魅不能自逮兮半長
途而下顛歷倒景而絕飛梁兮浮蠖蠖而撒天左櫂槍而右玄冥兮前燦
闕而後應門陰西海與幽都兮涌醴汨以生川蛟龍連蜷於東厓兮白虎
敦圉乎崑崙覽穆流於高光兮溶方皇於西清前殿崔巍兮和氏瓊玲抗
浮柱之飛棖兮神莫莫而扶傾閶闔其寥廓兮似紫宮之崢嶸駢交錯
而曼衍兮崦嶵隗乎其相嬰乘雲閣而上下兮紛蒙籠以棍成曳紅采之
流離兮颺翠氣之宛延襲璇室與傾宮兮若登高眇遠肅乎臨淵回焱肆
其碣駭兮披桂椒而鬱移揚香芬蕤以穹窿兮擊薄櫨而將榮薌咲以
搗根兮聲駢隱而歷鐘排玉戶而颺金鋪兮發蘭蕙與芎藭惟淵環其拂
泊兮稍暗暗而靚深陰陽清濁穆羽相和兮若夔牙之調琴般匪棄其剗

剛兮。王爾投其鉤繩。雖方征僑與倨。佳兮。猶彷彿其若夢。於是事變物化。

目駭耳回。蓋天子穆然珍臺閒館。璇題玉英。蝟蝻蠖獲之中。惟夫所以澄

心清魂。儲精垂思。感動天地。逆釐三神者。迺搜述索偶。皋伊之徒。冠倫魁

能。函甘棠之惠。挾東征之意。相與齊乎陽靈之宮。靡薛荔而為席兮。折瓊

枝以為芳。噲青雲之流瑕兮。飲若木之露英。集乎禮神之園。登乎頌祇之

堂。建光耀之長旂兮。昭華覆之威威。攀璇璣而下視兮。行遊目乎三危。陳

衆車於東阮兮。肆玉鈇而下馳。漂龍淵而還九垓兮。窺地底而上迴。風從

從而扶轄兮。鸞鳳紛其御。蕤梁弱水之滌滌兮。躡不周之逶蛇。想西王母

欣然而上壽兮。屏玉女而卻處妃。玉女亡所眺其清。臚兮。處妃會不得施

其蛾眉。方攬道德之精剛兮。侔神明與之為資。於是欽崇宗祈。燎薰皇天。

招搖太乙。舉洪頤。樹靈旗。樵蒸昆上。配藜四施。東爍滄海。西耀流沙。北熿

幽都。南煬丹厓。玄瓚觥觶。秬鬯泔淡。肸蠁豐融。懿懿芬芬。焱感黃龍兮。燦

訛碩麟。選巫咸兮。叫帝閭。開天庭兮。延羣神。儼暗藹兮。降清壇。瑞穰穰兮。

委如山。於是事畢功弘。迴車而歸。度三巒兮。偈棠梨。天闔決兮。地垠開。入

荒協兮。萬國諧。登長平兮。雷鼓。磕天聲起兮。勇士厲雲飛揚兮。雨滂沛。于

胥德兮。麗萬世。亂曰。崇崇園丘。隆隱天兮。登降剌蒺藜。單墀垣兮。增宮參差。

駢嵯峨兮。嶺嶂嶙峋。洞無厓兮。上天之緯。杳旭卉兮。聖皇穆穆。信厥對兮。

來祗郊禋神所依兮。徘徊招搖靈犀。追今輝光眩耀。降厥福兮。子子孫孫。長無極兮。

【註音】(時)音止(風)讀諷(槍)音齊(懸)音虛(扶)恥乙切(獨)以律切(擢)尊上聲(轉)音葛(凱)同
迅(傑)又宜切(僂)音豸(頤)胡結切(附)通頰音航(智)音忽(蠖)烏郭切(裝)儒佳切(離)音離(慘)音森
(麗)所宜切(響)所甲切(旗)音余(旆)音北(傷)音榮(旖)音倚(旆)音尼(駟)音耕切(駁)蘇合切(陰)音
通(縱)音竦(玃)音貢(轄)同臻(曉)音堯(慶)讀羌(芟)音拔(藉)音括(亡)讀無(駮)音匡(駮)音我(嶽)
音欽(造)同往(般)音盤(摧)崔上聲(堪)卽委切(橋)同矯(冥)音麪(詢)音縣(瀾)音劉(恂)音傲(幹)同
欄(坎)音央(北)音軋(隣)音鄰(瑯)音幽(仇)魚乞切(嵌)苦銜切(忻)音欣(敷)音致(嶺)音遵(挾)音央
(振)音真(窵)音杏(魅)音媚(蠟)音蔑(蠟)莫孔切(撇)音匹(攬)音讒(標)音標(汨)音越(蛩)音拳(穆)
音鳩(閱)音抗(闐)音浪(嶸)音營(崦)音腿(嶧)音罪(隗)五賄切(棍)魂上聲(宛)於元切(璣)音旋(湯)
音蕩(玃)同披(移)音移(莠)音勃(薺)讀鄉(味)音室(胖)許乙切(掘)音混(彌)蒲萌切(盪)音宏(靚)同
靜(倕)同垂(剗)音羈(倕)音屋(佺)音銓(蠟)音淵(蠟)於緣切(蠟)烏郭切(釐)讀禧(逮)音求(齊)同齋
(薛)音備(噏)同吸(祗)音岐(旃)所交切(欽)音弟(還)音旋(縱)音竦(備)音挺(燦)音瑩(蛇)音移(臚)
音盧(崇)同柴(昆)同焜音混(熿)戶廣切(煬)音儻(餘)音求(饒)音劉(柜)音巨(泔)戶感切音領(蠻)音
響(焱)以冉切(濱)賓去聲(傷)同憇(磕)讀器(剗)音遷(蕩)音迤(單)音蟬(蠟)音拳(蟾)音零(蟾)音鄰
(詢)音荀(緯)讀載(徠)同來(祗)音脂(犀)音棲(逮)同遲

【釋義】雄作成都城四隅銘。蜀人有楊莊者為郎。誦之於成帝。以為似相如。見《李善文選

注》。①山名。在陝西淳化縣西北。有甘泉宮。在山上。②時。神靈之所止。武帝元朔五年。立泰時於甘泉。③今山西
榮河縣北。九里汾陰故城是也。武帝元鼎四年。立后土祠於雒上。④殿名。在未央宮。今陝西長安縣西南。⑤自高
祖至成帝。天也。⑥雍。祐也。休美也。言將登泰時。冀神擁祐之。以美祥。因遵己之明號也。⑦卹。憂也。胤。續也。饒。饒
也。拓。廣也。時成帝憂無繼嗣。故修廟泰時后土。言神明饒與福祥。廣迹而開統也。⑧選也。⑨如星之隙。象天之行。
⑩星名。在北斗杓端。⑪歲後三辰。⑫營陳星也。⑬天地總名。⑭擊去也。⑮木石之怪。⑯耗鬼。⑰擊也。⑱無頭鬼也。
⑲八方之神。⑳天子出入。以戒行人。㉑言威多也。㉒黃帝時諸侯。好兵喜亂。作刀戟大弩。暴虐天下。帝徵諸侯之
師。征之。戰于涿鹿。蚩尤作大霧。帝為指南車。破之。遂戮蚩尤。㉓劍名。吳人干將造。㉔戚。斧也。以玉為柄。㉕亂貌。

跳躍貌。束聚貌。雜亂貌。回風。半散也。不齊貌。猶顛顛也。威貌。疾貌。分布而光明也。為車飾也。隱蔽也。華蓋也。龍行之貌也。龍翰下垂之貌也。聚也。散也。旗畫鳥隼為旗。龜蛇為旒。竿。實植貌。從風柔弱貌。旄如星流電照。聚也。並也。車聲也。參差也。馳也。無崖岸也。上下眾多貌。曲折也。山泉。甘泉南山。至也。天門。恐懼貌也。臺名。在甘泉宮。武帝築。威貌。寒也。造。至也。彌。終也。言高不可終竟而度量也。道也。平博也。即辛夷。一名辛引。聚也。櫻也。草名。分散貌。垠。鄂也。高大貌。深險貌。連貌。照也。均觀名。相連貌。連也。大屋。言廈屋變巧。乃為雲氣水波相譎詭也。林木崇積貌。舉也。昏亂之貌。猶言清淨而汎濫。高大也。無崖際之貌。欄也。檻板。旅行周遍也。廣大貌。漢武故事。上起神屋。前庭植玉樹。珊瑚為枝。碧玉為葉。言作馬腦。犀角。為壁飾也。文貌。勇壯貌。開張貌。光威貌。會城。縣圃。閬風。崑崙之三重山也。特貌。至也。峻貌。延也。屋翼。中央。振屋格也。小聲。幽也。陵陽子明經。倒景氣去地四千里。其景皆倒在下。渡也。浮道之橋也。高貌。蟲名。小於蚊。頭有絮毛。雨後羣飛塞路。拂也。並見卷六十六大人賦。赤色之闕。正門。在燹闕內。山海經。北海之內有山。名曰幽都。黑水出焉。氏壁為梁壁帶。璫玲。明見貌。舉也。清淨也。高門貌。高大貌。虛靜貌。天帝之宮。峻貌。分布也。山長貌。猶崔嵬也。繞也。膠葛貌。言自然也。猶陸離也。盤曲貌。繼也。夏王桀作璇室。殷王紂作傾宮。登高望遠當以七國為戒。若臨深淵。回風。過也。起也。木聚生也。落葉喬木。幹高一二丈。葉橢圓形。面有白毛。春暮開白花。五瓣狹長。實赤色。如小豆。落葉喬木。與柳相類。惟柳枝下垂。楊枝上挺。以此相別。葉狹長。端尖。背有短毛。灰白色。春開穗狀花。實成白絮飛散。多與柳同。氣貌。柱上方木。響也。映聲也。過也。振起樹根。聲威而經過殿鐘。門首。見卷六十五子虛賦。風吹帷帳之聲。鼓動貌。深空貌。聲細不過羽。穆然相和也。尚書。夔典樂。教胄子。伯牙。魯般也。即公輸子。虞書。垂。汝作共工。曲。曲。曲。曲。巧匠。見淮南子。言宮觀之高峻。雖使仙人行其上。恐遽不識其形觀。猶髣髴若夢也。三。頭也。椳椽之頭。皆以玉飾。刻鏤之形也。迎也。福也。天地人也。匹也。對也。泉。陶。伊尹。詩召南篇名。美召伯。東山。周公東征也。祭天之所。雲霞也。山海經曰。灰野之山。有赤樹青葉。名曰若木。地神。旗之旂也。華蓋。如草木之下垂。漢書。北斗七

星。所謂璣璣玉衡。(二九〇)山名。(二九二)東海。(二九三)恣也。(二九四)車轄。(二九五)文選註。應劭曰。龍淵在張掖。漢張掖郡。即甘肅張掖縣地。(二九六)九域。(二九七)疾貌。(二九八)乘也。(二九九)車之垂飾。纓裝。(三〇〇)見卷六十六大人賦。(三〇一)小水貌。(三〇二)見卷六十一「離騷」。(三〇三)平貌。(三〇四)見卷六十五大人賦。(三〇五)目瞳子也。(三〇六)敬也。(三〇七)紫。燿紫。(三〇八)尊也。(三〇九)並神名。(三一〇)並旗名。(三一)樵木薪。(三一二)蒸麻幹。(三一二)同也。(三三四)披離也。(三三五)明也。(三三六)熱也。(三三七)灌鬯之器。以玄玉為柄。其流為龍口。(三三八)角貌。(三三九)灌地之酒。以鬱金釀秬黍為之。(三三〇)滿也。(三三一)見卷六十五上林賦。(三三二)火光。(三三三)火飛。(三三四)動也。(三三五)見卷六十一「離騷」。(三三六)贊禮者。(三三七)衆威貌。(三三八)多也。(三三九)積也。(三三〇)即封巒觀。(三三一)息也。(三三二)宮名。(三三三)門限也。(三三四)開也。(三三五)坂名。在陝西涇陽縣西南五十里。(三三六)大聲也。(三三七)猛也。(三三八)美也。(三三九)亂。理也。所以發理辭指。總撮所要者。(三四〇)祭天壇。(三四一)邪道也。(三四二)周也。(三四三)圓貌。(三四四)重也。(三四五)深無涯貌。(三四六)事也。(三四七)幽昧之貌。(三四八)言能與天地相配也。(三四九)敬也。(三五〇)祀也。(三五二)猶傍徨也。(三五三)游息也。

【諸家集評】吳至父曰。漢書甘泉本因秦離宮。既奢泰而武帝復增屈奇瑰瑋。非木摩而不雕。牆深而不畫。之制也。其為已久矣。非成帝所造。欲諫則非時。欲默則不能。已故遂推而怪之。乃上比帝室紫宮。若曰。此非人力所為。儻鬼神可也。又是時趙昭儀方大幸。每上甘泉常法。從在屬車間。豹尾中。故雄聊甚言車騎之衆。參駕之麗。非所以感動天地。逆釐二辰。又言屏玉女。卻處妃。以徵戒齋宿之事。

揚子雲河東賦

伊年暮春。將瘞后土。禮靈祇。謁汾陰於東郊。因茲以勒崇。垂鴻發祥。隕祉。欽若神明者。盛哉鑠乎。越不可載已。於是命羣臣。齊法服。整靈輿。迺撫翠鳳之駕。六先景之乘。掉奔星之流旃。攬天狼之威弧。張耀日之玄旄。揚左纛。被雲梢。奮電鞭。驟雷輜。鳴洪鐘。建五旗。羲和司日。顏倫奉輿。風發飈拂。神騰鬼。越千乘。霆亂。萬騎屈橋。嘻嘻旭旭。天地稠敷。簸邱跳巒。涓涓躍涇。秦神下。讐路魂。負沓河靈。矍矍踟爪。華踏襄途。臻陰宮。穆穆肅肅。踳踳如也。靈祇既鄉。五位時敘。細縵玄黃。將紹厥後。於是靈輿安步。周流容與。以覽

乎介山嗟文公而愍推兮。勤大禹於龍門。灑沈菑於豁瀆兮。播九河於東
三九。 瀕登歷觀而遙望兮。聊浮遊以經營。樂往昔之遺風兮。喜虞氏之所耕。瞰
四五。 帝唐之嵩高兮。眠隆周之大寧。汨低回而不能去兮。行睨陔下與彭城。歲
四七。 南巢之坎圻兮。易幽岐之夷平。乘翠龍而超河兮。陟西岳之峽嶠。雲飛
五二。 而來迎兮。擇滲漚而下降。鬱蕭條其幽藹兮。滄汎沛以豐隆。叱風伯於南
五三。 北兮。呵雨師於西東。參天地而獨立兮。廓盪盪其亡雙。遵逝乎歸來以函
五四。 夏之大漢兮。彼會何足與比功。建乾坤之貞兆兮。將悉總之以羣龍。麗鈎
五五。 芒與驂蓐收兮。服玄冥及祝融。敦衆神使式道兮。奮六經以據頌。隄於穆
五六。 之緝熙兮。過清廟之雝雝。軼五帝之遐迹兮。躡三皇之高蹤。既發軔於平
五七。 盈兮。誰謂路遠而不能從。
五八。

【註音】(瘞)倚例切(隕)同類(景)同影(慶)音攫(壽)尊壽二音(檜)同膺(進)音醜(屈)音拙(橋)音
 嶠(稠)徒弔切(數)五到切(籟)音播(響)音摺(珍)音麗(蹲)音存(細)音因(緼)於倫切(與)讀豫(蓄)同
 災(瞰)苦盪切(眠)同覓(汨)于筆切(歲)同穢(幽)音彬(嶠)音堯(峭)勸耕切(霽)同罪(蓐)音辱(據)丑
 居切(隄)讀踰(於)讀烏(軼)音刃

【釋義】①是也。②祭地曰瘞。③勒崇名。垂鳩業也。④降也。⑤敬也。⑥順也。⑦美也。⑧日也。⑨言馬行之速

也。⑩急張也。⑪皆星名。畫兩星於旗上也。⑫羽毛幢也。在左驂當鑣上。以犛牛尾爲之。⑬畫雲爲旌旗之旒。⑭轡

重車。其聲如雷。⑮「尚書大傳」天子將出。則撞黃鐘之鐘。左五鐘皆應。入則撞蕤賓之鐘。右五鐘皆應。⑯五色旗

也。⑰日御也。⑱古之善御者。⑲走也。⑳壯捷貌。㉑自得貌。㉒動搖貌。㉓山小而銳者曰巒。㉔見卷六十五上林賦。

○「漢書注」秦文公時。庭中有怪。化爲牛。入南山梓樹中。伐梓樹。化入豐水。文公惡之。故作其象以厭焉。今之旌

頭是也。○怖而入水。○跣。蹈也。○沓。水渚。自蹈其魂而負渚。懼之甚也。○河神巨靈也。「張衡賦」綴以二華。巨靈轟

夙高掌遠蹠。以流河曲。〔註〕古語云。華山本一山。當河水過之而曲行。河之神以手擘開其上。足踞離其下。中分爲二。以通河流。○驚動貌。○即太華山。在陝西華陰縣南十里。即西嶽也。以西有少華。故曰太華。○即雷首山。在山西永濟縣東南。○汾陰之宮。○行有節也。○五方之神。○天地之氣。○天地之色。○續發於祭後也。○容暇而安豫也。○在山西介休縣南。亦曰綿山。春秋時。晉文臣介之推。與其母隱於此山。○山名。在山西河津陝西韓城之間。大禹所鑿也。通孟津河。口廣八十步。巖際鐫跡遺功尙存。○分也。○洪水。○江淮河濟。○徒駭。太史馬頰。覆翻。胡蘇。簡。契。鈞。盤。鬲。津。見〔爾雅〕。○東海之顛。○即歷山。在永濟縣東南。六十里。即雷首之脈。舜所耕處。○堯會遊陽城。故於嵩山瞰其遺蹟。○〔詩大雅〕濟濟多士。文王以寧。○且也。○在今安徽靈璧縣東南。漢高祖敗項羽於此。○今江蘇銅山縣治。項羽所都。○今安徽巢縣。湯放桀處。○不平貌。○樂也。○古國名。周之先公劉所立。在今陝西栒邑縣西。○穆王所乘馬名。○即華山。○高峻也。○雲起貌。○雨露也。○流貌。○天陰貌。○雲氣起也。○雲雨貌。○見卷六十一〔離騷〕。○大貌。○遵路而旋京師。○包容諸夏。○指堯舜殷周。○乾六爻。悉稱龍。○並駕也。○東方神。○車共四馬。居中爲服。在旁曰騶。茲曰麗。曰騶。曰服者。言四神在左右中央相護衛。○西方神。○北方神。○南方神。○於。歎詞。穆。深遠也。○緝。繼也。照。光明也。○詩周頌篇名。○過也。○始也。○地無高下也。

〔諸家集評〕姚氏曰上林之未有游乎六藝之園及翔翔書圃之語此文法之借行游爲喻言以天道爲車馬以大經爲容行乎帝王之途何必巡歷山川以爲觀覽乎

揚子雲羽獵賦

孝成帝時羽獵。雄從。以爲昔在二帝三王。宮館臺榭。沼池苑囿。林麓藪澤。財足以奉郊廟。御賓客。充庖廚而已。不奪百姓膏腴。穀土桑柘之地。女有餘布。男有餘粟。國家殷富。上下交足。故甘露零其庭。醴泉流其唐。鳳皇巢其樹。黃龍遊其沼。麒麟臻其囿。神爵棲其林。昔者禹任益虞。而上下和。草木茂。成湯好田。而天下用足。文王囿百里。民以爲尙小。齊宣王囿四十里。民以爲大。裕民之與奪民也。武帝廣開上林。東南至宜春。鼎湖御宿。昆吾。

旁南山^{一〇}西至長楊^{一一}五柞^{一二}北繞黃山^{一三}濱渭^{一四}而東。周袤數百里^{一五}穿昆明池^{一六}象滇

河。營建章鳳闕^{一七}神明馭娑^{一八}漸臺^{一九}太液象海水^{二〇}周流方丈瀛洲蓬萊^{二一}遊觀侈

靡窮妙極麗。雖頗割其三垂^{二二}以贍齊民^{二三}。然至羽獵甲車戎馬器械儲侍禁

籩所營^{二四}尚泰奢麗誇詡^{二五}非堯舜成湯文王三驅之意也^{二六}。又恐後世復修前

好。不折中以泉臺^{二七}故聊因校獵^{二八}賦以風之^{二九}。其辭曰。

或稱羲農豈或帝王之彌文哉^{三〇}論者云否。各亦並時而得宜。奚必同條而

共貫^{三一}則泰山之封焉得七十^{三二}而有一儀^{三三}是以創業垂統者俱不見其爽遐

邇^{三四}五三孰知其是非^{三五}。遂作頌曰。麗哉神聖處於玄宮富既與地乎侔^{三六}。貴

正與天平比崇。齊桓會不足使扶轂^{三七}楚嚴未足以為驂乘^{三八}。狹三王之阨^{三九}薛

嶠高舉而大興^{四〇}。歷五帝之寥廓^{四一}。涉三皇之登闕^{四二}。建道德以為師^{四三}。友仁義與

為朋^{四四}。於是玄冬季月。天地隆烈萬物權輿於內^{四五}。徂落於外。帝將惟田于靈

之囿^{四六}。開北垠受不周之制^{四七}。以終始顓頊玄冥之統^{四八}。乃詔虞人典澤^{四九}。東延昆

鄰^{五〇}。西馳閶闔儲積共恃^{五一}。戍卒夾道斬叢棘夷野草^{五二}。禦自汧渭^{五三}。經營鄭鎬^{五四}。章

皇周流^{五五}。出入日月。天與地杳爾乃虎落三巖以為司馬圍經百里而為殿

門^{五六}。外則正南極海邪界虞淵鴻濛沆茫^{五七}。碣以崇山營合圍會然後先置乎

白楊之南^{五八}。昆明靈沼之東^{五九}。賁育之倫蒙盾負羽^{六〇}。杖鑊邪而羅者以萬計^{六一}。其

餘荷垂天之畢張竟壑之罟靡日月之朱竿曳彗星之飛旗青雲為紛虹

蚺爲纒屬之乎崑崙之墟。煥若天星之羅。浩如濤水之波。涇涇與與前後
要遮。櫜槍爲闔。明月爲候。熒惑司命。天弧發射。鮮扁陸離。駢衍似路。微車
輕武。鴻網繞獵。殷殷軫軫。被陵緣坂。窮夏極遠者。相與迥乎高原之上。羽
騎營營。分殊事。續紛往來。輻輳不絕。若光若滅者。布乎青林之下。於是
天子乃以陽鼂始出乎玄宮。撞鴻鐘。建九旒。六白虎載靈輿。蚩尤並轂。蒙
公先驅。立歷天之旂。曳捎星之旂。霹靂列缺。吐火施鞭。萃從沈溶。淋離廓
落。戲入鎮而開關。飛廉雲師。吸鼻瀟率。鱗羅布列。攢以龍翰。啾啾踴踴入
西園。切神光望平樂。徑竹林。蹂蕙圃。踐蘭唐。舉烽烈火。轡者施技。方馳千
駟。狡騎萬帥。虓虎之陳。從橫膠轄。森拉雷厲。驥駢駘。磕洶洶旭旭。天動地
岷。羨漫半散。蕭條數千里外。若夫壯士慷慨。殊鄉別趣。東西南北。騁嗜奔
欲。地蒼狶跋。犀犛蹶浮。麋斲巨狴。搏玄猿。騰空虛。距連卷。踔天嶠。娛澗間。
莫莫紛紛。山谷爲之風。森林叢爲之生塵。及至獲夷之徒。蹶松柏。掌蒺藜。
獵蒙龍。麟輕飛。屨般首帶修蛇。鈎赤豹。掣象犀。趾巒阮。超唐陂。車騎雲會。
登降閭闔。藹泰華爲旒。熊耳爲綴。木仆山還。漫若天外。儲與乎大浦。聊浪乎
宇內。於是天清日晏。逢蒙列眦。羿氏控弦。皇車幽輶。光純天地。望舒彌轡。
翼乎徐。至於上蘭。移圍徙陣。浸淫蹙部。曲隊堅重。各按行伍。壁壘天旋。神
扶電擊。逢之則碎。近之則破。鳥不及飛。獸不得過。軍驚師駭。刮野掃地。及

至罕車飛揚武騎聿皇蹈飛豹一五九。羅鳴陽追天寶出一六〇。一方應駢聲擊流一六一。光野

盡山窮。囊括其雌雄一六四。沈沈溶溶遙噓乎紘中一六五。三軍芒然窮穴闕與一六六。實觀夫

剽禽之繼踰犀兕之持觸。熊羆之拏攫虎豹之凌遽。徒角搶題注。跖竦聳

怖。魂亡魄失。觸輻關脰。妄發期中。進退履獲。創淫輪夷。邱累陵聚。於是禽

殫中衰。相與集於靖冥之館。以臨珍池。灌以岐梁。盜以江河。東瞰日盡。西

暢亡涯。隨珠和氏。焯爍其陂。玉石薈豈眩耀青熒。漢女水潛。怪物暗冥。不

可殫形。玄鸞孔雀。翡翠垂榮。王睢關關。鴻雁嚶嚶。羣娛乎其中。噍噍昆鳴。

鳧鷖振鷺。上下砢磕。聲若雷霆。乃使文身之技。水格鱗蟲。凌堅冰。犯巖淵。

探巖排碕。薄索蛟螭。踏獮獺。據龍鼉。祛靈蠃。入洞穴。出蒼梧。乘鉅鱗。騎鯨

魚。浮彭蠡。目有虞方。椎夜光之流離。剖明月之珠胎。鞭洛水之處妃。餉屈

原與彭胥。於茲乎。鴻生鉅儒。俄軒冕。雜衣裳。修唐典。匡雅頌。揖讓於前。昭

光振耀。嚶習如神。仁聲惠於北狄。武誼動於南鄰。是以旃裘之王。胡貉之

長。移珍來享。抗手稱臣。前入圍口。後陳廬山。羣公常伯。楊朱墨翟之徒。喟

然並稱曰。崇哉乎德。雖有唐虞大夏。成周之隆。何以侈茲。太古之觀。東嶽

禪梁基。舍此世也。其誰與哉。上猶謙讓而未僉也。方將上獵三靈之光。下

決醴泉之滋。發黃龍之穴。窺鳳凰之巢。臨麒麟之囿。幸神雀之林。奢雲夢

侈孟諸。非章華是靈臺。早徂離宮。而輟觀游。土事不飾。木功不彫。丞民乎

侈孟諸。非章華是靈臺。早徂離宮。而輟觀游。土事不飾。木功不彫。丞民乎

桑勸之以弗怠。儕男女使莫違。恐貧窮者不徧被。泮溢之饒。開禁苑。散公儲。創道德之園。弘仁惠之虞。馳弋乎神明之園。覽觀乎羣臣之有亡。放雉免。收罝罟。麋鹿芻蕘。與百姓共之。蓋所以臻茲也。於是醇洪鬯之德。豐茂世之規。加勞三皇。勸勤五帝。不亦至乎。乃祇莊雍穆之徒。立君臣之節。崇賢聖之業。未遑苑囿之麗。遊獵之靡也。因迴軫還衡。背阿房反未央。

【註音】(財)同纒(柘)音蔗(柞)疾各切(衰)音茂(馭)蘇合切(娑)素可切(漸)音尖(贍)苦去聲(侍)音雉(籟)音御(詡)許羽切(薛)同僻(共)讀供(泝)音牽(纓)子紅切(鏤)音莫(邪)弋奢切(畢)音畢(纓)音患(屬)音燭(闔)音因(扁)音篇(必)頻一切(網)音洞(縵)音捷(坂)同坂(剗)通列(呖)音戶(輻)音雷(輶)音盧(鼉)同朝(蒙)步浪切(從)音叢(沈)以轉切(容)音容(戲)同麾(嗅)虛器切(瀟)音肅(蹌)音槍(唐)同塘(墟)虛交切(曠)音賓(駢)音萌切(駘)音靈(璫)音榼(吸)鄂合切(羨)弋戰切(半)音畔(批)託何切(狝)音喜(聲)音茅(蹶)音厥(斯)音提(挺)音延(踔)音單(煖)同煖(鱗)音吝(般)通班(整)同牽(蹠)音曳(阮)音剛(陂)音卑(還)音旋(與)音餘(毗)疾智切(輻)音擾(蹙)通促(卑)同罕(緝)音絹(噉)堅堯切(噉)其略切(窮)音穹(尢)音涇(闕)音飲(亶)同但(剽)匹妙切(繼)同蹤(罷)班糜切(中)去聲(焯)同灼(爍)式藥切(轡)才淫切(崟)音吟(噍)同啾(鷲)烏雞切(砒)音耕切(璫)音嘍(嶺)音賓(纒)音撻(怯)音怯(蠲)音攜(俄)同峨(蠻)同響(忽)同忽(絡)音陌通貉(虞)通娛(勛)音蓄(鬯)同暢

【釋義】●堯舜夏殷周也。●進也。●廟中路。●山澤之官。舜任伯益作虞官。禹亦命其繼任耳。●名辟疆。嘗問孟子曰。文王之囿方七十里。有諸。曰。有之。若是其大乎。答曰。民猶以為小也。寡人之囿方四十里耳。民猶以為大。何也。答曰。文王之囿與人同之。民以為小。不亦宜乎。王之囿四十里。殺其麋鹿。如殺人之罪。民以為大。不亦宜乎。●苑名。在陝西長安縣西。及藍田縣界。本秦景苑。漢武帝增廣之。●宮名。在陝西咸寧縣南。●宮名。在藍田縣。●水名。即樊川。在咸寧縣南。瀟水之支流也。●地名。上有亭。在藍田縣東北。●即終南山也。●二宮相去八里。並在藍田縣東南。●宮名。在陝西興平縣西南。●見卷六十五上林賦。●南北曰袤。●在長安縣西南。今涸。【漢書武帝紀】元狩三年。發謫吏穿昆明池。【注】臣瓚曰。西南夷傳有越雋昆明國。有填池方二百里。漢使求身毒而為昆明所閉。今欲闕之。故作昆明池象之。以習水戰。周圍四十里。●宮名。在長安縣西。●闕名。在建章宮正門。

左。①臺名。上有承露盤。在建章宮正門右。②殿名。在建章宮西部。③在建章宮北太液池。高二十餘丈。④池名。在長安縣西北。未央宮西南。⑤太液池中有此象。海中仙山。⑥謂西方。南方。東方。武帝侵三垂以置郡。⑦給也。⑧待也。⑨打竹以繩綿連。禁人不得往來。⑩古射獵。一為邊豆。二為賓客。三為充君之庖。⑪魯莊公築泉臺。非禮也。至文公毀之。公羊譏云。先祖為之而毀之。勿居而已。今雄以宮觀之盛。非成帝所造。勿修而已。⑫假為或人之意。言古之樸素而合禮者。或稱義農。是則豈或謂後代帝王彌加文飾而不合禮哉。⑬論者。雄自謂也。言帝王文質各並時而得宜。何必同條而共貫乎。言必不然也。⑭泰山築臺祭天曰封。相傳有七十二帝。其儀不同。⑮差也。⑯五帝三王文質政教不同。⑰見「莊子」玄黑也。⑱即莊王。⑲陋小也。⑳舉也。㉑高大也。㉒陰氣盛也。㉓始也。㉔死也。㉕文王之囿。㉖西北為不周風。謂冬時也。㉗皆北方神。主殺戮者。㉘昆明池之邊也。㉙建章宮之正門。㉚禁也。㉛源出陝西隴縣西北岍山南麓。東南流。合北河。又東南經汧陽。寶雞。東注於渭。㉜規度也。㉝見卷六十五上林賦。㉞猶徬徨也。㉟極言苑囿之大。日月似從中出。天地亦覺杳遠。㊱竹蔑相連遮落之。㊲見卷六十五上林賦。㊳外門為司馬門。㊴日所入也。㊵水草廣大貌。㊶猶表也。㊷供具於前。㊸觀名。㊹昆明池中有之。㊺大戟。㊻鳥網。㊼兔罟。㊽披靡貌。㊾太常之竿也。「周禮」日月為太常。㊿彗星者。天地之飛旗也。㊽旗旒。㊾旗上繫也。㊿皆行貌。㊽見卷六十六大人賦。㊾闔。戰鬪自障蔽。如城門外女垣也。㊿築堡望敵。㊽火星別名。㊾星名。㊿輕疾貌。㊽紛散貌。㊾廣大也。㊿滿也。㊽車有徽幟。㊾相連貌。㊿相差次也。㊽感也。㊿往來貌。㊽昨。明也。謂羽騎明白分別。各殊其事也。㊿連貌。㊽日出之後。㊾龍旗九旒。㊿馬名。㊽旗名。㊿髦頭也。鹵簿中披髮之人。㊽干也。㊿拂也。㊽閃隙也。㊿走貌。㊽感多貌。㊿感也。㊿遠也。㊽四方四隅。㊽喘息聲也。㊽吸鼻之貌。㊽攢聚也。翰。飛也。上言如鱗之布。此言如龍之飛。㊽衆聲也。㊽行貌。㊽近也。㊽宮名。㊽觀名。㊽並驅也。㊽言勇士奮怒。狀如猛獸。而為行陣也。㊽風疾貌。㊽大聲。㊽鼓動之聲。㊽動貌。㊽言各隨其嗜欲而奔馳也。㊽引也。㊽豬也。㊽踊也。㊽旄牛。㊽躡也。㊽浮水之麋。㊽斬也。㊽獸名。似狸而長。㊽至也。㊽曲木。㊽踰也。㊽龍貌。樹枝象之。㊽戲也。㊽塵埃起貌。㊽烏獲。夷羿。㊽掌擊。㊽茨也。㊽草木蒙蔽之處。㊽輕飛。輕獸飛禽也。㊽虎豹之屬。㊽扼也。㊽超踰也。㊽大坂。㊽衆感也。㊽即華山。㊽山在陝西商縣。㊽懸旌之索。㊽言山為之回旋也。㊽相羊貌。㊽水涯也。㊽游放。㊽無雲也。㊽俱善射者。吳越春秋曰。黃帝作弓。後有楚狐父以其道傳羿。羿傳逢蒙。㊽日。㊽車聲。㊽繞也。㊽月御也。㊽斂也。㊽觀名。在上林中。㊽言散而復聚也。㊽擊也。㊽載網之車。㊽輕疾貌。㊽係取也。㊽即獬豸。人面。有毛。見人則笑。㊽即陳寶。雞頭而人身。㊽陳寶之聲韻及光采。㊽太康記曰。秦文公時陳倉人

獵得獸。若彘而不知其名。道逢二童子。曰。此名爲纘弗述。纘弗述。亦語曰。彼二童子。名爲寶雞。得雄者王。得雌者霸。陳倉人舍纘弗述。逐二童子。化爲雉。雄止陳倉。化爲石。雌如楚。止南陽也。(二五)口之上下爲嚙。言禽獸皆張嚙吐舌於紘網中也。(二六)懈倦貌。(二七)舒緩貌。(二八)超越也。(二九)牽引搏持之貌。(三〇)越也。(三一)窘也。(三二)獸以角觸地。(三三)以額注地也。(三四)言觸車輻因關其頸也。(三五)言矢雖妄發而期於必中。(三六)進則履之。退則獲之。(三七)言獸被創過大。血流與車輪平也。(三八)深閉之館也。(三九)二山名。岐在陝西岐山縣。梁在郃陽縣。(四〇)光貌。(四一)高銳貌。(四二)光明貌。(四三)韓詩外傳。鄭交甫於漢皋臺下。遇二女。佩兩珠。交甫目而挑之。二女解珮贈之。(四四)榮光榮也。(四五)雌鳩。(四六)和聲。(四七)鳥鳴。(四八)小聲。(四九)同也。(五〇)鳧野鴨。鷺鷥鳥。鷺白鷺。皆水鳥。振翼也。(五一)言鳥飛上下。翅翼之聲。若雷霆也。(五二)越人畫文于身。能入水取物。(五三)巖畏也。(五四)水岸高險處。(五五)曲岸。(五六)迫而求之。(五七)似狐青色。居水中食魚。(五八)獸名。鼪屬。長二三尺。毛色青黑。尾尖長如錐。四足短。趾間有蹠。穴居河岸池沼之旁。夜出食魚。惟飲其血而不食肉。(五九)取也。(六〇)大龜。(六一)禹穴也。在江蘇吳縣南太湖中。包山下。(六二)卽九疑山。(六三)卽鄱陽湖。(六四)望也。(六五)舜也。(六六)珠在蛤中。若懷妊然。(六七)洛水之神。(六八)彭咸。伍子胥。(六九)印也。(七〇)大典。(七一)正也。(七二)疾也。(七三)獻也。(七四)舉也。(七五)漢書注。單于南庭山。(七六)侍中也。(七七)梁父山。(七八)然也。(七九)取也。(八〇)日月星。(八一)楚澤。見卷六十二高唐賦。(八二)宋澤。見卷六十三對楚王問。(八三)臺名。楚靈王築。在湖北監利縣。(八四)周文王作。在長安縣。(八五)言希往也。(八六)救也。(八七)等也。(八八)無失婚姻。(八九)靈囿也。冀與文王齊德。(九〇)加恩臣下。(九一)勉勵也。(九二)與後橫木。(九三)轅前橫木。(九四)秦宮。(九五)漢宮。

【諸家集評】張皋文曰。義皇崇節儉。不尙奢麗。夸詡後世。聖王罔不同條。共貫。駁論者之言。明當法古也。

揚子雲長楊賦

明年。上將大誇胡人。以多禽獸。秋命右扶風發民入南山。西自褒斜。東至弘農。南驅漢中。張羅網罟。罟。捕熊羆豪豬。虎豹狢。獾。狐兔。麋鹿。載以檻車。輸長楊射熊館。以網爲周。陸縱禽獸其中。令胡人手搏之。自取其獲。上親臨觀焉。是時農民不得收斂。雄從至射熊館。還。上長楊賦。聊因筆墨之成文章。故藉翰林以爲主人。子墨爲客。卿以調。其辭曰。

子墨客卿問於翰林主人曰。蓋聞聖主之養民也。仁霑而恩洽。動不爲身。今年獵長楊。先命右扶風。左太華而右褒斜。椽截薛而爲弋紆南山以爲。買羅千乘於林莽。列萬騎於山隅。帥軍踣陸。錫戎獲胡。益熊羆。拖豪豬。木擁槍纍。以爲儲胥。此天下之窮覽極觀也。雖然亦頗擾於農人。三旬有餘。其塵至矣。而功不圖。恐不識者。外之則以爲娛樂之游。內之則不以爲乾。豆之事。豈爲民乎哉。且人君以玄默爲神。澹泊爲德。今樂遠出。以露威靈。數搖動以罷車甲。本非人主之急勝也。蒙竊惑焉。翰林主人曰。吁。客何謂茲邪。若客所謂。知其一。未覩其二。見其外。不識其內也。僕嘗倦談。不能一二其詳。請略舉其凡。而客自覽其切焉。客曰。唯唯。主人曰。昔有彊秦。封豕其上。窳窳其民。鑿齒之徒。相與磨牙而爭之。豪俊糜沸雲擾。羣黎爲之不康。於是上帝眷顧高祖。高祖奉命。順斗極。運天關。橫巨海。漂崑崙。提劍而叱之。所過靡城。擗邑。下將降旗。一日之戰。不可殫記。當此之勤。頭蓬不暇梳。飢不及餐。鞆整生蠶。蝨介冑。被霑汗。以爲萬姓請命乎皇天。迺展民之所。詘振民之所乏。規億載。恢帝業。七年之間。而天下密如也。逮至聖文。隨風乘流。方垂意於至寧。躬服節儉。綈衣不敝。革鞜不穿。大廈不居。木器無文。於是後宮賤瑋瑁而疏珠璣。卻翡翠之飾。除彫琢之巧。惡麗靡而不近。斥芬芳而不御。抑止絲竹晏衍之樂。憎聞鄭衛幼眇之聲。是以玉衡正而

太階平也。其後熏鬻作虐。東夷橫畔。兪戎睚眦。閩越相亂。遐萌爲之不安。
中國蒙被其難。於是聖武勃怒。爰整其旅。乃命驃衛汾沅。沸渭雲台。電發
森騰。波流機駭。蠡軼疾如奔星。擊如震霆。碎輶輻破穹廬。腦沙幕隨余吾。
遂躡乎王庭。毆橐駝。燒燼蠹。分勢單于。磔裂屬國。夷阮谷。拔鹵莽。刊山石。
蹂屍輿。廝係累老弱。充鋌癥者。金鏃淫夷者。數十萬人。皆稽顙樹領。扶服
蛾伏。二十餘年矣。尙不敢惕息。夫天兵四臨。幽都先加。迴戈邪指。南越相
夷靡節。西征。兪棘東馳。是以遐方疏俗。殊鄰絕黨。之域。自上仁所不化。茂
德所不綏。莫不躡足抗手。請獻厥珍。使海內澹然。永無邊城之災。金革之
患。今朝廷純仁。遵道顯義。弁包書林。聖風雲靡。英華沈浮。洋溢八區。普天
所覆。莫不沾濡。士有不談王道者。則樵夫笑之。意者以爲事罔隆而不殺。
物靡盛而不虧。故平不肆險。安不忘危。迺時以有年。出兵整輿。竦戎振師。
五柞習馬。長楊簡力。狡獸校武。票禽迺萃。然登南山。瞰烏弋。西厭月。蠲東
震日域。又恐後代迷於一時之事。常以此爲國家之大務。淫荒田獵。陵夷
而不禦也。是以車不安軻。日未靡旃。從者髣髴。飢屬而還。亦所以奉太尊
之烈。遵文武之度。復三王之田。反五帝之虞。使農不輟耰。工不下機。婚姻
以時。男女莫違。出愷弟。行簡易。矜劬勞。休力役。見百年存孤弱。帥與之同
苦樂。然後陳鐘鼓之樂。鳴鞀磬之和。建碣磻之虞。拊隔鳴球。掉八列之舞。

酌允鑠肴樂胥聽廟中之雍雍。受神人之福祐。歌投頌。吹合雅。其勤若此。故真神之所勞也。方將俟元符以禪梁父之基。增泰山之高。延光於將來。比榮乎往號。豈徒欲淫覽浮觀。馳騁杭稻之地。周流梨栗之林。蹂踐芻蕘。誇詡衆庶。盛狄獲之收。多麋鹿之獲哉。且盲者不見咫尺。而離婁燭千里之隅。客徒愛胡人之獲。我禽獸會不知我亦已獲其王侯。言未卒。墨客降席再拜稽首曰。大哉體乎。允非小人之所能及也。迺今日發矇。廓然已昭矣。

〔註音〕(狄)余救切(獲)居縛切(陸)丘於切(椽)音卓(截)音截(薛)音醫(弋)同代(辟)存入聲(益)音厄(廬)同勤(罷)讀疲(窺)音札(窳)音愈(擗)音芟(輿)音低(整)音謀(緝)音題(轄)音踏(幼)音要(睚)音崖(眺)柴去聲(萌)同氓(驪)音栗(鑿)同鋒(軼)同逸(蟻)音份(輶)於云切(燻)音覓(勢)音梨(廡)音斯(兗)音允(鋌)音延(瘳)蒲官切(耆)當作著竹略切(鏃)作木切(稽)音啓(領)胡感切(蛾)同蟻(螻)音甸(躡)音矯(厭)一直切(蟾)音窟(飢)同委(饒)音憂(弟)讀悌(報)同叢音桃(碣)音軋(磔)音轄(杭)音庚

〔釋義〕(漢書成帝紀)元延二年冬。幸長楊宮。從胡客大校獵。漢郡名。今陝西長安縣西部地。谷名。漢郡。今河南洛陽靈寶縣南四十里。漢郡名。有前陝西漢中興安及湖北鄖陽諸府。乳哺類動物。亦稱箭豬。產於廣西及印度非洲等處。頭齒皆如兔。以草為食。全身生棘毛。銳利如針。長至尺餘。其端向後。色白。怒則起立如矢。然性質馴良。獸名。猿屬。大猿。車上施欄檻。以格猛獸。亦囚禁罪人之車也。在長楊宮。遮禽獸圍陣也。山名。概也。斷木。足蹴也。以禽獸賜戎狄。令胡人獲取之。捉持也。以木柵竹槍及縶繩連結。以為儲蓄之所。圖。謀也。凡人之所為。皆有所圖。今則百姓甚勞而無所圖。言勞而無益也。禮記曰。天子無事。歲三田。一為乾豆也。大豬。似豕而虎爪。見山海經注。此喻秦之貪。獸名。齒長五尺。狀如鑿。下徹頰下。而持戈盾。見淮南子注。此喻六國。口舌相競。厚粥。洛書。聖人受命。必順斗極。北辰一名天關。搖蕩之也。取也。首鎧也。介。甲也。胃。兜鍪。靜也。文帝。緋衣。粗袍。革鞜。皮履。言不徹不穿。不更為也。邪。春秋運斗樞。北斗七星。玉衡第五。星名。即三台也。上台。中台。下台。共六星。兩兩相比。在斗魁之下。亦作

二能六稱三階。○堯時匈奴也。○東越。○曠目貌。○〔漢書〕武帝建元四年。尉佗孫胡為南越王。閩越王郢與兵
 擊南越邊邑。○民也。○即驃騎將軍霍去病。大將軍衛青。○衆威貌。○言其疾也。○轡輻。匈奴車也。穹廬。氈帳。○
 破其頭腦。塗沙幕也。○折其骨。使髓膏水也。按余吾水在內蒙古烏喇特境。○踐也。○匈奴王庭。○乾酪。母燒之
 壞其養生之具也。○割也。○外國完胡來屬漢者。○淺草之地。○踐也。○廡。破折也。破傷者。輿而行。○縛也。○克
 當作鈇。矛屬。鈇。小矛。癢。傷痕。既為鈇。鈇所傷。頭上又著金鏃。傷過甚也。○領。豎向上。○手行。○如蟻之伏也。○朔
 方也。謂匈奴。○夷。平也。○〔漢書〕南越王胡上書曰。今東越擅與兵侵臣。天子為與師往討閩越。閩越王弟餘善殺
 郢以降。○舉也。○安也。○滅也。○放也。○五穀皆熟。為有年。○勸也。○盤。屋有五柞宮。○習也。○輕疾之禽。○西
 域三十六國。烏弋最在其西。即今之阿考西亞。在阿富汗東南。印度河西。○服也。○月所生處。○日所出處。○止
 也。○輶。支輪木。不暇稅。駕支車。○言日未移。旌旗之影也。○謂委釋其事。連屬而迴還也。○高祖也。○摩。田器。○
 憐也。○恤。問也。○如鼓而小。有柄搖之。○孟康曰。碣磬之簾。刻猛獸為之。故其形碣磬而威怒也。○彈鼓。○玉磬。
 ○八佾也。○〔詩小雅車攻〕允矣君子。展也大成。○又周頌酌。於鑠王師。○〔詩小雅桑扈〕君子樂胥。○福也。○
 ○〔詩大雅旱麓〕愷弟君子。神所勞矣。○大瑞也。○古之明目者也。○信也。○除貌。○
 〔諸家集評〕何屺瞻曰。長楊事尤荒誕。故其詞切。

揚子雲解嘲

哀帝時。丁傅董賢用事。諸附離之者。或起家至二千石。時雄方草創太玄。○
 有以自守。泊如也。○人有嘲雄以玄尚白。而雄解之。號曰解嘲。其辭曰。○
 客嘲揚子曰。吾聞上世之士。人網人紀。不生則已。生必上尊人君。下榮父
 母。析人之珪。儋人之爵。懷人之符。分人之祿。紆青拖紫。朱丹其轂。今子幸
 得遭明盛之世。處不諱之朝。與羣賢同行。歷金門。上玉堂。有日矣。會不能
 畫一奇。出一策。上說人主。下談公卿。目如耀星。舌如電光。一從一橫。論者

莫當。顧默而作太玄五千文。枝葉扶疏獨說十餘萬言。深者入黃泉。高者
 出蒼天。大者含元氣。細者入無倫。然而位不過侍郎。擢纔給事黃門。意者
 玄得無尙白乎。何為官之拓落也。揚子笑而應之曰。客徒欲朱丹吾轂。不
 知一跌將赤吾之族也。往者周網解結。羣鹿爭逸。離為十二。合為六七。四
 分五剖。並為戰國。士無常君。國無定臣。得士者富。失士者貧。矯翼厲翮。姿
 意所存。故士或自盛以橐。或鑿坏以遁。是故鄒衍以頡頏而取世資。孟軻
 雖連蹇。猶為萬乘師。今大漢左東海。右渠搜。前番禺。後陶塗。東南一尉。西
 北一候。徽以糾墨。製以鑽鈇。散以禮樂。風以詩書。曠以歲月。結以倚廬。天
 下之士。雷動雲合。魚鱗雜襲。咸營於八區。家家自以為稷契。人人自以為
 皋陶。戴縱垂纓而談者。皆擬於阿衡。五尺童子。羞比晏嬰。與夷吾。當途者
 升青雲。失路者委溝渠。日握權則為卿相。夕失勢則為匹夫。譬若江湖之
 崖。渤澥之島。乘鴈集不為之多。雙鳧飛不為之少。昔三仁去而殷墟。二老
 歸而周熾。子胥死而吳亡。種蠡存而越霸。五段入而秦喜。樂毅出而燕懼。
 范雎以折摺而危穰侯。蔡澤以噤吟而笑唐舉。故當其有事也。非蕭曹子
 房平勃樊霍。則不能安。當其無事也。章句之徒。相與坐而守之。亦無所患。
 故世亂。則聖哲馳驚而不足。世治。則庸夫高枕而有餘。夫上世之士。或解
 縛而相。或釋褐而傅。或倚夷門而笑。或橫江潭而漁。或七十說而不遇。或

立談而封侯。或枉千乘於陋巷。或擁彗而先驅。是以士頗得信其舌而奮其筆。室隙踏瑣五三而無所詘也。當今縣令不請士。郡守不迎師。羣卿不揖客。將相不俛眉。言奇者見疑。行殊者得辟。是以欲談者卷舌而同聲。欲步者擬足而投跡。嚮使上世之士處乎今。策非甲科五五。行非孝廉五六。舉非方正五七。獨可抗疏時道是非。高得待詔五八。下觸聞罷五九。又安得青紫。且吾聞之。炎炎者滅。隆六一者絕。觀雷觀火。爲盈爲實。天收其聲。地藏其熱。高明之家。鬼瞰其室。攫拏者亡。默默者存。位極者宗危。自守者身全。是故知玄知默。守道之極。爰清爰靜。遊神之庭。惟寂惟冥。守德之宅。世異事變。人道不殊。彼我易時。未知何如。今子乃以鴟梟而笑鳳皇。執蠃蜓六二而嘲龜龍。不亦病乎。子徒笑我玄之尙白。吾亦笑子病甚。不遇俞跗六三與扁鵲六四也。悲夫。客曰。然則靡玄無所成名乎。范蔡以下。何必玄哉。揚子曰。范睢。魏之亡命也。折脅拉髀。免於黜索六七。翕肩蹈背。扶服入橐六八。激叩萬乘之主。界涇陽。抵穰侯而代之。當也。蔡澤。山東之匹夫也。頌頤折頰。涕唾流沫。西揖彊秦之相。盜其咽。炕其氣。拊其背。而奪其位。時也。天下已定。金革已平。都於洛陽。婁敬委輅。脫輓。掉三寸之舌。建不拔之策。舉中國徙之長安。適也。五帝垂典。三王傳禮。百世不易。叔孫通起於枹鼓之間。解甲投戈。遂作君臣之儀。得也。呂刑靡敝。秦法酷烈。聖漢權制。而蕭何造律。宜也。故有造蕭何律於唐虞之世。則諄矣。有作

叔孫通儀於夏殷之時。則惑矣。有建婁敬之策於成周之世。則繆矣。有談

范蔡之說於金張許史之間。則狂矣。夫蕭規曹隨。留侯畫策。陳平出奇。功

若泰山。響若坻隕。唯其人之瞻智哉。亦會其時之可為也。故為可為於可

為之時。則從。為不可為於不可為之時。則凶。若夫藺先生收功於章臺四

皓采榮於南山。公孫創業於金馬。驃騎發跡於祁連。司馬長卿竊貨於卓

氏。東方朔割名於細君。僕誠不能與此數子者並。故默然獨守吾太玄。

【註音】(儻)同擔(說)音稅(坏)音陪(契)音屑(陶)音搖(繼)所綺切(懈)音蟹(殺)音古(摺)古拉字

(噤)鉅錦切(吟)魚錦切(說)讀悅(慧)似歲(信)讀伸(蠅)音偃(嶼)音殄(附)音膚(駱)音格(抵)音紙

(頌)音欽(頰)音遏(搯)音扼(炕)音抗(輅)胡格切(袍)音孚(諄)音勃(陴)音邱(隕)同類

【釋義】(一)丁明。〔漢書〕定陶丁姬。哀帝母也。兄明為大司馬。(二)傅晏。〔漢書〕孝哀傅皇后。哀帝即位。封后

父晏為孔鄉侯。(三)字聖卿。雲陽人。哀帝幸臣。為人美麗自喜。出則驂乘。入侍左右。與帝同臥起。性柔和便辟。善為

媚。以自固。妻子居官寺。女弟為昭儀。賞賜無度。封高安侯。年二十二。官至大司馬。帝崩。王莽劾賢。罷歸第。自殺。(四)

猶附也。(五)漢官內自九卿。郎將。外至郡守。尉。皆秩二千石。(六)雄以為經莫大於易。故作太玄。(七)安靜也。(八)玄。黑色。

言雄作之不成。其色尚白。故無祿位。(九)眾所取法。(十)荷也。(十一)印綬之色。漢制。公侯紫綬。九卿青綬。見〔東觀漢記〕

於此。(十二)漢制。侍中有玉堂署。又未央宮有玉堂。為三十二殿閣之一。(十三)四布也。(十四)禁門皆塗黃。言給事於黃門內。

猶遼落。(十五)差也。(十六)謂誅滅也。(十七)比戰國時諸侯。(十八)范雎入秦。藏於橐中。(十九)坏。壁也。魯君聞顏闔賢。欲相之。使者

往聘。因鑿後坏而亡。(二十)齊人。著書所言多大事。故齊人號談天。仕齊至卿。(二十一)上下其言。為世用也。(二十二)言語不便利

也。(二十三)西戎國名。今俄領中亞細亞之地。(二十四)漢南海郡治番禺。舊南越王都。今廣東省治。(二十五)在漁陽郡之北界。(二十六)會

稽。東部都尉。(二十七)地理志曰。龍勒玉門。陽關有侯也。(二十八)微。糾。墨。皆繩也。有罪者。則係之。(二十九)斬腰之形也。(三十)化也。(三十一)倚

牆至地而為之。無楹柱也。漢律以為親行三年服。不得選舉。(三十二)韜髮之具。(三十三)伊尹也。(三十四)即渤海。(三十五)飛鳥曰雙。四雁

曰乘。(三十六)微子。箕子。比干。(三十七)伯夷。太公。(三十八)即文種。范蠡。(三十九)百里奚亡秦走宛。秦穆公聞百里奚欲重贖之。恐楚不與。

以五段皮贖之。與語國事。大悅。授之政。號五段大夫。①皆見前。②澤。燕人。干諸侯不遇。從唐舉相。曰。富貴吾所自有。吾所不知者壽也。願聞之。舉曰。先生之壽。從今以往者。四十三歲。澤笑謝而去。噤吟。頤頤之貌。③〔左傳〕齊鮑叔帥師來言曰。子糾親也。請君討之。管召雖也。請受而甘心焉。乃殺子糾于生竇。召忽死之。管仲請囚。鮑叔受之。及堂阜而脫之。歸而以告。曰。管夷吾治於高侯。使相可也。公從之。④〔墨子〕傳說被褐帶索。庸築傅巖。武丁得之。舉以爲三公。⑤侯嬴爲夷門卒。秦伐趙。趙求救於魏。無忌將十餘人往辭嬴。嬴無所戒。更還。嬴笑之。以謀告無忌。故號爲虞卿。⑥齊有小臣稷。桓公一日三至而不得見。從者曰。可以止矣。桓公曰。不然。士之傲爵祿者。固輕其主。主傲霸王者。亦輕其士。縱彼傲爵祿。吾庸敢傲霸王乎。遂見之。見〔呂氏春秋〕。⑦擁篲鄒衍也。⑧言乘其君臣上下有隙。瑕。乖離之漸。則可抵而取之。空。塞也。⑨罪也。⑩史記曰。歲課甲科爲郎中。乙科爲太子舍人。然甲科爲第一。⑪漢武帝詔郡國歲舉孝廉各一人。⑫漢文帝詔舉賢良方正文學材力之士。待以不次之位。⑬官名。漢時上書者。皆待詔公車。⑭抗疏有所觸犯者。帝報以聞而罷之。言不任用也。⑮火光。⑯雷聲。⑰四脚似壁虎。〔說文〕在壁曰蜺。在草曰蜥蜴。⑱黃帝時良醫。⑲姓秦。名越人。春秋時名醫。⑳兩勝。㉑腰骨也。㉒斂也。㉓平行。㉔范雎至秦上書。因感怒昭王。昭王乃免穰侯。逐涇陽君於關外。㉕涇陽君。昭王同母弟。界者。離間之也。㉖擊也。㉗曲頤之貌。頤亦作頤。頤面黃也。㉘鼻莖。㉙蔡澤西入秦。應侯召蔡澤。澤入。則揖應侯。應侯與言數日。言於秦昭王。昭王與語。悅之。應侯歸相印。遂拜澤爲相。㉚齊人。〔漢書〕婁敬成隴西。過洛陽。高帝在焉。敬脫鞵曰。臣願見上言便宜。又說上曰。陛下都洛陽。不便。不如入關。據秦之固。是日車駕西都長安。㉛小車。以人力推挽者。㉜薛人。〔漢書〕叔孫通曰。臣願徵魯諸生弟子。共起朝儀。㉝枹。擊鼓杖。㉞周穆王作呂刑。㉟〔漢書〕相國蕭何。摺摺秦法。取其宜於時者。作律九章。㊱金日磾。張安世。許廣漢。史恭。史高。㊲天水有大坂。名曰隴坻。其山旁堆墮崩。聲聞數百里。㊳章臺。在咸陽渭南。蘭相如齎璧入秦。秦王坐章臺受璧。而不與趙城。相如詭取其璧。使人間道歸趙。㊴東園公。綺里季。夏黃公。用里先生。避秦之亂。隱商山。㊵采取榮名也。㊶公孫弘對策於金馬門。〔史記〕弘至太常。對策爲第一。拜爲博士。㊷驃騎將軍。霍去病擊匈奴至祁連山。捕首虜甚多。祁連者。天山也。匈奴呼天曰祁連。在甘肅張掖縣西南。〔史記〕文君夜亡奔相如。卓王孫不得已。分予文君僮百人。錢百萬。㊸割名。割損其名也。〔漢書〕伏日詔賜從官肉。太官丞日晏不來。東方朔獨拔劍割肉。卽懷肉去。太官奏之。上曰。先生起自責也。朔曰。受賜不待詔。何無禮也。拔劍割肉。一何壯也。割之不多。又何廉也。歸遺細君。又何仁也。上笑曰。使先生自責。乃反自譽。復賜酒一石。肉百斤。

【諸家集評】大姚曰雄偉瑰麗後人於此不能復加恢奇矣

姚氏曰此文前半以取爵位富貴為說後半以有所建立於世成名為說故范曄蔡澤蕭曹留侯前後再言之而義別非重複也未數句言人之取名有建功於世者有高隱者又有以放誕之行使人驚異若司馬長卿東方朔亦所以致名也今進不能建功退不能高隱又不肯失於放誕之行是不能與數子者並惟著書以成名耳

揚子雲解難

客難揚子曰。凡著書者。為衆人之所好也。美味期乎合口。工聲調於比耳。*一
 今吾子乃抗辭幽說。閱意眇指。獨馳騁於有亡之際。而陶冶大鑪。旁薄羣三
 生。歷覽者茲年矣。而殊不寤。直費精神於此。而煩學者於彼。譬畫者畫於四
 無形。絃者放於無聲。殆不可乎。揚子曰。俞。若夫閱言崇議。幽微之途。蓋難五
 與覽者同也。昔人有觀象於天。視度於地。察法於人者。天麗且彌地。晉而六
 深。昔人之辭。迺玉迺金。彼豈好為艱難哉。勢不得已也。獨不見夫翠虬絳七
 螭之將登乎天。必聳身於蒼梧之淵。不階浮雲。翼疾風。虛舉而上升。則不八
 能搢膠葛。騰九閔。日月之經。不千里。則不能燭六合。燿八紘。泰山之高。不九
 嶠嶢。則不能淳滄雲。而散歎烝。是以宓犧氏之作易也。縣絡天地。經以八一〇
 卦。文王附六爻。孔子錯其象。而彖其辭。然後發天地之藏。定萬物之基。典一一
 謨之篇。雅頌之聲。不溫純深潤。則不足以揚鴻烈。而章緝熙。蓋胥靡為宰。一二
 寂寞為尸。大味必淡。大音必希。大語叫叫。大道低回。是以聲之眇者。不可一三
 同於衆人之耳。形之美者。不可棍於世俗之目。辭之衍者。不可齊於庸人。一四

之聽。今夫絃者。高張急徽。追趨逐者。則坐者不期而附矣。試爲之施咸池。
 揄六莖發簫韶詠九成。則莫有和也。是故鍾期死。伯牙絕絃破琴。而不肯
 與衆鼓。癩人亡。則匠石輟斤。而不敢妄斲。師曠之調鐘。埃知音者之在後
 也。孔子作春秋。幾君子之前睹也。老聃有遺言。貴知我者希。此非其操歟。
 【註音】(比)音界(亶)同但(放)同傲(擻)音戟(絃)音橫(淳)音勃(滄)烏孔切(歎)音囂(宓)音伏
 (彖)通貫切(棍)音混(耆)讀嗜(和)去聲(癩)奴刀切音饒(幾)讀冀
 【釋義】①和也。②微也。③充滿廣被之義。④久也。⑤不曉其意。⑥依也。⑦然也。⑧附也。〔易〕日月麗乎天。⑨
 廣大也。⑩水深廣貌。⑪支持也。⑫上清之氣也。⑬九天之門。⑭天地四方。謂之六合。⑮八方之網維也。⑯高貌。⑰
 作也。⑱雲氣起也。⑲氣上升也。⑳宓犧始作八卦。文王重爲六十四卦。孔子作十翼。上象。下象。上象。下象。上繫。下
 繫。文言。說卦。序卦。雜卦。⑳光明貌。㉑造化之神。宰制萬物。㉒主也。㉓遠聲。㉔紆衍也。㉕同也。㉖充滿盈溢曰衍。㉗
 琴徽也。所以表發撫抑之處。㉘隨所趨向愛嗜而追逐之也。㉙黃帝之樂。㉚引也。㉛又作五莖。顓頊之樂。㉜舜樂。
 鍾子期。伯牙。皆楚人。伯牙鼓琴。志在泰山。子期曰。巍巍乎若泰山。既而志在流水。子期又曰。湯湯乎若流水。及
 子期死。伯牙鼓琴。絕絃。謂世無賞音者。①癩人。古之善塗墍者。施廣領大袖以仰塗。而領袖不汗。有小飛泥誤著
 其鼻。因令匠石揮斤而斲。知匠石之善斲。故敢使之也。②春秋之樂師。能審音以占吉凶。晉平公鑄鐘。工者以爲
 調矣。師曠曰。臣竊聽之。知其不調也。至於師涓而果知鐘之不調。③冀也。④楚苦縣人。著道德經。云知我者希。則
 我貴矣。

揚子雲反離騷

有周氏之嬋媯兮。或鼻祖於汾隅。靈宗初諫。伯僑兮。流於未之揚侯。淑周
 楚之豐烈兮。超既離乎皇波。因江潭而泚記兮。欽弔楚之湘纍。惟天軌之
 不辟兮。何純絜而離紛紛。纍以其渙。忍兮。暗纍以其續。紛紛漢十世之陽朔。

今招搖紀於周正正皇天之清則今度后土之方貞圖纍承彼洪族今又

覽纍之昌辭帶鈎矩而佩衡今履櫬槍以為綦纍初貯厥麗服今何文肆

而質籛資媵娃之珍鬣今鬻九戎而索賴鳳皇翔於蓬階今豈鴛鴦之能

捷騁驊騮以曲韞今驢騾連蹇而齊足枳棘之榛榛今蟻豸擬而不敢下

靈修既信椒蘭之唼佞今吾纍忽焉而不蚤睹矜芟茄之綠衣今被夫容

之朱裳芳酷烈而莫聞今固不如襞而幽之離房閨中容競淖約今相態

以麗佳知衆媢之嫉妒今何必颺纍之蛾眉懿神龍之淵潛今竢慶雲而

將舉亡春風之被離今孰焉知龍之所處愍吾纍之衆芬今颺燁燁之芳

苓遭季夏之凝霜今慶夭賴而喪榮橫江湘以南注今云走乎彼蒼吾馳

江潭之汎濫今將折衷乎重華舒中情之煩惑今恐重華之不纍與陵陽

侯之素波今豈吾纍之獨見許精瓊廢與秋菊今將以延夫天年臨汨羅

而自隕今恐日薄於西山解扶桑之總轡今縱令之遂奔馳鸞皇騰而不

屬今豈獨飛廉與雲師卷薜芷與若蕙今臨湘淵而投之棍申椒與茵桂

今赴江湖而漚之費椒糴以要神今又勤索彼瓊茅違靈氛而不從今反

湛身於江皋纍既來夫傳說今奚不信而遂行徒恐鸚鵡之將鳴今顧先

百草為不芳初纍棄彼處妃今更思瑤臺之逸女抨雄鳩以作媒今何百

離而會不壹耦乘雲蜺之旖旎今望昆侖以穆流覽四荒而顧懷今奚必

女彼高邱^{七六}既亡鸞車之幽藹^{七八}兮。焉駕八龍之委蛇^{七九}臨江瀕而掩涕兮。何有九招與九歌^{八〇}夫聖哲之不遭兮。固時命之所有。雖增欵以於邑兮^{八一}。吾恐靈修之不纍改。昔仲尼之去魯兮。斐斐遲遲而周邁。終回復於舊都兮。何必湘淵與濤瀨。溷漁父之鋪歎兮^{八二}。絜沐浴之振衣棄由明之所珍兮^{八三}。蹠彭咸之所遺^{八四}。

〔註音〕 (嬌)音鄒(注)音枉(澳)他典切(忽)乃殄切(難)音械(媿)此苟切(豨)音替(階)同階(難)同艱(連)音輦(媛)同猿(喙)音妾(衿)音今(璧)音壁(渾)音綽(嬋)音護(被)同披(燁)筠輒切(慶)讀羌(慶)音靡(汨)音覓(漚)謳去聲(稻)音所(豕)同攀(鸞)音提(鵠)音決(捫)補耕切(摠)音鳩(招)讀詔(斐)音肥(歎)音啜

〔釋義〕 ①言連續也。②始祖也。③揚邑在汾之側。蓋系出於周。而食采於揚氏。④諧諫也。⑤周之支庶。⑥揚氏有號為揚侯者。⑦淑善也。言去汾隅而徙巫山。得周楚之美烈也。⑧速也。⑨歷也。⑩大水也。先祖遷居。經河及江。⑪乘水而往也。⑫敬也。⑬李奇曰。諸不以罪死曰纍。荀息仇牧皆是也。屈原赴湘死。故曰湘纍。⑭猶言上天之路。⑮開也。⑯遭難也。⑰紛衆也。渙忽垢也。續紛亂貌。言衆毀其垢濁。而暗中之讒。自見其亂而無理。⑱由高祖至成帝。⑲成帝八年。乃稱陽朔。⑳星名。在北斗杓端。㉑十一月也。㉒清正法則也。㉓地稱方貞。真正也。十一月。坤體成。故方貞。㉔案其本系之圖。㉕指離騷。㉖言屈原雖佩帶方平之行。而仍履惡人之迹。鉤規也。矩方也。衡平也。機槍。即彗星。喻惡人。綦履下飾。㉗狹也。㉘閨媿。吳姓。皆古之美人也。㉙髮也。㉚九戎被髮。髡無用也。㉛利也。㉜蓬萊之隄。隄。小洲也。㉝野鵝。㉞勝也。㉟駿馬名。色如華而赤。亦名棗騮。同穆王八駿之一。㊱屈曲艱阻。㊲惡木。枳。常綠灌木。高數丈。枝多刺。葉長卵形。花白。秋間實熟。初採者為枳實。晚採者為枳殼。皆可入藥。棘。小棗叢生者。木堅色赤。刺粗而長者。曰馬棘。色白者為白棘。實酸者曰檳棘。㊳梗塞蕪穢貌。㊴揣度也。㊵見離騷。㊶子椒。子蘭也。㊷譖言也。㊸帶也。㊹芰。菱也。茄。荷莖。㊺蓮華也。㊻疊衣。㊼別房。㊽柔弱貌。㊾競為麗態以相傾。㊿美貌。〔離騷〕衆女嫉余之蛾眉。〔光感貌。〕芳草名。〔即蒼梧。〕虞舜之號。舜葬於蒼梧。〔舜見害于父而能全身。原之死。舜所不許也。〕乘也。〔水神名。〕〔離騷〕精瑣廢以為糧兮。予夕餐秋菊之落英。〔江名。在湖南湘陰縣北。屈原懷石自

沈於此。①總。結也。〔離騷〕總余轡於扶桑。②言忍自沈。任君放縱。不循法而行也。③〔離騷〕前望舒使先驅兮。後飛廉使奔屬。鸞皇爲余先戒兮。雷師告余以未具。④大東也。⑤久積也。⑥祭神之香米。⑦靈草。〔離騷〕索瓊茅以筵筵。⑧〔離騷〕欲從靈氛之吉占兮。心猶豫而狐疑。⑨〔離騷〕說操築於傅巖兮。武丁用之而不疑。⑩鸛鳴。亦作鸛鳴。〔離騷〕恐鸛鳴之先鳴兮。使百草爲之不芳。⑪古之神女。〔離騷〕吾令豐隆乘雲兮。求處妃之所在。⑫〔離騷〕望瑤臺之偃蹇兮。見有娥之佚女。⑬使也。⑭〔離騷〕吾令鳩爲媒兮。鳩告余以不好。〔又〕雄鳩之鳴逝兮。余猶惡其佻巧。⑮雲貌。⑯猶周流也。⑰〔離騷〕哀高邱之無女。⑱繁茂貌。⑲〔離騷〕駕八龍之蜿蜿兮。載雲旗之委蛇。⑳九招。古逸詩名。九歌。禹時樂歌。㉑短氣也。㉒往來貌。㉓〔漁父〕衆人皆醉。何不鋪其糟而飲其醪。〔又〕新沐者必彈冠。新浴者必振衣。㉔卽許由。老聃。㉕見〔離騷〕言棄由聃之全生。蹈彭咸輕死之遺述。

〔諸家集評〕姚氏曰。悽愴嗚咽。望溪宗伯所論。最得子雲用意深處。吳至父曰。此篇子雲有以自寄。故發端如此。

卷六十八

辭賦類八

班孟堅兩都賦并序

或曰賦者古詩之流也。昔成康沒而頌聲寢。王澤竭而詩不作。大漢初定。日不暇給。至於武宣之世。乃崇禮官。考文章。內設金馬石渠之署。外興樂府協律之事。以興廢繼絕。潤色鴻業。是以衆庶悅豫。福應尤盛。白麟赤雁。芝房寶鼎之歌。薦於郊廟。神雀五鳳。甘露黃龍之瑞。以為年紀。故言語侍從之臣。若司馬相如。虞邱壽王。東方朔。枚皋。王褒。劉向之屬。朝夕論思。日月獻納。而公卿大臣。御史大夫。倪寬。太常孔臧。大中大夫董仲舒。宗正劉德。太子太傅蕭望之等。時時問作。或以抒下情而通諷諭。或以宣上德而盡忠孝。雍容揄揚。著於後嗣。抑亦雅頌之亞也。故孝成之世。論而錄之。蓋奏御者。干有餘篇。而後大漢之文章炳焉。與三代同風。且夫道有夷隆。學有麤密。因時而建德者。不以遠近易則。故皋陶歌虞。奚斯頌魯。同見采於孔氏。列於詩書。其義一也。稽之上古。則如彼。考之漢室。又如此。斯事雖細。然先臣之舊式。國家之遺美。不可缺也。臣竊見海內清平。朝廷無事。京師修宮室。浚城隍。起苑囿。以備制度。西土耆老。咸懷怨思。冀上之睠顧。而盛稱長安舊制。有陋洛邑之議。故臣作兩都賦。以極衆人之所眩曜。折以今

之法度。其辭曰。

西都賦

有西都賓問於東都主人曰。蓋聞皇漢之初經營也。嘗有意乎都河洛矣。輟而弗康。實用西遷。作我上都。主人聞其故而覩其制乎。主人曰。未也。願賓摠懷舊之蓄念。發思古之幽情。博我以皇道。弘我以漢京。賓曰。唯唯。漢之西都。在於雍州。實曰長安。左據函谷。二嶠之阻。表以太華。終南之山。右界褒斜。隴首之險。帶以洪河。涇渭之川。衆流之隈。汧汭其西。華實之毛。則九州之上腴焉。防禦之阻。則天地之隩區焉。是故橫被六合。三成帝畿。周以龍興。秦以虎視。及至大漢受命而都之也。仰悟東井之精。俯協河圖之靈。奉春建築。留侯演成。天人合應。以發皇明。乃眷西顧。實惟作京。於是晞秦嶺。眺北阜。挾灃灃。據龍首。圖皇基於億載。度宏規而大起。肇自高而終平。世增飾以崇麗。歷十二之延祚。故窮泰而極侈。建金城之萬雉。呀周池而成淵。披三條之廣路。立十二之通門。內則街衢洞達。閭閻且千。九市開場。貨別隧分。人不得顧。車不得旋。闐城溢郭。旁流百廛。紅塵四合。煙雲相連。於是既庶且富。娛樂無疆。都人士女。殊異乎五方。遊士擬於公侯。列肆侈於姬姜。鄉曲豪舉。遊俠之雄。節慕原嘗。名亞春陵。連交合衆。騁鷲乎其

中。若乃觀其四郊。浮游近縣。則南望杜霸。北眺五陵。名都對郭。邑居相承。

英俊之域。紘冕所興。冠蓋如雲。七相五公。與乎州郡之豪傑。五都之貨殖。
三選七遷。充奉陵邑。蓋以彊榦弱枝。隆上都而觀萬國也。封畿之內。厥土
千里。卓蹠諸夏。兼其所有。其陽則崇山隱天。幽林穹谷。陸海珍藏。藍田美
玉。商洛緣其隈。鄠杜濱其足。源泉灌注。陂池交屬。竹林果園。芳草甘木。郊
野之富。號爲近蜀。其陰則冠以九嶷。陪以甘泉。乃有靈宮。起乎其中。秦漢
之所極觀。淵雲之所頌歎。於是乎存焉。下有鄭白之沃。衣食之源。提封五
萬。疆場綺分。溝塍刻鏤。原隰龍鱗。決渠降雨。荷插成雲。五穀垂穎。桑麻鋪
蔡。東郊則有通溝大漕。瀆渭洞河。泛舟山東。控引淮湖。與海通波。西郊則
有上囿禁苑。林麓藪澤。陂池連乎蜀漢。繚以周牆。四百餘里。離宮別館。三
十六所。神池靈沼。往往而在。其中乃有九真之麟。大宛之馬。黃支之犀。條
枝之鳥。踰崑崙。越巨海。殊方異類。至於三萬里。其宮室也。體象乎天地。經
緯乎陰陽。據坤靈之正位。倣太紫之圓方。樹中天之華闕。豐冠山之朱堂。
因瓌材而究奇。抗應龍之虹梁。列棼橑以布翼。荷棟桴而高驤。雕玉璜以
居楹。裁金璧以飾璫。發五色之渥彩。光爛朗以景彰。於是左城右平。重軒
二階。閨房周通。門闥洞開。列鐘虡於中庭。立金人於端闈。仍增崖而衡闕。
臨峻路而啓扉。徇以離宮別寢。承以崇臺閒館。煥若列宿。紫宮是環。清涼
宣溫。神僊長年。金華玉堂。白虎麒麟。區宇若茲。不可殫論。增盤崔嵬。登降

炤爛殊形詭制。每各異觀。乘茵步輦。惟所息宴。後宮則有掖庭椒房后妃

之室。合歡增成。安處常寧。莖若椒風。披香發越。蘭林蕙草。鴛鸞飛翔之列。

昭陽特盛。隆於孝成。屋不呈材。牆不露形。裛以藻繡。絡以綸連。隨侯明月

錯落其間。金釭銜壁。是為列錢。翡翠火齊。流耀含英。懸黎垂棘。夜光在焉。

於是玄墀釳砌。玉階彤庭。硬碱綵繖。琳瑯青熒。珊瑚碧樹。周阿而生。紅羅

颯纚。綺組繽紛。精曜華燭。俯仰如神。後宮之號。十有四位。窈窕繁華。更盛

迭貴。處乎斯列者。蓋以百數。左右廷中。朝堂百僚之位。蕭曹魏邴。謀謨乎

其上。佐命則垂統。輔翼則成化。流大漢之愷悌。蕩亡秦之毒螫。故令斯人

揚樂和之聲。作畫一之歌。功德著乎祖宗。膏澤洽乎黎庶。又有天祿石渠

典籍之府。命夫惇誨。故老名儒。師傅講論。乎六藝。稽合乎同異。又有承明

金馬著作之庭。大雅宏達。於茲為羣。元元本本。殫見洽聞。啓發篇章。校理

祕文。周以鈞陳之位。衛以嚴更之署。總禮官之甲科。羣百郡之廉孝。虎賁

贅衣闔尹。闔寺陞戟。百重各有典司。周廬千列。微道綺錯。輦路經營。修除

飛閣。自未央而連桂宮。北彌明光。而互長樂。陵登道而超西墉。搃建章而

外屬。設璧門之鳳闕。上觚稜而棲金爵。內則別風嶢嶢。眇麗巧而聳擢。張

千門而立萬戶。順陰陽以開闔。爾乃正殿崔嵬。層構厥高。臨乎未央。經駘

盪而出。馭娑洞杳。詣與天梁。上反宇以蓋戴。激日景而納光。神明鬱其特

起。遂偃蹇而上躋。軼雲雨於太半。虹霓迴帶於焚楯。雖輕迅與標狡猶愕
眙而不能階。攀井幹而未半。目眩轉而意迷。捨櫺檻而卻倚。若顛墜而復
稽。魂怳怳以失度。巡迴塗而下低。既懲懼於登望。降周流以徬徨。步甬道
以縈紆。又杳窳而不見陽。排飛闥而上出。若游目於天表。似無依而洋洋。
前唐中而後太液。覽滄海之湯湯。揚波濤於碣石。激神岳之嶸嶸。將將濫瀛洲
與方壺。蓬萊起乎中央。於是靈草冬榮。神木叢生。巖峻嶮嶮。金石崢嶸。抗
仙掌以承露。擢雙立之金莖。軼埃壒之混濁。鮮顛氣之清英。聘文成之不
誕。馳五利之所刑。庶松喬之羣類。時游從乎斯庭。實列僊之攸館。非吾人
之所寧。爾乃盛娛游之壯觀。奮大武乎上囿。因茲以威戎夸狄。耀威靈而
講武事。命荊州使起鳥。詔梁野而驅獸。毛羣內闐。飛羽上覆。接翼側足。集
禁林而屯聚。水衡虞人修其營表。種別羣分部。曲有署罟網。連紘籠山絡
野。列卒周帀。星羅雲布。於是乘鑿輿。備法駕。帥羣臣。披飛廉。入苑門。遂繞
鄴鎬。歷上蘭。六師發逐。百獸駭殫。震震燗燗。雷奔電激。草木塗地。山淵反
覆。蹂躪其十二三。乃拗怒而少息。爾乃期門飲飛。列刃鑽鋸。要跌追蹤。鳥
驚觸絲。獸駭值鋒。機不虛持。弦不再控。矢不單殺。中必疊雙。颯颯紛紛。熠
繳相纏。風毛雨血。灑野蔽天。平原赤。勇士厲。猿狖失木。豺狼懼竄。爾乃移
師趨險。並蹈潛穢。窮虎奔突。狂兇觸蹶。許少施巧。秦成力折。持標狡。扼猛

噬脫角挫脰徒搏獨殺挾師豹。拖熊螭曳犀犛。頓象羆超洞壑。越峻崖蹶

嶺巖。巨石頽松柏仆。叢林摧草木無餘。禽獸殄夷於是天子乃登屬玉之

館歷長楊之榭。覽山川之體勢。觀三軍之殺獲。原野蕭條日極四裔禽相

鎗壓獸相枕藉。然後收禽會衆。論功賜胙。陳輕騎以行。包騰酒車而斟酌。

割鮮野食。舉燧命酌。饗賜畢勞逸齊。大輅鳴鑿容與徘徊。集乎豫章之宇。

臨乎昆明之池。左牽牛而右織女。似雲漢之無涯。茂樹蔭蔚芳草被隄。蘭

茝發色曄曄猗猗若摘錦與布繡。燭耀乎其陂。鳥則玄鶴白鷺黃鵠鳩鸛

鷓鴣鵠鵠鳧鷖鴻雁。朝發河海夕宿江漢。沈浮往來雲集霧散。於是後宮

乘輦輅登龍舟。張鳳蓋建華旗。祛黼帷鏡清流。靡微風澹浮。擢女謳鼓

吹震聲激越。警厲天鳥羣翔魚窺淵。招白鷗下雙鷁。揄文竿出比目。撫鴻

置御熠繳。方舟並鷺。俛仰極樂。遂乃風舉雲搖。浮游溥覽。前乘秦嶺。後越

九峻。東薄河華。西涉岐雍。宮館所歷百有餘區。行所朝夕儲不改供。禮上

下而接山川。究休祐之所用。采游童之歡謠。第從臣之嘉頌。於斯之時。都

都相望。邑邑相屬。國藉十世之基。家承百年之業。士食舊德之名氏。農服

先疇之畎畝。商循族世之所鬻。工用高會之規矩。粲乎隱隱各得其所。若

臣者。徒觀迹於舊墟。聞之乎故老。十分未得其一端。故不能徧舉也。

東都賦

東都主人喟然而歎曰。痛乎風俗之移人也。子實秦人。矜夸館室。保界河山。信識昭襄而知始皇矣。烏覩大漢之云爲乎。夫大漢之開元也。奮布衣以登皇位。由數期而創萬世。蓋六籍所不能談。前聖靡得而言焉。當此之時。功有橫而當天。討有逆而順民。故婁敬度勢而獻其說。蕭公權宜而拓其制。時豈泰而安之哉。計不得以已也。吾子會不是睹。顧曜後嗣之未造。不亦暗乎。今將語子以建武之治。永平之事。監於太清。以變子之惑志。往者王莽作逆。漢祚中缺。天人致誅。六合相滅。於時之亂。生民幾亡。鬼神泯絕。壑無完柩。郭罔遺室。原野厭人之肉。川谷流人之血。秦項之災。猶不克半。書契以來。未之或紀。故下民號而上訴。上帝懷而降監。乃致命乎聖皇。於是聖皇乃握乾符。闡坤珍。披皇圖。稽帝文。赫然發憤。應若興雲。霆擊昆陽。憑怒雷震。遂超大河。跨北嶽。立號高邑。建都河洛。紹百王之荒屯。因造化之盪滌。體元立制。繼天而作。系唐統。接漢緒。茂育羣生。恢復疆宇。勳兼乎在昔。事勤乎三五。豈特方軌並跡。紛綸后辟。治近古之所務。蹈一聖之險易云爾哉。且夫建武之元。天地革命。四海之內。更造夫婦。肇有父子。君臣初建。人倫實始。斯乃伏羲氏之所以基皇德也。分州土。立市朝。作舟輿。造器械。斯乃軒轅氏之所以開帝功也。龔行天罰。應天順民。斯乃湯武之所以昭王業也。遷都改邑。有殷宗中興之則焉。卽土之中。有周成隆平之

制焉。不階尺土一人之柄。同符乎高祖。克己復禮。以奉終始。允恭乎孝文。

憲章稽古。封岱勒成。儀炳乎世宗。按六經而校德。眇古昔而論功。仁聖之

事既該。而帝王之道備矣。至於永平之際。重熙而累洽。盛三雍之上儀。修

袞龍之法服。鋪鳩藻信景鑠。揚世廟正雅樂。人神之和允洽。羣臣之序既

肅。乃動大輅。遵皇衢。省方巡狩。窮覽萬國之有無。考聲教之所被。散皇明

以燭幽。然後增周舊。修洛邑。扇巍巍顯翼翼。光漢京於諸夏。總八方而為

之極。是以皇城之內。宮室光明。闕庭神麗。奢不可踰。儉不能侈。外則因原

野以作苑。順流泉而為沼。發蘋藻以潛魚。豐園草以毓獸。制同乎梁駟誼

合乎靈囿。若乃順時節而蒐狩。簡車徒以講武。則必臨之以王制。考之以

風雅。歷駟虞覽駟職。嘉車攻采吉日。禮官整儀。乘輿乃出。於是發鯨魚。鏗

華鐘。登玉輅。乘時龍。鳳蓋參麗。和鑿玲瓏。天官景從。寢威盛容。山靈護野。

屬御方神。雨師汎灑。風伯清塵。千乘雷起。萬騎紛紜。元戎竟野。弋鋌彗雲。

羽旄掃電。旌旗拂天。焱焱炎炎。揚光飛文。吐燭生風。飲野歎山。日月為之

奪明。邱陵為之搖震。遂集乎中園。陳師按屯。駢部曲。列校隊。勒三軍。誓將

帥。然後舉烽伐鼓。申令三驅。輕車霆激。驍騎電驚。由基發射。范氏施御。弦

不睨禽。轡不詭遇。飛者未及翔。走者未及去。指顧儵忽。獲車已實。樂不極

盤。殺不盡物。馬踠餘足。士怒未滌。先驅復路。屬車案節。於是薦三犧。效五

牲禮神祇。懷百靈。觀明堂。臨辟雍。揚緝熙。宣皇風。登靈臺。考休徵。俯仰乎三八二。
乾坤。參象乎聖躬。日中夏而布德。瞰四裔而抗稜。西盪河源。東澹海濶。北三八八。
動幽崖。南燿朱垠。殊方別區。界絕而不鄰。自孝武之所不征。孝宣之所未三九四。
臣。莫不陸讐。水慄。奔走而來賓。遂綏哀牢。開永昌。春王三朝會。同漢京。是三九五。
日也。天子受四海之圖籍。膺萬國之貢珍。內撫諸夏。外綏百蠻。爾乃盛禮三九六。
興樂。供帳置乎雲龍之庭。陳百寮而贊羣后。究皇儀而展帝容。於是庭實三九七。
千品。旨酒萬鍾。列金罍。班玉觴。嘉珍御。太牢饗。爾乃食舉雍徹。太師奏樂。三九八。
陳金石。布絲竹。鐘鼓鏗。鈞管弦。曄煜抗五聲。極六律。歌九功。舞八佾。詔武三九九。
備。太古畢。四夷聞。奏德廣所及。傑侏兜離。罔不具集。萬樂備。百禮暨。皇歡四〇〇。
浹。羣臣醉。降烟燼。調元氣。然後撞鐘告罷。百寮遂退。於是聖上觀萬方之四〇一。
歡娛。又沐浴於膏澤。懼其侈心之將萌。而怠於東作也。乃申舊章。下明詔。四〇二。
令有司。班憲度。昭節儉。示太素。去後宮之麗飾。損乘輿之服御。抑工商之四〇三。
淫業。興農桑之盛務。遂令海內棄末而反本。背僞而歸真。女修織紵。男務四〇四。
耕耘。器用陶匏。服尚素玄。恥纖靡而不服。賤奇麗而弗珍。捐金於山。沈珠四〇五。
於淵。於是百姓滌瑕盪穢。而鏡至清。形神寂寞。耳目不營。嗜欲之源滅。廉四〇六。
恥之心生。莫不優游而自得。玉潤而金聲。是以四海之內。學校如林。庠序四〇七。
盈門。獻酬交錯。俎豆莘莘。下舞上歌。蹈德詠仁。登降飫宴之禮。既畢。因相四〇八。

與嗟歎玄德四二九。讜言弘說四三〇。咸含和而吐氣。頌曰盛哉乎斯世。今論者但知誦虞夏之書。詠殷周之詩。講羲文之易四三一。論孔氏之春秋。罕能精古今之清濁。究漢德之所由。唯子頗識舊典。又徒馳騁乎末流。溫故知新已難。而知德者鮮矣。且夫僻界西戎。險阻四塞四三二。修其防禦。孰與處乎土中。平夷洞達。萬方輻湊。秦嶺九巖。涇渭之川。曷若四瀆四三三。五嶽。帶河沂洛。圖書之淵。建章甘泉。館御列僊。孰與靈臺明堂。統和天人。太液昆明。鳥獸之囿。曷若辟雍海流。道德之富。游俠踰侈。犯義侵禮。孰與同履法度。翼翼濟濟也。子徒習秦阿房之造天。而不知京洛之有制也。識函谷之可關。而不知王者之無外也。主人之辭未終。西都賓饗四三九。然失容。逡巡降階。慄然意下。捧手欲辭。主人曰。復位。今將授子以五篇之詩。賓既卒業。乃稱曰。美哉乎斯詩。義正乎揚雄。事實乎相如。匪惟主人之好學。蓋乃遭遇乎斯時也。小子狂簡。不知所裁。既聞正道。請終身而誦之。其詩曰。

明堂詩

於昭明堂四四一。明堂孔陽四四二。聖皇皇宗四四三。祀穆穆煌煌四四四。上帝宴饗四四五。五位時序四四六。誰其配之。
世祖光武四四七。普天率土四四八。各以其職四四九。猗與緝熙四五〇。允懷多福四五一。

辟雍詩

乃流辟雍四五二。辟雍湯湯四五三。聖皇莅止四五四。造舟為梁四五五。皤皤國老五五六。乃父乃兄五五七。抑抑威儀。

孝友光明。於赫太上。示我漢行。洪化惟神。永觀厥成。

靈臺詩

乃經靈臺。靈臺既崇。帝勤時登。爰考休徵。二光宣精。五行布序。習習祥風。

祁祁甘雨。百穀蓁蓁。庶草蕃庶。屢惟豐年。於皇樂胥。

寶鼎詩

嶽修貢兮川效珍。吐金景兮歆浮雲。寶鼎見兮色紛縕。煥其炳兮被龍文。

登祖廟兮享聖神。昭靈德兮彌億年。

白雉詩

啓靈篇兮披瑞圖。獲白雉兮效素烏。嘉祥阜兮集皇都。發皓羽兮奮翹英。

容潔朗兮於淳精。彰皇德兮侔周成。永延長兮膺天慶。

【註音】(陶)音搖(睽)同眷(研)音牽(闕)同填(紘)音弗(鄂)音戶(巉)音宗(場)音亦(棊)音芬古通
紛(禁)音汾(爛)音豔(城)音戚(虞)音巨(炤)同照(莖)音齒(裏)音邑(釘)音工(璿)音珉(郟)音丙(惇)
之純切通諄(賁)音奔(贄)音綴(搵)同混(礁)音焦(駁)蘇合切(杗)音意(僊)匹妙切(襍)音寗(湯)音商
(嶺)自秋切(璫)音嚮(顛)音皓(罌)音浮(拗)音郁(攸)音次(跌)音決(倚)音几(颯)同颯(織)音灼(兕)
音祀(師)同獅(螭)音癡(包)音庖同炮(鳩)音交(鵠)音括(輓)音棧(警)音轟(揄)讀頭(置)音同(厭)
同壓(信)同申(驥)音鐵(琴)丑林切(敷)鋪溫切(飲)呼合切(滌)音薛(脣)音唇(讐)音摺(錫)音轟(休)
音賣(造)音慥(於)音烏(皤)音婆(庶)讀無(歆)音憲

【釋義】自光武至和帝都洛陽。西京父老有怨。班固恐帝去洛陽。故上此詞以諫。和帝大悅。○〔毛詩序〕曰。詩有六義焉。二曰賦。故賦為古詩之流也。○成康周武王太子誦立是為成王。成王太子釗立。是為康王。○頌者。以其成功告於神明者也。○息也。○宦者署門。傍有銅馬。○藏書閣。○漢書曰。武帝定郊祀之禮。乃立樂府。以

李延年為協律都尉。言能發起遺文。以光讚大業也。武帝幸雍。獲白麟作歌。武帝幸東海。獲赤雁作赤雁之歌。漢書武紀曰。甘泉宮內產芝九莖。蓮葉作芝房歌。得寶鼎后土祠旁而作。宣帝時神雀集長樂宮。故改年也。宣帝時鳳皇五至。因以改元。時有甘露降。故以名元年。黃龍見新豐。因以改元也。均見前。字子貢。為侍中中書。字曼倩。為大中大夫給事中。字少孺。為郎。字子淵。為諫大夫。千乘人。為掌故。遷侍御史。仲尼之後。少以才博知名。辭御史大夫。乞為太常。字路叔。少修黃老術。為宗正。字長倩。以射策甲科為郎。遷太子太傅。言天下之事。形四方之風。謂之雅。名驚。元帝子。著明也。三代夏殷周。猶言盛衰。尚書。皋陶歌曰。元首明哉。股肱良哉。庶事康哉。奚斯魯公子也。詩魯頌。新廟奕奕。奚斯所作。京師者。天子之居也。京者何。大也。師者何。衆也。天子之居。必以衆大之辭言也。城池無水曰隍。山名。在河南洛寧縣北。谷名。在陝西終南山。山名。在陝西隴縣西北。草木也。說文。隩。四方之士可定居者也。周秦漢並都之。漢書。漢元年十月。五星聚於東井。沛公至灞上。河圖所云。言漢當代秦。都關中。河圖命紀也。春秋漢舍茲子曰。劉季握卯金刀。在軫北。字季。天下服。卯在東方。陽所立。仁且明。金在西方。陰所立。義成功。因成功在西。故都長安。漢書曰。高祖西都洛陽。成卒。婁敬求見。說上曰。陛下都洛。不便。不如入關。據秦之固。上問張良。良因勸上。是日車駕西都長安。拜婁敬為奉春君。賜姓劉氏。又曰。封張良為留侯也。演引也。天。謂五星也。人謂婁敬也。皇。謂高祖也。望也。東起商維。西盡紆隴。東西八百里。視也。在陝西三原縣北。見上林賦。在陝西長安縣。山長六十餘里。言堅固也。方丈為堵。三堵為雉。大空貌。周禮。匠人營國。方九里。旁三門。每門為大路。天子十二門。通十二子也。閭。里門也。閭。里中門也。漢宮闕疏。長安立九市。其六市在道西。三市在道東。列肆道也。市物邸舍。市中陳物處也。平原君趙勝。孟嘗君田文。春申君黃歇。信陵君魏無忌。騁。直馳也。驚。亂馳也。謂周流也。杜陵。宣帝所葬。霸陵。文帝所葬。均在長安城南。高帝葬長陵。惠帝葬安陵。景帝葬陽陵。武帝葬茂陵。昭帝葬平陵。俱在渭北。紱。緩也。冕。大夫以上冠也。車千秋。黃霸。王商。韋賢。平當。魏相。王嘉。田蚡為太尉。張安世為大司馬。朱博為司空。平晏為司徒。韋賢為大司馬。洛陽。邯鄲。臨淄。宛。成都。謂選三等之人。前漢書。徙吏二千石。高貴富人。及豪傑兼并之家於諸陵。謂遷於七陵也。猶超絕也。穹。谷。深谷也。漢書。東方朔曰。漢興。去三河之地。止灞滻之西。都涇渭之南。此天下陸海之地也。陝西藍田縣。出美玉。漢書。弘農郡有商縣。上洛縣。在今陝西商縣東。漢鄠縣。今陝西鄠縣。杜陵縣。今陝西麟遊縣。謂與巴蜀相似也。前漢書。巴蜀土肥美。有山林竹樹蔬食果實之饒。今南山亦有之。見上林賦。漢宮闕疏。甘泉林光宮。秦世造。漢書曰。王子淵為甘泉頌。秦於甘泉置林光宮。漢起甘泉宮。作延壽館。通天臺。王子淵。

功善者。其樂和。(二六)〔漢書〕蕭何薨。曹參代之。百姓歌之曰。蕭何為法。較若畫一。曹參代之。守而勿失。(二六)黎庶庶民也。(二六)閣名。在太殿北。為藏書之所。(二七)勉也。(二六)承明廬。在石渠門外。(二六)星也。(二七)督行夜鼓也。(二七)奉常也。掌禮儀。屬官有五經博士。(二七)典廉舉孝也。(二七)宿衛之臣。(二七)衣官。(二七)執戟於陛。(二七)宿衛之廬。周於宮也。(二七)小道。(二七)交錯也。(二七)輦道也。(二八)樓階也。(二八)在北。武帝造。(二八)終也。(二八)殿名。(二八)在東。高祖修長樂宮。(二八)閣道也。(二八)城也。(二八)在城西。武帝太初元年造。(二八)〔漢書〕建章宮其東則鳳闕。高二十餘丈。其南有壁門之屬。(二九)殿堂上最高轉角處。(二九)〔三輔故事〕建章宮闕上有銅鳳凰。然金爵即銅鳳也。(二九)闕名。在建章宮東。(二九)高貌。(二九)特立貌。(二九)〔漢書〕建章宮庭千門萬戶。(二九)均建章宮中殿名。(二九)通也。(二九)飛檐上反也。(二九)覆也。(二九)此句言宮殿之不外傲於日。日景下照。反納其光。(三〇)武帝立神明臺。在建章宮。(三〇)高貌也。(三〇)升也。(三〇)過也。(三〇)二分之一也。(三〇)梁也。(三〇)輕疾也。(三〇)驚貌。(三〇)樓名。在建章宮。(三〇)留止也。(三〇)恐也。(三〇)飛閣複道也。(三〇)猶回曲也。(三〇)深也。(三〇)推也。(三〇)並池名。(三〇)海波流動之狀。(三〇)水激山聲也。(三〇)太液池中有瀛洲。方壺。蓬萊等山。象海中仙山。(三〇)山長高貌。(三〇)〔三輔故事〕建章宮承露盤高二十丈。大七圍。以銅為之。上有仙人掌承露。和玉屑飲之。(三〇)銅柱。擎承露盤。(三〇)塵也。(三〇)潔也。(三〇)白貌。(三〇)齊人李少翁。以方術見上。拜為文成將軍。(三〇)大也。(三〇)膠東人樂大。言神仙之術。武帝拜為五利將軍。(三〇)法也。(三〇)松。赤松子。神農時雨師。服水玉以教神農。喬王子喬。周靈王太子晉也。(三〇)大陳武事。(三〇)〔書禹貢〕華陽黑水惟梁州。巴漢俗習逐獸。(三〇)滿也。(三〇)漢置水衡都尉。掌上林苑。(三〇)周代官名。掌上林苑。主田獵。(三〇)立表於所獵處。(三〇)〔續漢書〕將軍領軍皆有部。大將軍營五部。部校尉一人。部下有曲。曲有軍候一人。(三〇)獸罟曰罟。(三〇)罟之網也。(三〇)天子有大駕。法駕。(三〇)館名。武帝所作。在長安。(三〇)觀名。在上林苑。(三〇)奔走之貌。(三〇)猶抑也。(三〇)漢置期門郎。掌游獵。(三〇)官名。漢置。掌弋射。(三〇)聚也。(三〇)金鏃翦羽。謂之鏃。(三〇)奔也。(三〇)弩牙也。(三〇)徧引也。(三〇)引也。(三〇)衆多之貌。(三〇)以繩繫矢而射。(三〇)懼也。(三〇)潛深也。穢。蕪也。(三〇)似牛。(三〇)未詳。(三〇)頸也。(三〇)牽一足也。(三〇)羆似熊而黃色。(三〇)盡殺也。(三〇)在長楊宮。(三〇)上林有長楊宮。(三〇)四方遠地。(三〇)裹物燒也。(三〇)飲酒盡也。(三〇)天子之車。(三〇)觀名。在上林苑。(三〇)〔漢書〕武帝元狩二年。發謫吏穿昆明池。(三〇)〔漢宮闕疏〕昆明池有二石人。牽牛織女象。(三〇)天河。(三〇)茂美之貌。(三〇)舒也。(三〇)鳩鵲也。俗稱交雞。大如鳧。長喙高脚。(三〇)一名鸚雀。似鷦而頂不丹。全身灰白。(三〇)俗稱灰鷦。(三〇)似雁無後趾。(三〇)水鳥也。似鷺而大。其色蒼白。(三〇)鷗也。(三〇)臥車也。(三〇)舉也。(三〇)刺繡如斧。牛。黑半白。(三〇)隨風之貌。(三〇)楫也。(三〇)謳。齊歌也。漢武帝秋風辭曰。簫鼓鳴兮發擢歌。(三〇)揚也。(三〇)大聲也。

(三九) 附也。(三九〇) 似山雞而色白。(三九一) 引也。(三九二) 竿以翠羽爲文飾也。(三九三) (爾雅) 東方有比目魚。不比不行。其名謂之鱓。(三九四) 捕鳥之網也。(三九五) 並兩舟也。(三九六) 迫也。(三九七) 黃河。華山。(三九八) 岐山。在陝西岐山縣西北。雍山。在鳳翔縣西北。(三九九) 盡也。(四〇〇) 犧牲玉帛之物。(四〇一) 堯微服遊於康衢。聞兒童謠曰。立我蒸民。莫非爾極。不識不知。順帝之則。見(列子)。(四〇二) (漢書) 宣帝好儒術。王褒張子僑等並待詔。所幸輒爲歌頌。第其高下。以差賜帛。(四〇三) 舊有之德也。(四〇四) 先代所遺之田。(四〇五) 漢書曰。人有剛柔緩急音聲不同。繫水土之風氣。故謂之風。好惡取舍。動靜嗜欲。故謂之俗。(四〇六) 漢書曰。蕭何修未央宮。上見其壯麗。甚怒。何曰。天下方未定。故可因。遂就宮室。且夫天子以四海爲家。非壯麗無以重威。且毋令後代有以加也。上說之。(四〇七) 吾子。相親辭焉。吾我也。子。男子美稱也。(四〇八) 光武年號。(四〇九) 明帝年號。(四一〇) 無爲之化也。(四一一) 字巨君。王皇后之弟子也。弒平帝。篡漢。建國號曰新。(四一二) 郭也。(四一三) 秦將白起。長平之戰。四十萬人死。原野厭人之肉。川谷流人之血。(四一四) 下視也。(四一五) 天地符瑞。(四一六) 圖緯之文。(四一七) 今河南葉縣。光武大敗王尋王邑於此。(四一八) 威怒。(四一九) 恆山也。(四二〇) 今河北高邑縣。(四二一) 猶云草昧。(四二二) (易) 元者。善也。(四二三) 左傳杜注。凡人君即位。欲體元以居正。(四二四) (穀梁傳) 繼天者。君也。(四二五) 系。繼也。漢系出自唐帝。(四二六) 業也。(四二七) 猶雜糅也。(四二八) 猶治亂也。(四二九) 盤庚也。時殷已都河北。盤庚渡河南。復居成湯之故都。行湯之政。然後復興。(四三〇) 洛邑。地勢之中。(四三一) 孝文皇帝。高帝中子也。(四三二) 封泰山。勒石。紀成功。(四三三) 武帝。(四三四) 光也。(四三五) 狹也。(四三六) 明堂。辟雍。靈臺也。永平二年正月。宗祀光武皇帝於明堂。禮畢。登靈臺。二月上臨辟雍。行大射禮。(四三六) (周禮) 王之吉服。享先王。服袞冕。(鄭玄注) 袞。卷龍衣也。(四三七) 文葆。(四三八) 大也。(四三九) 美也。(四四〇) (續漢書) 明帝爲光武起廟。號世祖廟。(四四一) 巡者。循也。狩。牧也。天子巡行狩牧也。(四四二) 威也。(四四三) 形容宮闕顯威貌。(四四四) 言奢儉合理。故奢者不可而踰。儉者不能更侈也。(四四五) 天子之田也。(四四六) 文王之囿。(四四七) (左隱) 滅僖伯曰。春蒐。夏苗。秋獮。冬狩。(四四八) 禮王制曰。天子諸侯無事。則歲三田。田不以禮。曰暴天物。(四四九) 風。國風。騶虞。騶虞是也。雅。小雅。車攻。吉日。是也。(四五〇) 白質黑文。不食生物。詩有騶虞章。蓋美國君蒐田以時。仁如騶虞也。(五五一) 職。馬赤黑色者。矣。襄公也。始命。有田狩之事。(五五二) 宣王復會諸侯於東都。因田獵而選車徒。(五五三) 美宣王也。能慎微。接下。無不自盡。以奉其上也。(五五四) 鏗。擊之也。鐘有篆刻之文。故曰華也。(五五五) 馬高八尺以上曰龍。(五五六) 覆貌。(五五七) 鈴也。和在軾。鑾在衡。(五五八) 百官小吏曰天官。(五五九) 寢威。寢其威武也。寢。威也。(五六〇) 山神。(五六一) 屬車之御也。(五六二) 四方之神也。(五六三) 夏曰鉤車。殷曰寅車。周曰元戎。詩元戎十乘。以先啓行。(五六四) 小矛也。(五六五) 掃也。(五六六) 火華也。(五六七) 火光。(五六八) 燬也。(五六九) 吹氣也。(五七〇) 勒兵而守也。(五七一) 周易曰。王用三驅。失前禽也。(五七二) 楚人。左傳曰。養由基蹲甲而射之。徹七札焉。(五七三) (括地圖) 夏德盛。二龍降。禹使范氏御之。以行經南方。(五七四) 視也。(五七五) 橫而射之。(五七六) 樂也。(五七七) 猶屈也。(五七

八歌也。(三九)駐節徐行。(三八)牛、羊、豕。(三二)呈也。(三三)麋、鹿、麇、狼、兔。(三三)王者朝諸侯之處。(三四)天子之學。(三五)光明也。(三六)「鄭玄毛詩箋」天子有靈臺。所以觀稷象。察氣之妖祥。(三七)佳兆。(三八)周易曰：庖犧氏仰則觀象於天。俯則觀法於地。近取諸身。遠取諸物。(三九)刑以威四夷。(三九)條也。(三九)黃河之源。(三九)猶動也。(三九)涯也。(三九)「尚書」宅朔方。曰幽都。(三五)南方也。(三六)失氣也。(三七)國名。今雲南保山永平二縣地。明帝割益州郡西部都尉所領六縣。合為永昌郡。(三六)春王。漢書。春秋之文。正次王。王次春。春者天之所為也。正者王之所為也。(三九)歲之朝。月之朝。日之朝。(四〇)「周禮」時見日會。殷類曰同。殷衆也。類。聘也。言諸侯使其衆大夫來聘也。(四二)受也。(四三)供設帷帳。(四三)「洛陽宮舍記」有雲龍門。(四四)引也。(四五)貢獻之物。(四六)古盛酒器。容一石。木質飾金。(四七)八珍也。(四八)牛曰太牢。(四九)當食舉樂。(四〇)雍。詩篇名。徹。收也。食訖歌雍以徹。(四二)太師。下大夫。掌六律六呂。以合陰陽之聲。(四三)聲相雜也。(四三)聲之盛也。(四四)宮、商、角、徵、羽。(四五)黃鐘。太簇。姑洗。蕤賓。夷則。無射。(四六)「虞書」九功。謂金、木、水、火、土、穀。正德。利用。厚生。(四七)「穀梁傳」天子八佾。佾。列也。八人為列。(四八)舜樂。(四九)武王樂。(四二)間迭也。「周禮鄭玄注」四夷之樂。東方曰鞀。南方曰任。西方曰柷。離。北方曰禁。侏。同。鞀。兜作株。(四二)春秋明歷序曰。元氣正則天地八卦孳也。(四三)耕作也。(四三)本指農。末指賈。(四四)瓠也。(四五)孔子曰。君子比德於玉焉。溫潤而澤。仁也。(四六)衆也。(四七)不脫屣升堂。謂之飫。飫。私也。(四八)飲酒之禮。下既而上坐者謂之宴。(四九)幽潛之德。(五〇)美言也。(五一)伏羲畫八卦。文王作卦辭。(五二)四面有山關之固。蘇秦說孟嘗君曰。秦四塞之國也。(五三)江淮河濟。(五四)「易繫辭」河出圖。洛出書。聖人則之。(五五)「白虎通」天子立辟雍者何。所以宣德化也。(五六)恭也。(五七)多威儀也。(五八)公羊傳曰。天王出居於鄭。王者無外。此其言出何。不能於母弟也。(五九)驚視貌也。(四〇)狂者進取。簡者有所不為。(四二)「詩周頌」於昭于天。於歎美之辭。(四三)孔。甚也。陽明也。(四三)祭光武於明堂。(四四)敬也。(四五)美也。(四六)五位。五帝。蒼帝。威靈仰。赤帝。赤熛怒。黃帝。含樞紐。白帝。白招矩。黑帝。叶光紀。各依方而祭。(四七)「毛詩」曾天之下。莫非王土。率土之濱。莫非王臣。(四八)「孝經」四海之內。各以其職來助祭。(四九)美也。(五〇)信也。(五一)來也。(五二)湯湯流貌。(五三)謂連舟為浮梁。(五四)老人貌。(五五)「禮王制」養國老於上庠。(五六)選二公中老者為二老。天子父事之。選卿大夫中老者為五更。天子兄事之。(五七)美也。(五八)善事父母為孝。善事兄弟為友。(五九)歎辭。(六〇)天子也。(六一)毛詩曰。經始靈臺。經之營之。(六二)三光。日月星也。(六三)五行。水火木金土也。(六四)和也。(六五)徐也。(六六)威貌也。(六七)豐也。(六八)「詩周頌」於皇時周。又「小雅」君子樂胥。(六九)永平六年。王維山得寶鼎。(七〇)光也。(七一)氣出貌。(七二)河洛之書。(七三)「後漢書」永平十年。白雉所在出焉。(七四)「東觀漢記」章帝詔曰。乃者白鳥神雀。屢降京師。(七五)尾也。(七六)「春秋元命包」鳥者陽之精。(七七)「韓詩外傳」成王之時。越裳氏獻白雉於周公。(七八)

天慶。河圖曰。謀道吉。謀德吉。能行此大吉。受天之慶也。

〔諸家集評〕大姚曰。凡所舉典於建國之規。皆得其要。贍而不穢。詳而有體。卽班氏之史材也。張皋文曰。此賦大意在勸節儉。戒淫侈。後篇懼侈心之將萌。是其主句。

傅武仲舞賦

楚襄王既游雲夢^二。使宋玉賦高唐之事。將置酒宴飲。謂宋玉曰。寡人欲觴
羣臣。何以娛之。玉曰。臣聞歌以詠言^三。舞以盡意。是以論其詩不如聽其聲。
聽其聲不如察其形。激楚結風^四。陽阿之舞^五。材人之窮觀。天下之至妙。噫。可
以進乎。王曰。其如鄭何。玉曰。小大殊用。鄭雅異宜。弛張之度。聖哲所施。是
以樂記于戚之容。雅美蹲蹲之舞^九。禮設三爵之制。頌有醉歸之歌^{二一}。夫咸池^{二二}
六英^{二三}。所以陳清廟。協神人也。鄭衛之樂。所以娛密坐。接歡欣也。餘日怡蕩^{二六}。
非以風民也。其何害哉。王曰。試爲寡人賦之。玉曰。唯唯。夫何皎皎之閒夜^{二七}。
兮。明月爛以施光。朱火曄其延起兮。耀華屋而煝洞房。黼帳祛而結組兮。
鋪首炳以焜煌。陳茵席而設坐兮。盜金罍而列玉觴。騰觚爵之斟酌兮。漫
既醉其樂康。嚴顏和而怡懌兮。幽情形而外揚。文人不能懷其藻兮。武毅
不能隱其剛。簡惰跳踔般紛拏兮。淵塞沈蕩。改恆常兮。於是鄭女出進^{三二}。二
入徐侍。姣服極麗。姁媮致態。貌燎妙以妖蠱兮。紅顏曄其揚華眉。連娟以
增繞兮。目流睇而橫波。珠翠的皪而炤耀兮。華袿飛鬢而雜纖羅。顧形影。

自整裝。順微風。揮若芳。動朱脣。紆清揚。亢音高歌。為樂之方。歌曰。攄予意

以弘觀。今繹精靈之所束。弛緊急之弦。張今慢未事之飀。曲舒恢良之廣

度。今闊細體之苛。縛嘉關雎之不淫。今哀蟋蟀之局促。啓泰貞之否。隔今

超遺物而度俗。揚激徵騁清角。贊舞操奏均曲。形態和神意協。從容得志

不劫。於是躡節鼓陳。舒意自廣。游心無垠。遠思長想。其始興也。若俯若仰。

若來若往。雍容惆悵。不可為象。其少進也。若翔若行。若竦若傾。兀動赴度

指顧應聲。羅衣從風。長袞交橫。駱驛飛散。颯擗合弁。鷗鷺燕居。拉搭鵠驚。

綽約閒靡。機迅體輕。姿絕倫之妙態。懷慤素之潔清。修儀操以顯志。今獨

馳思乎杳冥。在山峨峨。在水湯湯。與志遷化。容不虛生。明詩表指。噴息激

昂氣若浮雲。志若秋霜。觀者增歎。諸工莫當。於是合場遞進。案次而俟。埒

材角妙。夸容乃理。軼態橫出。瑰姿譎起。眇般鼓則騰清眸。吐哇咬則發皓

齒。摘齊行列。經營切儼。髣髴神動。迴翔竦峙。擊不致策。踏不頓趾。翼爾悠

往。闔復輟已。及至回身。還入迫於急節。浮騰累跪。跼躅摩跌。紆形赴遠。灌

似摧折。纖縠蛾飛。紛森若絕。超趨鳥集。縱弛殞歿。倭蛇妘嫻。雲轉飄忽。體

如游龍。袞如素蜺。黎收而拜。曲度究畢。遷延微笑。退復次列。觀者稱麗。莫

不怡悅。於是歡洽宴夜。命遣諸客。擾攘就駕。僕夫正策。車騎並狎。龍從逼

迫。良駿逸足。踰捍凌越。龍驤橫舉。揚鑣飛沫。馬材不同。各相傾奪。或有踰

埃赴轍。霆駭電滅。蹠地遠羣。閭跳獨絕。或有宛足鬱怒。般桓不發。後往先至。遂爲逐未。或有矜容愛儀。洋洋習習。遲速承意。控御緩急。車音若雷。驟相及。駱漠而歸。雲散城邑。天王燕胥。樂而不泆。娛神遺老。永年之術。優哉游哉。聊以永日。

【註音】(混)音混(憚)夷益切(踰)音宵(媧)音吁(燎)音料(鬻)所交切(飢)同委(良)通台(縛)音辱(徵)音止(攜)音臘(措)徒合切(姿)同資(埒)音劣(姦)音標(蛇)音移(習)同忽(從)音竦(般)同盤(泆)音逸

【釋義】①傅毅字武仲。扶風茂陵人也。少博學。建初中。肅中博召文學之士。以毅爲蘭臺令史。少逸氣。早卒。②見卷六十三。③歌詠其義。以長其言也。④見上林賦。⑤古之名倡也。⑥鄭衛之音。亡國之音也。恐其同於鄭聲。當如之何。⑦〔禮雜記〕孔子曰。一張一弛。文武之道也。弛。放也。⑧干。楯也。戚。斧也。武舞所執也。⑨舞貌。〔詩小雅〕踴躍舞我。⑩〔禮王制〕君子之飲酒也。飲三爵而油油以退。⑪〔詩魯頌〕鼓咽咽。醉言歸。于胥樂兮。⑫黃帝樂。⑬帝嚳樂。⑭清廟祀文王也。⑮尚書曰。八音克諧。神人以和。⑯餘日。聽覺之餘日也。⑰怡蕩。怡悅放蕩也。⑱教也。⑲〔古詩〕朱火然其中。青煙颺其間。⑳光也。㉑明也。㉒舉也。㉓著門上。用以銜環。銅爲之。象龜蛇形。㉔蓐也。㉕送也。本作騰。今騰皆作騰。㉖〔禮注〕凡觴一升曰爵。二升曰觚。㉗憚。樂也。㉘跳也。㉙牽引也。㉚〔詩國風〕其心塞淵。〔毛傳〕塞。實也。淵。深也。㉛言其失度也。㉜鄭衰。楚王之幸姬。善歌舞。㉝見招魂。㉞和悅貌。㉟好貌。㊱妖蠱。妖豔也。㊲揚華。揚其光華也。㊳細貌。㊴曲也。㊵目邪視。如水之橫波。㊶珠光。㊷婦人上服。㊸燕尾也。衣上飾。㊹動也。㊺若。杜若。美人佩以爲芳香也。㊻眉目之閒。㊼散也。㊽言精靈有者拘束。今將以舒繹之也。㊾鄭衛之末事。委曲以順君之好。無益故廢而慢之。㊿廣大之貌。①煩。數之貌。①詩篇名。〔詩序〕關雎。樂得淑女。以配君子。憂在進賢。不淫其色。②詩篇名。〔詩序〕蟋蟀。刺晉僖公也。儉不中禮。③古詩曰。蟋蟀傷局促。小見之貌。④太極真氣也。⑤不通也。⑥皆雅曲名。琴操曰。伯牙鼓琴作激徵之音。⑦舞而奏操。⑧均。古樂器。長八尺。繫之以絲。所以節樂者。⑨齊也。⑩言舞人躡鼓爲節。鼓陳故志意舒廣。⑪莊子曰。乘物以遊心。垠崖也。⑫兀然而動。赴其節度。⑬屈折貌。⑭輕貌。⑮飛貌。⑯美貌。⑰閒雅細好也。⑱機。迅體輕。言舞之回折。如弩機之發。⑲懸。真也。素。質也。⑳儀容志操。㉑杳冥。謂遠而出冥也。㉒〔列子〕伯牙鼓琴。志在登高山。鍾子期曰。善哉。峨峨乎若泰山。志在流水。鍾子期曰。善哉。湯湯

乎若江河。①言必有所象也。②歌中有詩。舞人表而明之。③太息也。④激厲抗揚之意。⑤樂師也。⑥等也。⑦美也。⑧謂裝飾也。⑨美也。⑩異也。⑪邪視。⑫似舞人更遞蹈之。而為舞節也。⑬淫聲。⑭指擗行列。使之齊整。⑮往來之貌。⑯切引也。儼比也。言舞人舉引。皆有所比儼。⑰彷彿。見不審也。⑱策。舞時所執。此言相擊而不相觸。⑲頓。猶停也。蹈鼓而足不停趾。言輕且疾也。⑳日晏稍作休息。㉑已輟止。復回身入舞場。㉒謂逼迫於曲之急節也。㉓跳躍也。㉔進跪貌。㉕或反足附以象蹈。或以足摩地而佯跌。㉖紆曲其形而作踴勢。㉗摧折貌。言腰曲折之狀。㉘飛揚貌。㉙言舞姿超逾。如鳥疾速飛集也。㉚舒緩貌。㉛邪行去也。㉜長好貌。㉝如風之疾也。㉞言舞將罷。徐歛容態而拜。㉟言懽情已洽。而晏迫於夜。故命遣諸客也。㊱僕夫。執駕者。㊲策。轡也。㊳謂多而相排也。㊴聚貌。㊵馬疾走貌。㊶馬舉首而橫走。㊷馬勒旁鐵。㊸馳競也。㊹踏也。㊺行疾貌。㊻曲也。㊼不進貌。㊽言途為馳逐者之末也。㊾莊敬貌。㊿和調貌。㊽長門賦曰。雷隱隱而響起。聲象君之車音。㊾駱驛紛漠。奔馳之貌。㊿中夜車皆歸。城邑之中。寂然而空。有同雲散也。㊽詩大雅。侯氏燕胥。胥。皆也。皆來相與燕也。㊾淫也。

〔諸家集評〕張臬文曰。序既分別雅鄭。賦復先擬醉狀。明此為淫樂。所以示戒。詩人賓筵之意也。

卷六十九 辭賦類九

張平子二京賦

西京賦

有憑虛公子者。心參體伏。雅好博古。學乎舊史。是以多識前代之載。言於安處。先生曰。夫人在陽時則舒。在陰時則慘。此牽乎天者也。處沃土則逸。處瘠土則勞。此繫乎地者也。慘則慙於歡。勞則褊於惠。能違之者寡矣。小必有之。大亦宜然。故帝者因天地以致化。兆民承上教以成俗。化俗之本。有與推移。何以覈諸秦。據雍而彊。周即豫而弱。高祖都西而泰。光武處東而約。政之興衰。恒由此作。先生獨不見西京之事。歎請為吾子陳之。漢氏初都。在渭之涘。秦里其朔。實為咸陽。左有崑崙重險。桃林之塞。綴以二華。巨靈轟颺。高掌遠蹠。以流河曲。厥跡猶存。古有隴坻之隘。隔闕華戎。岐梁并雍。陳寶鳴雞。在焉於前。則終南太一。隆岫崔嵬。隱麟鬱律。連岡乎蟠冢。抱杜含鄠。飲灃吐鎬。爰有藍田珍玉。是之自出。於後則高陵平原。據渭踞涇。擅漫靡迤。作鎮於近。其遠則有九變甘泉。涸陰沍寒。日北至而含凍。此焉清暑。爾乃廣衍沃野。厥田上上。實為地之奧區。神皋昔者大帝悅。秦繆公而觀之。饗以鈞天廣樂。帝有醉焉。乃為金策錫用。此土而翦諸鶉首。

是時也。並為疆國者有六。然而四海同宅。西秦豈不詭哉。自我高祖之始

入也。五緯相汁。以旅於東井。婁敬委輅。幹非其議。天啓其心。人基之謀。及

帝圖時。意亦有慮乎神祇。宜其可定。以為天邑。豈伊不虔。思於天衢。豈伊

不懷。歸於粉榆。天命不滔。疇敢以渝。於是量徑輪考。廣袤經城。洫營郭郭。

取殊裁於入都。豈稽度於往舊。爾乃覽秦制。跨周法。狹百堵之側陋。增九

筵之迫脅。正紫宮於未央。表峽闕於閭闔。疏龍首以抗殿。狀巍巍以岌業。

互雄虹之長梁。結焚燎以相接。蒂倒茄於藻井。披紅葩之狎獵。飾華棖與

璧璫。流景曜之曄曄。雕楹玉榻。繡栢雲楣。三階重軒。鏤檻文櫬。右平左城。

青瑣丹墀。刊層平堂。設砌匡厓。隙坻嶠鱗。眇棧嶮嶮。嶮嶮襄岸。夷塗修路。峻險

重門。夔固姦宄。是防仰福。帝居陽曜。陰藏洪鐘。萬鈞猛虞。橫負筍業。而

餘怒。乃奮翅而騰驤。朝堂承東。溫調延北。西有玉臺。聯以昆德。嗟峨嵒業。

罔識所則。若夫長年神僊。宣室玉堂。麒麟朱鳥。龍興含章。譬眾星之環極。

叛赫戲以輝煌。正殿路寢。用朝羣辟。大夏耽耽。九戶開闢。嘉木樹庭。芳草

如積。高門有閱。列坐金狄。內有常侍。謁者奉命。當御外有蘭臺。金馬遞宿。

迭居。次有天祿石渠。校文之處。重以虎威。章溝嚴更之署。徼道外周。千廬

內附。衛尉入屯。警夜巡晝。植鐵懸殿。用戒不虞。後宮則昭陽飛翔。增成合

驪。蘭林披香。鳳皇鸞鸞。羣窈窕之華麗。嗟內顧之所觀。故其館室次舍。采

飾織縵。裹以藻繡。文以朱綠。翡翠火齊。絡以美玉。流懸黎之夜光。綴隨珠一三九
 以爲燭。金凡玉階。彤庭輝輝。珊瑚琳碧。瑤珉璘彬。珍物羅生。煥若崑崙。雖
 厥裁之不廣。侈靡踰乎至尊。於是鈎陳之外。閣道穹隆。屬長樂與明光。徑
 北通乎桂宮。命般爾之巧匠。盡變態乎其中。於是後宮不移。樂不徙懸。門
 衛供帳。官以物辨。恣意所幸。下輦成燕。窮年忘歸。猶弗能徧。瑰異日新。殫
 所未見。惟帝王之神麗。懼尊卑之不殊。雖斯宇之既坦。心猶憑而未據。思
 比象於紫微。恨阿房之不可廬。覩往昔之遺館。獲林光於秦餘。處甘泉之
 爽塏。乃隆崇而弘敷。既新作於迎風。增露寒與儲胥。託喬基於山岡。直帶一五七
 霓以高居。通天諺以竦峙。徑百常而莖擢。上辨華以交紛。下刻隋其若削。
 翔鷲仰而弗逮。沉青鳥與黃雀。伏櫺檻而頰聽。聞雷霆之相激。柏梁既災。
 越巫陳方。建章是經。用厭火祥。營宇之制。事兼未央。圓闕竦以造天。若雙
 碣之相望。鳳騫翥於薨標。咸翹風而欲翔。閭闔之內。別風嶢嶢。何工巧之
 瑰璋。交綺豁以疏寮。干雲霧而上達。狀亭亭以岌岌。神明崛其特起。并幹一八二
 疊而百增。踈游極於浮柱。結重欒以相承。累層構而遂躋。望北辰而高興。
 消霧埃於中宸。集重陽之清澂。瞰宛虹之長鬢。察雲師之所憑。上飛闥而
 仰眺。正睹瑤光與玉繩。將乍往而未半。恍悼慄而聳兢。非都盧之輕趨。孰
 能超而究升。馭娑駘盪。燾臯桔桀。枌詣承光。睽罔序豁。增桴重棼。鏗鏘列

列反宇業業飛檐轆轤流景內照引曜日月天梁之宮實開高闈旗不脫

肩結駟方蕪櫟輻輕驚容於一扉長廊廣廡連閣雲蔓閉庭詭異門千戶

萬重閨幽闈轉相踰延望窳窳以徑廷眇不知其所返既乃珍臺蹇產以

極壯登道躡倚以正東似闔風之遐坂橫西洫而絕金墉城尉不弛柝而

內外潛通前開唐中彌望廣濶顧臨太液滄池潏沏漸臺立於中央赫

眎以弘敞清淵洋洋神山峨峨列瀛洲與方丈夾蓬萊而駢羅上林岑以

壘巖下蕪巖以岳巖長風激於別隄起洪濤而揚波浸石菌於重涯濯靈

芝以朱柯海若游於玄渚鯨魚失流而蹉跎於是采少君之端信庶樂大

之貞固立修莖之僊掌承雲表之清露屑瓊蘂以朝餐必性命之可度美

往昔之松喬要羨門乎天路想升龍於鼎湖豈時俗之足慕若歷世而長

存何遽營乎陵墓徒觀其城郭之制則旁開三門參塗夷庭方軌十二街

衢相經塵里端直薨宇齊平北闕甲第當道直啓程巧致功期不陲陟木

衣綈錦士被朱紫武庫禁兵設在蘭錡匪石匪董疇能宅此爾乃廓開九

市通闈帶闈旗亭五重俯察百隧周制大胥今也惟尉瓌貨方至鳥集鱗

萃鬻者兼贏求者不匱爾乃商賈百族裨販夫婦鬻良雜苦蚩眩邊鄙何

必昏於作勞邪羸優而足恃彼肆人之男女麗美奢乎許史若夫翁伯濁

質張里之家擊鐘鼎食連騎相過東京公侯壯何能加都邑游俠張趙之

殘輕銳。標狡。趨捷之徒。赴洞穴。探封狐。陵重巘。獵昆駮。杪木末。獲獬獠。超
殊榛。拂飛颺。是時後宮嬖人。昭儀之倫。常亞於乘輿。慕賈氏之如皋。樂北
風之同車。盤於游畋。其樂只且。於是鳥獸殫。目觀窮。遷延邪睨。集乎長楊
之宮。息行夫。展車馬。收禽舉。齒數課。衆寡置。互擺牲。頒賜獲。鹵割鮮。野饗
犒勤賞。功五軍。六師千列。百重酒車。酌醴方駕。授饗升觴。舉燧既醺。鳴鐘
膳夫馳騎。察貳廉空。炙魚夥。清酤鼓皇恩。溥洪德。施徒御。悅士亡罷。巾車
命駕。迴旆右移。相羊乎五柞之館。旋憇乎昆明之池。登豫章。簡矰紅蒲。且
發。弋高鴻。挂白鵠。聯飛龍。磻不特絳。往必加雙。於是命舟牧。爲水嬉。浮鷁
首翳雲。芝垂翟葆。建羽旗。齊棹女。縱櫂歌。發引和。校鳴葭。奏淮南。度陽阿。
感河馮。懷湘娥。驚蜩蝻。憚蛟蛇。然後釣魴鱧。纏鰓鮪。撫紫貝。搏耆龜。益水
豹。鬪潛牛。澤虞是濫。何有春秋。擿膠膠。搜川瀆。布九罭。設罝麗。操鯤鮪。殄
水族。藁藕拔。蜃蛤剝。逞欲畋。斂效獲。麇麋摎。蓼萍浪。乾池滌。藪上無逸飛。
下無遺走。獲胎拾卵。蚺蝮盡取。取樂今日。遑恤我後。既定且寧。焉知傾阬。
大駕幸乎平樂之館。張甲乙而襲翠被。攢珍寶之玩好。紛瑰麗以參靡。臨
迴望之廣場。程角觝之妙戲。烏獲扛鼎。都盧尋橦。衝狹鷲。濯胸突銛。鋒跳
丸劍之揮霍。走索上而相逢。華嶽峩峩。岡巒參差。神木靈草。朱實離離。總
會僊侶。戲豹舞羆。白虎鼓瑟。蒼龍吹篴。女娥坐而長歌。聲清暢而蛟蛇洪

涯立而指麾。被毛羽之襍。灑度曲未終。雲起雪飛。初若飄飄。後遂霏霏。復

陸重閣。轉石成雷。礚礚激而增響。磅礚象乎天威。巨獸百尋。是為曼延神

山崔巍。欻從背見。熊虎升而拏攫。獫狁超而高援。怪獸陸梁。大雀跋跋。白

象行孕。垂鼻麟困。海鱗變而成龍。狀蜿蜿以蝮蝮。舍利颯颯。化為僊車。驪

駕四鹿。芝蓋九葩。蟾蜍與龜。水人弄蛇。奇幻儻忽。易貌分形。吞刀吐火。雲

霧杳冥。畫地成川。流渭通涇。東海黃公。赤刀粵祝。冀厭白虎。卒不能救。挾

邪作蠱。於是不售。爾乃建戲車。樹修旃。振僮逞材。上下翩翩。突倒投而跟

絙。譬殞絕而復聯。百馬同轡。騁足並馳。撞末之技。態不可彌。彎弓射乎西

羌。又顧發乎鮮卑。於是眾變盡心。醒醉盤樂極。悵懷萃陰。戒期門微行。要

屈降尊就卑。懷璽藏紱。便旋閭閣。周觀郊途。若神龍之變化。彰后皇之為

貴。然後歷掖庭。適驩館。捐衰色。從嬾婉。促中堂之陔。坐羽觴行而無算。祕

舞更奏。妙材騁伎。妖蠱豔夫。夏姬美聲。暢於虞氏。始徐進而羸形。似不任

乎羅綺。嚼清商而卻轉。增嬋娟以蹴豸。紛縱體而迅赴。若驚鶴之羣羆。振

朱屣於盤樽。奮長衷之颯纚。要紹修態。麗服颺菁。昭藐流眄。一顧傾城。展

季桑門。誰能不營。列爵十四。競媚取榮。盛衰無常。惟愛所丁。衛后與於鬢

髮。飛燕寵於體輕。爾乃逞志究欲。窮歡極娛。鑒戒唐詩。他人是媮。自君作

故。何禮之拘。增昭儀於婕妤。賢既公而又侯。許趙氏以無上。思致董於有

虞王閔爭於坐側。漢載安而不渝。高祖創業。繼體承基。暫勞永逸。無爲而治。耽樂是從。何慮何思。多歷年所。二百餘期。徒以地沃野豐。百物殷阜。巖險周固。襟帶易守。得之者彊。據之者久。流長則難竭。抵深則難朽。故奢泰肆情。馨烈彌茂。鄙生生乎三百之外。傳聞於未聞之者。會髣髴其若夢。未一隅之能覩。此何異於殷人屢遷。前八而後五。居相圯耿。不常厥土。盤庚作誥。帥人以苦。方今聖上。同天號於帝皇。掩四海而爲家。富有之業。莫我大也。徒恨不能以靡麗爲國華。獨儉嗇以齷齪忘蟋蟀之謂何。豈欲之而不能。將能之而不欲歟。蒙竊惑焉。願聞所以辯之之說也。

東京賦

安處先生於是以似不能言者。憮然有間。乃莞爾而笑曰。若客所謂末學膚受貴耳而賤目者也。苟有胸而無心。不能節之以禮。宜其陋今而榮古矣。由余以西戎孤臣。而惺繆公於宮室。如之何其以溫故知新。研覈是非。近於此惑也。周姬之末。不能厥政。政用多僻。始於宮鄰。卒於金虎。嬴氏搏翼。擇肉西邑。是時也。七雄並爭。競相高以奢麗。楚築章華於前。趙建叢臺於後。秦政利觜長距。終得擅場。思專其侈。以莫己若。乃構阿房。起甘泉。結雲閣。冠南山。徵稅盡。人力殫。然後收以太半之賦。威以參夷之刑。其遇民也。若薙氏之芟草。旣蘊崇之。又行火焉。慄慄黔首。豈徒踟高天。躋厚地而已。

哉。乃救死於其頸。毆以就役。唯力是視。百姓不能忍。是用息肩於大漢。而

欣戴高祖。高祖膺籙受圖。順天行誅。杖朱旗而建大號。所推必亡。所存必

固。掃項軍於垓下。繼子嬰於軹塗。因秦宮室。據其府庫。作洛之制。我則未

暇。是以西匠營宮。目翫阿房。規摹踰溢。不度不臧。損之又損。然尚過於周

堂。觀者狹而謂之陋。帝已譏其泰而弗康。且高既受命建家。造我區夏矣。

文又躬自菲薄。治致升平之德。武有大啓土宇。紀禪肅然之功。宣重威以

撫和戎狄。呼韓來享。咸用紀宗存主。饗祀不輟。銘勳彝器。歷世彌光。今捨

純懿而論爽德。以春秋所諱而為美談。宜無嫌於往初。故蔽善而揚惡。祇

吾子之不知言也。必以肆奢為賢。則是黃帝合宮。有虞總期。固不如夏癸

之瑤臺。殷辛之瓊室也。湯武誰革。而用師哉。盍亦覽東京之事。以自寤乎。

且夫天子有道。守在海外。守位以仁。不恃隘害。苟民志之不諒。何云巖險

與襟帶。秦負阻於一關。卒開項而受沛。彼偏據而規小。豈如宅中而圖大。

昔先王之經邑也。掩觀九隩。靡地不營。土圭測景。不縮不盈。總風雨之所

交。然後以建王城。審曲面勢。泝洛背河。左伊右瀍。西阻九阿。東門于旋。盟

津達其後。太谷通其前。迴行道乎伊闕。邪徑捷乎輶轅。太室作鎮。揭以熊

耳。底柱輟流。鐔以大岷。溫液湯泉。黑丹石緇。王鮪岫居。能鼈三趾。處妃攸

館。神用挺紀。龍圖授羲。龜書畀姒。召伯相宅。卜惟洛食。周公初基。其繩則

直。衰。弘。魏。舒。是。廓。是。極。經。途。九。軌。城。隅。九。雉。度。堂。以。筵。度。室。以。几。京。邑。翼
翼。四。方。所。視。漢。初。弗。之。宅。故。宗。緒。中。圯。巨。猾。間。竄。竊。弄。神。器。歷。載。三。六。偷
安。天。位。於。時。蒸。民。罔。敢。或。貳。其。取。威。也。重。矣。我。世。祖。忿。之。乃。龍。飛。白。水。鳳
翔。參。墟。授。鉞。四。七。共。工。是。除。櫟。槍。旬。始。羣。凶。靡。餘。區。宇。又。寧。思。和。求。中。睿
哲。玄。覽。都。茲。洛。宮。曰。止。曰。時。昭。明。有。融。既。光。厥。武。仁。洽。道。豐。登。岱。勒。封。與
黃。比。崇。逮。至。顯。宗。六。合。殷。昌。乃。新。崇。德。遂。作。德。陽。啓。南。端。之。特。闈。立。應。門
之。將。將。昭。仁。惠。於。崇。賢。抗。義。聲。於。金。商。飛。雲。龍。於。春。路。屯。神。虎。於。秋。方。建
象。魏。之。兩。觀。旌。六。典。之。舊。章。其。內。則。含。德。章。臺。天。祿。宣。明。溫。飭。迎。春。壽。安
永。寧。飛。閣。神。行。莫。我。能。形。濯。龍。芳。林。九。谷。入。溪。芙。蓉。覆。水。秋。蘭。被。涯。渚。戲
躍。魚。淵。游。龜。蠃。永。安。離。宮。修。竹。冬。青。陰。池。幽。流。玄。泉。冽。清。鷓。鴒。秋。棲。鷓。鴒
春。鳴。睢。鳩。麗。黃。關。關。嚶。嚶。於。南。則。前。殿。雲。臺。龢。驩。安。福。謬。門。曲。榭。邪。阻。城
洫。奇。樹。珍。果。鈎。盾。所。職。西。登。少。華。亭。候。修。勅。九。龍。之。內。實。曰。嘉。德。西。南。其
戶。匪。雕。匪。刻。我。后。好。約。乃。宴。斯。息。於。東。則。洪。池。清。籟。綠。水。澹。澹。內。阜。川。禽
外。豐。蔕。茨。獻。鼈。蜃。與。龜。魚。供。蝸。蠹。與。菱。芡。其。西。則。有。平。樂。都。場。示。遠。之。觀
龍。雀。蟠。蜿。天。馬。半。漢。瑰。異。譎。詭。燦。爛。炳。煥。奢。未。及。侈。儉。而。不。陋。規。遵。王。度
動。中。得。趣。於。是。觀。禮。禮。舉。儀。具。經。始。勿。亟。成。之。不。日。猶。謂。爲。之。者。勞。居。之
者。逸。慕。唐。虞。之。茅。茨。思。夏。后。之。卑。室。乃。營。三。宮。布。教。頒。常。複。廟。重。屋。入。達

九房規天矩地授時順鄉造舟清池。惟水泱泱左制辟雍右立靈臺。因進

距衰表賢簡能馮相觀禋祈禱禳災於是孟春元日羣后旁戾百僚師師

於斯胥泊藩國奉聘要荒來質具惟帝臣獻琛執贄當觀乎殿下者蓋數

萬以一二爾乃九賓重臚人列崇牙張鏞鼓設郎將司階虎戟交鑠龍輅充

庭雲旗拂霓夏正三朝庭燎哲哲撞洪鐘伐靈鼓旁震八鄙軒轅隱訇若

疾霆轉雷而激迅風也。是時稱警蹕已下彫輦於東廂冠通天佩玉璽紆

皇組要干將負斧辰次席紛純左右玉几而南面以聽矣。然後百辟乃入

司儀辨等尊卑以班璧羔皮帛之贄既奠天子乃以三揖之禮禮之。穆穆

焉皇皇焉濟濟焉將將焉信天下之壯觀也。乃羨公侯卿士登自東除訪

萬幾詢朝政勤恤民隱而除其眚人或不得其所若己納之於隍荷天下

之重任匪怠皇以寧靜發京倉散禁財賚皇僚逮輿臺命膳夫以大饗饗

籩泆乎家陪春醴惟醇燔炙芬芬君臣歡康具醉熏熏千品萬官已事而

跋勤屢省懋乾乾清風協於玄德淳化通於自然憲先靈以齊軌必三思

以顧愆招有道於側陋開敢諫之直言聘邱園之耿潔旅束帛之彋彋上

下通情式宴且盤及將祀天郊報地功祈福乎上玄思所以為虔肅肅之

儀盡穆穆之禮殫然後以獻精誠奉禋祀曰允矣天子也。乃整法服正冕

帶珩紘紘紘玉笄綦會火龍黼黻藻綵鞶厲結飛雲之袷輅樹翠羽之高

蓋建辰旒之太常八九二紛焱悠以容裔八九六六玄虬之奕奕八九七齊騰驤而沛艾八九八龍輶華八九九
輶金鏤鏤錫方鉉九〇三左纛鈎膺玉璽九〇四鑿聲噦噦九〇五和鈴鈇鈇九〇六重輪貳轄九〇七疏轂飛九〇八
軫羽蓋葳蕤葩瑤曲莖九〇九順時服而設副九一〇咸龍旂而繁纓九一一立戈迤戛九一二農輿輅九一三
木屬車九九乘九二二軒並轂九二三輦弩重旃九二四朱旄青屋九二五奉引既畢九二六先輅乃發九二七鸞旗皮九二八
軒通帛結旆雲罕九三〇九旂闐戟九三一鞞鞞髣髴九三二被繡虎夫九三三戴鷓駙九三四承華之蒲梢飛九三五
流蘇之騷殺九四二總輕武於後九四三陳奏嚴鼓之嘈囂九四四戎士介而揚揮九四五戴金鉦而建九四六
黃鉞清道案列九四八天行星陳九四九肅肅習習九五〇隱隱鱗鱗九五二殿未出乎城闕九五三旆已迴乎九五四
郊畛九五五盛夏后之致美九五六爰敬恭於明神九五七爾乃孤竹之管九五八雲和之瑟九五九雷鼓九六〇
六變既畢九六一冠華秉翟九六二列舞八佾九六三元祀惟稱九六四羣望咸秩九六五颺標燎之炎煬九六六致高九六七
煙乎太一九六九神歆馨而顧德九七〇祚靈主以元吉九七一然後宗上帝於明堂九七二推光武以九七三
作配九七四辨方位而正則九七五五精帥而來摧九七六尊赤氏之朱光九七七四靈懋而允懷九七八於是九七九
春秋改節九八〇四時迭代九八一蒸蒸之心九八二感物增思九八三躬追養於廟九八四祔奉烝嘗九八五與禴祠九八六
物牲辨省九八七設其楅衡九八八毛包豚胎九八九亦有和羹九九〇滌濯靜嘉九九一禮儀孔明九九二萬舞奕奕九九三
鐘鼓喤喤九九四靈祖皇考九九五來顧來饗九九六神其醉止九九七降福穰穰九九八及至農祥九九九晨正一〇〇〇土膏一〇〇一
脈起乘鑿輅而駕蒼龍一〇〇二介馭間以剡耜一〇〇三躬三推於天田一〇〇四修帝籍之千畝一〇〇五供一〇〇六
禘郊之粢盛一〇〇七必致思乎勤己一〇〇八北民勸於疆場一〇〇九感懋力以耘耔一〇一〇春日載陽一〇一一合一〇一二
射辟雍設業設虞一〇一三宮懸金鑪一〇一四鼗鼓路鼗一〇一五樹羽幢幢一〇一六於是備物一〇一七物有其容一〇一八伯一〇一九

夷起而相儀。后夔坐而為工。張大侯制五正。設三乏。扉司旌。并夾既設。儲

乎廣庭。於是皇輿夙駕。輦於東階。以須消啓明。掃朝霞。登天光於扶桑。天

子乃撫玉輅。時乘六龍。發鯨魚鏗華鐘。大丙弭節。風后陪乘。攝提運衡。徐

至於射宮。禮事展。樂物具。王夏闋。騶虞奏。決拾既次。彫弓斯敷。達餘萌於

暮春。昭誠心以遠喻。進明德而崇業。滌饗饗之貪欲。仁風衍而外流。誼方

激而遐驚。日月會於龍。狷恤民事之勞疚。因休力以息勤。致歡忻於春酒。

執鑿刀以袒割。奉觴豆於國叟。降至尊以訓恭。送迎拜乎三壽。敬慎威儀。

示民不偷。我有嘉賓。其樂愉愉。聲教布濩。盈溢天區。文德既昭。武節是宣。

二三農之隙。曜威中原。歲惟仲冬。大閱西園。虞人掌焉。先期戒事。悉率百禽。

鳩諸靈囿。獸之所同。是謂告備。乃御小戎。撫輕軒中。收四牡。既佶且閑。戈

矛若林。牙旗繽紛。迄於上林。結徒為營。次和樹表。司鐸授鉦。坐作進退。節

以軍聲。三令五申。示戮斬牲。陳師鞠旅。教達禁成。火烈具舉。武士星敷。鵝

鸛魚麗。箕張翼舒。軌塵掩迹。匪疾匪徐。馭不詭遇。射不翦毛。升獻六禽。時

膳四膏。馬足未極。輿徒不勞。成禮三毆。解罟放麟。不窮樂以訓儉。不殫物

以昭仁。慕天乙之弛罟。因教祝以懷民。儀姬伯之渭陽。失熊羆而獲人澤。

浸昆蟲。威振八寓。好樂無荒。允文允武。薄狩于敖。既瓌瓌焉。岐陽之蒐。又

何足數。爾乃卒歲大儺。毆除羣癘。方相秉鉞。巫覡操劾。偃子萬僮。丹首玄

製桃弧棘矢所發無臬飛礮雨散剛瘴必斃煌火馳而星流逐赤疫於四
裔然後凌天池絕飛梁捎魑魅斯獨狂斬蝮蛇腦方良囚耕父於清泠溺
女魃於神潢殘夔魑與罔象殪野仲而殲游光入靈爲之震懼況魃蜚與
畢方度朔作梗守以鬱壘神荼副焉對操索葦日察區陬司執遺鬼京室
密清罔有不躓於是陰陽交和庶物時育卜征考祥終然允淑乘輿巡乎
岱嶽勸稼穡於原陸同衡律而一軌量齊急舒於寒燠省幽明以黜陟乃
反旆而迴復望先帝之舊墟慨長思而懷古俟閭風而西遐致恭祀乎高
祖既春游以發生啓諸蟄於潛戶度秋豫以收成觀豐年之多稔嘉田峻
之匪懈行致賚於九扈左瞰暘谷右睨玄圃眇天末以遠期規萬世而大
摹且歸來以釋勞膺多福以安念總集瑞命備致嘉祥園林氏之騶虞擾
澤馬與騰黃鳴女牀之鸞鳥舞丹穴之鳳皇植華平於春圃豐朱草於中
唐惠風廣被澤泊幽荒北燮丁令南諧越裳西包大秦東過樂浪重舌之
人九譯僉稽首而來王是故論其遷邑易京則同規乎殷盤改奢卽儉則
合美乎斯干登封降禪則齊德乎黃軒爲無爲事無事永有民以孔安遵
節儉尙素樸思仲尼之克己履老氏之常足將使心不亂其所在目不見
其可欲賤犀象簡珠玉藏金於山抵璧於谷翡翠不裂玳瑁不族所貴惟
賢所寶惟穀民去末而反本咸懷忠而抱懃於斯之時海內同悅曰吁漢

帝之德侯其禕而蓋莫莢為難蒔也。故曠世而不覲。惟我后能殖之以至

和平。方將數諸朝階。然則道胡不懷。化胡不柔。聲與風翔。澤從雲游。萬物

我賴。亦又何求。德寓天覆。輝烈光燭。狹三王之趨。起軼五帝之長驅。踵二

皇之遐武。誰謂駕遲而不能屬。東京之懿未罄。值余有犬馬之疾。不能究

其精詳。故粗為實言。其梗槩如此。若乃流遯忘反。放心不覺。樂而亡節。後

離其戚。一言幾於喪國。我未之學也。且夫挈瓶之智。守不假器。況纂帝業

而輕天位。瞻仰二祖。厥庸孔肆。常翹翹以危懼。若乘奔而無轡。白龍魚服。

見困豫且。雖萬乘之無懼。猶怵惕於一夫。終日不離於輜重。獨微行其焉

如。夫君人者。黠續塞耳。車中不內顧。珮以制容。鑿以節塗。行不變玉。駕不

亂步。卻走馬以糞車。何惜驥褭與飛兔。方其用財取物。常畏生類之殄也。

賦政任役。常畏人力之盡也。取之以道。用之以時。山無槎枿。畋不麋胎。草

木蕃庶。鳥獸阜滋。民忘其勞。樂輸其財。百姓同於饒衍。上下共其雍熙。洪

恩素蓄。民心固結。執義顧主。夫懷貞節。忿姦慝之干命。怨皇統之見替。玄

謀設而陰行。合二九而成謫。登聖皇於天階。章漢祚之有秩。若此。故王業

可樂焉。今公子苟好勦民以媮樂。忘民怨之為仇也。好殫物以窮寵。忽下

叛而生憂也。夫水所以載舟。亦所以覆舟。堅冰作於履霜。尋木起於蘖栽。

昧且不顯。後世猶怠。況初制於甚泰。服者焉能改裁。故相如壯上林之觀。

揚雄騁羽獵之辭。雖系以頽牆填壑。亂以收罫解罟。卒無補於風規。祇以昭其愆尤。臣濟參以陵君。忘經國之長基。故函谷擊柝於東。西朝顛覆而莫持。凡人心是所學。體安所習。鮑肆不如其晁。翫其所以先入。咸池不齊度於鼃咬。而衆聽者或疑。能不惑者。其唯子野乎。客既醉於大道。鮑於文義。勸德畏戒。喜懼交爭。罔然若醒。朝罷夕倦。奪氣褫魄之爲者。忘其所以爲談。失其所以爲夸。良久乃言曰。鄙哉予乎。習非而遂迷也。幸見指南於吾子。若僕所聞。華而不實。先生之言。信而有徵。鄙夫寡識。而今而後。乃知大漢之德馨。咸在於此。昔常恨三墳五典既泯。仰不覩炎帝帝魁之美。得聞先生之餘論。則大庭氏何以尙茲。走雖不敏。庶斯達矣。

【註音】(參)同修(識)音志(抄)通鮮(覈)音核(轟)音備(屬)音戲(闕)音礙(研)音牽(汁)通協(基)音忌(韡)音偉(虛)音巨(閱)音抗(賦)音伐(齊)音霽(卮)音士(瑤)音軟(颯)讀覓(辨)音斑(鷓)音昆同鷓(頰)音府(造)音澁(藎)音萌(枵)音意(鼠)音姑(摩)希交切(蠶)音孽(櫟)通轅音勞(窳)同窳窳(緣)音蕩(要)通腰(弛)音豕(瓌)同瓌(甚)音古同盪(昏)讀作敏(號)許交切(薑)通蒂(瘡)羽軌切(整)音周(匡)音窞(菅)音姦(苗)音盲(旬)音轟(置)音嗟(矯)音羣(筍)音朔(擣)音伯(爰)音殊(搯)音雙(濂)音川(景)同影(鱗)音袖(擗)音迭(齒)音績(且)音疽(龍)通驚(搯)通扼(鬪)同繫(罍)音獨(斂)同魚(鸞)同燕(銜)音纖(篋)音馳(灑)音斯(見)讀現(陔)通狹(腹)同袖(菁)音精(婕)音接(圮)音否(悝)音恢(搏)音附(觜)同嘴(薙)音替(悚)音牒同牒(歐)同驅(派)同翔(能)音台(豐)同覺(蠲)音惟(莖)音毯(應)蒲佳切(馮)音憑(褫)音斯(泊)音暨(哲)音制(要)同腰(辰)音依(告)音省(珩)通衡(聲)音盤(鏗)讀反(錫)音陽(癘)音伏(旃)音由(髻)讀從(纒)音淵(福)音逼(紹)音似(藪)音份(饗)音滔(銖)音(罟)音浮(寘)同字(瓊)同瓊(覲)音檄(斲)音捉(魃)音奇(暨)通魃(念)音豫(廢)泥了切(糜)音祆(楡)通楡(鼻)同鼻(鼃)音蛙同蛙

〔釋義〕○張衡字平子南陽西鄂人也。少善屬文。時天下太平日久。自王侯以下。莫不踰侈。衡乃擬班固二

京賦。因此諷諫。十年乃成。○憑。依託也。虛無也。言無有此公子也。與下安處先生。皆虛擬其人。○驕。泰也。○舊史。

太史掌圖典者也。○春夏。○秋冬。○少也。○狹也。言人慘戚則不能以驩。逸勞苦則不能以施惠。○小謂庶人。大

謂王者。庶人因沃瘠而勞逸殊。王者亦因險易而強弱異也。○驗也。○今河南大部。及湖北北部。○居也。○見二

都賦。○今陝西潼關。秦謂之楊華。○太華山在陝西華陰縣南。少華在華縣南。○河神也。初傳華山與首陽山合。

河神以手足劈分為兩。以通河流。掌迹猶存。○作力之貌也。○蹈也。○在陝西隴縣。○限也。○岐山在陝西岐山

縣。梁山在乾縣西北。沂山在隴縣西南。雍山在鳳翔縣西北。○漢書曰。秦文公獲若石於陳倉北阪城。祠之。其神

光輝若流星。從東方來。集於祠城。則若雄雉。其聲殷殷。云野雞夜鳴。以一太牢祠之。名曰陳寶。○終南山名。即南

山也。在陝西西安之南。○太白山也。在陝西。○特起貌。○危峻貌。○威貌。○高貌。○山名。在陝西寧羌縣北。○杜

陵。今陝西咸寧縣。○今陝西鄠縣。○蠶也。○二水名。見上林賦。○山名。在陝西藍田縣東南。產玉。○是之自出。謂

玉出自藍田之中也。○二水名。見上林賦。○寬廣貌。○邪平貌。○見上林賦。○閉塞也。○謂夏至時猶近寒而有

凍。皇帝避暑於此。○下平之地。○神明之地。○天也。○名任好。〔史記〕趙簡子疾。扁鵲視之。曰。昔秦繆公嘗如此。

七日而寤。寤之日。告公孫支曰。我之帝所甚樂。帝告我晉國將大亂。今主君之疾。與之同。不出三日。疾必間。居二

日半。簡子寤。語大夫曰。我之帝所甚樂。與百神遊於鈞天。廣樂九奏萬舞。不類三代之樂。其聲動人聽。○〔列仙

傳讚〕秦繆公受金策。祚世之業。○翦。盡也。〔埤雅〕南方朱鳥七宿。鶉首鶉尾。〔漢書〕自井至柳。謂之鶉首

之次。秦之分也。盡取鶉首之分。為秦之境也。○韓。魏。燕。趙。齊。楚。○居也。○五緯。五星也。汁。和也。漢元帝十年。五星

聚於東京。○輅。以木當胸以輓輦。委棄置也。○幹。正也。以其議非而正之。○教也。○高帝。○言高帝圖此居之時。

意亦以慮於天地陰陽。而思可宜定。以為天邑。○惟也。○東京。○豐社。高祖所起也。○疑也。○易也。○直度為徑。

回周為輪。○東西為廣。南北為袤。○城池。○城外大郭。○八方。○〔詩小雅〕築室百堵。堵。垣也。一丈為板。五板為

堵。○〔周禮〕明堂度九尺之筵。東西九筵。○猶狹小也。○見前。○高也。○見西都賦。○舉也。○高壯貌。○徑度也。

○虹。蛟螭也。謂殿梁皆徑度。朱畫五色。如蛟螭。蛟螭有雌雄。雄者色鮮好也。○見西都賦。○草木根也。○茄。藕莖

也。藕莖倒植。其華下向。○承塵。即天花板。○重接貌。○壁飾椽頭。○明也。○柱石。○平也。柱之上端。方木以承梁

者。○梁也。○見西都賦。○欄也。○檐椽端之橫木。○見西都賦。○刻戶邊為連瑣文。以塗青。○堵也。丹漆地。故稱

丹墀。○削也。○重也。○高也。○堆壘砌階。○山邊。此喻殿之高處。○殿基。○崖也。○言無涯也。○皆高峻貌。○高也。○平也。○險陡也。○危也。○重也。○寇在內曰宄。○同也。○謂太微宮。五帝所居。○太

微宮。陽時則見。陰時則藏。言與長安宮上與之同法矣。(二〇)二十斤。(二二)張設貌。(二三)懸鐘磬架之橫木曰筓。杜
曰。虛業爲筓上之版。以覆筓。(二三)騰超也。驪馳也。此狀虛下所刻飛獸之狀。(二四)皆殿臺名。(二五)形勢之崇。(二六)
神仙。宣室。玉堂。麒麟。朱鳥。含章。龍興。皆殿名。(二七)北極。(二八)煥也。(二九)炎威也。(三〇)周曰路寢。漢曰正殿。(三一)羣
辟。謂王侯公卿大夫士也。(三二)輔故事。大夏殿。始皇造。銅人在殿前。(三三)深邃之貌。(三四)天子路寢。有九室。
室有一戶。(三五)狄金人也。(史記)始皇收天下兵。銷爲金人十二。(三六)常侍闈官。(三七)謁者寺。人也。(三八)觀名。藏
書。(三九)見兩都賦。(四〇)見西都賦。(四一)宿衛之廬。(四二)衛尉率吏士。周宮外。於四方四角立八屯士。晝則警備。巡
行非常。夜則警備。不虞也。(四三)長矛。(四四)盾也。(四五)昭陽至。駕鸞皆殿名。(四六)行宅。(四七)繁飾。(四八)見西都賦。(四九)
元。砌也。(五〇)赤也。(五一)赤色貌。(五二)碧玉。(五三)石似玉者。(五四)玉色光雜也。(五五)見西都賦。(五六)長曲貌。(五七)見
西都賦。(五八)魯般。王爾。古之巧匠。(五九)奇也。(六〇)大也。(六一)憊也。(六二)舒也。(六三)視也。(六四)秦漢宮名也。(六五)高
燥之地。(六六)俱觀名。武帝因秦林光宮而增之。(六七)覽高貌。(六八)臺名。武帝元封二年作。高二十丈。望見長安城。
(六九)高也。(七〇)竦立也。(七一)度也。(七二)八尺曰尋。倍尋曰常。(七三)特也。(七四)獨出貌。(七五)敷大也。(七六)升高也。(七
七)鳳凰之別名。(七八)青鳥黃雀。皆小鳥也。(七九)低頭。(八〇)臺名。在長安縣西北故城內。(八一)漢書。柏梁災。越巫
勇之曰。越俗有火災。復起屋。必大。用勝服之。於是作建章宮。(八二)倍也。(八三)謂礪石。山畔石也。(八四)飛舉貌。(八五)
棟也。(八六)末也。(八七)翅向也。謂作鐵鳳凰。令張兩翼。舉頭敷尾。以函屋上。當棟中央。下有轉樞。常向風。如將飛者
焉。(八八)見西都賦。(八九)豁空也。疏刻穿之也。寮。小窗。交結綺文。豁然穿以爲寮。(九〇)亭亭若若。高貌也。(九一)臺名。
(九二)樓名。(九三)重也。(九四)置也。(九五)屋脊之棟。(九六)懸空之柱。(九七)柱上曲木。兩頭受檣者。(九八)升也。(九九)北極。(一
〇〇)塵也。(一〇一)天地之交字也。言神明臺高。既除去下地之埃穢。乃上止於天陽之宇。(一〇二)清微之中。上爲清陽。又
爲陽。故曰重陽。(一〇三)宛曲之虹。(一〇四)脊也。(一〇五)廣雅。雲師謂之豐隆。(一〇六)突出方木也。(一〇七)北斗第七星。(一〇八)
玉衡北兩星。(一〇九)謂恐其墜也。(一一〇)太康地志。都盧國。其人善緣高。(一一一)四殿名。(一一二)高峻深邃貌。(一一三)高峻
也。(一一四)狀宮殿形貌。(一一五)棟也。(一一六)複屋棟。(一一七)鐔鐔列列。皆高貌。(一一八)凡屋宇皆垂下向而好大。屋飛邊頭。瓦
皆更微使反上。其形業業然。(一一九)高壯貌。(一二〇)屋宇之反出者。(一二一)高貌。(一二二)宮門。(一二三)扇。關也。謂建旗車上。有
關制之。令不動搖曰扇。每門解下之。今因門高不復脫扇也。(一二四)駢馬銜。結駕駟馬。方行而入。(一二五)馭車欲馬疾。
以箠櫟于輻。使有聲。櫟。撓也。(一二六)屋也。(一二七)廊下周屋。(一二八)如雲氣之蔓延。(一二九)垣也。(一三〇)深邃貌。(一三一)形貌也。
(一三二)閣道。(一三三)一高一下。一屈一直。(一三四)崑崙山名。(一三五)城也。(一三六)廢也。(一三七)行夜所擊木也。(一三八)見西都賦。(一
三九)遠也。(一四〇)濼也。(一四一)池也。(一四二)水廣遠貌。(一四三)赤文。(一四四)二輔舊事。建章宮北。作清淵海。(一四五)瀛洲。方丈。蓬

蒸三山。(三三六)險峻不齊也。(三三七)山勢。(三三八)水中之二洲。(三三九)石菌靈芝。皆海中神山所產神草。仙人之所食者。(三四〇)芝莖赤色。(三四一)海神。(三四二)「二輔舊事」清淵北有鯨魚。刻石爲之。長三丈。(三四三)失足也。(三四四)「史記」李少君亦以祠灶穀道却老見上。上尊之。少君者。故深澤侯舍人主方。(三四五)見西都賦。文成五利注。(三四六)均見西都賦。(三四七)古仙。(三四八)史記曰。黃帝采首山銅。鑄鼎於荆山下。鼎既成。龍垂胡髯下迎黃帝。黃帝乃上去。名其處曰鼎湖。(三四九)門有三道。(三五〇)正也。(三五二)方。併也。九軌之塗。有十二。(三五三)歷也。(三五四)都邑之空地。(三五五)帝城之北。(三五六)第。館也。甲第一也。(三五七)壞也。(三五八)厚繒。(三五九)武庫。天子主兵器之官也。(三六〇)架也。受他兵曰蘭。受弩曰鐘。(三六一)石顯。字君房。少坐法腐刑。爲黃門中尙書。元帝被疾。事無大小。因顯口決。(三六二)董賢。字聖卿。哀帝悅其貌。拜爲黃門郎。詔將作監爲賢起大第北闕下。土木之功。窮極技巧。(三六三)「崔豹古今注」市牆曰闔。市門曰闔。(三六四)市樓。(三六五)見西都賦。(三六六)「周禮」司市胥師二十人。(三六七)漢書曰。京兆尹。長安四市皆屬焉。然市有長丞而無尉。蓋通呼長丞爲尉。(三六八)瑰。奇貨也。(三六九)四方也。(三七〇)言奇寶有如鳥之集鱗之萃也。(三七一)倍利也。(三七二)坐者爲商。行者爲賈。裨販。買賤賣貴。以自裨益。周禮大市。日昃而市。百族爲主。朝市。朝時而市。商賈爲主。夕市。夕時而市。裨販夫婦爲主。(三七三)苦惡也。蚩。侮也。眩。亂也。先見良物。價定而雜以惡物。以欺下士之人。(三七四)勉也。(三七五)「漢書」孝宣許皇后。元帝母。帝封外祖父廣漢爲平恩侯。「又」衛太子史良娣。宣帝祖母也。兄恭。宣帝立。恭已死。封恭長子高爲樂陵侯。(三七六)「漢書食貨志」翁伯以販脂而傾縣邑。質氏以洗削而鼎食。濁氏以胃脯而連騎。張里以馬醫而擊鐘。張里。里名。按洗削。作刀劍也。胃脯。以羊胃爲脯和味市之。(三七七)長安宿豪大猾。箭張回。酒市趙放。(三七八)信陵君名。(三七九)卽平原君。(三八〇)茂陵。今陝西興平縣。原。原涉。字巨先。(三八一)陽陵。今陝西咸陽縣。朱。名安世。(三八二)狼鷲貌。(三八三)虎怒鳴也。(三八四)虎類。(三八五)張目忤視。漢書曰。原涉。字巨先。自陽翟徙茂陵。涉外溫仁。內隱忍。好殺。睚眦於塵中。觸死者甚衆。(三八六)刺。刺也。(三八七)漢書曰。公孫賀爲丞相。子敬聲爲太僕。擅用北軍錢。下獄。是時詔捕朱安世。賀請逐捕。以贖子罪。後果得安世。安世遂從獄中上書。言敬聲與陽石公主私通。賀父子俱死獄中。陽石。今山東益都縣。(三八八)長陵。安陵。陽陵。茂陵。平陵。(三八九)瘕。痕。(三九〇)五十里爲郊。百里爲甸。(三九一)富也。(三九二)見西都賦。(三九三)遷。易也。謂徙之於彼。(三九四)致也。謂納之於此。(三九五)大車軌也。(三九六)重車聲也。(三九七)「漢書」內史。周官。武帝更名京兆尹。(三九八)離宮別館。在諸郡國。(三九九)今陝西縣名。漢屬右扶風。(四〇〇)黃河。華山。(四〇一)今河南陝縣。春秋時魏國。(四〇二)越也。(四〇三)掩也。(四〇四)大陵曰阜。(四〇五)在華陰縣東。(四〇六)見上林賦。(四〇七)俱見羽獵賦。(四〇八)裹也。(四〇九)漢書。右扶風槐里縣有黃山宮。(四一〇)至也。(四一一)甘泉宮中有牛首山。(四一二)飛貌。(四一三)趨曰駢。行曰駢。(四一四)京。高也。水中有土曰峙。(四一五)舜臣。佐禹治水。「列子」北海有魚名鯨。有鳥名鵬。大禹行而見之。伯益知而名之。(四一六)黃帝史臣。始

作數。(三二七)木叢生日林。(三二八)山足曰麓。(三二九)縱木高數丈。葉細長扁平。其材可用。(三三〇)栝。檜也。又稱圓柏。葉尖硬。類柏。幹似松。(三三一)櫻。亦稱櫻櫚。(三三二)楠。木似水楊。(三三三)叢生小木。一名白接。莖葉多細刺。黃花黑實。(三三四)杞也。似梓。(三三五)〔山海經〕夸父與日競走。渴飲河渭。不足。道渴死。棄其杖。化為鄧林。(三三六)草木威貌。(三三七)見子虛賦。(三三八)茅屬。(三三九)菅類。莖高四尺許。叢生。葉長尺餘。多生水邊。莖可以編織。(三四〇)莖高二三尺。尖端卷曲。如旅渴。葉為羽狀複葉。嫩時可食。(三四一)有地下莖。春時出嫩葉。其端卷曲如拳。後成複葉。長三四尺。葉背子囊叢集。赤褐色。葉嫩時可食。(三四二)草似蒲。(三四三)一名東蠶。葉似蒲叢生。(三四四)細莖貼地。葉為長卵形。端尖。莖葉煮汁。可染黃色。(三四五)貝母也。入藥。(三四六)臺即莎草。可為簞笠。(三四七)蜀葵也。(三四八)蕓也。見爾雅。(三四九)草叢生也。(三五十)亂貌。(三五一)竹箭。(三五二)大竹。(三五三)布蔓也。(三五四)連也。(三五五)謂猷猷也。(三五六)竹墟名也。(三五七)無限域之貌。(三五八)見羽獵賦。(三五九)水深色黑。故曰玄趾。(三五〇)杞柳。落葉灌木。(三五二)館名。(三五三)舉也。(三五四)言池廣大。日月出入其中也。(三五五)〔淮南子〕日出暘谷。拂於扶桑。〔楚辭〕出自暘谷。入於濛汜。(三五六)鱣魚之屬。(三五七)似鱣而大。背有骨甲。鼻長。有觸鬚。(三五八)鱣魚。(三五九)鱣也。俗稱烏魚。(三六〇)鱣屬。長鼻軟骨。口在領下。(三六一)魚狗。四足。體有黑斑。頭扁圓。肢短。食魚。(三六二)似鮎無鱗。能飛躍。(三六三)圓尾闊鰓。口廣。鱗大。身有黑斑。(三六四)見大招。(三六五)見西都賦。(三六六)見反離騷。(三六七)似鶴。長頸赤喙。(三六八)衡山之陽。衡山在湖南衡山縣。有回雁峯。(三六九)山在山西代縣西北。(三七〇)小鷹。(三七一)鳥奮迅聲。(三七二)寒氣急殺於萬物。孟冬十月。陰氣始盛。萬物凋落。(三七三)鷹類。(三七四)整理也。(三七五)申布也。(三七六)網也。(三七七)揚也。(三七八)草木叢生處。(三七八)飛走之貌。(三七八)端崖也。(三七八)掌供田獵之官。(三七八)草也。(三七八)除木邪斫也。(三七八)網也。(三七八)全道也。(三七八)徑也。(三七八)牝鹿。(三七八)羣聚自得貌。(三七八)聚會之意。(三七八)輿也。(三七八)駕六馬皆青白雜色者。(三七八)翠羽為車蓋。(三七八)黃金以飾較也。較。車兩旁上橫木。向前鉤曲反出者。上鉤以銅。(三七八)馬冠飾玉。(三七八)馬鞅飾玉。(三七八)光也。(三七八)玄弋。北斗第八星。名為矛頭。主胡兵。招搖第九星。名為盾。鹵簿畫之於旗。建之以前驅。(三七八)〔禮曲禮〕前有塵埃。則載鳴鳶。棲畫形於旗。(三七八)旌旗之飛如雲。(四〇〇)弧。枉矢。俱星名。(四〇一)〔爾雅疏〕虹雙出。色鮮威者為雄。雄曰虹。閭者為雌。雌曰蜺。言以練帛為旒。整尾為旄。色采有若虹蜺。(四〇二)華蓋星覆北斗。王者法而作之。(四〇三)畢星。二十八宿之一。畢網象之。(四〇四)見東都賦。(四〇五)副也。(四〇六)皆田犬也。長喙曰獫狁。短喙曰獨獫。(四〇七)小說醫巫厭祝之術。凡有九百四十三篇。言九百。舉大數也。〔漢書〕虞初周說。九百四十三篇。初。河南人。武帝時。以方士侍郎。乘馬。衣黃衣。號黃車使者。(四〇八)黃帝時之叛者。鹵簿中旄頭。飾其形。(四〇九)髮揚起也。(四一〇)服虎皮也。(四一一)不順也。(四一二)山神獸形。(四一三)怪物。(四一四)水怪。(四一五)之也。(四一六)見西都賦。(四一七)漢書曰。大將軍營五部。部有校尉一人。部下有曲。曲有軍候一人。(四一八)二十五人為行。行亦卒之行列也。五人為伍。(四一九)燎。燒也。(四二〇)積高曰京。(四二一)擊

鼓也。(四三)遮也。(四三)清道候望也。(四四)怒意也。(四五)武士服。緹。帛丹黃色。(四六)亦武士服。蔽膝之衣。合章為之。
 (四七)仰目也。(四八)張目也。(四九)燭照也。(五〇)海浦。四瀆之山也。(五一)即岍山。一名吳山。在陝西隴縣西南。(四三)陶
 阪也。堵塞也。(四三)悽怖也。遽促也。(四四)走貌。(四五)反關入輪輻內。(四六)網也。(四七)罕形。(四八)射中聲。(四九)小戈。
 (四〇)足踏也。(四二)車所加也。(四三)綫也。(四三)丈也。(四四)謂撞搃也。(四五)取魚器。(四六)貫刺也。(四七)擊仆也。
 (四八)殺也。(四九)雉之健者。(五〇)飛也。(五一)大阜。(五二)澤崖。(五三)狡兔。(五四)走也。(五五)戰國策。東郭饒。海內之狡
 兔也。(五六)鷹也。(五七)好犬也。(五八)箭括之御弦者。(五九)飛也。(六〇)駭走也。(六一)鷹青頸者。(六二)擊也。(六三)臂衣。以
 章為之。(六四)犬。毛黑色。(六五)繫狗之繩。(六六)作毛鬣也。(六七)眼角視也。(六八)深瞳子也。(六九)人名。「尸子」中黃伯
 曰。予左執太行之纒。而右搏雕虎。(七〇)夏育。烏獲。古之力士。(七一)帶結頭飾也。(七二)露鬢。曰鬢。以麻雜為髻。如
 今撮也。(七三)露臂。(七四)手指物。形如戟。(七五)開足。(七六)便旋也。(七七)象鼻赤者。怒。謂能戾象鼻也。(七八)畜閔也。
 (四九)似狸而長。(四〇)取也。(四二)狗頭猴。(四三)又稱刺蝟。其毛如棘。(四四)以拳加物。(四五)黑猿。(四六)狻猊。獅子。(四七)
 摩也。(四七)籬也。(四八)草木刺人為梗。(四九)搗碎也。(五〇)包木。(五一)輕也。(五二)大狐。(五三)陵。猶升也。(四四)山之大下
 小者。(四五)如馬而跛蹄。(四六)朱駿聲曰。遮取也。(四七)掘取也。(四八)獲類而白。腰以前黑。在木表。(四九)大也。(五〇)捐
 取之也。(五一)鼠屬。狀如小狐。(五二)後宮官也。漢置。位視丞相。爵比諸侯。(五三)乘輿。天子所乘車。(五四)左昭。賈大
 夫惡。娶妻而美。二年不言不笑。御以如臬。射雉獲之。其妻始笑而言。(五五)詩北風。惠而好我。攜手同車。(五六)樂
 也。(五七)語辭。(五八)整也。(五九)禽獸殘骨。(五〇)挂肉之具。(五一)破裂懸之。(五二)列干人也。(五三)帳百重也。(五四)並駕
 也。(五五)飲酒盡也。(五六)肴之兼重。(五七)廉。視也。(五八)肴之減無。(五九)多也。(六〇)主車官也。(六一)見九章。(五三)
 矢長八寸。以生絲繫之而射。(五三)列子。蒲且子之弋也。弱矢纖繳。乘風振之。(五四)矢絲挂鳥上也。(五五)鳥名也。
 (五六)似石著微也。(五七)主舟官。(五八)舟也。淮南子曰。龍舟鷁首。(五九)覆也。(六〇)雲旗。芝蓋。(六一)以羽翟為葆蓋。
 (五三)鼓。拽之。女。(五三)引權而歌也。(五四)言一人唱。餘人和也。(五五)校。急也。葭。樂器。急之則發聲。李伯陽入戎所造。
 (五六)漢書。淮南鼓員四人。謂舞人也。(五七)古歌者名。因以名歌。(五八)河神馮夷。莊子曰。馮夷得道。以潛大川。(五
 九)王逸曰。言堯二女娥皇女英。隨舜不及。墮湘水中。因為湘夫人。(六〇)即魍魎。(六一)鱗魚。體扁。頭尾尖小。(六二)黑
 魚。(六三)網也。(六四)白魚。體扁。鱗細。(六五)白鱗。(六六)拾取也。(六七)殼質白如玉。有紫斑。相貝經曰。赤電黑雲。謂之紫
 貝。(六八)老龜。(六九)捉也。(七〇)絆馬足也。(七一)形似水牛。(七二)周官。掌國澤之政。(七三)置網水中。非時取魚。(七四)挑
 取也。(七五)小水別名。(七六)魚網。(七七)小網。(七八)取也。(七九)魚子。(八〇)未成魚也。(八一)鹿子。(八二)麋子。(八三)搜索也。
 (八四)驚擾貌。(八五)蟻子。(八六)蝗子。(八七)壞也。(八八)觀名。大作樂處也。在長安縣西。(八九)帳名。漢書。孝武造甲乙

之帳。(五〇)服也。(五一)翠羽飾被。(五二)楚子翠被。(五三)課其技能也。(五四)兩兩相當角力。(五五)《史記》秦武王有力士烏獲孟說。皆大官。王與孟說舉鼎。(五六)都盧見前。尋幢。今緣竿戲。(五七)卷簾以矛插其中。伎兒以身投從中過。(五八)以盤水置前。坐其後。踊身張手跳前。以足偶節踰水。復却坐如燕之浴也。(五九)利也。(六〇)謂丸劍之形也。(六一)長繩繫兩頭於梁。舉其中央。兩人各從一頭上。交相度。所謂儻組者也。(六二)實垂之貌。(六三)娥皇女英也。(六四)聲餘詰曲也。(六五)三皇時伎人。倡家託作之。衣羽毛之衣。(六六)道也。(六七)雷霆之聲。(六八)即漫衍。百鳥行走之貌。(六九)《漢書》武帝作漫衍之戲也。(七〇)忽也。(七一)相搏持也。(七二)東南倡伴也。(七三)雀躍行貌。(七四)行且乳。(七五)象鼻垂貌。(七六)大魚。(七七)龍行貌。(七八)獸名。性吐金。故曰舍利。(七九)開口吐氣。(八〇)以芝爲蓋。蓋有九葩之采。(八一)水人。俚兒。能禁固弄蛇也。(八二)黃公。東海有能赤刀禹步。以越人稅法厭虎者。號黃公。及衰老。飲酒過度。有白虎見東海。以赤刀往厭之。術不行。爲虎所食。(八三)偃之言善。僮。幼子也。(八四)戲撞形也。(八五)突。然倒投。身如將墜。足跟反絀。撞上。(八六)極也。言變巧之多。不可極也。(八七)種族名。三苗之後。(八八)種族名。東胡之餘。別保鮮卑山。(八九)飽也。(九〇)萃。至也。於是遊戲畢。心飽於悅樂。悵念所當復至也。(九一)見西都賦。(九二)天子出外。不復警蹕。(九三)至尊同乎卑賤。(九四)天子印。(九五)綬也。(九六)去國百里之地。(九七)郊外之地。周禮有六途也。(九八)宮中旁舍。嬪妃所居。(九九)美好之貌。(一〇〇)密坐。(一〇一)鄭穆公女。陳大夫御叔妻。(一〇二)項羽虞姬也。(一〇三)商音之清者。(一〇四)姿態妖蠱。(一〇五)猶掉也。(一〇六)赤絲履也。(一〇七)長袖貌。(一〇八)多姿容也。(一〇九)英華也。(一一〇)眉睫之間也。(一一一)好視容也。(一一二)轉眼貌。(一一三)柳下惠。姓展。名禽。字季。煦嫗不遠門之女。國人不稱其亂。見《家語》。(一一四)沙門也。東觀漢記。制楚王曰。以助蒲塞桑門之威饌。(一一五)惑也。(一一六)後宮官從十四等。(一一七)當也。(一一八)《漢書》孝武衛皇后。字子夫。《漢武故事》子夫得幸。頭解。上見其美髮。悅之。鬢髮美也。《詩》鬢髮如雲。(一一九)《漢書》孝成趙皇后。本長安宮人。屬陽阿公主家。學歌舞。號曰飛燕。成帝嘗微行。過見飛燕。悅之。召入宮。大幸。《荀悅漢紀》趙氏善舞。號曰飛燕。(一二〇)刺晉昭公不能及時。以自娛樂。曰。子有衣裳。弗曳弗婁。子有車馬。弗馳弗驅。宛其死矣。他人是愉。(一二一)他人自愉。言今日之不極意恣嬌。亦如此也。(一二二)《國語》魯侯曰。君作故事。《韋注》君所作則爲故事也。(一二三)《漢書》孝成趙皇后有女弟。爲婕妤。后既立後。絕幸。爲昭儀。居昭陽舍。《又》孝元傳。婕妤有寵。乃更號曰昭儀。賜以印綬。在婕妤上。(一二四)《漢書》董賢。字聖卿。雲陽人。哀帝悅其儀貌。封高安侯。代丁明爲大司馬衛將軍。賢雖爲三公。常給事中。領尚書。百官因賢奏事。(一二五)《漢書》曰。成帝謂趙昭儀曰。趙氏故不立許氏。使天下無出趙氏上者。(一二六)淪。易也。《漢書》曰。上置酒麒麟殿。視董賢而笑曰。吾欲法堯禪舜。何如。王閔進曰。天下乃高帝天下。非陛下有之。統業至重。天子無戲言。(一二七)菴。一市也。從高祖至於王莽。二百餘年。(一二八)殷阜。盛大也。(一二九)指左峭函。右

隴坻。前終南。後高陵。李尤函谷關銘曰。袴帶咽喉。管子曰。地形險阻。易守難攻。(六四九)鄙生。公子自稱。謙辭也。(六五〇) 三百年。自高祖以下。至作賦時也。(六五一)自契至成湯。八遷。(六五二)河亶甲居相。今河南內黃縣。南有殷城。即河亶甲所都相也。(六五三)祖乙都於耿。今山西河津縣有耿城。河水所毀曰圮。(六五四)〔書序〕盤庚將治亳。殷民胥怨。作盤庚三篇。以誥戒之。(六五五)小節。(六五六)詩篇名。唐詩刺儉也。(六五七)猶悵然也。(六五八)舒張兩目之貌。(六五九) 無本之學。(六六〇)淺也。(六六一)言實誠信胸臆之所聞。而心不能以禮節度其可否也。(六六二)由余。晉人。亡入西戎。為相。使來聘秦。觀秦之強弱。穆公引之登三休之臺。由余曰。臣國土階三尺。茅茨不翦。寡君猶謂作之者勞。居之者逸。此臺若鬼為之。則神勞矣。使人為之。則人亦勞矣。於是穆公大慙。(六六三)審也。(六六四)周姓也。(六六五)小人在位。與君為鄰。貪求之念。堅若金。讒謗之言。惡若虎。(六六六)〔周書〕無為虎搏翼。將飛入邑。擇人而食。搏著也。(六六七)〔左昭〕楚子成章華之臺。在湖北監利縣西北。(六六八)在河北邯鄲縣城內。趙武靈王築。(六六九)猶獨勝也。(六七〇)覆也。(六七一)〔漢書〕伍被曰。秦作阿房宮。收太半之賦。凡數三分有二。為太半。(六七二)〔漢書〕秦用商鞅之法。造參夷之誅。參。二也。謂滅三族也。(六七三)周官名。掌山澤。(六七四)積聚也。(六七五)恐懼貌。(六七六)〔史記〕秦皇更名民曰黔首。(六七七)恐懼之貌。(六七八)高祖立為沛公。旗幟皆赤。(六七九)在今安徽靈璧縣東南。(六八〇)繫也。(六八一)軹道也。沛公至霸上。子嬰降軹道旁。軹。亭名。在長安城東十三里。(六八二)秦之舊匠。(六八三)習也。(六八四)周代之堂。(六八五)宣。宣帝。(六八六)撫。安也。(六八七)戎狄呼韓均國名也。(六八八)享。獻也。漢書宣紀曰。呼韓邪單于。款五原塞。願奉國珍。(六八九)高皇帝為太祖廟。文帝為太宗廟。世世祀之。(六九〇)宗廟之器。(六九一)大美也。(六九二)失德也。(六九三)〔公羊傳〕春秋為尊者諱。為親者諱。為賢者諱。(六九四)是也。(六九五)俱以草蓋屋。(六九六)夏桀作傾宮瑤臺。殫百姓之財。(六九七)殷紂作瓊室。立玉門也。(六九八)湯。謂殷湯。武。謂武王。革。改也。言誰遣革。改殷紂。夏桀而用師哉。以其奢侈淫放。故湯武順天命而代之。此譏西京公子也。(六九九)高祖從武關入。項羽從函谷關入。(七〇〇)周成王也。(七〇一)九州之內。(七〇二)不營。謂徧求之下。漚澗及黎水皆不吉。(七〇三)土。度也。縮。短也。盈。長也。謂圭長一尺五寸。夏至之日。豎八尺表。日中而度之。圭影正等。天當中也。落影長於圭。則太近北。圭長於影。則太近南。近北多寒。近南多暑。近東多風。近西多用。(七〇四)謂審察地形之勢。而建王都。〔周禮考工記〕或審曲面勢。以飭五材。以辨民器。(七〇五)向也。(七〇六)水名。源出陝西雒南縣西北冢嶺山。東流入河南。(七〇七)源出河南廬氏縣東南悶頓嶺。東北流。入於洛。(七〇八)源出河南孟津縣。南流經洛陽縣。東入於洛。(七〇九)即九曲城。在河南宜陽縣西北。有坂九曲。(七一〇)即旋門關。在河南杞水縣西南十里。坂形周屈。故曰于旋。(七一一)今河南孟津縣。(七一二)關名。在洛陽縣東南太谷口。(七一三)山名也。在洛陽縣西南。(七一四)坂名也。在偃師縣東南。有轅轅關。其坂十二曲。將去復還。(七一五)嵩高別名。在河南。言以嵩高之嶽。為國之鎮也。(七一六)表也。(七一七)山名。在河南宜陽縣西。(七一八)山名也。在河南

陝縣大河中如柱。(七九)劍口也。山險似之。(七〇)山名。在河南濬縣東南。(七一)言泉水如湯。浴之可除皮膚病。新安。通池。嵩縣。盧氏。臨汝。魯山等縣俱有之。(七二)謂黑石雜色也。(七三)魚之大者。(七四)爾雅。鼈三足曰能。(七五)伏羲氏女。溺死洛水爲神。(七六)周成王定鼎洛邑。卜世三十。卜年七百。後皆如其言。故云。神所挺紀。謂告年紀之處也。(七七)伏羲時龍馬負圖。出於河。遂則其文。以畫八卦。謂之河圖。(七八)大禹治水。有龜負文列於背。有數至九。禹遂因而第之。以成九疇。謂之洛書。嚳禹姓。(七九)書。召公既相宅。卜維洛食。孔傳。卜必先墨畫龜。然後灼之。兆順食墨。吉也。(八〇)書。周公初基。作新大邑於東國洛。詩大雅。其繩則直。言不失繩直之宜。(八一)弘。周大夫。舒。晉大夫。國語。敬王十年。劉文公與萇弘欲城周。爲之告晉。左定。晉魏舒合諸侯之大夫以城周。(八二)周禮。國中經塗九軌。鄭注。塗容九軌。(八三)周禮。城隅之制九雉。鄭注。雉。度也。高一丈長三丈爲雉。(八四)堂。明堂也。筵。席也。長九尺。几。俎也。長七尺。周禮。室中度以几。堂中度以筵。(八五)京邑。大邑也。謂洛陽。(八六)禮儀盛貌。(八七)宗緒。統也。圯。絕也。漢家不居於洛。故宗廟之統。中途廢絕也。(八八)王莽。(八九)侯。隙也。(九〇)天子璽也。(九一)王莽篡位十八年。(九二)衆也。(九三)光武帝秀。(九四)源出湖北棗陽縣。世祖所起之處也。(九五)光武討王郎於河北。參之分野。(九六)二十八將也。(九七)霸天下者。以喻王莽也。(九八)欃槍。彗星。旬始。妖氣。(九九)思求陰陽之和。天地之中而居。(一〇〇)見毛詩。時是也。融。長也。曰。辭也。言當止居是洛邑。必有昭明之德。長久之道也。(一〇一)岱。泰山也。後漢書。光武中元元年。登封太山。禪于梁父。黃帝也。崇。高也。言世祖與黃帝比其帝號也。史記。黃帝封泰山。禪云亭。(一〇二)明帝。名莊。(一〇三)南宮殿名。(一〇四)北宮殿名。(一〇五)南宮正門。卽端門也。(一〇六)中門。(一〇七)嚴正貌。詩大雅。應門將將。(一〇八)東門。(一〇九)西門。(一一〇)德陽殿東門。(一一一)東方也。(一一二)德陽殿西門。(一一三)西方也。(一一四)闕也。(一一五)周禮。太宰掌建邦之六典。一曰治典。二曰教典。三曰禮典。四曰政典。六曰事典。(一一六)八殿皆以休令爲名。美時君之德。在應門內。(一一七)二園。在故洛陽城中。耀龍在西。芳林在北。芳林。魏齊王芳改華林。(一一八)大龜。(一一九)宮名。(一二〇)似烏。腹下白。(一二一)班鳩也。(一二二)鸚也。嘴短。捕魚以爲食。(一二三)鶯也。(一二四)音聲和也。(一二五)露寢。(一二六)見東都賦。(一二七)二殿名。(一二八)卽宣陽門。(一二九)漢少府屬官。五丞也。(一三〇)山在陝西華縣西南。(一三一)古防禦之法。築亭以居兵役。使候望。(一三二)南宮門名。門上有二銅柱。柱有二龍。(一三三)殿名。(一三四)毛詩曰。西南其戶。不雕不刻。尙質也。言殿之多。其戶。或西或南也。(一三五)我后。謂明帝也。(一三六)晏。安也。(一三七)在河南洛陽縣東。四周有塘。(一三八)池上作室。可棲鳥。鳥入則捕之。(一三九)水清。(一四〇)水搖動貌。(一四一)多也。(一四二)蘆荻也。(一四三)大蛤也。(一四四)螺螄也。(一四五)蚌也。(一四六)觀名也。(一四七)都爲聚會也。爲大場於上。以作樂。使遠觀之。謂之平樂。在城西也。(一四八)飛廉。(一四九)銅馬。(一五〇)形容馬狀之高。(一五一)文王靈臺。詔以勿亟。民乃不日成之。(一五二)以茅蓋屋。(一五三)夏后。夏禹也。論語。禹卑宮室。而盡力乎溝洫。

(八〇四)明堂。辟雍。靈臺。(八〇五)舊典。(八〇六)複廟。重覆也。重屋。重棟也。(禮明堂位)複廟重檐。刮楹達鄉。天子之廟飾也。
 (八〇七)「大戴禮」明堂九室有八牖。九室。即九房。八牖。八達也。(八〇八)「二輔黃圖」明堂方象地。圓象天。(八〇九)「三輔黃圖」明堂順四時行令也。(八一〇)以舟相比。次為橋也。(詩大雅)造舟為梁。(八一)水流貌。(八二)謂德陽殿。東有辟雍。西有靈臺。謂於其上班。教令者曰明堂。大合樂射鄉者曰辟雍。司曆紀候節氣者曰靈臺也。(八三)進。善也。言因其進。則舉而用之。衰老者拒而退之。(八四)「周禮」馮相氏掌歲日月星辰之位。辨其災祥。以為時候。(注)馮。乘也。相。視也。(八五)陰陽氣之成災。(八六)福也。(八七)除也。(八八)公卿。(八九)從四方而至也。(九〇)相師法也。(九一)胥。相也。洎。及也。言百官於此相連。及而來朝賀也。(九二)要服。荒服。邊遠之地。(九三)遣子質。漢(九四)俱也。(九五)寶也。(九六)以物作相見禮。(九七)秋見天子。(九八)言入見於殿下者。可數萬人。夾道為二部。(九九)公侯伯子男。孤卿大夫士。(一〇〇)掌贊禮。周曰大行人。秦曰典客。漢曰鴻臚。(一〇一)「詩周頌」崇牙樹羽。(注)懸鐘磬處。以采色為大牙。(一〇二)大鐘。(一〇三)虎賁。中郎將。(一〇四)夾階而立。(一〇五)虎賁。或持戟。或持鉞。而相對。鉞。長矛。交鉞。謂交加而設兵器也。(一〇六)馬八尺曰龍輅。天子車。(一〇七)熊虎為旗。兼畫雲狀。(一〇八)夏正。建寅之正。三朝。歲月日之始。(一〇九)古者國有大事。夜燃薪以照衆。(一一〇)明也。(一一一)六面鼓也。(一一二)四方四角。(一一三)鐘鼓之聲。(一一四)警。謂清道也。彫。彫飾也。輦。人挽車。殿東。西次。謂廂。漢書注曰。皇帝輦動。則左右侍帷幄者皆稱警。(一一五)「後漢書」通天冠。高九寸。正豎。頂少斜卻。乃直下。為鐵卷梁。前有山展簞。為述。(一一六)大綬。(一一七)佩於腰也。(一一八)「吳越春秋」吳人干將。造劍二。曰干將。莫邪。(一九)如屏風。絳質。高八尺。東西當戶。牖間。繡為斧文。(禮明堂之位)天子負斧辰。南向而立。(二〇)次席。即竹席。(二一)紛。純謂以組為緣也。(二二)周官。掌別五等諸侯。(二三)「周禮春官」子執穀璧。男執蒲璧。孤執皮帛。卿執羔。大夫執雁。士執雉。(二四)周禮曰。王士揖庶姓。時揖異姓。天揖同姓。(注)士揖。推手小下。時揖。平推手。天揖。推手小下之也。(二五)「禮」天子穆穆。諸侯皇皇。大夫濟濟。士將將。鄭玄曰。威儀容止之貌。(二六)延也。(二七)階也。(二八)萬事。(二九)災也。(三〇)城池無水曰隍。(三一)怠懈也。皇。暇也。「詩商頌」不敢怠皇。(三二)大也。(三三)藏也。(三四)賜也。(三五)百官。(三六)「左昭」人有十等。王臣公。公臣大夫。大夫臣士。士臣阜。阜臣輿。輿臣隸。隸臣僚。僚臣僕。僕臣臺。(三七)主食之官。(三八)熟曰饗。腥曰饋。(三九)徧也。(四〇)謂公卿大夫之家。(四一)醇厚也。(四二)燔炙。謂炙肉也。(四三)和悅貌。(四四)退也。(四五)「書」屢省乃成。(四六)勉也。(四七)敬也。「易」君子終日乾乾。(四八)「老子」為而不持。長而不宰。是為玄德。(四九)「老子」天法道。道法自然。王弼曰。自然者。無稱之言。窮極之辭。(五〇)堯舜。(五一)陳也。(五二)委積貌。(五三)上謂君。下謂臣。式。用也。盤。樂也。言君情通於下。臣情達於上。故能國家安而君臣歡樂也。毛詩曰。嘉賓式宴以樂也。(五四)天也。(五五)衡。維持冠者。紃。冠之垂者。紃。纓從下而上者。緌。冠上覆者。(五六)簪也。(五七)「周禮」王之皮弁。會五采玉琪。(

注。會縫中。琪如綦。綦謂結。皮弁於縫中。每貫結五采玉十二以爲飾。(八八)火。畫火。龍。畫龍。白與黑爲黼。形若斧。黑與青爲黻。兩已相戾。(八九)以韋爲之。所以藉玉。王五采。公侯伯三采。子男二采。(九〇)大帶也。(九一)次車也。次車樹翠爲蓋。如雲飛也。(九二)辰。日月星。畫於旌旗。垂十二旒。名曰太常。(九三)威也。(九四)火花。(九五)從風貌。(九六)高低之貌。(九七)黑馬。(九八)作姿容貌。(九九)轡。車轅。轅端上刻龍頭。(一〇〇)載轡謂之轡。郭璞曰。在軾上環轡所貫也。(一〇一)馬冠。在馬髦前。(一〇二)錫在馬額。刻金飾之。(一〇三)鉞。鐵孔。乘輿馬頭上用以插翟尾。(一〇四)以旄牛尾置左騂馬軛上。以亂馬目。不令相見。(一〇五)馬大帶。(一〇六)馬帶。(一〇七)鑾在衡。和在軾。皆以金爲鈴也。(一〇八)鈴聲。(一〇九)獨斷。重轂者。轂外復有一轂。副轄。其外乃復設轄。按重輪。即重轂。(一一〇)疏。鑊也。(一一一)獨斷。以緹細廣八尺。長拄地。左畫蒼龍。右白虎。繫軸頭。(一一二)羽蓋。以翠羽覆車蓋也。(一一三)羽貌。(一一四)以金作華形。莖皆曲。(獨斷)凡乘輿車皆羽蓋。金華。(一一五)獨斷。法駕。上所乘曰金根車。駕六馬。有五色安車。五色立車各一。皆駕四馬。是謂五時副車。順時服者。五時之服。各隨其車。(一一六)龍旂者。交龍爲旂也。(一一七)馬帶。(一一八)馬鞞。(一一九)平頭鞞。(一二〇)矛也。(一二一)獨斷。無蓋車。名耕根車。親耕籍田乘之。(一二二)漢雜事。諸侯貳車九乘。秦滅九國。兼其車服。故大駕屬車八十。乘。(一二三)屬車有藩曰軒。皆在後。爲二行。故曰並轂。(一二四)車闌間皮篋。以威駑者。(一二五)通帛曰旂。(一二六)旄牛尾赤色。(一二七)青作蓋裏。(一二八)謂引道者。言引道之次已定。前車乃發。(一二九)謂以象鸞鳥也。(一三〇)以虎皮爲之。(一三一)日旗也。(一三二)青赤色。(一三三)旗名。(一三四)旂。旗之末垂。(博雅)天子十有二旂。諸侯九旂。(一三五)鉞也。(一三六)參差貌。(一三七)髦頭。背騎也。(一三八)鸞。鸞鳥也。鬥至死乃止。令武士戴之。取猛也。(後漢書)虎賁騎皆鸞冠。(一三九)副馬。(一四〇)廐名。(一四一)馬名。(一四二)馬飾。五采毛雜之。(一四三)飄揚下垂貌。(一四四)謂北軍五營兵在後陳列。(一四五)鼓聲。(一四六)肩上絳幟。如燕尾者也。(一四七)今之銅鑼。(一四八)以黃金飾之。(一四九)清道。謂蹕止行者。列。猶次也。(一五〇)言天子行如上天之列星也。(一五一)敬貌。(一五二)行貌。(一五三)衆貌。(一五四)車聲。(一五五)軍後曰殿。(一五六)論語。菲飲食而致孝乎鬼神。惡衣服而致美乎黻冕。(一五七)孤竹。國名。出竹。(一五八)雲和。山名。出美木。用爲瑟。聲清亮。(一五九)八面鼓也。(一六〇)鼓聲。(一六一)凡樂六變爲一成。則更奏。(一六二)獨斷。大樂郊祀。舞者冠建華冠。(後漢書)建華冠以鐵爲柱卷。貫大銅珠九枚。(一六三)翟。雉羽。樂舞所用。(詩衛風)右手秉翟。(一六四)見前。(一六五)祭天地也。(一六六)舉也。(一六七)羣岳衆神。望而祭之。(一六八)秩序也。(一六九)颺。飛颺也。標之言聚也。謂聚薪焚之。揚其光炎。使上達於天也。太一。天之尊神也。(一七〇)饗也。(一七一)報也。(一七二)靈明之主。(一七三)五帝總集於明堂。帥。循也。擗。至也。(一七四)赤帝赤熛怒。(一七五)青帝神靈威仰。黃帝神含樞紐。白帝神白招拒。赤帝神赤熛怒。(一七六)悅也。(一七七)懷。安也。尙書曰。民其允懷。(一七八)孝也。(一七九)謂感四時之物。即春薦韭。夏薦麥。秋薦黍。冬薦稻。(一八〇)遠廟。(一八一)祭名。春日祠。夏日禴。秋日嘗。冬日烝。(一八二)謂祭祀之牲物。皆徧省視之也。(一八三)橫木於牲角端。以備抵

觸。(九六) 胎。肩甲。謂去毛而魚之。(九五) 羹。調鹽梅。(九六) 洗祭器也。(九七) 孔。甚也。言禮儀甚明鮮也。(九八) 用于以舞。
 (九九) 舞貌。(九〇) 鼓聲也。(九二) 此二句言先帝之神。顧愍子孫享其食也。(九三) 多也。(九三) 農祥。一名天駟。即房星也。
 晨時正中。正月初也。(國語) 太史順時視土。農祥晨正。土乃服發。(九四) 天子車。帝在左。御在中。介處右。剡利也。耜
 耒也。(禮月令) 天子祈穀於上帝。親載耒耜。措之於參保介之御間。(注) 置耒耜於車右與御者之間。(九五) 禮記
 曰。躬耕帝籍。天子三推。(九六) 祭天於南郊也。(九七) 黍稷曰粢。在器曰盛。(九八) 北民謂百姓也。(九九) 去草。(一〇〇) 瘞
 本也。(一〇一) 陽。暖也。東觀漢記。永平三年三月。上初臨辟雍。行大射禮。(一〇二) (周禮春官) 王宮懸。(注) 宮懸。四
 面也。(一〇三) 大鼓。(一〇四) 四面鼓。(一〇五) 羽貌。(一〇六) 舜時禮官。(一〇七) 舜時樂官。(一〇八) 侯。射布。方十尺。(詩
 小雅) 大侯既抗。(一〇九) 五采之侯。侯中謂之正。(周禮) 王射三侯五正。(一一〇) 蔽以禦矢之具。以革為之。如今
 之屏風。張三侯。故設三乏。(一一一) 隱也。(一一二) 謂執旌。司射中當舉之。(周禮夏官) 服不氏。射則以旌居乏而待
 獲。(一一三) 鉗矢之具。侯高則以并夾取之。(一一四) 蓋却也。謂却於東階下。天子未乘之時也。(一一五) 金星也。(一一六)
 猶擊也。(一一七) 謂有篆刻文。故言華也。(一一八) 太一之御。(一一九) 黃帝三公。(一二〇) 攝提。星名。玉衡。北斗中星。主
 迴轉。飾於車。(一二一) 射宮謂辟雍也。(一二二) (周禮春官) 王出入則奏王夏。(一二三) (周禮春官) 凡射。王奏騶虞之
 樂。(一二四) 以象骨著右手巨指。以鉤弦。(一二五) 射者著於左臂。今護袖。(一二六) 手指相比。(一二七) 張也。(一二八) (禮
 月令) 季春句者畢出。萌者盡達。(白虎通) 天子親射。助陽氣。達萬物也。(一二九) 即箕宿。日月會於龍尾。十月時
 也。(一三〇) 鑿刀。刀環有鈴者。言天子親執鑿刀。袒右。膊而割牲以示敬也。(禮祭義) 食三老五更於太學。天子袒
 而割牲。(一三一) 三老也。(獨斷) 天子事三老。使者安車。輶輪。送迎而至家。天子獨拜。(一三二) 嘉賓謂三老五更也。
 (一三三) 愉愉和樂之貌。(一三四) 猶散被也。(一三五) 謂四方上下也。(一三六) (國語) 三時務農。(注) 三時。春夏秋。
 (一三七) 曜威。謂治兵也。(一三八) (公羊傳) 大閱者何。簡車馬也。(一三九) 上林苑也。(一四〇) 掌山澤之官。(一四一) 飲也。
 (一四二) 聚也。(一四三) 聚也。(一四四) 兵車也。(一四五) 輕車。驅逆之車也。(一四六) 調良馬可用獵者。(一四七) 健也。(一四八) 習
 也。(一四九) 古者天子出。建大牙旗。竿上以象牙飾之。(一五〇) 結止也。徒。衆也。營。域也。(一五一) 和。軍之正門。表。門表
 也。大閱。周禮曰。虞人為表。以旌為左右和門。(一五二) 司。主也。鉦鐸。所以謂軍節。周禮曰。教振旅。辨鼓鐸錫鑠之用
 也。(一五三) (周禮夏官) 司馬執鐸。以教坐作進退疏數之節。(一五四) 大閱。斬牲以徇陣。曰。不用令者斬之。(一五五)
 告也。(一五六) 令已行。軍法成。(一五七) 列人持火。(一五八) 敷。布也。言武士獵徒如星之布也。(一五九) 並陣名。(左昭)
 晉荀吳與華氏戰於赭丘。鄭融願為鸛。其御願為鵠。(又) 桓王伐鄭。鄭原繁為魚麗之陣。(一六〇) 行列如箕之張。
 如翼之舒。(一六一) 迹也。(一六二) (詩傳) 面傷不獻。翦毛不獻。(一六三) 雁鵠鵠雉鳩鵠也。(一六四) (禮內則) 牛膏香。犬

膏腴。雞膏腥。羊膏羶。(二〇五)「易」王用三驅。「穀梁傳」四時之田用三焉。一曰乾豆。二曰賓客。三曰充君之庖。(二〇六)天乙。殷湯名。「呂氏春秋」湯見網置四面。湯拔其三面。祝曰。欲高者高。欲下者下。吾取其犯命者。漢南之國聞之。曰。湯德及禽獸。三十國歸之。(二〇七)儀。則也。姬伯。文王爲西伯也。水北曰陽。太公望。東海人。西伯將出獵。卜之。曰。所獲非龍非豸。非虎非羆。霸王之輔。西伯獵。果遇太公於渭之陽。載與俱歸。立爲師。(二〇八)八方區宇。(二〇九)冬獵爲狩。敖在今河南滎陽縣。周宣王獵於此。(二一〇)小也。(二一一)岐陽。岐山之陽。成王所蒐之地。亦以小不足可數也。(二一二)逐疫。(二一三)疫氣。(二一四)「周禮夏官」方相氏掌蒙熊皮。黃金四目。玄衣朱裳。執戈揚盾。帥百隸而時儺。以索室毆疫。(二一五)爲人禱祝鬼神者。男曰覲。女曰巫。(二一六)茗也。以之爲帚。掃除不祥。「左襄」襄公乃使巫以桃刻先被殞。(二一七)童男童女也。(二一八)玄製。皁衣也。(二一九)「左昭」桃弧棘矢以除其災。(二二〇)射之高下準的。(二二一)鬼之剛而難者。(二二二)星流。謂羣鬼競走。煌煌然如火光之與星流也。「續漢書」儺持火炬送疫出端門外。騎騎傳炬出宮。五營騎士傳火棄洛水中。(二二三)疫鬼之惡者。(二二四)謂四海也。(二二五)「莊子」北溟者。天池也。(二二六)直渡曰絕。(二二七)殺也。(二二八)擊也。(二二九)惡鬼。(二三〇)「莊子」蝮蛇之狀。其大若鼓。其長若轆。紫衣而朱冠。(二三一)陷其頭也。(二三二)草澤之神也。(二三三)「山海經」有神耕父。處豐山。常游清冷之淵。清冷水名。在南陽西鄂山上。(二三四)「山海經」大荒之中。有山名不勾。有人衣青衣。名曰黃帝女魃。所居不用。溺。沈也。神潢。水名。(二三五)木石之怪。(二三六)耗鬼。(二三七)木石之怪。(二三八)殺也。(二三九)均惡鬼也。(二四〇)八方之神也。(二四一)小兒鬼。(二四二)鬼也。(二四三)老父神。如鳥。常含火在人家作怪災也。(二四四)「風俗通」黃帝書。上古時有神荼鬱壘昆弟二人。性能執鬼。度朔山上桃樹下。常簡閱百鬼。鬼無道理者。神荼與鬱壘持以葦索。執以銅虎。是故縣官常以臘祭夕。飾桃人。垂葦索畫虎於門。以禦凶也。梗。病也。(二四五)隅隙之間也。(二四六)靜潔也。(二四七)善也。言無復疫癘皆得安善也。(二四八)庶。衆也。漢書曰。陽陰和。風雨時。言疫癘既無。陰陽乃和。衆物育養也。(二四九)征。巡行也。考。問也。祥。吉也。「左襄」石桃曰。先王卜征五年。而歲考其祥。祥習則行。(二五〇)「虞書」三載考績。三考黜陟幽明。(二五一)秋風。(二五二)「禮月令」仲春之月。蟄蟲咸動。啓戶始出。(二五三)天子秋行。(二五四)稻也。(二五五)主田之官。(二五六)官名。「左昭」九扈爲九農正。扈民無淫者也。「注」扈有九種。以九扈爲九農之號。(二五七)在崑崙山上。(二五八)摹法也。(二五九)寧也。(二六〇)牢養也。(二六一)林氏。山名。騶虞義獸也。「山海經」林氏有珍獸。大若虎。五采畢具。尾長於身。其名騶吾。(二六二)剛也。(二六三)「孝經」援神奧。王者德至山陵。則澤出神馬。(二六四)神馬。一名吉光。然吉良騰黃。一馬而異名也。(二六五)「山海經」女牀之山有鳥焉。其狀如鶴。五色文。名曰鸞鳥。(二六六)「山海經」丹穴之山有鳥焉。其狀如鶴。五采。名曰鳳皇。是鳥也。飲食自歌。自舞。(二六七)

端木也。(二三八)「抱朴子」朱草長三尺。枝葉皆赤。莖似珊瑚。鸚冠子曰。聖王之德。下及萬靈。則朱草生。(二三九)中庭也。「詩陳風」中唐有覽。(二四〇)和也。(二四一)北狄別種。亦作丁靈。(二四二)南蠻也。(二四三)國名。在西海之西。(二四四)郡名。漢武帝置。在今朝鮮境內。(二四五)謂曉夷狄語者。(二四六)九度譯言。始至中國者也。(二四七)殷王盤庚。(二四八)小雅篇名。美宣王儉宮室。(二四九)黃帝。軒轅。(二五〇)為。作也。事業也。言以無為為功。以無事為業。澹然不煩。瀆也。老子曰。為無為。事無事。我無為而民自化。我無事而民自富。(二五一)「論語」顏淵問仁。子曰。克己復禮為仁。(二五二)「老子」知足常足。(二五三)不折其羽以為玩飾也。(二五四)不又。族取之為器也。(二五五)謹也。(二五六)驚也。(二五七)維也。(二五八)美也。(二五九)瑞應之草。王者賢聖太平和氣之所生。(二六〇)局小貌。(二六一)伏羲。神農。(二六二)遠迹也。(二六三)逮也。(二六四)見「左昭」言挈瓶之小智耳。尚不妄以假人也。(二六五)繼也。(二六六)功也。(二六七)勤也。(二六八)危也。(二六九)說苑曰。吳王欲從民飲。伍子胥曰。昔白龍下清冷之淵。化為魚。豫且射中目。白龍不化。豫且不射。君今棄萬乘之位。而從於臣。恐有豫且之患。(二七〇)悚懼也。(二七一)謂安往也。(二七二)以黃綿為丸。懸冠兩邊當耳。「大戴記」甞續塞耳。(二七三)禮記曰。君子在車。則聞鑾和之聲。行則鳴珮玉也。(二七四)「老子」天下無道。戎馬生於郊。天下有道。卻走馬以糞。「注」糞者。糞田也。兵甲不用。卻走馬以務農田。(二七五)並良馬名。見「呂氏春秋」。(二七六)斜斫曰槎。斬而復生曰枿。(二七七)麋子。(二七八)繁盛也。(二七九)言富饒是同。上下咸悅。故能雍和而廣也。(二八〇)猶人人也。(二八一)玄。神也。譎。變也。謂王莽之謀。陰行十八年。(二八二)常也。(二八三)勞也。(二八四)猶饒倖也。(二八五)驕也。(二八六)「易」履霜。堅冰至。(二八七)八尺曰尋。枚乘曰。十圍之木。始生而蘖。言事皆從微至著。不可不慎之於初也。(二八八)譎鼎之銘也。見「左昭」昧。早也。謂早起行大明之道。後世子孫。猶尚懈怠。(二八九)謂王莽之兵。猶擊柝守函谷關。而二輔兵已自入長安宮。朝廷顛隕。無復扶持也。(二九〇)「家語」孔子曰。入善人之室。如入芝蘭之室。久而不知其香。入不善人之室。如入鮑魚之肆。久而不知其臭。(二九一)黃帝樂。(二九二)淫聲也。(二九三)師曠字。曉音曲者。以喻安處先生也。(二九四)奪也。(二九五)三皇五帝之書。(二九六)炎帝神農後也。(二九七)神農名。(二九八)古國名也。「莊子」昔容成氏大庭氏。結繩而用之。若此時則至治也。(二九九)公子自稱。走使之入。猶言僕也。

勝

「諸家集評」姚氏曰。西京雄麗。欲掩孟堅。東京則氣不足。舉其辭不若東都之簡當。惟末章諷戒。擊切處。登

張平子思玄賦

仰先哲之玄訓^二兮。雖彌高而弗違。匪仁里其焉宅兮。匪義跡其焉追。潛服膺以永靖兮。縣日月而不衰。伊中情之信修兮。慕古人之貞節。竦余身而順止兮。遵繩墨而不跌。志搏搏以應縣兮。誠心固其如結。旌性行以製佩兮。佩夜光與瓊枝。繡幽蘭之秋華兮。又綴之以江蘼。美璧積以酷烈兮。允塵邈而難虧。既姱麗而鮮雙兮。非是時之攸珍。奮余榮而莫見兮。播余香而莫聞。幽獨守此仄陋兮。敢怠違而舍勤。幸二八之選虞兮。嘉傳說之生殷。尙前良之遺風兮。恫後辰而無及。何孤行之熒熒兮。子不羣而介立。感鸞鷲之特栖兮。悲淑人之希合。彼無合而何傷兮。患衆僞之冒真。日獲譴於羣弟兮。啓金縢而後信。覽蒸民之多僻兮。畏立辟以危身。增煩毒以迷惑兮。羌孰可爲言己。私湛憂而深懷兮。思繽紛而不理。願竭力以守義兮。雖貧窮而不改。執雕虎而試象兮。跼焦原而跟趾。庶斯奉以周旋兮。要既死而後已。俗遷渝而事化兮。泯規矩之園方。寶蕭艾於重筍兮。謂蕙芷之不香。斥西施而弗御兮。繫驪婁以服箱。行頗僻而獲志兮。循法度而離殃。惟天地之無窮兮。何遭遇之無常。不抑操而苟容兮。譬臨河而無航。欲巧笑以干媚兮。非余心之所嘗。襲溫恭之黻衣兮。被禮義之繡裳。辨貞亮以爲聲兮。雜伎藝以爲珩。昭綵藻與瑇瑁兮。璜聲遠而彌長。淹棲遲以恣欲兮。曜靈忽其西藏。恃己知而華予兮。鷓鴣鳴而不芳。冀一年之三秀兮。逾

白露之為霜。時^{四六}。塵塵而代序兮。疇可與乎比伉。咨妒媿之難並兮。想依韓^{四九}
 以流亡。恐漸冉而無成兮。留則蔽而不彰。心猶豫而狐疑兮。即歧趾而臚^{五〇}
 情。文君為我端著兮。利飛遜^{五一}以保名。歷衆山以周流兮。翼迅風以揚聲。二
 女感以崇嶽兮。或冰折而不營。天蓋高而為澤兮。誰云路之不平。勗自彊
 而不息兮。蹈玉階之嶢崢^{五三}。懼筮氏之長短兮。鑽東龜以觀禎。遇九皋之大
 鳥兮。怨素意之不逞。游塵外而警天兮。據冥翳而哀鳴。鵬鸚^{五六}競於貪婪兮。
 我修潔以益榮。子有故於玄鳥兮。歸母氏而後寧^{五七}。占既吉而無悔兮。簡元
 辰而俶裝^{五九}。日余沐於清源兮。晞余髮於朝陽。漱飛泉之瀝液兮。咀石菌之
 流英^{六三}。翺鳥舉而魚躍兮。將往走乎八荒。過少皞之窮野兮。問三邱乎句芒^{六八}。
 何道真之淳粹兮。去穢累而飄輕。登蓬萊而容與兮。鼈雖抃而不傾。留瀛
 洲而采芝兮。聊且以乎長生。憑歸雲而遐逝兮。夕余宿乎扶桑。飲青岑之
 玉醴兮。餐沆瀣^{七四}以為糧。發昔夢於木禾兮。穀崑崙之高岡。朝吾行於暘谷
 兮。從伯禹乎稽山。嘉羣神之執玉兮。疾防風之食言。指長沙之邪徑兮。存^{八〇}
 重華於南鄰。哀二妃之未從兮。翩續處彼湘濱。流目眺夫衡阿兮。覩有黎^{八四}
 之圯墳。痛火正之無懷兮。託山陂以孤魂。愁鬱鬱以慕遠兮。越卬州而游^{八七}
 遨。躋日中於昆吾兮。憇炎火之所陶揚。芒爍而絳天兮。水泫泫而涌濤。溫
 風翕其增熱兮。怒鬱悒其難聊^{九四}。顛羈旅而無友兮。余安能乎留茲。顧金天^{九七}

而歎息兮。吾欲往乎西嬉。前祝融使舉麾兮。纒朱鳥以承旗。躔建木於廣都兮。撫若華而躊躇。超軒轅於西海兮。跨汪氏之龍魚。聞此國之千歲兮。會焉足以娛余。思九土之殊風兮。從蓐收而遂徂。歛神化而蟬蛻兮。明精粹而爲徒。蹶白門而東馳兮。云台行乎中野。亂弱水之潺湲兮。逗華陰之端渚。號馮夷俾清津兮。擢龍舟以濟予。會帝軒之未歸兮。悵徜徉而延佇。泗河林之蓁蓁兮。偉關雎之戒女。黃靈詹而訪命兮。穆天道其焉如。日近信而遠疑兮。六籍闕而不書。神逵昧其難覆兮。疇克謨而從諸。牛哀病而成虎兮。雖逢昆其必噬。鼈令殪而尸亡兮。取蜀禪而引世。死生錯其不齊兮。雖司命其不喇。竇號行於代路兮。後膺祚而繁庶。王肆侈於漢庭兮。卒銜恤而絕緒。尉厖眉而郎潛兮。逮三葉而邁武。董弱冠而司袞兮。設王隧而弗處。夫吉凶之相仍兮。恆反側而靡所。穆屈天以悅牛兮。豎亂叔而幽主。文斷祛而忌伯兮。闔謁賊而寧后。通人闇於好惡兮。豈昏惑而能剖。羸擗讖而戒胡兮。備諸外而發內。或輦賄而違車兮。孕行產而爲對。慎竈顯以言天兮。占水火而妄訊。梁叟患夫黎邱兮。丁厥子而剗刃。親所隄而弗識兮。矧幽冥之可信。毋縣攀以待己兮。思百憂以自疹。彼天監之孔明兮。用斐忱而祐仁。湯蠲體以禱祈兮。蒙厖禡以拯民。景三慮以營國兮。熒惑次於他辰。魏穎亮以從治兮。鬼亢回以斃秦。咎繇邁而種德兮。樹德懋於

英六桑末寄夫根生兮一五三。卉既凋而已育。有無言而不酬兮一五四。又何往而不復。

盍遠迹以飛聲兮一五五。孰謂時之可蓄仰矯首以遙望兮一五六。魂憒憒而無儔。逼區

中之隘陋兮一五八。將北度而宣游行積冰之磴磴兮一五九。清泉互而不流。寒風淒其

永至今。拂穹岫之騷騷一六一。玄武縮於鼓中兮一六二。騰蛇蜿而自糾。魚矜鱗而并凌一六三。

兮。鳥登木而失條。坐太陰之屏室兮一六四。慨含歎而增愁。怨高陽之相寓兮一六五。佻

顛頊而宅幽一六七。庸織路於四裔兮一六八。斯與彼其何瘳。望寒開之絕垠兮一六九。縱余縲

乎不周一七〇。迅焱瀟其騰我兮一七一。驚翩飄而不禁。越谿瀾之洞穴兮一七二。漂通川之琳

琳一七三。經重厝乎寂寞兮一七四。愍墳羊之深潛。追荒忽於地底兮一七五。軼無形而上浮。出

石密之閭野兮一七六。不識蹊之所由。速燭龍令執炬兮一七七。過鍾山而中休。瞰瑤谿

之赤岸兮一七八。弔祖江之見劉。聘王母於銀臺兮一七九。羞玉芝以療飢。戴勝愁其既

歡兮一八〇。又謂余之行遲。載太華之玉女兮一八一。召洛浦之處妃。咸姣麗以蠱媚兮一八二。

增嫫眼而蛾眉一八三。舒紗婧之纖腰兮一八四。揚雜錯之袿徽。離朱脣而微笑兮一八五。顏的

礫以遺光一八六。獻環琨與琛一八七。綱兮一八八。申厥好以玄黃。雖色豔而賂美兮一八九。志浩蕩而

不嘉一九〇。雙材悲於不納兮一九一。並詠詩而清歌。歌曰。天地烟燼百卉含葩。鳴鶴交

頸。睢鳩相和。處子懷春。精魂回移。如何淑明。忘我實多。將答賦而不暇兮一九二。

爰整駕而亟行一九三。瞻崑崙之巍巍兮一九四。臨滎河之洋洋。伏靈龜以負坻兮一九五。互螭

龍之飛梁一九六。登闔風之層城兮一九七。構不死而為牀。屑瑤蘂以為糝兮一九八。斟白水以

為漿。抨巫咸以占夢兮。乃貞吉之元符。滋令德於正中兮。含嘉秀以為敷。
既垂穎而顧本兮。亦要思乎故居。安和靜而隨時兮。姑純懿之所廬。戒庶僚以夙會兮。僉供職而並迓。豐隆軒其震霆兮。列缺曄其照夜。雲師黶以交集兮。凍雨沛其灑塗。轆璣輿而樹葩兮。擾應龍以服輅。百神森其備從兮。屯騎羅而星布。振余袂而就車兮。修劍揭以低昂。冠岳岳其映蓋兮。佩綌纒以輝煌。僕夫儼其正策兮。入乘騰而超驤。氛旄溶以天旋兮。蜺旌飄以飛颺。撫輪軼而還睨兮。心勻鑠其若湯。羨上都之赫戲兮。何迷故而不忘。左青瑤之捷芝兮。右素威以司鉦。前長離使拂羽兮。後委水衡乎玄冥。屬箕伯以函風兮。徵洪忽而為清。曳雲旗之離離兮。鳴玉鸞之譽譽。涉清霄而升遐兮。浮蠖蠖而上征。紛翼翼以徐戾兮。焱回回其揚靈。叫帝閭使闕扉兮。覲天皇於瓊宮。聆廣樂之九奏兮。展洩洩以彤彤。彤彤考治亂於律均兮。意建始而思終。惟般逸之無斃兮。懼樂往而哀來。素女撫絃而餘音兮。太容吟曰念哉。既防盜而靖志兮。迨我暇以翔翔。出紫宮之肅肅兮。集太微之闐闐。命王良掌策駟兮。踰高閣之鏘鏘。建罔車之幕幕兮。獵青林之芒芒。彎威弧之拔刺兮。射蟠冢之封狼。觀壁壘於北落兮。伐河鼓之磅礴。乘天潢之汎汎兮。浮雲漢之湯湯。倚招搖攝提以低回兮。剡流兮。察二紀五緯之綢繆。通皇偃蹇天矯。婉以連卷兮。雜沓叢賴。颯以方驤。鹹汨颯淚沛。

以罔象兮爛漫麗靡藐以迭盪二七七凌驚雷之硠礚兮弄狂電之淫裔二七八踰厖鳩

於宕冥兮貫倒景而高厲廓盪盪其無涯兮乃今窺乎天外據開陽而頽二八二

眊兮臨舊鄉之暗藹悲離居之勞心兮情悄悄而思歸魂眷眷而屢顧兮二八三

馬倚輶而徘徊雖游娛以媮樂兮豈愁慕之可懷出閭闔兮降天途乘焱二八五

忽兮馳虛無雲菲菲兮繞余輪風眇眇兮震余旗續連翩兮紛暗曖儵眩二八七

眩兮反常閭收疇昔之逸豫兮卷淫放之遐心修初服之娑娑兮長余佩二八九

之參參文章奐以粲爛兮美紛紜以從風御六藝之珍駕兮游道德之平二九〇

林結典籍而為罟兮毆儒墨而為禽玩陰陽之變化兮詠雅頌之徽音嘉二九一

會氏之歸耕兮慕歷阪之嶽崱恭夙夜而不貳兮固終始之所服夕惕若二九二

厲以省僇兮懼余身之未勅苟中情之端直兮莫吾知而不忍默無為以二九三

凝志兮與仁義乎逍遙不出戶而知天下兮何必歷遠以劬勞系曰天長二九四

地久歲不留俟河之清祗懷憂願得遠度以自娛上下無常窮六區超踰二九五

騰躍絕世俗飄颻神舉逞所欲天不可階僊夫稀柏舟悄悄吝不飛松喬二九六

高時孰能離結精遠游使心攜迴志竭來從玄謀獲我所求夫何思二九七

【註音】(綴)音輟(選)音誤(譙)音獨(信)音申(襲)泥了切(怒)音獨(顛)音窟(穆)音鳩(刺)音恣三〇一

(襍)音斯(彌)虛加切(諺)音眇(崑)同巖(毆)同驅(僇)同愆(勅)同勅(惡)女育切三〇二

【釋義】●張平子名衡南陽西鄂人也漢和帝時為侍中順和二帝之時國政稍微專恣內豎平子欲言政三〇三

事又為奄豎所讒蔽不得志欲游六合之外勢既不能義又不可但思其玄遠之道而賦之以申其志耳●教也三〇四

善也。立也。心之所安曰止。垂貌。明也。珠名。玉樹也。繫也。藤蕪也。衣縫也。久遠也。大好也。所也。八愷八元也。〔左文〕昔高陽氏有才子八人。倉舒。隴戩。檣戩。大臨。虓降。庭堅。仲容。叔達。天下之民謂之八愷。高辛氏有才子八人。伯翳。仲堪。叔獻。季仲。伯虎。仲熊。叔豹。季狸。天下之民謂之八元。舜舉八愷。使主后土。舉八元。使布五教。遇也。〔書〕高宗夢得說。求諸野。得諸傅巖。痛也。言我後時將無及也。獨也。特也。皆鳥名。所以喻君子也。武王既喪。管叔流言。周公將不利於成王。王疑周公。及秋。天大雷電。以風。王與大夫啓金縢之書。乃得周公以身代武王之說。執書以泣。〔詩大雅〕民之多辟。無自立辟。上辟。邪僻。下辟。法也。言已之志也。陸。臨也。跟。足踵也。〔尸子〕莒國有石焦原者。廣尋長五十步。臨百仞之谿。莒國莫敢近也。有以勇見莒子者。獨卻行齊踵焉。所以稱於世。夫義之為焦原也。亦高矣。賢者之於義。必且齊踵。此所以服一世也。中黃伯曰。我左執太行之獲。右搏雕虎。唯象之未試。吾惑焉。有力者。則又願為牛。欲與象鬪。以自試。今二三子以為義矣。將烏乎試之。夫貧窮太行之獲也。疏賤義之雕虎也。而吾日遇之。亦足以試矣。言躬履仁義。不避險難。足以服一代之人。滅也。草名也。香草也。駿馬也。服。駕也。箱。大也。車。遭也。止也。苟容。孫卿子曰。儉合苟容。以持祿。交織也。小囊。威。帨巾者。〔禮內則〕男鞶革。女鞶絲。佩玉也。半璧也。久也。游息也。日也。知己也。杜鵑也。〔爾雅注〕芝。一歲三華。〔楚辭〕采三秀於山間。迫也。進貌。美也。韓衆仙人。岐山之足。陳也。文王也。〔易遯卦〕上九。肥遯無不利。〔淮南子〕遁而能飛。吉孰大焉。皆釋卦辭。從初至三為艮。艮為山。故曰歷衆山。從二至四為巽。巽為風。故曰翼迅風。從三至五為乾。乾為冰。故曰冰折而不營。遯上九變咸。咸感也。巽長女。兌少女。故曰二女。嶽即山也。又乾變為兌。乾為天。兌為澤。故曰天為澤。動勉也。乾為玉。故曰玉階。玉階。天子階也。嶢嶢。高貌。〔左傳〕晉卜人曰。筮短龜長。不如從長。言筮之未盡。復以龜卜之也。〔周禮〕龜人掌六龜之屬。東龜曰果。屬。其色青也。禎。祥也。言卜而遇大鳥之卦也。〔詩小雅〕鶴鳴於九臯。皆鸞鳥。以喻讒佞。子謂衡。玄鳥謂鶴也。母氏喻道也。言子有故於玄鳥。唯歸於道而後獲寧也。吉辰。始也。乾也。微流也。芝也。飛也。赴也。金天氏也。名摯。窮桑也。在今山東之北。指蓬萊。方丈。瀛洲也。木正。東方之神。少皞有子曰重。為句芒。不饒曰淳。不雜曰粹。鼈。大龜。拊。拊手。〔列仙傳〕巨鼈負蓬萊山而拊於滄海之中。〔十洲記〕瀛洲在東海之東。上生神芝。日所出處。山名。北方夜半氣。糧也。昔日夢至木禾。今親往。是發昔日之夢也。穀。生也。〔淮南子〕崑崙之上。有木禾焉。其穗長五尋。言夜夢木禾生於崑崙上。〔吳越春秋〕禹登茅山。會計治國之道。故更名會稽。在今浙江紹興縣東南。〔左昭〕禹合諸侯於塗山。執玉帛者萬國。〔國語〕仲尼曰。昔禹致羣神於會稽之山。防風氏後至。禹執而戮之。〔注〕羣神。謂主山川之君。為羣神之主。防風。汪芒氏。

君之名也。食言。違命後至也。①漢郡。包括今湖南全省地。②問也。③舜也。葬於蒼梧之九疑山。④堯之二女。娥

星女英。舜妻也。舜南巡狩。死於蒼梧。二妃留江湘之間。⑤衡山之曲。⑥黎。高辛氏之火正。謂祝融也。⑦黎為火正。

歸也。⑧正南州名也。⑨淮南子。日至於昆吾。是謂正中。注。昆吾。丘名。在南方。⑩山海經曰。西海之南。其外

有炎火之山。火山。長四十里。廣四五里。晝夜火然。⑪猶炎熾也。⑫光芒。⑬飛火。⑭沸貌。⑮合也。⑯思也。⑰獨也。

西方之帝少昊。⑱擊也。⑲鳳也。⑳次也。㉑淮南子。建木在廣都。㉒淮南子。若木在建木西。木有十日。其

華照地。㉓猶豫也。㉔山海經。軒轅之國。在窮山之際。其不壽者八百歲。龍魚陵居在其北。神聖乘此以行

九野。汪氏國。未詳何處。㉕九州也。㉖金正西方之神。少皞氏有子曰該。為蓐收。㉗疾貌。㉘蟬出於

皮殼也。㉙躡也。㉚淮南子。西南方偏駒之山曰白門。㉛我也。㉜絕流曰亂。㉝山海經。崑崙之丘。

其下有弱水環之。㉞華山之北。㉟華陰潼鄉人。河中溺死。是為河伯。㊱黃帝葬於西海橋山。神未東歸也。

㊲息也。㊳山海經。北望河林。其狀如舊。㊴茂盛貌。㊵詩曰。關關雎鳩。在河之洲。窈窕淑女。君子好逑。

㊶黃帝。㊷至也。㊸謀也。㊹求也。㊺六經也。㊻道也。㊼審也。㊽誰也。㊾牛哀。魯人。昆。兄也。㊿

淮南子。牛哀病七日。化而為虎。其兄啓戶而入。哀搏而殺之。㊱禪。傳位也。引。長也。揚雄蜀王本紀。荆人鼈

令死。其尸流亡隨江水上。至成都。見蜀王杜宇。杜宇立以為相。杜宇號望帝。自以德不如鼈令。以其國禪之。號開

明帝。㊱東方朔曰。司命之神。總鬼錄者。㊱昭晰也。㊱史記。呂太后時。出宮人以賜諸王。竇姬家在清和。

願如趙近家。請其主遣宦者吏。心置我趙任中。宦者忘之。誤置代任中。姬涕泣不欲往。相強乃行。至代。代王獨幸

竇姬。生景帝。後立為皇后。景帝生十四子。後至光武中興。㊱絕緒。言無後也。漢書。莽秉政。以女配平帝。聘以

黃金二萬斤。遣劉歆奉乘輿法駕。迎后于莽第。及莽篡位。后嘗稱疾不朝。會莽誅。后自投火中而死。㊱尉。官名

也。龐。蒼也。邁。遇也。漢武故事。上至郎署。見一老郎。鬢眉皓白。問何時為郎。何其老也。對曰。臣姓顏。名駟。以文帝

時為郎。文帝好文。而臣好武。景帝好老。而臣尚少。陛下好少。而臣已老。是以三葉不遇也。上感其言。擢為會稽都

尉。㊱禮記曰。人生二十曰弱冠。衰。三公服。墜。掘地通路。王葬禮也。漢書。董賢年二十二。為三公。哀帝崩。賢自

殺。家惶恐。夜葬之。莽疑其詐死。有司奏賢造冢墓。不異王制。賢既見發。羸其尸。因埋獄中。㊱魯大夫叔孫約。諡

曰穆。屈。至也。牛。謂豎牛。幽。閉也。大夫稱主。左襄。叔孫豹奔晉。宿於庚宗。遇婦人而私焉。至齊。夢天壓已。弗勝。願

而見人。號之曰牛。助余。乃勝之。及後還魯。庚宗之婦人獻以雉。曰。余子長矣。召而見之。則所夢也。遂使為豎。有寵。及穆子遇疾。豎牛欲亂其室。曰。夫子疾病。不欲見人。牛不進食。穆子餓死。㊱文。晉文公。祛。袂也。伯。謂伯楚。寺人勃鞞。字也。謁。告也。賊。謂呂甥卻芮等。國語。初。獻公使寺人勃鞞。伐公於蒲城。文公踰垣。勃鞞斬其祛。及入。勃鞞

求見於時呂甥卻芮畏逼。悔納公。謀作亂。伯楚知之。故求見公。公遽見之。以呂卻之謀告公。公會秦伯於王城。殺
呂卻。(二二)嬴秦姓。始皇發讖云。亡秦者胡。乃使蒙恬北築長城。以爲外備。而不知胡亥之亡秦。(二四)輦運也。車謂
張車子。昔有周擊者。家甚貧。夫婦夜田。天帝見而矜之。問司命曰。此可富乎。司命曰。命當貧。有張車子財。可以假
之。乃借而與之。期曰。車子生。急還之。家乃稍富。致貲巨萬。及期。忌司命之言。夫婦輦其賄以逃。與行旅者同宿。逢
夫妻寄車下宿。夜生子。問名於夫。夫曰。生車間。名車子。從是所向失利。遂更貧困。見「鬼神志」及「搜神記」。(二四)
慎者。魯大夫梓慎。竈者。鄭大夫裨竈。訊告也。「左氏傳」昭公二十四年。夏五月。乙未朔。日有食之。梓慎曰。將水。
叔孫昭子曰。旱也。日過分而陽猶不克。克必甚。能無旱乎。秋八月。大雩。旱也。「又十七年」冬。有星孛於大辰。西及
漢。鄭裨竈言於子產曰。宋衛陳鄭將同日火。若我用瓊華玉瓊。鄭必不火。子產弗與。「又十八年」夏五月壬午。宋
衛陳鄭皆火。裨竈曰。不用吾言。鄭又將火。鄭人請用之。子產曰。天道遠。人道邇。非所及也。何以知之。竈焉知天道。
遂不與。亦不復火。(二四)丁當也。剗。插刃也。梁國有地名黎丘。有奇鬼。善效人狀。邑丈人有入市而醉歸者。黎丘之
鬼。效其子狀。扶而道苦之。丈人歸。酒醒。誚其子曰。吾爲汝父也。我醉汝道苦我。何故。其子曰。孽矣。昔也。往責於東。
邑人可問也。其父信之曰。謹。是必奇鬼。明日之市而醉。其子恐其不能反。往迎之。丈人望見。拔劍而刺之。見「呂
氏春秋」。(二四)况也。(二四)牽制也。(二四)引也。(二四)疾也。(二四)視也。(二四)裴輔也。忱誠也。(二四)蠲潔也。「帝王紀」
湯時大旱七年。殷史卜曰。當以人禱。湯遂齋戒。剪髮斷爪。以己爲牲。禱於桑林之社。果大雨。(二五)大福也。(二五)熒
惑。火星。宋景公有疾。司馬子韋曰。熒惑守心。宋之分野。君當之。若祭。可移於相。公曰。相。寡人之股肱。豈可除心腹
之疾。移於股肱乎。曰。可移於民。公曰。國無民。何以爲國。曰。可移於歲。公曰。歲不登。何以蓄民。子韋曰。君善言。三熒
惑必退。三舍。延命二十一年。視之信。見「呂氏春秋」。(二五)亮信也。左氏傳曰。初。魏武子有嬖妾。武子疾。命嬖曰。
必嫁是。疾病。則曰。必以爲殉。及卒。願嫁之。曰。疾病則亂。吾從其治也。輔氏之役。顯見老人結草以亢杜回。顯而顯。
故獲之。夜夢之曰。余而所嫁婦人之父也。爾用先人之治命。余是以報也。(二五)邁。行也。英。六。並國名。楚末乃滅。「
書」咎繇邁種德。「史記」帝禹封臯陶之後於英。六。(二五)木名。(二五)謂寄生也。(二五)待也。(二五)失望也。(二五)徧也。
(二五)堅也。(二六)閉也。(二六)風勁貌。(二六)北方之神也。(二六)荀子。騰蛇無足而飛。(二六)寒貌。(二六)冰也。(二六)帝顓
頊也。(二六)勞也。(二六)涉路東西。有似於織。(二六)淮南子。北極之山曰寒門。(二七)山名。(二七)暴風也。(二七)疾貌。
(二七)送也。(二七)疾貌。(二七)空大貌。(二七)深貌。(二七)地下也。(二七)國語。季桓子穿井。獲如土缶。中有羊焉。使問
仲尼。仲尼對曰。以丘所聞。墳羊也。土之怪墳羊。(二七)山海經。西方曰密山。是生玄玉。(二八)召也。(二八)北方之
神。(二八)山海經。鍾山之東曰瑤崖。(二八)劉。殺也。「山海經」鍾山有子曰陂。其狀人面而龍身。與欽鳩殺祖江于

崑崙之陽。乃戮於鍾山之東。曰瑤崖。其魂化爲大鸞。(二四)王母之居。(二五)進也。(二六)《山海經》崑崙之丘有人戴勝。虎齒有尾。穴處。名曰西王母。(二七)笑貌。(二八)《詩含神霧》太華之山。上有玉女。主持玉漿。服之成仙。(二九)好也。(三〇)細腰貌。(三一)婦人上服。(三二)香纓。(三三)並玉佩也。(三四)美寶。(三五)纓也。(三六)縮綺也。(三七)環珉玄黃。(三八)玉女處妃。(三九)天地氣也。(四〇)《詩召南》有女懷春。吉士誘之。(四一)謂衡。(四二)水中高地。所以止船也。(四三)《十洲記》崑崙北角曰閼風之類。(四四)《淮南子》崑崙有層城九重。高萬一千里。上有不死樹在其西。(四五)酌也。(四六)《淮南子》白水在崑崙之源也。(四七)使也。(四八)古神巫。當殷中宗之時。(四九)禾之嘉秀。令德似之。禾既垂穎。顧本。人亦思其故居。(五〇)卽下豐隆列缺。(五一)聲也。(五二)陰貌。(五三)暴雨。(五四)輓上之環以貫轡者。(五五)以玉飾車。(五六)蓋之金華。(五七)馴也。(五八)龍有翼者。(五九)高貌。(六〇)威貌。(六一)氛氣爲旄。(六二)輪。輪也。軹。車軸之端。(六三)熱貌。(六四)謂天上也。(六五)威貌。(六六)迷惑故事。(六七)青龍文也。(六八)豎也。(六九)小蓋也。(七〇)白虎也。(七一)鏡也。(七二)朱雀。(七三)水官。(七四)水神。(七五)風師。(七六)垢濁也。(七七)小蟲。(七八)至也。(七九)火華也。(八〇)光明貌。(八一)《史記》趙簡子曰。我之帝所甚樂。與百神游于鈞天。廣樂九奏。(八二)《左隱》公賦大隧之中。其樂也融融。姜出賦大隧之外。其樂也洩洩。《注》融融。和也。洩洩。舒散也。(八三)《詩序》太平之音安以樂。其政和。亂世之音怨以怒。其政乖。律。十二律也。均。樂器。長八尺。施絃以調六律也。(八四)樂也。(八五)縱也。(八六)厭也。(八七)黃帝時術女。(八八)黃帝樂師。(八九)二星名。(九〇)天駟旁一星。(九一)閣道星也。(九二)高貌。(九三)畢星也。(九四)暗貌。(九五)天苑也。(九六)星名。(九七)彎弓貌。(九八)山名。(九九)均星名。壁。營壁。壘。中壘。北落。在壁壘旁。(一〇〇)星名。(一〇一)天津。(一〇二)天河。(一〇三)流貌。(一〇四)並星名。招搖。近北斗。攝提。直斗柄所指。以建時節。(一〇五)繚繞也。(一〇六)日月。(一〇七)五星。(一〇八)連綿也。(一〇九)往來貌。(一一〇)驕傲貌。(一一一)縱恣貌。(一一二)跳也。(一一三)長曲貌。(一一四)衆多之貌。(一一五)威貌。(一一六)皆疾貌。(一一七)卽仿像也。(一一八)分散貌。(一一九)乘也。(一二〇)雷聲。(一二一)電貌。(一二二)皆天之高氣也。(一二三)凌陽明經曰。倒景氣。去地四千里。其景皆倒在下。(一二四)《春秋運斗樞》北斗第六星爲開陽。(一二五)遠貌。(一二六)憂也。(一二七)轅也。(一二八)忽高忽下貌。(一二九)所以進士衆之旗。《周禮》鳥隼爲旟。(一三〇)目視不明貌。(一三一)故里。(一三二)禮樂射御書數。(一三三)儒墨。儒家者。述聖道之書也。以仁義爲本。以禮樂爲用。墨家者。強本節用之書也。以貴儉尙賢爲用。(一三四)嶽。崑崙山勢竦立貌。《琴操》歸耕者。會子之所作也。會子事孔子十餘年。晨覺。容然念二親年衰。養之不備。於是援琴鼓之曰。往而不反者。年也。不可得而再事者。親也。歔歔歸耕來兮。安所耕。歷山盤兮。(一三五)不差貳也。(一三六)《易》君子終日乾乾。夕惕若厲。(一三七)整也。(一三八)慙也。(一三九)黃河千年一清。《左襄》俟河之清。人壽幾何。(一四〇)柏舟。詩篇名。言仁而不遇也。悄悄。憂貌。吝。惜也。其詩曰。憂心悄悄。慙於羣小。又曰。靜言思之。不能奮飛。(一四一)仙人赤松子。王子喬也。(一四二)踞也。(一四三)附也。

【諸家集評】李善曰順和二帝之時國政稍微內豎專恣平子欲言政事又爲奄豎所讒蔽意不得志欲遊六合之外勢既不能義又不可但思其玄遠之道而賦之以申其志耳
吳至父曰幽通獨狃之體思玄更出入於相如以爭奇雖醇茂不逮而奇麗過之又曰孟堅篤志爲己平子則憂傷不遇所守不同其遭世亦異此賦亦四愁之情也



卷七十一 辭賦類十

王子山魯靈光殿賦

魯靈光殿者。蓋景帝程姬之子恭王餘之所立也。初恭王始都下國好治宮室。遂因魯僖基兆而營焉。遭漢中微。盜賊奔突。自西京未央建章之殿。皆見隳壞。而靈光巋然獨存。意者豈非神明依憑支持。以保漢室者歟。然其規矩制度。上應星宿。亦所以永安也。予客自南鄙。觀藝於魯。覩斯而貽曰。嗟乎。詩人之興。感物而作。故奚斯頌僖。歌其路寢。而功績存乎辭。德音昭乎聲。物以賦顯。事以頌宣。匪賦匪頌。將何述焉。遂作賦曰。

粵若稽古。帝漢祖宗。濬哲欽明。殷五代之純。熙紹伊唐。之炎精。荷天衢以元亨。廓宇宙而作京。敷皇極以創業。協神道而大寧。於是百姓昭明。九族敦序。乃命孝孫。俾侯於魯。錫介珪以作瑞。宅附庸而開宇。乃立靈光之秘殿。配紫微而為輔。承明堂於少陽。昭列顯於奎之分野。瞻彼靈光之為狀也。則嵯峨峩峩。峩峩峩峩。巍巍磊磊。吁可畏乎其駭人也。迢嶢倜儻。豐麗博敞。洞軫轉。轉乎其無垠也。邈希世而特出。完瓌譎而鴻紛。屹山峙以紆鬱。隆崛岉乎青雲。鬱坱圠以嶢岉。崩嶮嶮而龍鱗。汨磴磴以璀璨。赫燁燁而燭坤。狀若積石之鏘鏘。又似乎帝室之威神。崇墉岡連。以嶺屬。朱闕巖巖而雙立。高

門擬於閶闔。方二軌而並入。於是乎乃歷夫泰階以造其堂。俯仰顧盼。東
西周章。形彩之飾。徒何為乎。濔濔泔泔。流離爛漫。皓壁暘曜。以月照。丹柱
歛艷而電燄。霞駁雲蔚。若陰若陽。濯瀟瀟。燁燁煌煌。隱陰夏。以中處。靈
寥窈以崢嶸。鴻曠焜以燼閶。颺蕭條而清冷。動滴瀝以成響。殷雷應其若
驚。耳嘈嘈以失聽。目矍矍而喪精。駢密石與琅玕。齊玉璫與璧英。遂排金
扉而北入。宵藹藹而曖曖。旋室嫵媚。以窈窕。洞房叫窳。而幽邃。西廂踟躕
以閑宴。東序重深。而奧秘。屹睥睨以勿罔。屑鬢鬢以懿凜。魂悚悚其驚斯。
心惻惻而發悸。於是詳察其棟宇。觀其結構。規矩應天。上憲崑陬。俯俛雲
起。嶽崑離樓。三間四表。八維九隅。萬楹叢倚。磊砢相扶。浮柱峒嶸。以星懸。
漂嶢峴而枝柱。飛梁偃蹇。以虹指。揭蘧蘧而騰湊。層櫺環。以岌峨。曲栱
要紹而環句。芝栴攢羅。以戢。香枝穿杈。枒而斜據。傍天嶠以橫出。互黝糾
而搏負。下第蔚以璀璨。錯上崎嶇。而重注。捷獵鱗集。支離分赴。縱橫駱驛。各
有所趣。爾乃懸棟結阿。天窗綺疏。圓淵方井。反植荷蕖。發秀吐榮。菡萏披
敷。綠房紫葍。窈窕垂珠。雲藻藻。龍栢雕鏤。飛禽走獸。因木生姿。奔虎攫
拏。以梁倚。佗奮豐而軒鬣。虬龍騰驤。以蜿蟺。領若動而躩。踞朱鳥舒翼。以
峙衡。騰地踔。蚪而繞。棖白鹿子。蜺於構。櫺蟠螭宛轉。而承楣。狡兔踈伏。於
柎側。援狄攀椽。而相追。玄熊甜談。以斷斷。卻負戴而蹲踖。齊首目以瞪眄。

徒眴眴以狉狉。胡人遙集於上楹。儼雅蹠而相對。乞欺猥以鵬耽。顛顛顛顛。而睽睽。狀若悲愁於危處。憺顛顛盛而含悴。神僊岳岳於棟間。玉女窺窗而下視。忽矇眇以響像。若鬼神之髣髴。圖畫天地。品類羣生。雜物奇怪。山神海靈。寫載其狀。託之丹青。千變萬化。事各繆形。隨色象類。曲得其情。上紀開闢。遂古之初。五龍比翼。人皇九頭。伏羲鱗身。女媧蛇軀。鴻荒樸略。厥狀睢盱。煥炳可觀。黃帝唐虞。軒冕以庸。衣裳有殊。下及三后。淫妃亂主。忠臣孝子。烈士貞女。賢愚成敗。靡不載敘。惡以誠世。善以示後。於是乎連閣承宮。馳道周環。陽榭外望。高樓飛觀。長塗升降。軒檻曼延。漸臺臨池。層曲九成。屹然特立。的爾殊形。高徑華蓋。仰看天庭。飛陛揭孽。緣雲上征。中坐垂景。頰視流星。千門相似。萬戶如一。巖突洞出。逶迤詰屈。周行數里。仰不見日。何宏麗之靡靡。咨用力之妙勤。非夫通神之俊才。誰能克成乎此勲。據坤靈之寶勢。承蒼昊之純殷。包陰陽之變化。含元氣之烟燼。玄醴騰涌於陰溝。甘露被宇而下臻。朱桂黝儵於南北。蘭芝阿那於東西。祥風翕習以颯灑。激芳香而常芬。神靈扶其棟宇。歷千載而彌堅。永安寧以祉福。長與大漢而久存。實至尊之所御。保延壽而宜子孫。苟可貴其若斯。孰亦有云而不珍。亂曰。彤彤靈宮。歸罪穹崇。紛龐鴻兮。崩芳磁釐。岑峯崑崙。駢巖崑崙。今連拳偃蹇。崑崙踳嶮。傍敲傾兮。歎歎幽藹。雲覆靈靈。洞杳冥兮。蔥翠紫

蔚礪礪環環瑋。含光晷兮窮奇極妙。棟宇已來。未之有兮。神之營之。瑞為漢

室。永不朽兮。

〔註音〕(歸)音喟(宿)音秀(貽)答去聲(罪)音罪(嵬)五賄切(峗)完軌切(螺)苦猥切(嶢)音堯(瓌)同瑰(屹)疑暉切(吻)音勿(嶒)音層(岷)音宏(崩)音仄(磴)音該(璫)取猥切(璨)音祭(澤)音亦(屬)音燭(濼)同皓(阡)通斤(歛)音吸(施)許禮切(擬)弋獸切(濯)音霍(獲)音穫(暘)音藁(煒)音偉(憲)烏宏切(竊)音巢(曠)音續(焜)音聶(燻)音儻(鬪)音瑟(嘈)音曹(瓊)火縣切(曉)同暗(曖)叶許既切(煥)房連切(窳)音條(邃)音遂(墜)客庚切(曠)音萌(鑿)音掩(滂)匹備切(猥)音徒(觜)音貲(陬)將侯切(偏)音蠹(侏)音詭(崱)音吟(樓)叶閭(珂)音裸(昭)音條(湄)音遞(峴)音孽(蘧)音渠(磔)音壘(侏)音詭(枳)音雞(桷)音而(香)音擬(掌)音儻(叔)音又(牙)音牙(黝)于糾切(嶸)符弗切(崎)音綺(蟻)音蟻(菡)音頷(茗)情感切(蒨)音的(窳)音絀(窳)陟嫁切(棗)音節(稅)音拙(乞)魚乞切(鬻)音耆(驪)音達(駝)音尼(縲)音柳(虬)巨小切(蜺)音彙(構)音博(櫨)音盧(跽)音詮(柎)音膚(甜)他甘切(談)吐檻切(斷)音銀(蹶)音夷(瞪)直證切(脈)音麥(狝)牛飢切(吹)同瞞音血(顛)音凹(頹)虛交切(頹)音寥(睽)音悻(盱)音吁(頰)同俯(颯)蘇合切(彪)莫黃切(劣)音力(磁)音茲(齧)音蓄(嶷)音疑(龍)音聾(從)音竦(吟)音權(嶢)初限切(歛)許鬱切(靈)覃上聲(鬻)音險(福)音磊(瓌)音猥

〔釋義〕

●延壽。字文考。有雋才。南郡宜城人也。後溺水死。時年二十餘歲。●古以天子為上國。諸侯為下國。●僖公名申。北城也。昔僖公使大夫公子奚斯。上新姜嫄之廟。下治文公之宮。●突。唐突也。●高大堅固也。●荆州也。●藝六經也。魯有周公孔子在焉。●愕視。●奚斯。魯公子也。〔詩閔宮〕松栢有鳥。路寢孔碩。新廟奕奕。奚斯所作。●若。順也。稽。考也。〔虞書〕粵若稽古帝堯。●濬。深也。哲。智也。〔虞書〕濬哲文明。●欽。敬也。〔虞書〕欽明文思安安。此以堯舜比漢。●威也。●周。殷。夏。虞。唐。也。●大也。●廣也。●紹。繼也。言漢感于五代純熙之道而紹帝堯火德之運。〔易〕荷天之衢。道大行也。〔注〕人君在上位。負荷天之大道。〔又〕元。善之長也。亨者。嘉之會也。●皇極。皇建其有極。謂得中也。協和神明之道。而天下大甯。皆謂初漢之盛時也。●見〔堯典〕。●高祖玄孫之親也。●大圭。長尺二寸。●信也。諸侯錫大圭以為信。●附庸。不及五十里附於諸侯之小國。〔詩魯頌〕大啓爾宇。為周室輔。●星。星座名。三垣之一。〔晉書〕紫微垣十五星。一曰紫微。天帝之座也。天子之所居。〔漢書〕泰山郡奉高縣有明堂。武帝造。奉高。今山東泰安縣。●東方也。●皆高峻貌。●曠遠深邈貌。●高大貌。

高貌。①無齊限也。②深空貌。③高峻貌。④不平貌。⑤淨貌。⑥高貌。⑦衆材飾貌。⑧光明貌。⑨光照下土。⑩山名。⑪高貌。⑫言尊嚴也。⑬牆也。⑭猶周詳也。⑮光明威貌。⑯分散遠貌。⑰白也。⑱赤色威貌。⑲光威起也。⑳采色衆多。眩曜不定也。㉑向北之殿也。㉒皆幽深之貌。㉓大也。㉔皆寬明也。㉕清涼之貌。㉖聲衆也。㉗目不正也。㉘緻密之石也。㉙珠也。似玉。㉚玉飾椽頭。㉛玉有英華之色。㉜言深遠也。㉝曲屋也。㉞迴曲貌。㉟深遠貌。㊱西廂。西序也。踟躕。連閣傍小室也。閑。清閑也。可以燕會。㊲視不分明。㊳隱也。㊴深遠貌。㊵懼貌。㊶心動也。㊷法也。㊸星名。二十八宿之一。〔爾雅〕娠訾之口。營室東壁也。〔注〕自尾十六度。至奎四度爲娠訾。衛之分野。㊹衆木交加貌。㊺室每三間。則有四表。四角四方爲八維。并中爲九。㊻壯大之貌。㊼山形。㊽輕貌。㊾不安貌。㊿言無根而倚立也。①高也。②柱上枅。③重累貌。④高貌。⑤柱上橫木。承棟者。⑥曲貌。⑦曲也。⑧芝栢山節。方小木爲之。⑨聚也。⑩衆聚貌。⑪柱也。⑫參差之貌。⑬特出。⑭相連續貌。⑮負荷而攢搏也。⑯特起貌。⑰衆威貌。⑱危險貌。⑲猶屬也。⑳二二相接貌。⑳二三分散也。㉑柱也。㉒文鏤刻飾。㉓根在上。葉在下。㉔荷花。㉕蓮房。㉖蓮實。㉗物在穴中貌。㉘棗。構櫺。卽枅也。上畫雲氣。㉙椽。梁上短柱。畫爲藻文。㉚畫椽爲龍。㉛相搏持也。㉜相著也。㉝舉頭。㉞動也。㉟舉也。㊱背上鬣也。㊲盤屈搖動貌。㊳搖頭也。㊴動貌。㊵四阿之長衡也。㊶曲貌。㊷椽也。㊸延首之貌。㊹匍匐也。㊺闕足。㊻吐舌貌。㊼爭貌。㊽踞也。㊾駢頭而視。㊿相視也。㉑犬怒貌。㉒儼雅。踞貌。欺猥。大首也。鵬歎。如鵬之視也。頤。頭凹也。頹。頭長也。睽睽。張目貌。嘖。憂貌。皆胡夷之畫形也。人尊於鳥獸。故著在上。楹。儼雅而相對。言恭敬也。㉓立貌。㉔視不明之貌。㉕猶依稀也。㉖形不同也。㉗春秋命曆序曰。皇伯。皇仲。皇叔。皇季。皇少。五姓。同期俱駕龍。周密與神通。號曰五龍。㉘九人也。〔春秋緯〕天皇。地皇。人皇。兄弟卽九人分九州。長天下也。㉙〔玄中記〕伏羲龍身。女媧蛇軀。㉚仰目。㉛張目。㉜二后。卽夏妹喜。殷妲己。周褒姒。皆姪妃也。㉝屈原。子胥。㉞申生。伯奇。㉟豫讓。聶政。㊱梁寡。昭姜等。㊲天皇大帝上九星。㊳星垣名。太微爲天庭。中有五帝座。㊴高貌。㊵細好也。㊶大中。㊷天地之蒸氣。〔易〕天地絪縕。萬物化醇。㊸茂也。㊹柔也。㊺威貌。㊻風聲。㊼皆高大之貌。㊽皆險峻之貌。㊾皆特起之貌。㊿皆幽邃之貌。㉑雕飾之貌。

王仲宣登樓賦

登茲樓以四望兮。聊假日以銷憂。覽斯宇之所處兮。實顯敞而寡仇。挾清

漳之通浦兮。倚曲沮之長洲。背墳衍之廣陸兮。臨皋隰之沃流。北彌陶牧。西接昭邱。華實蔽野。黍稷盈疇。雖信美而非吾土兮。會何足以少留。遭紛濁而遷逝兮。漫踰紀以迄今。情眷眷而懷歸兮。孰憂思之可任。憑軒檻以遙望兮。向北風而開襟。平原遠而極目兮。蔽荆山之高岑。路逶迤而修迥兮。川既濛而濟深。悲舊鄉之壅隔兮。涕橫墜而弗禁。昔尼父之在陳兮。有歸與之歎音。鍾儀幽而楚奏兮。莊舄顯而越吟。人情同於懷土兮。豈窮達而異心。惟日月之逾邁兮。俟河清其未極。冀王道之一平兮。假高衢而騁力。懼匏瓜之徒懸兮。畏井渫之莫食。步棲遲以徙倚兮。白日忽其將匿。風蕭瑟而並興兮。天慘慘而無色。獸狂顧以求羣兮。鳥相鳴而舉翼。原野闐其無人兮。征夫行而未息。心悽愴以感發兮。意忉忉而慙慙。循階除而下降兮。氣交憤於胸臆。夜參半而不寐兮。悵盤桓以反側。

【註音】(傑)音泄(慘)通驂(闐)曲械切(忉)音刀(慙)音旦(憊)音慘

【釋義】●王仲宣名粲。漢末高平人。仕於魏。官至侍中。為建安七子之一。●匹也。●源出湖北南漳縣西南之蓬萊洞。東南流經鍾祥。當陽。合沮水。又東南經江陵縣治。入江。●源出湖北保康縣西南。東南流經南漳。遠安。當陽。合漳水。又東南經江陵縣西境。入江。●水涯曰境。下平曰衍。●水岸曰皋。下濕曰隰。●漣。●漣。●漣。●終極也。●郊外曰牧。〔荊州記〕江陵縣西有陶朱公冢。其碑云。是越之范蠡而終于陶。●當陽東南有楚昭王墓。登樓則見所謂昭邱。●耕治之田也。●十二年曰紀。●在湖北南漳縣西八十里。●〔爾雅〕山小而高曰岑。●長貌。●遠也。●長也。●〔論語〕子在陳曰。歸歟歸歟。●〔左成〕晉侯觀于軍府。見鍾儀。問曰。南冠而縶者誰也。有司對曰。鄭人所獻楚囚也。使稅之。問其族。伶人也。使與之琴。操南音。公曰。樂操土風。不忘舊也。●史記曰。陳軫適楚。秦惠王曰。

子去寡人之楚。亦思寡人否。陳軫對曰。昔越人莊鳥。仕楚執珪。有頃而病。楚王曰。鳥故越之鄙細人也。今仕楚執珪。富貴矣。亦思越否。對曰。凡人之思故。在其病也。彼思越則越聲。不思越則且楚聲。人往聽之。尚猶越聲也。今臣雖棄逐之楚。豈能無秦聲者哉。○鄭子駟曰。周詩有云。俟河之清。人壽幾何。○道也。○〔論語〕子曰。吾豈匏瓜也哉。焉能繫而不食。言冀往仕而得祿也。○〔易〕井澤不食。為我心恻。○游息也。毛詩曰。衡門之下。可以棲遲。○低徊也。○靜也。○悲痛也。○悽傷也。○分也。○不進也。

〔諸家集評〕吳至父曰。兩漢積郁之體。於是一變。建安七子所以為雄。

張茂先鷦鷯賦

鷦鷯。小鳥也。生於蒿萊之間。長於藩籬之下。翔集尋常之內。而生生之理足矣。色淺體陋。不為人用。形微處卑。物莫之害。繁滋族類。乘居匹游。翩翩然有以自樂也。彼鷲鸚鷓鴣。孔雀翡翠。或凌赤霄之際。或託絕垠之外。翰舉足以沖天。觜距足以自衛。然皆負矰嬰繳。羽毛入貢。何者。有用於人也。夫言有淺而可以託深。類有微而可以喻大。故賦之云爾。

何造化之多端兮。播羣形於萬類。惟鷦鷯之微禽兮。亦攝生而受氣。育翮*二之陋體兮。無玄黃以自貴。毛弗施於器用兮。肉不登乎俎味。鷹鷂過猶*一俄翼兮。尚何懼於置罽。翳蒼蒙龍是焉游集。飛不飄颻。翔不翕習。其居易容。其求易給。巢林不過一枝。每食不過數粒。棲無所滯。游無所盤。匪陋荆棘。匪榮蒨蘭。動翼而逸。投足而安。委命順理。與物無患。伊茲禽之無知兮。何處身之似智。不懷寶以賈害兮。不飾表以招累。靜守約而不矜。動因循

以簡易。任自然。以為資。無誘慕於世偽。鵬鷗三介其觜距。鵠鷺二三四軼於雲際。鷗雞竄於幽險。孔翠生乎遐裔。彼晨鳧二五與歸雁。又矯翼而增逝。咸美羽而豐肌。故無罪而皆斃。徒銜蘆二六以避繳。終為戮於此世。蒼鷹鷲而受縲。鸚鵡惠而入籠。屈猛志以服養。塊二七幽繫於九重。變音聲以順旨。思摧翻而為庸。戀鍾岱之林野。慕隴坻之高松。雖蒙幸於今日。未若疇昔之從容。海鳥鷓鷯三〇避風而至。條枝三一巨雀。踰嶺自致。提挈萬里。飄飆逼畏。夫惟體大妨物。而形壞足瑋也。陰陽陶蒸。萬品一區。巨細舛錯。種繁類殊。鷦螟三二巢於蚊睫。大鵬三三彌乎天隅。將以上方不足。而下比有餘。曾天壤以遐觀。吾又安知小大之所如三四。

【註音】(鷗)音焦(鷗)音聊(鷗)音就(鷗)音會(鷗)音灼(鷗)虛宜切(鷗)諸延切(鷗)音衝(鷗)音尉(賈)音古(縲)音諱(惠)通慧(坻)音底(鷗)音袁(鷗)音居(舛)昌兗切(螟)音冥(睫)音接

【釋義】①張茂先名華。晉范陽方城人。學業優博。以參贊伐吳。功成封庶武侯。拜侍中。著有博物志十卷。

鷦螟。小雀也。狀似黃雀。一名巧婦。又曰想思。俗稱黃脰鳥。②八尺曰尋。倍尋曰常。③物雙曰乘。匹。偶也。【列女傳】

妾后曰。雖鳩之鳥。猶未常見其乘居而匹遊。④自得之貌。⑤鷺鳥。即鷺也。⑥鷺鳥也。嘴短。趾有連膜。後趾能前後

迴轉。棲水邊捕魚為食。俗稱魚鷹。古謂之雌鳩。⑦鳥名。鷺雞。似鷺。黃白色。長頸赤喙。⑧天色赤也。【楚辭】載赤霄

而凌太清。⑨天邊之地也。【楚辭】踔絕垠于寒門。⑩以繩繫絲而射也。⑪翮。疾飛。鷗。小飛。⑫天地。⑬皆鷺鳥。⑭邪

傾貌。⑮捕鳥之網。⑯草木茂盛貌。【孫子兵法】林木翳蒼。草樹蒙籠。⑰威貌。⑱莊子曰。鷦鷯巢林。不過一枝。⑲樂

也。⑳左相。虞叔有玉。虞公求旃。弗獻。既而悔之。曰。周任有言曰。匹夫無罪。懷璧其罪。吾焉用此。以賈其害。㉑鷺

雉屬。較雉為大。性猛好鬪。至死不卻。㉒似雁而大。俗名天鵝。全體色白。頸長。嘴根有瘤。色黃赤。飛翔甚高。鳴聲洪

亮。㉓水鳥。羽純白。頸脚皆長。脚青色。嘴長二三寸。頂有白毛。頗長。肩背胸部亦生長毛。棲息水邊。捕食魚類。㉔野

鴨。【淮南子】雁銜蘆而翔。以備增繳。㉕獨也。㉖鍾岱二山。鷺之所產。【漢書】趙地鍾岱。迫近胡寇。【注】鍾所在

未聞。漢有代郡。故代國也。①即隴山。在陝西隴縣西北。產鸚鵡。〔補衡鸚鵡賦〕命虞人於隴坻。②〔國語〕海鳥曰爰居。止於魯東門外。展禽曰。今茲海其有災乎。夫廣川之鳥獸。常知而避其災。是歲海多大風。③國名。臨西海。有大鳥。④〔晏子春秋〕東海有蟲。巢於蚊睫。再飛而蚊不為驚。臣不知其名。而東海有通者。名曰鷦嶼。⑤〔莊子〕北溟有魚。其名曰鯤。化而為鵬。怒而飛。翼若垂天之雲。⑥莊子。北海若曰。以差觀之。因其所大而大之。則萬物莫不大。因其所小而小之。則萬物莫不小。則差數觀矣。歸田賦曰。安知榮辱之所如。

〔諸家集評〕張泉文曰。歐榮緒晉書華為太常博士轉兼中書郎。雖處雲閣。慨然有感。作鸚鵡賦。以文意為合。今晉書謂華未知名。著此賦。以自寄。非也。

潘安仁秋興賦

晉十有四年^二。余春秋三十有二。始見二毛^三。以太尉掾兼虎賁中郎將^五。寓直於散騎之省^六。高閣連雲。陽景罕曜^{*七}。珥蟬冕而襲紈綺^九之士。此焉游處。僕野人也。偃息不過茅屋茂林之下。談話不過農夫田父之客。攝官承乏。猥廁朝列^二。夙興晏寢。匪遑底寧。譬猶池魚籠鳥。有江湖山藪之思。於是染翰操紙。慨然而賦。于時秋也。故以秋興名篇。其辭曰。

四運忽其代序^{一四}兮。萬物紛以迴薄。覽花時之時^{*一三}育兮。察盛衰之所託。感冬索而春敷^{一五}兮。嗟夏茂而秋落。雖末士之榮悴兮。伊人情之美惡。善乎宋玉之言曰。悲哉秋之為氣也。蕭瑟兮。草木搖落而變衰。僚慄兮。若在遠行。登山臨水。送將歸。夫送歸懷慕。徒之戀兮。遠行有羈旅之憤。臨川感流。以歎逝兮。登山懷遠。而悼近^{一八}。彼四感之疚心兮。遭一塗而難忍。嗟秋日之可哀。

兮諒無愁而不盡。野有歸燕。隰有翔隼。游氛朝興。槁葉夕殞。於是乃屏輕
*二三。 箠釋纖絺藉莞。翦御袷衣。庭樹槭以灑落兮。勁風戾而吹帷。蟬嘒嘒以寒
*二四。 吟兮。雁飄飄而南飛。天晃朗以彌高兮。日悠揚而浸微。何微陽之短晷兮。
*二五。 覺涼夜之方永。月朧朧以含光兮。露淒清以凝冷。熠燿粲於階闈兮。蟋蟀
*二六。 鳴乎軒屏。聽離鳩之晨吟兮。望流火之餘景。宵耿介而不寐兮。獨展轉乎
*二七。 華省。悟時歲之適盡兮。慨俛首而自省。斑鬢影以承弁兮。素髮颯以垂領。
*二八。 仰羣俊之逸軌兮。攀雲漢以游騁。登春臺之熙熙兮。珥金貂之炯炯。苟趣
*二九。 舍之殊途兮。庸詎識其躁靜。聞至人之休風兮。齊天地於一指。彼知安而
*三〇。 忘危兮。固出生而入死。行投趾於容跡兮。殆不踐而獲底。闕側足以及泉
*三一。 兮。雖猴猿而不履。龜祀骨於宗祧兮。思反身於綠水。且斂衽以歸來兮。忽
*三二。 投紱以高厲。耕東臯之沃壤兮。輸黍稷之餘稅。泉涌湍於石間兮。菊揚芳
*三三。 乎崖。滋澡秋水之涓涓兮。玩游鯈之漉漉。逍遙乎山川之阿。放曠乎人間
*三四。 之世。優哉游哉。聊以卒歲。
*三五。

【註音】(據)緣去聲(罕)同罕(珥)音耳(時)音時(愴)音聊(感)音戚(箠)音捷(莞)音桓(翦)音若(袷)音夾(槭)音瑟(嘒)音喙(戾)胡廣切(熠)異立切(燿)音耀(影)匹料切(紱)音弗(澁)音誓(燥)音早(鯈)音由(漉)音譬

【釋義】①潘安仁名岳。晉滎陽人。少以才穎見稱鄉里。號奇童。累官中書令。死於石崇之難。②武帝太始十
 四年也。③頭白有二色也。④太尉。掌武事。居三公之首。其下有長史及掾。時賈充為太尉。岳為其掾。⑤主宿衛。⑥
 官署名。散騎常侍。下有散騎侍郎等。⑦插也。⑧貂蟬冠。〔獨斷〕侍中中常侍。加貂附蟬。⑨重衣也。⑩貴族子弟之

服。①左氏傳。韓厥謂齊侯曰。敢告不敏。攝官承乏。廁雜也。②筆毫也。③種也。④盡也。⑤布也。⑥息今卷戾心自傷。言懷思慕戀徒侶也。⑦〔論語〕子在川下曰。逝者如斯夫。不舍晝夜。包曰。逝。往也。言凡往者如川之流也。⑧〔晏子春秋〕景公遊於牛山。臨齊國。乃流涕而歎曰。奈何去此堂堂之國而死乎。使古而無死。不亦樂乎。左右皆泣。晏子獨笑曰。夫盛之有衰。生之有死。天之數也。物有必至。事有當然。曷有悲老而哀死。古無死古之樂也。君何有焉。懷遠悼近。齊梁之謂也。⑨指上。⑩鷓也。⑪扇也。⑫細葛也。⑬蒲席。⑭無絮之衣。⑮枝空之貌。⑯勁疾之貌。⑰小聲也。⑱明貌。⑲欲明也。⑳螢火也。㉑火。大火星也。卽心宿。流下也。〔詩幽風〕七月流火。㉒王逸楚辭注曰。耿介。執節守度。毛詩曰。耿耿不寐。如有隱憂。又曰。悠哉悠哉。展轉反側。㉓終也。㉔髮長貌。〔老子〕眾人熙熙。如享太牢。如登春臺。〔後漢書輿服志〕武冠。諸武官冠之。侍中中常侍加黃金璫。附蟬爲文。貂尾爲飾。㉕光也。〔莊子〕不離於真。謂之至人。〔莊子〕天地一指也。〔莊子〕莊子之行投趾。在乎容跡之地。近不踐而獲安。若以足下爲無用。欲闕之及泉。雖捷若獲。亦不能履也。底止也。〔莊子〕莊子釣於濮水。楚王使二大夫往聘曰。願以境內累子。莊子持竿不顧曰。吾聞楚有神龜。死已三千歲矣。王巾笥而藏之廟堂之上。此龜者寧其死爲留骨而貴乎。寧其生而曳尾塗中乎。二大夫曰。寧生而曳尾塗中。莊子曰。往矣。吾將曳尾於塗中矣。〔襟也。〕〔綬也。〕〔水田曰泉。〕〔阮籍奏記〕將耕東臬之陽。輸黍稷之稅。〔水濱。〕〔洗也。〕〔小流貌。〕〔小白魚。〕〔遊貌。〕

潘安仁笙賦

河汾之寶。有曲沃之懸匏焉。鄒魯之珍。有汶陽之孤篠焉。若乃綿蔓紛敷之麗。浸潤靈液之滋。隈隈夷險之勢。禽鳥翔集之嬉。固衆作者之所詳。余可得而略之也。徒觀其制器也。則審洪纖。面短長。則生斡。裁熟簧。設宮分羽。經徵列商。泄之反謐。厭焉乃揚。管攢羅而表列。音要妙而含清。各守一以司應。統大魁以爲笙。基黃鐘以舉韻。望鳳儀以擢形。寫皇翼以插羽。摹鸞音以厲聲。如鳥斯企。翹翹歧歧。明珠在味。若銜若垂。修櫪內辟。餘簫外透。駢田獵。擺鯽鯢。參差。於是乃有始泰終約。前榮後悴。激憤於今賤。永懷

乎故貴衆滿堂而飲酒。獨向隅以掩淚。援鳴笙而將吹。先嗚噦以理氣。初
雍容以安暇。中佛鬱以怫悞。終蒐峨以蹇愕。又颯逌而繁沸。罔浪孟以惆
悵。若欲絕而復肆。劉檄糴以奔邀。似將放而中匱。愀愴惻滅。虺韓煜熠。沈
淫汜豔。雪燁岌岌。或案衍夷靡。或竦踴剽急。或既往不返。或已出復入。徘徊
徊布獲。渙衍葇襲。舞既蹈而中輟。節將撫而弗及。樂聲發而盡室歡。悲音
奏而列坐泣。攜纖翮以震幽簧。越上箏而通下管。應吹噏以往來。隨抑揚
以虛滿。勃慷慨以膠亮。顧躊躇以舒緩。輟張女之哀彈。流廣陵之名散。詠
園桃之夭夭。歌棗下之纂纂。歌曰。棗下纂纂。朱實離離。宛其落矣。化爲枯
枝。人生不能行樂。死何以虛謚爲。爾乃引飛龍。鳴鷓鴣。雙鳩翔。白鶴飛。子
喬輕舉。明君懷歸。荆王喟其長吟。楚妃歎而增悲。夫其悽戾辛酸。嚶嚶關
關。若離鴻之鳴子也。含啾啾諧雍雍。啾啾若羣雛之從母也。郁捩刮悟泓
宏融裔哇咬。嘲啞壹何察惠。訣厲悄切。又何磬折。若夫時陽初暖。臨川送
離。酒酣徒擾。樂闋日移。疏客始闌。主人微疲。弛絃韜籥。徹塤屏篴。爾乃促
中筵。攜友生。解嚴顏。擢幽情。披黃包以授甘。傾縹瓷以酌醕。光伎儼其偕
列。雙鳳嘈以和鳴。晉野悚而投琴。沉齊瑟與秦箏。新聲變曲。奇韻橫逸。縈
纏歌鼓。網羅鍾律。爛熠燿以放豔。鬱蓬勃以氣出。秋風詠於燕路。天光重
乎朝日。大不踰宮。細不過羽。唱發章夏。導揚韶武。協和陳宋。混一齊楚。邇

不逼而遠無攜聲成文八九而節有敘。彼政有失得。而化以醴薄。樂所以移風於善。亦所以易俗於惡。故絲竹之器未改。而桑濮九之流已作。惟簧也能研羣情之清。惟笙也能總衆清之林。衛無所措其邪。鄭無所容其淫。非天下之和樂。不易之德音。其孰能與於此乎。

【註音】(篠)先了切(則)音列(簞)歌罕切(徽)音止(謚)音蜜(厭)於頰切同(噉)音晝(擗)張瓜切(辟)同(擗)委平聲(擗)音歷(擗)音狎(鏃)助狎切音雪(嘑)烏沒切(噉)於月切(拂)音費(惛)音胃(還)音沓(擗)音留(擗)音亦(域)音域同(擗)音偉(煜)音育(雪)音若(燁)筠輒切(擗)奴協切同(擗)音同(噉)同吸(擗)音留(噉)音胡(噉)昌善切(噉)音皆(泓)烏宏切(咬)音劫(噉)知夏切此叶音制(塤)音喧同(擗)音池(噉)音靈(燗)音簞(重)逐龍切

【釋義】(一)即黃河汾河。(二)今山西聞喜縣。(三)崔豹古今注(匏)瓠也。有柄曰懸匏。可為笙。曲沃者尤善。(四)古國。在今山東省。(五)故城在今山東寧陽縣東北。(六)小竹。(七)戴凱之竹譜(篠)出魯郡。堪為笙也。(八)周禮(審)審曲面勢。(鄭注)察五材曲直方面形勢之宜。(九)割也。(十)小竹也。(十一)笙管之金薄葉。(十二)出也。(十三)靜也。(十四)猶捻也。(十五)言其管各守一聲。以主相應統物也。魁猶首也。大魁謂匏首插定所也。(十六)基本也。黃鐘律呂之長。(漢書)黃帝使伶倫取竹。斷兩節間而吹之。以為黃鐘之宮。(十七)說文(笙)笙十三簧。象鳳之身。(十八)列管如鳳之翼。(十九)初起也。(二十)飛行貌。(二十一)鳥口也。(二十二)長管也。(二十三)開也。(二十四)衆管也。(二十五)逶迤漸邪之貌。(二十六)聚也。(二十七)不齊也。(二十八)裝飾重疊。(二十九)杜預左氏傳注曰。泰奢也。約儉也。家語。孔子曰。激憤厲之志始。桓子新論琴道曰。雍門周見孟嘗君。孟嘗君曰。先生鼓琴。亦能令人悲乎。對曰。臣之所能令悲者。先貴而後賤。故富而今貧。於是雍門揮琴。而孟嘗君流涕。(三十)古人於天下。譬滿堂之上。今有滿堂飲酒。有一人獨索然向隅。則一堂之人皆不樂。見(說苑)。(三十一)言將欲吹笙。咽中先噉而理氣也。(三十二)心不安也。(三十三)正直之貌。(三十四)聲湧起貌。(三十五)皆失志之貌。(三十六)宿留也。(三十七)疾貌。(三十八)悲傷貌。(三十九)感多貌。(四十)放縱。(四十一)急疾貌。(四十二)高貌。(四十三)聲緩而長。(四十四)平而漸靡。(四十五)流散也。(四十六)重貌。(四十七)言以笙為主。故舞者足踏中止而待之。歌者將撫節而恐不及。(四十八)捻也。(四十九)管也。其形類羽。(五十)伶倫制十二筩。筩竹筒。(五十一)聲清。(五十二)古曲名。(五十三)琴曲名。嵇康將刑。索琴彈之。曰。昔袁孝尼嘗從吾學廣陵散。吾每斲之。於今絕矣。見(晉書)。(五十四)魏文帝園桃行(夭夭園桃。無子空長。虛美難假。偏輪不行)。(五十五)古咄咄歌(棗下何攢攢。榮華各有時。棗欲初赤時。人從四邊來。棗適今日賜。誰當仰視之。攢攢聚貌。纂與攢通。

垂也。並古曲。〔歌錄〕吟歎四曲。王昭君。楚妃歎。楚王吟。王子喬。皆古辭。音和也。曠憤也。含。亦作。寗
 和也。和聲。遠聞也。口循孔貌。氣相衝激也。大聲。長聲。聲繁細貌。決斷清冽。憂貌。言其聲若
 磬之曲折也。飲酒半罷。牛在。〔爾雅〕大籥謂笙。燒土爲之。上銳下平。以竹爲之。長尺四寸。圍三寸。一孔
 上出寸三分。橫吹之。友也。〔詩小雅〕雖有兄弟。不如友生。甘。橘也。〔書禹貢〕厥包橘柚。青白瓷瓶。衡陽
 縣東有酈湖。其水綠色。釀酒甘美。見〔通鑑注〕。醜。鄒字通。光華之伎。曲名。西京雜記曰。成帝侍郎。善鼓琴。能
 爲雙鳳之曲。師曠。字子野。晉樂師。〔史記〕蘇秦說齊王曰。臨淄其民。無不吹竽鼓瑟。秦蒙恬造。光明貌。
 氣出貌。〔魏文帝燕歌行〕秋風蕭瑟。天氣涼。傳玄長簫歌。有天光篇。魏文帝善哉行。有朝日篇。言既奏天
 光。又奏朝日。故曰。重也。見〔國語〕。冷州鳩對景王曰。臣聞琴尚宮。鍾尚羽。大不踰宮。細不過羽。堯樂大章。禹
 樂大夏。〔左襄〕吳公子札來聘。魯人爲奏四代之樂。爲之歌頌。季札歎曰。至矣哉。邇而不偏。遠而不攜。節有度。
 守有敘。〔禮樂記〕聲成文。謂之音。〔禮樂記〕鄭衛之音。亂世之音也。〔又〕桑間濮上之音。亡國之音也。
 〔諸家集評〕張臬文曰。此亦當是閒居時作。

潘安仁射雉賦

余徙家於琅邪。其俗實善射。聊以講肄之餘暇。而習媒翳之事。遂樂而賦
 之也。涉青林以游覽。今樂羽族之羣飛。聿采毛之英麗。今有五色之名。輦
 厲耿介之專心。今多雄豔之姍姿。巡邱陵以經略。今畫墳衍而分畿。於是
 青陽告謝。朱明肇授。靡木不滋。無草不茂。初莖蔚其曜新。陳柯槭以改舊。
 天泱泱以垂雲。泉涓涓而吐溜。麥漸漸以擢芒。雉嘒嘒而朝雉。眄箱籠以
 揭驕。睨驍媒之變態。奮勁駭以角槎。瞬悍目以旁眄。翳綺翼而輕揭。灼繡
 頸而袞背。鬱軒翥以餘怒。思長鳴以效能。爾乃擊場拄翳。停僮蔥翠。綠柏
 參差。文翻鱗次。蕭森繁茂。婉轉輕利。衷料戾以徹鑿。表厭躡以密緻。恐吾

游之晏起。慮原禽之罕至。甘疲心於企想。分倦目以寓視。何調翰之喬桀。

邈疇類而殊才。候扇舉而清叫。野聞聲而應媒。寒微罟以長眺。已踉蹌而

徐來。摘朱冠之赫赫。敷藻翰之陪。總首葑綠素。身拖黼繪。青鞞莎靡丹臆。

蘭綵或蹶或啄。時行時止。斑尾揚翹。雙角特起。良游呃啞。引之規裏。應叱

愕立。擢身竦峙。捧黃間以密。穀屬剛。罟以潛擬。倒禽紛以迸落。機聲振而

未已。山鷲悍害。森迅已甚。越壑凌岑。飛鳴薄廩。擊牙低鏃。心平望審。毛體

摧落。霍若碎錦。逸羣之雋。擅場挾兩櫟。雌妒異。倏來忽往。忌上風之餐切。

畏映日之儻明。屏發布而累息。徒心煩而伎。懷伊義鳥之應機。啾攫地以

厲響。彼聆音而徑進。忽交距以接壤。形盈窗以美發。紛首頽而臆仰。或乃

崇墳夷靡。農不易。壠稊菽叢。粳翳蒼葦。茸鳴雄振羽。依於其冢。捫降邱以

馳敵。雖形隱而草動。瞻挺榕之傾掉。意總躍以振踊。噉出苗以入場。愈情

駭而神悚。望鷹合而翳。晶雉腋肩而旋踵。倏余志之精銳。擬青顛而點項。

亦有目不步體。邪眺旁剔。靡聞而驚。無見自驚。周環迴復。繚繞盤辟。戾翳

旋把縈隨。所歷不于中輟。馥焉中鏞。前刷重膺。傍截疊翻。若夫多疑少決。

膽劣心狷。內無固守。出不交戰。來若處子。去如激電。闕閭藟葉。悞歷乍見。

於是算分銖。商遠邇。揆懸刀騁。絕伎如轉。如軒不高不埤。當味值胸。裂膝

破觜。夷險殊地。馴麤異變。晨不暇食。夕不告劬。昔賈氏之如皋。始解顏於

一箭。醜夫爲之改貌。憾妻爲之釋怨。彼游田之致獲。咸乘危以馳驚。何斯
藝之安逸。允禽從其已。豫清道而行。擇地而住。尾飾鑣而在服。肉登俎而
永御。豈唯阜隸。此焉君舉。若乃耽盤流遁。放心不移。忘其身恤。司其雄雌。
樂而無節。端操或虧。此則老氏所誠。而君子不爲。

【註音】(羣)音揮(麥)赤氏切(楸)音瑟(泱)音英通英(漸)音尖(鷲)音杏(雉)音購(驍)堅亮切(駁)
音敲(麟)音鄰(昧)力代切(鷲)同鷲(輕)敕呈切(擗)張瓜切(擊)音婆(厭)於輒切(跟)音亮(瞻)七亮切
(擗)刺知切(施)許力切(鯢)桑才切(葯)音的(絳)音最(蹶)固衛切(哢)音厄(嗟)音屋(罍)古買切(鷲)
音驚(養)音鐵(撲)屋號切(壘)魯勇切(梯)音題(稜)音狂(萃)補孔切(茸)乳勇切(捫)尸豔切(臉)失
冉切(黠)烏簞切(晶)音杏(朕)音脅(飲)音欣(剔)音惕(鷲)音脈叶音密(彳)音敕(丿)丑玉切(刷)音列
(閔)音規(纈)音滑(幘)音覓(轆)音智同輕(埤)通庫音卑(隸)音素同隸(勸)同倦

【釋義】①秦置郡。晉爲琅邪國。屬徐州。統開陽等縣。②媒者。少養雉子。至長。能引野雉。翳者。所隱以射者也。
③述也。④雉也。五采皆備。⑤厲。嚴整也。耿介。專一也。多。豐也。姤。好也。美色曰豔。言雉雖整。其不羣之性。奮揚其雄
豔之貌。見敵必戰。不容他雉。比之謂英麗也。⑥周行。邱陵因其墳衍。以爲疆界。分而護之。不相侵越也。墳。高也。衍。
平地。⑦爾雅。春爲青陽。夏爲朱明。⑧形。柯貌。⑨白雲貌。⑩小水流貌。〔家語〕涓涓不壅。終爲江河。⑪水流貌。⑫
含秀之貌。⑬雉聲。⑭雉鳴。⑮竹器。盛媒者也。⑯志意肆也。⑰駁。脛也。角。邪也。槎。斫也。悍。戾也。麟。視貌。睽。視也。言奮
其堅勁之脛。以利距邪斫。麟其剛戾之目。以旁視其敵。⑱文章貌。⑲赤色。⑳髀股。㉑威貌。㉒頸毛如繡。㉓背如裘。
章。㉔暴怒也。㉕高舉也。㉖除也。㉗翳貌。㉘翳色。㉙小而微也。㉚重而密也。㉛雉媒。江淮間謂之游。㉜雉不處下濕。
故曰原禽。㉝媒也。媒性調良。故謂調翰。㉞俊逸也。㉟布也。形如手巾。㊱開也。㊲乍行乍止之貌。㊳舒也。㊴赤色貌。
㊵翰有華藻也。㊶奮怒之貌。㊷纏也。㊸夾尾間也。㊹青毛如莎之靡。㊺膺也。㊻同也。色如秋蘭。㊼蹶。行遽貌。啄。鳥
食貌。皆得意之形容也。㊽雉聲。㊾限內可射之地。㊿舉也。①弩名。一名黃肩。②張弓弩也。③注矢於弦。④弩矢鏃
也。以鐵爲之。形如十字。各長三寸。方如網罟。⑤弩聲。射應也。禽被箭躍起而反落。弩聲猶未歇。言其矢來疾也。⑥
驚雉。似山雞而小。冠背毛黃。腹下赤。項綠色。其性悍戾。恐害。飛走如風之焱。⑦謂暴風從下上也。⑧至也。⑨翳中
感飲食處。⑩舉也。⑪弩牙。⑫矢鏃。⑬逸羣。雉異之雉。不但欲擅一場而已。又挾兩雌也。⑭擊也。⑮微動之聲。⑯不

明之狀。①屏除其布。不使散氣。意者恐微有所聞。便驚而逝。既無由使媒鳴。欲射則紛紜不定。空心煩而技癢。②媒也。③聲也。④爪持也。⑤彼野雉聞媒聲。便逕來鬪。交距蹶地。土壤相接。⑥赤也。⑦翳隱之處。⑧美取其意而發矢。⑨大塘。⑩頽弛也。⑪修也。⑫草子如米。⑬豆也。⑭深隱貌。⑮山頂。⑯疾貌。⑰草莖。⑱動也。⑲踴逸也。⑳漸出貌。㉑闇也。㉒顯也。㉓人斂身謂之脅肩。㉔喜也。言雉既反歸。乃從後射。正中其項。㉕視與體違。㉖視不正。常驚惕。㉗鳥驚視貌。㉘皆回從往復。不正之貌也。㉙轉也。㉚翳內所執處。㉛言轉翳回旋。隨雉所趣。取其便也。㉜止貌。㉝中鏃聲也。㉞雉性怯而多疑。膽劣而心戾者。㉟急也。㊱候望也。㊲麥莖。㊳猶隱約也。㊴弩牙後刀。㊵言至平也。㊶喉受食處。㊷日中。㊸昔賈大夫惡。取妻三年。不言不笑。御以如臯射雉。獲之。其妻始笑。始言。㊹禽來就已。安而不勞。㊺馬銜。㊻威矢器。㊼臧僖伯曰。鳥獸之肉。不登於俎。則公不射。若夫卑隸之事。非君所及。見「左隱」。㊽「左莊」。君舉必書。㊾「左襄」。虞人箴曰。忘其國恤。司其塵牡。恤。憂也。㊿「老子」。馳聘改獵。令人發狂。

【諸家集評】吳至父曰。此亦感時而作。非徒賦物也。

劉伯倫酒德頌

有大人先生。以天地為一朝。萬期為須臾。日月為局牖。八荒為庭衢。行無轍迹。居無室廬。幕天席地。縱意所如。止則操卮執觚。動則挈榼提壺。惟酒是務。焉知其餘。有貴介公子。搢紳處士。聞吾風聲。議其所以。乃奮袂攘襟。怒目切齒。陳說禮法。是非鋒起。先生於是方捧甕承槽。銜杯漱醪。奮髯箕踞。枕麴藉糟。無思無慮。其樂陶陶。兀然而醉。豁爾而醒。靜聽不聞。雷霆之聲。熟視不覩。泰山之形。不覺寒暑之切肌。利欲之感情。俯觀萬物。擾擾焉。如江漢之載浮萍。一豪侍側焉。如蜾蠃之與螟蛉。

【註音】(局)涓熒切(卮)音支(觚)音孤(榼)克盍切(甕)於京切(漱)音瘦(醪)音勞(麴)音曲(螟)音

果(贏)音裸(螟)音冥(蛉)音靈

【釋義】①伯倫名伶。晉沛國人也。放情嗜酒。與阮籍嵇康交最善。因著酒德頌。仕東晉。為建威參軍。②萬年也。③八方之荒遠處。④老子曰。善行無轍迹。馬融琴賦曰。游閑公子。中道失志。居無室廬。罔所自置。⑤酒器。受四升。⑥酒器之有稜角者。受三升。⑦酒器。⑧盛酒瓦器。⑨釀酒之槽。⑩濁酒也。⑪坐如箕踞。⑫酒母也。⑬酒宰。⑭亂也。⑮公子。處士也。⑯螺贏。蜂蟲也。〔詩小雅〕螟蛉有子。螺贏負之。

陶淵明歸去來辭

歸去來兮。田園將蕪。胡不歸。既自以心為形役。奚惆悵而獨悲。悟已往之不諫。知來者之可追。實迷途其未遠。覺今是而昨非。舟搖搖以輕颺。風飄飄而吹衣。問征夫以前路。恨晨光之熹微。乃瞻衡宇。載欣載奔。僮僕歡迎。稚子候門。三徑就荒。松菊猶存。攜幼入室。有酒盈樽。引壺觴以自酌。眄庭柯以怡顏。倚南窗以寄傲。審容膝之易安。園日涉以成趣。門雖設而常關。策扶老以流憩。時矯首而遐觀。雲無心以出岫。鳥倦飛而知還。景翳翳以將入。撫孤松而盤桓。歸去來兮。請息交以絕游。世與我而相遺。復駕言兮。焉求。悅親戚之情話。樂琴書以消憂。農人告余以春及。將有事於西疇。或命中車。或棹孤舟。既窈窕以尋壑。亦崎嶇而經邱。木欣欣以向榮。泉涓涓而始流。羨萬物之得時。感吾生之行休。已矣乎。寓形宇內復幾時。曷不委心任去留。胡為遑遑欲何之。富貴非吾願。帝鄉不可期。懷良辰以孤往。或植杖而耘耔。登東皋以舒嘯。臨清流而賦詩。聊乘化以歸盡。樂夫天命復

奚疑

【註音】(陽)音揚(熹)音僖(野)音麵

【釋義】①淵明名潛。一字元亮。晉潯陽柴桑人。知彭澤縣。旋解印去。劉宋時屢徵不起。世稱靖節先生。著有淵明集。及搜神後記十卷。②淮南子曰。是皆形神俱役者也。楚辭曰。惆悵兮而私自憐。③【論語】楚狂接輿曰。往者不可諫。來者猶可追。④光未盛貌。⑤衡。橫也。宇。室也。毛詩曰。衡門之下。可以棲遲。⑥【三輔決錄】蔣詡。字元卿。舍中二徑。惟羊仲求仲從之游。皆挫廉逃名不出。⑦持杖也。⑧山穴也。⑨猶隱隱也。⑩【孔叢子】巾車命駕。將適唐都。【周禮注】巾。猶衣也。⑪長而深貌。⑫去草也。⑬培。苗本也。⑭【家語】孔子曰。化於陰陽。象形而發。謂之生。化窮數盡。謂之死。

鮑明遠蕪城賦

灞^一迤^二平原^三南馳^四蒼梧^五漲海^六北走^七紫塞^八雁門^九挖^{一〇}以漕^{一一}渠軸^{一二}以崑岡^{一三}重江^{一四}復關^{一五}
 之^{一六}隩^{一七}四會^{一八}五達^{一九}之莊^{二〇}當昔^{二一}全盛^{二二}之時^{二三}車挂^{二四}轄人^{二五}駕肩^{二六}塵閉^{二七}撲地^{二八}歌吹^{二九}沸天^{三〇}
 萼^{三一}貨鹽^{三二}田鏗^{三三}利銅^{三四}山才^{三五}力雄^{三六}富士^{三七}馬精^{三八}妍故^{三九}能參^{四〇}秦法^{四一}佚周^{四二}令劃^{四三}崇墉^{四四}剗^{四五}
 濬^{四六}洫圖^{四七}修世^{四八}以休^{四九}命是以^{五〇}板築^{五一}雉堞^{五二}之殷^{五三}井幹^{五四}烽櫓^{五五}之勤^{五六}格高^{五七}五嶽^{五八}袤廣^{五九}
 三墳^{六〇}崒若^{六一}斷岸^{六二}矗似^{六三}長雲^{六四}製磁^{六五}石以^{六六}禦衝^{六七}糊頰^{六八}壤以^{六九}飛文^{七〇}觀基^{七一}局之^{七二}固護^{七三}
 將萬^{七四}祀而^{七五}一君^{七六}出入^{七七}三代^{七八}五百^{七九}餘載^{八〇}竟瓜^{八一}剖而^{八二}豆分^{八三}澤葵^{八四}依井^{八五}荒葛^{八六}冒塗^{八七}
 壇羅^{八八}虺蜮^{八九}階鬪^{九〇}麤鼯^{九一}木魅^{九二}山鬼^{九三}野鼠^{九四}城狐^{九五}風嗥^{九六}雨嘯^{九七}昏見^{九八}晨趨^{九九}飢鴈^{一〇〇}厲吻^{一〇一}
 寒鴟^{一〇二}嚇雛^{一〇三}伏虺^{一〇四}藏虎^{一〇五}乳血^{一〇六}餐膚^{一〇七}崩榛^{一〇八}塞路^{一〇九}崢嶸^{一一〇}古堦^{一一一}白楊^{一一二}早落^{一一三}塞草^{一一四}前衰^{一一五}
 稜稜^{一一六}霜氣^{一一七}款款^{一一八}風威^{一一九}孤蓬^{一二〇}自振^{一二一}驚砂^{一二二}坐飛^{一二三}灌奔^{一二四}杳而^{一二五}無際^{一二六}叢薄^{一二七}紛其^{一二八}相依^{一二九}
 通池^{一三〇}既已^{一三一}夷峻^{一三二}隅又^{一三三}已頽^{一三四}直視^{一三五}千里^{一三六}外惟^{一三七}見起^{一三八}黃埃^{一三九}凝思^{一四〇}寂聽^{一四一}心傷^{一四二}已摧^{一四三}

若夫藻局黼帳。歌堂舞閣之基。璇淵碧樹^{五七}。弋林釣渚之館。吳蔡齊秦之聲。魚龍爵馬之玩。皆薰歇燼滅^{五九}。光沈響絕。東都妙姬。南國麗人。蕙心紈質。玉貌絳脣。莫不埋魂幽石。委骨窮塵^{六一}。豈憶同舉之愉樂。離宮之苦辛哉。天道如何。吞恨者多。抽琴命操。為蕪城之歌。歌曰。邊風急。今城上寒。井徑滅。今邱隴殘。千齡今萬代。共盡今何言。

〔註音〕〔瀾〕奴禮切〔池〕音以〔漲〕音張〔走〕音奏〔挖〕駝上聲〔隩〕音奧〔轄〕音衛〔閉〕音翰〔孽〕音滋〔鏗〕初產切〔麥〕同侈〔佚〕通軼〔剗〕音枯〔幹〕音寒〔衰〕音茂〔崒〕慈卹切〔轟〕初屋切〔頽〕音稱〔賈〕音絹〔鑿〕居筠切〔颯〕音吾〔魅〕音媚〔吻〕武紛切〔說〕同暴〔楮〕通達〔棧〕魯登切〔藪〕音速〔燼〕徐刃切〔舉〕同輿

〔釋義〕①明遠名昭。宋東海人。文辭瞻逸。世祖時。昭為中書舍人。上好為文章。自謂物莫能及。昭悟其旨。為文多鄙言累句。當時咸謂昭才盡。實不然也。臨海王子瑱為荊州。昭為前軍掌書記之任。子瑱敗。為亂兵所殺。②瀾。相連漸平貌。迤斜也。③漢郡名。治今廣西蒼梧縣。又有蒼梧山。在今湖南寧遠縣。④南海也。〔謝承後漢書〕陳茂常渡漲海。⑤趨也。⑥〔崔豹古今注〕秦所築長城。土色皆紫。漢塞亦然。故稱紫塞。⑦漢郡名。治今山西代縣。西北有雁門山。絕頂置關。⑧邗溝也。〔左定〕吳城邗溝通江淮。今江南運河。自江都西北抵淮安。二百七十里。即古邗溝水。⑨持輪也。⑩廣陵之鎮平也。在江都縣西北。⑪藏也。⑫〔爾雅〕五達謂之康。六達謂之莊。⑬車軸端也。⑭猶摩肩也。⑮民居區域之稱。⑯里門。⑰出也。⑱蕃也。⑲削平也。⑳〔史記〕吳有豫章郡銅山。吳王濞盜鑄錢。煮海水為鹽。㉑過也。㉒城也。㉓消除其土。㉔深也。㉕池也。㉖築墻者兩板相夾。置土其中。以杵擊之。㉗雉。長三丈。高一丈。堞女墻也。㉘井上木欄。㉙櫓。望樓也。有急難則舉烽火。㉚量度也。㉛南北曰表。㉜未詳。㉝高峻也。㉞齊平也。〔二二輔黃圖〕阿房宮以磁石為門。懷刃者止之。㉟赤土也。㊱謂漢魏晉也。〔王逸廣陵郡圖經〕郡城。吳王濞所築。然自漢迄于晉末。故云出入三代五百餘載也。㊲縮也。㊳毒蛇。㊴短狐也。㊵麀也。似鹿而小。㊶飛鼠也。㊷叫聲。㊸摩也。㊹口拒人也。㊺木叢生也。㊻深冥也。㊼楮中九交之道也。㊽落葉喬木。葉圓而闊。面青背白。㊾嚴寒之貌。㊿風聲勁疾之貌。①砂無故而自飛。②叢也。③草木交曰薄。④城壕也。⑤城隅。⑥玉池。⑦玉樹。⑧香草。⑨火之餘木。⑩猶積也。⑪〔周禮〕九天為井。〔又〕夫間有途。途上有徑。

〔諸家集評〕何屺瞻曰世祖孝建二年竟陵王誕據廣陵反沈慶之討平之誅城內男丁以女口爲軍賞照蓋感時而賦也

姚氏曰驅邁蒼涼之氣驚心動魄之詞皆賦家之絕境也
吳至父曰氣駿而詞已失古澤



韓退之訟風伯

維茲之旱兮。其誰之由。我知其端兮。風伯是尤。山升雲兮。澤上氣。雷鞭車兮。電搖幟。雨寢寢兮。將墜。風伯怒兮。雲不得止。暘烏之仁兮。念此下民。閔其光兮。不鬪其神。嗟風伯兮。其將謂何。我於爾兮。豈有其他。求其時兮。修祀事。羊甚肥兮。酒甚旨。食足飽兮。飲足醉。風伯之怒兮。誰使。雲屏屏兮。吹使離之。氣將交兮。吹使離之。鑠之使氣不得化。寒之使雲不得施。嗟爾風伯兮。欲逃其罪。又何辭。上天孔明兮。有紀有綱。我今上訟兮。其罪誰當。天誅加兮。不可悔。風伯雖死兮。人誰爾傷。

〔註音〕(寢)同侵(閔)音秘(離)音離(鑠)書藥切

〔釋義〕●謂車聲如雷也。〔莊子〕委蛇惡聞雷車之聲。●積漸而不驟也。●同陽烏。謂日也。〔劉基詩〕扶桑未換暘烏彩。腐草猶乎燭火光。④閉也。⑤蔽也。⑥薄酒也。⑦銷也。

〔諸家集評〕方望溪曰。橫質近於西漢人。頗不類楚辭。

韓退之進學解

國子先生。晨入太學。招諸生立館下。誨之曰。業精於勤。荒於嬉。行成於思。毀於隨。方今聖賢相逢。治具畢張。拔去兇邪。登崇峻良。占小善者。率以錄。名一藝者。無不庸。爬羅剔抉。刮垢磨光。蓋有幸而獲選。孰云多而不揚。諸

生業患不能精。無患有司之不明。行患不能成。無患有司之不公。言未既。有笑於列者曰。先生欺余哉。弟子事先生於茲有年矣。先生口不絕吟於六藝之文。手不停披於百家之編。記事者必提其要。纂言者必鉤其玄。貪多務得。細大不捐。焚膏油以繼晷。恆兀兀以窮年。先生之業可謂勤矣。舐排異端。攘斥佛老。補苴罅漏。張皇幽眇。尋墜緒之茫茫。獨旁搜而遠紹。障百川而東之。迴狂瀾於既倒。先生之於儒。可謂有勞矣。沈浸醲郁。含英咀華。作為文章。其書滿家。上規姚姒。渾渾無涯。周誥殷盤。佶屈聱牙。春秋謹嚴。左氏浮夸。易奇而法。詩正而葩。下逮莊騷。太史所錄。子雲相如。同工異曲。先生之於文。可謂閎其中而肆其外矣。少始知學。勇於敢為。長通於方。左右具宜。先生之於為人。可謂成矣。然而公不見信於人。私不見助於友。跋前疐後。動輒得咎。暫為御史。遂竄南夷。三年博士。宄不見治。命與仇謀。取敗幾時。冬煖而兒號寒。年豐而妻啼飢。頭童齒豁。竟死何裨。不知慮此。而反教人為。先生曰。吁。子來前。夫大木為宗。細木為桷。榑櫨侏儒。椳闌。居楔各得其宜。施以成室者。匠氏之工也。玉札丹砂。赤箭青芝。牛溲馬勃。敗鼓之皮。俱收並蓄。待用無遺者。醫師之良也。登明選公。雜進巧拙。紆餘為妍。卓犖為傑。校短量長。惟器是適者。宰相之方也。昔者孟軻好辯。孔以道明。轍環天下。卒老於行。荀卿守正。大論是弘。逃讒於楚。廢死蘭陵。是一儒

者吐辭爲經。舉足爲法。絕類離倫。優入聖域。其遇於世何如也。今先生學雖勤而不繇其統。言雖多而不要其中。文雖奇而不濟於用。行雖修而不顯於衆。猶且月費俸錢。歲糜廩粟。子不知耕。婦不知織。乘馬從徒。安坐而食。踵常途之促促。窺陳編以盜竊。然而聖主不加誅。宰臣不見斥。茲非其幸歟。動而得謗。名亦隨之。投閒置散。乃分之宜。若夫商財賄之有亡。計班資之崇庳。忘已量之所稱。指前人之瑕疵。是所謂詰匠氏之不以杙爲楹。而訾醫師以昌陽引年。欲進其豨苓也。

【註音】(峻)同俊(爬)音琶(晏)音軌(紙)都禮切(苴)千余切(罇)音嚇(醴)音濃(佶)音吉(聲)五交切(葩)音巴(闕)音宏(跋)音拔(囊)音至(宄)戎上聲(宋)音茫(構)音博(櫛)音盧(椳)烏回切(闐)音孽(居)徒忝切(楔)音屑(犖)力角切(絲)同由(要)平聲(亡)同無(庫)音卑(杙)音弋(豨)音希

【釋義】①因循也。②言人才之搜取。③言人才之造就。④集也。⑤幽深也。⑥猶矻矻也。⑦觸也。⑧言以草補其破處也。⑨張大而發揮也。⑩味厚也。⑪舜姓。⑫禹姓。⑬揚子曰。虞夏之書。渾渾爾。⑭即大誥。酒誥。康誥。洛誥等篇。⑮盤庚三篇。⑯辭不平易也。⑰言邱明作傳釋經。虛浮夸大。⑱變易甚奇。正當可法也。⑲葩。華也。義理甚正。辭亦華美。⑳即莊周所作莊子。㉑屈原所作。㉒司馬遷史記。㉓禮法也。㉔跋。躡也。㉕躡也。〔詩幽風〕狼跋其胡。載蹇其尾。〔注〕狼前進則躡其胡。後退則躡其尾。言進退不得自由也。㉖貞元十九年。愈爲監察御史。旋謫陽山令。㉗宄。散也。處閑散而不足見才。㉘言失敗之時多也。㉙頭無髮。㉚落也。㉛棟也。㉜椽之方者。㉝柱上方木也。㉞梁上短柱。㉟戶樞。㊱門限。㊲戶牖。㊳門兩旁木。㊴藥名。即地榆。亦作玉豉。㊵即硃砂。㊶生陳倉及太山少室。㊷出泰山。四者皆貴藥。㊸牛溺。㊹馬屁菌。㊺主治蟲毒。二者皆賤藥。㊻作緩態者。㊼行直道者。㊽今山東嶧縣。㊾約也。會也。㊿迫也。①品秩也。②斷木。③柱也。④即菖蒲。久服延年。⑤一名猪苓。主滲泄。

【諸家集評】孫可之曰。拔天倚地。句句欲活。讀之如赤手捕長蛇。不施鞿勒。騎生馬。急不得暇。莫可捉搦。方望溪曰。退之爲此。與作毛穎傳同。以示其才無所不可。蓋別調也。而茅鹿門以爲正正之旗。堂堂之陣。是謂不知而強言。又曰。做寫東漢魏晉人在集中。爲別調。

會條生日做客難解嘲氣味之淵懿不及而論道論文二段精實處過之

韓退之送窮文

元和六年正月乙丑晦。主人使奴星。結柳作車。縛草爲船。載糗輿糒。牛繫
輓^{*一}下。引帆上檣。三揖窮鬼而告之曰。聞子行有日矣。鄙人不敢問所塗。竊
具船與車。備載糗糒^二。日吉時良。利行四方。子飯一盂。子啜^{*三}一觴。攜朋挈儔。
去故就新。駕塵曠^{*四}風。與電爭先。子無底滯之尤。我有資送之恩。子等有意
於行乎。屏息潛聽。如聞音聲。若嘯若啼。善歎^{*五}。憂嚶^{*六}。毛髮盡豎。竦肩縮頸。疑
有而無。久乃可明。若有言者曰。吾與子居。四十年餘。子在孩提。吾不予愚。
子學子耕。求官與名。惟子是從。不變於初。門神戶靈。我叱我呵。包羞詭隨。
志不在他。子遷南荒。熱爍濕蒸。我非其鄉。百鬼欺陵。太學^九四年。朝齏暮鹽。
惟我保汝。人皆汝嫌。自初及終。未始背汝。心無異謀。口絕行語。於何聽聞。
云我當去。是必夫人信讒。有間於予也。我鬼非人。安用車船。鼻齏^{*七}臭香。糗
糒可捐。單獨一身。誰爲朋儔。子苟備知。可數^{*八}已不。子能盡言。可謂聖智。情
狀旣露。敢不迴避。主人應之曰。子以吾爲眞不知也耶。子之朋儔。非六非
四。在十去五。滿七除二。各有主張。私立名字。捩^{*一〇}手覆羹。轉喉觸諱。凡所以
使吾面目可憎。語言無味者。皆子之志也。其名曰智窮。矯矯亢亢^一。惡圓喜

方羞為奸欺。不忍害傷。其次名曰學窮。傲數與名。摘扶杳微。高挹羣言。執神之機。又其次曰文窮。不專一能。怪怪奇奇。不可時施。祇以自嬉。又其次曰命窮。影與形殊。面醜心妍。利居衆後。責在人先。又其次曰交窮。磨肌戛骨。吐出心肝。企足以待。寘我讎冤。凡此五鬼。為吾五患。飢我寒我。與訛造訛。能使我迷。人莫能聞。朝悔其行。暮已復然。蠅營狗苟。驅去復還。言未畢。五鬼相與張眼吐舌。跣跟偃仆。抵掌頓脚。失笑相顧。徐謂主人曰。子知我名。凡我所為。驅我令去。小黠大癡。人生一世。其久幾何。吾立子名。百世不磨。小人君子。其心不同。惟乖於時。乃與天通。攜持琬琰。易一羊皮。飫於肥甘。慕彼糠糜。天下知子。誰過於余。雖遭斥逐。不忍子疏。謂余不信。請質詩書。主人於是垂頭喪氣。上手稱謝。燒車與船。延之上座。

【註音】(糗)去九切(糗)音張(輓)音厄(噉)昌悅切(曠)音霍(善)翕畫二音(歛)許物切(嘍)音憂(嚶)音嬰(覲)許救切同嘆(數)上聲(不)同否(振)音屬(戛)音括(訛)刪去聲(跟)音良(黠)胡八切(琬)音宛(琰)以冉切

【釋義】①車衡兩端作缺月形以扼馬頸者。②乾糧也。③食米也。④迅疾也。⑤皮骨相離聲也。⑥忽也。⑦鬼聲。⑧指謫潮州。⑨指為國子博士。⑩拗也。⑪不卑屈也。⑫擊也。⑬足亂動貌。⑭美玉。謂琬圭琰圭也。⑮飽也。

韓退之釋言

元和元年六月十日。愈自江陵法曹。詔拜國子博士。始進見。今相國鄭公。公賜之坐。且曰。吾見子某詩。吾時在翰林。職親而地禁。不敢相聞。今為我

寫子詩書爲一通以來。愈再拜謝。退錄詩書若干篇。擇日時以獻。於後之數月。有來謂愈者曰。子獻相國詩書乎。曰然。曰有爲讒於相國之座者曰。韓愈曰。相國徵余文。余不敢匿。相國豈知我哉。子其慎之。愈應之曰。愈爲御史。得罪德宗朝。同遷於南者。凡三人。獨愈爲先收用。相國之賜大矣。百官之進見相國者。或立語以退。而愈辱賜坐語。相國之禮過矣。四海九州之人。自百官以下。欲以其業徹相國左右者多矣。皆憚而莫之敢。獨愈辱先索。相國之知至矣。賜之大。禮之過。知之至。是三者。於敵以下受之。宜以何報。況在天子之宰乎。人莫不自知。凡適於用之謂才。堪其事之謂力。愈於二者。雖日勉焉而不迨。束帶執笏。立士大夫之行。不見斥以不肖。幸矣。其何敢敖於言乎。夫敖雖凶德。必有恃而敢行。愈之族親鮮少。無攀聯之勢於今。不善交人。無相先相死之友於朝。無宿資蓄貨以鈞聲勢。弱於才而腐於力。不能奔走乘機抵巇^{*七}以要權利。夫何恃而敖。若夫狂惑喪心之人。蹈河而入火。妄言而罵詈者。則有之矣。而愈人知其無是疾也。雖有讒者百人。相國將不信之矣。愈何懼而慎歟。旣累月。又有來謂愈曰。有讒子於翰林舍人李公^九與裴公^九者。子其慎歟。愈曰。二公者。吾君朝夕訪焉。以爲政於天下。而階太平之治。居則與天子爲心膂^{*}。出則與天子爲股肱。四海九州之人。自百官以下。其孰不願忠而望賜。愈也不狂不愚。不蹈河而入

火。病風而妄罵。不當有如讒者之說也。雖有讒者百人。二公將不信之矣。愈何懼而慎。既以語應客。夜歸。私自尤曰。咄^{*}市有虎。而會參殺人。讒者之效也。詩曰。取彼讒人。投畀豺虎。豺虎不食。投畀有北。有北不受。投畀有昊。傷於讒。疾而甚之之辭也。又曰。亂之初生。僭^{*}始既涵。亂之又生。君子信讒。始疑而終信之之謂也。孔子曰。遠佞人。夫佞人不能遠。則有時而信之矣。今我恃直而不戒。禍其至哉。徐又自解之曰。市有虎。聽者庸也。會參殺人。以愛惑聰也。巷伯之傷。亂世是逢也。今三賢方與天子謀所以施政於天下。而階太平之治。聽聰而視明。公正而敦大。夫聰明則聽視不惑。公正則不邇讒邪。敦大則有以容而思。彼讒人者。孰敢進而為讒哉。雖進而為之。亦莫之聽矣。我何懼而慎。既累月。上命李公相。客謂愈曰。子前被言於一相。今李公又相。子其危哉。愈曰。前之謗我於宰相者。翰林不知也。後之謗我於翰林者。宰相不知也。今二公合處而會言。若及愈。必曰。韓愈亦人耳。彼敖宰相。又敖翰林。其將何求。必不然。吾乃今知免矣。既而讒言果不行。

〔註音〕（讖）音義（齊）音呂（咄）敦入聲（僭）側蔭切

〔釋義〕①今湖北江陵縣。②滎陽人。名綱。字文明。憲宗時居相位四年而罷。後自河中節度入為檢校尚書左僕射。太和中致仕卒。細善名理學。世以著德推之。③代宗子。名适。④即退之。及張署李方叔。⑤通也。⑥「禮儒行」儒有爵位相先。患難相死也。⑦抵。擠也。讖。隙也。「揚子法言」讖可抵乎。⑧即李吉甫。時為翰林學士。⑨名地。時為中書舍人。⑩「國策」夫市之無虎明矣。然而三人言之則成虎。喻讒者多。能以偽亂真也。⑪「國策」人有與會參同姓名者殺人。人告會子母。曰會參殺人。母曰。吾子不殺人。織自若。有頃人又曰。會參殺人。母尚織自若。頃

一人又告之曰。曾參殺人。母懼。投杼踰牆而走。夫以曾子之賢。與母之信。三人疑之。雖慈母不能信也。北。北方寒地。昊天也。見「詩小雅巷伯章」。見「見詩小雅巧言章」。僭始。不信之端。涵。容受也。君子。指王也。

蘇子瞻前赤壁賦

壬戌^二之秋。七月既望。蘇子與客汎舟。游於赤壁之下。清風徐來。水波不興。舉酒屬客。誦明月之詩^三。歌窈窕之章。少焉。月出於東山之上。徘徊於斗牛之間。白露橫江。水光接天。縱一葦^四之所如。凌萬頃之茫然。浩浩乎如馮虛御風^五。而不知其所止。飄飄乎如遺世獨立。羽化而登僊。於是飲酒樂甚。扣舷^七而歌之。歌曰。桂棹兮蘭槳。擊空明兮泝流光。渺渺兮予懷。望美人兮天一方。客有吹洞簫者。倚歌而和之。其聲嗚嗚然。如怨如慕。如泣如訴。餘音嫋嫋^一不絕。如縷。舞幽壑之潛蛟。泣孤舟之嫠婦。蘇子愀然正襟危坐而問客曰。何為其然也。客曰。月明星稀。烏鵲南飛^{一四}。此非曹孟德之詩乎。西望夏口。東望武昌。山川相繆^{一七}。鬱乎蒼蒼。此非孟德之困於周郎者乎。方其破荆州。下江陵。順流而東也。舳艫千里^{一八}。旌旗蔽空。醜酒臨江。橫槊賦詩。固一世之雄也。而今安在哉。況吾與子。漁樵於江渚之上。侶魚蝦而友麋鹿。駕一葉之扁舟。舉匏尊以相屬。寄蜉蝣於天地。渺滄海之一粟。哀吾生之須臾。羨長江之無窮。挾飛僊以遨遊。抱明月而長終。知不可乎驟得。託遺響於悲風。蘇子曰。客亦知夫水與月乎。逝者如斯。而未嘗往也。盈虛者如代。而

卒莫消長也。蓋將自其變者而觀之。則天地曾不能以一瞬。自其不變者而觀之。則物與我皆無盡也。而又何羨乎。且夫天地之間。物各有主。苟非吾之所有。雖一毫而莫取。唯江上之清風。與山間之明月。耳得之而為聲。目遇之而成色。取之無禁。用之不竭。是造物者之無盡藏也。而吾與子之所共適。客喜而笑。洗盞更酌。肴核既盡。杯盤狼籍。相與枕藉乎舟中。不知東方之既白。

【註音】(屬)音燭(馮)同憑(眩)音賢(沂)同瀕(嫻)乃了切(接)音離(繆)同繚音聊(舳)音逐(艦)音盧(醜)想里切(樂)音朔(蟬)音浮(蟬)音游(瞬)音舜

【釋義】①赤壁有二。一在湖北嘉魚縣。即劉備與吳破曹地。一在湖北黃岡縣。即坡遊之地。②宋元豐五年。即詩經陳風月出篇。③為小艇之喻。〔詩國風〕誰謂河廣。一葦杭之。④〔列子〕御風而行。⑤世稱成仙曰羽化。謂其飛昇變化。若生羽翼也。⑥船邊也。⑦前推曰槳。後推曰棹。⑧擊搖槳也。空明。月在水中也。逆水而上曰沂。月光與波俱動。謂之流光。⑨同朝君子。⑩悠揚貌。⑪寡婦也。⑫悽惻貌。⑬曹操短歌行句。⑭操字。⑮亦曰漢口。今為縣。在武昌縣西。⑯繞也。⑰名瑜。字公瑾。廬江舒人。有文武籌略。仕吳。敗曹操於赤壁。拜前將軍領南郡太守。⑱船尾曰舳。船首曰艦。⑲酌也。⑳彖屬。㉑蟲名。長六七分。頭似蜻蜓而小。有四翅。後翅甚小。體細而狹。尾毛有三。細長如絲。夏秋之交。多近水而飛。往往數小時即死。故有朝生暮死之說。㉒雜亂也。

【諸家集評】一方望溪曰。所見無絕殊者。而文境邈不可攀。良由身閒地曠。胸無雜物。觸處流露。斟酌飽滿。不知其所以然而然。豈惟他人不能摹倣。即使子瞻更為之。亦不能如此調適而絕倫也。

吳至父曰。子瞻與范子豐尺牘云。黃州少西山麓斗入江中。石室如丹。傳云。曹公敗。所謂赤壁者。或曰非也。時曹公敗歸華容。路多泥濘。使老弱先行踐之。而過曰。劉備智過人。而見事遲。華容夾道皆葭。葭使縱火。則吾無遺類矣。今赤壁少西對岸。即華容鎮。庶幾是也。然岳州復有華容縣。竟不知孰是。今日李委秀才來相別。因以小舟載酒。飲赤壁下。李善吹笛。酒酣作數弄。風起水湧。大魚皆出。上有棲鷗。坐念孟德公瑾如昨日。耳適會范子豐兄弟來。遂書以與之。又曰。此所謂文章天成。偶然得之者。是知奇妙之作。通於造化。非人力也。又曰。胸襟既高。識

解亦復絕非常不得如方氏之說謂所見無絕殊也

蘇子瞻後赤壁賦

是歲十月之望。步自雪堂。將歸於臨臬。^一二客從予。過黃泥之坂。^二霜露既降。木葉盡脫。人影在地。仰見明月。顧而樂之。行歌相答。已而歎曰。有客無酒。有酒無肴。月白風清。如此良夜何。客曰。今者薄暮。舉網得魚。巨口細鱗。狀如松江之鱸。^四顧安所得酒乎。歸而謀諸婦。婦曰。我有斗酒。藏之久矣。以待子不時之需。於是攜酒與魚。復游於赤壁之下。江流有聲。斷岸千尺。山高月小。水落石出。會日月之幾何。而江山不可復識矣。予乃攝衣而上。履巉巖。^六披蒙茸。踞虎豹。^七登虬龍。攀栖鸞之危巢。俯馮夷之幽宮。蓋二客不能從焉。劃然長嘯。草木震動。山鳴谷應。風起水湧。予亦悄然而悲。肅然而恐。凜乎其不可留也。反而登舟。放乎中流。聽其所止而休焉。時夜將半。四顧寂寥。適有孤鶴。橫江東來。翅如車輪。玄裳縞衣。戛然長鳴。掠予舟而西也。須臾客去。予亦就睡。夢一道士。羽衣蹁跹。^{一*}過臨臬之下。揖予而言曰。赤壁之游樂乎。問其姓名。俛而不答。嗚呼噫嘻。我知之矣。疇昔之夜。飛鳴而過我者。非子也邪。道士顧笑。予亦驚悟。開戶視之。不見其處。

【註音】(巉)音殘(茸)音戎(虬)音求(鸞)音骨(悄)七小切(戛)音括(蹁)讀若偏(跹)音選(俛)同俯
 【釋義】①東坡謫黃州時所築。故址在今湖北黃岡縣東。②地名。在今湖北黃岡縣南大江濱。亦為亭名。③蘇軾與朱康叔書。已遷居江上臨臬亭。④澤障。⑤今江蘇松江縣。有四鯽鱸。⑥高險貌。⑦雜亂貌。⑧石形。⑨木

形。① 雁屬。② 水神。③ 旅行貌。

東望第肥

履仙中結



辭賦類十一

蘇子瞻後赤壁賦

一一一一

【註音】(蠅)音權(愴)音淡(焱)音標(懣)同仲音冲

【釋義】①芷也。②五色采也。③杜若。香草。英。花也。④言留連之久也。⑤發語詞也。⑥安也。⑦供神之處。⑧猶周流也。⑨謂雲神也。⑩美貌。⑪去疾貌。⑫今河北山西及河南汲縣。遼寧之錦縣等地。⑬憂心貌。⑭雲中君。雲神也。一曰豐隆。一曰屏翳。此歌以祀雲神也。

【諸家集評】張皋文曰此章言君苟用已則可以安覽天下惜此會之不可得也
吳至父曰此喻始合終離也日月齊光龍駕出遊有隆盛之望矣忽復遠去不測其所之所以太息勞心也

君不行兮夷猶。蹇誰留兮中洲。美要眇兮宜修。沛吾乘兮桂舟。令沅湘兮

無波。使江水兮安流。望夫君兮歸來。吹參差兮誰思。

駕飛龍兮北征。遠吾道兮洞庭。薜荔拍兮蕙綢。承荃橈兮蘭旌。望沅陽兮

極浦。橫大江兮揚靈。揚靈兮未極。女嬋媛兮為余太息。橫流涕兮瀾浹。隱

思君兮陴惻。

桂棹兮蘭橈。斲冰兮積雪。采薜荔兮水中。搴芙蓉兮木末。心不同兮媒勞。

恩不甚兮輕絕。石瀨兮淺淺。飛龍兮翩翩。交不忠兮怨長。期不信兮告余

以不聞。

朝騁驚兮江皋。夕弭節兮北渚。鳥次兮屋上。水周兮堂下。捐余玦兮江中。

遺余珮兮澧浦。采芳洲兮杜若。將以遺兮下女。時不可兮再得。聊逍遙兮

容與。——湘君——

【註音】(眇)音藐(澶)讀若轉(薜)音備(荔)音麗(滂)音岑(媛)音袁(瀛)士山切(陴)父佛切(棹)音

曳(蹇)音愆(瀨)音賴(玦)音決(澧)音禮

〔釋義〕①湘君。②即猶豫也。③水中可居曰洲。④要通窈。眇即妙。窈妙。狀其絕艷。望之髣髴。不可得指定之貌。⑤修飾得宜。⑥行疾貌。⑦言見湘君留在中洲。急乘桂舟且將邀之。因祈神令沅湘及江水無波而安流。冀已可往也。山海經言湘君出入。必有暴風飄雨隨之。故云。⑧洞簫。⑨轉也。⑩搏壁也。⑪束縛也。⑫小楫。⑬沅水在湖南安鄉縣北。今湖北公安縣西南。有沔陽鎮。⑭遠也。⑮水涯。⑯達其精誠於君。⑰已也。⑱女。湘君之女侍也。嬋媛。牽戀貌。⑲流貌。⑳隱也。㉑舵也。㉒緣木而蔓生。非可於水中采之。㉓手取也。㉔花名。生水邊。非可求之於木末也。㉕湍也。㉖直馳。㉗橫馳。㉘安也。㉙水涯。㉚止也。㉛玉珮之半環者。㉜水名。與湘沅俱入洞庭湖。㉝神之侍女。㉞此述其攀戀不得已之情也。㉟湘君之說凡三。其一。以湘君為堯之二女。舜妃也。其二。以湘君為湘水神。而湘夫人則指堯之二女。其三。謂湘君乃堯長女。舜正妃娥皇是也。而湘夫人則為堯次女。舜次妃女英也。三說之中。最後者較勝。

〔諸家集評〕張皋文曰此離騷所謂哲王不寤也

帝子降兮北渚。目眇眇兮愁予。嫋嫋兮秋風。洞庭波兮木葉下。
 登白蘋兮騁望。與佳期兮夕張。鳥何萃兮蘋中。罾何為兮水上。
 沅有芷兮澧有蘭。思公子兮未敢言。慌惚兮遠望。觀流水兮潺湲。麋何為兮庭中。蛟何為兮水裔。朝馳余馬兮江皋。夕濟兮西澨。
 聞佳人兮召予。將騰駕兮偕逝。築室兮水中。葺之兮荷蓋。荃壁兮紫壇。播芳椒兮成堂。桂棟兮蘭橈。辛夷楣兮葍房。罔薜荔兮為帷。擗蕙櫨兮既張。白玉兮為鎮。疏石蘭兮為芳。芷葺兮荷屋。繚之兮杜蘅。合百草兮實庭。建芳馨兮廡門。九疑繽兮並迎。靈之來兮如雲。
 捐余袂兮江中。遺余漈兮澧浦。搴汀洲兮杜若。將以遺兮遠者。時不可兮

驟得聊逍遙兮容與。——湘夫人——

【註音】(響)音增(擦)音老(擗)音闢(擗)音綿(縹)音了(襪)音膠

【釋義】①謂女英。②猶言杳杳謂帝子之神降於北渚舉目望之杳然在遠。是以使我愁思。③長弱之貌。④湘夫人也。⑤約也。⑥陳設也。⑦魚網。⑧謂湘夫人。⑨似鹿而大。⑩龍類爬蟲之一。⑪邊也。⑫水涯。⑬紫貝。⑭椽也。⑮花名初發蕊如筆亦呼木筆。⑯門上橫梁。⑰白芷也。⑱結也。⑲折也。⑳檐也。㉑布陳也。㉒香草。㉓縛束也。㉔香草。㉕堂下周屋。㉖山名舜所葬也。㉗衣袖。㉘單衣。㉙平也。㉚指堯女女英說見前。

【諸家集評】張皋文曰湘君比君故湘夫人比椒蘭此離騷所謂閨中遠遠也

廣開兮天門。紛吾乘兮玄雲。令飄風兮先驅。使凍雨兮灑塵。

君迴翔兮以下。踰空桑兮從女。紛總總兮九州。何壽夭兮在予。

高飛兮安翔。乘清氣兮御陰陽。吾與君兮齊速。導帝之兮九坑。

靈衣兮被被。玉佩兮陸離。壹陰兮壹陽。衆莫知兮余所爲。

折疏麻兮瑤華。將以遺兮離居。老冉冉兮既極。不寢近兮愈疏。

乘龍兮鱗鱗。高馳兮冲天。結桂枝兮延竚。羌愈思兮愁人。愁人兮奈何。願

若今兮無虧。固人命兮有當。孰離合兮可爲。——大司命——

【註音】(女)讀作汝(坑)音岡(被)同披(鱗)音鄰

【釋義】①暴雨也。②君。大司命也。③山名。④衆貌。⑤謂九州之山也。⑥長貌。⑦言其變化循環無有窮已。⑧神麻也。⑨麻花。⑩隱者也。言我雖出入陰陽流離殊方猶思離居隱士將折神麻采玉華以遺之。⑪車聲。⑫謂保守志行無損缺也。⑬星名。舊說司命星凡二。故有大司命與少司命。主知生死輔天行化。

【諸家集評】張皋文曰惜往日之會信也

秋蘭兮麝蕪。羅生兮堂下。綠葉兮素華。芳菲菲兮襲予。夫人自有兮美子。

蓀^四何以今愁苦。

秋蘭^五今青青綠葉今紫莖。滿堂今美人。忽獨與予今日成。

入不言今出不辭。乘迴風今載雲旗。悲莫悲今生別離。樂莫樂今新相知。

荷衣今蕙帶。儵^{*}而來今忽而逝。夕宿今帝郊。君誰須^六今雲之際。

與女游今九河^八衝飆起今水揚波。

與女沐今咸池^九晞女髮今陽之阿^{一〇}望美人今未來。臨風^{一一}况今浩歌。

孔蓋今翠旌登九天今撫彗星^{一二}竦長劍今擁幼艾^{一三}蓀獨宜今為民正。——

少司命^{一四}——

【註音】(蓀)音眉(夫)音扶(青)音精(儵)音叔(女)讀作汝(馳)音標(晞)音希(况)許往切
【釋義】①芎藭葉。②言二物並列而生也。③猶言凡人也。④指司命。⑤猶菁菁。花盛貌。⑥須待也。言司命既棄我而去。夕宿於帝郊。久留於雲中。不知待何人也。⑦神謂己也。⑧見前。⑨天池也。⑩乾也。⑪向陽之丘。⑫司命也。⑬失意貌。⑭孔雀羽為車蓋。⑮翡翠羽為旌旗。⑯竦。謂高揭而豎之。⑰少年美好者之稱。⑱星名。主知生命。輔天行化。

【諸家集評】張皋文曰大司命比懷王少司命又比子蘭秋蘭目子蘭荃目君也所美果美君何愁苦乎

噉將出今東方。照吾檻今扶桑^一撫余馬今安驅。夜皎皎今既明。駕龍^二朝今

乘雷。載雲旗今委蛇。長太息今將上。心低徊今顧懷。羌聲色今娛人。觀者

澹今忘歸。緬瑟今交鼓^三簫鐘今瑤篴^四鳴。鯨今吹竽^五思靈保今賢姱^六翺飛今

翠會展詩今會舞。應律今合節^七靈之來今蔽日^八青雲衣今白霓裳。舉長矢

今射天狼^九操余弧今反淪降^{一〇}援北斗今酌桂漿。撰余轡今高馳翔^{一一}杳冥冥

今以東行——東君——

【註音】(鞠)音舟(檐)音淡(瓶)歌登切(簾)音巨(饒)同饒音馳(娉)音戶(鞠)許緣切(會)作腰切同

【釋義】①日初出時光容敦大之貌。②木名。其高萬仞。日以爲檻也。③車轆。④急張絃也。⑤對擊鼓也。⑥王念孫云。簫通擗。廣雅。擗。擊也。瑤。讀爲搖。搖。動也。招魂云。鏗鐘搖簾。正譚此文。⑦見笙賦注。⑧用竹爲之。象鳥翼之參差。長四尺二寸。⑨神巫。⑩好也。⑪飛揚之貌。⑫會疑爲翥之訛。翥。高舉也。⑬十二律。黃鐘。大呂。太簇。夾鐘。姑洗。仲呂。蕤賓。林鐘。夷則。南呂。無射。應鐘。⑭言日神從官之衆也。⑮星名。以喻貪殘。⑯言日既中天。乃復向西落也。⑰星名。撰。持也。喻高居萬物之上。⑱東君。謂日也。

【諸家集評】張皋文曰傷頃裏也嗣政之初如日方出豈意聲色是娛終於杳冥乎

與女游今九河。衝風起今橫波。乘水車今荷蓋。駕雨龍今驂螭。登崑崙今四望。心飛揚今浩蕩。日將暮今悵忘歸。惟極浦今寤懷。

魚鱗屋今龍堂。紫貝闕今朱宮。靈何爲今水中。乘白龍今逐文魚。與女游今河之渚。流澌紛今將來下。子交手今東行。送美人今南浦。波滔滔今來迎。魚鄰鄰今媵予。——河伯——

【註音】(螭)音癡(龍)音元(澌)音斯(下)叶音戶(媵)音孕

【釋義】①指河伯。②惟。思也。寤。覺也。言已方樂而忘歸。然思及河之極浦。則又遽然覺而愁思也。③大龍。④鯉也。⑤解冰也。⑥指河伯。⑦狀魚之多也。⑧送也。⑨河伯。九河之長也。山海經稱爲冰夷。穆天子傳稱爲無夷。淮南子作爲馮遲。通常作爲馮夷。黃河之神也。

【諸家集評】張皋文曰此章決懷沙之志

若有人兮山之阿。被薜荔兮帶女蘿。既含睇兮又宜笑。子慕予兮善窈窕。乘赤豹兮從文狸。辛夷車兮結桂旗。被石蘭兮帶杜蘅。折芳馨兮遺所思。

余處幽篁^三今終不見天。路險難今獨後來。

表獨立今山之上。雲容容^四今而在下。杳冥冥今^五晝晦。東風飄今神靈雨。

留靈修今^六憺忘歸。歲既晏今孰華予。采^六三秀今於山間。石磊磊今^七葛蔓蔓。

怨公子今^八悵忘歸。君思我今不得聞^九。山中^九人今芳杜若。飲石泉今蔭松柏。

君思我今^{一〇}然疑作。

雷填填今^{一一}雨冥冥^{一二}。猿啾啾今^{一三}狄夜鳴。風颯颯今^{一四}木蕭蕭。思公子今^{一五}徒離憂^{*}。

山鬼^{一三}

【註音】（睇）音弟（啾）即由切（颯）蘇合切（離）同罹

【釋義】①菟絲也。②微眇貌。③竹叢也。④飛揚貌。⑤完。發語詞。⑥芝草也。⑦石積疊貌。⑧或謂指公子椒。或

謂指公子蘭。俱近附會。此特泛言之耳。非必有所指也。⑨言山鬼非不思我。特未得聞相見耳。⑩言勿信勿疑也。

⑪雷聲也。⑫言往者之雨。至此益甚。⑬山鬼。山神也。

【諸家集評】張皋文曰此章雖死不忘君故以山鬼自比予山鬼子君與公子也

操吳戈今被犀甲。車錯轂今短兵接。旌蔽日今敵若雲。矢交墜今士爭先。

陵^二余陣今^三蠟余行。左驂殪今^四右刃傷。霾兩輪今^五繫四馬。援玉枹今^六擊鳴鼓。

天時墜今^七威靈怒。嚴殺^六盡今^八棄原壑。

出不入今^九往不反。平原忽今^{一〇}路超遠。帶長劍今^{一一}挾秦弓。首雖離今^{一二}心不懲^八。

誠既勇今^{一三}又以武。終剛強今^{一四}不可陵。身既死今^{一五}神以靈。魂魄毅今^{一六}為鬼雄。

國殤^九

【釋義】①言戎車相迫。輪轂交錯。②犯也。③踐也。④言其右騑馬被刃傷也。⑤言天不佑已也。威靈謂鬼神也。⑥猶言鏖戰痛殺也。⑦秦有南山檀柘。可爲弓幹。⑧懲。創艾也。猶言死而無悔也。⑨國殤。謂死於國事者。文選注按「九歌」乃祀神之樂歌。山鬼以上九篇各祀一神。獨此篇國殤性質不同。疑本爲獨立詩歌。後人不察。誤入九歌之羣耳。

【諸家集評】張臬文曰以忠死故比國殤

成禮兮會鼓。傳芭兮代舞。姱女倡兮容與。春蘭兮秋菊。長無絕兮終古。

—禮魂—

【註音】(芭)音巴(倡)同唱

【釋義】①芭。香草。巫所持。代。更番交代也。言巫持芭而舞。訖復傳與人。更用之也。②進退有節也。③禮魂。謂以禮美終者。

【諸家集評】張臬文曰幾知我者於百世之下

賈生弔屈原賦

恭承嘉惠兮。竢罪長沙。側聞屈原兮。自湛汨羅。造託湘流兮。敬弔先生。遭世罔極兮。迺隕厥身。烏虜哀哉兮。逢時不祥。鸞鳳伏竄兮。鳴鴉翔翔。闐茸尊顯兮。讒諛得志。賢聖逆曳兮。方正倒植。世謂隨夷兮。謂跖躋廉。莫邪爲鈍兮。鉛刀爲銛。吁嗟默默兮。生之亡故。幹棄周鼎兮。而寶康瓠。騰駕罷牛兮。驂蹇驢。驥垂兩耳兮。服鹽車。章甫薦屨兮。漸不可久。嗟苦先生兮。獨離此咎。訖曰已矣。國其莫吾知兮。獨堙鬱其誰語。鳳縹縹其高逝兮。夫固自引而遠去。襲九淵之神龍兮。沕深潛以自珍。偃蠖獮以隱處兮。夫豈從

蠶與蛭蝥所貴聖人之神德兮。遠濁世而自臧。使騏驥可得係羈兮。豈云異夫犬羊般紛紛其離此尤兮。亦夫子之辜也。歷九州而相其君兮。何必懷此都也。鳳皇翔於千仞兮。覽德輝而下之。見細德之險微兮。遙增翮逝而去之。彼尋常之汙瀆兮。豈容吞舟之魚。橫江湖之鱣鯨兮。固將制於螻蠹。

【註音】(湛)同沈(汨)音覓(茸)乳勇切(植)音緻(跖)音隻(躡)音喬(邪)同耶(鉛)余專切(銛)息廉切(轄)烏括切(訖)音亂(鏢)音標(蠟)音鼻(蠟)他達切(蠶)同蟻(蛭)音質(蝥)音寅(鱣)張連切

【釋義】①湖南湘陰縣北有屈潭。汨水羅水。至此而合。②言無中正也。③不材之人。④言不可順道而行也。⑤言賢不肯顛倒易位也。⑥即卞隨。殷之賢士。⑦即伯夷。⑧魯之柳跖。楚之莊躡。並大盜也。⑨利也。⑩轉也。⑪瓦盆底也。⑫跛也。⑬冠當加首而以薦履。倒上為下。故漸不可久也。儀禮曰。士冠。章甫。殷道也。⑭潛藏也。⑮背也。⑯水蟲似蛇。能害魚。⑰水蟲。⑱寒蟄蟲也。⑲久也。⑳怨大也。㉑言知時之亂。當歷九州。相賢君而事之。何必思此都而遭放逐。㉒八尺曰尋。倍尋曰常。莊子曰。弟子謂庚桑楚曰。夫尋常之溝。巨魚無所還其體。而鯢鮪為之制也。㉓晉灼曰。小水不容大魚。而橫鱣鯨於汚瀆。必為螻蠹所見制。以况小朝主閭。不容受忠在之言。亦謂讒賊小人所見害也。

漢武帝悼李夫人賦

美連娟以修嫵兮。命櫟絕而不長。飾新宮以延貯兮。泯不歸乎故鄉。慘鬱鬱其蕪穢兮。隱處幽而懷傷。釋輿馬於山椒兮。奄修夜之不陽。秋氣潛以淒淚兮。桂枝落而銷亡。神煢煢以遙思兮。精浮游而出疆。託沈陰以曠久兮。惜蕃華之未央。念窮極之不還兮。惟幼眇之相羊。函菱荇以俟風兮。芳

雜襲以彌章。的容與以猗靡兮。縹飄姚乎愈莊燕淫衍而撫楹兮。連流視而娥揚既激感而心逐兮。包紅顏而弗明。驩接狎以離別兮。宵寤夢之芒芒。忽遷化而不反兮。魂放逸以飛揚。何靈魂之紛紛兮。哀裴回以躊躇。執路日以遠兮。途荒忽而辭去。超兮西征。屑兮不見。寢淫傲荒寂兮。無音。思若流波。怛兮在心。亂曰。佳俠函光。隕朱榮兮。嫉妒闐茸。將安程兮。方時隆盛。年夭傷兮。弟子增欷。洿沫悵兮。悲愁於邑。喧不可止兮。嚮不虛應。亦云已兮。嫵妍太息。歎稚子兮。鬪慄不言。倚所恃兮。仁者不誓。豈約親兮。既往不來。申以信兮。去彼昭昭。就冥冥兮。既下新宮。不復故庭兮。嗚呼哀哉。想魂靈兮。

【註音】(嫵)音護(燥)子小切(貯)同佇(慄)音慘(菱)音緩(莢)音敷(縹)匹妙切(裴)同排(莞)詡往切同怛(怛)音且(冷)音烏(嚮)同響(嫵)同惟(鬪)音留

【釋義】(一)夫人為延年妹。少而早卒。疾篤時。上自臨視。夫人蒙被不見。以兄弟為託。上必欲見之。夫人卒不肯。篇中嫵妍句似指此。(二)纖弱也。(三)美也。(四)截也。(五)待神處也。(六)滅也。(七)言輿馬之何在。山椒。山陵也。(八)悲痛也。(九)寒冷也。(一〇)思也。(一一)猶言窈窕。(一二)猶徘徊也。(一三)言其色也。(一四)容顏猗美。縹姚中益端嚴。(一五)言生前歡宴時之容止。(一六)揚其娥眉也。(一七)入墓也。(一八)無知貌。(一九)猶忽也。(二〇)言失意也。(二一)亂理也。總理。賦之大意。(二二)猶佳麗。(二三)紅花。(二四)嫉妬闐茸無可取法之人。(二五)夫人弟兄。(二六)昌邑王。(二七)涕洟。(二八)響必有應。茲則已矣。(二九)憂愁面瘦。(三〇)恃生前之恩。知上必感念也。鬪慄。哀愴意。(三一)仁者不誓。而親愛之極。必有所約。故死後仍責其信誓之何在。(三二)猶故宮也。

【諸家集評】吳至父曰。吾以此賦證長門賦之為偽託。

卷七十三 哀祭類二

韓退之祭田橫墓文

貞元十一年九月。愈如東京。道出田橫墓下。感橫義高能得士。因取酒以祭。爲文而弔之。其辭曰。事有曠百世而相感者。余不自知其何心。非今世之所稀。孰爲使余歔歔而不可禁。余既博觀乎天下。曷有庶幾乎夫子之所爲。死者不復生。嗟余去此其從誰。當秦氏之敗亂。得一士而可王。何五百人之擾擾。而不能脫夫子於劍鉞。抑所寶之非賢。亦天命之有常。昔闕里之多士。孔聖亦云其遑遑。苟余行之不迷。雖顛沛其何傷。自古死者皆一。夫子至今有耿光。踈陳辭而薦酒。魂髣髴而來享。

〔註音〕（鉞）音芒

〔釋義〕①德宗年號。②故齊王榮弟。韓信虜齊王廣。橫自立爲王。高帝立。橫與其徒五百餘人入海島。帝使人召之。橫因與二客乘傳詣洛陽。未至二十里。自剄。二客隨之。其餘在海中者亦皆自殺。③悲泣氣咽而抽息也。④里名。在山東曲阜縣城中。⑤明也。

〔諸家集評〕姚氏曰。此是公少作。故猶取屈子成句。吳至父曰。變化不可方物。

韓退之潮州祭神文

維年月日。潮州刺史韓愈。謹以清酌。膾脩之奠。祈於大湖神之靈。曰。稻既穞矣。而雨不得熟。以穫也。蠶起且眠矣。而雨不得老。以簇也。歲且盡矣。稻

不可以復種。而蠶不可以復育也。農夫桑婦。將無以應賦稅。繼衣食也。非神之不愛人。刺史失所職也。百姓何辜。使至極也。神聰明而端一。聽不可濫以惑也。刺史不仁。可坐以辜。惟彼無辜。惠以福也。割剗四五雲陰。卷月日也。幸身有衣。口得食。給神役也。充上之須。脫刑辟也。選牲爲酒。以報靈德也。吹擊管鼓。侑香潔也。拜庭跪坐。如法式也。不信當治。疾殃殛也。神其尙饗。

【註音】(腹)音鍛(穉)音遂(簇)干木切(辜)同罪(剗)音離

【釋義】①捶脯施薑桂也。②禾采之貌。③叢聚也。④刀破物也。⑤分割也。⑥相助也。

【諸家集評】會條生日別出才調岸然入古

韓退之祭河南張員外文

維年月日。彰義軍行軍司馬守太子右庶子兼御史中丞韓愈。謹遣某乙。以庶羞清酌之奠。祭於亡友故河南縣令張十二員外之靈。貞元十九。君爲御史。余以無能。同詔並跼。君德渾剛。標高揭已。有不吾如。唾猶泥滓。余三驚而狂。年未三紀。乘氣加人。無挾自恃。彼婉孌者。實憚吾曹。側肩帖耳。有舌如刀。我落陽山。以尹五。君飄臨武。山林之牢。歲弊寒兇。雪虐風饕。顛六於馬下。我泗君。咷夜息南山。同臥一席。守隸防夫。觚頂交跖。洞庭漫汗。粘七天無壁。風濤相逐。中作霹靂。追程盲進。飄船箭激。南上湘水。屈氏所沈。二八妃行迷。淚蹤染林。山哀浦思。鳥獸叫音。余唱君和。百篇在吟。君止於縣。我

又南踰。把餞相飲。後期有無。期宿界上。一夕相語。自別幾時。遽變寒暑。枕臂鼓眠。加余以股。僕來告言。虎入廐處。無敢驚逐。以我驟去。君云是物。不駿於乘。虎取而往。來寅其徵。我預在此。與君俱膺。猛獸果信。惡禱而憑。余出嶺中。君埃州下。偕掾江陵。非余望者。郴山奇變。其水清寫。泊沙倚石。有筮無捨。衡陽放酒。熊咆虎嘯。不存令章。罰籌蝟毛。委舟湘流。往觀南嶽。雲壁潭潭。穹林攸擢。避風大湖。七日鹿角。鈎登大鮎。怒頰豕狗。鬻盤炙酒。羣奴餘啄。走官階下。首下尻高。下馬伏塗。從事是遭。予徵博士。君以使已。相見京師。過願之始。分教東生。君掾雍首。兩都相望。於別何有。解手背面。遂十一年。君出我入。如相避然。生闊死休。吞不復宣。刑官屬郎。引章訐奪。權臣不愛。南康是幹。明條謹獄。氓獠戶歌。用遷澧浦。為人受瘡。還家東都。起令河南。屈拜後生。憤所不堪。屢以正免。身伸事蹇。竟死不升。孰勸為善。丞相南討。余辱司馬。議兵大梁。走出洛下。突不憑棺。奠不親。不撫其子。葬不送野。望君傷懷。有隕如瀉。銘君之績。納石壤中。爰及祖考。紀德事功。外著後世。鬼神與通。君其奚憾。不余鑒衷。嗚呼哀哉。尙饗。

【註音】(時)文里切(俸)壯士切(懸)陟降切(孫)奴刀切(饗)他刀切(眺)音濤(餞)典禮切(跽)音隻

(汗)音寒(脛)音灰(颯)同帆(餞)阻限切(驟)音蒙(埃)同俟(郴)音琛(筮)同廷音誤(咆)音庖(嘯)音豪

(蝟)音胃(鮎)音拈(狗)許角切(尻)考平聲(幹)音管(獠)音老(澧)音里(澹)坐平聲(畢)音賈

【釋義】①張員外。名署。河間人。為河南縣令。②立也。③愚也。④時為李實所讒。⑤故城在今廣東陽山縣東。

①鼠類。②猴也。言陽山之人如鼯。③今湖南臨武縣。④盡也。⑤鼻液。⑥泣不止也。⑦觸也。⑧脚掌也。⑨水廣大貌。⑩擊也。⑪源出廣西興安縣之陽海山與離水同源。曰離湘。於縣東之分離湘醜地與離水分離。東北流至零陵縣西。瀟水入焉。曰瀟湘。曲曲東北流會衡陽之蒸水。曰蒸湘。是為三湘。又東北流經湘陰縣西入洞庭湖。⑫屈原自沉於汨羅。汨羅西流入湘。⑬〔博物志〕舜有二妃。舜崩。二妃啼。以涕揮竹。竹盡斑。⑭小杯。⑮驢子也。⑯來歲寅月。當有佳徵。⑰當也。⑱虎來佳兆。果有府掾之命。不必禱而可憑。⑲在今湖北。貞元十九年。愈與張署自御史出南方為令。明年。順宗即位。俱徙江陵。⑳今湖南郴縣南八十里之黃岑山。是也。郴水發源於此。愈遇赦後。離陽山。埃命於郴。秋末。始受法曹之命。㉑相逢也。㉒違酒令則以籌紀罰。蝟毛。喻多也。㉓即衡山。㉔奧深貌。㉕即洞庭湖。㉖洞庭湖中地名。㉗魚名。俗稱鯪魚。體圓長。頭大尾扁。無鱗。多粘質。口曲而闊。兩顎生細齒。有鬚。背蒼黑色。腹白。長尺餘。產於淡水。㉘豕怒聲。㉙謂江陵府。㉚脊骨盡處也。㉛元和元年。愈召為國子博士。署掾江陵。半年。邕管奏為判官。不往。㉜元和二年。愈分教東都。署為京兆府司錄參軍。雍州名。今陝西省地。㉝署後遷尚書刑部員外郎。守法爭議。改虔州刺史。虔州。今江西贛縣等地。晉以後為南康郡。㉞嶺表之蠻。㉟署自虔州改澧州刺史。澧州。治今湖南澧縣。㊱署為澧州刺史。民稅出雜產物與錢。尚書有經數。觀察使滕州徵錢倍經。署曰。刺史不可貪官害民。留滕不肯從。竟以代罷。人係民字。唐避諱改。瘡。罷病也。此作過字解。㊲元和十六年。以宰相裴度為淮西宣慰處置使。南討淮蔡。㊳醫也。

〔諸家集評〕茅鹿門曰公之奇崛戰鬪鬼神處令人神眩

劉海峯曰昌黎善為奇險光怪之語以驚人而與張員外同出貶竄其所經過山川險阻患難適足供其役遣故能雄肆如此又曰祭文退之獨擅介甫亦得其似歐公則不免平矣退之祭文以張員外第一李使君次之

大姚曰淒麗處獨以健倔出之層見疊聳而力堅淨他人無此也

會條生日以奇崛鳴其悲鬱鏖戰鬼神層疊可愕

韓退之祭柳子厚文

維年月日。韓愈謹以清酌庶羞之奠。祭於亡友柳子厚之靈。嗟嗟子厚。而
至然邪。自古莫不然。我又何嗟。人之生世。如夢一覺。其閒利害。竟亦何校。
當其夢時。有樂有悲。及其既覺。豈足追維。凡物之生。不願為材。犧尊青黃。

乃木之災。子之中葉。天脫馬羈^三。玉佩瓊瑤^四。大放厥辭。富貴無能。磨滅誰紀。子之自著。表表愈偉。不善為斲。血指汗顏。巧匠旁觀。縮手袖閒。子之文章。而不用世。乃令吾徒。掌帝之制。子之視人。自以無前。一斥不復^五。羣飛刺天^六。嗟嗟子厚。今也則亡。臨絕之音。一何琅琅。徧告諸友。以寄厥子。不鄙謂余。亦託以死。凡今之交。觀勢厚薄。余豈可保。能承子託。非我知子。子實命我。猶有鬼神。寧敢遺墮。念子永歸。無復來期。設祭棺前。矢心以辭。嗚呼哀哉。尚饗。

【註音】(覺)音教(犧)音沙(畢)音執(瑤)音居

【釋義】●寤也。●犧酒器。以木為之。青黃其飾。〔莊子〕百年之木。破為義尊。●繫足也。●狀其文章之美也。

⑤子厚以黨王叔文。貶永州司馬。後徙柳州刺史。卒。●飛一作非。言非之者衆。刺猶責也。

【諸家集評】會條生日峻潔直上語經百鍊公文如此乃不復可攀躋矣

韓退之祭侯主簿文

維年月日。吏部侍郎韓愈。謹遣男殿中省進馬佶^二。致祭於亡友故國子主簿侯君之靈。嗚呼。惟子文學。今誰過之。子於道義。困不捨遺。我狎我愛。人莫與夷^三。自始及今。二紀^四於茲。我或為文。筆俾子持。唱我和我。問我以疑。我鈞我游。莫不我隨。我寢我休。莫爾之私^五。朋友昆弟。情敬異施。惟我於子。無適不宜。棄我而死。嗟我之衰。相好滿目。少年之時。日月云亡。今其有誰。誰不富貴。而子為羈^六。我無利權。雖怨曷為。子之方葬。我方齋祠^七。哭送不可。誰

知我悲。嗚呼哀哉。尙饗。

【註音】（倍）音吉

【釋義】①侯主簿名喜。上谷人。②進馬。官名。屬殿中省。執鞭。居立仗馬之左。視馬進。倍。其子之名。③等也。④二十四年。⑤言私暱之甚。寢休自便也。⑥身為羈旅也。⑦言有祭事。

韓退之祭薛助教文

維元和四年。歲次己丑。後三月二十一日景寅^二。朝議郎守國子博士韓愈。太學助教侯繼。謹以清酌^三之奠。祭於亡友國子助教薛君之靈。嗚呼。吾徒學而不見施設。祿又不足以活身。天於此時。奪其友人。同官太學。日得相因。奈何永違。祇隔數晨。笑語為別。慟哭來門。藏棺蔽帷。欲見無緣。皎皎眉目。在人目前。酌以告誠。庶幾有神。嗚呼哀哉。尙饗。

【釋義】①薛助教名達。字大順。②丙寅作景寅。避唐諱也。③「禮」酒曰清酌。

韓退之祭虞部張員外文

維年月日。愈等謹以清酌庶羞之奠。敬祭於亡友張十三員外之靈。嗚呼。往在貞元。俱從賓薦。司我明試。時維邦彥^二。各以文售。幸皆少年。羣游旅宿。其歡甚焉。出言無尤。有獲同喜。他年諸人。莫有能比。儻^{*}忽逮今。二十餘歲。存皆衰白。半亦辭世。外纏公事。內迫家私。中宵興歎。無復昔時。如何今者。又失夫子。懿德柔聲。永絕心耳。廬親之墓^三。終喪乃歸。陽瘖^{*}避職^四。妻子不知。

分司憲臺。風紀由振。遂遷司虞^五。以播華問。不能老壽。孰究其因。託嗣於宗。天維不仁。酒食備設。靈其降止。論德敘情。以視諸誅。尙饗。

【註音】（儵）同倏音叔（瘖）音音

【釋義】●張員外名季友。字孝權。●貞元八年。陸贄典貢舉。邦彥指陸。●孝權母卒。既葬。守墓二年而後歸。

●貞元十六年。徐州團練使張愔請孝權為判官。孝權詐稱疾。不言二年。元和初。愔死。疾即已。●司虞。掌京師園囿苑圃山澤草木。及百官蕃客時蔬薪炭供頓畋獵之事。

韓退之祭穆員外文

於乎。建中之初。余居於嵩。攜扶北奔。避盜來攻。晨及洛師。相遇一時。顧我如故。眷然顧之。子有令聞。我來自山。子之峻明。我鈍而頑。道既云異。誰從知我。我思其厚。不知其可。於後八年。君從杜侯。我時在洛。亦應其招。留守無事。多君子僚。罔有疑忌。維其嬉游。草生之春。鳥鳴之朝。我轡在手。君揚其鑣。君居於室。我既來即。或以嘯歌。或以偃側。誨余以義。復我以誠。終日以語。無非德聲。主人信讒。有感其下。殺人無罪。誣以成過。入救不從。反以為禍。赫赫有聞。王命三司。察我於獄。相從係縲。曲生何樂。直死何悲。上懷主人。內閔其私。進退之難。君處之宜。既釋於囚。我來徐州。道之悠悠。思君為憂。我如京師。君居父喪。哭泣而拜。言詞不通。我歸自西。君反吉服。晤言無他。往復其昔。不日而違。重我心惻。自後聞君。母喪是丁。痛毒之懷。六年以并。孰云孝子。而殞厥靈。今我之至。入門失聲。酒肉在前。君胡不餐。登君

之堂。不與我言。嗚呼死矣。何日來還。

〔釋義〕○穆員外。名員。字與直。懷州河內人。○德宗年號。○今河南洛陽縣。○京北人。字次公。貞元五年。以檢校吏部尚書留守東都。亞辟員為從事。時崔翹亦為亞所辟。○馬勒旁鐵。○令狐運為東京牙門將。亞惡之。會盜劫輪絹。運適敗近郊。亞命員及從事張弘靖鞠其事。無之。亞怒。囚員等。員由此知名。

〔諸家集評〕會條生日瘦折與峭

韓退之祭房君文

維某年月日。愈謹遣舊吏皇甫悅。以酒肉之饋。展祭於五官蜀客之柩前。嗚呼。君乃至於此。吾復何言。若有鬼神。吾未死。無以妻子為念。嗚呼。君其能聞吾此言否。尚饗。

〔釋義〕○房君名次卿。字蜀客。卒京兆興平尉。○五官。官名。

〔諸家集評〕方望溪曰。止此數語。便可包贏越劉。

韓退之獨孤申叔哀辭

衆萬之生。誰非天邪。明昭昏蒙。誰使然邪。行何為而怒。居何故而憐。胡喜厚其所可薄。而恆不足於賢邪。將下民之好惡。與彼蒼懸邪。抑蒼茫無端。而暫寓其間邪。死者無知。吾為子慟而已矣。如有知也。子其自知之矣。濯濯其英。曄曄其光。如聞其聲。如見其容。嗚呼遠矣。何日而忘。

〔註音〕(曄)筠輒切

〔釋義〕○申叔。字子重。年二十二舉進士。又二年。用博學宏辭為校書郎。又三年。居父喪。未練而歿。○嫉忌

也。指小人。③惜也。指君子。④光明也。⑤威貌。

韓退之歐陽生哀辭

歐陽詹。世居閩越。自詹以上。皆爲閩越官。至州佐縣令者。累累有焉。閩越地肥衍。有山泉禽魚之樂。雖有長材秀民。通文書吏事與上國齒者。未嘗肯出仕。今上初。故宰相常袞。爲福建諸州觀察使。治其地。袞以文辭進。有名於時。又作大官。臨泣其民。鄉縣小民。有能誦書作文辭者。袞親與之爲客主之禮。觀遊宴饗。必召與之。時未幾。皆化翕然。詹於時獨秀出。袞加敬愛。諸生皆推服。閩越之人舉進士。繇詹始。建中貞元間。余就食江南。未接人事。往往聞詹名。閩巷間。詹之稱於江南也久。貞元三年。余始至京師。舉進士。聞詹名尤甚。八年春。遂與詹文辭同考試。登第。始相識。自後詹歸閩中。余或在京師他處。不見詹久者。惟詹歸閩中時爲然。其他時與詹離。率不歷歲移時。則必合。合必兩忘其所趨。久然後去。故余與詹相知爲深。詹事父母盡孝道。仁於妻子。於朋友義以誠。氣醇以方。容貌嶷嶷然。其燕私善謔以和。其文章竊深喜往復。善自道。讀其書。知其於慈孝最隆也。十五年冬。余以徐州從事。朝正於京師。詹爲國子監四門助教。將率其徒伏闕下。舉余爲博士。會監有獄。不果上。觀其心有益於余。將忘其身之賤而爲

之也。嗚呼。詹今其死矣。詹閩越人也。父母老矣。捨朝夕之養。以來京師。其
心將以有得於是而歸爲父母榮也。雖其父母之心亦皆然。詹在側。雖無
離憂。其志不樂也。詹在京師。雖有離憂。其志樂也。若詹者。所謂以志養志
者歟。詹雖未得位。其名聲流於人人。其德行信於朋友。雖詹與其父母。皆
可無憾也。詹之事業文章。李翱旣爲之傳。故作哀辭以舒余哀。以傳於後。
以遺其父母。而解其悲哀。以卒詹志云。
求仕與友兮。遠違其鄉。父母之命兮。子奉以行。友則旣獲兮。祿實不豐。以
志爲養兮。何有牛羊。事實旣修兮。名譽又光。父母忻忻兮。常若在旁。命雖
云短兮。其存者長。終要必死兮。願不永傷。友朋親視兮。藥物甚良。飲食孔
時兮。所欲無妨。壽命不齊兮。人道之常。在側與遠兮。非有不同。山川阻深
兮。魂魄流行。祀祭則及兮。勿謂不通。哭泣無益兮。抑哀自彊。推生知死兮。
以慰孝誠。嗚呼哀哉兮。是亦難忘。

〔釋義〕○歐陽生名詹。字行周。泉州晉江人。○京兆人。天寶進士。代宗時累拜門下侍郎。同平章事。封河內
郡公。性苛細。以清儉自賢。德宗卽位。貶潮州刺史。建中初。爲福建觀察使。始閩人未知學。衮爲設鄉校。教導之。自
是文風始盛。卒官。有集。○會合後。皆忘所欲至之地。○〔詩大雅〕克岐克嶷。○時愈爲徐州節度推官。
〔諸家集評〕方望溪曰。退之文。每至親懿。故舊存亡。離合悲思。慕戀惻然。自肺腑流出。使讀者氣厚
會滌生曰。前半敘述。矜當。後半就父母老矣。反復低回。絕耐紉誦。

李習之祭吏部韓侍郎文

嗚呼。孔氏云遠。楊墨恣行。孟軻拒之。乃壞於成。戎風混華。異學魁橫。兄常
 辨之。孔道益明。建武以還。文卑質喪。氣萎體敗。剽剝不讓。儷花鬪葉。顛倒
 相上。及兄之為。思動鬼神。撥去其華。得其本根。開合怪駭。驅濤湧雲。包劉
 越嬴。並武同殷。六經之風。絕而復新。學者有歸。大變於文。兄之仕宦。罔辭
 於艱。疏奏輒斥。去而復遷。升黜不改。正言亟聞。貞元十二。兄在汴州。我游
 自徐。始得兄交。視我無能。待予以友。講文析道。為益之厚。二十九年。不知
 其久。兄以疾休。我病臥室。三來視我。笑語窮日。何荒不耕。會之以一。人心
 樂生。皆惡言凶。兄之在病。則齊其終。順化以盡。靡惑於中。別我千萬。意如
 不窮。臨喪大號。決裂肝胸。老聃言壽。死而不忘。兄名之垂。星斗之光。我譔
 兄行。下於太常。聲殫天地。誰云不長。喪車來東。我刺廬江。君命有嚴。不見
 兄喪。遣使奠罍。百酸攪腸。音容若在。曷日而忘。嗚呼哀哉。尚饗。

【註音】(剽)匹妙切(亟)音器(惡)去聲(攪)音絞

【釋義】①韓侍郎即韓愈。②大橫也。③齊明帝年號。④指六朝駢文。⑤言上追秦漢也。⑥頻數也。〔孟子〕亟
 問。亟饋鼎肉。⑦今河南開封縣。⑧言其學之博也。⑨言齊死生也。⑩言老子有言。死而不能忘。乃為壽。⑪旗名。古
 作大常。〔周禮〕建大常十有二旂以祀。〔注〕大常。九旗之畫日月者。⑫今安徽合肥縣。時期以面斥宰相過失。為
 廬州刺史。

歐陽永叔祭資政范公文

嗚呼公平。學古居今。持方入員。丘軻之艱。其道則然。公曰彼惡。謂公好訐。二*
 公曰彼善。謂公樹朋。公所勇為。謂公躁進。公有退讓。謂公近名。讒人之言。
 其何可聽。先事而斥。羣譏衆排。有事而思。雖仇謂材。三毀不吾傷。譽不吾喜。
 進退有儀。夷行險止。嗚呼公平。舉世之善。誰非公徒。讒人豈多。四公志不舒。
 善不勝惡。豈其然乎。成難毀易。理又然歟。嗚呼公平。欲壞其棟。五先摧桷。六
 傾巢破殼。八*披折旁枝。害一損百。人誰不懼。誰為黨論。是不仁哉。嗚呼公平。
 易名謚行。君子之榮。生也何毀。沒也何稱。好死惡生。殆非人情。豈其生有
 所嫉。而死無所爭。自公云亡。謗不待辨。愈久愈明。由今可見。始屈終伸。公
 其無恨。寫懷平生。寓此薄奠。

【註音】（訐）音揭（懷）音崔（殼）音寇

【釋義】①范公。名仲淹。字希文。②發人之陰私曰訐。③呂夷簡為相。仲淹知開封。屢攻呂短。坐落職。後復舊
 職。知永興。會夷簡復相。言於仁宗曰。仲淹長者。朝廷將用之。豈可但除舊職。④作豈不解。⑤正櫟也。⑥椽之方者。
 ⑦屋椽。⑧雛鳥。須母哺而食者。

歐陽永叔祭尹師魯文

嗟乎師魯。辯足以窮萬物。而不能當一獄吏。二志可以狹四海。而無所措其

一身窮山之崖。野水之濱。猿猴之窟。麋鹿之羣。猶不能容於其間。今遂即萬鬼而為鄰。嗟乎師魯。世之惡子之多。未必若愛子者之衆。而其窮而至。此今得非命在乎天。而不在于人。方其奔顛斥逐。困厄艱屯。舉世皆冤。而語言未嘗以自及。以窮至死。而妻子不見其悲忻。用舍進退。屈伸語默。夫何能然。乃學之力。至其握手為訣。隱几待終。顏色不變。笑言從容。死生之間。既已能通於性命。憂患之至。宜其不累於心胸。自子云逝。善人宜哀。子能自達。予又何悲。惟其師友之益。平生之舊。情之難忘。言不可究。嗟乎師魯。自古有死。皆歸無物。惟聖與賢。雖埋不沒。尤於文章。焯*四若星日。子之所為。後世師法。雖嗣子尚幼。未足以付予。而世人藏之。庶可無憂於墜失。子於衆人。最愛予文。寓辭千里。侑此一樽。冀以慰子。聞乎不聞。尚饗。

【註音】（焯）音灼

【釋義】①師魯。河南人。名洙。②洙為董士廉所訟。詔遣御史劉湜就鞠。湜文致之。洙因徙監均州酒稅。感疾而卒。③言不自辨白也。④明也。

歐陽永叔祭石曼卿文

嗚呼曼卿。生而為英。死而為靈。其同乎萬物生死。而復歸於無物者。暫聚之形。不與萬物共盡。而卓然其不朽者。後世之名。此自古聖賢。莫不皆然。而著在簡冊者。昭如日星。嗚呼曼卿。吾不見子久矣。猶能髣髴子之平生。

其軒昂磊落^二突兀崢嶸^三而埋藏於地下者。意其不化為朽壤而為金玉之精。不然生長松之千尺。產靈芝而九莖^四。奈何荒煙野蔓。荆棘縱橫。風淒露下。走燐飛螢。但見牧童樵叟。歌吟而上下。與夫驚禽駭獸。悲鳴躑躅^五而呻^六。嚶今固如此。更千秋而萬歲今。安知其不穴藏狐貉^七與鼯鼯^八。此自古聖賢亦皆然。今獨不見夫纍纍乎曠野與荒城。嗚呼曼卿。盛衰之理。吾固知其如此。而感念疇昔。悲涼淒愴。不覺臨風而隕涕者。有愧乎太上之忘情。尙饗。

【註音】（崢）助耕切（嶸）音橫（莖）戶耕切（躑）直隻切（躅）廚玉切（呻）音伊（嚶）音嬰（貉）音鶴
【釋義】①曼卿。名延年。宋城人。②光明貌。③高峻貌。④枝柱也。草曰莖。⑤行不進也。⑥呻。笑也。嚶。鳴也。⑦獸名。似狸。銳頭尖鼻。性好睡。日伏夜出。捕食蟲類。毛色斑駁。其文上圓下方。可為裘。⑧鼠屬。體長七八寸。背暗褐色。腹白。尾長。密生長毛。前後兩肢間有蹼。能飛行樹上。棲於深山。夜出求食。聲如小兒啼。幾暇格物編謂之飛鼠。⑨即黃鼠狼。

歐陽永叔祭蘇子美文

哀哀子美。命止斯邪。小人之幸。君子之嗟^二。子之心胸。蟠屈龍蛇。風雲變化。雨雹交加。忽然揮斧。霹靂轟車。人有遭之。心驚膽落。震仆如麻。須臾霽止。而四顧百里。山川草木。開發萌芽。子於文章。雄豪放肆。有如此者。吁可怪邪。嗟乎世人。知此而已。貪悅其外。不窺其內。欲知子心。窮達之際。金石雖堅。尙可破壞。子於窮達。始終仁義。惟人不知。乃窮至此。蘊而不見。遽以沒

地。獨留文章。照耀後世。嗟世之愚。掩抑毀傷。譬如磨鑑。不滅愈光。一世之短。萬世之長。其間得失。不待較量。哀哀子美。來舉予觴。尚饗。

【釋義】●子美。銅山人。名舜欽。●時范仲淹與富弼。欲盡革衆弊以紓民。王拱辰等不便。乃以宴神事劾子美。子美除名。一時賢俊。因是貶逐。王等喜曰。吾一網盡之矣。●凡雲霧散。雨雪止。皆謂之霽。

歐陽永叔祭梅聖俞文

昔始見子伊川之上。余仕方初。子年亦壯。讀書飲酒。握手相歡。談辨鋒出。賢豪滿前。謂言仕宦。所至皆然。但當行樂。何有憂患。子去河南。余貶山峽。三二十年間。乖離會合。晚被選擢。濫官朝廷。薦子學舍。吟哦六經。余才過分。可愧非榮。子雖窮厄。日有聲名。余狷而剛。中遭多難。氣血先耗。髮鬚早變。子心寬易。在險如夷。年實加我。其顏不衰。謂子仁人。自宜多壽。余譬膏火。煎熬豈久。事今反此。理固難知。況於富貴。又可必期。念昔河南。同時一輩。零落之餘。惟予子在。子又去我。余存兀然。凡今之游。皆莫余先。紀行琢辭。子宜余責。送終卹孤。則有衆力。惟聲與淚。獨出余臆。

【釋義】●聖俞。宣城人。名堯臣。●時修調西京推官。西京。今河南洛陽縣。東南有伊水。●謂夷陵。宋時為縣。在今湖北宜昌縣東南。●梅會官國子監直講。●褊急也。●當胸之處。

蘇子瞻祭歐陽文忠公文

嗚呼哀哉。公之生於世。六十有六年。民有父母。國有著龜。斯文有傳。學者

平視青雲。可到寧驟。孰云坎壈。白髮垂脰。才高絕俗。性疏來詬。謫居窮山。遂侶猩狖。夜衾不絮。朝飢絕餽。慨然懷歸。投棄纓綬。潛山之麓。往事神后。道味自飴。世芬莫覿。凡世所欲。有避無就。謂當乘除。併昇之壽。云何不淑。命也誰咎。頃在錢塘。惠然我覲。相從半歲。日飲醕酎。朝游南屏。暮宿靈鷲。雪窗飢坐。清闕閒奏。沙河夜歸。霜月如晝。綸巾鶴氅。驚笑吳婦。會合之難。如次組繡。翻然失去。覆水何救。維子耆老。名德俱茂。嗟我後來。匪友惟媿。子有令子。將大子後。頽然二孫。則謂我舅。念子永歸。涕如懸霑。歌此奠詩。一樽往侑。

【註音】(咪)音晝(噤)音聊(壘)藍上聲(脰)音豆(詬)呼寇切(餽)增去聲(餽)力救切(飴)音移(覿)同嗅(酎)音胃(鷲)音就(闕)音缺(綸)古頑切(氅)音徹(頽)音祈(霑)力救切

【釋義】①晉書裴頠傳頡頏有遠識。周弼見而嘆曰。頡若武庫。五兵縱橫。一時之傑。②鳥口也。③元稹。白居易詩。有輕俗之譏。④孟郊。賈島詩。有寒瘦之目。⑤鳥鳴聲也。⑥不得志也。⑦頸項也。⑧猩。猿之大者。狖。猴屬。⑨蒸器。⑩飯氣蒸也。飯半蒸為饋。饋熟為餽。⑪組也。即絲條。以承受印環者。⑫在安徽潛山縣西北。⑬山足。⑭今浙江杭縣。⑮酒名。西京雜記。漢制以正月且造酒。八月成。名曰九醞。一名醕酎。⑯山名。在浙江杭縣。⑰寺名。在浙江杭縣之飛來峯。⑱在杭縣城外。唐時錢塘壞。江挾海潮為患。刺史崔彥會乃開外沙中沙裏沙三河以狹之。曰沙河塘。⑲青絲綬為巾也。二國時諸葛亮所創。⑳折羽為裘。㉑婚姻也。㉒長貌。㉓屋水流也。檐下承雨水之器也。

蘇子由代三省祭司馬丞相文

嗚呼。元豐未命。震驚四方。號令所從。帷幄是望。公來自西。會哭於廷。搢紳咨嗟。復見老成。太任在位。成王在左。曰予惇惇。誰卹予禍。白髮蒼顏。三世

之臣。不留相予。孰左右民。公出於道。民聚而呼。皆曰予父。歸與歸與。公畏莫當。遘反洛師。授之宛邱。實將用之。公之來思。岌然特立。身如槁木。心如金石。時當宅憂。恭默不言。一二卿士。代天斡旋。事棼如絲。衆比如櫛。治亂之幾。間不容髮。公身當之。所恃惟誠。吾民苟安。吾君則寧。以順得天。以信得人。鉏去太甚。復其本原。白叟黃童。織婦耕夫。庶幾休焉。日月以須。公乘安輿。入見延和。裕民之言。之死靡它。將享合宮。百辟咸事。公病於家。臥不時起。明日當齋。公訃暮聞。天以雨泣。都人酸辛。禮成不賀。人識君意。龍袞蟬冠。遂以往。公之初來。民執弓矛。逮公永歸。既耕且耰。公雖云亡。其志則存。國有成法。朝有正人。持而守之。有進毋隕。匪以報公。維以報君。天子聖明。神母萬年。民不告勤。公志則然。死者復生。信我此言。嗚呼哀哉。尙饗。

【註音】(任)音壬(惲)音瓊(遘)市緣切(它)同他(耰)音遂。

【釋義】①二三省。即門下省。中書省。尚書省。②司馬丞相。名光。字君實。③神宗年號。④太任。文王母。成王。武王子。比太皇太后高氏及哲宗也。⑤憂思貌。〔詩〕憂心惲惲。⑥遘。往來頻數而疾速也。神宗崩。光入臨。所至民遮道聚觀。馬至下得行。曰公無歸洛。留相天子。活百姓。光懼亟還。⑦後詔起光知陳州。宋陳州治宛邱縣。今河南淮陽縣。⑧高也。⑨天子居喪之謂。⑩便殿。⑪即明堂。光卒後。太皇太后與哲宗臨其喪。明堂禮成不賀。⑫贈死者之衣服也。古者斂衣外。別有庶襚。親屬僚友所致衣服。陳而不用。大斂後加于尸上。⑬播種後。以土覆之。

【諸家集評】朱晦菴曰祭溫公文止有子由好

王介甫祭范穎州文

嗚呼我公。一世之師。由初迄終。名節無疵。明肅之盛。身危志殖。瑤華失位。

又隨以斥。治功亟聞。尹帝之都。閉姦與良。稚子歌呼。赫赫之家。萬首俯趨。獨繩其私。以走江湖。士爭留公。蹈禍不慄。有危其辭。謁與俱出。風俗之衰。駭正怡邪。蹇蹇我初。人以疑嗟。力行不回。慕者興起。儒先會會。以節相修。公之在貶。愈勇為忠。稽前引古。誼不營躬。外更三州。施有餘澤。如醜河江。以灌尋尺。宿賊自解。不以刑加。猾盜涵仁。終老無邪。講藝絃歌。慕來千里。溝川障澤。田桑有喜。戎孽獯狂。敢齧我疆。鑄印刻符。公屏一方。取將於伍。後常名顯。收士至佐。維邦之彥。聲之所加。虜不敢頰。以其餘威。走敵完鄰。昔也始至。瘡痍滿道。藥之養之。內外完好。既其無為。飲酒笑歌。百城宴眠。吏士委蛇。上嘉曰材。以副樞密。稽首辭讓。至於六七。遂參宰相。釐我典常。扶賢贊傑。亂穴除荒。官更於朝。士變於鄉。百治具修。偷墮勉強。彼闕不遂。歸侍帝側。卒屏於外。身屯道塞。謂宜耆老。尙有以為。神乎孰忍。使至於斯。蓋公之才。猶不盡試。肆其經綸。功孰與計。自公之貴。廐庫逾空。和其色辭。傲訐以容。化於婦妾。不靡珠玉。翼翼公子。弊綈惡粟。閔死憐窮。惟是之奢。孤女以嫁。男成厥家。孰堙於深。孰鏗乎厚。其傳其詳。以法永久。碩人今亡。邦國之憂。矧鄙不肖。辱公知尤。承凶萬里。不往而留。涕洟馳辭。以贊醜羞。

【註音】(會)慈秋切(醜)想里切(賊)同賊(齧)音欺(獯)音制(蛇)讀作移(墮)同墮(闕)音遏(耆)音

苟(綈)音題(堙)音因(鏗)讀如乞(醜)音勞

【釋義】●范潁州。即范文正公。知青州。病甚。請潁州。未至而卒。●仁宗初年。莊獻明肅劉太后聽政。仲淹勸

明肅盡母道。明肅薨。惟勸仁宗盡子道。③仁宗廢郭皇后。令后出居瑤華宮。仲淹率諫官御史伏閣爭。不能得。貶知睦州。④時相呂夷簡引用多私。仲淹上百官圖。指其若此為序遷。若此為不次。由是忤夷簡意。罷知饒州。余靖上書救之。尹洙為訟寃。願同貶。歐陽修移書責高若訥不諫。二人均同貶。⑤忠貞貌。⑥雄也。⑦謂饒州。澗州。越州。⑧分也。〔漢書〕乃醜二渠以引其河。⑨狂犬。⑩齧也。⑪謂皮膚因傷而開裂也。以喻人民之疾苦。⑫遮壅也。⑬老壽也。⑭粗厚之織物。⑮填也。⑯刻也。⑰酒篘也。

〔諸家集評〕茅鹿門曰。荆公為人多氣岸。不妄交所交者。皆天下名人。故於其沒也。其文多奇崛之氣。悲愴之思。令人讀之。不能不掩卷而涕洟。

方望溪曰。祭韓范諸公文。此為第一。

王介甫祭歐陽文忠公文

夫事有人力之可致。猶不可期。況乎天理之冥漠。又安可得而推。惟公生有聞於當時。死有傳於後世。苟能如此足矣。而亦又何悲。如公器質之深厚。智識之高遠。而輔學術之精微。故充於文章。見於議論。豪健俊偉。怪巧瑰琦。其積於中者。浩如江河之停蓄。其發於外者。爛如日星之光輝。其清香幽韻。淒如飄風急雨之驟至。其雄辭閎辨。快如輕車駿馬之奔馳。世之學者。無問乎識與不識。而讀其文。則其人可知。嗚呼。自公仕宦四十年。上下往復。感世路之崎嶇。雖屯^{*}。遭困躓^{*}。竄斥流離。而終不可掩者。以其公議之是非。既壓復起。遂顯於世。果敢之氣。剛正之節。至晚而不衰。方仁宗皇帝臨朝之末年。顧念後事。謂如公者可寄以社稷之安危。及夫發謀決策。從容指顧。立定大計。謂千載而一時。功名成就。不居而去。其出處進退。又

庶乎英魄靈氣。不隨異物腐散。而長在乎箕山之側。與潁水之湄。然天下之無賢不肖。且猶為涕泣而歔歔。而況朝士大夫。平昔游從。又予心之所嚮慕而瞻依。嗚呼。盛衰興廢之理。自古如此。而臨風想望。不能忘情者。念公之不可復見。而其誰與歸。

〔註音〕（瑰）姑回切（琦）音奇（崎）音奇（嶮）音區（瘴）張連切（躡）音致

〔釋義〕●行不利也。〔易〕屯如遭如。●殆也。●箕山在河南登封縣東南。潁水源出縣東陽乾山。

王介甫祭丁元珍學士文

我初閉門。屈首書詩。一出涉世。茫無所知。援挈覆護。免於阽危。雖培浸灌。使有華滋。微吾元珍。我殆弗殖。如何棄我。殞命一昔。以忠出恕。以信行仁。至於白首。困厄窮屯。又從擠之。使以躓死。豈伊人尤。天實為此。有磐彼石。可誌於邱。雖不屬我。我其徂求。請著君德。銘之九幽。以馳我哀。不在醜羞。

〔註音〕（阽）音鹽（雖）同甕（擠）子計切

〔釋義〕●元珍。晉陵人。名寶臣。●近邊欲墮曰阽。故言危曰阽危。●一夜也。〔左傳〕為一昔之期。●大石也。

往也。

〔諸家集評〕茅鹿門曰情痛而吐辭激昂

王介甫祭王回深甫文

嗟嗟深甫。真棄我而先乎。孰謂深甫之壯以死。而吾可以長年乎。維吾昔日。執子之手。歸言子之所為。實受命於吾母。曰如此人。乃可與友。吾母知

子過於予初。終子成德。多吾不如。嗚呼。天乎。既喪吾母。又奪吾友。雖不卽死。吾何能久。搏胸一慟。心摧志朽。泣涕爲文。以薦食酒。嗟嗟深甫。子尙知否。

【註音】(搏)音博

【釋義】①回。福建侯官人。字深甫。

【諸家集評】劉海峯曰。受母命而爲友。哭友因以哭母。入骨之痛。

王介甫祭高師雄主簿文

我始寄此。與君往還。於時康定。慶曆之間。愛我勤我。急我所難。日月一出。疾於跳丸。南北幾時。相見悲歡。去歲憂除。追尋陳迹。淮水之上。冶城之側。握手笑語。有如一昔。屈指數日。待君歸船。安知彌年。乃見哭庭。維君家行。可謂修飭。如其智能。亦豈多得。垂老一命。終於遠域。豈惟故人所爲嘆息。撫棺一奠。以告心惻。

【註音】(船)音零

【釋義】①並仁宗年號。②在今江寧縣北。③小船之有窗牖者也。④終年也。

【諸家集評】茅順甫曰。奇崛之文。

王介甫祭曾博士易占文

嗚呼。公以罪廢。實以不幸。卒困以天。亦惟其命。命與才違。人實知之。名之不幸。知者爲誰。公之閭里。宗親黨友。知公之名。於實無有。嗚呼。公初。公志

如何。孰云不諧。而厄孔多。地大天穹。二*有時而毀。星日脫敗。山傾谷圯。三*人居其間。萬物一偏。固有窮通。世數之然。至其壽夭。尚何憂喜。要之百年。一蛻。四*以死。方其生時。窘若囚拘。其死以歸。混合空虛。以生易死。死者不祈。惟其不見。生者之悲。公今有子。能隆公後。惟彼生者。可無甚悼。嗟理則然。其情難忘。哭泣馳辭。往侑奠觴。

【註音】（穹）丘弓切（圯）音否（蛻）音稅

【釋義】●易占。致堯之子。撫州南豐人。●高也。●毀也。●凡蟲類所脫之皮曰蛻。人之脫去此身似之。

【諸家集評】茅鹿門曰悲感

吳至父曰層折無盡

王介甫祭李省副文

嗚呼。君謂死者。必先氣索而神零。孰謂君氣足以薄雲漢。今神昭晰乎日星。而忽隕背乎。不能保百年之康寧。惟君別我。往祀太乙。笑言從容。愈於平日。既至即事。升降孔秩。歸鞍在途。不返其室。訃聞士夫。環視太息。矧我於君。情何可極。具茲醪羞。以告哀惻。

【釋義】●北辰神名也。下行八卦之宮。每四乃還於中央。漢立太乙寺於甘泉泰畤。宋時尤崇祀之。建東太

乙西太乙中太乙各祠。●况也。

【諸家集評】茅鹿門曰有逸調有雋思

王介甫祭周幾道文

初我見君。皆童而幘^一。意氣豪悍。崩山決澤。弱冠相視。隱憂困窮。貌則侔年。心頽如翁。俛仰悲歡。超然一世。皓髮黧^{*二*}。分當先弊。孰知君子。訃我稱孤。發封涕洟。舉屋驚呼。行與世乖。惟君纒^{*三*}。弔禍問疾。書猶在眼。序銘於石。以報德音。設辭雖褊^{*四*}。義不愧心。君實愛我。祭其如歆^三。

【註音】（幘）音責（黧）音黎（鹹）音國（纒）音遣（纒）音捲（褊）畢緬切

【釋義】● 韜髮之中。● 黧。黑而黃也。鹹。面也。● 享也。

【諸家集評】茅鹿門曰。文多淘洗。字字琳琅。

王介甫祭東向原道文

嗚呼東君。其信然邪。溪仇友朋。奚怨室家。堂堂去之。我始疑嗟。惟昔見君。田子之自。我欲疾走。哭諸田氏。吾縻不赴。田疾不知。今乃獨哭。誰同我悲。始君求仕。士莫敢匹。洪洪其聲。碩碩其實。霜落之林。豪鷹雋鷗^{*三*}。萬鳥避逃。直摩蒼天。躡焉僅仕。后愈以困。洗藏銷塞。動輒失分。如羈駿馬。以駕柴車。側身墮首。與蹇^四同芻。命又不祥。不能中壽^五。百不一出。孰知其有。能知君者。世孰予多。學則同游。仕則同科。出作揚官。君實其鄉。傾心倒肝。迹斥形忘。君於壽食。我飲^{*六*}。豈無此朋。念不去彼。既來自東。乃臨君喪。闕^{*七*}。閔陰宮。梗野榛荒。東門之行。不幾日月。孰云於今。萬世之別。嗟屯怨窮。閔命不長。世人皆然。君子則亡。予其何言。君尙有知。具此酒食。以陳我悲。

【註音】（鷗）諸延切（鄣）音銀（闕）音祕

【釋義】①由也。②羈也。③鷲鳥。似鶴。羽色青黃。燕領鉤喙。向風搖翅。常擊鳩鴿燕雀食之。④駑馬。⑤安徽壽縣。⑥安石曾為浙江鄞縣令。⑦幽也。深也。⑧墳墓也。

【諸家集評】茅鹿門曰中多奇氣

王介甫祭張安國檢正文

嗚呼。善之不必福。其已久矣。豈今於君。始悼歎其如此。自君喪除。知必顧予。怪久不至。豈其病歟。今也君弟。哭而來赴。天不姑釋一士。以為予助。何生之艱。而死之遽。君始從我。與吾兒游。言動視聽。正而不偷。樂於飢寒。惟道之謀。既掾^{*}司法。議爭讞^{**}失。中書大理^三。再為君屈。遂升宰屬。能撓強^四。偏辨正獄訟。又常精出。豈君刑名。為獨窮深。直諒明清。靡所不任。人恍^五莫知。乃側我心。君仁至矣。勇施而忘已。君孝至矣。孺慕以至死。能人所難。可謂君子。嗚呼。吾兒逝矣。君又隨之。我留在世。其與幾時。酒食之哀。侑以言辭。

【註音】（掾）緣去聲（讞）音孽（偏）渠勿切（恍）音挑

【釋義】①安石子雱早死。②平議罪獄曰讞。③中書省。掌進擬庶務。宣奉命令。大理寺。掌折獄詳刑鞠讞之事。④梗戾貌。⑤偷也。

方靈皋宣左人哀辭

左人與予生同郡。長而客游同方。往還離合。踰二十年。而為汎交。已丑庚寅間。予頻至淮上。左人授徒邗江^{*}。道邗數與語。始異之。其家在龍山^二。吾邑山水奇勝處也。每語予居此之樂。而自恨近六十。猶栖栖於四方。予久寓

金陵亦倦游思還故里。遂以辛卯正月至其家。左山右湖。泉壤如沐。留連信宿。相期匝歲。定居於此。而是冬十月。以南山集牽連被逮。時左人適在金陵。急予難。與二三骨肉兄弟之友相先後。在諸君子不爲異。而予固未敢以望於左人也。壬辰夏。予繫刑部。左人忽入視。問何以來。則他無所爲。將歸。謂予曰。吾附人舟車不自由。以天之道。子無恙。尋當歸。吾終待子龍山之陽矣。及予邀寬法出獄。隸漢軍。欲附書報左人。而鄉人來言左人死矣。時康熙五十一年也。龍山地偏而俗淳。居者多壽者。左人父及伯叔父皆八九十。左人貌魁然。其神凝然。人皆曰當得大年。雖左人亦自謂然。而竟止於此。予與左人相識幾三十年。而不相知。相知踰年。而予及於難。又踰年。而左人死。雖欲與之異地相望。而久困窮。亦不可得。此恨有終極邪。辭曰。

嗟子精爽之炯然兮。今已陰爲野土。閉兩心之所期兮。永相望於終古。川原信美而可樂兮。生如避而死歸。解人世之糾纏兮。得甘寢其何悲。

【註音】(邪)音寒(陰)音蔭(纏)音墨

【釋義】①水經注作韓江。春秋時吳於邗江築城穿溝。以通江淮。後因名邗溝。今江南運河。自江都西北抵淮安二百七十里。即古邗溝水。②桐城東有大龍小龍二山。③水邊淤地。④一宿曰舍。再宿曰信。⑤書名。戴名世著中多訛。清語。采方孝標言。姓而不名。遂以爲靈泉。牽連被逮。因成大獄。⑥靈泉出獄後。入旗籍。⑦老也。⑧瘞。也。

方靈皋武季子哀辭

康熙丙申夏。聞武君商平之喪。哭而爲墓表。將以歸其孤。冬十月。孤洙^{*}至京師。曰。家散矣。父母大父母諸兄七喪。蔑以葬。爲是以來。叩所學。則經書能背誦矣。授徒某家。冬春間數至。假唐宋諸家古文自繕寫。首夏。予出塞。返役。而洙死已浹日矣。始商平有子三人。予皆見其孩提以及成人。長子洛。爲邑諸生。卒年二十有四。次子某。年二十有一。將受室而卒。洙其季也。憶洙五六歲時。予過商平。常偕羣兒喧聒^{*}左右。少長抱書從其父往來。予家。及至京師。則幹軀偉然。予方欲迪之學行。以嗣其宗。而遽以羈死。有子始二歲。商平生故家。而窶^{*二}艱迫阨。視細民有甚焉。又父母皆篤老煩急。家事凌雜。米鹽無幾微。輒生瑕釁。然卒能約身隱情。以盡其恩。而不愆於義。予每歎其行之難也。而旣羸其躬。復札^三其後嗣。嗚呼。世將絕而後乃繁昌者。於古有之矣。其果能然也邪。洙卒於丁酉十月十日。年二十有一。藁葬^四京師郭東江寧義塚。予志歸其喪。事有待。先以鳴予哀。其辭曰。嗟爾生兮。震愆。罹百憂兮。連延。蹇孤游兮。局窄。命支離兮。爲鬼客。天屬盡兮。煢煢^{*}。羌地下兮。相從。江之干兮。淮之汭^{*五}。翳先靈兮。日延企。魂朝發兮。暮可投。異生還兮。路阻修。孺子號兮。在室。永護呵兮。無失。

【註音】(洙)音殊(狹)子協切(聒)古活切(窶)郡羽切(藁)古老切(汭)音芮(煢)音瓊

也。
【釋義】①十日也。②貧陋也。貧不能爲禮謂之窶。③天死爲札。〔左傳〕民不夭札。④草葬也。⑤水之隈曲處也。

劉才甫祭史秉中文

嗚呼。我居帝里。闐^一寂寡聊。徐氏之自。得與子交。曠我畏我。諮我道義。六藝之玄。奇章逸字。旣我讀書。假子之廬。於子焉飯。歡然有餘。或提一觴。遠適墟墓。長松之陰。慘愴相顧。問我與子。胡爲其然。我不自知。子亦不言。凡今之朋。利名是賴。惟我與子。不營其外。我乖於世。動輒有尤。惟與子處。如疾斯瘳^{*}。如何今日。子又我棄。獨行煢煢。低顏失氣。自子云沒。寡妻去帷^二。皤皤^三二老。於何其依。子之奇窮。匪我能救。哭泣陳詞。惟心之疚。

【註音】〔闐〕曲械切〔瘳〕音抽〔皤〕音婆

【釋義】①謂京師。〔杜甫詩〕無錢居帝里。②再嫁也。〔漢李陵文〕生妻去帷。③言白髮老人也。

【諸家集評】姚氏曰琅然之音與退之爭長

劉才甫祭吳文肅公文

嗚呼。我初見公。公在內閣。皓髮朱顏。笑言磊落。追念平生。朋好游從。款款晚遇。石友之功。留我信宿。取酒斟酌。親布衾裯。權其厚薄。我生蓋寡。得此於人。而況公德。爵齒皆尊。公年七十。稱觴命坐。落落羣賢。其中有我。我謂公健。百歲可望。相見無幾。遽哭於堂。嗚呼。人之生世。遽然^{*}一夢。惟其令名。一世傳頌。死而不死。夫又何悲。爲知己痛。哭泣陳辭。

【註音】(獲)音渠

【釋義】①如金石之堅久也。②驚貌。

【諸家集評】姚氏曰：親布衾，裊權其厚薄，令讀者皆生感歎。

劉才甫祭舅氏文

維年月日。劉氏甥大櫬。謹以清酌庶羞之奠。致祭於舅氏楊君穉棠先生之靈。嗚呼舅氏。以君之毅然直方長者。而天乃絕其嗣續。使煢煢之孤魄。依於月山之址。櫬不肖。未嘗學問。然君獨顧之而喜。謂能光劉氏之業者。其在斯人。吾未老耄^三。庶幾猶及見之矣。嗚呼。孰知君之忽焉以歿。而不肖之零落無狀。今猶若此。尙饗。

【釋義】①〔易〕直方大。②孤獨貌。③八十九十日耄。見〔禮記〕。

中華民國二十四年九月初版
中華民國三十年十月二版

版權所有 不准翻印

發行所

上海及各省

世界書局

注釋者 出版者 發行者 印刷者

宋晶 章榮 國學整理社 陸高誼 世界書局

世界書局有限公司代表人

廣古文辭類纂(全二册)

實價國幣七元

外埠酌加運費匯費

國家圖書館



001685124

